

du haut



JO: FACUNDI RAULIN
CÆSARAUGUSTANI

*Ordinis Eremitarum S. AUGUSTINI Ex-Generalis,
atque Hispaniarum Indiarumque Assistentis:*

HISTORIA
ECCLESIAE MALABARICÆ
CUM

DIAMPERITANA SYNODO

Apud Indos Nestorianos, S. THOMÆ
Christianos nuncupatos

COACTA

AB ALEXIO DE MENEZES

Augustinensi An. Dñi MDXCIX.

Nunc primum e Lusitano in Latinum versa

CUI

*Accedunt, cum Liturgia Malabarica, tum Dissertationes
variae: omnia perpetuis animadversionibus illustrata.*



ROMÆ, MDCCXLV.

EX TYPOGRAPHIA HIERONYMI MAINARDI.
SUPERIORUM FACULTATE.

THE UNIVERSITY OF CHICAGO

DEPARTMENT OF THE HISTORY OF ARTS

CHICAGO, ILLINOIS

RECEIVED

1950

1950

1950

1950

1950

1950

1950

Sanctissimo Domino Nostro

B E N E D I C T O P A P Æ X I V.

F. JO: FACUNDUS RAULIN AUGUSTINENSIS
F E L I C I T A T E M.



Q UOD AURELIUS PRUDEN-
TIUS Civis meus olim
cecinit, Deum æquis oculis, bonoque
vultu Hispanos aspicere ^(a); si unquam
a 2 alibi

(a) Aurelius Prudentius, su IV. *Hispanos Deus aspicit be-
Peristephan. Hymn. X. ver- nignus.*

alibi , id maxime experimento didici ,
BEATISSIME PATER , cum me ab Iberis oris
Romam advectum , atque ad tuos pro-
volutum pedes , adeo humaniter excepi-
sti , ut quidquid laboriosi itineris percur-
reram , amicorum & nativi Coeli jactu-
ram , denique incommodum omne , hac
una mercede , mihi abunde repensum exi-
stimaverim . Quem enimvero non mirifi-
ce recreet singularis Clementia tua quam
cum Majestate ita conjungis , ut altera al-
teri nihil detrahat , & utramque suavi tem-
peramento componens , non aliter super-
cilii gravitatem quodammodo exuere vi-
dearis , quem ut Optimi Principis partes
cumulatissime impleas . Neque id solum
cum ad tuos pedes primum accessi , ex-
pertus fui , sed quoties per sexennium
accedere , tuoque alloquio frui , mihi li-
cuit (licuit autem sæpius) toties comi-
tatis tuæ , atque affabilitatis novum ali-
quod certissimumque argumentum acce-
pi . Quamobrem ut aliquo officiorum
genere , quam tibi obstrictus sim palam
face-

facerem , meique erga te obsequentis gratique animi monumentum aliquod , Posteris consignarem , Diamperitanam Synodum toto Oriente celeberrimam , ex Angelicæ Bibliothecæ pluteis erutam , & ex autographo Lusitane conscripto , a me latine redditam , TIBI , ut par erat , nuncupare decrevi : quod opusculum tamen , non antea dignum reputavi , quod tibi inscriberetur , quam postquam me in tuam clientelam susceptum , amplissima beneficentia tua cumulasti : quo factum est , ut quot beneficia in me contulisti , tot titulis tuum esse , atque inde multum illi pretii , ac splendoris accessisse intelligerem .

Verum non solum Benignitas tua plane eximia , sed opusculum ipsum in causa fuit , ut id consilii caperem ; quod quidem , non scriptio , quæ mea est , sed ipsa rei gravitas dignitasque postulabat . Quæ gesta siquidem sunt in Diamperitana Synodo , eorumque cum posteriorum Pontificum Decretis mira
con-

consensio, ejusdem Synodi Historica narratio, Dissertationes aliquæ annexæ, de Apostolatu SANCTI THOMÆ, de illius sepulcro, sacrisque Lipsanis, de religione, ac moribus Christianorum, qui SANCTI THOMÆ nuncupantur, vindiciæ Synodi adversus Heterodoxos, aliosque Obloquentes, Indicæ Dioceseos descriptio, & Præfulum, qui eam administrarunt series, porro erant gravissimæ res, atque dignissimæ quæ sub tuis auspiciis publica luce fruerentur: neque id quisquam negaverit, qui non solum dignitatem, auctoritatemque tibi, aliisque pro tempore Christi Vicariis impertitam noverit, sed etiam acrem ingenii tui vim, eximiam doctrinam, omnigenam literaturam, & quod ad rem nostram facit, miram eruditionem, quam in Malabarensibus, totiusque Indiæ ritibus dignoscendis, abunde ostendisti; dexteritatem postremo omni tempore paratissimam, in iis quæ a recta sinceraque Ecclesiæ disciplina deflectunt, instaurandis, reparandisque.

Neque

Neque silentio prætereundum hic, quod cum de instituendis Indis, confirmandisque in vera Christi Religione ageretur, & multæ, eæque acerrimæ controversiæ subortæ essent, tibi sanctæ Generalis Inquisitionis Consultoris munus, tunc temporis obeunti, hæc provincia, a felicitis recordationis CLEMENTE XI. demandata fuit, tibi que commissum, ut rem totam, ea qua polles mentis perspicacitate, introspiceres, rationum momenta, quæ in utramque partem afferebantur, ad trutinam revocares, ac de iis omnibus rite expensis, & ordine suo digestis, Sanctam Sedem certiore redderes. Tunc, quod tui muneris erat, Malabarensium superstitiones, ritusque exoticos, & a vera, quam antiquitus profitebantur, Christi religione abhorrentes, ad quos evellendos opera ALEXII MENESEII, Augustinianæ Familiæ Alumni meritissimi, fuit Synodus celebrata, penitus versasti, dictæque Synodi autographum, non semel attente perlegisti summa illius gentis utili-

ta-

tate. Hinc postquam CLEMENS XI re nondum perfecta obiit, ejus Successor INNOCENTIUS XIII inter plures lectissimos Viros, quos eidem muneri præfecit, te pariter appositissime delegit. Sed brevi tempore hoc etiam e vivis sublato, BENEDICTUS XIII Familiæ Prædicatorum præclarissimum decus, tuis laboribus & experientia usus, Indorum religioni, ac ritibus, sapientissime juxta atque opportunissime prospexit.

Quæ cum ita se habuerint, consecrarium plane erat, ut qui hac in re insigne, operam tuam, aliis Prædecessoribus tuis sedulo impenderas, deinde Bonorum omnium gaudio, ad Summi Pontificatus apicem evectus, eandem promoveres, atque in id totus incumberes, ut quam citissime, quæcumque ad Sacramentorum dogmata, ritus, disciplinamque stabilendam; quæcumque ad Indorum ethnicas superstitiones, vanosque ritus propulsandos attinerent, summo, maturoque judicio expenderes, æquissima Sanctuarii lan-

ce

ce librares ; demum quid in Regionibus illis sentiendum esset, atque sequendum, peculiari edita Constitutione stabilires. In qua, admirabilis Sapientia tua, ac Pastoralis sollicitudo, maxime enituit ; ac tanta fuit illius cum Decretis Diamperitanæ Synodi, tamque arcta concordia, ut Spiritus Sanctus, qui Spiritus unitatis est, & pacis, per Diœcesanam Synodum, Apostolicæ sanctionis, rudimentum aliquod ponere, eique proludere quodammodo visus fuerit.

Opus itaque hoc qualecumque, Te Patronum, & vindicem, sibi jure suo, omnino postulabat ; ita ut nisi ad id me tua Beneficentia impulisset, adhuc ne operi ipsi, tibi que injuriosus forem, illud Tibi nuncupare debuisssem. Quod unum ergo superest, hoc observantiæ meæ, & grati animi monumentum sic accipe, ut si quos errores in hocce opusculo obrepisse animadvertas, qua soles humanitate excuses, eidemque gloriosissimum, quod præfert Nomen tuum, sit

b

con-

contra obtrectatores præsidium munitissimum ; sincerum vero demissi animi obsequium , quod in ipso continetur , & in quo certe errare non potui , plene approbes , & amplectaris . Hoc sane quidem est , tuæ Dignitatis , ac Beneficiæ erga me tuæ plane impar , sed quidquid pretii ipsi deest , diuturnitate rependam . In Hispaniam enim regrediens , ubique comitatem tuam , Beneficiam , ceterasque animi tui dotes egregias deprædica-
bo , & quoad vixero , quibus me cumula-
lasti , beneficiorum memoriam nulla unquam delebit oblivio . Interim a Summo bonorum omnium largitore , Tibi atque adeo Ecclesiæ universæ , felicitatem omnem , enixe apprecor , tuisque pedibus , paternam postulans benedictionem , me atque mea supplex advolvo .

MONI-

MONITUM AD LECTORES.



Uam ex antiquissimis Sancti Thomæ in India Orientali Christianis, coegit olim Diamperitanam Synodum, Alexius de Menezes, Augustiniana nostra Familiæ illustris Alumnus, in vetustis, ac pene obsoleti Lusitani sermonis latebris diu abditam, ac per me ultimis hisce temporibus latine versam en tandem in publicam lucem profero. Ut opus hoc sane arduum aggredider incitamento fuerunt sacra eruditione pollentes, Viri non pauci, cum domestici, tum extranei; e quibus duos, honoris gratia, potissimum memoro; eximium nempe, ac toto orbe literario celeberrimum scriptorem, Ludovicum Antonium Muratorium, qui in suis ad me humanissime datis asseribat, me in excudenda Diamperitana Synodo Rem gratissimam Italis saltem facturum, etiam si alias (quod non constabat) ab alio fuisset latinitate donata; apud quos vix aliquod ipsius exemplar Lusitanum reperire liceret. Et Hieronymum Augustinum Zazzeri, Virum omnigena eruditione conspicuum, Italia Ex-Assistentem, Cong. Sac. Rituum Consultorem, in Archigymnasio sapientiæ Urbis, sacra Scripturæ interpretem ac de nostro Religioso Ordine optime meritum; qui zelo nostri cætus decus ampliandi, quam maxime incensus, & egregiis Menezæi virtutibus, rebusque gestis, mirifice captus, susceptum a me onus commendavit, atque ad illud sustinendum me domesticis, atque adeo assiduis hortationibus confirmavit. Illud etiam accedebat, quod cuncti Conciliorum eruditissimi Editores, nostram Synodum vehementer expetebant, & satis

*diu inani cura quaeritabant. Ejusmodi enim ea est; ut cum in Collectionibus Labbeana, Sirmondiana, Baluziana, & Har-
duiniana haecenus desideretur, non mediocris per illam lucis,
accessio, praestantissimis operibus fieri possit; Nec parum al-
liciebat, ad id laboris urgendum, quod cum hoc elucubra-
tionum genus, praesentis temporis disciplina, atque erudito-
rum palato, congruere videretur, rem non illis ingratam
me facturum arbitrarer; spe demum uberrimi fructus, ac
utilitatis, ad improbum laborem excitabar.*

*Hec quantum ad scribendi causas, & quae scripseram
promulgandi: quod vero attinet ad Synodum, non ea est, quae
ut primo obtutu quibusdam fortasse videbitur, sit inter Dia-
cesanas parvi momenti recensenda. Nemo profecto in Ecclesia-
sticis studiis, vel mediocriter versatus, hanc nisi Nationalem
existimaverit; immenso enim sexdecim seculorum spatio,
nulla, hanc unam si excipias, ab illa vetustissima Indorum
Orientalium Ecclesia, habita Synodus est orthodoxa; univer-
sa item Natio, in hac Diamperitana Synodo convenit. Indi-
cta etiam est atque celebrata, jussu Clementis VIII. cujus
egit vices, legatus atque Praeses, Alexius Meneffius Indiae
Orientalis Primas, & Archiepiscopus Goensis. Si rursus in
ea dogmata spectes, plenissimi atque accuratissimi Catechismi
doctrinam complectitur; si disciplinam aut mores; omnium
Conciliorum nucleum continet; si tandem Decreta, & San-
ctiones percurras; cuncta eaque gravissima, summa pruden-
tia, doctrina atque solertia discussa, stabilita, librata tan-
dem comperies. Quid plura? Res affert novas, quas in aliis
Conciliis frustra requiras; si ergo verum habetur illud,
quod omnia nova placent, nulli displicebit, Indorum Ma-
labarensium Ecclesiasticos libros, liturgiam, ritus, ma-
resque cognoscere. Quamobrem, quanta ex hac Synodo,
adjungenda sit Ecclesiastica disciplinae lux, quis non videat?*

*Porro, Nestorianorum in primis tum veterum, tum
recentiorum deliramenta, eorumque cognitio, vix aliunde
clarius, quam ex hoc fonte, peti ac hauriri potest. Quodque*

nostrorum temporum Heterodoxi Angli, Batavi, & Dani, per horum Sancti Thomae Christianorum veteres ritus, in Catholicos moluntur (irrite quidem, sed moluntur tamen) nempe Sacramenta Confirmationis, Penitentiae, Extremae Unctionis, usum etiam multiplicis Sacri Olei, & Aqua lustralis; cultum Imaginum, & si quae sunt alia, omnia inducta a nobis, nova esse in Ecclesia Dei; id apprimè in illos invertitur ac retorquetur, sola Synodi genuina evulgatione, ut plene in ejusdem Vindictis constabit. Hoc Geddesius, Crozaus, alique Pseudodoxi, ex nostrae Synodi tractatione praevidentes, illam, ut solent plerumque, qui a recto fidei, & rationis tramite deviarunt, quum non valeant in suas partes trahere, probris laceßere, & omni contumeliarum genere labefactare conantur. Vident enim, hac perfectum iri, ut suis erroribus, ne in Indiis quidem, id est in ultima Thule, ubi extremum perfugium aliquando quaeritaverant, requiescere tuto liceat; atque adeo ab universa Orbe depulsis, locus nullus, ubi sedes desigant, reliquus sit; nisi fortasse in spatia illa imaginaria confugiant, sedes nimirum delirantibus non omnino incongruas.

Opus ergo tatum, sic in suas veluti partes distribuam. Primo brevi oratione perstringam pauculas notiones, quae Alexium de Menezes Synodi Praesidem, ejus ingenium ac mores, vobis fideliter exprimant, ac Virum tantum, & Religiosum, & zelo Dei plenum, & de Catholica Religione optime meritum, suis lineamentis adumbratum exhibeant; sequentur elogia aliquot Virorum Illustrum, quae Synodum ejusque Praesidem Alexium, amplissime commendant. Historiam deinde Synodi attexam, & in ea ita agam de antiquissima Christianorum Sancti Thomae origine, incrementis, secessione, & reductione; ac pro re nata de recentium Nestorianorum fraudibus, dolis versutisque; ut plene de rebus tam longinquis, impeditisque, cognoscere quisque possit.

Synodus ipsa quarta loco afferetur, e Lusitano ipso Archetypo, edito Conimbricæ anno 1606. septem post Synodum

an.

annis, ab Illustrissimo Augustinensi Antonio de Gouvea Patriarcha Armeniæ, & Episcopo Cyrenense; qui Iter Meneffianum accuratissime descripsit, ut e testimoniis veridicis, & schedis commentariisque Alexii ipsius, acceperat, ex illo Lusitano, pene obsoleto sermone, per me Deo adjuvante in Latinum conversa, tanta diligentia tamque sincera fide, ut, nisi forte quod humanum est, fallor, exemplar exacte autographo respondere, non diffidam. Quo fiet, ut ampla, recludatur via, per quam, ut jam attingi, tuto liceat, & antiquos & novos Nestorianorum errores detegere ac refellere, atque ipsorum libros, & codices discindere. Nec sane injucundum fore Catholicis omnibus puto, quodammodo præoculis habere amplissimum triumphum illum, quem ex miseris illis Christianis, ad avitam Religionem, a qua mille circiter annos, divulsi schismate fuerant, Meneffii studio revocatis, Romana Ecclesia reportavit.

Sequitur Liturgia, quæ potissimum apud eas gentes erat in usu, ex Syriaco idiomate in Latinum translata; quod munus Synodi tempore, cum Europæis in eo sermone versatis, tum Cassanariis illius Diæceseos, Alexius commendaverat. Hanc damus Præfatione illustratam, nec non animadversionibus, & notis apologeticis munitam. Ea tamen talis non est qualis antiquitus, & ante Synodum, ab illis Nestorianis usurpabatur; sed a Synodo emendationibus castigata; quas castigationes tamen si prætermittas, & in ipsarum locum quæ in ima pagina adnotantur substituas, Liturgiam integram ac sinceram, quod plures eruditi Viri exoptabant, habebis. Eandem Liturgiam Renaudotius, & Le Brun exhibent; mutilam tamen atque deturpatam. Et quamquam Renaudotius præsertim suam jactet versionem, ut nostram deprimat; quasi ab hominibus adornatam, non admodum Syriaco sermone pollentibus; tamen pro certo habendum, ut mox inferius patefiet; non ejusmodi esse Renaudotium, ut cum aliquo illorum, de eruditione linguæ Syriacæ, contendere valeat.

Dissertationes variae proxime accedunt; quarum prior
infi-

instituitur ; De Apostolatu Sancti Thomæ , sub quo communi titulo sequitur secunda ; De Apostoli Thomæ , martyrio , sepulcro , Reliquiis , & translationibus corporis .
 III. *De Religione ac moribus Christianorum S. Thomæ .*
 IV. *Continet Vindicias Synodi , adversus Crozæum .*
 V. *Pertractat de Diœcesi Indica , ejusque Præfulum serie .*
 VI. *Et ultima ad instar appendicis EMMEAEIA inscribitur*
 & *Consensio Synodi Diamperitanæ , cum posterioribus Apostolicis Constitutionibus .* *Has excipit Syllabus vocum exoticarum , e multiplici peregrino idioma Malabarico , & Lusitano ; aut etiam ex utroque mixto Hebraico , Græco &c. : quo fiet , ut ubi ejusmodi offenderis voces , præsto earum explicationem habere possis .*

Notis etiam sive animadversionibus , & quidem perpetuis , totum opus illustratur ; quæ si aliquibus plures quam oporteat , & aliis pauciores ; nonnullis etiam jejuna videantur ; id criminis benigne a cordatis Viris excusabitur , quod studio inserviendi , variis & inter se pugnantibus hominum ingeniis , obsequiose commisi . At earum nonnullæ reponent aliqui , Satyram olent ; obtrectatores hujusmodi , siqui fuerint meminerint ; me toto opere , Apologema pro Synodo , atque disciplina Romanæ Ecclesiæ , adornare voluisse ; sicuti autem nihil alienum magis est a meo ingenio ; ut Religiosum hominem decet ; quam alios gratis laceßere ; ita nihil mihi antiquius jucundiusque est , quam fidem atque Ecclesiæ Romanæ Sanctiones , ac disciplinam , acriter pro mea virili parte sustinere : quæ disserendi ratio langueret penitus , atque legenti oscedinem induceret , nisi urbanis salibus identidem aspergeretur .

Fortassis etiam non nemo , de eo mecum expostulaverit , quod contenderim in aliquibus notis , Synodi Decreta , sanctionibus Ecclesiæ Occidentalis , cujus disciplina ex diametro opponitur illi , quæ a Diamperitanæ Synodo statuitur , irrito conatu roborare : sed non id in animo habui , nec alia de causa contrariam doctrinam , apud nos vigentem apposui , quam

ut

ut res utrobique sancitas, vel adiaphoras esse probarem, vel etiam Romanæ Ecclesiæ disciplinam præ Orientali illa amplectentibus, fontes e quibus illa profluxit, & ad quos confugerent si opus esset, illis indicarem.

Obloquutores etiam hic prodere, qui nostram Synodum ejusque Præsidentem Menessum, quasi ad id mercede conducti, diris omnibus devovent, operæ pretium arbitramur. Alter est acatholicus Crozeus, ac præ ceteris effrons; alter Renaudotius; cui proxime succedit Le Brun; qui autem priorem appelloverit, adversarium invidum, atque fanaticum; alterum ab illo, literatorem gloriosum, & imperitum; tertium tandem, caculam Renaudotii, ejusque congerronem, hujus fursuris Homines paucis verbis graphice describet.

Quia tamen adversus libellum Crozei, de Christianismo Indorum, peculiaris Dissertatio instituitur, in Synodi vindictis; Renaudotius item & Le Brunus quamquam non pro merito, pluribus in locis castigantur; ab iisdem oppugnandis, nunc supersedeo. Piaculum autem inexpiabile committerem, si in antecessum, quanta fuit Renaudotii in linguis Orientalibus peritia, cujus ostentandæ cupidine, vehementer prurit; omnium oculis non subjicerem. Atque ita fiet, ut omnes animadvertant, non multum fidendum esse ipsius testimonio; si alucinari eo duce nolunt.

Et quidem etsi plura possem, ipsius sphalmata, in medium adducere, paucis tamen contentus ero; ex iis enim quilibet, quantum sibi ab ejus suspecta fide cavere debeat, probe tenere poterit. Principio igitur; quæ illi linguæ Syriacæ peritia, aut eruditio esse poterat, qui nesciens prorsus, quid significaretur hac vero: Tabelita, aut Thobonita Dignitatem aut titulum Oecumenici vel universalis Antistitis, cum nomine proprio confundit? Is plane est clarissimus Renaudotius; ut annotavit Assemanus in sua Biblioth. Orient. tom. 1. pag. 274. Quis sibi Præceptorem in lingua Arabica eum deligat, qui piissimo aureo libello Thomæ à Kempis, quem Arabice versum invenit, hunc illi titulum præfixit la-

tinam : Historia Prophetarum Mahometanorum ? *Quanti ergo facias hominem , qui in ridiculum hunc turpissimumque errorem prolapsus est , cum Catalogum Codicum Orientalium , ornatissima Bibliothecae Mediceae conficeret ? Quapropter ipsum meritiissimo , hoc exornat elogio Archiepiscopus Apameae Stephanus Euodius in elegantissimo ipsorum Codicum Catalogo , quem accuratissime exaravit , ac typis edidit Florentiae anno 1742. in Præfat. pag. XI. suppresso ipsius nomine , sic de eo loquitur Confecerat Catalogum , sub Cosmo III. scriptor nescio quis , homo linguarum Orientalium , præterquam Syriacæ , cujus aliqua tinctura imbutus erat , plane rudis atque ignarus , qui ausus est etiam confingere interpretationes quas voluit ; easque adeo quidem monstruosas atque alienas , mirandum ut valde sit , ita eum audacter atque secure imponere ceteris voluisse . Hunc quem Impostoris nomine , jure multat instructissimus in linguis Orientalibus Judex iste atque Censor , Renaudotium esse & de illo loquutum fuisse Cl. Apameensem , certissimo comperi testimonio . Renaudotius etiam ipse est , qui in Histor. Patriarchar. Alexandria. Benassalum , Auctorem Fundamentorum fidei distinguens a Collectore Canonum , hanc Collectionem , cuidam Benassali Fratri Germano attribuit ; qui nusquam gentium extitit , nec alium Parentem agnoscit , quam alucinationum secundissimum , Renaudotii cerebrum . Ne tamen amplius , in ejusmodi recensendis , legentem distineam ; quid profectus , sperari potest ab eo , qui linguas Arabicam , & Syriacam discernere nescit ? Hac vero ignorantia laborasse Renaudotium ex eo liquido constat quod loquendo , de opere Georgii Bar-Hebraei , qui & Abulpharagius , cui titulus : Horreum Mysteriorum ; tom. 2. pag. 47. ait illud extare in Bibliotheca magni Etruriæ Ducis exaratum Arabico sermone , quamquam Syriacis characteribus scriptum ; cum aliunde certissime constet , laudatum Codicem characteribus quidem Syriaco exscriptum esse ; non vero Arabico sermone exaratum , sed Syriaco ; unde liquido fit , versatissi-*

num in linguis Orientalibus Renaudotium, distinxisse quidem Syriacos, ab Arabicis characteribus; idioma autem Arabicum a Syriaco, distinguere, prorsus nescivisse.

Sed quod maxime miramur est; huiusmodi hominem, tantum sibi peritiæ, in iis rebus arrogare, ut quoscunque alios de inscitia expostulet, atque deprimat; Synodi Diamperitanae Patres, sive Europæos, sive Indo-Syriacos; indoctos imperitos, & tantum non stipites, aut fungos appellet; & hospites admodum, eosdem in lingua Syriaca fuisse asserat; & Meneshum plurimis conviciis proscindat; Virum ceteroqui eximium; quasi imperitissime cuncta disposuerit, acriter redarguat. Quod etiam si verum esset, ob ignorantiam Orientalis eruditionis, qua ævo Meneshi, cuncti Occidentis homines, laborabant, comiter atque liberaliter, ut tantum Virum decebat, excusare debuisset; secumque tacitus reputare; in quot ipse errores, incurrisset si eo seculo, locum & dignitatem Meneshi obtinuisset; quandoquidem in literatissimo illo, quo ipse florebat, multis insuper auxiliis sibi comparatis; Præceptore etiam Presbytero illo Babylonico, cujus versiones, & descriptiones tanquam proprias venditans atque typis edens, plurimum sudavit, & alfit; parum adeo profecit, ut ex allatis apertissime evincitur? Ceterum surdo canitur: ferulam Syriaci sermonis gloriosus Magister, ac Interpres stringit: Miserationes (ait tom. 2. Liturg. p. 580.) posuimus, ubi illi (Patres Diamperitani) amores verterrunt, ridicule prorsus: illos quicumque fuerint, Syriacæ linguæ parum peritos fuisse, multis indiciis agnoscitur. Auderetne ita loqui Lbedjesus Sobensis, aut Syrorum alius, etiam eruditissimus? Modestiam certe laudandam! In iis autem non secus, ac in laudatis locis cæcutit, ac destipit; cum enim ex eadem radice derivetur, Rehem quod est, Dilexit; Amavit; & etiam: Rahem; id est, In visceribus habuit; Misertus est; utroque modo recte, ac ex Pthemate Syriaco, cuilibet dubatur illius verbi interpretandi, vertendique copia. Immo ex radice Hebraica מרחם ex qua fit Mifer-

reti

reri & Amare ; ut licet videre , apud Sanct. Pagnin. in Lex.
 ic. Hebr. colum. 2697. Fit etiam Verbum , Riham
 Pibel activo ; quod explicat doctissimus Marinus Brixienfis
 in sua Arca Noe , omnino ad mentem Synodi Diamperitane :
 Totis visceribus , amore aliquem prosequutus est , includit
 enim hoc verbum , duas actiones ; amandi & commise-
 randi ; & quidem illam tanquam miserationis causam ;
 ut ergo vis utriusque actionis , exprimerent Patres Diampe-
 ritani , congruentius , mea sententia , verbum illud nobis
 latine reddiderunt , pro to Amores ; in quo miserandi affe-
 ctio continetur .

Habetis eruditissimi Lectores , totius Operis Oecono-
 miam , & ideam ; vestrae humanitatis erit , illud auctorita-
 te , & approbatione vestra fultire .

FR. FELIX LEONI

A JUVENATIO

*Sacra Theologia Magister totius Ordinis Fratrum
Eremitarum S. P. Augustini Prior Generalis.*

CUM opus, cui titulus est: *Historia Synodi Diamperitana &c. ab
Admodum Rev., ac Eximio Patre Magistro Fr. Joanne Facundo
Raulin Hispaniarum Assistente* summa cum laude, & solertia elabora-
tum, & constructum a duobus Religiosis Viris ad id specialiter a Nobis
deputatis fuerit jam revisum, & approbatum, idcirco Nos tenore præ-
sentium, nostrique muneris auctoritate, facultatem, quantum ad Nos
spectat, facimus, ut typis dari, in publicamque lucem prodire possit, &
valeat, dummodo cætera servantur, quæ in Legibus Ordinis, atque
Constitutionibus Apostolicis hac de re sancita sunt. Et non aliter &c.

Dat. in Conventu nostro S. P. Augustini de Urbe die 30. Aprilis 1745.

F. Felix Leoni Generalis.

Nostri numeris aff. Sig.
Mag. Fr. Angelus Maria de Orgio
Ordinis Secretarius

Reg. lib. 6.

IM-

IMPRIMATUR,

Si videbitur Reverendissimo Patri Sacri Palatii Apostolici
Magistro .

F. Maria de Rubeis Archiep. Tharsi Vicefg.

APPROBATIONES

DE Mandato Reverendissimi totius nostri Ordinis Præfulis legi *Historiam Synodi Diamperitanae cum versione latina ejusdem Synodi opera, & Audio R. Adm. P. M. Joannis Facundi Raulin pro Provinciis Hispaniarum, & Indiarum Assistentis Generalis elucubratam*. Cumque nihil in ea deprehenderim, quod Orthodoxæ Religioni, aut bonis moribus adverfetur, dignam censeo, quæ publici juris fiat.

Datum in Conventu S. P. Augustini de Urbe hac die 15. April. 1745.

*Fr. Joannes Andreas Onofri
Proc. Gen. Ord.*

JAmdiu est, ex quo plerique omnes Ecclesiasticæ eruditionis amantes, quibus suboluerat pretium, & utilitas Diamperitanæ Synodi apud Indos Orientales, a Clarissimo Viro F. Alexio de Menezes Archiepiscopo Goano, & Indiarum Primate coactæ, & non sine magnis laboribus, immo nec sine præsentis vitæ discrimine celebratæ, summis votis optabant, ut eadem Synodus e Lusitano idiomate in latinum verteretur; quo ejusdem statutorum præstantia esset omnibus pervia. Sed a quadraginta supra centum circiter annis ad hæc usque tempora nullus fuit, qui de publico, & Ecclesiæ bono sollicitus hanc sibi provinciam assumeret, ut communem illam doctorum hominum expectationem impleret. Gratulandum nobis propterea est nostrorum temporum felicitati, quod tandem aliquando a Viro Doctissimo, & eruditissimo id fuerit tentatum, ac magna cum laude perfectum: nimirum ab A. R. P. Magistro Fr. Joanne Facundo Raulin in Cæsaraugustana Academia S. Theologiæ Professore

re

re, Provinciarum Aragoniæ, Valentiniæ, & Cathaloniciæ, non ita pridem Moderatore, Provinciarum Hispaniæ, Indiarum Assistente; qui non solum laudatam Synodum, ejusque acta scite, & religiose in latinum transtulit; sed etiam utilissimas notas, atque eruditissimas Dissertationes adjecit, aliaque huic tempori congruentia addidit, quæ doctrinæ in Diamperitana Synodo contentæ, cum nuperis Romanorum Pontificum Constitutionibus concianitatem, egregie demonstrant. Quæ omnia cum semel, & iterum magna cum voluptate degustaverim; ac insuper supremo nostri Sacri Ordinis Præsule demandante, mature, ac sedulo expenderim, in eam sententiam facile descendi, in magnam Eximii interpretis, & Auctoris laudem, in majus nostri Instituti decus, in maximum Catholici Religionis emolumentum, fore cessurum, si omnes istæ lucubrationes in publicam lucem deducantur. Ita sentiebam Romæ in Divi Augustini hac die 30. Aprilis 1745.

Ego Fr. Hieronymus Augustinus Zazzari Arretinus in Romano Archigymnasio S. Scripturae interpres, Academia Theologica Censor, & Sacra Rituum Congregationis Consultor.

Joannes Maria Camporeus Societatis Jesu, ex Collegio ejusdem Societatis S. Crucis olim Vaipicotæ in India Orientali sito; Epistolam die 28. Novembris anno 1599. scripsit, in qua res ab Alexio de Menezes Archiepiscopo Goano, & Indiarum Primate, in Concilio Diamperienti ad Catholicæ Religionis augmentum, & hæreseos Nestorianæ extirpationem, prælare gestas, debitis laudum præconiis exornat. Hanc Epistolam primum quidem Antonius Possevinus, in Apparatu ad Bibliothecam Sacram; deinde vero Labbeus, & Cossartius in amplissima illa Conciliorum Collectione, inserendam censuere, ut, quoniam Acta ipsa celeberrimi, vetustissimæ illius Indiarum Christianæ Chaldaicæ nationis Concilii, in India, & Lusitania sic latebant, ut neque a Latinis legi, neque in publicam lucem emitti possent; historicam saltem ejusdem Concilii Epitomen Sacræ Antiquitatis studiosi haberent, ex qua tamquam ex ungue Leonem, cognoscerent, incomparabilem Goani Præsulis diligentiam, & quid ab ipso fere Lusitanorum in Indias appulsu, pro Christiana religione propaganda, & disciplina Ecclesiastica restituenda, Reges, Præsules, ac Religiosi ejusdem inclytæ Lusitanicæ gentis, summo cum fidei nostræ progressu egerint. Debemus clarissimo viro R. P. Magistro Joanni Facundo Raulin, in Casarugustana Academia Sacra Theologia professori, Provinciarum Hispania, & Indiarum Assistenti; quod tandem aliquando Synodum ipsam Diamperientem ejusque Acta, & Canones, e tenebris eruens, doctissimis notis atque Dissertationibus illustraverit, idque effecerit, ut non modo sitis eruditorum expleta sit, sed os etiam hæreticorum obturatum, qui ex vitiatis, vel male intellectis quibusdam ipsius Synodi Canonibus, errores suos ab antiqua illa Christianitate propugna-

ri,

ri, nostramque Catholicam doctrinam infringi somniarunt. Hæc ego, quum jussu Reverendissimi Patris Sacri Palatii Apostolici Magistri, summa cum animi voluptate legissem, in eam statim ivi sententiam, præclarum istud opus doctis Viris maximo usui futurum, ut: perspectis tam antiquis Christianorum Indiæ placitis, & aniles Gentilium hæreticorumque fabulas reffellant, & Catholicæ religionis dogmata confirment.

E Bibliotheca Vaticana Idibus Maii 1743.

*Joseph Simonius Assemanus Bibliotheca Vaticana Professor,
& Sacrosanctæ Basilicæ Principis Apostolorum de
Urbe Canonicus.*

Diamperitanam Synodum labente seculo XVI. a religiosissimo, ac doctissimo inclyti Ordinis Eremitarum S. Augustini Alumno Fr. Alexio de Menezes Archiepiscopo Goenæ celebratam, & Lusitano idiomate editam, nunc vero primum Latinitate donatam, Notisque perpetuis, atque egregiis Dissertationibus auctam cura & studio Clarissimi Viri Sacræ Theologiæ Magistri, & memoratæ Augustinensis Familiæ Hispaniarum Assistentis, atque Ex-Generalis P. Joannis Facundi Raulin, jussu Reverendissimi Patris Sacri Palatii Apostolici Magistri attente legi, nihilque in eo Opere offendi, quod Orthodoxæ Fidei, vel bonis moribus dissonum sit; omnia autem inveni non sine magna sapientiæ, atque eruditionis laude conscripta; quam diu in Hispaniarum Scholis, Academiisque ad exactæ Critices normam Auctor præstantissimus sine fictione didicit, aliisque sine invidia communicavit. Opus itaque ipsum Literariæ Reipublicæ bono elucubratum, atque a doctis Vitis expetitur ut quantocius typis edatur, dignissimum censeo.

Romæ XXVII. Aprilis MDCCXLV.

Josephus Catalanus Presbyter.

Publico Ecclesiæ bono, ac Eruditorum desiderio consulit Reverendissimus Pater M. F. Jo. Facundus Raulin Ord. Erem. S. August. fideli sua Latina traductione Synodi Diamperitanæ, eruditissimis notis, necnon doctissimis de quibusdam Malabarensibus Ritibus Dissertationibus exornata, Catholico exposita Criterio. Opus hoc omnigena eruditio-

ditione cumulatam , numeris omnibus absolutam , de mandato Rm̃i Pa-
tris Sacri Palatii Apostolici Magistro Aloysii Nicolai Ridolfi , summa ani-
mi voluptate , inspexi , quare publica luce donandam cenſeo .
Ex Monast. S. Bernardi de Urbe. Die 8. Maii 1745.

*P. Valentinus Valentini Cong. Ref. S. Bernardi Ord. Cist. Ab-
bas Generalis , & Episc. examiner.*

I M P R I M A T U R ,

**Fr. Aloysius Nicolaus Ridolfi Ordinis Prædicatorum Sacri
Palatii Apostolici Magister .**

INDEX

INDEX

Eorum quæ in hoc Volumine continentur

Vitz Alexii de Menezes Historica Delineatio.
Elogia & testimonia Clariss. Virorum de rebus Diamperitanæ Synodi,
ejusque Præsides Alexio de Menezes.

HISTORIA SYNODI DIAMPERITANÆ. Pag.

Cap. I. De rebus Malabaricis Profanis, & Sacris.	2
Cap. II. De rebus præviis ad Synodum.	19
Cap. III. De Synodi Indictione, Inceptione, Progressu, atque perfectione.	39
Cap. IV. & Ultimum: De rebus post Synodum ejus publicatione atque observantia.	53

SYNODUS DIAMPERITANA. 59

Actio I.	64
Actio II.	69
Actio III. <i>De rebus ad Catholicam Fidem spectantibus.</i>	74
Actio IV. De Sacramentis Baptismi, & Confirmationis.	
<i>Doctrina de Sacramentis in genere.</i>	114
<i>Doctrina de Sacramento Baptismi.</i>	115
<i>Doctrina de Sacramento Confirmationis.</i>	131
Actio V. De Sacramento Eucharistiæ, ac de Sacrificio Missæ.	
<i>Doctrina de Sancto Sacramento Eucharistiæ.</i>	136
<i>Doctrina de Sancto Missæ Sacrificio.</i>	143
Actio VI. De Sanctis Sacramentis Pœnitentiæ, & Extremæ Unctionis.	
<i>Doctrina de Sacramento Pœnitentiæ.</i>	162
<i>Doctrina de Sacramento Extremæ unctionis.</i>	175
Actio VII. De Sanctis Sacramentis Ordinis, & Matrimonii.	
<i>Doctrina de Sacramento Ordinis.</i>	179
<i>Doctrina de Sacramento Matrimonii.</i>	200
Actio VIII. de reformatione rerum Ecclesiasticarum.	216
Actio IX. de Reformatione morum.	248
Epistola Domini D. Andreæ Episcopi de Cochim ad congregatam Synodum.	276
Synodi Responsum.	181
Liturgia Malabarica Meneziana.	

d

Admo-

Admonitio in Liturgiam Malabarico-Meneſſianam.
Sacrum Beatorum Apoſtolorum.

285
293

DISSERTATIONES

De Apoſtolatu , & Eccleſia S. Thomæ

Difſertatio I. De Apoſtolatu S. Thomæ.	335
Difſertatio II. De Thomæ Apoſtoli martyrio , ſepulcro, & tranſlationibus corporis.	359
Difſertatio III. De Religione , Moribus , & Ritibus Chriſtianorum S. Thomæ.	379
Difſertatio IV. Vindiciz Synodi Diamperitanæ adverſus Crozzum .	
Difſertatio V. De Indorum Orientalium Diœceſi .	423
<i>Notitia Topographica Malabarica .</i>	428
<i>Series Episcoporum India .</i>	432
EMMEAEIA & Conſenſus Diamperitanæ Synodi cum poſterioribus Apoſtolicis Conſtitutionibus circa Diſciplinam , & Ritus Malabarenſes.	451
Conſtitutio Benediſti XIV. ſel. reg. circa Ritus Malabaricos : <i>Omniũ Sollicitudinum .</i>	456
Eadem Conſtitutio a nuperi nebuloniſ officiis, obiter vindicatur .	508
Syllabus vocum exoticarum ex Hebraico , Syriaco , Græco , Arabico , Malabarico , & Luſitanico .	511

VITÆ

VITÆ

ALEXII DE MENEZES

HISTORICA DELINEATIO.

Comuni omnium, & cum primis Reip, Hispano-Lusitanæ bono natus est Alexius de Menezes Ulyssiponæ 5. Jan. anni 1559. præclarissimis parentibus Alexio, & Comitibus de Cantanhede, & Aloysia de Noronha, honestissima foemina. Is in Aula educatus, vix annum decimum quintum ætatis exegerat, cum aulæ ejusque deliciis nuntium remisit, atque ad Augustinense Cœnobium Dominæ nostræ de Gratia se contulit, ubi primam tyrocinii Religiosi lineam posuit 24. Febr. anni 1574. & insequentis anno 27. Febr. professionem emisit: quo tempore augustius præ atavis Regibus cognomen a JESU sibi usurpavit.

Quales vero quantosque, cum in virtutibus, tum in literis profectus inde tulerit, illius Cœnobii tabularia testantur: post emissam enim professionem, sic vitæ munditia, & simplicitate, Augustiniani Instituti observantia, morumque gravitate profecit, ut tam Regulares, quam Seculares personas, in admirationem sui traxerit. Cum autem humanioribus literis, Logicæ, Philosophiæ, ac Sacræ Theologiæ, operam dedisset in Universitate Conimbricensi, magnus Theologus, & insignis Concionator evasit. Quos tamen fructus cum tanta sui dimissione conjunxit, ut oblatum a Philippo II. Hispaniarum Rege munus Rectoris ejusdem Conimbricensis Academiæ constantissime recusaverit. Contra autem, Regii Concionatoris officium, quippe & proximo animarum salutem respiciebat, gratanter suscepit explevitque.

Tunc enim vero, & Reges, & Augustiniani Ordinis Antistites, Menezii merita certatim remunerare coeperunt: ac primo, regimini Cœnobii Turrium Veterum anno 1588. deinde Santarensis anno 1590. & post biennium Cœnobii de Gratia Ulyssipone, præfectus fuit; anno tandem 1594. tertium ut vocant Difinitorem Lusitana

tana Provincia cum designavit . Rex etiam Catholicus paucis inter-
 jectis mensibus , scilicet 21. Novem. ad Goensem Archiepiscopalem
 Cathedram evexit . Anno insequenti Clemens Papa VIII. literis
 Romæ exaratis die 27. Januar. iustrationem Diocesis Angamalenfis,
 atque Nestorianorum Malabarensium , quos S. Thomæ Christianos
 appellant, reductionem sedulo perficiendam commendavit atque in-
 junxit Menessio . Quæ autem in reducendis illis Christianis , & in
 cogenda illa quam damus hic Diamperitana Synodo. egerit Mene-
 sius ; quanta insuper tulerit , quamque acerba ; qua tandem animi
 contentione , qua dexteritate ad optatum finem cuncta perduxerit ,
 ex Historica narratione ipsi Synodo præfixa affatim constare poterit .
 Postquam autem vices Proregis Indiæ Orientalis tres annos Mene-
 sius prudentissime sustinuerat , cum pastoralis officii munera , secu-
 larium negotiorum cura , identidem intermittere ipsum cogeret ,
 utroque illo munere se abdicavit ; & eo quidem consilio ut, quod vitæ
 sibi superesset , in Missionarii munere apud Christianos S. Thomæ
 aut Armenos sustinendo , totum impenderet .

At vero secus ac ipse secum reputabat, ac intendebat, evenit ; evo-
 catus enim a Rege in Lusitaniæ , Archiepiscopus , & Dominus Brac-
 carensis , atque Lusitaniæ Prorex renuntiatur ; inde ab eodem Philip-
 po , primo Vallisoletum , postea Mantuam Carpetanorum (nomine
 Arabico *Madrid* vulgo appellatam) ire jubetur : ubi præstantissimo
 illi Viro novum onus imposuit , Præsidentis , apud Curiam Regiam
 sanctioris Consilii Lusitani ; auctus etiam fuit amplissimis & muneribus
 & redditibus Archicapellani & Prioris commendatarii Cratensis ;
 quæ munia ad extremum usque spiritum strenue obivit . Et quidem in
 iis omnibus dignitatum generibus , quæ maximos honores , & officia
 atque proventus comitantur , nihil magnanimus atque eximius il-
 le Vir sibi retinuit ; sed quidquid honoris erat , Deo , quod officiorum ,
 Regi ; quod tandem emolumentorum , Pauperibus iustissime distri-
 buebat .

Hæc omnia tandem sollertissime Menezium ac fidelissime obeun-
 tem lethifer morbus corripuit , qui etiam lecto decumbens , salutari
 Viatico quotidie refectus , extremo agoni subeundo se munivit , at-
 que mortem hilari vultu expectavit ; spe itaque plenus ; fide firmus ,
 & Dei amore æstuans , inter amplexus , & oscula Crucis Christi , ef-
 flavit animam die 3. Maii anni 1617. Testamentum ad instar Paren-
 tis Augustini nullum condidit , nec ad id facultatem sibi procurare
 unquam voluerat . Ipsius Corpus quatuor annos jacuit in Sa-
 crario Cœnobii Matritensis S. Philippi , Ord. S. Augustini ; quod po-
 stea translatum fuit Braccarum apud Augustinenses ad Collegium de
 Popu-

Populo , atque conditum ad Aram maximam cum hac Inscripti-
one :

ILLMO ET RMO D.D. F. ALEXIO DE MENEZES AUGUSTINIENSI ,

ARCHIEPISCOPO ET DOMINO BRACHARENSI .

INDIARUM OLIM POSTEA HISPANIARUM PRIMATI

ORIENTIS GUBERNATORI LUSITANIE PROREGI

SUPREMI CONSILII PRÆSIDI CATHOLICÆ MAJESTATIS ARCHICAPELLANO

CHRISTIANORUM D. THOMÆ APUD MALABARICOS

AD ROMANÆ ECCLESIE OBEDIENTIAM REDUCTORI

VIRO RELIGIONE AC FIDEI ZELO ILLUSTRIS :

GRATI CLIENTES MEMORIAM POSUERE ANNO DOM. 1628.

ILLMO AC RMO D.D. RODERICO A CUNHA ARCHIPRÆSULE :

OBIT MATRITI 1. MAII 1627. ANNUM AGENS QUINQUAGESIMUM OCTAVUM.

Nonnulla reliquit Menezius cum pietatis , tum ingenii , literis
mandata monumenta ; inter quæ præcipue recensentur *Synodus
Diamperitana . Vidas dos Religiosos modernos que na Religiao de
S. Agostinho de Portugal. florecerao em virtudes e vida religiosa , &
juxta Gouyeam ; Catechismus pro erudiendis in Fide Esbucis .*

ELOGIA

ET TESTIMONIA CLARISSIMORUM VIRORUM

De rebus Synodi Diamperitanae, ejusque Praeside
ALEXIO DE MENEZES.

CLEMENS PAPA VIII. In Literis exaratis Kalendis April. anni 1599. ad Menesium.

Multam in Domino voluptatem capimus ex iis, quae de tua fraternitatis pietate, & pastoralis vigilantia, gravi nobis testimonio relata sunt: nominatim quod zelo honoris Dei, & salutis animarum incensus in convertendis gentibus istis ad lucem Evangelicae veritatis strenue laborat. Gratulamur tibi Frater piam hunc sedulitatem, qua animas, immaculati agni Sanguine redemptas, Deo lucrari studes; id nobis pergratum est... Benedicat Deus piis laboribus tuis, tibi que tribuat, ut ex tam magna messe, manipulos multos inferas in horream caeleste.

ANTONIUS DE GOUVEA Ord. S. Aug. in Prologo Da Jornada de Menezes anno 1606.

Foy a obra de se reduzir em os Christãos, a que nesta India Oriental, chamamos de S. Thome, ... tão desejada dos Portuguezes, que quando Deos foy servido, de dar a execução sus desejos, por meyo do Rmo Senhor D. F. Aleixo de Menezes ... foy por estremo estimada e celebrada, assi nestas partes da India, como em todas as de Europa, aonde chegou a noticia & importancia della, & ainda em Roma aonde o S. Padre Clemente VIII que por seus Breves lha tinha encomendada, a festejou com estremada alegria, & agradeço, com sua Apostolica bênção.

JOANNES MARIA CAMPOREUS Soc. Jesu in Epist. Vaipicotæ in Malabaria exarata 28. Novem. anni 1599.

Maxima omnium latitia, summoque omnium consensu, celebratum est Concilium in Oppido Diamper, in quo haereses omnes, eorumque sectatores, praecipue Babylonia Patriarcham anathematizarunt; Romanum autem Pontificem, Christi Vicarium & Ecclesiae caput agnoverunt... Pater Franciscus Roz & ego, libris examinandis incumbimus; Delemus, scindimus, integraque volumina in ignem conjicimus. Miraculo tribuebant omnes hoc opus; adeo enim prius suis libris addicti erant (Nestoriani) ut a nobis nec aperiri paterentur.

tur. Jam vero pro libito eos abraderé, detruncare, integrosque comburere, non moleste ferebant... Jam hujus Ecclesiæ faciem, alteram dicerés; ubique enim in Ecclesiis Summi Pontificis nomen resonat; Augustini, Hieronymi, Ambrosii aliorumque Sanctorum, quos Catholica veneratur Ecclesiæ, nomina Sanctissima exaudiuntur. Obmutuit Nestorii, aliorumque impudentium os.

ANTONIUS FERNÁNDEZ DE MOURE Presbyter Theologus Ausitanus Bracharensis, in Epistola Dedicatoria, libri, Examinis Theologiæ Moralís, quem eidem Archiepiscopo dicavit. Bracaræ Augustæ 1613. inter alia hæc habet.

Quos o Deum immortalém! pro Ecclesiæ labores exantlasti? in Indiam navigasti: Goensem Diocesiſm tuis humeris suscepisti: sex decennium rexiſti: Quadraginta in ea Parochias erexiſti: Malabaricos S. Thomæ Chriſtianos inviſiſti, Schismaticos invenisti, ad puritatem Fidei reduxiſti, coacta Synodo, celebrataque non sine miraculo. Verumtamen ex his laboribus uberrimos quidem fructus percepisti, nam Gentiles & Mauros, numero tam multos ex ætero Baptismi Chriſto peperisti.

ANTONIUS POSSEVINUS in Appar.

Concilium Diamperense, non tam statuit, quam ad effectum perduxit, quæ ad Catholicam Religionem, atque ad Disciplinam Ecclesiasticam restituendam pertinent.

RODERICUS DE ACUNHA in Histór. Ecclesiastic. Braccaren. Par. 2. a cap. 36.

Alexius de Menezes a Philippo II die 21 Novembris anni 1594 Archiepiscopus Goënsis electus est; consecratus die 26 Martii anno 1595 & die 29 Pallium accepit a D. Michaele de Castro Archiepiscopo Vlyxbonenſi in Conventu D. N. de Gratia, & eodem anno in Indiam navigavit; Synodam ibi Provincialeſm (Goensem) celebravit &c.

EMMANUEL DELA CERDA Lusitanus Augustinenſis qui Menessio adfuit in extremis constituto; in Quæſtio. Quolibet. Quæſtione 9. Scholaſt. Art. 1. n. 2. ubi de Sacram. Confirm. edit. Conimbricen. 1619.

Antiquiſſimos Nestorianos eundem errorem habuisse, sicuti & multos alios contra noſtram fidem, mihi persuadent, quæ de ipsis scripta sunt, in Diamperensi Synodo, apud Angamalenses Malabaricos D. Thomæ Apostoli Chriſtianos celebrata, pro reductione, veraque Ecclesiæ Romanæ obedientia præſtanda, rejecto Babylonice Patriarchæ, cui per tot annos seducti, fuerunt addicti Chriſtiani illi Populi Schismatici, quam anno 1599 20 die Menſis Junii, Divina auxi-

LUDOVICUS DE ANGELIS Portuensis Ord. Erem. S. August.
& ejusdem Generalis Historiographus; in Epist. Dedicat. *Libro de Vita, & Laudibus S. P. N. Augustini* præfixa, quem eadem
Menefio dicavit, Parisiis 1614. inter alia hæc habet.

AUBERTUS MIRÆUS in Notitia Episcopatum, & Archiepiscopatum Orbis Christiani, edit. Antuerpien. 1613 pag. 57.

NICOLAUS CRUSENIUS Augustinensis in Monastic. Augustin.
Par.3. cap.44.

VINCENTIUS MARIA A S. CATHARINA Senense Carmel.
Discalc. in Itiner. ad Ind. lib.2. cap.4.

Digitized by Google

Fede, abolire gl'errori de' Nestoriani, correggere la Messa, e ridurre gl'officj a miglior forma. Prescrisse li riti, e cerimonie sacre, emendando tutto ciò, che aveva bisogno.

JOANNES HAYUS Soc. Jesu Libro de rebus Japonicis, apud Crusenium in Monastic. Augustin. Par.3. cap.44.

Tanta in India praestitit (Menestius) novem mensium spatium, in animarum salute promovenda, quanta quotquot a B.Thoma, ad hac usque tempora illam Sedem tenuerunt.

THOMAS DE HERRERA Augustinensis in suo Alphabeto Augustiniano.

Venerab. Alexius de Jesu, & Menezes Archiepiscopus Goensis iter suscepit ad Insulas Malabaricas, ut antiquos illos sed Schismaticos Christianos, ad veram fidem reductos Romanae Ecclesiae obedientia submitteret... Et anno 1599 de Mense Junio, Synodum pro reformatione illius Ecclesiae Anguemallii vel potius Anguemalla celebravit.

PHILIPPUS ELSIUS Augustinensis Belga in Encomiastic. Augustin. edit. Bruxellen. 1654 lit.A. pag.30.

Alexius Menezes & de Jesu, Malabaricos S. Thoma Christianos invenit, Schismaticos invenit; coacta Synodus celebrata est, non sine miraculo... Ille novem mensium spatium, plus in animarum salute promovenda profecit, quam quotquot a B.Thoma ad hac usque tempora Sedem illam tenuerunt.

CORNELIUS CURTIUS Augustinensis Historiographus in Elog. Viror. Illustr. ex Ord. Erem D. Augustin. edit. Antuerp. 1636 pag.180.

Alexius Menezius non modo Pontificis egregiam personam gessit, sed expressit etiam perfectum Apostolum... Goana Ecclesiae Archiepiscopus, & toti Indiae Primas, a Rege Philippo datus; deinde a Clemente VIII Pontifice jussus, Ecclesiam Malabaricam, Christianorum quos S. Thoma vocant, a multis jam seculis Nestorii blasphemias infectam, purgare, & restituere, difficilem sibi & oppido periculosam, sed Regibus Hispaniarum, & Romanae Ecclesiae tuilem in primis & gloriosam operam navavit.

JOANNES BAPTISTA COTTA Ord. Augustin. in Poem. inscripto Dio, Fulginii edito anno 1733 supparem Xaverio cantat Menestium, in Hymno 23 qui il Mare inscribitur: iis verbis:

*Volar stagioni, e ad informar del vero
Così da Dio lontani
Barbari lidi, e strani
Col gran Menesio, e l'immortal Saviero.*

LU.

LUDOVICUS MORERI Presbyter Gallus in suo Dictionario Gallicè, edit. octavæ Amstelodamensis 1698 in Cap. *Meneses* (Alexis) Archeveque de Goa &c.

Dom. Alexis de Meneses y travailla très-utilement pour la foy (nempe in Archiepif. Goano) & principalement dans l'entreprise qu' il fit d' aller visiter dans le Malabar, les Chrétiens dits de S. Thomas. Toutes choses s' opposerent d'abord a ce dessein, mais ce Prélat l'exécuta avec beaucoup de gloire, & de bonheur, quequ' il se vit souvent en danger de perdre la vie. Il célébra le Synode, que nous avons sous le Titre de Synodus Diamperensis, & peu après il revint en Portugal.

HENRICUS NORIS Veronensis Augustinianus S. R. E. Presbyter Card. & S. Sedis Apostolicæ Biblioth. in primo Tomo Operum Omnium. Veronæ 1719. in Dissert. de Synodo Quinta cap. XI. pag. 783. habet.

Noster Alexius Menezius Archiepiscopus Goanus ac Orientis Prorex & Bracarenfis in Lusitania Primas ac Regni totius itidem Prorex, magnum in utroque Orbe Augustiniana Gentis incrementum, hic inquam, cum in Oriente versaretur, nihil antiquius habuit, quam Nestorianos Orientales, ad orthodoxum dogma revocare. Celebravit Synodum Diamperitanam, quam justo volumine tradidit Antonius Gouvea Augustinianus, Vir insignis & Persica legatione summa cum gloria functus &c.

HENRICUS SPONDANUS Mauleosolensis Appamiarum in Gallia Narbonensi Episcopus. In secundo Tomo Annalium Baronii Lutetiæ Parisiorum 1647. Ad annum 1599. numer. XVII. hæc habet.

Celebratum reperitur hoc anno, menseque Junii in Civitate Diamper Indiæ Orientalis prope Urbem S. Thomæ, ab Alexio Menezes Archiepiscopo Goensi Ord. S. Augustini Concilium de reformatione Ecclesiæ S. Thomæ quæ a Nestorianis inficiebatur. Ubi &c.

NICOLAUS ANTONIUS HISPALENSIS in sua Bibl. Hispana. *F. Alexius de Jesu alias de Menezes Ulyssipone natus... composuit a nullo ut ajunt adjutus, Diocesis suæ Goensis incolis, Synodum Diamperensem quæ edita extat in Libro Antonii de Gouvea Augustiniani Da Jornada da Serra nuncupato.*

AUGUSTINUS MARIA ARPE Augustinensis in Panth. Augustin. pag. 345.

Alexius Menezius Regna Malabariæ Christo regenuit... Synodo Goæ & Anguemalli iterum edita; novem supra centum Paræcias convertendis Indis erexit.

P. TA-

P. TACHARDUS Societat. Jesu in Epist. in Bengala scripta anno 1711.

Furent reunis (Christiani S. Thomæ) a l' Eglise Romaine au commencement du siecle passe , par M. Don Alexis de Menezes alors Archeveque de Goa & Visiteur Apostolique . Ce fut lui qui tint le fameux Concile de Diamper , dont les Actes furent imprimez depuis a Lisbonne : legendum a Coimbre .

JOSEPH A S. ANTONIO Augustinensis Lusitanus Par.2. Flor. Sanctior. edit. Ulyssipon. anni 1723 in Epist. Dedicat.

Alexius Menezius

Dioscorum , Eutichen. , ac Nestorium .

Debellovit in Affectis

Scindendo Schismata

Sic ruptum Petri rete sarcivit

Et qui Indicas non quæsierat margaritas

Uniones pretiosissimos expiscatus est

Quos annullo adderet Piscatoris .

MICHAEL LE QUIEN Ord. Prædic. Tom.2. Orient. Christian. col.1281. edit. Parisin.1740.

Alexius Menezius Goensis Archiepiscopus , ad Catholicam fidem , & Romanæ Sedis obedientiam profitendam , ægre adduxit (Archidiaconum Angamalensem) cōtemperavit tamen , ac Diamperana Concilio , quod a Menezio celebratum est interfuit : : Sedulo Alexii Menezii studio & opera , illius regionis Christiani consenserunt , ut a Latini ritus Præsulibus regerentur .

CARD. ALOYSIUS MARIA LUCINI Dell' Ord. de' Predicatori nell'Esame , e difesa del Decreto del Card. di Tournon edit.2.

In Roma 1729. pag.24. cap.1. num.23.

La verità è , che fù celebrato questo Sinodo in un luogo della Diocesi Agamalense , al Regno di Coccino soggetto , chiamato da quei Popoli Diamper , nell'anno 1599. Presedeva in esso l' Arcivescovo di Goa F. Alessio di Menezes Prelato di gran pietà , e dottrina , come fù gran Religioso dell'insigne Ord. Eremitano di S. Agostino &c.

JOSEPH SIMONIUS ASSEMANUS Bibliothecæ Vaticanæ Præfectus , Dissert. De Syr. Nestorian. pag.168.

Anno Christi 1599 Alexius Menezius Goa Archiepiscopus , Malabariam visitavit , Synodum Diamperensem habuit ; liturgiam aliosque Chaldaeorum libros ab erroribus purgavit : Georgium Archidiaconum , aliosque sive Presbyteros , sive nobiles Viros Chaldaeos , Nestorianæ hæresi abrennuntiare coegit , ac præcipue Babylonia Patriarcham anathematizare ; Romanum autem Pontificem , Christi

ſi Vicarium , & Eccleſia caput agnoſcere ; eique obedientiam promittere .

PETRUS LE BRUN Congreg. Oratorii Presbyter Tom.3. de Liturg. pag.189. edition. Veronen. anni 1740.

Aleſſio Menezes preparò gl' Atti del Sinodo , che fù tenuto in Diamper a 20. Giugno 1599 , e fù terminato in otto giorni . . . Coſa veramente da ſupire , che la conquista ſpirituale , di sì gran Popolo Eretico , oppoſto da tanti ſecoli alla Chieſa Romana , non abbia coſtato che poco più di ſei Meſi di viaggi , e di fatiche all' Arciv. Menezes .

Et pag.208. ibidem : Queſto Synodo non per anco è ſtato poſto in alcuna Raccolta di Concilj ; ne meno è ſtato tradotto in latino .

LUDOVICUS ANTONIUS MURATORIUS Præpoſitus Mutinenſis , & Ducalis Bibliothecæ Præfeſtus , in ſuis ad me humaniſſime datis 7. Kal. Octob. 1742.

Utinam poſſem plura quam qua noſti , ſuppeditare tibi de Synodo Diamperana , ab Archiepiſcopo Goenſi de Meneze habita . Hiſpanica ac Luſitanica lingua Libri , perquam rari apud nos ſunt ; ita ut ne integrum quidem Concilium umquam legerim , eoque minus decernere poſſim an Latio fuerit donatum hætenus ; ſed quando peregrina hujus mercis , pauci in Italia conſcii ſunt , etiamſi ultra montes latine legeretur , certum tamen eſt , te bene de nobis meriturum , ſi verſionem illius iſtituas , atque in noſtrum commodum evulges .

CROZÆUS (a quo vel invito veritas extorquet teſtimonium) hæc habet de Alexio in Hiſtor. de Chriſtian. Ind. pag.339.

Une entrepriſe ſi difficile (loquitur de reductione Chriſtianorum D.Thomæ) ne conta qu' un peu plus de ſix mois de courſes & de travaux a Don Alexis de Menezes qui . . . entreprit & mit la dernière main , a un ſi grand Ouvrage .

HISTO-



HISTORIA SYNODI DIAMPERITANÆ



UO altius perspiciantur ea, de quibus hac in provincia, quam subicere aggredimur, acturi sumus: occasio nempe celebrandi Diamperitanam Synodum, ejusdem scopus, & rituum Nestorianorum abrogatio, errorumque omnium, sive qui veluti nativi fuere, sive qui adsciti; necessitas præterea reformandi S. Thomæ Christianos Malabarenses; rerum denique decretarum opportunitas, atque præstantia, ut a sua prima origine repetantur; (quod plane ad pleniorẽ rerum gestarum cognitionem,

non mediocriter confert) operæ pretium duximus, præviam Historiam rebus dicendis, veluti faciem præferre. Quod quidem nulla clariori, atque faciliiori methodo effici potest, quam ad præfinita capita res ad hujusmodi argumentum spectantes revocando, easque hac illac dispersas, colligendo. Id vero, quantum nostræ vires patientur, (neque enim illarum imbecillitatem ignoramus) sedulo præstabimus. Quod si quis in hisce rebus eruditior aliquid reprehensione dignum in hoc, quod informamus, opere invenerit, æquo animo, & addiscendi cupido, censuram omnem feremus. Quattuor ergo præcipuis Capitibus rerum historicarum seriem complectimur; quorum primum res profert Malabaricas Profanas & Sacras; Secundum agit de rebus præviis ad Synodum; Tertium de Synodi indictione, inceptatione, progressu, ac fine; Quartum demum

A

de

2 HISTORIA SYNODI DIAMPERITANÆ

de rebus post Synodum celebratam peractis. Id etiam monemus; nos allegationes, testimonia, rerum gestarum publica monumenta, tamquam *παράβασιν* in imo ordine collocaturos, ut liberiori cursu oratio fluat; ne interjectis veluti salebris, identidem impedita, Lectoris curiositatem moleste distineat.

Restamen gestas, quas in medium proferemus, suis ita limitibus circumscriptas volumus, ut tempus celebratæ Synodi non prætergrediantur: ultra enim progredi ad rem nostram non faceret, & summo nobis esset labori, & alæ, atque periculi plenum; oporteret enim & congregari cum Indis ritusque eorum supersticiosos refellere: pseudo-Missionarios Batavos, Anglos, Danos aliosque e Protestantium grege, convincere: demum inter ipsos strenuos Catholicæ Religionis propugnatores, de aliquibus contententes, quæ salva Catholicorum Dogmatum substantia in controversiam cadunt, pacem conciliare. Quod plane esset nostri instituti limites transilire, atque properantem ad cognitionem Synodi alio evocare. Quapropter id iis, quorum intererit, relinquentes, accedimus ad Caput primum, in quo profanas res & sacras, quantum sat erit, indicabimus: caput hoc vero, & reliqua deinceps omnia, in paragraphos claritatis ergo distribuemus.

C A P U T I.

De rebus Malabaricis Profanis & Sacris.

Nemo nos hic acturos existimet de Malabaricis Ethnicis, eorumque cultu, vel civili, vel religioso; quod esset ab instituto aberrare. Propositum namque nobis est, de Christianis S. Thomæ Indis sermonem unice instituere.

§. I.

Topographia Regni Diamperitani. Num. I. Etiam Malabarica Regionis, & Etymon vocis Malabar. II. De Imperatore Xaran Perumal plurimis privilegiis Christianos ad se confugientes a plaga Meliaporensi abactos honestante. III. Regis Lusitani clientelam implorant, & munera in obsequentis animi signum ipsi mittunt. IV. De Eparchia Malabarensium, & urbe Coulan. V.

QUA inter Gangem & Indum in speciem linguæ procurrat Indica tellus, Malabarica Regio jacet & Regnum Diamperitanum, Regis de Chochim ditioni additum. Poli autem conversione, situm est ad gradum latitudinis decimum, longitudinis vero ad decimum quintum supra cen tesimum. Duplex autem reperitur Cochim; & Magna, & alia

& alia prope illam parva, ubi Rex Cochimensis consuevit commorari. Item altera Diamper juxta eam, in qua celebrata est Synodus nostra

II. Vocatur autem Regio *Malabarica* ea Indiæ ora Occidentalis, quæ posita est (a) Goam inter & Promontorium Comorim, situm e Regione celeberrimæ Insulæ Siuledivæ, ac Taprobanæ, ut prisci loquebantur; quæ nunc vocatur Ceylan. Ab initio Sæculi sexti, anno circiter 530., quo scripsit Cosmas Indicopleustes, enumeratur *Male* inter Urbes, ac Emporia nobiliora: quo ex vocabulo & voce *Barr* compositum fuisse nomen *Malebar*, seu *Malabar* arbitramur; quasi continens *Male*: vox enim *Barr*, significat *continentem* terram: immo tamquam ex insigniori ea Indiæ parte series illa frequens Insularum, è Regione Occidentali sita, appellatur *Maldivæ*, à voce *Mal*, & alia, quæ Insulam significat. Igitur in eo tractu Malabarico, prope finem situm est Regnum Diamperense, in cujus urbe ejusdem nominis, Synodus præsens pro reductione Christianorum S. Thomæ celebrata est.

III. Summa rerum ac Dominium totius Regionis olim fuit penes magnam Imperatorem Malabaris. Eminent verò super alios omnes Imperatores Xaran Perumal, Regum illius Regionis auctor, & institutor; quippe qui universam ditionem in plura dispartitus fuit Regna, ut illis sibi propinquos, servosque donaret, eosque veros Reges constitueret. Inde Regna Travancoridis, Cranganoris, Coulan, Diamper, Cochim, alia demum complura, ortum duxere, quorum Reges sunt eidem Perumal maximis beneficiis devincti. Ejusdem etiam beneficentiæ, plane singulari, plurimum debent Christiani Sancti Thomæ; nam longo post tempore, ab adventu Apostoli Thomæ legisque Evangelicæ promulgatione; civitate Meliaporensi ab ethaicis penitus deleta, Christianisque omnibus, partim ferro & igne interfectis; partim in exilium pulsus cum ex ejectis nonnulli in Travancoridem, & Todamalam confugissent, reliqui omnes, quotquot supererant; in Montes Malabaricos sese receperunt; ubi non solum tutum perfugium, verum etiam ab eodem Imperatore Xarano pluribus commodis, ac Privilegiis donati, decens hospitium nacti sunt. Quod in causa fuit ut etiam à finitimis Regibus liberaliter tractarentur, Hi enim sibi dedecori futurum esse jure ac merito putabant, si quos beneficiorum consortes unus idemque beneficentissimus Imperator effecerat, eosdem ipsi hostiliter insectarentur. Porro nec parva, nec paucæ Xarano Christiani referebant accepta; quippe eo conciliatore, Regibus cari, potiori Malabaricæ nobilitati adnumerati, Nairibus, quo nomine primores, ac nobiliores viri appellantur, etiam præferebantur; atque ipsius Xarani, aliorumque Regum benignitate, ad eum dignitatis apicem pervenerunt, ut vel ad Sæculum 16. in Regnis ultra montana Pandè, non alio, quam filiorum Regum nomine vocitarentur. Solis item Christianis licebat in nuptiis crines aureo flore revincire; iter facientes, Elephantibus vehi; pa-

A 2

vimen-

(a) Bandrandus describit Malabariam ad meridiem, & extenditur versus oram Mæis partem australem peninsulæ cis Gangem, ad Maldivarum per 125. Leucas; in qua numerantur Regna majora sex; minora vero unum & viginti. *Bandran. Diction. Geog.*

4 HISTORIA SYNODI DIAMPERITANÆ

vimentum, ubi federent, peristromate ornare; alia quamplurima prætereo; quæ tamen anno 1506. pessumabant. His aliisque honestati muneribus, cum facile sit eo plures confluere, ubi res feliciter cedunt, adeo illorum Christianorum numerus in Malabare crevit, ut suum sibi Regem præficere in animum induxerint suum. Nec mora, quendam nomine Beliarte, Regem sibi constituunt, eique titulum *Regis Christianorum Sancti Thomæ* impertiuntur. Beliarti, serie non interrupta, alii succedere, quousque omnium postremo absque liberis decedente, vir illi affinitate conjunctus, communi Populorum consensione in Regem Diamperensem eligitur. Regum deinde Diamperensium stirpe (quæ rerum humanarum conditio est) penitus extincta, simili jure ad Reges de Cochim Regnum Diamperense pervenit. Christiani interim, juxta Regionem diversas, sub diversorum Regum dominio fuere. Rex tamen de Cochim aliquanto majorem auctoritatem, ex antiquiori jure derivatam in Christianos exercuit.

IV. Hic erat rerum status, cum Lusitani, Vasco Gama Duce, quod per annos 75. incassum alii contenderant, eo appulerunt, prope Calicutum civitatem Malabaricam, 18. Maii anni 1498. (a) Postquam vero Gama classi præfectus, iterum Ulyssipone solvens, id quod iterum aggressus fuerat, tandem perfecit, & felici cursu Cochim tenuit anno 1502., & cum comperit haberent Christiani, eum oras & regiones illas in Christiani Regis dominium ditionemque redacturum, ultrò sese illi sistunt; & ut in Regis illius opem atque clientelam recipiantur, enixe orant obsecrantque; qua nempe ab iniquis ethnicorum Regum vexationibus redimantur; eique tamquam obsequii & spontanæ subjectionis signum, virgam tradunt rubram, summatibus argento circumclussis; tribus insuper argenteis tintinnabulis instructam, quæ apud Nationes illas sceptrum est, ac Regiæ Majestatis insigne. Vascus, ea, qua erat benignitate præditus, illorum votis precibusque indulgit: at cum adversa rerum conditio passa non fuerit, ut eorum desideria complerentur, antiquorum Regum jugum excutere minime potuerunt; qui tamen satis indulgenter in rebus ad Religionem spectantibus se habent, & vix se rebus civilibus immiscent, immo auctoritatem & jurisdictionem fere omnem, liberam Diœcesanis Episcopis relinquunt.

V. De Epocha Malabarensium, & usitata inter eos annorum computandorum ratione, id ex Antonio Gouvea habemus; nimirum ipsos ab urbe Coulan condita; ut olim ab Urbe sua Romani fecerant; computum exordiri consuevisse; propterea quod inter Malabaricas erat nobilissima; quamobrem annus, ut idem laudatus Scriptor tradidit, cum esset nobis millesimus.

(a) Hic annus assignatur à Gouvea nostro; neque isti præferenda est supputatio Raynaldi, nec appulsus inde Lusitanorum in Indiam recensendus anno 1490. in Epistola enim quam Episcopi Indiæ Thomas, Jaballaha, Jacobus & Denha certiore reddunt de Lusitanorum adventu suum Patriarcham, id contigisse non anno Græcorum 1801, &

Christi 1490., aut circiter innui videtur: porro Epistola scripta est anno Græc. 1815. Christi vero 1504. omne vero dubium sustulit Oforius, qui lib. 1. de Reb. Emman. fol. 17. ait, Gamam Ulyssipone navem conscendisse VII. Id. Jul. anni MCCCCXCVII. ut Indiam peteret.

CAPUT I. §. I. & II.

simus sexcentessimus secundus, erat illis (a) septingentesimus octogessimus à Coulan condita. Unde juxta hanc computationis formam, urbis illius erectioni assignandus est annus octingentesimus vigesimus secundus æræ vulgaris. Minime tamen dubito, quin ad præsens Malabarenses viri Christiani, à Christi Nativitate feliciores annos sibi computent.

VI. Quod attinet ad urbem Coulan nobilem, nec infrequentem; dum Alexius Malabarica Regna circuibat, Rex Travancoridis, Regina de Canganate adoptione conjunctus; ad quem ditio Coulani pertinebat, per speciem Pagodem construendi, ut arx septem propugnaculis munitissima, construeretur, diligenter curabat; quod cum plurimum detrimenti afferret Lusitanis; ea præsertim de causa, quod prope Christianorum ædes, eorumque Ecclesiam ædificaretur; Alexius Templi inspectoris speciem obtendens, novam arcem attente observavit, atque dimensus est: Insuper propugnaculum a Christianis, aliquot annos ante construi cœptum, pendensque opere interrupto, perfici jussit; eique novum aliud à Mari aversum, terrasque prospectans, ac veteri longe majus adjunxit; demum murum interposuit, quo novum veteri copularetur. Fortissimum hoc munimentum erit auctori suo æternum famæ monumentum; quippe quod ab illius nomine appellatum fuit propugnaculum S. Alexii.

§. II.

Religio Malabarica incerta I. Prædicatio Apostoli Thomæ: Martyrii annus, locus, & translationes Corporis II. Origo Christianorum, Divi Thomæ nuncupatorum, eorumque incrementa III. Persecutio Meliaporensis, & fuga Christianorum ad montes Malabaricos. IV. Ecclesia Montana Malabarica, in Metropolitanam Indiæ erigitur. V. Denique ad Nestorium deficit. VI.

I. **Q**uem Religionis cultum sectarentur ethnici Malabarenses, cum Apostolus Thomas, eos Evangelica fide illustraturus, illuc appulit, scrutari, plus haberet curiositatis, quam utilitatis; præterquam quod nihil certi ex antiquioris ævi latebris eruere nobis, quantumvis conantibus, liceret, præsertim quum, vel iter ipsius Apostoli, peragratae regiones, prædicationis qualitates, martyrii genus, locumve, non adeò in luce collocata sint, ut etiam seclusis Criticorum rigidis conjectationibus, tenebris aliquibus non obscurantur. Ea tamen, quæ fere omnibus probantur, in medium proferemus.

II. Igi-

(a) Cl. Asséman. Dissert. de Syr. Nest. pag. 442. rejicit supputationem Gouvez, & Crozaei, qua assignatur foundationi Coulani annus 822. nec illi placet Scaligeriana anno 907. neque Vischeriana; ex qua anno 825. Coulanum esse conditam evincitur; & e binis Codd. Syr. Vaticanis annum 855. statuit. Ceterum omnium optima nobis est Vische-

riana; propterea quia, inter nostras Schedas habemus exemplar *Conventionis*, & *Juramenti* facti ab Ecclesia Christianorum, S. Thomæ die 20. Junii Casturti in Ecclesia parva anno 1704. cujus initium est: *Anno a Nat. Christi 1704. & anno Coulam 879. die 20. Jun. 1704.* Unde sumitur Epocha ab anno 825.

6 HISTORIA SYNODI DIAMPERITANÆ

II. Igitur Apostoli tessera, qua vera Christi Religio internosceretur, muniti; Divini afflatu Numinis in diversas Mundi Regiones, unusquisque in eam, quæ fuerat ipsi attributa, discesserunt, atque ubi erat impetus spiritus, illuc ferebantur; quo quidem ductante, Apostolus *Thomas* hebraicè, græcè autem *Didymus*, quod est *Gemellus*, seu *duplex* (*Lobum* etiam, *Corculum*; immo & *Judam* juxta Eusebium vocatum fuisse asseritur) Parthos, Æthiopes, Medos, Persasque invisit. Ex Arabia deinde, vel eo tantum nomine felice, ad Indiam propriè sic appellatam pergere paratus (antiquiores autem Scriptores & SS. Patres, populos quoscumque longinquos, Æthiopes præsertim, Parthosque conterminos, *Indos* etiam appellare consueverunt) conscensa navi, & Oceani vastitate emensa, felici cursu Socotoram tenuit. Exinde in Indiam, quæ à flumine Indo appellationem Indiæ sibi propriam sortita est, appulit; & civitas Cranganoris, tunc nobilissima, ac Regis inter Malabaricos potentioris sedes, ab Apostolo prima omnium Evangelii lucem accepit; quod quæ ratione factum sit, (a) paucis exponam. Ea in urbe ob filii Regis nuptias, evocatis puellarum diversarum nationum choris, regale parabatur Convivium; hoc solemniter cum celebraretur, puella, quædam hebræa, pro more suæ gentis, hebraica poesi Deum unicum, rerum omnium Dominum, Divinæ Legis æconomiam, filiorum Israel ostenta, Prophetarum oracula, Deorum, quos ethnici adorabant, vanitatem, modulatè canebat; Fortè aderat Apostolus, cui præ rei novitate stupenti, attenteque (quod admirantis est) puellam aspicienti, ministrantium assentator quidam audacissimus, quasi moderationem loci, temporisque prætergresso, excussa manu, alapam impingit; at gravissima ceteroquin injuria, nihil commotus Apostolus, statim oculis in Cælum sublati, reposuit; ignoscat tibi Deus; sed ut palam fiat, Christi servos injuriis hujusmodi non dehonestari, & quem colunt Christum; similia & multo graviora passum, verum esse Deum, qui in Mundum venit, ut peccatores salvos faceret, id esto signum; eam ipsam manum, antequam à mensa recedatur, canis a te avulsam, nobis asseret: prædictionem eventus illico comprobavit; verum à suo Divino Præceptore Discipulus non degener, quotquot aderant potentiam illius, ac mansuetudinem admirantibus, brachio sanguine fluenti manum denuò Crucis signo copulavit emortuam; inde glorificare Deum omnes, Regem eventum commoveri, novos Conjuges, quibus Apostolus benediceret, acciri, fidem Christi ipsos suscipere, Regem, filiosque Sacra Unda ablui, una eademque res visa est. Accessit, sponsos Deo castitatem obtulisse; ipsique cum voti nuncupatione Sponsa se devovisset, Sponsum Diaconos interfuisse sollemni consecratione cooptatum; pluresque & prodigio & Regalium conjugum exemplo permotos, Christi fidem suscepisse.

Dein-

(a) Plura iis fabulosa interseruntur; eundem, quæ improbantur minus: rejectis quod Thomas à Christo fuerit cuidam Mercatori Habano venditus, cum quo in Indiam profectus fuerit; quod Architectum agens

palatium Indorum Regi excitaverit; illud de ingenti trabe, quam zonæ mari in terram traxerit; aliaque id genus, quæ ex confectis à Leucio Catino *Thoma Periegesis* hæstæ videntur.

CAPUT I. §. II. 9

Deinde ultra excurrens Thomas, Coulanum perrexit, postea Meliaporem, tunc temporis Indicarum civitatum facile principem, quæ hodie, eo quod ibi Apostolus strenue Martyrium subjerit, *Civitas Sancti Thomæ* appellatur, ibi Rege, populoque ad veram Religionem conversis, pluribus etiam allectis Discipulis, Sinenses naves, quæ Oceano illi circumfusolâte dominabantur, alacriter conscendit, & in Sinas prætervectus, civitatem tunc temporis (a) *Camballe* dictam, attigit: quo nomine verò civitas illa hodie appelletur, incertum est. Ea in urbe multos ad Christi cognitionem, verique Dei cultum adduxit. Quæ tamen non adeo explorata sunt, ut multi non sint, qui censeant, Apostolum, non in Sinas, sed in regionem, aut Mogolis, aut Thibeti fuisse prætervectum. Conjecturam ducunt ex Christianæ Religionis vestigiis, quæ in iis regionibus olim reperta, non alteri, quam Thomæ, ibi Evangelium promulganti, quod alium neminem fecisse tunc temporis constat, probabiliter tribui posse videntur.

Sed ut res fuerit; ab ea regione Thomas Meliaporem reversus, ubi Regem, Populumque Christianæ Religionis imbuerat, Bracmanum fraude; qui falsæ, quam profitebantur Religionis errores detectos, confutatosque, veramque, quam Apostolus promulgabat, manifestis signis confirmatam, iniquo animo ferebant; lapidibus impetitus, lancea deinde transverberatus, nobilissima atque honestissima morte, martyrum laureolam sibi comparavit. Gloriosissimi Apostoli & Martyris corpus in civitate Meliaporis repertum, translatum fuit primo in Edessam, inde Chium, postremo Orthonam in Apulia. Martyrii vero annus a S. Nilo post (b) martyrium Apostolorum Petri & Pauli; qui anno 66. aut 69. interfecti sunt, computatur. Quamobrem probabili calculo (certitudinem enim hac in re frustra requiras) annus emortalis Apostoli Thomæ fuit annus (c) a Christi Nativitate 73.

III. Cum sanguis Martyrum semen sit Christianorum; Christiani Meliaporenses, post Apostoli mortem & aucti sunt numero, & diu floruerunt; quousque capta Meliapore, atque solo æquata, ferro, ac igne in ipsos sæviante, fuerunt in varias regiones dispersi: ubi cum Christianis hominibus mitius agebatur, nimirum in regna Cranganoris, Coulani, Travancoridis & in civitates Calecuti & Todamala & in montes præsertim Malabaricos; verum longo temporum tractu, errorumque permixtione, vix quicquam præter nomen Christianorum, dum Menessius hos invisit, reliquum illis erat.

IV. Com-

(a) Cham-Balle; hodie Pechin. *Vide Dissert. 1. num. 10.*

(b) Ex supputatione P. Sentz Yvani Societ. Jesu *decad. 1. par. 2. §. 4. ad Mensem Decem.*

(c) S. Nilus apud Phot. in Biblioth. Cod. 276. Ceterum frustra anni certitudo quaeritur: verosimilius tamen videtur opinio Henschenii tom. 7. Maii. *Dissert. 1. qua assignatur Passio S. Petri una cum S. Paulo 29. Junii anni 65., quod vero alii ad an-*

num 69. necem Petri ducant, fortasse factum est, quod deciperentur verbis Eusebii asserentis, sedisse Romæ Petrum usque ad ultimum annum Neronis; quod non de ultimo vitæ Neronis anno, sed de ultimo, quem Romæ egerat, nimirum 65. intelligere oportuit; inde illo digressio in Græciam; nec amplius in Urbem reversus propria se manu in Campania interemit, anno æræ vulgaris 68.

8 HISTORIA SYNODI DIAMPERITANÆ

IV. Commodiorem ac honestiorem præ aliis nati sunt locum, qui ad montana Malabarica pervenere, nam à finitimis Regulis honorificè accipiebantur illi Christiani propter indulgentiam, ac privilegia ipsis concessa à Xarano Perumalo, magno Malabaricorum Imperatore, ut superius indicavimus. Quæ quidem omnia referri debent accepta cuidam (a) Armeno Thomæ Cana dicto, aut Mar-Thomæ, quod idem sonat, ac Dominus Thomas, qui opibus ac potentia pollens apud Reges, præsertim Cranganoris, ab iis ultra non pauca privilegia, impetravit etiam facultatem extruendi Ecclesiam; cujus (b) Ollæ æneis laminis incidi curavit, quas deinde Episcopus illorum Christianorum Mar-Jacob apud Officium Procuratoris Lusitani recondidit, quæ demum injuria ipsius abstractæ fuere. Nec parum contulit ipsius numerosissima soboles incrementi cœtui Christianorum Cranganoris, Caturte, Cottete & Diamper, qui per Mar-Thomæ posteros plurimum fuit auctus; nisi quod filii legitimi cum filiis famulæ cujusdam, quæ pariter Christiana erat, & Naira concubina, tamen de ingenuitate natalium contententes, discordiam non levem, & Schismatis speciem aliquam concitarunt.

Sed nec prætermittendum, quod paucis a fundatione Coulani annis, advenierint duo à Babylone Chaldæi (ut creditur, Nestoriana hæresi infecti) quibus nomen Mar (c) Xabro, & Mar-Prodh, qui amplissimam obtinuerunt ædificandarum Ecclesiarum in iis regionibus facultatem; proventibus etiam, ad hoc non exiguis, attributis; cujus Privilegii aliorumque exemplar laminis æreis insculptum, litterisque non tantum Malabaricis, verum & Canarinis, Tamulianis, & Bisnaganicis exaratum, ostensum fuit Menessio in Tevalecare; ubi inter pretiosiores Ecclesiæ res in Cimeliarchio asservabatur. Ea de causa fortasse factum est, ut illæ Ecclesiæ duos illos Chaldæos inter Sanctos reposuerint; eos appellando *Gade Jagal*, quod ipsorum lingua est idem ac *qui sunt Sancti*.

His affectis muneribus Christianis illis, eorum animos vehemens incessit

(a) Thomam istum Cana Mercatorem Armenum facit Croxus. Assemanus, non alium fuisse sibi videri ait Tom. 4. pag. 443. a Thoma Episcopo, circa annum 800. misso in Indiam a Patriarcha Nestorianorum Timotheo cum sociis Jaballaha, Kardago Davide aliisque, cum quindecim Monachis ex Monasterio Beth-Abensi. Male tamen (ait) dici Armenum, eo quod Malabarenfes, Episcopos tantum Syros, aut Chaldæos admitterebant, non Armenos. Lusitani tamen voce *Arameum*, id est Syrum, delusi forte, substituerunt *Armenum*. Binæ etiam uxores & filii ipsius, nihil aliud sibi videri, quam binæ a Thoma Ecclesiæ administratæ, Augamalenfis nempe & Cranganorensis, & ipsarum Christiani.

(b) Ollæ sunt Diplomata & rescripta quæ non in carta, sed in palmarum foliis, stylo, aut potius celte inscribuntur litteræ. Vide infra cap. 3. §. 1. n. 2. in Not.

(c) Post 100. fere annos ab erectione Coulani, id est anno 925, dicuntur missi in Indiam isti duo Episcopi *Sapores* scilicet, & *Perozes*, juxta pronuntiationem Persicam, si credendum sit Croxæ. Gouvea ipsos nominat *Mar-Xabro*, & *Mar-Prodh*, de quo acriter conqueritur Croxus, dicens pag. 47. Hist. Christian. Indor. *Gouvea qu. corrompt tous les noms &c.* Ipse vero pag. 265. vocat primum *Mar Zapor*: & *Calaminam* appellat: *Casfel da Mina*; si immitaturus est, cur reprehendit Gouveam? Is vero ea nomina scripsit, eo modo quo Malabarensium pronuntiatione suis auribus sonabant. Illi vero tanquam Sancti reverebantur a Malabarensibus. Synodus autem Diamperit. Act. 8. Decr. 25. jussit, ut Ecclesiæ, quæ eorum nomini erant dicatæ, omnibus Sanctis dedicarentur; donec constaret eos non fuisse Nestorianos, quod magnopere verebatur.

intessit cupido, Regem aliquem sibi deligendi, qui regimini præficeret ipsisque contra finitimos Reges præsidio foret; ut narravimus supra. Atmaleianus ethnicorum Regum furor, quamvis in solam Meliaporensensem Ecclesiam sæviret, totam Christianam Rempublicam in iis Regionibus propemodum extinxit. Cum enim ex illa Ecclesia sibi Pastores Sacerdotesque ascisceret Ecclesia Montensis Malabaris; illis vel vi in exilium pulsus, vel interemptis; quique tunc temporis aderant, decursu temporis juxta mortalis naturæ conditionem e vita egressis, in eam redacta est orbitatem, ut Episcopis ac Sacerdotibus fuerit penitus destituta, unusque dumtaxat remanserit Diaconus, cui tamquam Præfuli obtemperabant: immo tantæ jacturæ intolerantia, Sacrarum rerum ignoratione & oblivione illam subsequuta, Diaconum (a), qui unus supererat, coegerunt, ut Missas celebraret, ac reliqua Presbyterorum munia; usque dum idonei Ecclesiæ Ministri aliunde accerserentur; temerè prorsus obiret. Florebat tunc temporis Doctrinæ, ac Sanctimonix fama Ecclesia Babylonica. Cumque major etiam cum ea urbe communicatio per viam Ormusii, ac proinde major esset facilitas in deducendis inde Episcopis, ac Sacerdotibus; missis illuc nonnullis Christianis, tres ex Ecclesia illa Episcopos acceperunt: unum pro India cum titulo Archiepiscopi, cujus Indica Sedes Metropolitana in Malabaris Ecclesia collocanda erat; reliquos duos, tamquam Provinciales, ac Metropolitæ subjectos, alterum pro Insula Socotora, alium pro Masina; quippe eo constitutis in loco navigationis ope promptius atque aptius, quam à Babylone, ab Indicis plagis consuli posset. Tres vero illi Episcopi designati, fuere Mar-Dua, Mar-Thoma, (b) & Mar-Joannam, qui antequam ad suas pergerent Cathedras, in Cranganorem convenere; at eorum duo, ut fertur, & soli & navigationis denuo instaurandæ pertæsi, Babylonem remearunt; in quorum locum alii missi, plures ii Ordinibus, Baptismoque (qui ferè in defuetudinem Ministrorum penuria abierat) initiavere.

Hoc ordine Ecclesiæ Indicæ sub Babylonica informabantur; cum Constantinopoli, optimi Pastoris Chrysostomi pessimus Lupus successor Nestorius, vertente anno 427. omnium lacrymis deplorandum funestumque jam suscitaverat Schisma: unde simplici ignorationi dogmatum, error Nestorii, ignorantia longè deterior, successit. Erat is Nazione Syrus, civitate Germanicius, professione ex Monacho, Presbyter Antiochenus, lingua disertus, inani quadam sanctimonix specie larvatus, indole protervus, ac vaser. Homo plane teterrimus; Anastasio quodam præcursore, duas in Christo asseruit Personas; atque Mariam purum genuisse hominem, non Deum; Unde non Deiparam, sed Matrem Christi dicendam esse; Christum autem hominem, vocari Deum, propter unionem

B

nem

(a) Nulla memoria de isto Diacono invenitur in Tabulariis Indorum.

(b) Ex Epistola Episcoporum Indiæ ad Patriarcham anno 1515. id quod de istis tribus Episcopis narratur; nempe Mar-Dua, aut Dona, Thoma & Jonnam, videtur falsum;

quia duo tunc tantum missi fuere; Joannes scilicet ac Thomas; idest anno 1490. Solus deinde Thomas fuit in Mesopotamiam regressus, tres inde alios secum Episcopos in Indiam deduxit, anno 1503. Denham scilicet, Jaballaham & Jacobum.

10 HISTORIA SYNODI DIAMPERITANÆ

nem quamdam moralem Dei, in illo inhabitantis tamquam in Templo. Cujus novum dogma damnatum mox fuit à Cœlestino in Synodo Romana, anno 430. ac subinde in generali celeberrimo Concilio Ephesino, anno sequenti; ac rursus in Chalcedonensi; ipse vero damnatus, depositus, in exilium pulsus, Caini more vagus, in extrema demum Thebaide, lingua a vermibus corrosa, miserrimè decessit.

Sed nec amplitudo ingens Patriarchatus C. P. immane illud errorum ostentum proprio valuit continere sinu; quinimmo Syriæ, ac Persidis maximam partem pervasit, atque infecit: malum publicum fovente; ut assolet, Schola, (a) quæ Edessæ erat, novi dogmatis infelici laurea exultans; adeo impotenter, ut *doctrina Persica* à cunctis vocitaretur. Neque comburere libros Nestorii (quod Concilium Ephesinum edixerat, ac Imperator Theodosius constituerat) præsentī periculo, ut optabatur, consuluit; cum illius affectæ mox Theodori Mopsuesteni scripta, ipsius Nestorii Institutoris, ac Diodori Tarsensis simili imbuta veneno, Syriacè, Armeniacè ac Persicè in medium producerint; quo factum est, ut brevi indoctos simplicesque homines tenuerit. Babylone autem (ominosum ab antiquis usque temporibus religioni nomen) tanto fuit plausu ea doctrina excepta, ut Episcopi deinceps Babylonici, se se primarios illius doctrinæ Magistros exhibuerint, arrogato sibi novo Patriarchæ titulo; quodque consecrarium erat, jugum Ecclesiæ Romanæ omnium Magistræ, prorsus excusserint.

Babylone (quod nostri est Instituti) nova ista doctrina ac errorum colluvione confusa ac perturbata, ab ea, ut à capite, Ecclesiæ Indicæ ipsius membra, ferali haustu virus trahere cœperunt; inde Ecclesiæ Malabaricæ ac Zocotorensi Episcopi designati sunt Nestoriani, qui hos omnes Populos eandem hæresim edocuerunt; perstiterunt denique in ea, ad annum usque 1599. quo Archiepiscopus Goensis Alexius de Meneses, nostri Augustiniani Instituti splendidissimum sidus, demonstrata errorum falsitate, eos in antiquæ veræque doctrinæ lucem traduxit, quod incassum per annos plurimos tentaverant Lustrani; inaccessæ enim Montium crepidines impedimento erant, Montanos illos homines adire, eorumque errores impugnare cupientibus.

§. III. Labo-

(*) Scholarum erectio ab ipsis Ecclesiæ primordiis repetenda est, Hierosolymis, Alexandriæ & Antiochiæ, ac in præcipuis Palestinæ, Syriæ, ac Mesopotamiæ Ecclesiis; ubi etiam Laici docebant, quales erant Pantenus, Origenes, & Didymus, sub quo Hieronymus, interdum Discipulum egit. Edessæ Schola celebris evasit; immo plures ibi Scholas ex Theodoro Lectore apparet floruisse, quas inter illa numeratur, quæ *Persica* genitū audiebat; ejus usque ætatem est

teste ipso Theodoro *lib. 2. pag. 558. Ut Persæ Nestorianam hæresim sequerentur*: illam docentibus Simeone Elita, Acacio, Barsuma, & aliis; quos omnes circa annum 431. eiecit Rabulas Edessæ Episcopus, quia ut Nestorium defenderent, Libros Diodori & Theodori in Syriacam linguam verterunt. Ibas eos revocavit; at qui ibi successit Cyrus, jussu Zenonis Imp. *Scholam Persicam erectit, anno Græcorum 400, & Christi 489.*

§.III.

Labores Apostolici ad evellenda Nestoriana Zizania I. Erigitur a PP. Societatis Vaipicota Collegium, in quo Adolescentes Chaldaicam, & Syricam linguam addiscant II. Mar-Joseph Archiepiscopus Angamalenfis evocatur Romam III. Nestoriani ad novum accipiendum Antistitem clam Babylonem adeunt. IV. Mar-Joseph Roma redux, Mar-Abraham suam interim sedem natum deturbat. At dum Romana Sedi fidem non servat, ac promissis non stat, iterum Romam evocatur, ac inibi obiit V.

I. **Q**uamvis Episcopi Ducesque Nestoriani non sinerent, ut Christiani Sancti Thomæ Romanæ Sedis Catholica doctrina imbuerentur, non destitit tamen Evangelicus Operariorum zelus in illius vineæ cultura laborare. Omnium primus Joannes de Alburquerque, Seraphicæ Familiæ alumnus, Goæ Episcopus designatus; quem ejusdem Religiosæ Familiæ ven. vir quidam, Vincentius nomine, comitatus est, cum in civitate Cranganoris domicilium fixisset, sæpius interiores terras penetravit, ibique in Ecclesiis conciones & catecheses habuit; earumque plures ad nostratum normam instauravit; antiquæ enim aliter, ut Pagodes scilicet in quibus impia superstitio, & Idolorum vigeat cultus; extractæ erant. Verum cum ex tot laboribus, emolumenti fere nihil Catholica religio caperet; annuente Episcopo, ac Pro-rege, anno 1546. Collegium Cranganore erexit, ubi pueri Christianorum filii, literis, moribus, & quod magis est, veritatibus Catholicis optime formati, sacris initiarentur mysteriis; ut postea ex eorum numero concionatores & catechistæ haberentur; à quibus, utpote non exteris, sed indigenis, expeditius ac apertius Sanctæ Romanæ Ecclesiæ doctrina illarum gentium animis instillaretur.

II. Verum spes successu caruit; nam qui latinos ritus profitebantur (tanta vis est præjudicati erroris) nec tamquam consanguinei, nec tamquam populares habebantur. Id unum effectum est, contubernii illius erectione; ut nempe, qui ibi alebantur, libere sacris initiari possent, aliisque Presbyteris latinis advenis obsequium deferrent, & Catholica doctrina instruerentur. Ceterum in Ecclesiis Sacrum celebrare aliter, quam advenarum more, inter populares suos residere, vel quæ ad Religionem ritusque pertinent, innovare, fuit illis penitus interdictum. Aliquid solum commodi in Diocesium Cochim inde derivatum est, in qua cum libentius Christianorum filii, quam neophiti, consecrarentur, fuit ex Collegii alumnis numerus Presbyterorum auctus. Quamobrem arbitrati PP. Societatis Jesu, id in causa esse ejusmodi aversionis, quod alumni Collegii Cranganorensis chaldaicè & syriacè nescirent, quibus linguis populi illi in re sacra utebantur, in eam abierunt sententiam, fore ut tamquam populares haberentur, eorumque Sacra ministeria acceptæ essent,

12 HISTORIA SYNODI DIAMPERITANÆ

essent, si duplici illo idiomate instruerentur; quamobrem an. 1587. Chano-
tæ, aliàs Vaipicotæ (Christianorum Oppidulum est, à Crangore leuca
spatio distans) Collegium, in quo illæ linguæ addiscerentur, erexerunt;
annuente Rege de Cochim, in cujus erat ditione; attributis etiam ex æra-
rio Regio Lusitano proventibus: futurum insuper, ut in viso Latino-
rum nomine obsolescente, Syros, ut Sacerdotes ceteros Malabaricos au-
dient; qua ratione doctrinæ Catholicæ via complanaretur.

Sed hoc etiam inventum, ubi inceptum, fuit prorsus irritum; grati
enim animi non esse putabant Vaipicotenses alumni, adversus doctrinam
Episcoporum, à quibus sacrum acceperant characterem, mussitare; vel in
eos, penes quos erat ipsos præmiandi puniendique jus omne, quoquo
modo invehi. Igitur ii, quorum intererat, perpendentes mali radicem An-
tistites esse, populorum moderatores, id ceperunt consilii, ut (a) Mar-
Joseph, qui tunc clavum tenebat, in Urbem ad Pontificem mitteretur;
tria inde sibi spondentes bona; cum ipsius Joseph resipiscientiam, tum am-
pliolem liberiolemque instruendi Christianos facultatem; & quod conse-
crarium erat, ipsorum Christianorum, eo absente, minus coarctatam
meliora sequendi libertatem. Fuerat is Mar-Joseph in Malabarem missus
à Patriarcha Babylone Mar-Audixo (b); & planè præ aliis cuncta ad Ec-
clesiæ cultusque Divini decorem optimo in loco collocarat; verum
quantum ad Nestorianam labem attinet, nihilo melior aliis erat, & quod
verius puto, simulandæ tantum Religionis gratia, nonnullos è Lusitanis
inter juvenes familiares adsciverat.

III. Quærebatur tamen id perficiendi ratio; probè enim noverant,
arduum sane esse, Archiepiscopum Mar-Joseph ad suscipiendum iter il-
lud adducere. At cum interea delatum esset, ab ipsis pueris Lusitanis,
quos apud se habebat, ad Episcopum de Cochim, ipsum Mar-Joseph, pri-
vata Catechesi, ad Nestorianas partes eos seducere, dum B. Virginem in
Oratione Angelica, sic & non aliter obsecrandam suadebat: *Sancta Ma-
ria Mater Christi ora pro nobis peccatoribus &c.* Collatis consiliis cum
Archiepiscopo Goensi Menessio, & Pro-rege; omnium consensione effe-
ctum est, ut occasione è re nata, evocaretur Goam, & inde in Lusita-
niam, & ex Lusitania Romam, ut ibi summo Pontifici de actis & fide
sua rationem redditurus, se sisteret. Quum verò in Lusitaniam perve-
nisset, adeo sibi devinxit Reginæ Catharinæ, quæ decedente Rege Joan-
ne,

(a) *Mar* est vox Syriaca & significat, quod inter Hispanienses *Don*, & apud Ita-
los *Signore*; qua voce Syri, Præfules præcipue
liberaliter colunt.

(b) Hic *Mar-Audixo*; ut vocat Gouvea,
& Crozeus *Abdisio*; creditur fuisse eum-
dem, ac *Abd-Jesus*, qui an. 1562. à Pio IV.
Romæ fuit constitutus Chaldeorum Pa-
triarcha. Hunc Crozeus Tridentino Syno-
do interfuisse asserit; contra quod ipse in
Professione Fidei habet, quam Romæ enūcit

in ædibus Cardinalis de Urbino anno 1562.
die 23. Julii: *Juro & polliceor cum mihi non
liceat ad Sanctam sacram Tridentinam Sy-
nodum accedere, sed necesse sit, ut ad Pa-
triarchatum meum me transferam &c.* Ita
illo Chaldaice cujus fuit Interpres quidam
Indus, nomine Joannes Baptista Abiscinus.
Vocatur autem ibi *Abd-Isu filius Joannis*; &
qui tunc sexagenarius erat. Vide Collect.
Conc. Harduin. tom. X. col. 306. & duabus
sequentibus.

ne, summam tenebat Imperii, ejusque Sororis Mariæ gratiam ac animos, fucatæ probitatis specie; ut (prius coram Cardinali Infante Henrico, tunc temporis supremo Fidei Quæsitore, interposito Sacramento, pollicens, se operam deinde omnem locaturum in sua Diœcesi, ad gremium Sanctæ Romanæ Ecclesiæ reducenda) prætermisso ad Urbem itinere, Indiam versus cum commendatitiis Reginæ Litteris remeaverit.

IV. Interea Montenses Diœcesani, nulla præconcepta spe reditus Mar-Joseph, clam Babylonem petitem mittunt, ut novus ipsis Archiepiscopus designaretur. Præerat tunc Cathedræ Babylonicæ Mar-Simeon, qui illicò Ecclesiæ Malabaricæ designavit quemdam Mar-Abraham; hic vero arrepto itinere, eadem Nestoriana lue infectus, in Ecclesiam Montanam penetravit: excipitur ingenti omnium plausu; Ordinationes statim celebrat; omnia demum Pontificis munera obit. Verum ipsum suosque affectas nihil tale cogitantes, ex improvise occupat Mar-Joseph à Lusitania redux; cui utpote Reginæ litteris munito, nullus obsistere ausus fuit. Studia in contraria dividuntur Christiani; quorum aliqui Mar-Abraham partes sequuntur; reseriam Ecclesiasticæ in hoc rerum tumultu pessum eunt. Interim Mar-Joseph (Goæ antea, ostensis Regiis litteris) Archiepiscopo Menessio & Pro-regi scribit; non esse cur intrusus Episcopus sustineatur; ea potissimum de causa, quod plurimis novis erroribus populos imbuere pergat. Ergo capitur ille Mar-Abraham jussu Regis de Cochim & suggestionem per Ducem Militiæ Lusitanæ in Cochimo existentem proposita: mittitur deinde Goam, inde in Lusitaniam, postea Romam, coram Papa causam dicturus. At ubi Mozambicum casu appulere naves; clanculum consensu navigio, Babylonicum mare remetiri cœpit; paulo post, tamen mutato consilio, eo quod Patriarchæ Babylonicæ iussa, renuente Pontifice Romano, felicem exitum habitura non essent, Romam rectâ perrexit.

Perveniens ad Urbem, Pio IV. tunc sedenti se sistit, rem illi totam aperit, modo tamen, ut hæretici solent, occulte dolo & fraudulento; inde detestatur errores, fidei professionem emittit, spondet tandem, sibi commissum gregem ad Romanæ Ecclesiæ unionem reducturum; & quia optimi Patris est, filium etiam ex legem, submissum tamen, benigne suscipere; verbis ipsius præstare fidem, nec facile suspicari de fraude; ultra quam par erat, petitionibus ipsius ille Optimus Pontifex indulgit. Quoniam vero ex confessionis errorumque textura, quos jurejurando interposito reprobaverat, satis constabat, illum fuisse inaniter & sine effectu Sacris Ordinibus insignitum, iterum fuit sacris initiatus, & inauguratus Sacerdos ab Episcopo S. Salvatoris, atque à Patriarcha Venetiarum Sacra infula decoratus; quorum testimonia, exhibita postea Menessio, in Archivio Angamalenis Ecclesiæ servabantur.

Qua animi sinceritate promissa esset Mar-Abraham soluturus, assatim portendebat, obscura fidei professio Romæ peracta, & ejus postea autographum, quod ex Archivio item Angamalenis Ecclesiæ Menessio ostensum fuit, & Syriacis verbis exaratum fuerat; nam ubi confitebatur, Verbum assumisse naturam humanam, atque hominem fuisse factum, ver-

14 HISTORIA SYNODI DIAMPERITANÆ

verbum quoddam Syriacum interseruerat (actu hæreticis familiari) quod non *Naturam*, sed *Suppositum* indicabat. Nihilominus Pius Pontifex suo Diplomate eum in Episcopum Montensis Regionis confirmavit; quinimmo titulo Archiepiscopi eum honestavit; ac tali munere ac titulo dignum, honorificis literis ad Proregem Indiæque Præsules testatus est.

V. Interea Mar-Joseph (in longinquas Regiones depulso Mar-Abraham ejus æmulo) pacifica Episcopatus possessione gaudebat; at contra fidem Goæ & in Lusitania præstitam, errores erroribus cumulavit; immo eosdem populis pro concione inculcabat; quæ re comperta ab Episcopo de Cochim ac Archiepiscopo Goensi atque per hos Cardinali Infanti Henrico, qui tunc pro Rege Sebastiano clavo Lusitaniz affidebat, ac demum Pontifici Pio V. delata, suis literis in forma Brevis ad Archiepiscopum Georgium, quibus adscripta erat dies 15. Januarii anni 1567. jussit, ut Mar-Joseph à militibus comprehensus in Lusitaniam deportaretur, eidemque Archiepiscopo injunxit, ut si veri essent delati rumores, eum ad Sedem Apostolicam mitteret. Statim ac redditæ fuerunt Pontificiæ literæ, Mar-Joseph nihil tale suspicans, captus fuit in Cochimo, & in Lusitaniam primo, deinde Romam ablegatus, ubi demum è vita decessit.

§.IV.

Redux Mar-Abraham detraditur in Cænobium Fratrum Prædicatorum Goæ. I. Fugit inde ad antiquam Sedem II. Gregorii XIII. mandato accedit ad Concilium Goense tertium. III. Veterator quidam saceris non initiatus se Episcopum simulat à Babylone missum, atque a Regina Piperis protectus, in Carturæ Sedem Episcopalem sgit. & à Sixto V. ejus astus detegitur IV. Concilium Quartum Goense, cui interesse removit Mar-Abraham V. Ormutii Exploratores constituntur, ne quis Episcopus Babylonicus accedat VI. Ultimi Nestorianorum Mar-Abraham & Jacobus Vicarius Generalis Simeonis e vivis excedunt. VII.

I. **A**Dventante Mar-Abraham Roma Goam cum literis Pii IV., quibus Archiepiscopus Montensis designabatur, ab anno proximo elapio iter in Lusitaniam Mar-Joseph arripuerat: quamobrem Archiepiscopalem Sedem æmulo suo vacuum reliquerat. Sed huic impedimento fuit illud ipsum Pontificium Diploma, cui plurimum confidebat; nam cum hoc sibi exhibitum Archiepiscopus Goensis, una cum sapientissimis viris attentè expendisset,prehendit, ea omnia, quæ in illo narrabantur, falsitate laborare, atque adeo Mar-Abraham Summo Pontifici impudenter imposuisse: quæ turpi fraude comperta, ne veteres errores recuderet, eum in Goensi Cænobio Sancti Dominici custodiri jussit: Inde tamen malis artibus noctu se surripuit, & in Malabaricam Regionem clanculum

culum regressus, Sedem suam Archiepiscopalem repetit. Inopinatus illius adventus à Malabaricis Christianis, qui duobus Episcopis parvo temporis intervallo abductis, nullum deinceps è Babylone se habituros sperabant, fuit incredibili populi frequentia lætisque acclamationibus celebratus.

Hujus rei certior factus Pro-rex, unacum Præsulibus Goensis & Cochinenſi, lapidem omnem movit, ut Antistitem transfugam in custodiam reduceret; at ille longe a maritimis oris, ac Lusitanorum investigationibus in interioribus Montium recessibus morabatur. Ut velum tamen, aliquod suæ pervaciæ obtenderet, summique Pontificis jussionibus parere videretur, quos jam ante Sacris initiaverat, iterum initiavit; eo facto palam significans, se tunc temporis verum Episcopum non fuisse. His aliisque per literas ad Pro-regem aliosque Indiæ Antistites observantiæ erga Romanam Ecclesiam significationibus, nuntiatis, improbitatem suam subtilius contegi, sibi que cautum satis putabat, cum interim novis in dies erroribus suam suorumque Sectatorum pertinaciam magis magisque obfirmaret. Nihilominus artibus hisce, sed longe magis locorum, asperitate proteſtus, vitam aliquandiu tranquillè liberèque egit. At catecheses juxta Nestorii errores habere, Patriarcham Babylonis sacris tabellis appingere, Romani Pontificis verendum nomen subticere, atque id genus alia, ut consuetudinis erat, intermisit numquam.

III. Probe autem perspicientes Goensis ceterique Indiæ Antistites, doctrina non sana eos infelices innutriti populos, Summo Pontifici tunc temporis Gregorio XIII. rem detulerunt, qui per Breve sub 28. Novembris anni 1578. septimi Pontificatus, ad Archiepiscopum Mar-Abraham directum, injungebat ei, ut accessum expeditum Missionariis Catholicis præberet, seque Conciliis Provincialibus Goensibus sisteret, ipsorumque decretis, quoad regimen propriæ Ecclesiæ inviolabiliter sancteque obediret, concedebat ulterius ipsi commeatum Apostolicum, quo tuto ac libere valeret accedere, quin aliquis ipsi obstaculo foret, quod & reliquis earum partium Præsulibus notum faciebat. Igitur cum indiceretur tertium Concilium Goæ per Archiepiscopum Fratrem Vincentium Fonsecam; ne gratiam Lusitanorum amitteret; neve ut Schismaticus vexaretur, si venire detrectaret, Goam solícite petiit, & Concilio interfuit: ubi iterato errores abjuravit, Fideique professionem emisit, ejus decreta servare spondit, traditurum se etiam libros, aut flammis absumendos, aut calamo purgandos promisit. Factus etiam sponte fuit, in Presbyterorum institutione, Calicem se vino vacuum porrexisse, & panem tantum; quapropter jussu illi fuit, eisdem iterum ordinare; utpote qui propter diminutionem materiæ (a) rem ordinis nullatenus acceperant. At ex iis, quæ pro

(a) Traditio instrumentorum in Ordinationibus Sacris inaudita fuit per plura secula in Occidente; in Oriente vero nunquam fuit in uſu. Morinus in id proponit ut ad annum fere millesimum introducta sit, sultus codice Constantini-Cajotani. Ceterum ex ipso de Sac. Ordin. Part. 3. Exercit. 7. cap. 1.

num. 18. & Sacramentario Gregoriano Bibli. Vatic. constat, in ordinatione Episcopi dari tunc ipsi *Panem cum ablatis, & Calicem cum vino*. Certum autem videtur eum ipso Morino, Tournely de Ordin. & alius, in sola manuum inpositione, Presbyteratus materiam tuto collocari posse. Nec mirum

promiserat, nihil servavit præter institutionis Presbyterorum redintegrati-
tionem, quam executus fuit forsitan ob adstantes nonnullos Syriace doctos
Vaipicotensis Collegii alumnos. Immo postea scitum est, literas misisse
ad suum Patriarcham Babylonico de rebus Concilii, quibus literis si-
gnificabat, se habitæ Synodo ultramodum coactè interfuisse, *eo quod* (aje-
bat) *Lusitani capiti meo imminet, ut Mallei super incudem.*

IV. Et quamquam jam pene tædet tot scenarum siparia ducere ac re-
ducere; juvat tamen cœptis insistere, donec ad ultimum Nestorianorum
Angamalensem Episcopum perveniamus. Ergo extremam attingebat se-
nectam Mar-Abraham, cum simili qua forastruserat arte Mar Joseph, ab
alio Babylonico propemodum elusus fuit. Nam ecce quidam Mar-Simeon
(quod ipse dicebat) à Patriarcha Babylonico missus apparet, quasi
Abrahami successor designatus. Iterum omnia perturbari, Christianos,
hos pro Simeone, illos pro Abrahamo stare, & in contraria studia scindi;
Interim Simeon protectione Reginæ Piperis potitus, in Carturtem; ejus
Regni nobile Christianorum D. Thomæ Oppidum, concessit; ubi à cunctis
Ecclesiis in ejusdem Reginæ ditione constitutis, tamquam Episcopus ex-
cipitur, Excommunicationes inde ac Anathemata (res ridicula) quasi
missilia, alter in alterum mutuo intorquet; Christiani obedire verentur,
eorumque plurimi ancipites hærent; intrepidus autem Simeon, munia
quæcumque Episcoporum expeditissime assumit: Pro-rex atque Goensis
pro Abrahamo stabant, quod à Pontifice Romano consecratus fuisset; quam-
obrem, adnitente Rege de Cochim, capitur Simeon; at ipse, id sua-
dentibus Patribus Franciscanis, Urbem petere constituit: quod nisi faciat,
idem sibi timet infortunium, in quod alii incurrerant. Tritum exinde iter
aggrediens, petit Cochim, Goam, Lusitaniam, Romam. Sedebat tunc
in Apostolico Solio sagax ille juxta, ac rerum usu peritus Pontifex Si-
xtus V., hic ut omnia æqua lance librabat, districto examini subjicit Simeo-
nem; jubet fidem, mores, animum, chartas, schedas etiam quascumque
ipsius perpendi; detegitur denique ex ipsius literis, ipsum Nestorianum
esse, & nulla ratione Episcopum: immo ne Presbyterum quidem, habe-
bat enim miser penes se epistolæ cujusdam exemplar (quod coram agno-
vit suum) quam ad Patriarcham Babylonico scripserat, in qua nuntia-
bat, se, cum in Indiam venisset, ac non sine mœrore animi perspexisset
in Episcopatu Malabarico ipsi subjecto, omnia in deterius prolabi, juris-
dictionem ipsius conculcari; Lusitanos cunctis superbe dominari; ritus
tandem Babylonicos, ac doctrinam Chaldæorum penitus aboleri; totius
etiam mali causam esse, quod Mar-Abraham præ senio fractis corporis
animique viribus languesceret; opportunum atque pergratum Deo &
illi se facturum arbitratum esse, si (quod fecit) personam ac speciem
Episco-

Menessium & alios cum Scholasticis eam
tenuisse opinionem, ut instrumenta essent de
essentia Ordinis, quæ tunc erat communior:
ut Patres similiter Trullani (ex ducta Senten-
tia, quod trina immersio esset de essentia Bapti-
smi) statuerunt Can. 95. rebaptizare hui-

nomianos, qui in una demersione bap-
tizati: neque mirum quod in rebus ad disci-
plinam Ecclesiæ attinentibus, Theologorum
ingenia opinionibus ævi sui, alioquin im-
moxis, tutius indulgerint.

Episcopi indueret; post hæc addebat, se efflictim obsecrare ab ipso, cum arrogatæ auctoritatis veniam, tum etiam verum titulum; demum ut quæcumque egerat; etiam facta collatio ordinum, rata, validaque haberentur. Quibus compertis Sixto Papæ, etsi reus pœnas graviores mereretur, mitius cum illo actum fuit, nec aliam habuit pœnam, quam relegationis in Cœnobium, in quo Catholica fide probe instrueretur. Sententiam autem in eum latam, ipsemet detulit ad Philippum II. Hispaniæ, ac Lusitanæ Regem, quam postea hic Alexio Menessio tradidit, cum eum in Indiam misit. Simeon itaque in Lusitaniam fuit amandatus, atque in Cœnobio Ulyssiponensi Sacræ Familiæ Sancti Francisci custodiri iussus: e cuius latebristamen haud omittebat literas in Malabarem mittere ad Cassanarium Jacobum, cui Vicariam discedens contulerat potestatem, quibus eum hortabatur, ut partes suas ac errores valide sustineret; præterea se in dictis omnibus epistolis Indiæ Metropolitam appellabat.

V. Pulso procul Simeone, tuto degebat Mar-Abraham; nisi quod Jacob Simeonis Vicarius, ac Ecclesiæ Piperinæ ipsius obedientiæ refragabantur. Interea indictum fuerat Concilium Quartum Goense anno 1590. ab Archiepiscopo Matthæo; & quamvis illo accedere deberet Mar-Abraham iussu Gregorii XIII. in suo Brevis superius recensito; obstinate obedire recusavit, & in sua sede permanens, Simoniz, ac Nestorianis erroribus, ut antea indulgit. Quo explorato, Clemens VIII. in Brevis sub 27. Januarii anni 1595. Pontificatus tertio, injunxit Archiepiscopo Goensi Alexio de Menesses, ut cum constaret de veritate criminum delatorum, eum Goam evocaret, & carcere detineret; designato interea in Episcopatu Angamallensi Vicario Apostolico Latini ritus, utque e vita decedente Abrahamo, nullos ex Armenis (a) aut Chaldæis Episcopos pateretur; sed quem Ecclesia Romana designaret, opperiretur. Præcipiebat insuper illi, ut adversus quoscumque, de quibus talium errorum suspicio haberetur, sedulo inquireret.

VI. Sublata omni mora, judicialis causæ cognitio, siue *Processus* (b) instituitur, reusque eorum criminum vincitur, ac ad Pontificem acta mittuntur; Abrahamum vero apprehendere & difficillimum arbitrabatur, eo quod montes asperrimi ipsum tutabantur, & inutile, eo quod clinicus lecto decumbebat. Ut autem caveretur successoris Chaldæi accessus, qui timebatur, ad Ormuzium unicam viam Exploratores missi sunt, qui caverent, ne aliquis Ecclesiasticorum e Chaldæa, Perside, aut Armenia transfret in Indiam, absque speciali Goensis facultate; nec incassum id cessit; abactus enim fuit illinc quidam designatus Abrahamo Archiepiscopus successor cum ejusdem filio, aliisque comitibus. In omnibus præterea Portubus Indiæ inquisitum fuit in externos quoscumque illuc adventantes, ac diligenter cautum, ne personati, aut Nautæ, aut Trapezitæ (quod erat frequens) larvis, Episcopi, vel Presbyteri Babylonici aditum ad eam Regionem invenirent; quæ quidem agendi ratio unicum fuit

(a) Cautum id fuerat in Concil. III. Goensi, cui ipse Mar-Abraham subscripserat; ut apparet ex ipso Brevis Clementis VIII. laudato.

(b) Ponitur hæc vox, licet latine minus sapiat, quia notior, & usitatior.

18 HISTORIA SYNODI DIAMPERITANÆ

fuit opportunumque cum præsentī, tum futuro discrimini auxilium,

VII. Nec cum aliis jam res erat Menessio, præterquam cum duobus Nestorianis, Abrahamo & Jacobo, & quidem hic, etsi non alio characterē insigniretur, quam Vicarii Generalis Simeonis; hominis intrusī, & plane secularis; in tantam devenit audaciam (nescio an & amentiam) ut Aras consecrare, ac Pyxides auderet, aliaque Episcopi munera sibi usurpare. Non tamen destitit Menessius identidem hortari, ut se Archiepiscopo Angamallensi submitteret, ac usurpata jura, atque Ecclesias Piperinas restitueret, deinceps ad meliorem frugem mentemque rediret: verum surdo cecinit; immo triduo ante mortem, eum literas Officii amorisque plenas à Menessio accepisset hujus argumenti; frigide dixit, responsurum se triduo post; sed illomet die obiit: uno verbo; refractarius vixit, refractarius decessit.

Quod attinet ad Abraham, æque officiose erga eum se gerebat Menessius, ac erga Archidiaconum ejus Georgium, sæpissime eos hortando, ut Nestorianos exuerent errores, atque ab illis Ecclesiis eam pestem quam longissime amandarent; sed perinde pericaces ac Jacobus se se exhibuerunt, & eo progressa est pervicacia, potissimum (a) Abrahami, ut cum mors illi immineret, atque jussu Menessii ad eum accessissent Patres Societatis Vajpicotensis Collegii, quo eum Sacramento Pœnitentiæ expiarent, Pœnitentiæ Sacramentum ejusque Ministros contemferit; ac tandem in hoc misero statu e vivis excessit. Equam post mortem sortitus fuit sepulturam in Ecclesia, (dignum patella operculum) quam ipse dicaverat in Angamalle Hormisdæ cuidam Abati, Nestorii affectu, quem illi Christiani Sanctum Hormusium vocabant.



(a) Fallitur Franciscus Machieta eruditus Auctor libri *de Divino Officio*: anno 1739. Venetiis edito, quum cap. 10. pag. 122. scribit Mar-Abrahamum Synodo Diamperitanæ interfuisse; cum ipse ante ejus celebrationem obierit. Interfuit sane Synodo

CA-
Goensi, anno circiter 1585. & tertiæ Goæ celebratæ, ubi abjuravit Nestorianismum, in quem fuit relapsus: ceterum Synodo quartæ Goenæ anno 1590. coactæ, adesse poluit.

CAPUT II.

De rebus præviis ad Synodum.

§. I.

Incumbit sedulo Menessius in reductionem Malabarensium ab erroribus Nestorii ad fidem, & Ecclesiæ Romanæ obedientiam. I. Designat Vicarium Ecclesiæ Angamallensi, Archidiaconum Nestorianum Georgium, & hujus astus ac subterfugia II. Perturbatis rebus, Menessius ipse ire eo constituit III. Novæ cavillationes Georgii, quo id impediatur IV. Iter arripit Menessius, ac tenet Ostia Cinnalis V. Colloquium init cum Georgio, atque Vaipicotam contendit VI. Omnia denuo perturbantur, atque Menessius in Paru secedit VII.

I. **U** Nica via per Ormuzium Babylonici interclusa, Simeone illo pulso, atque Abrahamo & Jacobo vita functis, nihil superesse videbatur, quod metum incuteret, ne vetusta fides ad eos Christianos longo quasi postliminio rediret. Vix itaque de obitu Mar-Abrahami, dum Diocesium suam visitaret in Damano die 16. Februarii 1597, nuntios accepit Menessius a Pro-Rege Mathia de Alburquerque; confestim juxta præscriptum Clementis VIII. designavit in Gubernatorem ac Vicarium Apostolicum Angamallensis Diocesis Patrem Franciscum Roz (a) Soc. Jesu, qui postea fuit Episcopus ejusdem Ecclesiæ: omnes enim prærogativas, quas Clemens in Gubernatore designando exigebat, cumulate habebat; virtutem, doctrinam, prudentiam, linguas præterea callebat Malabariam ac Syriacam; erat denique illis Christianis acceptissimus. Ceterum res effectum caruit, eo quod ea Diocesis suam jam haberet Gubernatorem, Archidiaconum nempe Georgium, (b) quem Abraham morti proximus elegerat, & de quo spes erat, ut à Babylonici Episcopus designaretur. Erat hic de ea gente benemeritus, ac illorum pluribus sanguinis nexu devinctus. Quibus auditis, cum Goam post tres menses rediisset Menessius, collatis consiliis congruum visum est, eundem Georgium Gubernatorem ac Vicarium Apostolicum instituere; tum quia nemo latini ritus

C 2

tus

(a) Pater Franciscus Roz ex Gotholonia Gerundenis.

(b) Archidiaconatus erat unica Dignitas in Ecclesiâ Angamallensi; qui vero in Archidiaconum ordinabatur, prius Episcopi, Cleri & Populi suffragia habere debebat; & quidem jure merito, cum is esset Vicarius Generalis Episcopi, & in contentiosis, &

cura temporalium Minister. Populi autem & Cleri suffragia frequentissime in aliquem Decessoris propinquum ferebantur; contra quem morem is Georgius Dignitatem præcipuit cuidam Cassanario Thomæ Curia (qui postea fuit Menessii Comes) prioris Archidiaconi Nepoti.

20 HISTORIA SYNODI DIAMPERITANÆ

tus homo (ut erat Pontificis votum) reperiebatur , uno excepto Rozio , qui muneri par esset ; nec ex Babylonicis quisquam erat Georgio aptior , tum etiam quod res Ecclesiæ , eo in partem honoris vocato , expeditius transigi posse videbantur . Impendenti autem de fide ipsius discrimini tutissime occurrì posse , si ea provincia ipsi committeretur hac lege , ut in ea gerenda duos sibi adjunctos haberet veluti administratos , & consiliarios . Assignati autem ipsi fuerunt Franciscus Roz , & Rector Collegii Soc. Jesu Vaipicotensis , qui professionem fidei juxta Tridentinum , ac formulam Pii IV. prius à Georgio exigent , (& quidem publice) ut res postulabat , emittendam .

II. At Georgius homo dolis instructus , ac vulpem in pectore servans , accepto nuntio , recusare id primo cœpit , causando (quo Romanæ Ecclesiæ contemptum , ac suam pervicaciam tegeret) non decere sibi adjutores dari . Fraudem ac simulationem ea excusatione celatam intime novit Menessius ; nihilominus eam caute dissimulans , conditionem adjectam revocavit ; tum ille munus acceptavit frigidis hisce & nugatoriis verbis : *Id accipio , quod præhabebam* . Quod attinet vero ad professionem fidei , se eam spondet emissurum Feria V. in Cœna Domini , ut solennior confertissima Populorum frequentia redderetur (dilationem quattuor mensium poscebat homo astutissimus , quia sperabat futurum , ut intra spatium hoc temporis novus Episcopus, Babylone electus, Ecclesiæ illius potiretur) Id non ignorabat interim Menessius , illum artificiose moras quærere ; nihilominus perversi animi significationem clariorem expectavit , quæ porro elapsis quattuor mensibus clarissima fuit , nam Georgius palam & perfricta fronte professus est , Ecclesiæ Sancti Thomæ cum Ecclesia Romana nihil esse commune , ac proinde se eum non agnoscere ut Præsulem ordinarium illius Ecclesiæ , immo neque ut delegatum . Cogere subinde cœpit plures Cassanarios , potioresque e Civitate , quasi Synodum celebraturus , Populos etiam Montenses vocare . Conveniunt itaque omnes Angamallam totius Diœcesis caput ; totius vero Synodi summa hæc fuit : Jurejurando interposito , se quotquot erant , quod eorum etiam omnium nomine , quorum personam gerebant , pollicebantur , nihil acturos præter voluntatem Archidiaconi ; nihil novi diversumque ab iis , quæ antiquitus acceperunt , se amplexuros ; legem Sancti Thomæ pessumdari , minime toleraturos ; Antistitem demum aliunde , quam a Babylone electum , nullo pacto admisso ; quæ omnia facultatum , & vitæ ipsius impendio se promoturos polliciti sunt ; atque id testimonio publico per totam Diœcesim evulgarunt .

III. Exinde omnia , quæ parabantur remedia , executione , & fructu cæruerunt . Sacerdotibus Latinis Missarum celebratio interdicta fuit ; quin etiam Jesuitam e Collegio Vaipicotæ (qui , ut consuetudo ferebat , Angamallam concionaturus accesserat) interficere conati sunt : sicuti & alium ejusdem instituti in Molandurte , ac duos Clericos in Carturte , quibus , dum somnum caperent , duos colubros (a) cucullatos submisserunt . Itaque

(a) Serpens *Cuculla* , aut *Cucullatus* vocatur in Malabarìa , propterea quia ejus colulum vesica circumdatur ampla , Caputii aut

Cucullæ speciem referente , in qua præsentissimum nec medicabile continetur toxicum ; illius tres recensentur species , de quo legi

que rebus pene desperatis, ipsemet Menessius, cui plurimum cordi erat illius pessimi Nestoriani veteris fermenti expurgatio, ire ad eos statuit, cum primum liceret. Res tamen erat plena periculi; obstinatio hominum summa; odium in Lusitanos ob utilitatem commercii, præsertim piperis, simulatum quidem, sed maximum; Ecclesiæ ac præcipua oppida difficile adeunda, tum quia in interioribus Regionis illius recessibus sita, tum quia ipsis dominabantur diversi Reges, & omnes Ethnici. Verum Menessius pavere nescius, iis omnibus, quæ à Magistratu Civitatis, Optimatibus, Canonicorum cœtu, Præsulibus, Clericis ac Equitibus in contrarium adducebantur, rationibus nihil est motus; immo nec suasiones Episcopi Cochimensis, in cuius Diocesi plures erant eorum Christianorum pagi, ipsum remorari potuerunt. Quia tamen per ea tempora exarserat bellum inter Regem Mangatensem, & Parvanum intra Malabarem; ut ipsi significavit Antonius de Noroña Dux Militiæ in Cochim, id unum in causa fuit, ut iter ad proximum distulerit annum: cuius rei illicò certum reddidit Georgium, exigens ab eo ut interea staret promissis, & in suo proposito peristeret profitendi fidem, libros tradendi, & Ecclesiæ Romanæ obedientiam præstandi.

IV. Consilii, quod Menessius susceperat, certior factus Georgius, tota animi sui audacia atque vafricie unus fuit, ut novo aliquo colore suam dissimularet perfidiam, ac iter Menessii præpediret: fraudulentè itaque respondit, se paratissimum esse fidem suam profiteri apud cujuslibet alterius Instituti Religiosos, præter Jesuitas, quos inter & ipsum simulas intercesserat. Porro non latebat Archiepiscopum, hanc esse meram fallaciam, quam inveteratæ perfidiæ obtendebat: attamen ut indulgentius ageret cum ipso, atque animum adeo pervicacem mansuetudine deliniret, ei morem gessit, atque id muneris commisit viro probo, gravique Ordinis Minorum, exigens interim à Georgio, ut palam eliceret fidei professionem, ipsamque lingua vernacula Malabarica scriptam, manu propria subscriberet ac muniret. Igitur ne ampliorem procrastinationem interponens, indicium evidens suæ perfidiæ exhiberet, ad incitas, ut ita dixerim, redactus, apud Patres Minores professionem fecit, sed clanculum (ne, ut aiebat, aliis præberet occasionem dicendi, ipsum prius non fuisse Catholicum) sed diminutam, sed nec (a) Pianam, in qua ne verbum quidem habebatur de dogmatibus Nestorianæ sectæ oppositis, nec ulla fiebat mentio Romanæ Ecclesiæ. Hac nihilominus fidei professione imposuit multis, at non Menessio optime callenti vulpinas hæreticorum frudes. Is ergo illi significans suam animi indignationem, ab incœpto numquam se destitutum obtestatus est, nisi quam & qualem exegerat professionem, ipse Cochimi eliceret. Sed en ille novam fabulam exorditur, diem itaque solennis fidei professionis emittendæ cunctis indicit. Magistratus

Co-

potest P. Vincentius Maria à S. Catharina Senense lib. 4. Itin. Ind. cap. 18. pag. 417. Infelices autem illi Indi, ut antiqui Romani, Febri, Morti, &c. Aras timore ducti erexerunt, ita ipsi colubri hujus Simulacra in

Pagodis colunt.

(a) Exegerat ab eo Menessius, ut præscriptam à Concilio Tridentino professionem fidei emitteret, juxta Bullam Pii IV., quod Georgius abnuvit.

22 HISTORIA SYNODI DIAMPERTANÆ

Cochimensis, Militiæ Dux, Religiosi plures, ac Proceres multi ad designatum accedunt locum (Ecclesia erat Dominæ Nostræ de Vaipim) ille ex adverso veluti à suis fugax, solo Cassanario aliisque paucis sibi familiaribus comitatus accedit: sedet in Cathedra; Latinus quidam professione legit Lusitanice, cuius idiomatis ille erat ignarus: postremo rogatur, an ita credat, ut lectum fuerat? An Papam tamquam universæ caput Ecclesiæ, & Archiepiscopum Goensem tamquam suum superiorem agnoscat? Annuit ille; quo nutu finitur fabula; de qua postea à suis rogatus, dicebat, se accessisse ad Ecclesiam ostensurum, fidem suam rectam esse; audiisse legentem quemdam Sacerdotem idiomate sibi occulto; deinde agnovisse Papam ut caput Ecclesiæ, sed Romanæ, & D. Petri, non autem Divi Thomæ; Menessium etiam tamquam Metropolitam Indiæ, sed latini ritus, non vero Babylonici, atque adeo tota res recidit in ludricam scenam & histrionalem simulationem.

V. Quibus non sine ingenti dolore à Menessio acceptis, amplius sibi non protrahendum iter arbitratus (nequidquam Goensibus refragantibus) Goa discessit die 27. (a) Decembris 1598. Cochimum versus; atque conscensa Trireme, Ostia tenuit Cuñalis, inde Cananorem perrexit, ac per sexdecim dies visitatoris, sive inspectoris munus peregit; exacti enim erant quattuor supra viginti anni, ex quo Præsulum nullus eo perrexit: omnibus Ecclesiis Presbyteros Malabarice doctos dedit, quos eo sine secum ducebat, quique circumcursabant proximos civitati Pagos interdiu, noctu verò à se gesta eo die unusquisque illi referebat. Plurimorum corda Deus eorum prædicatione emollivit; inter alias eminet conversio nobilis Ethnici, qui ethnicam amassam decem annos deperibat, Menessius ipse virum & mulierem sacra unda tinxit, Chrismate unxit, matrimonio copulavit. Die 26. Januarii Cananore discessit, atque prima Februarii pervenit ad Cochimum, ubi summis gratulationibus ab Episcopo, Optimatibus ac Præfecto Militiæ excipitur, atque in præparatam domum deducitur.

VI. Ut de rebus ad bellum Cuñalis pertinentibus inter Reges (b) Samorim, Calecut & Cochim pertractavit, & cum isto id peregit, ut Lusitani tutius ad eas oras accedere jam possent; illicò animum intendit ad res Angamallenses, inter quas primas tenebat, versutiam Archidiaconi Georgii quoquomodo expugnare, aut eum sibi devincire: nec mora, ipsum ad se Cochimum evocat; verùm Georgius præteritarum fraudum conscius, & ex conscientia rebus diffidens suis, aliquot dies responsum differt; at Menessius causas dilationis pernoscingens, trepidantem & ancipitem hac ratione securum reddidit. Misit nempe illi commeatum, Sacramento interposito, à se nullatenus vexatum iri; quinimmo se de rebus antea gestis ne verbum quidem habiturum. Hac securitate illectus Georgius accessit, eoquod Cassanarii, ac reliqui, quibus hac super re consilium inierat, in hanc conspirabant sententiam: admittendum nimirum

(a) Gouvea scribit fol. 13. col. 3. Menessium non valuisse iter arripere illo an. 1598. Crozeus ait pag 99. ipsum Goa discessisse

in Malabariam 27. Septembris illius anni. (b) Samorim idem est ac Imperator.

rum Alexium esse, sed tanquam hospitem, sepositis iis omnibus, quæ ad Jurisdictionem pertinent; fortasse interea fore, ut e Babylone expectatus designaretur Episcopus. Id quod præcipue difficultates omnes emollicbat, erat timor, ne exclusis Lusitanis, commercium Piperis cessaret. Rebus ita statutis, tria milia armatorum asciscuntur; quæruntur præterea duo Panicales, (a) qui in Archidiaconi defensionem se se Amolcos (b) Malabarico jurant more. Ii gladiis, parmisque; Panicales vero ancipiti gladio de more instructi, proficiscentem Georgium affectantur Cochimum: ubi ab Archiepiscopo comiter ille accipitur, ipsiusque manum, genuflexus deosculatur, quod etiam præstitere duo Panicales, alique comites Cassanarii; confidentibus autem Menessio, ac Georgio, Panicales exertis gladiis pone Sedem Archiepiscopi utrumque latus cingunt; specie quidem convenientem sibi quærendi locum, re autem ipsa capiti Menessii ob inopinæ prodicionis suspicionem impendentes. Habetur demum quod optabatur inter eos colloquium; quo tandem constituitur, postridie Archiepiscopum perrecturum Vaipicotam, ubi Georgius, Cassanariis, ac Optimatibus Montanarum Regionum comitatus, ipsum oppesiretur.

Igitur Menessius septem Tonis (c) mari se, suosque committit; atque Vaipicotam appulso, inter plurimorum officia, tres Seminarii Vaipicotensis Alumni trino gratulantur idiomate, alter Latino, secundus Syriaco, tertius Malabarico. Ad Ecclesiam confestim itur; ubi Pontificalibus indutus concionem ad Populum habet, argumento desumpto ex iis verbis Joan. 10. *qui non intrat per ostium, sed ascendit aliunde, ille fur est & latro, qui autem intrat per ostium Pastor est ovium*, quæ verba nemo non videat quam opportune ad ea, de quibus agendum erat, selegerit. Ea die Archidiaconus, ejusque Cassanarii concioni minime interfuere; ne præsentia ac silentio rebus dictis acquiescere, easque approbare viderentur: interfuere tamen post biduum. A Menessio, qui consilia, quæ præconceperat corde, premebat, Georgius humaniter excipitur; immo ut eum magis magisque proliceret; plura ad Ecclesias pertinentia cum ipso confert, qui ut erat animo ad simulationem composito, omnia quæ ipsi Menessius proposuit, simulate approbavit. Interea ad novum scopulum navis offendit: intererat Menessius matutinis ac vespertinis horis, & Missæ solenni in Ecclesia, utque animadvertit bis in sacro, bisque in Officio Patriarchæ Babylonici nomen recitari; id jam pacato animo ferre impos, etiamsi in dissimulantiam (quod tempus exigere videbatur, quodque aliis placebat) propenderet; scrupulis tamen, aut indole victus, anathemate percussit omnes, quotquot in posterum, Patriarcham inter Officia Divina nominaret, cujus præterea in locum nomen

(a) *Panicales* vocantur à Malabarensibus Lanistæ, quibus quantum deferant illæ gentes, & quantum illi armatorum Discipulorum numerum adlegere valeant, vide in Syllabo Voc. Exotic.

(b) *Amolcos* vocant illos, qui in alicujus ritum & defensionem jurejurando interpo-

sito, vitam profundere sunt parati, acque expediti, cetera vide in Syllabo.

(c) *Tones*: genus est Cymbæ à nostratibus prorsus dissimile; remos quippe tantum habet binos, unum in proza, in puppi alterum; constat etiam Carbaso, ut lemborum ceteri.

24 HISTORIA SYNODI DIAMPERITANÆ

men Romani Pontificis sub eadem pœna, & *late* quidem *Sententia* subrogandum esse indixit.

VII. Rogatus ut hanc sententiam suscriberet Georgius, inopino gelu obriguit, ejusque vultus varios induit colores, sed cum Menessius instaret his verbis: *subscribe Pater, etenim securis ad radicem usque immittenda est*, volens nolens post Menesium subscripsit; mox subscribere Cassanarii singuli: verum inde omnia denuo concuti, omnes tumultuari, circulos undequaque cogere, dejerare demum ante Cœlum Terræ committendum, quam mutarent vetustam legem D. Thomæ cum lege Divi Petri, soli Patriarchæ Romano congruente, non sibi. Quæ non è re nata, sed temere & inconsulto facta esse Lusitani ipsi censebant: verum sibi semper similis Menessius constanter affirmabat, nisi aliud attulisset boni ea res, illud unum tamen esset maximè faciendum, quod nempe pustandem latens foras prodierit, & qui sani essent, quive infecti, certo inter nosci jam posset.

Proximo mane (interim concoquendam Vaipicotæ rem tempori permittens) in Paru contendit Archiepiscopus, Paruani Regni caput; urbs erat ex æquo nobilis (a) atque Ecclesiæ Romanæ rebellis; ubi ad captandam Archiepiscopi benevolentiam; utque mitius cum ipsis ageret, Paruani illi solennem ac festivam pompam paraverant: ast cum prævolasset illuc rumor tumultus Vaipicotensis, parato gaudio successit luctus, nec ultra octo ex illis, aut decem cum Georgio, (qui ut adventanti Menessio obviam iret, maturius eo accesserat) ad excipiendum Archiepiscopum accurrunt. Is in Ecclesia Orationem habuit de amoliendis erroribus, ac Sacramentis suscipiendis; verum ut de Confirmatione vix sermonem habere cœpit, curritur ad arma, stringuntur enses, nec passuros se esse clamitant, Sacramentum novum à Christo non institutum quoquomodo adhiberi; inventum merum id esse Lusitanorum, per quod frontes signantes Chrismate, ac alapa impacta alienos subditos sibi mancipabant. Obniti contra Alexius, ac obtestari, atque Pastoralis pedo elato pene lacessentis more, puram esse, quod prædicabat, veritatem asseverare, addens intrepide, se gladiis non terreri; quod si mihi, inquit, (b) pro istâ fide mor-

(a) Gregorius XIII. concessit duobus Cassanariis, qui e Paru Romam venerunt, quod in Ecclesiâ Paruana Altare Privilegiatum haberetur; quod solita sibi insulsiatate irridet Crozeus Hist. Christian. Ind. pag. 108. quia in primitiva Ecclesia (sicuti inter Orientales) unum tantum erat Altare. Ast quid inde? Rideat quia nunc Ecclesiæ habent testâ, habeant Nolas, & Organa Musica, quæ homines Apostolici non agnoverunt. Antea plures Sacerdotes in uno Altari una concelebrabant; cessante etiam concelebratione anno circiter 1330. plura congruentius Altaria servata sunt; poterat demum illud Altare privilegio donari etiam si

esset unicum;

(b) Cachinnos tollit Crozeus pag. 111. quod invektivæ, & declamationes Menessii, hominis Lusitani percipi potuerint à Malabaricis & Chaldeis, ut supponitur in Actis, cum tantum Lusitanæ loqueretur; attamen cum Georgius aliiq. in Ecclesiam Romanam debachantes adversus Menesium vociferabant Malabarice, Syriace, & Chaldaice, & quidem hominem Lusitanum, non ambigit istum omnia percepisse, quæ ab illis effusiebantur: ridendum hoc potius; & quod adeo insane, viri alioquin eruditi, adeoque impotenter a recto rationis tramite quam longissime aberrant, eo vel ma-

mortem machinamini, me ad eam subeundam paratum habetis. Ad hæc silente turba, Georgius præter expectationem, paucos e Pago deductos pueros, Menessio sinit Christate muniendos; ceterorum autem nullus accessit. Post hujus Sacramenti administrationem, Archiepiscopus ad Tones, ut ibi noctem transigeret contendit, a Mari potius eo die quam a terra malaciam sibi promittens.

§. II.

Cavet Menessius paratas sibi insidias à Paruanis. Commigrat e Paru ad Mangate, Chegure, & Cannur. I. Georgius Archiepiscopus primo à se delusum adit cum aliquot Viris literatis e suis Cassanariis. Disputatur utrinque de Religione. Dat manus vietas tandem Georgius, ac de Synodo celebranda convenitur, & publice convenia ab omnibus subsignantur II. Ab Ecclesiis septentrionalibus obstinatis, ad Australes mitiores digreditur Menessius III. Diaper tandem ingreditur, ac Ordinum Sacrorum collationem indioit, nequidquam abnuente Georgio IV. Hic e contra Regulos sollicitat; & Menessii constantia, & Responso V. Georgius obtentu salutis servanda illum a sententia celebranda Synodi abducere incassum conatur VI.

I, **Q**Uam prudenter egerit Menessius, oblatum hospiti um repudians apud Paruanos, & rediens ad Tones dormitum, clam aperuit illi Christianus quidam e Paru, nuntians ei insidias fuisse paratas, atque Amolcos in promptu esse, qui ea nocte eum jugularent: quovitato discrimine, in Mangatem contendit, primariam Urbem Mangatensis Regni, ubi deprehendit, totum pene Muliebre genus ad Ecclesiam alto muro vallatam confugisse metu acerrimi belli, quod gerebatur a biennio, ut memoratum est, inter Reges Mangatensem, & Paruanum. Habet concionem ad Mangatenses, quæ pronis auribus excipitur, immo Cassanarius Octogenarius a Menessio rogans, an ut a suis semper audierat Episcopis, non fidei, sed æmulationis contentio esset inter Ecclesiam Romanam, & Babyloniam, & an illa superbe potius quam vere jactaret, se unicam esse veramque Christi Ecclesiam? Responso accepto, verbis Menessii acquievit, & statim optimus Senex Romanam Ecclesiam, ut suam Matrem agnovit. Hic etiam certior factus Alexius a suis exploratoribus, illa nocte Amolcos Regis Paru, eum denuo in hac urbe quæsituros, tota nocte fugiens, in Chegure pervenit, Regis Cochimensis ditionem, ubi se illum expectaturum promiserat Georgius, ut apud se hospitaretur, quippe, qui ibi domicilium fixerat; illectus soli ubertate, gratisque nemorum umbris. Hospitium hoc Menessius recusavit, eo quod sæpius de-

D

lulus

sime quod Croxus ipse aliis in locis referat & recenscat longa Menessii alloquia ad

Indos illos, medio Interprete habita.

26 HISTORIA SYNODI DIAMPERITANÆ

lulus fuisset à Georgio ; ad quod etiam accessit, quod cum sub ortum Solis Tones relinquere, atque in Ecclesiam ire vellet, ei nuntiatum est, fores esse occlusas, ac Oppidum inane omnino esse, ac hominibus desolatum, unde tota ea die in navi mansit, & dumtaxat Sole vergente ad occasum, in terram descendit, & ad Ecclesiam se contulit, ubi ipsius iussu referatis foribus, preces fudit, & inde noctu clanculum recessit ad navim (jam enim illum sugillare cœperant sui, eo quod astutum, & illiberalem Georgii modum fatue dissimularet) literas tamen dedit perferendas ad eundem Georgium amoris, ac benevolentiae plenas, quibus ad congressionem illum denuo invitabat, omnia tuta, neque de iis, quæ prius acciderant, verba facturum se spondebat ; amicè deinde hortabatur, ut ipse cum suis aperto, ac sincero sermone, pectoris curas & mentis ambages patefaceret.

II. Perlecta epistola, consultisque suis, ignavi jam animi Georgio visum fuit amplius tergiversari, & per cuniculos à congressu declinare ; unde conferto armatorum cuneo, quippe qui erat semper ad suspicandum pronus, & comitatus à nonnullis e peritioribus Cassanariis, Tones Archiepiscopi conscendit ; miscentur sermones ; Archidiaconus asseverat ; nefas esse recedere se a suis Patriarchis, penes quos mille amplius annos regimen Ecclesiæ illius fuerat, aliis etiam se validis dubietatibus, angi, ceteroquin se libenter fateri ex primo Joannis ; *Et verbum caro factum est*, vere carnem in unitatem suppositi assumisse Deum, nec in illa ut in Templo tantum, ut ante crediderat habitasse. At quod extra Ecclesiam Romanam, atque obedientiam Romani Papæ nulla esset salus, id plane in Evangelio Joannis non haberi ; quin potius ex Epistola S. Caii, & quidem Pontificis Romani oppositum constare, immo ex alia mirabili Epistola (a) Dominicæ e Cælo in Ecclesiam delapsa idem apertius stabiliri. Opposuit tamen graviter Archiepiscopus, ex eodemmet Joanne haberi hæc verba Christi ad solum Petrum Romanæ Ecclesiæ Caput ; ac in ipso ad ipsius Successores directâ : *Pasce Agnos meos : pasce oves meas* : eique uni, Fratrum curam commissam fuisse per ea verba ; *Confirma Fratres tuos* : quæ habentur ex Evangelio Lucæ ; Epistolas vero Caii, ac Dominicæ meras esse aniles fabellas, atque apocrypha scripta, nulla auctoritate inter veros Catholicos suffulta. Quibus auditis extemplo ille dexteram jungeret, ac manus veritati victis porrigere promisit, dum hæc eadem, coacta Synodo Sacerdotum, ac Populorum unanimi sensu à cunctis admitterentur, atque ut rei gravitas postulabat, perquam exacte perpenderentur. Postremo addidit, se interim Menessio tamquam Episcopo advenæ facultatem

(a) Octavo seculo celebris habebatur Epistola quædam, dicta *de Dominica*, quod tali die e Cælo delapsa sit in Hierusalem digesta à Christo, & exarata ab Angelo ; & hæc innui ab Archidiacono videtur ; similis quædam Epistola *Dominica* legitur apud Bazarium in Capitular. Regum Gall. Qui eam integram legere aveat, adire poterit Fabrii *Collectionem Scripiorum Apocryphorum*

novi Testamenti pag. 309. & seqq. De qua, ut putamus, hæc habet Capitular. Aquigran. Lib. II. C. 78. *Pseudographæ, & dubia narrationes, vel quæ omnino contrariæ Catholicæ sunt ; ut Epistola effusa, & falsissima, quam transacto anno dicebant aliqui errantes, quod de Cælo cecidisset, nec credantur, nec legantur, sed comburantur*

tem prædicandi, ac benedicendi, conferre; interdicto tamen quocumque alio exercitio Ordinis, & Jurisdictionis. Subscribere hoc constitutum Archiepiscopus (tempori ratus indulgendum aliquid) Archidiaconus, atque Cassanarii; indictum est etiam Synodi tempus, nempe ante Pascha; & adjunxit Georgius, nullam ultra factionem adversus Menessium se suscitaturum, immo ad omnes Ecclesias ipsum affectaturum.

III. Ergo Menessius Chegure solvens, Cannur Tonibus digreditur; Archidiaconus iter terrestre carpit, eo quod amnibus, & Catholicis ex æquo diffideret: excipitur Menessius opera Georgii, & Cassanariorum liberalissime, ut tantum hospitem decebat, ita tamen ut nulla illi tamquam proprio Antistiti exhiberentur Officia; nihil Menessius ex condito ultra agit, quam benedicere, ac prædicare, verum munus hoc tanta animi contentione, atque adeo præfervide exercet in Nestorium, ac Babylonicos, ut Georgium concessionis, suæque indulgentiæ pœnituerit; quamobrem ad lenimentum doloris causam prætexuit discedendi, ac alium dolorem simulans, consulendi ergo, ut ipse dixit, propriæ valedudini, Menessio vale dixit, nec nisi post varia discrimina eum revisit.

Proposuerat Alexius reliquas ad Septentrionem Ecclesias percurrere, at conjectans ex eventibus istarum quinque, se nihil inde proventus relaturum, eo quod simili omnes laborarent vitio, obstinatione nimirum animi, atque nimia ad res Archidiaconi propensione; aliò proram verendam existimavit, ac latiori spe ad australes Ecclesias properandum, sperans fore, ut ibi Ecclesiæ Romanæ partes, nova atque sinceriore accessione affectarum munirentur. Quamobrem prima Martii Cannur discedens, ad Arcem proximam duas leucas Cochimo, Tonibus præterventus, in Porcaa contendit; ibi à Porcano Rege, onerato magis quam ornato monilibus pretiosissimis invisitur, atque in Ecclesiâ concionandi, ac benedicendi munus imperturbate obit. Rex Porcanus à Malabarenlibus *Nambraxes*, idest *Sacerdos major* appellatur; Idolorum enim observantiorum præ aliis affectat cultum; quæ licet numero nongenta sint, (a) quotidie eorum singulis & prece, & muneribus litare debet. Eo demum præcipiente, sacrum postridie audierunt homines illi, atque Chrisma suscepunt à Menessio, cui, ut obedirent, injunctum fuit omnibus, non parum auxilii ferentibus Patribus Soc. Jesu, quibus ibi residentiam Rex ille benigne concesserat.

Noctu deinde ex Porcano littore solvens, pervenit proxima die Callecoulanum, nocte concubia; cujus Rex cum Regi Cochim, tum Lusitanis valde erat infensus; ibi cum totam diem transgressent impransum, tumultuarie ob periculi metum parum cibi degustarunt, diluculo autem digredientes, Coulanum appellum: ibi tamquam Metropolitæ, ac Indiæ Primas excipitur Menessius: ætutum autem inde discessit Cochimum, & Vaipim, belli negotiis inter eos Reges, atque Lusitanos finem, optata pace impositurus. Exinde Molandurte, ubi (nequicquam obstrepen-

D 2

te

(a) Rex Porcanus quotidie Matutino tempore sex ad minus horas colendis 900. parvis Idolis impendit; adeo Religiose, ut

toto eo, nullo quantumlibet magno negotio, aut Officio, ipsum licitum sit interpellare. Gouvea lib. I. Cap. 11.

28 HISTORIA SYNODI DIAMPERITANÆ

te refractario Georgio, qui ex Angamale anathemata dixit Menessio, Epistolas vero ad finitimos Reges misit, quod eum, ut perturbatorem longe ablegarent) cuncta, utilibuit, Pontificis munia exercuit.

IV. Pace cum Samorimo firmata, Diamper tandem, illorum Christianorum locum principem, nonnullorumque Episcoporum Montensium pristino tempore sedem pervenit. Atque citocitius indicit Ordinationes in Diamper pro tota Diœcesi, iam biennium Præsule orbata, peragendas sabbato ante Dominicam Passionis, ad quas Archidiaconum Angamale degentem (proximam illius rebellionem dissimulans) invitat. Ira exarsit, eo accepto Nuncio Georgius, & contra clamitare cepit, id adversari e diametro conventis utrinque, quibus nullum Jurisdictionis usum ab eo exercendum fore, stipulatum fuerat, nisi coacta Synodo, cujus celebrandæ tempus pariter erat exactum, quod si ipse secus faceret, non esset cur in posterum Synodus cogeretur, quoniam quod in ea potissimum erat discutiendum, num scilicet legitima Jurisdictione ipse penes eos polleret, Ordinum celebratione præripiebat; quapropter satius fore, Synodi coactionem opperiri, aut de ea cogenda non amplius cogitare; verum hæc ipsa quam suis querelis Georgius innuebat, erat causa cur Menessius censeret, se non amplius obstringi promissis; quia nempe præstitutum tempus abstinendi à Jurisdictionis usu elapsum erat.

Perpendens optime Menessius eo Georgii artes omnes spectare, ut ipse procrastinatione diutina maceratus, locum animumque mutaret, aut saltem Synodi tempus ultra modum protraheretur, ad illius querelas respondit: se habere omnem prorsus Jurisdictionem, eaque usum juxta concessionem Pontificis Romani, cui omnes Ecclesiæ obaudire tenentur. Obsecrare tunc Georgius, ut saltem solis Latinis, non vero Syris Ordines conferret; at ex adverso Menessius renuere protestarique se non ob alium finem illuc appulisse, quam ut ex Syris, & Latinis fieret unum ovile, & unus Pastor. Ubi ad restim negotium devenit Georgio, nihil non molitur, ut Ordinationem inturbet, ac præpediat. Ex omni parte curis premitur, atque angitur, eo vel maxime quod non amplius de Jurisdictione inani & veluti de aere, ut antea, sed de quæstu ac de crumena agebatur; certo enim certius illi erat, Alexium pro more Ecclesiæ Romanæ, gratis ac sine ullo pecuniarum impendio Ordines collaturum, ac proinde brevi futurum, ut semel impressa in Christianorum animis hac veritate: nempe scelus esse solvere, aut accipere vel assem pro re spiritali, spes omnis evanesceret, oves & commissos Agnos Simonis forcipe deglubendi.

V. Reges præterea, nequid intentatum relinquat, ac Populos præsertim Cochimi, Angamallis, ac Mangatis commovet; anathema in omnes, quotquot Ordines ab Alexio susceperint in Ecclesiis illis, edicit; ac tam ipsis, quam eorum Parentibus, Propinquis, & fautoribus, Regum iram comminatur; qua super re exaratam Ollam Diamperitano Populo ejusque Cassanariis transmittit; ex quibus Senior aliquis illam tamquam inviolabiliter servandam obiicit Alexio, exprobatque illius violationem; verum hic iniusta postulatione contempta, Sacro Ministerio constanter

nisi

instit. Ut Ollam felici, quam sperabat, exitu caruisse cognovit, novis iisque validioribus, Regem Cochimensem, sub cuius erat Ditione Diamper, Georgius incitamentis extimulat. Rex jubet Diamperitatum Præfectum omni ope contendere, ut Ministrorum altaris inaugurationem impediat: quo jussu Incolæ Diamperitani, atque etiam Nairēs finitimi arma caeperunt, ac Regis nomine, Alexio, & suis mortem committantur; quamobrem noctu ad sui custodiam Alexius excubitores adhibuit, non ut apertam vim propulsare vellet, aut posset, sed ut inopinam aliquam proditorum aggressionem, quam prudenter timere poterat, caveret; ipse non alia sibi timens mala, quam quæ animam possunt occidere, etiam sub dubia ac vespertina luce, sine sociis inter urbi proxima palmeta obambulare solebat; quam ob causam cum die quadam à suis quæreretur anxie, ac inventus, blande redargueretur, eo quod fidenter nimis ageret, nec cautela, qua par erat, propriæ consuleret incolumitati, humiliter demisseque de se sentiente, constantique viro dignum dedit responsum: *non Goæ, ait, inter meos adeo securus incessem; conscientia enim meorum criminum, quibus indignus sum, qui pro fide subeam Martyrium, omnem mihi metum adimit.*

Nec absimile tulit ab eo responsum Nairus quidam, necem illi obambulanti minitatus, pridie quam ordines conferret, nisi à Sacro Ministerio desisteret; quo responso in iras exarsit, & multa male ominatus discessit. Nec malum omen eventu caruit, nam proxima die antelucano tempore, Præfectus totum Diamperitanum Oppidum, ramis circumpositis, carceris instar claudi jussit, ne quis Ecclesiam, ubi erat Archiepiscopus, sub pœna proscriptionis bonorum omnium adiret, aut in re aliqua cum illo communicaret. Est in more positum apud Reges, ac Præfectos Malabaricos, dum aliquem Populum pro meritis vexare, atque punire volunt; ut arborum ramis circumfixis, totum Oppidum ad præfinitum spatium ambiant; dum vero aliquem ex Populo arctiori custodia propria in domo detinere volunt, domorum fores, ramis apposis circumclaudunt, & quandiu rami non amoveantur Magistratum jussu, omnibus sub pœna capitis interdictum est, extra septum illud ex ramis constructum exire, vendere, emere, aut commercia inire. Sed hoc etiam artificium inane, & irritum fuit, quum ordinandi, non in Oppido, sed apud Archiepiscopum, & in Ecclesia hospitarentur. Igitur octo supra triginta eo die sacro Characterē insignivit, vitæ morumque integros, ac lingua Chaldaica & Syriaca sufficienter instructos, qui rejectis primum Nestorianis deliriis, aliisque vetustis erroribus rejectis; præterea solenniter professi fidem ad Tridentini normam, obedientiam Romanæ Sedi sponponderunt, ac submissionem erga Babylonicam Sedem, ejusque primatum, ac auctoritatem omnem solenniter ejurarunt.

VI. Postquam hæc peregit Diamper, statuit Alexius majorem Hebdomadam, ac Pascha Carturte celebrare, nobiliori Christianorum Oppido infra Regiæ Piperis ditionem, & a quo aliquandiu Episcopi Montenses Malabarici appellati sunt. Prima Aprilis Mangalanum pervenit, ubi contrarias fortunæ vices una eademque die expertus fuit. Nam in
eum,

30 HISTORIA SYNODI DIAMPERITANÆ

eum, qui primo mane fuerat humaniter exceptus, nocturnæ parabantur insidiæ, quas mortemque ipsam, trajecto celeriter flumine, evasit. Archidiaconus, quod caritatis erat Christianæ (aut fortasse verius sagacitatis Nestorianæ, ut Menessium à Consilio celebrandi Synodum abduceret) de vitæ, in quo versabatur, discrimine per epistolas identidem ipsum commonuit, at vero iste, Sociis contrarium sentientibus, si unum Georgium de Castro excipias, in eadem sententia propositi tenax persistit, diserte multisque rationum momentis ostendens, periculis audentius contranitendum, nec à cœptis ubi de promovenda Dei gloria agebatur, ignave desistendum censuit; ceterum abscederent qui vellent Meticulosi Cochimum. Verba hæc ab intrepido viro prolata Sociorum erexerunt animos, & confirmarunt; itaut nec comiter quidem rogatus, quisquam discesserit; quod quidem altissimo Dei consilio accidisse arbitrati sunt, ubi paulo post acceptæ sunt Literæ (a) Clementis VIII. quibus gratulabatur: *Quod zelo honoris Dei, & salutis animarum accensus in convertendis gentibus istis ad lucem Evangelicæ veritatis strenue laboraret*, deinde eum incitabat his verbis: *Hortamur, ut ardentius opus Dei, divina adjuvante gratia urgeas, & persequaris. Benedicat Deus piis laboribus tuis*: nec enim inquebant, absque speciali Dei providentia factum est, ut quo die omnia periclitabantur, ipsemet Christi Vicarius, literis suis securitatis veluti Syngrapham exhiberet: susceptis laboribus benediceret, & ad strenue subeundum discrimen quodcumque, nos paternis suis hortationibus incitaret.

Solvens igitur Menessius e Portu de Collegeyra Mangalano, pervenit Carturtem feria sexta ante Dominicam Palmarum, ubi secreto eos participes faciendo suorum consiliorum (qua re maxime devinciuntur animi, præsertim indigenarum) plures allexit, ac potissimum e potentioribus duos (b), Iti Matum, & Iti Manem Mapulas, qui opibus, ac potentia florentes, plurimum ad rem Catholicam augendam, promovendamque profuerunt. Officium ibi Dominicæ Palmarum solenniter, etiam conductis Choraulis, & Cantoribus celebravit, una cum Sacerdotibus Latinis ipsum comitantibus; in qua solennitate pietas, atque sanctitas latini ritus plures admiratione tenuit defixos; plurimorum etiam oculos majestatis splendor perstrinxit.

§. III. Archi.

(a) Breve Clementis Papæ Mutam in Domino die 1. Aprilis anni 1599. ad Alexium missum ait Govvea; putamus tamen irrepsisse errorem, signatumque fuisse anno priori, scilicet 1598.

(b) Ex Josepho de Sancta Maria nomina propria horum erant Mato, & Mane, Iti

enim quod præponitur, idem est ac Dominus, & æquivalet Hispanorum *Don.* & Gallico *Monsieur.* Vox etiam *Mapula* idem est lingua Malabarica ac honestus, aut gravis. Vide laudatum Josephum de secundo Itin. in Indiam pag. 107.

§. I I I.

Archidiaconus Georgius Regem de Turubele, atque Reginam Piperis adversus Menessium stimulat I. Is renuit e Carturte discedere; immo ibi Officia majoris Hebdomadæ celebrat II. Nobiles, & Cassanarii astantes Officiis Parasceves errores suos detestantur III. Eos benigne & humaniter alloquitur Menessius IV. Populus demum Carturtensis in processione Resurrectionis convertitur V. Digreditur Menessius in Molandurte, ubi illiberaliter tractatur VI. In Diamper revertitur, & Rex Cochimensis indicit Christianis illis, ut pareant Menessio VII. Pontificalia munera exerceat, atque Georgium & fautores Anathemati subjicit VIII.

I. **H** Arum rerum nuncio commotus Archidiaconus, plures e finitimis Regibus concitat, quasi Menessius Religionis obtentu, ipsorum jura, quæ in Christianos D. Thomæ ab antiquo exercebant, nomine Regis Lusitani invadere conaretur. Rex etiam de Turubele Reginam Piperis stimulat, ut Menessium a Terris ditioni suæ subiectis ejiciat: diversabatur tunc Regina in quodam Palatio duas Leucas a Carturte; hæc Præfectum mittit, qui feria tertia majoris Hebdomadæ indicat Menessio, ac suis, ut a Piperinis finibus sub pœna mortis post triduum alio concedat. Postridie responsum dedit Reginæ Menessius, illudque obsequiosum, & quale strenuum Antislitem decebat, se nimirum ceteris ipsius jussibus obsequi paratissimum esse, non vero huic postremo, quod nuper acceperat; Regia & nomina & jura sibi sancta futura, nec ea umquam ne leviter quidem violaturum, non esse itaque cur ob talem metum a Regno ipsius discederet, illique quoquomodo pareret, eo vel maxime quod obediendum Regibus exactissime quoad res temporales subditos perdoceret, nec de re alia cum ipsis ageret, quam de æterna Animarum salute. Antiquorum tot Malabarensium Regum, ac etiam ipsius Reginæ decessorum privilegia ipsi conservanda esse, & ad id Reginam ipsam obstringi. A mille & quingentis (a) annis, Episcopis, ac Meteranis (b) exteris aditum in Regionem illas patuisse; nec esse cur solis Lusitanis fores modo obstinate adeo atque contumeliose occluderentur. Postremo se ad mortem subeundam potius quam ad discedendum paratum esse: quodsi mortem hac de causa subiret, eam proculdubio & Deus, & Lusitani ulciscerentur. Eo responso percussa Regina, consilium se dixit Præfectorum exquisituram; verum adnitentibus Iti-Mato, & Iti-Mane, corruptisque Reginæ Præfectis, decretum Regina revocavit, ac omnia tuta spocondit.

II. Et

(a) Non ita id intelligi debet ut per tot secula interrupta successione Episcopos acceperint a Babylone, sed quia plurimos ab ea sede acceperunt.

(b) Meteran hic significat idem ac Episcopus, & videtur vox Lusitano-Malabarica.

Vide Syllab. Voc. exoticarum. Desumpta vox ista ab Arabica voce *Metran*, derivata a Græca *Metropolis*, quæ in toto Christiano Oriente significat in genere Episcopum cuicumque, in specie vero *Metropolitanum*.

II. Et quamquam illi & qua Regina, & qua Femina parcius fides habenda esset, nihilominus, & quia ibi Menessius cum suis hyemare coeperat, (a) & quia illinc semel digresso difficilis fuisset regressus, ibi manendum sibi esse duxit: ac feria quarta horas Canonicas cantare iussit alternis, in Presbyterio Ecclesiæ, primum Latinos, iis demum discendentibus, ritu suo Chaldaeos, Alexius autem utrisque præsedit in sua Exedra, ut Syrorum ac Latinorum Antistitem se præberet. Feria quinta in Cœna Domini in Pontificalibus celebravit, ac solenni ritu sacrisque benedictionibus de more Sanctum Catechumenorum, & infirmorum oleum expiavit, de quo ejusque usu vix Populi illi ullam habebant notitiam, nisi quod de ejus consecrandi ritu, sanctitate, atque virtute pridie Menessius ad illos sermonem habuit. Sacratissimum etiam Domini Corpus latino more sepulcro decenter præparato condidit, adjunctis diurnis, atque nocturnis excubitoribus, quarum sacrarum ceremoniarum decor plurimos in admirationem traxit, & mira jucunditate perfudit. Quod tamen illorum animos vehementer commovit fuit lotio pedum facta ab Archiepiscopo ad pedes Cassanariorum se demittente, eosque deosculante, Tunc enimvero Christianorum ritus plane divinos esse, Deoque gratissimos voce & lacrymis Cassanarii, ceterique de Populo testati sunt. Sub id temporis pro concione graviter de Mysteriis, quæ recolebantur, lingua vernacula Malabarica P. Antonius Toscano e Soc. Jesu loquutus fuit, cujus verba prorsus auribus exceperunt.

III. Postridie Sacras Parasceves functiones, una cum Crucis adoratione peregit Menessius, cui cum plurimum ab antiquo venerationis atque cultus constanter detulerint Christiani Malabareses, haud facile exprimi valet qua animi demissione, quibusve lacrymis, dum ad adorationem Crucis perventum fuit, Christiani illi ipsam coluerint, atque suaviati sint. Ita ut virtuti Crucis tribuendum fuerit, & ipsius adorationi, & pie solennique ceremoniarum pompæ, Menessii demum in peragendis illis sacris muneribus modestiæ, ac pietati, quod comæ die, nequidquam Cassanario illo rebeli adventante ad vesperam cum novo anathemate Georgii adversus Menessium, & affecus, eo inquam die Nobiles, atque Cassanarii, absolutis Canonicis horis Matutinis Latinorum, ad pedes Alexii provoluti, erratorum obstinationisque veniam postulaverint, Ecclesiam Romanam Matrem ac Magistram veritatis agnoverint, illi obedientiam ut legitimo Pastori exhibuerint, Babylonicos demum Pastores fuerint execrati: illud addentes: fieri non posse, ut quæ Ecclesia, fidei suæ mysteria adeo graviter, pie ac decenter per Ministros suos recoleret, non esset Sancta, ac vera Christi Ecclesia.

IV. Quo animi gaudio exceperit eos Menessius (id quod tandiu exoptarat) pressis, sed gravissimis verbis illis testatus fuit, asserens, nihil umquam

(a) Hyems apud Malabares frequenter initium sumit in Aprili, cum quadrimestri pluvia, & maxime ad Oras Maritimas: quod autem omnium ingenia superat, illud est, nimirum quod in eadem Cœli plaga, pari

solis accessu atque recessu iisdem anni mensibus ab ortu trans Gatis juga æstas est ac siccitas, ab occasu vero cis Gatem ubi Malabarica, hyems est atque affidua pluviz, ut scribit Matæus Hist. It. dic. lib. 4. fol. 20.

unquam Deo sibi gratius hactenus accidisse; quapropter curaturum se, ut omnes paterna dilectione amplecteretur, fructus etiam, quos Apostolus Thomas in ipsis erudiendis retulerat, suo labore, suisque sudoribus irrigaret, ac ad maturitatem perduceret; eorum tantum esse, alacres paratosque sese exhibere, nec retro aspicere, & eo turpiter regredi, unde discesserant.

V. Data sunt præterea communi Cassanariorum consilio viginti dierum induciæ Georgio, ut resipisceret; exinde quam professi fuerant obedientiam Romanæ Ecclesiæ, atque Menessio Optimates, & Cassanarii Carturtenses feria Crucis, professus est Populus universus coram Menessio, dum (a) Processio die Dominica Resurrectionis ibi fieret, qua die non sine miraculo factum est, ut inter plausus, & festivos tormentorum bellicorum ictus, tormenti alicujus dissiliens frustum, tibiam cujusdam ibi astantis citra læsionem pulsaverit, quamvis inde resiliens in murum, eum comminuerit, atque pervaserit. Quæ cum ita se haberent, incredibile est, quantum indignarentur Bracmanes Ethnicique, qui eò pervicaciæ ac vesaniæ processerunt; ut cum quidquid hactenus contra illum moliti fuerant, irritum & inane fuisse viderent, veneficum conduxerint, qui palam, dum in publica supplicatione Menessius lentis gressibus incederet, visus fuit præstigias mille, circulos, signa, & veneficia conficere ad eum finem, ut illum prius diu maceratum, sensim e vivis expellerent. At frustra fuerunt hæc omnia. Quinimmo Præstigiator morte mulctatus fuisset, & (b) caloete, sive præacuto stipite confixus, nisi eum Regina Piperis (quamquam rebus Menessii clanculum infensa) eodem Menessio intercedente, ei mortis pœnam cum damnatione ad Triremes commutasset. Populus hic fuit omnium primus, qui Ecclesiæ Romanæ plene se submitit: ibique Menessius guadentibus cunctis, omnia Sacramenta ministravit, ægrotos inivit, pauperes sublevavit, cuncta denique legitimi Pastoris munera strenue obivit.

VI. Sequenti die venit Menessius in Nagpili; domicilium illius Cassanarii Jacob, dimidiam Leucam à Carturte; inde ad Molandurte quum antequam discederet obsecrasset Carturteneses, ut perseverarent in cœpto bono, ac ad Synodum celebrandam Procuratores electos, & evocatos mitterent. At ut rerum vicissitudo fert, Molandurte, qui pridem plausibus exceperant Menessium, modo Ecclesiam illi obsecrarunt turpiter & è lembo desiliens, ne unus quidem excepit. Inopinæ hujus rerum conversionis causa fuerat Georgius, qui ad Regem de Cochim, cujus erat locus ille, detulerat, & Regiam auctoritatem, & se spretum ab ipsis fuisse, cum diebus elapsis Menessium, & sui, & Regis inimicum tot acclama-

E

tio;

(a) E duplici Ecclesia *Nairum* scilicet, & alia pro *Cassis* abjectis juxta eorum morem duplex Processio celebrata fuit cum Populo ad unamquamque Ecclesiam pertinente; cumque nunquam confociarentur, hac tamen die, qua in unam fidem convenerunt congregati etiam fuere omnes simul, ante fores Ecclesiæ, ubi erat Menessius. Vocantur

autem, & habentur abjectæ stirpis quilibet præter *Naires*.

(b) *Caloete* erat acuminatus palus terræ infixus, quo tanquam veru a posteriori parte ad ventrem reus transfigebatur, atque avibus ferisque relinquebatur in Campo devorandus.

tionibus exceperant. Quamobrem stimulatus Rex (a) Junconem denuo ipsis imposuerat solvendum in pœnam.

Graviter tamen interpellatus Rex Cochimensis ab Alexio super iis; misit ad eum e Cochimo Præfectum suum primum, qui palam Regis nomine edixit omnibus in Ecclesiâ propylæo coactis, ut Archiepiscopo Menessio in cunctis obedirent; verum hæc simulate loquebatur, metuens jacturam lucri, & commodi non mediocris, quod ipsi ob commercium cum Lusitanis ex Telonio, sive ex Alfandega (b) obveniebat; ceterum longe aliter loquebatur secreto in aurem suorum Ministrorum; hoc etiam vergebatur, ne accedentibus ad Lusitanos, & Catholicos e suo Regno Christianis Sancti Thomæ, destituerentur ejus castra, optimis, ac strenuis Militibus; præsertim in dispendiendis sclopis; ex quarum hominum genere habebat in Militum albo conscriptos ad numerum usque quinquaginta militum. Simulata tamen Regis patientia usus est Menessius, ejus subditos baptizando, ac professionem obedientiæ, & voluntatis erga Ecclesiam Romanam propensæ ab illis excipiendo; Quia immo ad unum omnes Alexio digredienti sponderunt, se neque Regis minis, neque Archidiaconi Georgii artibus, fracturos unquam datam fidem, accessuros insuper ad Synodum celebrandam, si ad eam vocarentur.

VII. Urbem Diamper tandem revisit Menessius e Molandurte digressus, atque ad se accedentem regium Præfectum acerrime increpavit, ob totius Bazar, aut Oppidi (c) consueta circumpositione ramorum, secretionem, ab omni commercio, ac hominum societate; non alia de causa, quam quia gentes Lusitano Regi, Regis de Cochim jurato Fratri, subjectas admiserant. Addidit insuper ob exhibita humanitatis, & benevolentiae signa, hominibus amico fœdere junctis, graves adeo intulisse pœnas, flagitio non carere: atque adeo non aliter Regem Lusitanum placandum; nec aliter ipsum, an bona fide secum ageretur cogniturum, quam præcipiendo cunctis nomine Regis Cochimensis, sibi ut in omnibus obedirent, ac sua jussa facerent. (conjectabat ille, neque Regem, neque Præfectum palam Regi Lusitano adversaturos) Annuit iste; atque illicò per præconem universos in Ecclesiâ propylæo convenire jubet; quibus in unum coactis Regis jussu indixit, ut Menessio in omnibus parerent, neque audirent eos, qui contra clamassent, aliam esse Regis voluntatem.

VIII. Sic tandem factum est, ut Ecclesiâ denuo, ac confidentius recluderetur Romanis, nequicquam refragantibus Babylonicis (Romanorum nomine appellabantur Christiani Malabarenses, & Europei, quo nomine

(a) *Juncon* est vestigialis aut, potius multæ genus, quo Reges illi quandoque subditos gravabant.

(b) *Alfandega* est vox Arabica derivata ex Græco *παντοφόνιον* *diversorium* aut *tabernaculum* Italice *Albergo*: Hispanice *Mesón*: ex antiquis autem Arabibus, Cæsar-Augustani nobilissimam Aragoniæ Urbem incolentibus, adhuc vocatur *Diversorium*, quod extat prope insigne Augustinense

Collegium Divi Thomæ Villanovani *El Mesón de la Alfandega*, & corrupte *Alfandega*.

(c) *Bazar* est vox Arabica & significat *Forum*: Italice *Fiera*, *Mercato*: hic autem pro toto pago accipitur, eo modo quo Mauri Septemses & Oranenses vocant *Aduar* viciniam castrorum exiguarum, & aliqui etiam *Bazar*.

mine a Schismaticis internoscebantur) qua usus occasione Alexius , nihil cunctatus , munia Pontificalia exercet , atque Catholicam fidem mordicus amplectendam edicit ; rebellem insuper Georgium , ejusque fautores anathemati , ac perpetuæ separationi subjiciendos denunciat . Pronum fuit illis Christianis in iis omnibus Menessio morem gerere , eo quod apud se taciti perpenderent Menessii , ac Romanorum moderationem , illosque aliena Simoniace non rapere , quinimmo propria Orphanis , viduis , ac inopibus elargiri ; tum etiam , quod sub Romanorum umbra arbitrarentur , perpetes quibus vexabantur extorsiones à Regibus , declinare posse ; demum quod Romanorum partes majora indies incrementa sumerent , additis jam præter plura ignobilia loca , tribus e potissimis , Carturte , Molandurte , atque Diamper ; exadverso deficerent plurimi à partibus Babylonis , & ut ferebatur , Reges ipsi , quorum Regna ad septentrionem vergebant : nimirum Regem de Porcaa , de Gundara , de Marta , ac de Batimena .

§.IV.

Respondet Menessio Georgius laudans fidem Catholicam , sed Nestorianismo inharens I. Minis territus Menessii , Nestorianismo nuntium remittere spondet II. Exhibetur illi articulorum Decas , quam Sacramento firmari ab eo exigebat Menessius III. Cranganorem concedit Menessius , admonito prius Rege Cochimense , ne reluctanti Georgio suppetias ferret . IV. Auctoritas Menessii apud Reges : & fluctuatio Georgii acceptis Menessii Literis , qui obituum ei præfinit , intra quod temporis spatium obediat V. Conqueritur acerrime cum Cochimense Rege Menessius de fracta ab eo fide , quam religiose tandem se servaturum promittit VI.

I. **G** Borgius vehementer animo agitatus , quod vereretur , ne Menessius ipsum dignitate Archidiaconatus Angamallensis spoliaret , ut in Thomam Curia indigenam benemerentem , consanguineis etiam , atque amicis munitum , munus illud transferret ; nunciat per Cassanarium Menessio , se & errores Babylonicorum à Turcarum deliramentis non admodum distantes , & morum Romanorum præstantiam probe nosse ; verumquam à teneris annis Sancti Thomæ legem cum suo capite , aliisque primoribus viris profitebatur , nunc abjicere , inhonestum prorsus putare ; contra ad extremum usque spiritum (quod majores præstiterant) factam atque rectam ipsam servare , honestati , & constantiæ suæ tribuendum .

II. Ut Menessius hæc accepit , nulla mora literas ad miserum Georgium misit , quibus , remotis ambagibus , hæc vaticinantis instar scripsit , nimirum ; veritatem nosse , eique data opera rofragari , peccatum esse contra Spiritum Sanctum ; proinde timendam ab ipso esse punitionem meritis æquam brevi infligendam , eamque gravissimam , cum ejus causa tot Animæ miserrime perirent . Ubi mortis comminationem sub obscure sibi

36 HISTORIA SYNODI DIAMPERITANÆ

innui agnovit, vel quia Malabarenſes ſuapte natura ſunt Ominibus (a) de-
ditiffimi; vel quia Menefſii laboribus indulſit, & Georgii ſaluti Deus
benigne proſpexit; mutatus ea Epiftola Georgius, id reſponſi Menefſio
dedit; ſe nolle amplius reſſitere Spiritui Sancto, cujus luce, Populi,
quos Menefſius edocebat, illuminabantur; proinde Eccleſiam Romanam,
ut veram Eccleſiam, ac ipſum ut ejus Præſulem ſe demum agnoſcere,
atque ab eo errati veniam ſe demiffe efflagitare. Perſata fuit epiftola Geo-
rgii ad Alexium, dum e Diamper ad Naram locum Chriſtianorum jam
conceſſerat. Unde e Naram reſcripſit illi per Caſſanarium; vehementer
ſe gaviſum adeo felici nuncio, ſibiſque auſpicatiſſimo; ceterum quod ab
eo pluries illuſus fuiſſet, neque negari id poſſet, res exigebat, ut qui
ſerio animi propoſito ad fidem Catholicam venire cupiebat, ſolenniter
juraret, ſe ſervaturum ea, quæ in adiecta decade continebantur, quodſi
earum rerum aliquam reſpueret, non eſſet cur veniret; & abſque illius
opera poſſe Deum Eccleſiam illam veræ fidei reddere. Decas adjuncta
hæc continebat.

III. Primum omnium; quod ejuraret univerſos errores Neſtorii, ejus-
que (b) aſſeclarum Diodori, & Theodori, quos, ut Sanctos veneraban-
tur, immo ſateretur, hæreticos fuiſſe maledictos, atque æternis mancipa-
tos ſuppliciis; quippe qui in erroribus obſtinati emortui fuerint (c) II. ab
ipſo ſatendum eſſe, ac per Pagos quoscumque ubi cum Archiepiſcopo per-
veniret, palam denunciandum cunctis; nullum eſſe diſcrimen Legis Divi
Thomæ a Lege Divi Petri, ſed unicam tantum eſſe Legem Chriſti, quam
Apoſtoli unanimiter per totum Orbem prædicaverunt. III. profiteri debere fi-
dem in manibus Archiepiſcopi, & quidem juxta formulam, quam Goæ
ipſi præſcripſerat, cum eum Gubernatorem Archiepiſcopatus in obitum
Mar=Abraham conſtituerat. IV. quod omnes traderet libros, tam proprios,
quam Archiepiſcoporum deceſſorum, & qui eſſent apud Chaldaeos, & Syros;
ut qui id pati poſſent, expurgarentur; qui vero ſecus, comburerentur. V.
Obedientiam Sacramento interpoſito Papæ promitteret, ut Divi Petri ſuc-
ceſſori, Chriſti Vicario in Terris, totius Eccleſiæ Capiti, Patri, atque Ma-
giſtro, Doctori, ac omnium Chriſtianorum Antiſtiti, atque adeo etiam
Epiſcoporum, Archiepiſcoporum, Primatum, & Patriarcharum totius Or-
bis

(a) Malabarenſes ſunt præ aliis auguran-
di dementia præſtantes; plurima obſervant
omina, quæ videntur Terentio non ignota
in Phorm. Act. 4. Scen. 5.
Introiti in ades ater alterius canis.
Anguis per impluvium cecidis e tegulis.
Gallina cecinit &c.

(b) Revera Neſtorius fuit Aſſecla Dio-
dori & Theodori; & non vice verſa, illos
enim Magiſtros habuit Neſtorius præcurſo-
resque; aſt Menefſius iſto in loco, propter
fama Neſtorii celebritatem, vocaſſe vide-
tur Neſtorianos & aſſeclas Neſtorii, quos
ſimili doctrina imbutos cognoverat, etiam
ſi Neſtorium tempore præceſſiſſent: eo pro-
-

ſus modo quo aſſerente Jano Vinc. Gravina
de Ort. & progreſ. Jur. Civil. Cap. 144. ve-
teres ob nominis celebritatem, Pythago-
reos appellarunt eos etiam Phyloſophos, qui
ante Pythagoram in Italia floruerunt; &
propter eandem rationem, ait ipſe, a Ju-
riſconſultis ſincera omnis, & erudita in-
terpretatio (etiam ante Cujacium) Cui-
ciana juris prudentiæ nuncupatur.

(c) Id verum eſt de Neſtorio, & Theo-
doro, non autem de Diodoro, qui in pace
Eccleſiæ deſunctus eſt. Vide noſtros Lupum
in Not. ad Conc. V. Gen. & Noriſum Hiſt.
Pel. lib. 1. c. 9.

blis ; insuper confiteretur , quod omnes ei debent obedire , & qui secus fecerint à via aeterna salutis aberrare . VI , quod deberet anathema dicere Patriarchæ Babylonico , ut hæretico Nestoriano , Schismatico , atque Ecclesiæ Romanæ rebelli ; jurare præterea se illi non obediturum , nec habiturum amplius cum eo commercium , neque cum eo communicaturum , ne in accipiendis quidem , reddendisve literis . VII sibi jurandum esse se non admissurum Episcopum , aut Præsulem aliquem in Montanis illis Regionibus , nisi à Pontifice Romano missum , & per Archiepiscopum Goensem acceptatum . VIII Jurandum pariter esse Archiepiscopum Goensem esse suum verum , ac legitimum Superiorem , & auctoritatem habere tamquam à Sede Apostolica delegatum , seque etiam quandiu proprius Pastor non accesserit , jussionibus ejus pariturum . IX se Ollas , atque Mandata expediturum pro Synodi celebratione in Loco ab Archiepiscopo designando , in quem convenire debeant omnes Sacerdotes , atque electi Procuratores Populorum ; omnia etiam , quæ in ea decernantur , sese obsequenter servaturum . X Archiepiscopum quoquo iret , se comitaturum pacifice , neque armatis viris stipatum , sed iis tantum , qui de ipsius essent familia ; in eisdem etiam Lemnis navigaturum cum Archiepiscopo , ac easdem omnes Ecclesias ingressurum , quarum ipse visitationem institueret .

IV. Subscriptione obsignatos hos articulos Cassanario tradidit Archiepiscopus , ad Georgium perferendos ; ipsi rescribens , quod vel omnes admitteret fideliter postea servandos , vel aliquo ex iis prætermisso ad ipsum non accederet . Remigravit subinde Menessius in Cochimum , quo Regem Cochimensem conveniret , ne (quod jam sponderat) Georgium a consilio accedendi ad Ecclesiam Romanam præpediret , vel quoquo pacto averteret . Quod denuo promissit Menessio Rex ipse , dum eum adiisset , ipsius invisendi gratia . Digressus inde Menessius , Cranganorem contendit , nobilissimam , atque olim Christianorum Sancti Thomæ primariam Urbem , atque etiam opibus , & gente refertissimam , Arcem etiam munitissimam Regis Lusitani , ubi initium sumsit Lusitanorum commercium cum Malabaricis , ut demonstratum est ; commendabilem tamen præ omnibus prærogativis illam reddit Crux quædam , miraculis præfulgens , quæ ut traditio apud illos habet , à Thoma Apostolo eo ipso in loco , ut Christianorum Vexillum , & devictæ Gentilitatis trophæum erecta fuit , & quæ etiam nostris hisce temporibus visitur , ac reverenter colitur .

V. Postridie ejus diei , quo Menessius accesserat Cranganorem , pervenit quidam Patamar (Tabellarius terrestris est) quo eum certiore Rex Samorim reddebat de instaurato contra pacta conventa bello a Rege Cochimensi , adversus Caimalem Cuñalensem . Qua occasione clare apparuit quantæ esset auctoritatis Menessius apud eos Reges ; nam illico acceptis Menessii Epistolis , quibus de hoc ipso querebatur cum Rege Cochimensi , hic cum ceteroquin bellum æstuaret , ac vastationes , direptionesque late grassarentur , statim Milites revocavit , & è Terris Caimalis , Cranganorem fuit digressus , ut Archiepiscopum inviseret , ac de præsentis rerum statu pertractaret . Interea temporis Archidiaconus , acceptis
litte-

38 HISTORIA SYNODI DIAMPERITANÆ

iteris Menessii, anceps hærere visus est, & in utrumque latus sese vertere, veritatis enim agnitione, & Dignitatis conservandæ studio traheretur ad Menessii & Catholicorum partes, ad Nestorianas vero partes cum erroris consuetudine, tum gratia obsequendi, assensandique Regibus Paganis rapiebatur; quamobrem, quod in perplexitatibus fieri solet, cunctationis remedio usus est; rescripsit itaque Menessio, nullum ex illis decem articulis se repudiare; quia potius paratum esse eos omnes Sacramento affirmare; sed negotiis distineri urgentissimis à Rege de Mangate, impediri, ne tam cito accederet, ut percipiebat. Eo nuncio commotus Menessius, e vestigio literas dat ad Regem Mangatensem in cuius ditione Georgius tunc versabatur, obsecrans illum, ut Georgium expeditum ad se mitteret, cum necessitate urgeretur de rebus gravissimis cum eo agendi, quem si mittere renuat, id sibi injuriosum fore intelligat, ultimumque Lusitanæ Regem huiusmodi offensionem. Atque alia via octiduum, tamquam ultimum cunctationis terminum Georgio præscribit.

VI. Dum hæc agerentur, pervenit ad Cranganorem Rex Cochimensis, ut de negotio belli intermissi cum Menessio ageret; congressione autem facta, gratulatus est illi Menessius humanissime de reductis copiis, ac interrupto bello; post quæ gratulationis officia dixit, se non levem habere causam ob quam & suo & Lusitani Regis nomine, de ipso quereretur, eamque esse, quia ambo deciderant spe, quam præconceperant, Ecclesias Christianorum antiquæ, veræque Religionis, erroribus propulsæ, reddendi, ad quem unice finem ipse ad Malabaricas Plagas missus fuerat. Felicis exitus ipsius certam spem fecisse, quæ plurimæ sub ditione ipsius, utpote hæredis Regni Diamperensis erant Ecclesiæ, in quibus tuto, ac libere putabatur exerceri posse Sacra Ministeria, cum in clientela ipsius essent, qui fraternitatem cum Rege Lusitano profitebatur, quique ab eo fuerat multis beneficiis auctus, ita ut ad summum authoritatis, ac opulentæ fastigium evehctus, inter Reges alios Malabaricos præmineret. At vero rem fecus quam opinabatur accidisse; nam in aliis Regnis, inquit, expertus sum, me commodius, tutiusque degisse; ex adverso hic non nisi vexari Christianos, eorum reductionem præpediri, res Babylonicas promoveri, mihi mortem dolosis machinationibus parari, Georgium furtim tuis occultis auxiliis, mordicus refragari, atque impudenter prorsus, & veritati, & mihi obistere: quodque deterius; tecum Ethnicæ Rege, atque futilibus dedito Idolis, de arcanis Religionis nostræ agere, ac tecum de rebus tibi penitus ignotis, & sanctissimis deliberare; quapropter se illi ultimum contumaciæ terminum proximum sabbatum præscripsisse, alioquin certo futurum, ut eum & Anathemate, & Dignitatis expoliatione mulcicaret. Excaudit vehementissime Rex, Idolorum suorum spretus; callide tamen veri doloris rationem dissimulans, quasi res tantum Georgii ageretur, præservide clamavit: ita ne vero? Neque hoc Sabbato, neque altero, neque tertio id erit. Cui Menessius æstutum zelo abreptus, reposuit (quæ dicens terram quatiebat baculo) quid ni! Audacter dico: non tertio, aut secundo, sed proximo id fiet.

Ve-

Verum Rex constantia Menessii deterritus, simulandique arte non leviter imbutus (quod vitium etiam in Barbarorum Regum aulis invaluit), perinde ac si jocosè iram simulasset, ad subrisum vultum componens, omnia ad nutum Menessii pollicitus est; atque mutuo alter alteri vale dicens, animo pacato discessere.

CAPUT III.

De Synodi Indictione, Incæptione,
Progressu, ac Perfectione.

§.I.

Reges Cochimensis, & Mangatensis de redacendo Georgio datam fidem servant I. Is tandem Catholicam fidem sincere profitorur, atque unacum Menessio Syodum Diamper indicit II. Comititia simul Christianorum Divi Thomæ cum Synodo aguntur; atque propterea quatuor e singulis Populis electi, ad Synodum evocantur III. Secedit Menessius Cranganorem, rebus Synodi prælurus; inde in Paru comitat, ac Sacras Ordinationes pro illis Christianis celebrat IV. Quæ scripto digesserat, in linguam Malabaricam transferri jubet, quo ab omnibus plene percipiantur, atque Diamper contendit, ubi adventantes liberaliter excoipit V.

I. **S**ummam pene totius negotii confecisse visus est Menessius, ea colloquutione cum Rege Cochimense; quippe qui statim Georgium monuit, eique persuadet, ut Archiepiscopum adeat, eique in omnibus morem gerat; idem præstitit Rex Mangatensis: quorum Regum opera, mirabili, & occulta providentia, Deus ad revocandas ab erroribus eas gentes, sibi integræ fide devinciendas, benigne usus est. Quod tamen Ethnicos Reges illos ad petitionibus Menessii indulgendum impulit, fuit, ne si amplius Menessio obniterentur, bellum Lusitani adversus eos aggredierentur; tum etiam ne commercium cum ipsis, quo ditiores in dies efficiebantur, abrumperetur. Utut fuerit, Deus tandem miserans illorum Christianorum, qui per mille, & quingentos annos nec fidem Sacri Baptismatis, neque Crucis Dominicæ cultum, venerationemque intermiserant; id effecit, ut Georgius una cum illis schismaticis, sincere fidei Catholicæ restitueretur. Verebatur interim Georgius Cranganorem petere; utpote Lusitanorum Arcem, animum etiam Menessii non adeo sibi perspectum, & quod alium esse, ac reapse erat, suspicabatur, aliquæ diffidentiae umbræ ipsum territabant: quamobrem efficitim exoravit Menessium, ut Vaipicotam sub Regis Cochimensis ditione sitam, ibique ad Collegium Jesuitarum contenderet; annuit statim Menessius, atque Ec-

40 HISTORIA SYNODI DIAMPERITANÆ

clesiam ingrediens exceptus fuit ab Archidiacono Georgio, qui cum pluribus Cassanariis, & Christianis eum opperiebatur, & vix ingressi ad pedes, demisse provolutus, filii prodigi verba sibi usurpavit, inquit: *Pater peccavi in Cælum & coram te; jam non sum dignus vocari filius tuus; erroris, quem ingentem fateor veniam imploro.* Ad hæc Menesius amplexu officiosissimo erexit Georgium; illique congratulatus quod Animæ suæ, ceterorumque Christianorum Regionis illius prospicere vellet, ei perseverandi constantiam apprecatus fuit; asseverans etiam, se in ea spe fore, ut ipsius exemplo, plurimi ad Catholicam fidem adducendi essent; pollicitus est demum, dum in suscepto proposito constanter permaneret, se nullam habiturum esse deinceps rationem de iis, quæ antea acciderant; immo de iis omnibus, ne mentionem quidem esse facturum.

II. Et quamquam aliter antea videretur Menesio, tamen occulte emittere fidei professionem ipsi permisit; qui juravit illos decem articulos sibi missos; quos omnes, ut sinistre suspicandi aditus intercluderetur, propriæ manus subscriptione munivit, adscripto tempore etiam & loco, ne facti illius memoria ulla oblivione deleteretur: subscripsit etiam Archiepiscopus, & demum P. Franciscus Roz tamquam testis. Promisit subinde Georgius Menesio, ollas (a), aut edicta pro convocanda Synodo, ut ipsi visum fuerit, se publicaturum. Postridie cum in Ecclesiam convenissent plures Cassanarii utriusque factionis, alloquium valde prolixum habuit ad eos Menesius, ubi maxime de Synodi celebrandæ necessitate, ac opportunitate diseruit, quò propellerentur errores, longa tot annorum serie in illa Regione constabiliti. Synodi celebrationi omnes palam assensere; ii qui à Menesio erant, quia id necessarium existimabant; illi vero, qui pro Georgio stabant, quia quæ gesta erant ignorantes, impossibilitate cogendi Synodum, ut ipsi falso putabant, & suo errore delusi, suffragium inutile, liberaliter concedendum esse arbitrabantur. Vix habito consensu, continuo cœpit Menesius cogitare de loco. Eorum aliqui Angamalam designarunt, at id Menesio minime arripuit, eo quod ibi degisset multis annis Mar=Abraham ultimus dissensionum auctor, & Nestorianæ pestis propagator; commodiorem itaque putavit Diamper, tum quia sita erat pene in medietate Regionis; tum quia e proxima Cochim celerius, atque expeditius, quæ ad Synodum necessaria existimarentur, adduci possent; id quod etiam expetebant Cochimenses Christiani; Regem enim habebant sibi benevolum, atque Lusitanæ potentiz obnoxium; unde collectis suffragiis, designatus fuit locus de Diamper, atque indicta Synodus, inchoanda die 20. Julii, quæ eo anno 1599. erat Dominica tertia post Pentecosten. Pro indictione itaque Synodi ab Archiepiscopo, & Archidiacono, qui ambo eas subscripserunt, expeditæ

(a) *Olla* Sunt literæ authenticæ Principum, & Superiorum ad subditos directæ; ejusmodi autem literæ in foliis Palmarum exarantur ab illis mira celeritate; quarum exemplar videtur in Bibliotheca Angelica Urbis hoc anno 1744. literas Malaboricæ exhibens, va-

riis columellis digestas, ut speciem Rhythmi alicujus præferant: sunt autem laudata folia duos digitos lata, longitudinis vero ultra spithama: vox autem olla materiem in qua scribitur ab aliquo proprie significat; Hispanice *oja*.

ta sunt Ollæ ad universas Ecclesias, Oppida, Pagosque, ut proxima die in Diamper convenirent; aliis etiam, quibus libuisset, fuit accedendi facultas concessa.

III. Nec prætereundum, quod Synodus celebranda, comitiorum simul speciem, habitura esset. Enimvero illi Christiani, sub diversis licet Regibus degentes, nihilominus peculiaribus sibi legibus, ac juribus, quantum ad politicum regimen gubernabantur, quæ ut intra debitæ moderationis limites, si opus esset, coercerentur, non solum in rebus Ecclesiasticis, sed etiam in Civilibus, solis Episcopis subdebantur, quo fiebat, ut de ejusmodi legibus, moribus, atque consuetudinibus agere necessarium esset, cum sæpe contingeret, ut earum plures, rebus Ecclesiæ, ac Fidei adversarentur; quamobrem opus esset, dogmata, ac res Ecclesiæ restituere, & simul non consentaneas veræ religioni leges, & jura temperare, vel corrigere: itaque decretum fuit, ut ab unoquoque Oppido quatuor eligerentur viri probi, ac honesti, qui tanquam Procuratores, nomine suæ communitatis, lites, postulationes, aut querimonias exponerent; requirendi etiam, ac respondendi facultate gauderent; proponendi demum in Synodo, tanquam in generalibus comitiis quicquid vellent.

IV. His Vaipicotæ peractis, remeavit Menessius Cranganorem, ubi in secessu, secum ipse quæ agenda erant, reputans, in ordinandis, aptandisque punctis in Synodo agitandis, tam circa fidem, quam mores, resque civiles, operam omnem sedulo collocaret; interea quo nihil præteriret eorum, quæ ad instaurandam Catholicæ etiam disciplinæ, atque Divini cultus rationem, prodesse possent, cum Episcopi Babylonici Malabarenses, aut aras lapideas nulla ratione, aut non rite consecrarent: neque enim illas Sacro Oleo liniebant, sed tantummodo septies per Ecclesiam circumferebant; jussit Menessius plurimas aras fieri in singulas Ecclesias distribuendas; easque solenniter consecraturus in Paru commeavit, advocatis illuc pluribus finitimarum Ecclesiarum Cassanariis, ut e Majestate, atque sanctitate rituum, Babylonicæ, ac Romanæ Religionis discrimen perspicue agnoscerent, hujusque sanctitatem, atque præstantiam, oculis ipsis patentem, adamarent, atque præferrent; ibi etiam Sacros Ministros inauguravit in die solenni Sanctissimæ Trinitatis, & ex Incolis, quos idoneos putavit, post ejuratos errores, ac fidei Catholicæ professionem, atque obedientiam erga Romanam Sedem juramento promissam, quinquaginta Sacris Mysteriis addixit; qua ratione ipsorum potissimum Parentes ac propinquos devinciendo, non parum præsidii rebus Synodi accessurum arbitrabatur, augebatque numerum eorum, qui parti adversæ, Babylonicis nempe, obsistere possent, & suffragiis prævalerent.

V. Ut Menessius literis consignavit, quæ Synodo proponenda, esse ducebat, quæque vel firma fide credenda essent, vel matura discussione decernenda: nonnullos Sacerdotes Malabarenses, Diœceseos Cochimensis accersivit, quibus curam commisit, ea omnia in linguam Malabaricam transferendi, quo non solum ab Ecclesiasticis in Synodo congregatis,

42 HISTORIA SYNODI DIAMPERITANÆ

gatis, sed etiam à Laicis plene percipi possent. Dum hæc geruntur, nuntiatur ipsi à Rege Porcano; quod jucundissimum ipsi fuit; nempe universos earum partium Incolas hilariter, atque jucunde itineri, Cochimum versus, ut ibi Synodo interessent, sese accingere; quo nuncio accepto, Menessius in Diamper statim contendit, cum ut adventantes pro merito exciperet, tum etiam, quo rebus providendis curam impenderet. Die itaque nona Junii iter Diamperitanum arripuit, comitatus plurimis Cassanariis, (a) nonnullis etiam Theologis, cum Patre Roz, & eo qui ipsi erat à Confessionibus, (b) multis etiam (c) Chamaziis, aliisque Christianis, qui adventantes ad pacem, consensionem, atque integram Christianorum reductionem hortarentur.

§. II.

Privatim recitat e Commentariis Menessius, quæ paraverat; ea conferens cum Archidiacono, & octo Cassanariis I. Dat initium Synodo, celebratione solennis Missæ pro tollendo Schismate II. Officium, statutasque preces recitat ad inchoandam Synodum, atque verba facit opportuna, de necessitate cogendæ Synodi, aliisque rebus III. Die 21. Junii emittunt professionem fidei illi Christiani, Papæ obedientiam promittunt, & Concilium Ephesinum admittunt IV. Emissæ professionis articulos exponit Menessius, & subortum rumorem sedat ingeniosa solertia V. Archidiaconus professionem emittit Malabarice, & Jacobus, unacum reliqua Populo; Cassanarii singillatim profitentur. VI. Additamentum professionis fidei VII. Tumultum alterum pari sagacitate declinat Menessius VIII. Recens conversi Christiani in clientelam Regis Lusitaniæ recipiuntur IX.

I. **I**gitur cum convenissent in Diamper universi Cassanarii; quatuor præterea electi, seu Procuratores pro singulis Populis, Menessius ex Cassanariis octo optimi nominis selegit, ut iisdem una cum Archidiacono apud se congregatis, prælegeret, ac de scripto recitaret primas rerum agendarum, quas meditabatur, adumbrationes, maxime decretorum, quæ ipsi Synodo proponenda fore videbatur. Atque hoc non una de causa; primum enim, ut cum de iis consultatio haberetur, ipso-

(a) *Cassanar* vox est Syro-malabarica, ex *Cassa* Presbyter & *Nar* live *Nair* nobilis; quali Presbyter Nobilis.

(b) Pater Blahus a S. Maria Augustinensis.

(c) *Chammar* aut *Chammas* est vox Syriaca, & sonat Ministrum, seu Diaconum; ex Syriaco enim *Sciama* fit *Sciama*scin,

vel *Sciamma* Diaconus. Consonat vox Hebraica שַׂמָּשׁ *Sciama*sc, & ita vocant Hebræi *Ministram* Scholæ seu Sinagogæ, qui luminaria accendit, librum lecturo porrigit &c. Aliquando inter Hebræos *Sciama*sc erat idem qui שֵׁטַח *Claxan* five Cantor: vide Aulitium *De Schol. lib. 1. cap. 12.* & Maurocenum in *Via Fidei tom. 1. p. 232.*

ipsorum menti altius ea imprimerentur; deinde ut si res propositas approbarent, proclive ipsis deinde esset, eas ceteris persuadere, acriterque inculcare, & quia rectas, & quia suas; postremo, ut eorum hæsitationes, dubietates, & scrupulos, si qui essent, in antecessum clanculum per Menesium sedarentur, aut traditione, Scripturis, Patribus, & consensione Ecclesiarum, si erga fidem atque disciplinam versarentur; aut si ad mores indifferentes, & civiles pertinerent, vel sincera rerum narratione, vel pravitate, si quam secum admitterent, extirpatione; vel necessitate, consuetudines aliquas inveteratas, ab omni superstitionis umbra depuratas, saltem ad tempus tolerandi. Eo demum apparatus hic spectabat, ut cum propalam ea recitarentur, vel nullus de re dubitare prudenter posset, aut si contentiose id aliquis auderet, ab ipsis Cassanariis quippe indigenis, dubiosi instruerentur, & qui contentiosi essent, compescerentur. Ne tamen quid securitatis, vel prudentiæ desiderari posset, dum de consuetudinibus locorum agendum esset, quatuor e gravioribus, ac honestioribus Montanorum senes, interesse voluit, qui super his juxta opportunitates consulerentur.

II. Perpensis itaque omnibus in congressione illa; omnia tanquam optima communiter approbata sunt. Cumque indicta dies advenisset, atque Capitulum Sedis Cochimensis Menesius in solenni, & Pontificali Sacramento ministraturum, Musicorum item Chori, plures è clero, Civitatis Magistratus, Regii Ministri, plurimi denique de Populo accessissent, jussit Menesius cunctos Presbyteros ea die sacrum celebrare, reliquos autem, qui Sacramento Pœnitentiæ expiati essent, Sacræ Mensæ participes fieri, qui vero secus, & generatim omnes, Deum obsecrare pro felici Synodi celebratione; quotidie etiam litaniæ cani chaldaice prius à Syris, deinde suo more à Latinis. Hora deinde competenti celebravit Menesius solenne sacrum de more, & juxta Romanæ Ecclesiæ præscriptum: *Ad tollendum schisma*: concionem etiam habuit Malabarico idiomate P. Franciscus Roz, qua ingenti adstantium profectu, Synodi necessitatem, atque debitam Romanæ Sedi obedientiam exposuit, validisque argumentis confirmavit.

III. Peracta Missa, iisdem indutus Pontificalibus indumentis, statutas à Pontificali Romano preces, cum Presbyteris, alternis cecinit; quæ est debita præparatio juxta Latinæ Ecclesiæ laudabilem consuetudinem: *Ad inchoandam Synodum*. Precibus absolutis, verba facit è faldistorio, coactæ jam toti Synodo, tempori, rei, finique, atque illis Christianis peropportuna: illud etiam addidit, se illam coegisse Synodum, & jussu, & auctoritate Summi Pontificis Clementis VIII. cujus Diploma continuo fuit lectum, ac Malabarice expositum. Quod sane Diploma (in illius commendationem statim subiunxit Menesius) & mihi quippe Primati totius Orientis, & vobis erudiendis, instruendisque, & necessitati Ecclesiarum, vacantibus Episcopali Sede, & Exedris Canonicorum (a) maxime con-

F 2

grue-

(a) Non apparet fuisse in Ecclesia Orientali; Indica, Canonicorum cœtum, cum sub

Episcopis, uno Archidiacono & Cassanariis tantum gubernaretur; at Menesius, ita lo-

44 HISTORIA SYNODI DIAMPERITANÆ

gruebat. Placet ne ergo vobis Synodum celebrare ad extirpandas hæreses, atque errores a Nestorianis in his Regionibus disseminatos, ad corrigendos, expurgandosque ab illis libros, ad præstandam obedientiam Sanctæ Romanæ Ecclesiæ, atque Papæ Divi Petri Successori, & Christi in terris Vicario, ad extirpandam publicam Simoniam, quæ in administratione Sacramentorum inoleverat, ad reformandum demum Clerum, res Ecclesiasticas, atque mores totius Populi? Et responderunt: *Placet*. Quo dicto, publicata fuit Excommunicatio latæ sententiæ in eos omnes, qui durante Synodo in circuitis, & privatis conventiculis de rebus ad eam spectantibus agerent; ipsiisque permissum fuit, ut quidquid e re, vel publica, vel privata alicujus cœtus videretur, palam in Concilio proponerent discutiendum: præcipiebatur insuper, ne ullus à Synodo discederet, nisi prius subscriberet decreta; & acta, atque professionem fidei emitteret. Quibus constitutis, comitium die illo dimissum est.

IV. Die proxima 21. Junii, postquam Menessius sacrum sine solennitate peregit, induit Pontificales vestes, atque juxta ritum celebrationis Synodi præscriptum à Pontificali Romano, promulgatum fuit Decretum, quo jubebatur, omnes, & potissimum Procuratores Populorum, fidem eorum nomine publice profiteri, in manibus Archiepiscopi, lingua vernacula Malabarica, eadem ratione, iisdemque verbis, quibus Menessius ipse, primus omnium eam publice professurus erat, adjuncto formulæ Pianæ ex præscripto Tridentini exarata, anathemate contra Nestorium, ejusque errores atque Sectarios, & contra tam ipsius, quam Sectariorum omnium deliramenta, quibus Diœcesis infecta erat. Indixit præterea idem Menessius acceptionem Concilii Ephesini primi 200. Patrum, & Juramentum quo explicate, & apertius promitterent obedientiam Papæ, & Romanæ Ecclesiæ; postremo ejurationem obedientiæ promissæ Patriarchæ Babylonico in perpetuum; admissionemque illius tantum Archiepiscopi, qui à Papa designaretur. Atque his peractis, è vestigio, omnium primus Menessius, Mitra deposita, & ad Aram maximam genuflexus, tactis Cruce ac Evangeliiis, professionem fidei, atque juramentum præstitit.

V. Deinde in faldistorio sedens, concionem habuit, in qua articulos emissæ professionis exposuit, & inculcavit universis, ut eandem emitterent. Post quæ verba, auditus est rumusculus, & susurratio aliquorum e Cassanariis, aliorumque palam Menessio obreptantium, atque obloquentium: non esse cur professionem novam facerent; se fidem habere, atque Christianos esse; quapropter & gratis ab eis id exigi, immo & contumeliose, perinde ac si a fide defecissent. Quibus pro munere suo reposuit Menessius, nec novum, nec mirum id habendum, eo quod cunctis incumberet obligatio profitendi fidem, quoties legitime fuerint requisiti, & quoties suborta sit de alicujus fide dubietas aliqua: se quidem a teneris christianum esse, immo Patrem, ac Antistitem totius Orientis, ni-

quitur, eo quod eam Ecclesiam conformem
in omnibus, quantum liceret, ex præscripto

Summi Pontificis reddere satagebat Occi-
dentis Ecclesiis.

nihilominus id exigente re, primum omnium professionem elicuisse; præterea id quod ad professionem fidei accesserat, submissionem nempe, & obedientiam promissionem erga Catholicam Ecclesiam, omnino necessariam esse. Nam cum ipsi ab Ecclesia Catholica diu separati fuissent, opus erat, ut ad gremium illius redeunt, ejus obedientiam se rursus submitterent, eamque jurarent, ac subscriberent.

VI. Acquievere universi Menessio, & Georgius ad ipsum accedens, elata voce eandem fidei professionem Malabarice emisit; id palam præfatus, se hoc præstare, tam proprio nomine, quam totius Diœcesis Montensis, cujus hæctenus Gubernatorem egerat. Exinde Jacobus Cassanarius Ecclesiæ de Pallurte, Synodi Interpres, ambonem conscendens, Cassanariis, ceterisque aliis genuflexis, clare, & distincte eandem professionis formulam perlegit, singulis eandem, iisdemque verbis repentibus Malabarice: Cassanarios singillatim coram Archiepiscopo genuflexos, interrogabat ipse, an ea ex animo profiterentur sincere, atque sponte, sola conscientia ducti, & propriæ salutis intenti, & quia ea vera esse firmissime crederent? Annuentibusque omnibus, atque asserentibus se paratos esse ea fide vivere, mori, atque dum opus fuerit, pro ipsa sanguinem fundere; lecta fuerunt hæc additamenta, pertinentia ad prætorum errorum ejurationem, nempe.

VII. *Anathematizo præterea perversum hæreticum Nestorium, ipsius errores, & affectas; Sanctum amplector concilium Ephesinum primum 200. Patrum, cui præsedit nomine Pontificis Romani, Sanctus Cyrillus Patriarcha Alexandrinus, quem ut Beatum, ac Deo gaudentem veneror. Confiteor amplius Christum Dominum nostrum verum Deum, ac verum hominem esse, atque in eo duas esse naturas, divinam, nimirum, & humanam, in uno tantum divino supposito. Sacratissimam Virginem appellandam, & re vera esse Dei Matrem. Sanctam etiam Ecclesiam Romanam, ut Matrem, Magistram, atque Ecclesiarum omnium caput agnosco, ac juro obedientiam, & subjectionem Sanctissimo Patri Papæ Pontifici Romano Divi Petri successori, & Christi in terris Vicario, nulla habita ratione Patriarchæ Babylonici, quocum juro, deinceps me non communicaturum. Promitto etiam non alium Episcopum, & Antistitem in hac Diœcesi me admissurum, quam illum, qui pro tempore à Summo Pontifice Romano institutus fuerit. Confiteor præterea unam tantum esse legem Christi Domini, quam Apostoli prædicaverunt; ac errare, asserentes duplicem in Ecclesia legem, nempe Divi Petri unam, & Divi Thomæ alteram, quæ cuncta confiteor, promitto, ac juro per Crucem hanc Jesu Christi, & hæc Sancta Evangelia.*

VIII. Dum hæc per Cassanarios præstarentur, surrexit Montensis quidam Cassanarius dives, ac præpotens, atque Regi de Turubelle pergratus, qui discedens cum aliis septuaginta circiter ab Ecclesia, & ingressus Ecclesiæ Xistum, ingentem tumultum ciere cœpit; verebatur autem Menessius, ne adversus fidei confessionem hæc turbæ excitata essent; unde percontatus quid rei esset, rescivit, ab illis Christianis expe-

46 HISTORIA SYNODI DIAMPERITANÆ

ti (quandoquidem Papæ , atque Episcopis Latinis obedientiam polliciti , sub Regis Lusitani clientela futuri erant) ut à tributis Ethnicorum Regum , atque vexationibus , quæ augebantur indies , liberi redderentur : quod maxime asserabant de Rege Cochimensi , qui in partem bonorum , atque facultatum omnium Christianorum succedere volebat , una cum Patris demortui relictis filiis , tanquam filius omnium natu major ; (Inventum sane non ferendum , sed execrandum , quod jam alii Reges sibi imitandum proponebant) Querelas hujusmodi , quamquam id à recto non exorbitare probe dignosceret Menessius ; hujus tamen interjectionem negotii eo potissimum spectare suspicatus , ut si fieri posset , fidei professio inturbaretur , aut saltem qui tumultum moverat , eam cum suis declinaret ; quiescere jussit omnes , ac erecto animo esse , cœptumque interim profsequi , & complere ; se postea pollicitus est negotium hoc , eorumque commodum , exertis viribus procuraturum . Quibus auditis , Cassanarius , iique omnes cum ipso congregati , qui in eadem erant sententia , fidem professuri accesserunt . Eum consequuti sunt Diaconi , Subdiaconi , Chamazii in minoribus constituti ; inde electi Populorum , demum omnes qui aderant , tam e Diamper , quam qui ex aliis Locis accesserant : in quibus omnibus peragendis septem horarum spatium fuit insumtum . Fidem professi numerabantur ex evocatis ad Synodum (præter Diamperitanos , aliosque , qui libere accedebant , Diaconos Subdiaconos , atque Chamazios) tresdecim supra octingentos ; nempe centum quinquaginta tres Cassanarii , ac sexcenti septuaginta & unus ex electis , ac Procuratoribus Populorum . (a)

IX. Professione fidei peracta , lectum fuit Decretum , quo præcipiebatur cunctis Cassanariis , Diaconis , & Subdiaconis Diœcesis à Synodo absentibus , ut eandem professionem fidei emitterent in manibus Archiepiscopi in sancta visitatione , aut alterius ab eo deputandi ; ii autem ad quorum loca Archiepiscopus non accederet , eam facerent , & manu propria subscriptam transmitterent , quique id non præstarent , à Sacri Ordinis exercitio arcendos esse prænuñciavit : alia præterea lecta sunt opportuna Decreta . Quo vero tumultuantis illius Cassanarii , ceterorumque votis , ut sponderat Menessius , satisfaceret , accersito Præfecto Militiæ Lusitanæ Cochimensis , D. Antonio de Noroña , atque Civitatis Magistratu , dixit ipsis , se tradere , & committere eorum fidei , Christianos omnes Divi Thomæ , jam subditos Apostolicæ Sedi ; idque se maxime expetere , ut Lusitanæ Rex , eosdem suo dignaretur patrocinio honestare , salva semper subjectione , atque *hommagio* propriis Regibus Malabaricis debito ; dummodo ii in rebus fidei , aut Ecclesiæ nihil adversum attentarent . Cui nomine Regis , cujus gerebat personam Noroñus , vir

cani-

(a) Videtur non bene Gouveam hic computasse , etenim 153. Cassanarii , & 671. electi conficiunt Summam 824 non vero 813. ut asserbat : attamen ista ratione utcumque elici potest quotus esset numerus Ec-

clesiarum , nempe tot quot sunt quaterniones : nempe 168. Pagi ; numerus enim 671. continet totidem quaterniones , si addatur unus ; aliter superfuissent tres electi , & tunc loca tantum erunt 167.

canitie, ac munere gravis, genuflexus (quod maximam conciliavit Archiepiscopo apud eas gentes auctoritatem, ac opinionem) præ gaudio, animique commotione illacrymans, respondit; se accipere Christianos, atque Ecclesias omnes sub clientela sua, dum omnes jam jurata fide, unum constituebant Ovile; quam sponsonem subscriptione ipsiusmet, & Magistratus munitam, tradidit Menessius Archidiacono in Archivio Angamalensium reponendam. Qua securitate suspiciosi timoribus abactis, læti jam omnes, accepta prius ab Archiepiscopo solenni benedictione, hora tertia pomeridiana ad propria redierunt.

§.III.

Actio prima, & secunda Synodi expeditur, ac loco tertiæ, quæ in alium diem rejicitur, habetur sexta I. Tenor perpetuus in Synodo observatus II. Rebelles tentant manus in Menessium injicere, sed occulta, & mira virtute repelluntur III. De Actione quinta, & parte sextæ IV. De Actione tertiâ, ubi actum de erroribus eorum Christianorum, die 24. Junii, Præcursoi sacra, præsentibus tantum Indis V.

I. **P**rima, & secunda Actione Synodi, decreta fuere, quæ ad celebrationem ipsius pertinebant, & fidei professio fuit solenniter emissâ: in tertiæ diei Actione, animus erat res fidei stabilire, atque declarare, & Nestorio, ejusque erroribus diras imprecari, novosque rursus ejurare errores, qui ad veteres accesserant. Id quod in primis cordi erat Menessio: sed Cassanarii, & Christiani illi à Menessio præ erubescencia efflictim petierunt, ne ea tunc coram omnibus tractarentur; sed proxima Sancti Joannis Baptistæ die, qua Lusitani, atque advenæ omnes, ad Paru parvum accessuri essent, in Ecclesia duas Leucas disita, festivitatem Præcursoi celebraturi; pudebat enim eos, aliis publice innotescere errores, & deliria, in quæ miserrime prolapsi erant. Annuit liberaliter Menessius, & ab ipsorum pudore opportunitate capta, inculcavit ipsis illud Pauli: (a) *Quem ergo fructum habuistis tunc in illis, in quibus nunc erubescitis? Nam finis illorum mors est, & confusio; Quamobrem ea die actum fuit unice, de Sacramentis Baptismi & Confirmationis, de quibus juxta ordinem à Synodo præstitutum, in sexta Actione agendum erat.*

II. Tenor autem rerum hic, perpetuo deinceps usque ad finem Synodi servatus fuit: Primo Dogmata ad unumquodque Sacramentum pertinentia proponebantur, ut doctrina, & disciplina statueretur. Exinde Decreta publice legebantur, mane autem à septima, usque ad undecimam horam cogebatur Synodus; & à secunda pomeridiana usque ad sextam. Siquis Cassanariorum, aut Electorum quispiam, dubium aliquod pro-

(a) Paul. Epist. ad Rom. cap. 6. v. 21.

proponere veller, id consurgens, & stans præstabat, dum legebantur Decreta, cui Menessius non sine gaudio respondebat, id secum jucunde reputans, sibi licuisse tandem, non clanculum, & in tenebris, sed palam, & super tecta res fidei extollere, atque deprædicare; senes etiam erant Montenses deputati, honesti viri, qui ceteros tumultuantes paci redderent, quosque in pluribus circa mores Regionis, uti Consiliarios Menessius adhibebat; qua honoris significatione, & illos & illorum propinquos, & generatim indigenas omnes, plurimum sibi devinciebat. Id autem graves viri, tanto ipsorum decore, atque Populorum reverentia præstabant, ut vel paucis verbis, ceteros compescerent: quod Cassanarii ægre tulerunt, unde livore incensi, ad Menesium accesserunt, idque causati sunt; nempe dedecens esse, seculares homines, tantum sibi in Synodo, ubi tot Sacerdotes conveniebant, tribuere, ut in qualibet re loquerentur, atque eos reliqui auscultarent: satius fore ipsis silentibus, Presbyteros in Congregatione loqui. Satisfecit autem Menessius pauca hæc reponens; Sacerdotes id posse exigere, ut omnium primi audirentur, quod usque hæcenus servatum fuerat, & religiose servandum erat in posterum; ceterum aliis, præsertim qui gravitate, ac bono iudicio pollerent, os obturare, & libertati omnibus principio promissæ, & communi bono plurimum adversari. Ii autem optimi senes id pro labore impenso acceperunt præmii, ut ipsis, suisque decentior honestiorque sepulturæ locus attribueretur; alia etiam nonnulla ipsis impertita sunt privilegia. Qua ratione finem habuit tertia Actio Synodi, in qua post expositionem Doctrinæ Catholicæ, & dogmatum, viginti edita sunt Decreta circa Sacramenta Baptismi, & Confirmationis.

III. Neque vero illud prætermittendum, quod Miraculo non absimile visum fuit; enim vero sub id temporis eorum Christianorum rebellium multi, furiis Inferorum æsti, conspiratione facta, mutuo inter se pacti fuerant, se omnium nomine ea omnia, ut falsa, & nova accusaturos, ac palam protestaturos, nolle se antiquam Divi Thomæ legem pro alia commutare, neque Romano parere Pontifici; cuius rei executioni quemdam præ ceteris effrontem præfecerunt, at vero ut postea facti sunt, cum ter, & amplius ad Synodum convenissent, ut cuncta perturbarent, & quod impudenter moliti fuerant, executioni impudentius mandarent; semper tamen oculorum aciem in vultum Menessii intendentes obmutescere, superna quadam vi, coacti sunt, & pavidè e Synodo re infecta excefferunt; ac tandem occulta quadam voce, quæ in eorum cordibus repetebat verba illa: *durum est contra stimulum calcitrare*, efficaciter moti, & impulsì, ab impio proposito tandem resipuere, & eorum resipiscentia, aliorum constantiam mirum in modum auxit, & confirmavit.

IV. Die 23. quæ de Sacramentis proponenda supererant, agitata sunt: erat autem dies quarta Synodi, Actio autem Synodalis quinta, in qua de Eucharistia, ac Sacrificio Missæ pertractatum est, ac præsertim quo apparatu accedendum esset ad Sacram Synaxim, cum illi Christiani, non præmisso Sacramento Pœnitentiæ, quod ipsis erat horrori, ob perverfam, qua erant imbuti, Nestorianorum errorum doctrinam, Eucharis-

tiam

etiam sumerent; præscriptum insuper fuit, quomodo ea porrigenda esset pro viatico ægrotantibus; Liturgia etiam Chaldaea, quæ erat illis Ecclesiis usitata, expurgata fuit ab erroribus, blasphemis, atque ritibus impiis, quorum erat referta; quæ omnia continentur novem Decretis de Eucharistia, & quindecim de Sacrificio Missæ.

Ad vespærum ejusdem diei celebrata fuit actio sexta, in qua de Sacramentis Pœnitentiæ, atque extremæ Unctionis actum est; & de primo quidem pro dignitate, ut res exigebat. Erat enim illis invisum, & prorsus in desuetudinem abierat; de casibus etiam reservatis, & quibus censura erat annexa; de aliis demum pluribus ad idem Sacramentum pertinentibus, quæ quindecim Decretis fuerunt comprehensa; tribus de Unctione Extrema additis, cujus etiam ignorantia laborabant.

V. Die 24. glorioso dicata Christi Præcursori, & Synodi quinta, de rebus fidei actum fuit, & celebrata actio, juxta ordinem Synodi, tertia; utque plurima erant pertractanda, summo mane convenere cuncti in Ecclesiam; absentibus eo die Lusitanis, & advenis; quinimmo jussis omnibus, si qui essent e Lusitanis excedere, & Ecclesiæ foribus pessulo obseratis, ut præter Cassanarios, & Christianos indigenas, alius nemo adesset, cujus præsentia illis pudorem afferret (quod ipsi pollicitus erat Alexius). Post hæc è vestigio cuncta fidei nostræ Dogmata, perspicuo sermone Alexius proposuit, atque eorum omnium diserte aperuit sensum, confirmavitque traditione, Scripturis, Patribus, Conciliis denique Ecumenicis, & quod confectarium erat, Nestorianorum, aliorumque Malabarensum errorum inconstantiam, atque falsitatem clare ostendit. Veritates Catholicas, Hæreticorum oppositis deliramentis confixis, eandem Deo opem ferente, quotquot aderant confessi sunt, seque Dæmonis fraude circumventos, pravisque Heterodoxorum dogmatibus tuapiter dehonestatos agnoverunt. Index præterea confectus est, quo ex ipso libri titulo noscerentur, quinam Libri comburendi, qui expurgandi essent, qui denique inoffenso pede percurri, ac legi possent; omnia denique ad fidem attinentia stabilita atque illustrata fuere; in quibus omnibus peragendis per totam diem, usque ad multam noctem, nequid prætermitteretur, laboratum est. Nec in re ulla quidquam dissensionis fuit; si codicem Canonicarum præeum, sive Breviarium excipias, e quo omnino discerpendum clamabat Alexius, integrum Officium Adventus, & Nativitatis Domini, ob frequentissimam, ac tertio quoque verbo hæresis Nestorianæ repetitionem; ibi enim sæpe sapius duplex suppositum Christo asserbatur, necnon Mariæ Virgini, Matris Dei dignitas impie negabatur. At Cassanarii contra nitebantur; non quod errores non agnoscerent, sed quia Officium nullum, quod recitarent, ipsis supererat, illis erasis, & omnino expunctis: qua in re hoc provido temperamento usus est Menessius: Interferi jussit Breviario aliquot paginas; & crassiores etiam errores expungi, quousque nova Breviaria cuderentur; atque ita Actio illa finem attigit, confectis tribus, & viginti Decretis, & quatuordecim Capitulis, quæ tanquam Catecheses in Ecclesiis legerentur, quousque ad Synodi petitionem Catechismus plenior conficeretur.

§.IV.

Actio septima habetur, ubi de Sacramentis Ordinis, & Matrimonii agitur; ejicitur Simonia, & Presbyteri, ceterique in Sacris Constituti ab Uxoribus separantur. I. Actio octava, in qua disperditur in Paræcias Diocesis Angamallensis; designantur singulis Ecclesiis Vicarii, & quatuor Economi II. Actio habetur nona, & ultima de reformatione morum; & multiplices tolluntur abusus III.

I. **D**IE 25. & sexta Synodi, Actio septima celebrata est; in qua de Sacramentis Ordinis, & Matrimonii actum fuit: atque exaratis Decretis Ordinis Sacramentum respicientibus, duo maximi ponderis peracta fuere; primum enim exulare prorsus jussum est abominabile Simoniæ vitium, illis hominibus quam familiare, cum omnia prope Sacramenta, resque sacræ haberentur venales; eo quod nullo alio proventu illi gauderent, quam eo, quem propter ipsorum Officium illis largiebantur Christiani; actum est etiam de modo providendi Cassanariis, & Ecclesiis pro sustentatione congrua, Templorumque nitore; electi etiam Populorum, quisque pro viribus suis, ad hunc finem contributam pecuniam contulerunt, & Archiepiscopus, e suo, dum vitam ageret, & dum Rex Lusitaniæ certos redditus non designaret, Montanis Ecclesiis se daturum spondidit bis mille annuos (a). *Pardaos* pro Cassanariis ac Parochis de novo instituendis; quod promissum fideliter servavit, usque ad annum 1601. quo Rex e regio arario hunc proventum regio suo Decreto Montanis constituit Ecclesiis, quo iis, eorumque Ministris decenter consuleretur. Deinde strictissimis inhibuit censuris, ne Clerici in Sacris constituti Uxores ducerent, prout fieri solebat, & adeo intemperanter quidem, ut aliqui ad secundas, & tertias nuptias transirent, viduas etiam absque ullo discrimine ducerent, quippe qui irregularitatem ex Bigamia prorsus ignorarent; quibus omnibus præceptum fuit, ut ab Uxoribus recederent sub poenis, ac censuris. Quia vero solum à tempore, quo Archiepiscopus Mar. Abraham Concilio Goensi præsens subscripsit, nulla Ecclesia eos, qui Uxores jam in Sacris constituti duxerant, passa est; Matrimonia enim hujusmodi Concilium illud sub Excommunicatione, atque declaratione nullitatis vetaverat; idcirco eos, qui ante Concilium Goense jam Matrimonio conjuncti erant cum prima conjuge, nulloque Bigamiæ impedimento laborabant, Synodus toleravit, sub eadem conditione tamen, ut in posterum servarent, quæ Pontifex Romanus hac de re consultus decerneret. Prohibuit etiam Synodus, ne in posterum, Sacerdotes Officia, ac munera secularia in Republica, ut consueverant, obirent. Itaque Matrimonio redacto ad formam Concilii Tridentini, declaratis etiam propinquitatis gradibus prohibitis, atque impedimentis, quæ illud dirimunt, vel impediunt, facultate à Papa ipsi delegata, solvit

(a) Species est Monetæ exigui valoris: Vide Syllabum vocum.

vit Menessius ab impedimento propinquitatis conjuges tali impedimento irretitos, eosque ad vitandum scandalum, clanculum valido, ac legitimo Matrimonio conjunxit; quibus Actio septima finem habuit, editis viginti duobus Decretis de Sacramento Ordinis, & viginti sex de Matrimonio.

II. Septima die Synodi celebrata fuit Actio octava, in qua actum est de reformandis rebus Ecclesiasticis. Primo itaque facta fuit divisio Archiepiscopatus in Paroecias, deinde Vicarii, & Parochi, qui fidelium curam gererent constituti; nulli enim prius erant Sacerdotes peculiariter huic muneris addicti, institutique, sed Cassanariorum quilibet pro suo libito his muneribus fungebatur. Divisa etiam Diocesi, atque constitutis Parochis nobiliorum locorum, exigui quidam, atque ignobiles Pagi, adjecti sunt Paroeciis vicinioribus; in locis tamen adeo distantibus, ut nemo posset eo, cum res posceret, opportune accurrere, erectæ fuerunt ab Archiepiscopo Ecclesiæ, deputatique peculiare Parochi. Mandatum etiam, sancitumque fuit, ut in qualibet Ecclesia quatuor e gravioribus viris instituerentur Oeconomi, quibus res Ecclesiæ, Fabricæ restauratio, atque Sacræ Vestes commendatæ essent; hujusmodi vero Oeconomi à Populo eligerentur tempore, quo Archiepiscopus Ecclesiarum inspectionem haberet, easque visiteret; assignati præterea discretique fuerunt dies festivi, & esuriales, in quibus servandis ingens erat confusio, ac opinionum dissensio. Constitutum denique fuit, ut rudimenta fidei lingua Malabarica, non vero Syriaca, ut erat mos, Populis explicarentur.

III. Die octava habita fuit nona, atque ultima Actio, in qua de morum reformatione actum est; prava, atque enormes consuetudines, quæ jam diu apud eas gentes vigeant, hac die sublatae fuerunt, earum potissimum erant primo exclusio prolis femineæ a successione in bonis paternis; quamobrem, frequens erat, quod transversalis Masculus hæres nuncuparetur, atque auferret universas facultates; cui malo plurima alia innectebantur; Feminae enim quæ Matrimonium non contrahebant vivente Patre, post ejus obitum, vel ob inopiam se prostituiebant, vel fame, ærumnisque conficiebantur: secundò erat adoptio extraneorum, quæ sæpe fiebat etiam à Parentibus habentibus filios naturales, & proprios, qui extrema non raro penuria laborabant; eo quod bona paterna, & hæreditaria in alienos translata essent. Quæ res sane absurda, ipsique naturali rationi dissentanea, litigiorum, ac discordiarum fomes erat perpetuus. Alia præterea decreta sunt ad Ethnicorum rituum imitationem à Christianis propellendam. Prohibitum itaque fuit, ne auriculas sibi perforarent, vel ab eis dependentes pretiosas inanes, aut quid simile gestarent, ut in aliqua re saltem à Nairibus Ethnicis discernantur; habitu enim ejusdem generis Christiani utebantur: neque consuetudines alias barbariem penitus redolentes in posterum servarent; at quamquam nervos omnes intenderit Menessius, ut morem vitandæ contactus hominum stirpis abjectæ, à Nairibus eradicaret, labor omnis inanis, & irritus fuit. Cavebant miro studio Nai-

52 HISTORIA SYNODI DIAMPERITANÆ

res (a) contactum alterius hominis stirpis ignobilis; quamobrem confessum se pollutos (b) ac empolleatos fieri putantes, aquam, & pollubrum poscebant, nec sine superstitione, se veluti a contracta sorde abluebant, ut cum ceteris Nairibus consuetudinem habere possent; alioquin nullum inter ipsos commercium erat. Tria autem hominum genera Naires appellari, & reputari solebant, nempe Malabarenses honestis Parentibus orti, nullamque mechanicam artem exercentes, Christiani Divi Thomæ, & Lusitani. Ceteri omnes indiscriminatim, abjectæ stirpis, & ignobiles reputabantur. Vitiationem horum contactuum, & hæc lavacra Christiani Divi Thomæ rem vanam prorsus, & superstitionem existimabant; nihilominus iis consuetudinibus, ejurata tamen omni superstitione, indulgere cogebantur; nam si secus facerent, neque domos Nairum; nec Palatia Regum frequentare; neque vendendi, aut emendi gratia, aut alterius rei agendæ ceteros convenire poterant; immo ab omni honoris, ac Dignitatis gradu decidebant. Illud tamen ex hac dura necessitate sequebatur incommodi, quod reliquum Malabarensum vulgus ad fidei societatem adducere nequibant, cujusmodi erant omnes opifices, agricolæ, ceteri denique; (Naires enim soli student Militiæ) unde quantumvis Menessius, & cum ipso Christiani omnes vehementer exoptarent, ab illa se eximere; ne tamen illorum fides ob sollicitudinem circa genus hominum abiectorum, jacturam faceret, & a vivendi cum aliis consuetudine, ob Naires Ethnicos arcerentur, dissimulata fuit. Qua ratione completa fuit Actio nona. vintiquinque editis Decretis.



(a) Post primam atque excellentiorem *Brachmannum* conditionem aut genus, illis proximi habentur *Naires* aut *Nairi*, quorum genus, aut si magis *Casta*, Milites complectitur; qui rursus ex duplici ratione, nempe vel militaris dignitatis munere, vel ab armorum genere, quibus instruuntur, in alia quindecim genera dispartiebantur. Horum nomenclaturam legere licet apud Vinc. a S. Catharina *Viaggio all' Ind. Orient.* lib. 3. cap. 10. Vox autem *Nair* derivata videtur a radice Hebraica נָאִיר *Naxir*, unde

CA-
Naxir, & significat, ut reapse servant Malabarenses, separari ab aliis, vel ab aliquare, sive religione & voto sive Dignitate. Consule Dict. Héb. Xant. Pagn. in hoc themate col. 1568.

(b) *Polleas* & *Pulias* nomina sunt, quibus una ex abiectis stirpibus significatur, in qua recententur Rustici, & ceteri qui terram firriunt: hinc *empolleari* dicitur, qui ab illorum aliquo, qui de abjecto genere veniunt, quoquo modo contingitur.

CAPUT IV. ET ULTIMUM

*De rebus post Synodum , ejus publicatione ,
atque Observantia .*

§.I.

Qui designati fuere Vicariis , Literas authenticas dat Archiepiscopus , apta item ad ipsis injunctum munus implendum monita I. Cuncto- rum subscriptionibus munitur Synodus , omnesque simul dignas Deo- grates persolvunt II. Bracmanes Idolorum zelo , atque nostrorum Officiorum pompa perciti , quoddam Idolum miro plausu circumge- stant . III. Confessarii deputantur , & querela civiles excipiuntur IV. Digredientibus Vicariis tradit Alexius munera ad Ecclesias de- ferenda : nempe Libros rituales , Pyxides , resque alias necessarias ad Sacra Ministeria rite obeunda . V.

I. **P**erlectis Synodi Decretis , jussit Archiepiscopus nomina recitari eorum , qui ad Ecclesias regendas Parochi , seu Vicarii electi fue- rant , quibus ipse ad manus osculum accedentibus , vel aliis eorum loco , qui aberant , Literas porrigebat authenticas pro munere rite valideque obeundo ; simul iis injungebat , ut post Mensem , nomina omnium , ad uniuscujusque Parochiam attinentium , sive ea extaret in Silvis , sive in Vicis , scripto notarent , & eos omnes , qui per ætatem capaces erant , in- fra proximum bimestre , ad sacram faciendam exomologesim adigerent ; sin minus eos Excommunicationis fulmine deterrent . Idem insuper iis inculcarent quotannis juxta morem Ecclesiæ faciendum esse , tempore Quadragesimæ , eosque admonerent de munere , quod erga ipsos exerce- bant , itaut paulatim assuescerent , illos tanquam Pastores suarum anima- rum reputare , iisque debitam obedientiam , & obsequium deferre . Om- nes subinde simul Vicarios , ante se genuflexos diserte graviterque ad ea , quæ sui muneris erant strenue seduloque obeunda , ac perficienda hor- tatus fuit .

II. Synodica hortatione peracta , suo ordine cuncti autographum actorum subscripturi accesserunt ; quibus adhuc integrum esse asseruit Archiepiscopus , siquid dubii circa Decreta denuo occurreret , ante subscri- ptionem diluendum , aperire ; pariter sincere manifestare , an libere , at- que sponte subscriberent . Discussis ergo nonnullis , ac felici exitu con- clusis , omnium consensione signata fuerunt acta ; ab Archiepiscopo se- dente primum ; postea ab Archidiacono , Cassanariis , Diaconis , Sub- diaconis , electis demum , & Procuratoribus Populorum . Postea Archie- piscopus genuflexus incœpit Hymnum ; *Te Deum* . Solennis deinde sup- pli-

34 HISTORIA SYNODI DIAMPERITANÆ

plicatio, sive Processio ordinata est, ubi Choreas agentes nonnulli de Populo præcedebant, cantica Ecclesiastica suo more canentes Malabarice; sequebantur Cassanarii, ceterique à Clero Psalmos concinentes Chaldaice; denique Presbyteri Latini, qui Antistitem comitati erant, quique e Cechim accesserant, sacrum agmen claudébant, eosdem Psalmos canentes Latine. Quamobrem, qui ad Synodum convenerant, ut in una fide Dei Unius, atque Trini conjuncti erant; sic trino Idiomate, unaque voce, unum Deum collaudarunt; unamque veram fidem confessi sunt. Imber subinde imminens (quod tanquam malum omen à pluribus habebatur) orante Archiepiscopo e vestigio evanuit.

III. Prætermissum hic nolo, quod ad majorem in dies in cultu veri Numinis, animi ardorem, & Christianorum sedulitatem promovendam conferre potest: neque enim par est ut filii tenebrarum accuratiores, solertioresque sint filiis lucis. Bracmanes ergo cum e proxima prospicerent (a) Pagode majestatem, atque pompam ceremoniarum Ecclesiæ nostræ; lætitiæque, qua exultabant Christiani; cumque hæc omnia fieri in spretum, ac derisionem Pagodum, seu Idolorum, quæ ipsi colebant perverse interpretarentur, ita æmulatione exarserunt, ut accitis tubicini- bus, aliisque, qui diversis canerent musicis instrumentis, eodem Synodi tempore, non tantum die, verum etiam tota continenter nocte, alternis concentibus aer resonuerit; quotidie etiam vespere, longo ordine dispositi idololatæ inceserint, quorum postremus canitie venerandus Bracman, super Elephantem pretiosissimis phaleratum ephippiis, graviter equitans, manibus parvum gestabat Idolum, pectori religiose admo- tum, ingenti sequentis Populi lætitia, plausu, atque frequentia; quæ omnia fiebant, ne quod maxime verebantur, Christianorum, ut ipsi ajebant, Deus, præ Idolis solenniori pompa, & veneratione coleretur; neve ex opposita Christianorum solemnitæ, Idolorum cultores pudore suffunderentur. Hæc ipsa tamen invida æmulatio in Christianæ Religio- nis bonum cessit, nam incitamento fuit Christianis, siqui erant, in publi- ca veri Dei veneratione remissiores, ut acrius ad hæc Religionis officia, animum adverterent, & excussa socordia, ferventiores evaderent.

IV. Post hæc omnia dimissi fuerunt, qui ad Synodum accesserant, iis exceptis, qui Parochi electi fuere, & duodenis præelectis ex honestioribus viris; primi enim periculum scientiæ, ac morum, ut rite confessiones exciperent, subituri erant: alii vero juxta leges, & patrias Indorum Malabarensium consuetudines jus dicere, litelque dirimere debebant; præsertim controversias solvere, circa gradus propinquitatis pro Matrimoniis firmandis, vel dirimendis; Centurarum insuper causas, & Excommunicatorum crimina, & facta perpendere, atque discutere; & si- quæ alia essent majoris momenti expedire. Qua occasione inquisitum fuit in quemdam Senem Cassanarium, qui Exorcistam agens, Dæmones lev. i cujusdam parvi tintinnabuli pulsu, ab energumenis propellebat; atque inventum fuit, id non virtute Divina, sed Dæmoniaca ab ipso fieri.

V. Tan-

(a) Pagode significat Templum Idolorum; eodem nomine vocantur etiam ipsa Idola.

CAPUT IV. ET ULTIMUM §.I. 55

V. Tandem dimissi sunt etiam Vicarii in suas Parœcias; quos omnes Archiepiscopus opportunissimis monitis spectantibus ad rectam muneris, quod ipsis committebatur, administrationem, communivit; dedit etiam singulis Rituale lingua Syriaca exaratum pro administratione Sacramentorum; Catechismum Idiomate vernaculo Malabarico scriptum; lapideas Aras consecratas; Pyxides continentes multiplex Sacrum Oleum; Vellimenta Sacra, & Cottam, sive superpelliceum; prius enim, si Sacrificium tantum excipias, quæcumque alia sacramunia vulgari veste induti peragebant. Sic tandem completa fuit Synodus Diamperitana die XXVI. Junii Anno MDXCIX. Synodo vix celebrata, ob res bene gestas alacer Menessius, ad novam illarum Ecclesiarum inspectionem, easque iterum obundas, se comparavit.

§.II.

Obit secundo Menessius Ecclesias Malabaricas, ut eas ad præscriptum Synodi reformet, & quomodo à Populis excipiat. Sacra Exomologesis peragenda publicum edit exemplum. Libros castigat, & Synodi Decreta recitari curat I. Sacramenta ministrat, & ad rudium Catechesim incumbit II. Œconomos Ecclesiis, Confessarios fidelibus designat; quotidie concionatur, scandalis præcavendis ac pravis moribus eliminandis studet III. Ad perseverandi constantiam Populos hortatur: super valetudinarios Evangelia Sacra legit: demum discedit IV. A Diamperitana incipiens, reliquas perlustrat Ecclesias, atque Goam, novo illis constituto, & inaugurato Episcopo, regreditur V.

Sicuti primam inspectionem Ecclesiarum instituit Menessius, quo eorum Christianorum errores pernosceret, ita secundam aggressus est, ut tanquam providus Pastor exacta eorum, quæ celebrata Synodus præscripserat executione, devios in veritatis viam reduceret. In hoc secundo per Diœceses excursu, hunc sibi perpetuum constantemque jussit tenorem. Principio Nuncium de proximo suo adventu ad Populos mittebat; adventantem excipiebant Christiani omnes publica supplicatione instructi, lætissimas agentes choreas, & more gentis felicem sortem concinentes, quod ipsis primæ fidei lux reddita esset per Romanum Pontificem, & Alexium: qui inter Cassanarios Chaldaice Psalmos canentes, ad Ecclesiam adducebatur; ad cujus valvas expletis, quæ Rituale præscribit de ingressu Antistitis, Populo a Deo bene precatus, ac Indulgentia, & peccatorum remissione concessa, brevissimo alloquio de adventus ratione Populum commonebat, atque sub Anathemate libros Chaldaicos, & Syriacos altero die ad Ecclesiam afferri jubebat, necnon adduci baptizandos quoslibet, sive è Pagis, sive è Silvis; demum Excommunicatos, qui spe veniæ dejecti, ceterorum societate privati, instar pene Belluarum, mon-

56 HISTORIA SYNODI DIAMPERITANÆ

montes tantum , ac tesqua colebant , ad veniam absolutionemque benignissime invitabat .

Ut Ecclesia excedebat , ægrotos invisebat ipse , aut alios suo nomine ad eos invisendos , & munusculis reficiendos mittebat : sub noctem accersebat Cassanarios , & optimates Oppidi , per quos rerum , morumque statum sagacissime investigabat . Proxima die sub Auroram Ecclesiam adibat , sacrum celebraturus , atque coram frequentissima utriusque sexus corona , animi noxas confessione expiabat , & post ipsum ceteri cum comitantes Presbyteri ; quo fiebat , ut illæ gentes , quibus arte Dæmonis atque astutia , Sacramentum Pœnitentiæ horrore pridem erat , tanti Antistitis exemplo , illud jam ut maxime necessarium agnoscerent , & ut summe proficuum ex animo amplecterentur . Oblato deinde Sacro , in Sacrario , aliove opportuno loco , una cum P. Rozio , ac tribus Cassanariis Libros Chaldaicos , & Syriacos inspiciebat , & qui correctionem pati poterant , ad præscriptum Synodi castigabat , qui vero secus , coram omnibus flammis tradebat . Publicæ deinde supplicationi pro defunctis , præludebat brevi sermone differens de articulo Purgatorii , atque mediis , per quæ ejus ultrices flammæ evadi possunt , præsertim de Divino Sacrificio ; cujus rei tenuissimam retinebant illi Christiani cognitionem , eamque pluribus erroribus commixtam . Deinde per sesquihoram & frequenter ultra , de rebus fidei , ac de obedientia Summo Pontifici præstanda , & sane , prout rerum dignitas , ac necessitas postulabat , pro concione loquebatur . Recitabantur postea , quæ ipsi videbantur , cuilibet Pago opportuniora Synodi Decreta ; Cassanarii etiam , & Chamazes , qui Synodo non interfuerant , coram ipso professionem fidei emittebant , & Synodo obedientiam , interposito Sacramento pollicebantur , omnibusque Vicarium recens designatum magnopere commendabat , inculcabatque , ut ipsum tanquam proprium Pastorem colerent , ejusque monitis obedirent .

II. Aliqua exinde præfatus , de Sacramento confirmationis , ipsiusque virtute , quos Sacra unda tinctos comperiebat , Chrismate , ut pro fide strenue , valideque decertarent , inter strenuos Christi Milites conscribebat . Infantes Sacro fonte abluebat ; quos inter , non paucos adolescentem , decimum , quinimmo decimum quintum annum agentes ; se ipsi etiam susebant plures Naires , veram amplexuri Christi Religionem . Nec sinebat , dum ad Ecclesiæ Xistum baptizaturus , aut solennem supplicationem per vias habiturus accederet , occasionem vel minimam sibi elabi , increpandi , coarguendique obstinationem Nairum , atque Brachmanum , quorum præ curiositate , eo contendebant frequentissimæ turbæ ; idque faciebat tanta animi contentione , spiritus libertate , verborum efficacia , atque dexteritate , ut quamquam vel Idola eorum derideret , vel obscuratæ mentis insaniam improbaret , avide nihilominus , placideque auscultaretur .

Collato confirmationis , & Baptismi Sacramento , sponso , siquæ adessent , Matrimonio rite copulabat ; nec id peragebat , nisi ipsi Pœnitentiæ prius beneficio expiarentur : atque optimatum complures sibi decori ac honori dabant : si occasionem , qua per Menesium conjungerentur , nancisci possent

possent. Sedente illo, Chamazius quidam, qui sibi à *Catechismo* erat, pueros Doctrinam Christianam Idiome Malabarico edocebat; post Catechesim, excommunicatos, si qui erant, à censuræ vinculo solvebat, iisque æquas criminibus pœnas irrogabat; exinde se in domum recipiebat, corpus, viresque refecturus, idque pomeridiano tempore, eoque vesperi, quam Meridiei proximiori.

III. Sequenti exoriente Luce, aëritum in Ecclesiam concedebat, ubi coactis Cassanariis, & Populo, quatuor Oeconomos latis suffragiis electos, Ecclesiæ illi deputabat, qui sartis tectis, ceterisque rebus gerendis operam impenderent; deinde arca, in qua servabantur pecuniæ à pietate, fidelium in pios usus tributæ, ab humo refossa (mos erat, ut in qualibet Ecclesia huiusmodi arcæ humi altius infoderentur, nec nisi emenso seculi dimidio, aut etiam ultra referarentur) numeratam pecuniam illis quatuor custodiendam tradebat, qui dati, acceptique rationes ducentes, opportuno tempore eam vel in res Ecclesiæ sarcindas, vel inopum indigentiam sublevandam, vel denique in orphanos alendos, aut etiam Virgines Matrimonio conjungendas erogabant.

Egressi postea ab Ecclesia, in illius propylæo una cum Archidiacono congruos Vicario, & Cassanariis proventus (a) assignabant, ut à Synodo sancitum fuerat; cuius gratia ollæ subscribebantur à Populo, & Archiepiscopo; qui interea adjunctis sibi nonnullis Patribus Societatis Jesu, Cassanarios, qui tunc minus inepti in scientia morum comperiebantur, excipiendis confessionibus delegabat. Quotidie post Missæ celebrationem pro concione de doctrina fidei amplectenda, atque vetustis erroribus excrandis, magno animi ardore agebat; quotidie etiam sub noctem, convenientibus Archidiacono, & P. Rozio, ad eliminanda, impediendaque scandala Pagi, pravas, diuque inolitæ consuetudines, maxime circa res fidei extirpandas, flagitiosos homines a mœrum pravitate, vitiorumque colluvie revocandos totis viribus incumbibat. Altero die postulationes audiebat, & lites dirimebat. Totus insuper erat pauperibus, ut nuper dictum est, in Orphanis, & Virginibus alendis, erudiendis, ac decenter collocandis.

IV. Discessu tandem imminente, cunctis ad Ecclesiam accurrentibus, denuo verba faciens, enixe eos hortabatur, ut in accepta vera fide, atque obedientia Vicario debita constanter perseverarent, & ad præscriptum Synodi omnia gererent. Postea solenni benedictione impertita, ad manus osculum pro more gentis, admittebat, primum viros, ac deinde sequioris sexus personas. Tandem si qui erant senes, Valetudinarii, aut parvuli, erant autem sæpe numero plures, qui manuum impositionem recitatis Sacris Evangeliiis, expeterent, omnibus singillatim per plures etiam horas patienter, immo alacriter, eorum commendans fidem, singulorum votis, ac petitionibus indulgebat. Discedentem vero omnes certatim, nec sine ingenti amoris significatione comitabantur, vel ad Navim, vel saltem

H

tem

(a) Ad præscriptum Synodi tercentum *Fanones* pro cuiuslibet Ecclesiæ Vicario assignabantur: est autem *Fanon* monetæ ar-

gentes genus vilioris æstimationis Julio Romano, aut Regali Hispano, æquivalent duodecimæ parti *scuti*.

tem ad confinium usque Pagi, aut Vici, unde discedebat : cui denique, accepti beneficii memores, quæ lætis plausibus, quæ obortis prægaudio lacrymis, cuncta fausta apprecabantur, atque vale dicebant.

V. Indefesso igitur, atque hilari animo Ecclesias Angamallensis Diocesis obivit, inspexit, ac reformavit, exordium sumens a Diamperitana, ac deinde perlustrans ceteras, nequicquam obstitentibus Regulis, atque perversis Nestorianis, quorum pervicacia fuerat tot seculorum decursu deformata, Catholicam illi fidem restituit, Populos ad avitam Romani Pontificis obedientiam revocavit, Synodique quam celebraverat, monita, ac salutaria documenta, auspice Deo, eorum mentibus impressit, animis infixit, atque ad præscriptam à Synodo normam illorum mores instituit.

Postquam Inspectoris muneri ingenti cum laude, & animarum fructu satisfecit, regressus est Goam die 16. Novembris anni 1599. cum ab ea digressus esset 27. Decembris anni præcedentis. Cum autem eum hæc maxime angeret cura, an Synodus usu recepta esset, de qua re, ut certiorum ipsum facerent, Vicariis præscripserat, atque inculcaverat, jucundissimum ab illis nuntium accepit, omnia ex voto ipsius contingere, ac præsertim (quod ipsi cordi erat, quamquod maxime) præceptum Sacramentalis Confessionis, & Communionis plurimum invaluisse, & Sacramenta hujusmodi statim temporibus in communi usu esse; id quod fuit ipsi testatissimum ex catalogis nominum ad ipsum transmissis, ex quibus compertum habuit, per paucos Paschali præcepto non satisfecisse.

Gaudium hoc ipsi cumularunt literæ parvo interjecto tempore acceptæ a Summo Pontifice Clemente VIII., per quas eadem & Apostolicam impertiebat benedictionem, & humaniter significabat, Deo sibi gratissimam fuisse synodi celebrationem, & operam sane egregiam in rebus Synodi usu constabiliendis, strenue collocatam; reliquum esse, ut omnia pro voto cederent, & Catholica Religio copiosum inde proventum reportaret. Typographicam etiam officinam, ut Ecclesiastici libri Chaldaice cuderentur, transmisit. Acta insuper cuncta roboravit, confirmavitque. Designavit etiam in Episcopum Angamallensem, & Goensis Archiepiscopi suffraganeum, laborum ejus, atque vigiliarum confortem. P. Franciscum Roz Societatis Jesu Alumnum, virum insigni, probatoque zelo; qui Christianos Divi Thomæ, hæc illac per totam Indiam dispersos, ad novam capeßendam viam, atque vitam, voce instrueret, spiritus fervore accenderet, exemplo alliceret, ac roboraret. Quo in munere partem omnem implevit Rozius; euncta enim ad incrementum cultus Divini, errorum eversionem, imbuendosque veræ pietate animos miræ suavitate, ac prudentia composuit. Ad quem finem celebrata fuerat Diamperitana Synodus, omnium calculis comprobata, & quæ fuit prout hic jam subnectitur.

SYNO.

SYNODUS

59

Diœcesana Ecclesiæ, & Episcopatus Anga-
malensis Antiquorum Christianorum
Sancti Thomæ in Montanis de
Malabar Indiæ Orientalis.

A REVERENDISSIMO DOMINO

F. ALEXIO DE MENESSES

Archiepiscopo Metropolitano Goensi, Indiæ, ac partium
Orientalium Primate celebrata, auctoritate Sanctissimi
Domini Clementis PP. VIII. tertia die Dominica post
Pentec. 20. Junii anno 1599. quo tempore Sedes Episco-
palis vacabat, cujus Synodi sessiones habitæ sunt in Ec-
clesia omnibus SS. dicata, in Oppido & Regno de Diam-
per sub Ditione Regis Ethnici de Cochim; ibique sum-
mo Pontifici Romano obedientia exhibita fuit, & omnes
illius Diœceseos Christiani Romanæ Ecclesiæ Primatum,
ac potestatem professi sunt. (a)

PUBLICATIO

Et Indiçtio Diamperitane Synodi.



On Frater Alexius de Menesses Dei, & Sanctæ Ro-
manæ Ecclesiæ gratia Archiepiscopus Metropolita-
nus Goæ, Indiæ & partium Orientalium Primas &c.
Rev. in Christo Patri Georgio Archidiacono Epi-
scopatus Regnorum de Malabar ad Montana Chri-
stianorum Sancti Thomæ, & omnibus aliis Sacer-
dotibus, *Cassanariis*, Diaconis, & Subdiaconis,
cunctisque Populis, *Pagis*, Oppidis, & locis, & omnibus Chri-
stianis

H 2

(a) Synodus hæc typis excusa fuit Conim-
bræ apud Didacum Gomez Loureyro Uni-

versitatis Typog. cum permifs. S. Officii &
Ordinarii, anno 1606. Lusitano Idiomate.

stianis dicti Episcopatus; salutem in Jesu Christo Domino nostro: Notum sit omnibus, & singulis, qualiter SS. Pater Clemens PP. VIII. Pontifex Romanus, & Jesu Christi Domini nostri in terris Vicarius, & modo Dei Ecclesie Præsident, binas ad nos direxit literas in forma Brevis, quarum una sub die 27. Januarii An. 1594. altera vero 21. Januarii Anni proxime præteriti 1597. subscripta fuerat, quibus & munere Pastoralis officii, & universalis potestatis, quam super omnes Mundi Ecclesias à Christo Domino, illa suprema, Sancta, & Apostolica Divi Petri Cathedra accepit, nobis præcipiebat, ut hujus Ecclesie vacantis ob mortem Archiepiscopi Mar-Abrahami curam gereremus; utque nullo umquam pacto, Episcopum aut Præsulem à Babylonica Sede tali Ecclesie designatum, prout huc usque factum fuerat, reciperemus, eo quod omnes essent Schismatici, Hæretici Nestoriani, & extra obedientiam Sanctæ Romanæ Ecclesie, Babylonico Patriarchæ, ejusdem hæresis antesignano subjecti. Insuper ut in eadem Episcopali Sede Gubernatorem, & Vicarium Apostolicum institueremus, qui rebus spiritualibus, ac temporalibus præesset, quousque Sancta Romana Ecclesia prædictæ Episcopali Sedi proprium Pastorem designaret. Quæ munera nobis, Apostolica auctoritate demandata, ut debita submissione, & obedientia exequeremur, statim ac fuit vita functus prædictus Archiepiscopus Mar-Abrahamus, curavimus Gubernatorem illius Ecclesie virtute litterarum Apostolicarum instituere, eumque mittere ad dictæ Ecclesie possessionem capiendam. Id quod aliis titulis nostri muneris erat: primo quia talis Ecclesia Capitulum (quod sede vacante ipsam regeret) destituta erat; deinde quia ea res ad Metropolitam Indiæ, & omnium Ecclesiarum in partibus Orientalibus Primatem attinere videbatur. Verumtamen cura, & labor omnis fructu caruit; & quamvis multis variisque tentatis viis hac in re per integrum biennium laboraverimus, omnia quæ nos decrevimus, etiamsi illis mandatum Sanctissimi Patris Romani Pontificis multum ponderis adderet, optatum exitum sortita minime fuerunt. Altas enim vero in ea Dioecesi Schisma, & contumacia adversus Apostolicam Sedem radices egerat: itaut nec nostris, nec Pontificis præceptis ullo pacto obedirent; immo plura indies contra S. Rom. Ecclesie obedientiam debitam non levia facinora perpetrarent. Postquam vero causam hanc adeo implicatam, totque impedimentis involutam Deo enixe commendavimus, idque ab omnibus pariter hujus Dioecesis Incolis fieri jussimus, diu deliberavimus, & mature perpendimus, quam via executio mandatorum Apostolicorum obtineri posset. Vehementer nos commovebāt

bat commiseratio gentis illius, cujus magna pars a tempore, quo ipsi S. Apostolus Thomas Evangelium promulgaverat, ad hæc usque tempora in Christi Domini fide constans perseverabat, in ipso infidelitatis gremio, & in tanta Christianorum illorum dispersione, cum diversas Regiones incolerent, & eas quidem ditioni Regum Idololatrarum subjectas, quodque cumulum addebat sine ulla cum reliquis Christianis communicatione, quæ plane a primis illis temporibus interrupta fuit, usque dum Lusitani huc pervenerunt.

Post diuturnam deliberationem tandem, ne quos gloriosus Apostolus Thomas suis sudoribus irrigaverat fructus Catholicæ doctrinæ, deficiente alimento penitus arcescerent, utque Apostolica S. Sedis mandata executionem haberent, decrevimus a nostra Ecclesia discedere, relictis ibi idoneis Ministris, qui vices nostras supplerent, & dictam Dioecesim adire, ut de rebus ad Montensem illam Ecclesiam pertinentibus cognosceremus; ratio sic decernendi nobis fuit, ut experiremur an per nos præsentem, aspirante divina gratia, fieri posset, ut gens illa ad obedientiam S. Romanæ Ecclesiæ redigeretur, hæresesque, ac falsæ doctrinæ, quas Præsules Schismatici ab eorum antesignano Patriarcha Babylonensi illuc missi superfeminaverant, penitus eradicarentur, libri pariter erroribus pleni, qui circumferebantur eliminarentur, quæ omnia facilius nos consecuturos esse sperabamus, si per nos ipsos pastoralia munera exercentes, viribus divinæ gratiæ, & divina ope adjuti, Populis illis veritates Catholicas inculcaremus, eosque veræ, ac salutaris doctrinæ pabulo, quo maxime carebant, nutrirems.

Accessimus ergo ad dictam Dioecesim, rerum omnium ad Christianos illos pertinentium inspectores, & cognitores fuimus. Nihil vero non movit Dæmon salutis nostrarum animarum hostis infestissimus, ut nostros pios conatus, laboresque eluderet. Maximas turbas, contentiones, tumultus excitavit, & eo redacta res fuit, ut quamplures a nobis discesserint, & Sancta Ecclesia Romana novo schismate proscissa fuerit. At Deus suæ bonitatis memor, nostrorumque criminum immemor, nos, post multos toleratos labores a periculis omnibus liberavit, suæ bonitate, & clementia, qua non vult mortem peccatoris, sed ut convertatur, & vivat, tum etiam intuitu meritorum Sancti Apostoli Thomæ primi horum Christianorum Magistri, & Protectoris, tempestatem illam in pacatissimam vertit tranquillitatem. Omnibus itaque lux veritatis affulsit: quamobrem nobis adhæserunt, fidem Catholicam professi sunt, nobisque morem gerentes, ad Sanctæ Romanæ Ecclesiæ gremium redierunt.

Ob

Ob quæ beneficia, maximas, ut par erat Deo gratias egimus, utque iis diu Christiani illi fruerentur, & ea quæ ad Dei gloriam peracta fuerant, rata, & firma permanerent, nobis maxime salutare, & opportunum visum fuit, Synodum Dioecesanam commodiori in loco, atque adeo in meditullio Dioecesis quamprimum indicere, ubi quæ ad Dei honorem, fidei catholicæ augmentum, vitiorum scelerumque extirpationem, Christianorum quoad mores reformationem, animarum denique utilitatem, & pacem opportuna forent, pertractarentur. Ne igitur consilium adeo salutare differremus, Ecclesiam, & locum de Diamper præligentes, omnibus & singulis Christianis hujus Dioeceseos, tam Ecclesiasticis, quam Laicis cujuscunque status, & conditionis existant, notam facimus indicationem, & convocationem hujusmodi Synodi in dicto loco de Diamper peragenda die 20. proximi mensis Junii currentis anni 1599. quæ erit Dominica tertia post Pentecosten. Insuper præcipimus in virtute Sanctæ Obedientiæ, & sub poena excommunicationis latæ sententiæ Rev. hujus Episcopatus Archidiacono, & omnibus aliis Sacerdotibus ejusdem, legitime ob valetudinem, ætatem, vel alio inevitabili officio non impeditis, ut die 20. Junii adsint, ut ab iis nobiscum congregatis prædicta Synodus Dioecesana, juxta Sacros Canones celebretur. Et quia ex consuetudine immemorabili, à primis usque temporibus inducta, & ab ipsis Ethnicorum Malabaricis Regibus permessa, etiam ea omnia, quæ propria sunt regiminis temporalis, & causæ ipsæ etiam (a) Civiles, ad Ecclesiam, ejusque Præfulem pertinent: & quia non minus antiqua viget consuetu-

(a) Quoniam plures Acatholici, cum quibus Justus Henningius Bohemer *De Jure Protestan.* & Petrus Giannone *Hist. Civil. Reg. Neapol. tom. 1. pluribus in locis*, secularium litem cognitionem Episcopis priorum seculorum præstare abjudicant, ut Romanam præsertim Curiam de usurpatione coarguant, opportune Ecclesiæ Angamalenis immemorabilem, quæ hic laudatur, consuetudinem ab usque priscis temporibus objicimus; & quidem ineluctabili Augustini testimonio & exemplo. Testimonio: etenim locum 1. *Corinth. 6.* de judiciis primorum Christianorum ita interpretatur *Psal. 118. Serm. 24. dicere non audemus, dic homo quis me constituit Judicem inter vos? Constituit enim talibus causis, Ecclesiasticos Apostolus cognitores; in foro prohibens jurare Christianos. Et de opere Monac. c. 29. hæc scribit: Quibus nos molestiis (causæ*

secularium dirimendi) *idem affixit Apostolus non utique suo, sed ejus qui per eum loquebatur arbitrio (id juris a Deo legislatore derivat). Quod etiam exemplo suo roboravit S. Doctor asserens ibidem ista: Quantum attinet ad meum commodum, mallem, (in Monasterio) manibus operari, quam tumultuosissimas perplexitates causarum alienarum pati de negotiis secularibus, vel judicando dirimendis, vel interveniendo praevidendis. Quo liquet contra quod agebat Giannoneus, non tantum per arbitros, lites ab Episcopis definitas esse. Et Epist. 33. blandas litigantium salutationes, & ficta officia depingit: Et homines quidem causas suas seculares, apud nos finire cupientes, nos Sanctos, & Dei servos appellant, ut in gloria terra sua peragant. Vide etiam Epist. 251. Hoc etiam iterum subijgetur infra *Act. 9. Dec. 16.**

suetudo notificandi Populo, quæ Ecclesia decrevit, ut ea melius exequantur sub eodem præcepto, & censuris omnibus Christianis locorum, & Pagorum, vel ubi loca hujusmodi circumscripta, & suis limitibus definita non existunt, omnibus, qui in aliqua Ecclesia convenire solent, tamquam ad ipsam pertinentes, præcipimus, & mandamus, ut statim ac hoc nostrum mandatum ad eorum notitiam pervenerit, quilibet Pagus, vel Communitas quatuor ex honestioribus timorata conscientia, & rerum gerendarum experientia aptioribus eligat, ut Populi sui nomine, Synodo intersint, & facultatibus sufficientibus instructi, omnium nomine acceptare, subscribere, consulere, obligarique possint ad ea, quæ Synodus statuerit adimplenda; præterea exposcere, & proponere valeant quicquid ad Dei Synodum, & rerum spiritualium, & temporalium profectum erga Populos, & Christianitatem expedire judicaverint.

Per has easdem nostras Literas facultatem concedimus omnibus & singulis, tam Ecclesiasticis, quam Secularibus, qui lites, querelas, dissensiones, competentias, petitiones, vel res alias contentiosas præ manibus habent, quæ per Præsulem, aut Christianos determinari debent, ut eas Synodo proponant, & coram ipsa libere possint, quod sibi visum fuerit, postulare; in omnibus enim audiendis facilem se præbebit Synodus, & juxta Sacros Canones, & consuetudines, quæ in singulis territoriis vigent, quod æquum justumque fuerit, decernet. Et quia nobis constat, plura litigia in dicta Diœcesi in dies excitari, quæ sunt frequentium discordiarum semina; non tantum facultatem facimus; verum etiam præcipimus, & mandamus omnibus, qui in hisce controversiis versantur, ut aliis prætermiſſis recursibus, qui plerumque in Christianorum præjudicium cedunt, interea temporis hanc viam sanctam, & justam ineant. Ut tamen omnia ad optatum finem perducantur, illud in primis opus est, nempe divinam gratiam, & auxilium implorare à Deo, à quo bona cuncta procedunt, & sine quo nihil boni possumus, utque multorum precibus Clementissimus Deus reddatur nobis propitius, laudabilem Sanctorum Patrum, veterumque Conciliorum consuetudinem sectantes, monemus, plurimumque in Domino commendamus cunctis Christianis istius Diœceseos, ut à tempore potissimum, quo Synodus exordium sumet, quousque finiatur, jugiter, corde puro, & mundo, in jeuniis, eleemosynis, orationibus, aliisque pietatis operibus sese exercent, Dominum instantissime deprecantes, ut omnium mentes congregandorum illuminet, & nostras suo amore voluntates inflammet, ut in nullo ex agendis deviemus à vero, & quæ
fue-

fuèrint decreta efficaciter executioni mandentur, & custodiantur per intercessionem Sanctissimæ Virginis Mariæ Dominæ nostræ, de cujus honore & gloria (a) singulariter tractaturi sumus, & gloriosi Apostoli Divi Thomæ Institutoris, Patroni, & Protectoris Christianitatis hujus, omniumque Coelicolarum, ut cunctorum pace, & concordia incipiat, & progrediatur Synodus, & ad Dei æternam gloriam honorem, & laudem finiatur. Postremo jubemus hoc nostrum mandatum, & convocationem Synodi Diœcesanæ, promulgari coram Populo in singulis istius Episcopatus Ecclesiis prima Dominica, quæ proxime sequitur, postquam notificatum fuerit omnibus Cassanariis ipsarum, ulterius valvis ipsarum Ecclesiarum affigi, & manere affixum, ut ad omnium notitiam perveniat, & debitam executionem fortiatur. Datum Chanottæ die 14. Maii sub nostro, & publico Sigillo nostræ Cancellariæ. Andreas Cerqueira Notarius Camera Illustrissimi Domini Archiepiscopi Primatis scripsit Anno Æræ 1599.

Frater Alexius Archiepiscopus Primas

A C T I O I.

I. **I**N Nomine Sanctissimæ, & Individuæ Trinitatis, Patris, Filii, & Spiritus Sancti: anno à Nativitate Domini Nostri Jesu Christi MDXCIX. die XX. Mensis Junii, Dominica III. post Pentecosten., Pontificatus Sanctissimi Domini Nostri Clementis PP. VIII. anno VII. Regnante in Lusitania ejusque Dominiis Rege Catholico D. Philippo II. Portugalliæ, Algarviorum, & Mallucarum Rege, ejusque Regni anno I. moderante Indiæ Orientalis statum ipsi Regi subiectum, Illustrissimo D.D. Francisco de Gama, Comite de Vidigueira, Classis Præfecto Indiæ, ejusque Prorege, in loco de Diamper, Ethnici Regis de Cochin ditioni subiecto, in Ecclesia omnibus Sanctis dicata, Episcopatus Angamallensis in Montanis Malabaris, ubi degunt Fideles, qui Christiani Sancti Thomæ appellantur: Sede vacante ob mortem Archiepiscopi Mar-Abraham, congregata fuit juxta Sacros Canones Synodus Diœcesana, ab Illustrissimo, & Reverendissimo D.D. Fratre Alexio de Menesses Archiepiscopo Metropolitano Goæ, Indiæ, & partium Orientalium Primate, cum omnibus Presbyteris, & Cassanariis dicti Episcopatus, & cum electis

(a) Quod eo dicit Alexius, quia adversus errores Nestorianorum illorum, afferenda erat Beatissimæ Virg. Mariæ, non solum Maternitas Christi, quam ultro fere-

bantur, sed etiam quod fuerit *Theotocos* seu Mater Dei, quod mordicus obstinateque negabant.

etis Populorum, & Pagorum ipsius, multisque aliis ejusdem *Christianitatis* ad laudatam Synodum, per Illustrissimum Metropolitanum convocatis; & primum plurimis gratiis Deo actis, eo quod turbæ, & contentiones, quas Diabolus humani generis hostis, ne Synodus celebraretur, excitaverat, amicabili pace, & concordia compositæ fuissent; cunctis etiam præ gaudio exultantibus, quod tandem licuerit ad pertractandum de servitio Dei, sinceritate fidei, & bono *Christianitatis*, animarumque, eos in unum congregari; Illustrissimus Archiepiscopus Pontificalibus indutus ornamentis, Missam *Ad tollendum Schisma*, prout in Romano Missali continetur, celebravit; habita deinde concione ad Populum, & Sacro peracto, cum vestes Pontificales reassumpisset, *Officium ad incipiendum Concilium*, juxta præscriptum Ceremonialis Romani peregit, quibus finitis, in baldistorio sedit, & confidentibus aliis ad Synodum convocatis, tum Ecclesiasticis, tum Secularibus, & singulorum Populorum electis, facultatem a Communitate habentibus, Coetui universo notum fecit, se præsentem Synodum celebrare auctoritate munitum duorum Brevium SS. Patris Clementis PP. VIII. D. N. quibus regimen istiusmodi Ecclesiæ ob mortem Archiepiscopi Mar-Abrahami, quandiu proprius illius Præsul & Pastor non eligeretur, sibi commendaverat. Id etiam alio titulo ad se spectare juxta sanctiones canonicas, cum Archiepiscopalis Sedes vacaret, & Ecclesia ipsa Archiepiscopalis, ipsius suffraganea, orbata esset Capitulo; atque ipse Metropolitanus esset, & totius Indiæ, cunctarumque partium Orientalium Primas: literis etiam Apostolicis, quæ exacte fuerant Malabarice redditæ, lectis, explicatis, & reverenter obsequenterque admissis, iterum dixit Dominus Metropolitanus, sibi utpote in Idiome Malabarico peregrino, opus esse aliquo viro probato, & in re Ecclesiastica versato, qui tam ea, quæ ipse in Congregationibus diceret, quam quæ sibi dicerentur, vernaculo sermone utrinque fideliter redderet.

II. Et statim communi omnium consensu electus fuit ad id munus, Jacobus Presbyter, Cassanarius Ecclesiæ de Pallurti ejusdem Episcopatus, Lusitanica, & Malabarica lingua doctus; cui ad se vocato, & accedenti, commisit Dominus Metropolitanus, ut officium Interpretis in Sacra Synodo adamussim impleret; quapropter ab ipso coram omnibus, Sacramentum exegit tactis Sanctis Evangeliiis, quo Deum adhibens Testem promisit, se bene & fideliter munus suum gesturum, itaut sincere referret, & quæ ipse Dominus loqueretur cum adstantibus in Synodo; & quæ alii loquerentur cum ipso, nihil addendo, vel detrahendo de substantia, & veritate di-

cendorum: insuper se fideliter, quod pariter sui muneris erat, lecturum Decreta, & sanctiones Synodi in Congregationibus; quæ omnia lingua Malabarica scripta erant, & quia *in ore duorum, vel trium testium stat omne verbum*, ut ipsa testatur (a) veritas, ipsi Jacobo Cassanario Interpreti pro ampliori securitate, adjuncti fuere ab ipso Rev. Metropolitano RR. PP. Franciscus Roz, & Antonius Toscano è Soc. Jesu, Collegii de Vaipicota ejusdem Episcopatus Alumni, qui utpote Malabaricæ Linguae peritissimi, exponenda ab Interprete perpenderent; & si quid minus apte Malabarice fuisset redditum, simul cum aliis extra confessum præsentibus, tum Indigenis, tum Lusitanis, utraque pollentibus lingua, ubi opus esset, corrigerent è vestigio, & emendarent.

DECRETUM I.

III. **C**unctis igitur congregatis, Illustrissimus Metropolitanus sedens in Faldistorio, una cum ceteris, ad latera, ordine suo confidentibus, dixit: *In nomine Patris, & Filii, & Spiritus Sancti, trium Personarum, & unici veri Dei. Amen. Placet ne vobis Fratres carissimi, & Ven. Sacerdotes filii mei, in Christo dilectissimi, Electi, & Procuratores Populorum, ad laudem, & gloriam SS. & Individuæ Trinitatis, Patris, Filii, & Spiritus Sancti, ad augmentum, & exaltationem Fidei Catholicæ, & Religionis Christianæ, in hoc Episcopatu Montensi, ad destructionem hæresum, & errorum, quos in eo Hæreticorum, & Schismaticorum aliqui seminaverunt; librorumque a falsis doctrinis, quæ ab illis in hujusmodi libris scriptæ sunt, expurgationem; ad restaurandam perfectam istius Ecclesiæ, cum Catholica, & Universali unionem; ad redintegrandam obedientiam debitam Summo Pontifici Romano, Universalis Ecclesiæ Pastori, D. Petri in ejus Cathedra Successori, & Christi in terris Vicario, à quo jam dudum ipsa discessit, ad Simoniacam labem, quæ in hac Diœcesi invaluit eradicandam; ad rectam administrationem Sacramentorum, & ipsorum usum necessarium in Ecclesiæ, in posterum restituendam; ad rerum Ecclesiasticarum, Cleri, & morum totius Populi Christiani hujus Diœcesis reformationem, Synodum Diœcesanam in Montanis celebrari?* Et dicto ab omnibus, auditoque, *Placet*, iterum dixit Reverendissimus Metropolitanus.

IV. *Dum erga vobis placeat, Ven. Fratres, & filii in Christo dilectissimi, Synodum incipere, deprecantes Deum, à quo bona cuncta procedunt, oportet, ut ea quæ sunt pertractanda, tum de pertinenti-*

buz

(a) Matth. cap. 18. v. 16.

bus ad Catholicam fidem, tum etiam ad Ecclesias, Officia divina, Sanctorum Sacramentorum usum, & totius Populi in moribus profectum, peramanter, benigneque accipiat, & deinceps auxilio divino obsequenter adimpleatis; & qua emendatione digna videbuntur, fideliter unusquisque vestrum, Synodo aperiat; quodsi praesentium alicui, qua dicuntur, vel tractantur displicuerint, procul ab omni contentione umbra, personaliter coram omnibus mentem suam explicet; ut ita mediante gratia Divina, res discuti possint (quod unice praeculis habere debemus) & in pristinum, rectamque statum restituuntur. Ita tamen ut in vobis nullum habeat locum contentio, & discordia; ad justitiam & veritatem pervertendam, neque Christianus vigor, & sollicitudo inquirendi, complectendique saniora consilia, languescat.

DECRETUM II.

V. **P**raecipit Synodus in virtute Sanctae obedientiae, & sub poena Excommunicationis ipso facto incurrenda, ne ullus Ecclesiasticorum, vel Secularium, ex vocatis ad Synodum, & in ea existentibus, e loco Diamperitano, ubi Synodus celebratur, absque expressa Illustrissimi Metropolitanus facultate discedat; neque id fiat, nisi post celebrationem Synodi, Decretis propria manu subscriptis, cunctisque licentia recedendi facta. Illud insuper praecipit, & enixe commendat, ut si quis ad laudem Domini nostri, & in commune bonum Christianorum hujus Dioeceseos aliquid dignum, de quo in Synodo agatur, animo praekoncepterit, illud Domino Metropolitanus, verbo, vel scripto, per interpositam Personam proponat, ut quod expedire videatur, decerni possit.

DECRETUM III.

VI. **C**unctis praesentibus, & absentibus notum, manifestumque sit, nulli Populo sive Pago praedictum futurum, quantum ad loci praeminentiam, eo quod Synodus in hoc loco de Diamper celebretur; nec Ecclesiae, aut Personae alicui ex ordine consedendi in Synodo; immo omnia jura, & privilegia, sicut antea, cuivis integra, & in suo robore permanens; quod si super iis aut alia re consimili, aliquod suboriatur dubium, Dom. Metropolitanus exhibeatur, ut partibus auditis, pro justitia decernat.

DECRETUM IV.

VII. **C**UM præ oculis habeat hæc Synodus, (a) *quodlibet donum esse à Deo, & omne donum perfectum descendere à Patre luminum*, qui perfectam tribuit sapientiam, cum cordis humilitate eam postulantibus; & præterea quod (b) *initium sapientiæ sit timor Domini*, monemus, & mandamus omnibus Fidelibus Christianis, tam Ecclesiasticis, quam Secularibus hic congregatis, ut sua peccata cum animi dolore confiteantur, & Sacerdotes sacrum celebrent; qui vero Sacerdotes non fuerint, Sanctissimam Eucharistiam suscipiant; à Domino devoto, & humili corde petentes optimum exitum rerum in Synodo pertractandarum. Ad eundem finem quotidie, durante Synodo duæ Missæ solenniter in Ecclesia cantentur; à Latinis una de Spiritu Sancto, altera à Syris de B. Virgine Maria Domina Nostra, de cujus honore & gloria peculiariter agendum est. Hæ Missæ celebrandæ erunt horis, quæ Congregationem non impediant; quæ Congregatio quotidie hora septima matutina inchoabitur. Insuper quotidie etiam post occasum Solis in Ecclesia solenniter, tum à Latinis, tum à Syris cantabuntur Litanie B. Virginis, cum ejusdem commemoratione.

DECRETUM V.

VIII. **A**D vitandas perturbationes, quæ excitari possent; nevetur locus contentionibus non necessariis, & præjudicialibus; præcipit Synodus in virtute Sanctæ Obedientiæ, & sub poena Excommunicationis ipso facto incurrenda, ut dum fiunt Congregationes, & Synodales conventus, nullus sive Secularis, sive Ecclesiasticus audeat simul cum aliis, vel Secularibus, vel Ecclesiasticis convenire ad discutiendas res ad hanc Synodum, vel ad istam *Christianitatem* pertinentes, absque expressa Illustrissimi Metropolitani facultate: verum omnia, quæ pertractanda censuerint, palam, & in Congregatione proponant: excipimus autem illos Conventus à Populo fieri solitos, dum aliquid, de quo commune consilium audiri debet, occurrit, vel quæ fiunt ex mandato ejusdem Domini Metropolitani.

ACTIO II.

(a) Jacobi 1. 5. 7. (b) Ecclesiastici 1. 1. 16.

A C T I O I I.

IX. **D**IE secunda, decantatis Antiphona, Psalmo, Orationibus, & Hymno, prout in Pontificali Romano habetur; Illustrissimus Metropolitanus in suo faldistorio sedens dixit: *Venerabiles & dilecti fratres Presbyteri; filii in Christo carissimi Procuratores, & electi Populorum; cum hesternæ die vix nobis per tempus licuerit alia peragere, quam divinis precibus, & concioni habenda ad Populum, incumbere, oportet hodie exordium sumere, à rebus ad ipsam Synodum pertinentibus; & ab iis primum, quæ ad integritatem, & veritatem nostræ Sanctæ Fidei Catholicæ, ejusdemque professionem spectant; sed prius vos iterum monemus in Domino, ut omnia, quæ vobis vel restauranda, vel emendanda, vel in toto Episcopatu, vel in aliqua ejus parte, visa fuerint, nobis, vel Congregationi istiusmodi proponatis, ut omnia cum auxilio, & gratia Divina, vobis adnitentibus, ad optimum, quem optamus, statum perducantur, ad laudem Domini Nostri Jesu Christi.*

D E C R E T U M I.

X. **U**T quoad omnia Synodus Sacrorum Canonum Regulas teneat, & Sanctorum Conciliorum Generalium, Sacri potissimum Concilii Tridentini vestigiis inhæreat; ac probe cognoscens, id ab hac Ecclesia merito exigi, utpote in qua variæ opiniones adversus nostram Sanctam Fidem Catholicam insurrexerunt, varique errores ab Hæreticis, & Schismaticis fuerunt disseminati, præcipit omnibus, tam Ecclesiasticis, quam Secularibus ad ipsam vocatis, ut nomine non solum proprio, sed etiam totius Cleri, ac Populi professionem Fidei, & Juramentum per formulam hic adnexam in manibus Illustrissimi Metropolitanus hujus Concilii Præsidentis, omnino præstent.

XI. Et statim in executionem hujus Decreti, utque exemplo se invicem accenderent, & alter alteri incitamento esset, Illustrissimus Metropolitanus vestibus Pontificalibus indutus, Mitra deposita, & ante Altare genuflexus, habensque ante oculos Sancta Evangelia, & Crucem, iisque tactis, proprio nomine, tamquam Præsul hujus Ecclesiæ hoc tempore Sedis vacantis, & Metropolitanus ejusdem; nomine præterea totius Populi Christiani istius Dioeceseos, & singulorum omnium, tam Ecclesiasticorum, quam Secularium, sequens juramentum, & professionem fidei, quæ subinde cunctis adstantibus, fuit declarata, emisit.

Pro-

Professio, & Juramentum Fidei.

XII. **I**N nomine Sanctissima, & Individua Trinitatis Patris, Filii, & Spiritus Sancti, trium Personarum, & unius veri Dei. Anno a Nativitate Domini Nostri Jesu Christi 1599. sub Pontificatu SSmi D. N. Clementis PP. VIII. ejusdemque anno septimo, in loco de Diamper Regnorum de Malabar India Orientalis, in Ecclesia omnibus Sanctis dicata, die 21. mensis Junii in Synodo Diocesana hujus Episcopatus ad Montana, ab Illustrissimo, & Reverendissimo DD. Fratte Alexio de Menesses Archiepiscopo Metropolitano Goensi, Primate Indiarum, & partium Orientalium, Sede vacante ejusdem Episcopatus. Ego N. libere, & spontanee, nec aliqua violentia adstrictus, sed mero meo arbitrio, & pro Animæ meæ salutē, & quia ita ex corde credo; protestor, me firma fide credere, & confiteri omnia & singula, que continentur in Symbolo fidei, quo utitur Sancta Mater Ecclesia Romana. Videlicet.

XIII. Credo in unum Deum Patrem Omnipotentem &c. Deinde sequitur totidem verbis, fidei professio, ut habetur in Bulla Pii IV. Injunctum nobis. Dat. Romæ Id. Nov. An. 1564. usque ad illa verba inclusive: Animasque ibi detentas fidelium suffragiis javari. Deinceps ita habet.

XIV. Pariter affirmo fidelium justorum Animas in hac vita migrantes, quæ hic pro peccatis, ob peccata debitis, jam satisfacere, & quæ per purgatorium tormentum, juxta beneplacitum & ordinationem Dei plenam satisfactionem exhibere, & pariter, quæ post Baptismum nullum peccatum commiserunt, statim post mortem pergere in Cælum, ubi vident Deum sicuti est. Exinde condemno, & anathematizo hæresim dicentium, justorum animas esse in Paradiso terreno usque in diem Judicii; Animasque damnatorum, non aliter torqueri, quam ex scientia tormentorum, quibus, post Judicii diem punientur. Similiter confiteor, & affirmo, Sanctos una cum Christo regnantes, venerandos, atque invocandos esse, eosque Orationes Deo pro nobis offerre, & eorum Corpora, & Reliquias esse in terris venerandas: insuper Imagines Christi & Deiparæ semper Virginis, necnon aliorum Sanctorum, habendas, & retinendas esse, atque eis debitam bonorem, ac venerationem impertiendam.

XV. Similiter Sacratissimam Virginem Mariam esse proprie, & vere Dei Matrem, & ita vocari debere a fidelibus, quia realiter, & vere peperit secundum Carnem, ac sine dolore, aut angore aliquo, verum Dei Filium, verum hominem factum, ipsa Virgine permanentem

re ante partum, in partu, & post partum, atque ipsam, nullam peccati actualis maculam contraxisse affirmo.

Confiteor etiam Indulgentiarum potestatem à Christo in Ecclesia relictam fuisse, illarumque usum Christiano Populo maxime salutarem esse.

Sanctam Catholicam, & Apostolicam Romanam Ecclesiam omnium Ecclesiarum Matrem, & Magistram agnosco; & omnes quotquot ipsi non obediunt, hæreticas esse Ecclesias, Schismaticas, atque inobedientes Jesu Christo, ejusque mandatis, nec non Hierarchiæ Ecclesiasticæ ab ipso institutæ, ac demum extra æternam esse salutem.

Promitto, & juro veram obedientiam Papæ, seu Romano Pontifici, B. Petri Apostolorum Principis Successori, & Christi in terris Vicario, totius Ecclesiæ Capiti, ipsius Doctori, & Magistro, Patri, Prælato, & Pastori omnium fidelium: necnon confiteor, omnes quotquot Romano Pontifici Christi in terris Vicario non obediunt, tamquam inobedientes mandatis ipsius Christi, ab æterna salute excludendos.

XVI. Recipio, approbo, & confiteor, omni hesitatione remota, omnes determinationes, diffinitiones, & declarationes in Sacris Canonibus, & Conciliis Generalibus; ac præsertim in Sacrosancto Concilio Tridentino contentas. Pariter damno, rejicio, & anathematizo omnia ipsis contraria; atque hæreses quascumque, ab ipsis damnatas, rejectas, & anathematizatas, una cum Ecclesia damno, rejicio, & anathematizo; ac potissimum diabolicam, & perversam hæresim Nestorianorum, cum ipsorum perfido Duce Nestorio, ipsiusque pravis Magistris Theodoro, & Diodoro, cum omnibus Sequacibus præteritis, & presentibus, qui à Satana seducti, & persuasi, duas in Christo personas, & duo supposita impie asseriebant; affirmantes, Verbum Divinum non assumpsisse Carnem in unitatem Personæ, sed tantummodo per inhabitationem, & mansionem in ea fuisse tamquam in Templo; nec dicendum esse, Deum fuisse incarnatum & nec Virginem Mariam, vocandam esse Matrem Dei, sed tantum Matrem Christi: quæ omnia rejicio, condemno, & anathematizo, tamquam diabolicas hæreses; immo credo, amplector, & approbo, quæ circa hæc Sac. Concilium Epheesium I. ducentorum Patrum decrevit, & in quo ex mandato Romani Pontificis Cælestini I. præsedit B. Cyrillus Patriarcha Alexandrinus, quem fuisse justum, & sanctum, Deoque gaudere omnino confiteor, quique eum blasphemant, extra æternam fore salutem.

Similiter damno dicentes, de Christi Passione agendum non esse, nec de illa loquendum; immo id facere, esse injuriam Christo irrogare, sed

72. SYNODI DIAMPERITANÆ

sed credo, & confiteor, meditationes, & colloquia de Passione Christi maximum Fidelibus afferre proventum.

Pariter confiteor, & credo, quod sicut unus est Deus, una Fides, & unum Baptisma, ita una tantum est vera lex in tota, atque integra Christiana Ecclesia, quæ est lex Jesu Christi Domini Nostri, veri Dei, & veri Hominis: quam unam legem omnes Apostoli, eorumque Discipuli, & Successores unanimiter, & uniformiter prædicaverunt, & quam prædicamus, & confitemur in toto Orbe, & damno, ac rejicio inepte dicentes, aliam esse legem Sancti Thoma, & aliam Divi Petri, atque esse omnino diversas: & nulla ratione inter se convenire; cum aliis omnibus erroribus, & hæresibus ab Ecclesia Matre rejectis.

Hanc veram Catholicam Fidem extra quam, &c. sequitur prout in laudata formula Piana usque ad ultima verba; quibus Professio Diamperitana adjunxit sequentia.

XVII. Spondeo itaque, voveo, & juro Deo, Cruci, & Sanctis Evangeliiis, nullum me in præsens, vel in posterum in hac Ecclesia & Episcopatu Montensi, Episcopum, Archiepiscopum, Prælatum, Pastorem, vel Gubernatorem admissurum, præter illum, qui a Sancta Sede Apostolica, per Papam, & Pontificem Romanum fuerit immediate constitutus; atque ipsi ita constituto, tamquam proprio, & vero Pastori, obedientiam præstiturum, omnino independentem, nulloque expectato consensu, aut nominatione a Patriarcha Babylonico, quem rejicio, damno, & anathematizo, tamquam Hereticum Nestorianum Schismaticum, & extra obedientiam Sanctæ Romanæ Ecclesiæ, & idcirco extra æternam salutem, necnon juro, & promitto, ipsi nunquam obedire, nec in aliquocum eo communicare. Igitur omnia dicta, & promissa spondeo, voveo, juro, & consecro Deo Omnipotenti, & huic Sacrosanctæ Christi Cruci. Sic me Deus adjuvet, & hac Sancta Dei Evangelia. Amen.

XXVIII. Qua protestatione, ac Fidei professione peracta, Reverendissimus Metropolitanus surrexit, & Mitra capiti imposita, in faldistorio sedit, accepitque Evangeliorum codicem, quem Cruci supposuit. Ad eum primus accessit Reverendus Georgius Archidiaconus illius Montensis Episcopatus, & coram eo genibus flexis, clara, & intelligibili voce, proprio Malabarico Idiomate, eandem fidei professionem emisit, Sacramento præstito in ejusdem Metropolitanæ manibus. Deinde cunctis Presbyteris, Diaconis, Subdiaconis, & aliis Chamaziis ibi genuflexis, Jacobus Cassanarius de Pallurti, Synodi Interpres vernacula lingua Malabarica, eam fidei formulam protulit, eandem singulis de verbo ad verbum

bum repetentibus. Qua formula absoluta, omnes singillatim in manibus Metropolitanum juramentum præstiterunt, qui ab unoquoque eorum quæsit, num firmiter crederet omnia, quæ in ea formula continebantur, & insuper quidquid Sancta Mater Ecclesia Romana credebatur, & confitebatur; & num rejiceret quidquid ipsa rejiciebat? An etiam anathematizaret perversam Nestorianorum hæresim, cum eorum erroribus, ejusque Authores, & Fautores Nestorium, Theodorum, & Diodorum, cum ipsorum affectis; insuper num Sanctam Romanam Ecclesiam, ut Matrem, & Magistram agnosceret, omniumque Mundi Ecclesiarum Caput; ac confiteretur, quod Ecclesiæ ipsi rebelles ab æterna excluderentur salute? An promitterent, & jurarent veram obedientiam, & subjectionem Sanctissimo Patri Papæ, & Pontifici Romano, tamquam Universali Ecclesiæ Pastori, Apostolorum Principis D. Petri Successori, & Christi in terris Vicario, exclusâ omni communicatione cum Patriarcha Babylonico, schismatis antesignano, cui injuste usque adhuc tempora subiecti fuerant? An sponderent, & jurarent, nullum alium in Episcopum nunc, & in posterum accepturos præter illum, qui ab Ecclesia Romana fuerit institutus, & à Papa missus, & cuilibet hujusmodi, animo sincero, obedientiam præstituros, & recepturos tamquam proprium Pastorem, quod proprium eorum est, qui sunt veri Catholici, & Ecclesiæ filii; demum se execratos Patriarcham Babylonicum, tamquam Hæreticum Nestorianum, & à gremio Sanctæ Matris Ecclesiæ rejectum, nec unquam fore, ut illi pareant, aut cum illo in rebus Ecclesiasticis communicent? Quibus omnibus Articulis, & ipsorum cuilibet, omnes, & singuli positis supra Evangelia, & Crucem manibus, responderunt, se ita credere, jurare, Deoque spondere per Evangelia, & Christi Crucem ipsis superpositam. Postea Ecclesiastici eandem professionem, & juramentum præstiterunt; & subinde Electi, & Procuratores Populorum, ceterorumque ejusdem Dioeceseos locorum, nomine Communitatum, à quibus facultatem ad hoc munus acceperant. Id quod ab aliis etiam omnibus Christianis, qui aderant, præstitum fuit.

DECRETUM I.

XIX. **P**recipit Synodus, ut cuncti Sacerdotes, Diaconi, & Subdiaconi præsentis Dioeceseos, qui non interfuerint Synodo, eandem fidei professionem, & Juramentum in manibus Illustrissimi Metropolitanum in visitatione Episcopatus, quam aggredi-

K. pro-

74 SYNODI DIAMPERITANÆ

proposuit, præstare debeat; quique Visitationis tempore abfuerint; id ipsum præstare debent in manibus illius, qui ab eo deputabitur; itaut nemo in Sacris constitutus, in toto inveniatur Episcopatu, qui huiusmodi professionem, prout hic continetur, non emisit. Præterea jubet, nullum ex Cassanariis in Vicarium, vel Curatum cujusslibet Ecclesiæ, ullo tempore eligi, quin ante possessionem initam, prædictam professionem faciat, vel in manibus Præsulis, aut alterius ad id muneris designati: quod pariter de his, qui ad Ordines Sacros promoveri debent eodem modo decernitur. Quod si prædictorum aliquis id facere renuerit (quod Deus avertat) Excommunicatus declaretur, & ut talis ab omnibus habeatur, & tamquam vehementer suspectus de fide, juxta sacros Canones puniatur.

A C T I O III.

De rebus ad Catholicam Fidem spectantibus.

D E C R E T U M I.

XX. **Q**uia *sine Fide impossibile est placere Deo* (*), fides autem hujusmodi, est sancta Fides Catholica, quæ est veræ vitæ princ.p.um, & cujus puritate Populus Christianus, & Catholicus, ab eo, qui ejusmodi non est, discernitur; Cumque Synodo comper- tum sit, a pluribus hominibus ab hac vera Fide errantibus, necnon mediantibus pluribus libris, falsas, & erroneas doctrinas continen- tibus, errores non paucos in hac Diœcesi fuisse disseminatos, et- que plures fuisse miserrime infectos, & in posterum multo plures infici posse, eidem Synodo opportunum visum fuit, ultra profes- sionem Fidei jam factam, singillatim exponere præcipua nostræ Fidei cap.ta, & qui sunt contra illam errores in dictis libris, indicare, ut hujus Diœceseos Incolæ, eorum malitiam, ac falsitatem agnoscant, eosque declinent, ac fugiant.

Doctrina Fidei.

C A P U T I.

XXI. **Q**UÆ nostra Sancta Fides, cum Ecclesia Catholica per to- tam Orbem diffusa, ab initio credidit, tenet, & una-
mini-

(*) Epist. ad Heb. c. 11. v. 6.

nimiter profitetur, hæc sunt: Credimus in unum verum Deum Omnipotentem, Incommutabilem, Incomprehensibilem, Ineffabilem Æternum, Patrem, Filium, & Spiritum Sanctum; unum in essentia, Trinum in Personis; Patrem ingenitum; Filium genitum a solo Patre, ipsi consubstantialem, & æqualem; Spiritum Sanctum ab æterno procedentem a Patre, & Filio; non tamquam a duobus principiis, aut duplici spiratione, sed ab utroque, tamquam ab unico principio, & unica spiratione. Pater non est Filius, nec Spiritus Sanctus; Spiritus Sanctus non est Pater, nec Filius; sed Pater, est Pater tantum, Filius est tantum Filius; Spiritus Sanctus tantum est Spiritus Sanctus: Nulla Persona aliam æternitate præcedit, aut excellit magnitudine, aut superat potestate, sed semper est absque principio, & fine. Pater est qui generat; Filius qui generatur; Spiritus Sanctus qui procedit; consubstantiales pariter, & æquales, æque potentes, æque æterni. Tres istæ Personæ sunt unus Deus, & non tres Dii; una essentia, una substantia, una natura, una immensitas, unum principium, unus Creator omnium rerum, visibilium, & invisibilium, corporalium, & spiritualium, qui cum voluit, omnia sua bonitate creavit, & omnia quæ creavit, voluit esse valde bona.

C A P U T II.

XXII. **P** Ræterea Unigenitus Filius Dei, qui semper est cum Patre, & cum Spiritu Sancto, Patrique consubstantialis, tempore, à Divina Misericordia præordinato, ut homines liberaret a peccato Adam, ceterisque culpis, incarnatus fuit verè, Spiritus Sancti virtute, in illibato ventre Sacratissimæ Virginis Mariæ Dominae nostræ, atque in ea accepit veram, & integram naturam nostram humanam, Corpus scilicet, & Animam Rationalem in unitatem Personæ Divinæ, tali unionem, ut per illam unus idemque Jesus Christus, sit Deus, & Homo; Filius Dei, & Filius hominis, nempe Virginis; quin una natura cum alia confusa sit; nec una in aliam mutata, vel una mixta cum alia; vel earum alterutra perierit, & in nihilum fuerit redacta. Quamobrem in una Persona, & in uno supposito Divino, duplex est Natura perfecta; Divina, & humana; salvæ semper utriusque proprietatibus, duplici videlicet voluntate, divina, & humana; & duplici operatione in uno tantum Christo; & sicut forma Dei, formam servi non tollit, ita forma servi, Dei formam non minuit, quia ipse, qui est verus Deus,

K 2

idem

idem est, & verus homo: Deus per illud, *quod in (a) principio erat Verbum, & Verbum erat apud Deum, & Deus erat Verbum*: Homo per illud, *quod Verbum Caro factum est, & habitavit in nobis*: Deus per illud, per quod propria virtute, de quinque panibus satiavit quinque millia hominum, per quod aquam vitæ æternæ, Samaritanæ promisit; Lazarum quatrIduanum in Monumento suscitavit; Visum Cæcis restituit; infirmos sanavit, & imperavit Ventis, & Mari; Homo, per illud per quod sitivit, & esurivit, fatigatus fuit ex itinere, Crucis arbori fuit clavis confixus, & in ea expiravit; Denique idem secundum Divinitatem æterno Patri æqualis, immortalis, & impassibilis, & secundum humanitatem minor Patre, mortalis, atque passibilis.

C A P U T I I I

XXIII. **P** Ariter, quod ipse Dei Filius incarnatus, vere fuit natus ex Maria Virgine, & ejus Corpus ex hujus purissimo Sanguine fuit formatum, & ipsius est vere Filius: quapropter confitemur ipsam esse vere Matrem Dei, & ita ab universa Catholica Ecclesia appellandam esse, & invocandam, eo quod vere, & realiter absque doloribus, aliisque passionibus, peperit secundum carnem, verum Dei Filium, hominem factum: & ipse Dei Filius incarnatus, vere fuit pro nobis passus; vere mortuus, & sepultus; vere cum Anima ad Inferos Limbi descendit, ad liberandas Sanctorum Patrum Animas, ibi existentes; & die tertia vere a Mortuis surrexit; & per quadraginta dies docuit Apostolos, locutusque est de Regno Dei, & postea virtute propria in Coelum ascendit, ubi sedet ad dexteram Majestatis Gloriæ, & Potentiæ Patris, unde venturus est ad judicandum vivos, & mortuos, & dandum unicuique premium, vel poenam secundum opera sua.

C A P U T I V.

XXIV. **S** Imiliter profitetur neminem ab Adamo descendentem, conceptum, & natum, aliquo tempore salvum fuisse, aut salvandum esse, aliter quam per Fidem mediatoris Dei, & hominum, Jesu Christi Filii Dei, & per ejus Sanguinem, ac mortem, qua nos Æterno Patri reconciliavit, & nostrarum iniquitatum Chi-

(a) Joannis 1. v. 1. & 14.

Chirographum solvit, quæ quidem fides ante Adventum Christi, erat de ipso venturo, & redempturo; & post ejus adventum, est fides, qua creditur ipsum advenisse, & nos sua morte, & Sanguine suo redemisse.

C A P U T V.

XXV. **I**nsuper omnes, quotquot naturali generationis modo ex Adamo nascimur, filios iræ, & peccati originalis macula infectos, nasci; quam contraximus ob culpam inobedientiæ Adami, in quo nos omnes peccavimus. Adamus enim peccando, & sibi, & nobis sanctitatem, & justitiam perdidit, & peccatum proprium, & personale ipsius, in nos omnes generatione pertransiit, dicente Apostolo: *(a) Per unum hominem peccatum intravit in Mundum, & per peccatum mors, & ita in omnes homines mors pertransiit, in quo omnes peccaverunt.* Quod licet verum sit, & firma fide tenendum, peccatum illud in nos generatione pertransire, non tamen Animæ nostræ fiunt ex traduce, aut sicut corpora generantur, aut educuntur de potentia Materiæ, velut Animæ Brutorum, sed ex nihilo à Deo creantur, & Divina dispensatione, dum corpora perfecte formantur, & *organizantur*, ipsis infunduntur, & in quo infusionis instanti maculam originalis peccati, quod in Adamo commisimus, animæ contrahunt, per quod à Cœlo excludimur, Deoque in æternum privamur: quod tamen peccatum deletur Baptismate; quo mediante, anima à culpæ noxa abluitur, & nos, qui per peccatum eramus filii iræ, & a Cœlesti Patria, Regnoque Cœlorum exules, constituimur filii Deo cari, & Cœlorum hæredes; insuper virtute ejusdem Baptismatis reliquæ noxæ, & peccata actualia illis, qui talia perpetraverunt, cum omnibus poenis pro ipsis debitis remittuntur.

C A P U T VI.

XXVI. **U**terius Animas eorum, qui post Baptismi susceptionem, nullum admisere peccatum, vel de admissis condignam poenitentiam cum æqua, & integra satisfactione egerunt, statim in Cœlum duci, & ipsum videre Deum trinum, & unum, clare, sicuti est, divina gaudent visione; alios aliis perfectiori

(a) Ad Rom. 5. 12.

etiori modo, pro meritorum diversitate; & pariter, qui in mortali actuali, absque condigna poenitentia decedunt, vel etiam cum solo originali, illico ad Inferna descendere, poenis æternis inæqualibus tamen, juxta demeritorum inæqualitatem in æternum puniendos.

CAPUT VII.

XXVII. **S**icuti etiam, quod ii, qui ex Fidelibus Christianis, ex hac vita in caritate decesserint, vera pro peccatis poenitentia peracta, sed, nondum plena Divinæ Justitiæ satisfactione pro ipsis exhibita, mox ad locum, & poenas Purgatorii ducuntur, ubi per ignem, aliasque poenas, toto tempore, quo Deo, juxta peccatorum qualitatem, & quousque plene pro illis satisfecerint, visum fuerit, ab ipsorum sordibus abluuntur; postquam vero fuerint ablutæ, ad gloriam, Deique gaudium recipiuntur; quo in Purgatorii loco, animabus ibi detentis maxime prosunt suffragia, orationes, eleemosynæ, aliaque pietatis opera, quæ viventes pro Defunctis facere consueverunt: potissimum vero Sacrosanctum Missæ Sacrificium, quo poenæ leviores reddantur, & citius in Coelum deportentur.

CAPUT VIII.

XXVIII. **S**imiliter, quod die Judicii, nostra Corpora in Cinerem, pulveremque redacta; resuscitabuntur, eademque nostris animabus, unumquodque suæ, iterum unientur: Aliter tamen, & aliter resurgemus, boni quidem, ut circumdati gloria, immortales, & impassibiles regnent cum Christo in Coelis; Mali autem ut in Daemonum consortio in Inferno, æterno, & vero igne perpetuo crucientur.

CAPUT IX.

XXIX. **P**ariter quod in principio, & in tempore, creavit Deus omnia visibilia, & invisibilia, corporalia, & spiritualia, Coelumque Empyreum Angelis replevit, e quibus Deo obediens, in gratia fuere confirmati, & retinentes dotes, ac perfectiones

ditiones, quibus Deus eos in ipsa creatione decoravit, fuerunt ad æterna gaudia erecti: Rebelles vero in Infernum, quem Deus, dum peccarent creavit, detrusi sunt, ubi Divinæ Justitiæ rigore, non tantum poena damni, qua Divina visione privantur, ad quam creati fuerunt, sed & simul vero igne, aliisque poenis in æternum torquentur: Qua de causa tanti boni quod justos manet, & quo ipsi ob propria peccata carent, invidia ducti, odio insuper acti erga Deum, ejusque opera, *intrinseca* demum, qua obdurati, sunt malitia, impulsu, homines tentant & ad malum sollicitant.

C A P U T X.

XXX. **P**raterea profitemur Angelos beatos, aliosque Sanctos, cum Christo in Coelis regnantes, (a) a fidelibus colendos, ac venerandos esse, a Deo per ipsorum intercessionem, nostris necessitatibus remedia postulando, utque pro nobis Deum deprecantur; quod quidem præstant, dum Deo offerunt pro nostris malis preces, supplicationesque: Corpora etiam, & Reliquias ipsorum maxima cura, & veneratione in terris custodiendas, osculandas, & colendas; ac in Altaribus, aliisque peculiaribus Locis collocandas; quippe quæ fuere viva Christi membra, ac Templum Spiritus Sancti; nec non Judicii die talia Corpora resuscitanda esse, & æterna gloria in Coelo induenda; per quæ in terris, plurima nobis Deus beneficia confert.

C A P U T XI.

XXXI. **I**dem Christi Domini, & Beatissimæ Virginis Mariæ Images, necnon Sanctorum Angelorum, qui aliquatim depingi valent, sicut & aliorum Sanctorum, quos esse Cœli Incolas Ecclesia credit, retinendas esse, & decentibus in Locis habendas, non tantum in domibus fidelium, verum & in Templis, arisque potissimum; quæ quidem venerari colique debent, debito ipsis cultu, eo scilicet, quo Sanctos, vel aliud quodcumque cultu dignum

(a) Circa ritum venerationis Sanctorum post immensæ propemodum ecclesiasticæ eruditionis volumina a SS. D. N. Benedicto XIV. edita, consulere iuvabit *Dissertation. De ritu offens. Sac. Reliquiar. cult. galiam anno 1721.* a Petro Moretto Viro

eruditissimo; & Supplementum Dissertationis ad calcem Libelli *De ritu variandi ceremonialis indumentis.* ab eodem auctore editi *Roma anno 1732.* & novissime Joann. Chrysost. Trombelli Opus *De cult. Ss. typis Bononiæ excusum anno 1743.*

dignum, quod per ipsas representatum veneramus: non quod ipsis aliquam inesse virtutem, seu divinitatem, ob quam debeant coli, credamus, vel in eis spem, fiduciamve nostram, ut Gentiles in Idolis, collocemus, sed quia honor ipsis a nobis exhibitus, ad prototypum per ipsas representatum referatur, ita ut per Imágenes, ante quas in genua procumbimus, vel alios actus religionis exercemus, adoremus Christum, & Sanctos. Quamobrem signum Crucis adoratione patriæ soli Deo debita adoramus, eo quod Filium Dei Dominum nostrum Jesum Christum, pro nobis in ipsa passum exhibet, & quia ut ipse dixit: *(a) hoc in die Judicii apparebit signum Filii hominis*; eademque patriæ adoratione ex eodem motivo, colimus ceteras Christi Imágenes.

CAPUT XII.

XXXII. **P**ariter Catholica confitetur Ecclesia, hominum unicuique ab ortu suo, Angelum à Deo in illius custodiam deputari, ut ipsum ad bonum incitet, & a malis, in quæ seclusa custodia sollicita casurus esset, eruat; quem insuper Angelus in illius custodiam accipit, quandiu vixerit; itaut cum continuo comitetur, & quantum in se est a malis, & peccatis abducat, eumque ad vitam æternam dirigat; atque adeo ejus libero arbitrio, quæ recta sunt proponit, a quo bona quamplurima, tum temporalia, tum spiritualia accipimus, etiam nihil tale cogitantes; Angelum vero hæc munia obeuntem, nostrum Angelum Custodem appellari.

CAPUT XIII.

XXXIII. **U**Nam pariter esse Ecclesiam Catholicam toto Orbe diffusam, & cujus est Pastor Summus Pontifex Romanus, Beati Petri Apostolorum Principis in ea Sede Successor, qui, & per quem Successoribus suis, plenam potestatem regendi, & gubernandi totam Ecclesiam, Christus contulit; & unde Ecclesia Romana *(b)* est Caput, Mater, & Magistra omnium Orbis Ecclesia-

(a) Locus indicatur Matt. 24. v. 30. ubi legitur: *Tunc apparebit signum Filii hominis in Cælo*. Veteres Patres & plerique Interpretes, hoc signum Filii hominis, Crucem asserunt; quam sententiam adoptavit Ecclesia dum concinit in ejus officio:

Hoc signum Crucis erit in Cælo &c.

(b) Quoniam privilegium istud, quo Romana super ceteras Orbis Ecclesias jure, præminet, atque extollitur, desumatur ex itinere Romano Divi Petri, ejusque in Urbe Episcopatu, legendus omnino est

A C T I O III.

31

clesiarum, sicut & Pontifex Romanus, Caput totius Ecclesiæ, Pater, Magister, omniumque Christianorum Doctor, omnium in univcrsum Præsul, cunctorumque Sacerdotum, Episcoporum, Primatum, Patriarcharum, Ecclesiarum quarumcumque; omnium Imperatorum, Regum, Principum, & Dominorum Pastor, omnium denique, (dummodo sint Christiani, totiusque Populi fidelis) ex quo ipsi Pontifici Romano, & Christi Vicario obedire in terris renuentes extra viam existunt salutis æternæ, & in Infernum detrudentur, tamquam Hæretici Schismatici, inobedientes mandato Jesu Christi, Dei Filii Domini nostri, ac Hierarchiæ ab ipso in sua Ecclesia constitutæ.

C A P U T XIV.

XXXIV. **U** Num similiter, eundemque Deum Authorem fuisse veteris, novique Testamenti, id est Prophetarum, & Evangelii; nam Testamenti utriusque Scriptores, afflati Spiritu Sancto scripserunt. Itaque recipit Ecclesia omnes libros Canonicos (a) Testamenti utriusque, infallibilem in se veritatem continentes, atque à Spiritu Sancto dictatos; videlicet è Testamento veteri quinque Moyſis libros; Genesim, Exodum, Leviticum, Numeros, Deuteronomium; pariter Libros Josue, & Judicum, & Ruth; quatuor Regum; duos Paralipomenon, & primum Esdræ, & ejus secundum, qui dicitur Nehemias; Libros Tobiae, Judith, Esther, Job; Psalterium Davidicum centumquingenta Psalmos continens; Parabolas, Ecclesiasten, Canticum Canticorum, Sapientiam, Ecclesiasticum; quatuor Prophetas Majores, Isaiam scilicet, Hieremiam, cum Baruch, Ezechielem, Danielelem, duodecim item minores, nimirum Oseam, Joelem, Amos, Abdiam, L Ionam,

liber de hoc argumento editus Florentiæ anno 1741. a Petro Foggino, in quo accuratissimus auctor, Romana momenta asserit, atque heterodoxorum cavillationes invictissime resolvit; eo vel maxime, quod cum huic veritati acquieverint infensissimi Ecclesiæ hostes, Montanus, Arius, Pelagius, &c. alii demum per decem, & tria secula siluerint, venales tantum calami Marſilii Paravini, & Joannis de Janduno, pro Ludovico Bavaro scribentes, circa factum illud historicum omnium primi, ut apparet, istam camarinam moverint.

(b) Theodorus Mopsvostenus Magister

Nestorii, expunxit a sacrorum Librorum Canone; ut constet ex Quinta Synodo Gen. Collat. 4. a num. 63. ad 71. & ex Leontio Byzantino *Lib. de Nestorian. Impiet. n. 14. & 17.* sequentes Libros; nimirum *Job, Paralipomenon primum & secundum; Esdræ, Canticum Canticorum, Epistolam Jacobi, & alias aliorum Catholicorum*; qui tamen alias, in eos libros commentaria scriptisse perhibetur. Verum a Nestorianis laudati libri pro Canonicis habentur, ut ex Catalogo Sobensis Cap. 1. liquet apud Afseman. *Tom. 3. Bibl. Orient. pag. 5. & Tom. 4. pag. 236.*

Jonam, Michæam, Nahum, Abacuch, Sophoniam, Aggæum, Zachariam, Malachiam, & primum, & secundum Machabæorum. Testamenti novi quatuor Evangelistas, scilicet Matthæum, Marcum, Lucam, & Joannem; Acta Apostolorum a D. Luca conscripta; quatuordecim Divi Pauli Epistolas, nimirum unam ad Romanos, duas ad Corinthios, unam ad Galatas, unam ad Ephesios, unam ad Philippenfes, unam ad Colossenses, duas ad Thessalonicenses, duas ad Timotheum; deinde unam singulis: nempe ad Titum, ad Philemonem, ad Hæbreos; Petri Apostoli duas; Joannis Apostoli tres; Jacobi Apostoli unam; Judæ Apostoli unam, & Joannis Apostoli Apocalypsim; qui libri cum omnibus suis partibus sunt Canonici, & infallibilem in se continent veritatem.

DECRETUM II.

XXXV. **D**eclarat Synodus, in libris novi foederis, qui sunt in usu in hac Diœcesi (a) Soriana, vel Syriaca lingua scriptis, desiderari in Evangelio S. Joanni initium *Capitis Octavi de Muliere in adulterio deprehensa*, & ad Christum Dominum adducta; pariter in *Capite Decimo Luca*, ubi dicitur, Christum misisse Septuaginta duos Discipulos, poni *Septuaginta* tantum: similiter Matthæi 6. in Oratione *Pater noster*, post ultima verba; *Sed libera nos a malo*: hæc addi: *quoniam tuum est Regnum; virtus, & Imperium in secula seculorum*. Sed nec in dictis libris legi *secundam Epistolam Divi Petri*, *Secundam*, & *Tertiam Divi Joannis*, *Epistolam Judæ*, nec *Apocalypsim Joannis*. Præterea è *Cap. 4. Epist. 1. B. Joannis* impie fuisse expunctum versiculum illum: *Qui solvit Jesum non est ex Deo*, & *Cap. 5. ejusdem Epistolæ* illum alium: *Tres sunt, qui testimonium dant in Cælo; Pater, Verbum, & Spiritus Sanctus, & hi tres unum sunt*, Et in veteri Testamento desiderari libros *Ejther*, *Tobia*, & *Sapientia*. Quos libros, & versiculos jubet transcribi & partes ablatas restitui, per emendatos Chaldaicos Codices, & conformiter ad editionem latinam, & vulgatam, qua Sancta Mater Ecclesia utitur; ut præsens Ecclesia scripturas integras habeat; ipsisque nulla, ne minima quidem parte imminutis, & immutatis sacris

(a) Etiam si omnia ista loca novi Testamenti, depravata afferantur a Nestorianis, ut notat nostra Synodus, & ex ipsa Possevinus *tom. 2. Appar. pag. 468.* & Thomas a Jesu in *Lib. De Convers. omn. Gen. pro cur. pag. 355.* tamen legenti ipsa loca apud Calimetum in *Evang. & Epist.*

& quæ habet *Assennas Tom. 4. Biblioth. Orient. pag. 238. & seq.* facile constabit ea omnia, ante exortam Nestorii hæresim ita legi in Vulgata Syriaca versione, ut liquet ex *MS. Codd.* apud Syros Orthodoxos extantibus, & ex *Nov. Testam. Syriaco edito Romæ, Parisiis, & Londini.*

sacris libris, prout scripti fuerunt, & in universali leguntur Ecclesia, utatur; Quod munus præstari expetit Synodus à R. P. Francisco Roz Societatis Jesu, & Syriacæ linguæ Professore in Collegio de Vaipicota, ob eam qua pollet in illorum Idiomatum, & divinarum scripturarum cognitionem.

D E C R E T U M I I I.

XXXVI. CUM Sacra Biblia, Columnæ sint, quibus nostra Catholica Fides innitur, basesque, & fundamenta, in quibus consistit, & ubi veritas, puritasque illius perspicitur, quotquot hæretici fidem destruere machinati sunt, iidem divinarum Scripturarum textum corrumpere, & quædam ipsorum erroribus adversantia intercipere, sicuti & nonnulla, quæ ipsis favere possent, assuere non destiterunt: & quod in præsentī quoque Episcopatu accidit, dum per Episcopos Hæreticos Nestorianos regebatur, qui in sacris libris, quibus utebantur, loca Nestorii erroribus contraria, similiter depravarunt.

Videlicet *Actuum Apost. Cap. 20.* ubi Paulus dicit: *attendite, vobis, & universæ Ecclesiæ, in qua vos Spiritus Sanctus Episcopos posuit, ad regendam Ecclesiam Dei, quam acquisivit sanguine suo, mutaverunt impie nomen Dei & posuerunt Christi, ut sensus sit: in qua vos posuit Christus ad regendam suam Ecclesiam, quam acquisivit suo sanguine*; Nam ipsi Nestoriani a Diabolo acti, veritatem Catholicam, scilicet Deum pro nobis passum, sanguinemque fudisse, fateri nolunt.

E Cap. 4. Epist. 1. Joannis abstulerunt versum: *qui solvit Jesum non est ex Deo*, quippe qui contra Nestorium facit, impie dividendem Christum in duo supposita.

Eadem Epist. (a) Cap. 3. ubi dicit: *in hoc cognovimus caritatem Dei, quoniam ille animam suam pro nobis posuit*, prorsus ex malitia pro Dei vocem Christi supponunt, dicentes: *in hoc cognovimus ca-*

L 2

ritatem

(a) Omnibus quidem iis locis, eo modo quo leguntur in plerisque Orientalibus versionibus, utebantur Nestoriani, ut Christum in duo supposita divisum adstruerent; qui valide impugnantur illo textu nostræ vulgatæ latine: *Qui solvit Jesum non est ex Deo*; idest qui discindit, & dividit Christum in plures personas, aut in plura supposita, vel ut commentatur Calmetus: *Qui dividit quidquid in ejus perso-*

na, unum tantummodo est. Hic autem, versus; *ex cap. 4. Epist. 1. Joann.* non fuit ablati a Nestorianis, ut PP. Diamperitani putarunt; sed cum Malabareses versionibus Orientalibus uterentur, illum versum legebant sic: *Omnis spiritus qui non confitetur, Jesum Christum in carne venisse, non est ex Deo*; quæ lectio uniformis videtur, in Græcis omnibus exemplaribus Syriaco, Arabico, & Æthiopico.

ritatem Christi, quoniam ille &c., ut pariter cum Nestorio negent, Deum pro nobis mortuum.

In Epist. ad Hebræos cap. 2. ubi dicit Apostolus: *vidimus Jesum propter passionem mortis gloria, & honore coronatum, ut gratia Dei pro omnibus gustaret mortem*, scribit, ut distinctionem duorum suppositorum cum Nestorio asserat, ita superaddendo: (a) *vidimus Jesum propter Passionem Mortis, gloria, & honore coronatum, ut gratia Dei PRÆTER DEUM pro omnibus gustaret mortem*; id est, ut gratia Dei, sed à Deo divisus, & extra Deum pro omnibus moreretur.

In Cap. 6. Lucæ, ubi Christus dixit: (b) *mutuum date, nihil inde sperantes*, ut usuras, quibus alebantur, & quas tamquam justitiæ consonas probabant, defenderent, posuerunt ita: *mutuum date, & inde sperate*; quasi diceret: *mutuum date & lucrum inde expectate*. Quæ omnia loca, ut depravata, & corrupta ab Hæreticis, præcipit Synodus, ut in cunctis codicibus expurgentur, & castigentur, ac puritati pristinæ, juxta veritatem editionis vulgatæ, qua Sancta Mater Ecclesia utitur, restituantur, idque sine mora cupit ab Illustrissimo Metropolitano in hujus Dioeceseos visitatione fieri, vel per semetipsum, vel per viros Syriace doctos, quos ipse ad hoc munus deputaverit.

DECRETUM IV.

XXXVII. **C**omperit Synodus ob communicationem, quam in hac Dioecesi habent Christiani cum Infidelibus, aliquos ipsorum animis adhæsisse ineptos errores, eosque ab hebetibus, & rudibus hominibus mordicus teneri, & potissimum quidem tres hisce Infidelibus familiares: nempe animas post mortem in alia corpora transmigrare, sive animalium, sive aliorum hominum, quod & ineptissime asseritur, & est error, & hæresis manifesta, nostræ Catholicæ fidei opposita, docenti, animas post mortem, in
Cœlum,

(a) Quatenus ad hunc textum Pauli ad Heb. 2. v. 9. traducuntur Nestoriani, tamquam illius depravatores; quo circa consule Cl. Assenian. Tom. 4. pag. 2. 9. Ceterum liquet utramque lectionem antiquissimam esse: & illa quidem quæ Nestorianis tribuitur, ubi pro: *Gratia Dei*, legitur: *Præter Deum*, vel: *Abique Deo*, recensetur non modo a D. Fulgent. Theodoret. & Vigilio Tapsensi, verum etiam ab Ambrosio, Hieron., & Origene; à qua iste

delirando intulit, Christum mortuum esse pro omnibus hominibus, & Dæmonibus; eo quia pro omnibus excepto Deo, aut præter Deum, salvandus, mortuus fuerit. Unde etiam Nestorio antiquior evincitur, modus ille legendi. Vide Calmet hic.

(b) Neque locus iste Lucæ depravatus est a Nestorianis: nec ex ejus lectione, & genuino sensu educi potest, nisi ineptiendo, licitum esse usuras accipere. Vide inferius Assion. 2. Decret. 9. in Not.

Cœlum, Infernum, Purgatorium, vel Limbum, pro meritis uniuscujusque duci, absque tali transmigratione, falsa, & inter fabulas numeranda.

XXXVIII. Secundo: omnia fieri necessitate, fato, aut fortuna, quod ipsi appellare solent nascentiam hominum; afferentes, res, velint nolint homines, ita debere contingere, ut de facto contingunt, quod est apertus error ab Ecclesia damnatus, tollens de medio libertatem arbitrii, qua Deus nos præditos esse voluit, in nostra relinquens libera potestate bene, vel male agere, itant nostræ electionis sit obedire sanctis inspirationibus, & internis motibus, quibus ad amplectendum bonum, repudiandumque malum allicimur, & provocamur; quamobrem sicuti a sua Divina misericordia, ac bonitate sunt motus, & incitamentum ad bonum, ita a nostro libero arbitrio, Divinis auxiliis adjuto, est motibus illis, & incitamentis vel obtemperare, vel contumaciter obsistere, & uno verbo, bene, vel male operari; atque adeo unice nostra libera voluntas in causa est peccatorum, ac nostræ perditionis, ut docet Catholica Fides; nascentiæ vero fatum, quam Infideles impie docent, mera fatuitas est.

XXXIX. Tertio: unumquemque sua (a) in lege salvari posse, legesque omnes esse rectas; quod plane erroneum est, ac hæresis turpissima: nulla enim est lex, in qua salvi fieri valeamus, præter legem Christi Salvatoris nostri, una quippe ipsa veritatem docet, & homines quotquot sectas alias profitentur, a veritate turpiter aberrant, & penitus extra salutis æternæ viam miserrime vagantur; atque adeo ad Inferni poenas damnabuntur, nec enim aliud nomen datum est hominibus, præter nomen Jesu Christi Dei Filii pro nobis Crucifixi, in quo oporteat nos salvos fieri. Horum errorum fugam ab omnibus Ecclesiarum Vicariis, & Concionatoribus sæpissime rudi Populo inculcari Synodus jubet. Id quod privatim præstari vult ab iis, qui Confessiones audiunt, qui si poenitentes suos erroribus hisce irretitos inveniant, omni ope contendunt, ut eos ab hisce deliriis, ad Catholicæ veritatis professionem revocent.

DECRETUM V.

XL. **A**D notitiam pervenit Synodi, fuisse in hac Diœcesi etiam e suggestu divulgatam hæresim valde noxiam, nimirum, inju-

(a) Politicorum & Tolerantium hoc est perversum Dogma, in solo enim Christo Jesu oportet nos salvos fieri: unde *in-* *differentes*, quam longissime a via veritatis aberrant.

injuriam Christo irrogare, (a) qui ejus Sacram Passionem meditetur, vel de ea loquatur, idque peccatum esse gravissimum (quod insuper impiis censuris non sine incredibili audacia fuit prohibitum) & etiam nunc plurimi miserrime decepti tenent. Hic manifestus error, & opponitur fidei, & fidelibus maximum animarum detrimentum affert; cum ex dictis meditationibus, & colloquiis ingentes capiantur fructus amoris, & dilectionis erga Dominum, qui talia passus est, ut nos redimeret, tum & imitationis earum virtutum, quæ in ejus Passione magis resplendent; concipitur etiam odium peccatorum, propter quæ delenda fuit passus, timor divinæ Justitiæ, cui adeo rigoroſe satisfecit, fiducia salutis, pro qua nobis obtinenda, tam copiosum redemptionis pretium impendit; desiderium frequentandi Sacramenta, quibus Passionis virtus applicatur, ultra alia quamplurima emolumenta inde provenientia. Perniciosissimus error hujusmodi, ad alium in Nestoriana secta viam stravit; reprobationis scilicet sacrarum Imaginum; si etenim impium est de Passione Christi cogitare, ejusmodi etiam erit quidquid illius memoriam excitat inter fideles, & promovet, cujusmodi est signum Sanctæ Crucis, & Sacræ Passionis Images: Quæ omnia cum sint manifestæ hæreses, & stultissima Nestorianorum deliria, maximopere commendat Synodus Concionatoribus, Sacerdotibus ad audiendas Confessiones deputatis, & Rectoribus Ecclesiarum, ut sapissime myſteriorum adeo Divinorum, & sublimium meditationem, Populo persuadeant. Qua occasione devotionem erga Rosarium Virginis Mariæ Populo instillent, quippe in eo præcipua Vitæ, & Passionis, ac Mortis Christi Myſteria recoluntur.

DECRETUM VI.

XLI. **I**Nter plures errores à perfidis Nestorianis disseminatos in hac Dioecesi, quosque usitatis libris inseruerunt, plerique leguntur adversus B. Virginem Mariam Dei Matrem, præsentissimum in nostris calamitatibus remedium, misericordiæ Matrem, peccatorum Advocatam, Angelorum Reginam; Quapropter declarat

(a) Hic error damnatus fuit a Concilio Viennensi, inter alios Beguardorum; quorum ultimus recensetur ab Harduino in *Collect. tom. 7. col. 1359. Quod esset imperfectiōis, si a puritate & altitudine contemplationis, tantum descenderent, quod circa Sacramentum Eucharistiæ, aut circa passionem humanitatis Christi, aliqua cogitarent. Attamen meditari in Christo*

laudabile est, immo initium ad supremam contemplationem, ex S. Theresia a Jesu in *Castell. Marſo. 7. cap. 2.* quam sequitur P. Godinez, hoc tempore illustratus a P. Emmanuele Ignatio de la Reguera *tom. 2. Praxis Theol. Mystic. lib. 5. Schol. 20. & 21. ad Caput 5.* Viro peccato, ac mystica æconomia conspicuo.

clarat Synodus, Catholicam docere Fidem, Beatissimam Virginem numquam actualis peccati maculam incurrisse; immo pie credi eam (a) fuisse à peccato Originali præservatam, quod sane Matris Dei dignitatem maxime decet; etsi quoad hoc nihil adhuc Sancta Mater Ecclesia definierit. Insuper eadem fides docet Catholica, Virginem extitisse semper illibatissimam ante partum, in partu, & post partum, peperisse absque doloribus, aliisque anxietatibus verum Dei Filium, Hominem factum; nec emisisse (b) Secundas, vel subjectam fuisse purgationibus, aliisque incommodis, quibus Mulieres aliæ subjacent in partu. Quin etiam nec in partu, nec post, alicujus (c) obstetricis, vel alterius ope indiguisse, nam salva virginei claustris integritate, hora, & tempore à Sanctissima Triade præfinito, non sine ejusdem Virginis ingenti lætitia, & spiritali gaudio, Æternum Verbum caro factum, e purissimis visceribus prodit: unde appellanda est vera Dei Mater, & non Mater tantum Christi; quæ postquam ex hac vita migravit, assumpta fuit in Cælum, quo Anima, simul cum purissimo Corpore commigravit, singulari quidem privilegio dignitati, ac peculiaribus ipsius meritis debito. Nec enim congruum erat, quod Corpus illud, è quo Sanctissima Caro Filii Dei Hominis facti, efformata fuerat, in pulverem, cineremque, more aliorum abiret; sed par erat, ut non expectata universæ resurrectionis die, glorificaretur, & exaltaretur super omnes Choros Angelorum, ut capit, & confitetur Ecclesia: circa quæ omnia impii hæretici Nestoriani plurimas protulerunt blasphemias, & hæreses, quas vel in Breviariis hujus Episcopatus ediderunt.

DE-

(a) In hanc rem plurimum juvabit, perlegere, quæ hoc ævo scripta sunt pro voto profundendi sanguinem in defensionem istius pte opinionis, à Parchenotimo, P. Attardi Augustinensi, P. Luca Minorita, aliisque; & quæ ex adverso sub nomine Antonii Lampridii, & Ferdinandi Valdesii edidit eximius atque præclarissimus toto orbe literario Scriptor Ludovicus Antonius Muratori, qui unus Immaculatae Conceptionis gloriam, præ omnibus, quasi ex repercussione luminis, splendidiorē reddidit, atque augustiorē.

(b) Ita sensisse antiquos Patres apparet ex S. Cypriano seu auctore *Serm. de Nativ. Christi* dicente: *Nec locus ibi erat lavacris, quæ solent puerperis preparari; quippe nec aliqua natura injuria, Ma-*

trem Domini laferat.

(c) Nullam in partu Virgineo intervenisse obstetricem affirmavit Cyprianus, ubi supra: *Genitrix est (Maria) & obstetrix; ultro maturus ab arbore bajula, fructui elapsus est; nec oportuit vellicari quod sponte prodibat.* Consonant Nazian. de *Christ. patem.* Nyssen *Ser. de Resur.* Hieronym. *Contra Elvidium*; Fulgent. *De laud. V. Mariae*, & Bernardus *Ser. 4. in Vig. Nat. Dom.* Apoge ergo putidissimam fabulam Nestorianam, quod nimirum S. Anastasia obstetricis obsequia V. Mariæ præstiterit, atque idcirco de ea fieri commemorationem in secunda Missa Nativitatis Domini; vide Lami *De erudit. Apostol.* pag. 184.

DECRETUM VII.

XLII. **N**on sine ingenti dolore audivit Synodus hæresim, per-versumque errorem, fidelibus hujus Diœceseos perniciosissimum, per Schismaticos disseminatum, asserentes; unam esse legem Sancti Thomæ, aliam vero Divi Petri, ambas à Christo *immediate* latas, quæ tamen constituiebant duas Ecclesias diversas atque invicem distinctas, & alteram ab altera independentem, nec Pastorem unius debere Pastori alterius obedire. Profitentes vero legem Divi Petri, conari in destructionem legis Sancti Thomæ, eosque ob tale crimen à Sancto Thoma puniri. Quæ omnia errores sunt notissimi, apertum Schisma, hæresisque perversa; cum lex Christianorum sit unica a Jesu Christo Filio Dei data, & explicata, & per ipsius Apostolos sub una Fide, & uno Baptismate per universum Mundum promulgata; quo circa una tantum est Ecclesia Catholica, & Apostolica, cujus unus est Sponsus Christus Deus, & homo, qui eam fundavit, unus tantum Pastor universalis, qui eam regit, & cui alii omnes *Praelati* obedire tenentur, Papa Pontifex Romanus, Divi Petri Apostolorum Principis in Cathedra Successor, quam illi Christus ipse, & in eo ceteris illius Successoribus tradidit; quam doctrinam Catholicam, utpote ad salutem æternam necessariam, jubet Synodus à Parochis, & Concionatoribus, quampluries Populo proponi, ut de re adeo necessaria plenius instruantur.

DECRETUM VIII.

XLIII. **Q**uoniam ante adventum Illustrissimi Metropolitanæ in hanc Diœcesim, frequentissime quædam proferebatur hæresis, semel, & iterum in Sancto Missæ Sacrificio, etiamque bis in divino Officio, Patriarcham Babylonicum vocando Pastorem universalem, & caput Ecclesiæ Catholicæ, eoque decorabatur titulo soli Pontifici Romano, Principis Apostolorum, Divi Petri Successori, Christique in terris Vicario debito, quoties ipsius nomen proferendum esset; præcipit Synodus in virtute sanctæ obedientiæ, & sub poena Excommunicationis ipso facto incurrenda, ut nullus in hac Diœcesi, sive Secularis, sive Ecclesiasticus, hujusmodi titulo audeat verbo, vel scripto, tam in Divino Sacrificio, & Officio Divino, quam extra, Patriarcham Babylonicum, aut quemlibet alterum *Prelatum* donare, præterquam Pontificem Romanum

manum Dominum nostrum; qui vero contra fecerit, pro excommunicato, Schismatico, & Hæretico denuntietur, & ut talis juxta Sacros Canones puniatur; tum quia Patriarchæ Babylonici, quibus Ecclesia præfens erat subiecta, sunt Hæretici Nestoriani, & hujus maledictæ Sectæ Duces, Schismatici, extra obedientiam Sanctæ Romanæ Ecclesiæ, à nostra Fide Catholica alieni, atque adeo excommunicati, & non licet in Ecclesia publice pro Excommunicatis orare; tum quia ista Ecclesia nunc nulla ratione subiecta est dicto Patriarchæ Babylonico, neque reipsa, neque quoad speciem; cum obedientiam præstiterit Sanctissimo Patri Papæ Domino nostro, Christi in terris Vicario; quam præstare, & Jure Divino, & sub interminatione damnationis æternæ tenentur: præcipit ergo Synodus sub eodem præcepto obedientiæ, & excommunicationis ipso facto incurrendæ, ut nullus Cassanarius, aut Chamazius audeat in posterum in recitatione Officii Divini, aut in Missæ Sacrificio, in Ecclesiæ precibus talem Patriarcham nominare, etiam sine falso titulo Pastoris Universalis; sed in ipsius locum substituatur nomen Domini nostri Papæ, tamquam veri, & universalis totius Ecclesiæ Pastoris, & post illum, nomen Domini Episcopi hujus Diocesis pro tempore, qui contra vero malitiose, & scienter fecerit, excommunicatus declaretur, & subjiciatur aliis poenis, quæ visæ fuerint Præsuli, juxta ipsius contumaciam eidem infligendæ.

D E C R E T U M IX.

XLIV. **C**Um Breviaria omnia, quibus hæc Ecclesia utitur, Nestoriana sint, & ex præscripto Præsulum ejusdem Sectæ, qui ipsam rexere, quotannis præfixa die, quæ tamquam festa habebatur, recitaretur Officium de impio, ac perverso Hæresiaracha Nestorio; pariterque in aliis de Theodoro, Diodoro, (a) Abbacathocha, Abraham, Narfai, (b) Barchauma, Johanan, Hormisda, (c) Michael, hæreticis omnibus Nestorianis; & etiam feria sexta post Nativitatem recitaretur de Nestorio, Theodoro, & Diodoro; & septima sexta feria post ipsam de Abrahamo, Narfai, aliisque supra nominatis; & qualibet feria quinta per totum annum memoria celebraretur illorum omnium simul juxta Officium Nestorianorum; nec non quotidie in Missæ Sacrificio, & in officio divino fieret commemoratio de Nestorio, & aliis, & ea quidem licet alicubi non fieret de Nestorio, Theodoro, & Diodo-

M

ro

(a) *Lege Abba Catholico.*

(b) *Lege Bar/suma.*

(c) *Lege Michael.*

ro fieret tamen universaliter de Abrahamo, Narsai, Barfauma, Johanan, Hormisda, Michael, & in fine Missæ Sacerdos Populo benediceret per hæc verba: *Hormisda vos custodiat à malis, cujus estis Discipuli*: & insuper feria sexta per totum annum recoleretur memoria Sanctorum, ejusdem (a) Hormisdæ, Michael, Johanan, Barchauma, Bariauda, Raban, Hedfa, Mathai, Hixojau, Caurixo, Avahixo, Lixo, Barmun, Lixo metidar, Cahada, Israhel, Ezechia Lixo, David Lixo Xualixo, Bavai Iraol, Juliavuis, Haudixo, Eulogio, Abba, Maratevvem, Cuada, Joanenaudeos, Abraham, Marsai, Marabba, Catholicaxhelito, Galara, Jonan Caddon, omnium Hæreticorum Nestoriatonum, atque præcipuorum illius sectæ Ducum, ut constet ex ipsorum officio, vitis, & commemorationibus, & ex elogiis quibus eos extollebant: propterea præcipit Synodus in virtute Sanctæ Obedientiæ, & sub poena Excommunicationis ipso facto incurrendæ omnibus Cassanariis, Chama-zibus, aliisque Secularibus, & Ecclesiasticis hujus Diocæseos, ut de ipsis Hæreticis nullo unquam die Officium recitetur, neque ipsorum festa servantur, neque solennitas ulla in illorum honorem celebretur, vel de ipsis commemoratio ulla aut Nercha habeatur in Officio Divino, aut in Missa; nec extra, preces ullius generis ad illos in commune, vel in particulari: neque vota, promissiones, oblationes dirigantur; Immo ipsorum Imagines neque in Ecclesiis, neque in propriis domibus habeantur, & paucis verbis, nulla ratione ipsis cultus, & veneratio tamquam Sanctis exhibeatur; præterea præcipit, ut eorum nomina e Libris, Calendariis, & Officiis expungantur, Missæ, & Officia de ipsis a Breviariis, & Missalibus abrasa, igni tradantur: eorum commemorationes, & memoria omnis aboleatur à Fidelibus; Indigni enim sunt his honoribus, utpote Hæretici maledicti excommunicati, ab Ecclesia dampnati, æternoque igni ob sua crimina, suasque hæreses addicti:

Præ-

(a) Synodi nostræ inventor ac perturbator Croazus, quo religionis suæ reformatæ, Caculam ageret Aremum, acerzime debachatur in Menessium, Lusitanum hominem, quæ universa Nestorianorum nomina corrupte scripserit. Tantum ne erimen est, Lusitanum Lusitanæ Syriacorum nominum prolatione uti? Ipsius ergo fuerit, hominis loquacissimi, ea nomina, hoc in loco, & 17. 3. Dec. 14. ubi liber *Flor. Sanctorum* prohibetur a Synodo, ea omnia integra restituere atque emendare; at hic, loquax Cicada hæret, & induit speciem rati-
tunæ Rane Seriphiz. Igitur ex Syriacis

Codicibus, & Bibliot. Orient. Assemani, cujus eruditioni, plurimum hac in parte obstricti sumus, hæc Nestorianorum nomina, ita sunt emendanda; *Hormisda, Michael, Johanan, Barfauma, Bar-Sabada, Rabban Isa, Matthai, Jesuab, Sabarjesu, Ananjesu, Jesu Barmun, Jesu metidar, Sabada, Israhel, Exebiel, David, Jesu Salicha, Babai, Abba Juliani, Abdielu, Eulogii, Abba Maratken, Chodai, Johanan Abdeos, Abraham, Narsai, Maraba Catholici, Scialita, Gabare Johanan, Caddan.*

Præcipit insuper Synodus, ut in posterum, rejectis officiis hæreticorum, vice ipsorum recitetur feria sexta post Nativitatem de SS. Athanasio, Gregorio Nazianzeno, Basilio, Joanne Chrysostomo, & Cyrillo Alexandrino; & septima sexta feria post ipsam, celebretur memoria de Sancto Augustino, Ambrosio, Gregorio Papa, & S. Ephræm, de quo etiam inter hæreticos fiebat commemoratio: & qualibet feria quarta de omnibus laudatis Sanctis Confessoribus simul recitetur, ac in commemorationibus Officii divini, & Missæ, iidem Sancti nominentur, illorum hæreticorum loco: quod si quis contra fecerit, & ausus fuerit, vel ad eos preces fundere, absolutionem a censura, quam incurrisse declarabitur, non obtinebit, quousque dignam ad arbitrium Præsulis poenitentiam non egerit, ipsisque hæreticis, eorumque pravis sectis ejuratis, publicum fidei juramentum non emisit, aliasque poenas juxta suæ rebellionis meritum non sustinuerit; quodsi fuerit Ecclesiasticus, perpetuo manebit suspensus ab Ordinibus, & emolumentis, necnon ad Sacrorum Canonum normam punietur.

D E C R E T U M X.

XLV. **C**Um Ecclesia loci de Angamalle; quam Archiepiscopi vocant; a Mar-Abrahamo fabricata, dedicata fuerit Hormisdæ Abati, qui vulgo in hoc Episcopatu appellatur S. Hormisus, indignus penitus hoc titulo Sancti, quippe qui fuit hæreticus Nestorianus, & Nestorianorum Dux, eaque de causa Catholicis invisus, sive ut in ejus vita habetur, invisus Romanis, prout ex ejus actis constat Syriace scriptis, continentibus plures hæreses, blasphemias, & falsa miracula in confirmationem Nestorianæ Sectæ; ideoque jussu Illustrissimi Metropolitanæ igni traditis; præcipit Synodus in virtute sanctæ obedientiæ, & sub poenæ excommunicationis ipso facto incurrenda, ut duo festa in ejus honorem celebrari solita, alterum die prima Septembris, & alterum decima sexta post Resurrectionem, nulla ratione in posterum celebrentur, nec aliqua ipsi dedicetur, nec in illis detur solita Nercha (a); insuper ut ipsa Ecclesia dedicetur S. Hormisdæ Martyri, etiam in Perside nato; ac in Altari, quod fiet, Imago hujus collocetur, & quatenus liceat, ejus passio depingatur, quo fidelium Populus, cui Sanctorum dicata sit Ecclesia, probe noscat: sicuti & ad quem suas preces, ac petitiones, & obsequia dirigat; festumque, & Nercha, quæ illis diebus fiebat ex more, Hormisdæ Abati hæretico, fiant

M. 2 dein-

(a) Id est convivium; Vide Syllab. *Pec. Exot.*

deinceps in die , quo celebratur memoria hujus Sancti , & in ipsius honorem .

DECRETUM XI.

XLVI. **C**Um in Symbolo fidei , vel *Credo* , quod in Missa canitur , à SS. Apostolis digesto , necnon in Sacris Conciliis generalibus explicato , præcipua mysteria , ac nostræ fidei articuli contineantur , æquum non est , aliquod ipsi verbum addi , vel detrahi , sed sicuti in Ecclesia universa , & ubique terrarum canitur , ita nulla ratione auctum , vel imminutum cani debet in hac Ecclesia , & Dioecesi ; quamobrem præcipit Synodus , ut quæ desunt verba , restituantur , atque adeo , ubi de Christo Domino habetur a *Patre natum , ante omnia secula* , addantur illa verba , *Deum de Deo , lumen de lumine , Deum verum de Deo vero* ; ulterius ponantur illa verba : *Consubstantialem Patri* , ac deleantur illa , quæ fuerunt subrogata : *Filius essentie Patris* ; qua ratione fiet , ut Symbolum , quod in hac Dioecesi canitur in Missis solennibus , penitus conformetur cum Symbolo , quod in tota Ecclesia Catholica cani solet .

DECRETUM XII.

XLVII. **Q**Uamquam Sacris Canonibus sit adversum , pueros Christianorum , Ludimagistris paganis in eorum scholis erudiendos tradere ; nihilominus cum hæc Dioecesis tot subiecta sit Regibus Idololatriæ , qui plerumque Præceptores alios , quam paganos non patiuntur ; præcipit , & declarat Synodus , non licere Christianis adolescentibus , eas adire scholas , sive addiscendi causa artem legendi , & scribendi , sive arma tractandi , in quibus Præceptores , vel Panicales (a) , habent Pagodes (b) , & coguntur illuc ingressi Juvenes , juxta consuetum morem , illis Sumbayam (c) exhibere .

(a) *Panicales* sunt Ianistæ , qui arma tractandi artem alios docent .

(b) Id est Idola .

(c) *Sumbaya* fortasse est obsequii , ac venerationis signum , quo ingressi ludum , Juvenes Indi , venerantur . *Paranni* , sive ut alii vocant , *Sa-aspeti* Deam scientiarum ; ac subinde Panicali *Sumbayam* exhibent ; pari enim cultu Malabares , Deos & Præceptorem colunt ; manus nimirum fronti admoveo , quas postea tendunt supplices ,

caput una inclinantes ipsi . Deam illam in rebus dubiis consulant : eamque filiam *Vishnu* asserunt , Deorum præcepti , ab ipsius pectore aut capite natam : ipsam effigunt corpore nudo , cujus dextram lancea , sinistram libro , *Olli* seu palmæ foliis compaginato instrunt , non secus ac Minervam aut Palladem Mythologi . Consule Vinc. Maria S. Cath. lib. 3. cap. 26. *Flag. all'Ind.* De obsequio Magistris & Præceptoribus deferendo , consule Novarini in *Schediasm.*

hibere ; nec eos , quorum curæ commissi sunt , id permittere posse , sub poena incurrendi crimen Idololatriæ. Sicubi vero Ludimagistri , sive Panicales ad ejusmodi Sumbayam , Pagodi exhibendam , Juvenes non cogant Christianorum , vel ad alias Idololatricas ceremonias exercendas , adire posse Adolescentes Christianos scholas hujusmodi ; dummodo tamen nullus existat in Pago Præceptor , vel Panicalis Christianus ; & Parentes , vel alii in quorum custodia fuerint , præmoneant Adolescentes , ut nulli obsequium exhibeant , nisi Præceptori ; nec honoris significationem ullam , ut alii Adolescentes Ethnicorum exhibeant ; quod diligenter caveri debet , ne in illa tenera ætate , simul cum educationis lacte , Idololatriam combibant : plurimum etiam inculcat Synodus cunctis Populis Pagorum , & cujuscumque loci , ut omni diligentia sibi comparent , Præceptorem aliquem , vel Panicalem Christianum , qui Christianorum pueros instruat ; & quod attinet ad imbuendos pueros in arte legendi , vel scribendi , poterunt id præstare Cassanarii suis in domibus . Quodsi constiterit , Præceptorem aliquem , seu Panicalem cogere pueros ad exhibendam Sumbayam Pagodi , præcipit Synodus in virtute sanctæ obedientiæ , & sub poena Excommunicationis ipso facto incurrendæ , cunctis Patribusfamilias , aliisque , qui Juvenes in sua cura habuerint , ut nullo pacto eos dictas sinant scholas adire : si vero contra fecerint , excommunicati declarentur , & cum rigore à Præsulibus puniantur ; & ipsos Juvenes ab ingressu Ecclesiæ arceant ; in quibus plurimum Vicarii , ceterique Sacerdotes invigilent , ne Juvenes Idololatricis moribus , ac ritibus assuecant : si autem in Pago , aut in vicinia , Panicalis extiterit Christianus , omnino prohibet Synodus , fidelium adolescentes , scholas Infidelium frequentare .

D E C R E T U M X I I I.

XLVIII. **Q**Uoniam Synodo constitit , nonnullos Panicales Christianos , in suis habere scholis , Pagodes , & Idola , quibus , ut moris est , exhibeant pueri Infidelium Sumbayam , quod faciunt , ut aliarum scholarum consuetudini se conforment , nec discipulorum frequentia minuatur ; jubet ipsos Panicales , statim ac de hoc ipsis constiterit , sub poena Excommunicationis latæ sententiæ , tales Pagodes & Idola , ipsorumque cultum a suis domibus auferre , nec pueris permittere Ethnicorum , in ipsis , ejusmodi adorationem exhibere ; qui vero contra fecerit , talesque Pagodes habuerit , excommunicati declarentur ; nec aliquo pacto cum Ecclesia ,

na, vel Christianis communicent; nec in casu mortis in loco Sacro sepeliantur, & sepultura careant Ecclesiastica, neque pro ipsis Christi fideles publice orent: hujusmodi vero Decretum per Vicarios Ecclesiarum, ad quas dicti Præceptores pertineant, ipsis innotescat.

DECRETUM XIV.

XLIX. **C**um Fidei candor, libris bonæ sanctæque doctrinæ plurimum conservetur, sicuti ex adverso, suspectæ & hæreticæ doctrinæ libris, quibus corda rudium eos legentium, vel audientium, errores ebibunt, Populi corrumpantur; cumque fuerit Synodo compertum, hanc Dioecesim libris refertam esse Syriacis, Hæreticorum Nestorianorum, aliarumque sectarum diabolicarum, hæresum quamplurium, blasphemiarum, falsaque doctrinæ plenis: præcipit in virtutæ sanctæ obedientiæ, & sub poenæ Excommunicationis ipso facto incurrenda, ut nemo, cujuscumque conditionis, aut qualitatis extiterit, penes se habeat, scribat, vel legat, vel legentes audiat sequentes libros. Videlicet:

L. Librum vocatum *de Infantia Salvatoris* (a) vel *Historia Domina nostra*, olim ab antiquis Sanctis damnatum, cum plurimas blasphemias, multasque fabulas contineat; quas inter ait, Annuntiationem fuisse peractam ab Angelo, in Templo Hierosolymitano, ubi aderat Virgo; contra Lucam dicentem, factam fuisse in Nazareth; sicuti etiam Joseph aliam tunc Conjugem, filiosque habuisse, dum desponsatus fuit Beatæ Virgini; insuper quampluries ab eodem Sancto Puerum Jesum fuisse reprehensum, eo quod non bona ageret, lusibusque pravis, ac odio dignis oblectaretur; insuper puerum Jesum didicisse in scholis Rabbiorum, & ab ipsis fuisse instructum, & alia hujusmodi blasphemia, Christoque indecentissima; cum ex Evangelio constet, ejus sapientiam Judæos fuisse miratos, dum dicebant: *quomodo hic literas scit, cum non didicerit?* Christum fuisse tentatum a Diabolo in deserto, ante quadraginta jejunii dies; contra Evangelistas: Joseph ut exploraret, an virgo admisisset adulterium, eam ad Sacerdotes adduxisse, & juxta morem a lege præscriptum, Virginem, probationis aquam bibisse. Imminente vero partu, Dominam nostram cum doloribus, & anxietatibus peperisse, itaut iis adacta, se in Bethleemiticum præsepe rece-

(a) De hoc libro, alias inscripto; *Evangelium infantie Salvatoris*, vide Calmet. tom. 7. pag. 48. & infra, ubi rursus de hoc

libro sermo instituetur: de quo sicuti de aliis libris Apocryphis, videndus omnino, Albertus Fabricius *De Apocryph. N.T.*

repperit : demum nec ipsam Virginem, aut alium Sanctorum, Deo adhuc in Cœlo gaudere, sed in Paradiso terreno, usque ad diem Judicii : alios præterea quamplurimos errores continet : hic brevitatis gratia omisos ; nonnullos enim, & præcipuos solum, in hoc libro, sicuti in ceteris aliis, indicat Synodus ; ut omnibus clare pateat, quam juste, & utiliter ipsos prohibeat, & sententia Excommunicationis in legentes, vel habentes prædictos libros animadvertat, utque unusquisque illos magis horreat, & vitet, atque comburat ; postremo suppetunt Synodo rationes aliæ, sibi bene visæ, quæ prohibitionem hujusmodi reddunt valde utilem, & necessariam.

LI. Item librum *Joannis Brialdon (a)*, ubi sæpius scribitur, duo in Christo fuisse supposita, divinum scilicet, & humanum, contra veritatem Catholicæ Fidei, agnoscentis in ipso, unum tantum suppositum Divinum : ex quo errore infertur, in eodem libro nomina *Jesu*, & *Emmanuel*, nomina esse suppositi tantum humani ; ideoque venerandum non esse dulcissimum nomen *JESU* : scribitur etiam tres divinas Personas, eadem Incarnationis unione, fuisse incarnatas : Christum Dominum nostrum esse Filium adoptivum, non vero naturalem Dei : Unionem Incarnationis esse accidentalem, & tantum ex amore, inter duo supposita, Divinum, & humanum.

Item librum scriptum *De Processione Spiritus Sancti*, in quo per totum diffuse probatur, Spiritum Sanctum non procedere nisi a solo Patre, non vero a Filio, adversus Catholicam veritatem docentem, a Patre, Filioque procedere.

LII. Item librum, cui titulus : *Margarita Fidei*, ubi multis fallacibus rationibus, ac ineptis argumentis probatur, Beatissimam Virginem, (b) nec esse, neque vocari debere *Matrem Dei*, sed *Matrem*

(a) Ebedsejus Sobfensis in *Catal.lib.Syr.* o. 112. recenset scripta *Joannis Bar-Chaldon* revera Nestoriani, & cujus opera ait Thomas a Jesu *Lib. De Convers. omni. Geni. pag. 354.* damnata fuisse in Synodo Diamperensi : unde putamus ipsam esse, qui in nostro autographo, depravata voce *Brialdon* dicitur. Liber ipsius, de quo hic loquitur Synodus, putat Clariss. Asseman. *Tom. 3. Bibliot. pag. 166.* esse illum, qui inscribitur : *Magnus liber Questionum.*

(b) Cum in Concilio Ephelino anni 431 affecta fuisset contra Nestorium V. Mariæ *Maternitas Dei*, excepti fuerunt illi Patres, a Populo laetis acclamationibus, &

eisdem Jo, prænam canentes cuncti, eos ad proprias ædes cum lampadibus comitati sunt ; qua occasione, agente S. Cyrillo, Salutationi Angelicæ, addita fuere verba illa : *Sancta Maria Mater Dei ora pro nobis &c.* atque Theodosius & Pulcheria ipsius Soror, erigi curarunt, titulo *Matri Dei* augustissimum C. Poli templum in *Blachernis*, aut Suburbio *Ῥαχίνα* dicto (aliqui autem id Leoni Imperatori tribuunt) & Sixtus III. in ejusdem rei monumentum, Arcum erexit triumphalem, qui adhuc hoc tempore visitur, ante aram maximam Sanctæ Mariæ Majoris in Urbe ; Consule eruditissimum Marangonium pluribus lucubra-

Matrem Christi : duplex etiam in Christo distinguendum suppositum; alterum *Verbi*, alterum *Jesu* : Unionem Incarnationis accidentalem esse amoris, & potentiae, non vero substantialem; tres insuper esse Fides, & diversas *credentias*; fidemque esse divisam in tres Confessiones, Nestorianorum, Jacobitarum, & Romanorum; quæ autem Nestorianorum est, ipsam esse veram, atque ab Apostolis traditam: Romanorum vero hæreticam, falsam, atque armorum vi, necnon Decretis Imperatorum, quoad majorem Orbis partem introductam; Idemque esse Nestorium Excommunicationi subicere, ac excommunicare Apostolos, Prophetas, & totam Scripturam: cum qui eorum doctrinam non credit vita æterna privandum: qui Nestorium sequuntur, hanc Apostolorum Fidem accepturos, quam usque in præsens Ecclesia Babylonica Syrorum conservat: Matrimonium non esse Sacramentum, sed nec esse posse: Crucis signum unum esse ex Sacramentis, in Ecclesia à Christo institutis: Inferni ignem metaphoricum esse, & non verum ignem: Ecclesiam Romanam à Fide excidisse, contra quam, illud etiam militare, quod in fermentato non celebrat; cum id Ecclesia ab Apostolis acceperit; & contrarium tamquam hæresim habendum esse.

LIII. Item librum, qui dicitur *Patrum*, in quo habetur, B. Virginem non esse, nec appellari debere Matrem Dei: Patriarcham Babylonicum Nestorianorum, caput esse universalis Ecclesiæ, à Christo institutum: Ignem Inferni non esse verum; sed spirituale: Hæreticum esse dicere, Deum natum fuisse, aut mortuum: in Christo duplex esse suppositum, & non tantum unum.

Item librum *Vitæ Abatis Isaia*, à quodam Nestoriano commentariis aucto, ubi dicitur, unionem fuisse tribus Personis communem; ac S. Cyrillum Alexandrinum, qui Nestorium anathematizavit, esse impium Hæreticum, & in Inferno existere; eo quod unicum in Christo suppositum asseruit; ubi etiam, quoties de Nestorio, Theodoro, ac Diodoro sermo instituitur, iidem Sancti, ac Beati appellantur; & ipsorum testimonio contenditur, Sanctos ante diem Judicii Cælum non adituros, nec Deo gavisuros; damnatos vero morari in Eden loco aliquo tenebroso, apud Paradisum terrenum: insuper quo aliquis nequior est, eo minus à Dæmonibus torquendum fore in Inferno, dum illic erit, ob conformitatem,

tionibus notissimam, in perpolito volumine: *Delle Cose Gentilesche &c* hoc anno 1744. Romæ edito cap. 25. pag. 96. & corrige erratum typum *Balcherms*. At

neque additionem illam *Sancta Maria &c.* tempore Concilii illius Ephesini factam, fuisse sustinemus, sed seculo XV. labente, cum Grancolasio in *Breviar.*

tem, & amicitiam, quæ intercessit dum viveret, & quam inibi adhuc colunt: Verbum factum non fuisse hominem; qui vero id asseruerit, blasphemum fore: Christum vicisse peccati affectiones virtute ab extra adveniente ipsi, quam in se non habebat, cum non esset Deus: Divum Cyrillum Hæreticum fuisse, quia unum tantum in Christo suppositum agnoscebat: duplicem in Christo naturam, Divinam & humanam, amore tantum, adeoque accidentali unione fuisse unitas: Totam Trinitatem incarnatam fuisse: Deum habitasse in Christo, tanquam in rationali Templo, cui virtutem contulit, qua se omni Iustitiæ uniret, non quod eam haberet: Justorum animas in Paradiso existere terreno usque in diem Iudicii, malorum autem, quæ in mortali decedunt, duci ad locum nominatum *Edem*, ubi non alia ratione torquentur, quam consideratione poenarum, quas post Iudicium luent.

LIV. Item librum nominatum *De Synodis*, (a) in quo Epistola reperitur supposita Pontifici Cajo, falsis etiam subscriptionibus plurium Præfulum Occidentalium munita, atque Babylonis nuncupata; in qua fatentur, Ecclesiam Babyloniam nullimode Ecclesiæ Romanæ subjici debere; & tam ipsam, quam ceteras illi subditas, *immediate* à Christo subsistere, quin Romanum teneantur revereri Pontificem: atque alio in loco ait, in Ecclesia Romana existentes, Fidem abjudicasse, ac Apostolorum Canones, armata Imperatorum hæreticorum manu, corrupisse: hæreticos etiam esse, eo quod in fermentato non celebrent, contra inviolatum Ecclesiæ morem, à Christo ejusque Apostolis acceptum: plurimi faciendos esse Episcopos Nestorium sectantes, eorumque adnotationes; quos etiam Sanctos vocat, atque ipsorum Reliquias venerandas: matrimonium non esse Sacramentum, eumque ob conjugum asperitatem dissolvi posse: usuram non esse peccatum, sed rem licitam.

Item librum, qui dicitur (b) *Timothei Patriarchæ*, in quo li-

N

bro

(a) Liber hic inscriptus *de Synodis*, fortasse fuerit, qui a Sobense in *Catal. cap. 191.* recensetur, ubi laudantur Synodi Mar-Itaci, Barfuz, Abz, Ezechielis, Jesujabi, & aliorum: est *de Synodi Orientalibus* avide expetimus opus, quod prælo parat, exactissimus rerum Orientalium scriptor, Joseph Simon Assemanus.

(b) Nestorianos duos insignitos hoc nomine invenimus; nempe Timotheum post Ananjesum secundum, in Patriarcham Syrorum Nestorianorum electum, circa annum Græcorum 1089. Christi 778.; alterum hujus

nominis Patriarcham, susceptum legimus loco Jaballahæ anno Christi 1117.: cum, autem ille inter ea quæ edidit, & videri possunt in *Biblioth. Orient.* Clariss. atque eruditiss. Assemani *tom. 3. pag. 60* nihil de re Sacramentali protulerit, ut fecit Timotheus iste II. qui librum edidit *de Sacramentis Ecclesiæ*, cujus apographum anno 611. exaratum, a Josepho III. Chaldaeorum Patriarcha ad Sac. Congreg. de Propaganda, nuper fuit transmissum; huic potius attribuendus videtur, iste Liber; vehementissime tamen suspicamur, ne error

bro Sanctissimam Eucharistiam nefariis erroribus, ac deliramentis impetunt; idque triplici in capite, impiè asserendo, in illa Christi dumtaxat imaginem, non autem Christi verum Corpus existere.

Item epistolam appellatam (a) *De Dominica*, quam fingunt Cœlo delapsam, in qua Ecclesiæ Romanæ filii, tamquam à vera religione transfugæ, & diei Dominicæ violatores traducuntur.

Item librum, cui titulus (b) *Maclamatas*, ubi longius, pluribusque verbis probare conantur distinctionem suppositorum in Christo, atque unionem solum moralem, & extrinsecam Dei, & Hominis, quem errorem veluti primigenium, aliis falsis ac blasphemis promovent exemplis.

Item librum, qui vocatur (c) *Uguarda*, sive *Rosa*, qui etiam asserit in Christo duplex suppositum, & unionem solum extrinsecam, ac moralem, additque filios Divo Joseph ex alia uxore (d) susceptos, obstetricem advocasse ad Virginem parituram, eamque inter dolores, ac anxietates peperisse, aliaque id genus commenta penitus fabulosa, atque blasphema.

Item librum sic inscriptum *Camiz*, ubi dicitur alium fuisse Filium Dei, sive Verbum Divinum, & alium Virginis Filium, & hanc cum doloribus, & angoribus Filium suum enixam fuisse.

Item epistolam (e) *Marnacai*, quæ tota est in probando, Beatam Virginem non esse Matrem Dei, nec ita a fidelibus vocandam.

Item librum, cui titulus (f) *Memra*, ubi impie docetur, Christum Dominum esse tantummodo Divini Verbi imaginem; Deique substantiam, sive id quod hoc nomine significatur habitare in ipso veluti in templo; deinde Christum, secundum tenere locum post Divinitatem, Deique socium factum fuisse.

Item librum *De Ordinibus*, ubi primo docetur per solam formam absque materia Ordines conferri. Secundo asseruntur formæ commentitiæ, & errorum plenæ. Docetur insuper, nullum haberi Ordinem in Ecclesia præter Diaconatum, & Presbyteratum: Additur (g) Altaria lignea, & non lapidea consecranda esse. Po-

stremo

de Eucharistica figura Christi, ab aliquo e Protestantibus inductus sit, cum Altematum ejusmodi errorem in illo nequitiam comperisse appareat, dum ejus capita & Sectiones percurrit tom. 3. a pag 572.

(a) De hac Epistola vide *Histor. Synod. Diamper. cap. 2. §. 2. in Notis.*

(b) Legendum *Maclamatas Librum Abysmarum.*

(c) Lege *Uarda*, sive *Rosa*.

(d) A Thoma Apostolo quartum, Se-

dem Seleuciensem tenuisse *Abrim* Hobarum, Divi Josephi filium, asserit Mares; alterum etiam filium illi appingit *Jacobum Adelpheum*, Vide Altem. tom. 3. pag. 611.

(e) Legi debet *Mar-Narsai*.

(f) Lege *Memra*, idest *Liber Orationum*, seu *Sermonum*.

(g) Utrumque hoc, ut disciplinæ Ecclesiæ Orientalis firmatum caput, sustinendum esset in Indis Chaldaei ritus.

stremo adjungitur deprecatio quædam, qua absolvi debent ab Anathemate, cui subiacent, qui doctrinam Nestorii infectantur, & rursus conciliari cum Ecclesia, qui ab aliis sectis ad Nestorii partes accedunt.

Item librum *Homiliarum*, ubi legitur Sacram Eucharistiam esse tantum (a) Imaginem Christi, & ab eo distingui, non secus ac imago ab homine vero, nec in illa esse Christi Corpus, quod solum in Cœlo existit. Præterea totam Trinitatem fuisse cum humana natura copulatam, (b) & Christum solum esse Templum Divinitatis, & Deum non reapse, sed specie tantum: ulterius Christi animam non descendisse ab inferos, sed tantummodo ad Edem Paradisum ductam fuisse, nec posse citra errorem contrarium asserti: atque adeo nos in Symbolo errare: nonnullæ etiam habentur in eodem libro Epistolæ Synodorum hæreticarum, docentes Patriarcham Babylonicum subjectum non esse Romano Pontifici. Postremo adjungitur juramenti formula, qua eidem soli Patriarchæ tamquam totius Ecclesiæ capiti, fides, & obedientia promittatur, non vero Romano Pontifici.

Item librum, qui inscribitur: *Expositio Evangeliorum*. In hoc libro passim duo supposita asseruntur in Christo. Insuper asseritur Christum utpote purum hominem, ex necessitate Deum adorare debuisse, nec ab necessitate orandi fuisse immunem; eundem fuisse templum Sanctissimæ Trinitatis: non descendisse post mortem ad inferos; sed in Paradisum asportatum fuisse, eandemque Paradisi sedem. Latroni in Cruce promississe: Præterea impie docetur, Beatam Virginem reprehensione fuisse dignam; eo quod superbe putaret se Matrem magni Regis terreni, atque adeo Christum esse purum hominem, ejusque regnum temporale, quo in errore cum Judæis consentiebat. Additur insuper, Evangelistas non scripsisse omnia, prout vere contigerant, cum ceteroqui plerisque ex rebus gestis, quas narrant; non interfuerint, atque inde ortam esse Evangelistarum dissentionem in iis, quæ posterorum memoriæ tradiderunt: Magos insuper, qui ab Oriente venerunt,

N 2

nul-

(a) Errorem istum de figura Eucharistiæ adscitis, non nativis Nestorianorum deliramentis tribuimus; cum enim veteres Nestoriani, nihil simile asseruerint, non est cur de antiquitate illius Pseudo-Dogmatis, auctoritatem illi conciliare conentur Protestantes cum Crozzo: videbis nostram *Diss.* 4. num. 90.

(b) Totam Trinitatem non fuisse cum humanitate copulatam, sive ut dicitur *In-*

carnatam, copulata natura Divina, illud est mirabile Mysterium, quod varie a Theologis explicatur; præ omnibus placet Augustinus: utrum non fuisset Concil. Ephesino præmortuus! *Ser.* 224. alias 17. ex Sirmondianis *num.* 3. *Deus Christus* (ait) *hoc est quod ille (Pater) non hic est, qui ille; quia ille Pater, hic Filius*: Si ergo hic non est qui ille, potest hic incarnari, non incarnato illo.

nullam mercedem accepisse à Deo, nec in Christum credidisse: Christum vero fuisse Filium Dei adoptivum, nec ulla ratione fieri potuisse, ut esset Filius Dei naturalis, ea ferme ratione, qua impossibile est homines justos fieri naturales Dei Filios: quamobrem illum accepisse per baptismum gratiam, quam antea non habebat, eundemque fuisse tantummodo imaginem Divini Verbi, & Spiritus Sancti Templum: Ulterius Sacram Eucharistiam solum specie tenus, & non revera esse Corpus Christi, quod in illa non existit, sed solum in Coelo ad dexteram Dei Patris. Multa de Christo ipso subnectuntur prorsus fabulosa, & sacrilega: eum nempe utpote purum hominem, quænam futura esset finalis judicii dies, ignorasse: Thomam Apostolum, cum mittens manum in Christi latus dixit (a) *Dominus meus*, & *Deus meus*, non locutum fuisse de Christo, sed in eam (b) exclamationem erupisse admiratione raptum, ut fieri solet, ad aspectum rei mirabilis, & inopinæ: Potestatem à Christo Petro relictam in Ecclesiam nihil omnino differre ab ea, quam Sacerdotibus aliis contulit: Quamobrem Petri Successores non excedere in jurisdictione Episcopos alios: Beatam Virginem non esse Dei Matrem: demum primam Epistolam Divi Joannis, & Epistolam Jacobi non fuisse ab ipsis scriptas, sed ab aliis, qui eodem nomine appellabantur, atque adeo non esse canonicas.

LVII. Item librum (c) *Hormisdæ Raban*, cui nomen Sancti falso tribuitur, in quo libro, Nestorium Sanctum, & Martyrem, ac pro veritate passum fuisse asseveratur: Rursus Divum Cyrillum Nestorii insectatorem, Dæmoniorum fuisse Sacerdotem, & Diaboli ministrum, atque inferni poenis addictum: Imagines venerandas non esse, utpote idola turpia, & immunda, (d) easque Divum Cyrillum hæreticum (ut ipsi calumniose dictitant) adinvenisse, atque introduxisse. Plura in eodem libro narrantur falsa, & commentitia miracula; quæ ab Hormisdæ illo, ut comprobaret veram esse Sectam Nestorii, patrata dicuntur. Recensentur postremo ea,

(a) Joann. cap. 20. v. 28.

(b) Nunc primum, ut notat Calmerus, Dei nomen explicite, Jesu Christo in Evangelio tribuitur; unde Nestoriani validissime confutabantur; cujus vim textus ut eluderet Theodorus Mopsuestensis, istam novitiam excoxit explicacionem, nimirum Thomam non fuisse confesum Divinitatem Christi, sed *Deum* ad Patrem intendisse, exclamans præ miraculi magnitudine: *Heu Domine Deus meus quod nam miraculum!* quæ tamen confixa fuit in Synod. V. cœcumenica Constantinopolitana II. c. 12.

(c) *Raban* idem est ac Migister noster, quo titulo Chaldei Monachos proprie appellant.

(d) Adversarius Synodi nostræ Croxus, cum ingenti plausu excipit novum inventorum Imaginum Cyrillum, cum Elmasino hæretico Jacobita; atque hujus testimonio, & Hormisdæ confisus, rem quasi certam supponit; refragatur tamen illi consensus Patrum, in traditione fundatus, & antiquissima ante Cyrillum *Pastoris* imago. Vide *Epist. Bachin.* & *Cl. Assen. tom. 4. pag. 504.*

mo ea, quæ Catholici in Hormisdam egerunt, ad frangendam illius contumaciam, quæ omnia, injustis persecutionibus, quas ipse in comprobationem veritatis suæ sectæ passus fuit, falso annumerantur.

Item librum *Sortium*, cui adjungitur *annulus*, qui dicitur Salomonis. Liber hujusmodi superstitiones continet dierum faustorum electiones pro matrimoniis ineundis, aliisque rebus bene gerendis, aliaque plura sacrilega, atque ex ethnicorum ritibus petita; quem librum, & alios quoscumque de sortibus, vel de dierum electione tractantes, sub eadem censura Synodus prohibet.

Item librum alium, qui se habet instar libri illius, qui apud Catholicos sic inscribitur: *Flos Sanctorum*: describuntur enim in illo acta aliquorum Nestorianorum, quos Sanctos appellant. Eadem damnatione comprehenduntur libri alii, qui acta alicujus Nestoriani peculiariter narrant, & nominatim ii, in quibus describuntur (a) vitæ Abrahami cognomento *Magni* (1), Georgii Abbatis (2) Cardeg (3), quem Martyrem dicunt; Jacobi Abba (4), Saurixo (5), Johanan (6), Gauri (7), Raban Sabacat (8), Ocama (9), Daniel, Barcaula (10), Raban Nuna (11), Jacob, Rabai (12) Magni, Dadixo (13), Jomarufia (14), Schalita (15), Ihab, Abimelec expositoris (16), Abraham (17), alterius Abraham Natpra-

ya

(a) Longum ac permolestum esset de his sermonem instituere; istorum plures memorat Asseman in Bibliot. tom.3. ubi de Scriptoribus Syris Nestorianis agit: pene impossibile autem, orthographicos castigare defectus, apographi Lusitani, quo usi sumus, quod nomina cognominibus confundit, disjungit, temere interpungit, aut erronee exarat: adeo ut maleficio orthographiæ Lusitanæ Renaudorio teste, ut notat Crozeus, pag.244., nomina ista orientalium, reddita sunt cimmeriis obscuriora tenebris. Ex historia tamen Thomæ Margensis, & ex aliis Nestorianorum documentis, quæ idem Assemanus tom.3. citato producit, præter ea quæ in adnotatione ad Dec.IX. *busus affinis* dedimus supra, sic ista nomina corrigenda censemus, quæ suis cuncta numeris respondent, & cunctis etiam Codex, quo illa castigamus; nimirum:

(1) *Abrahami* cognomento *Magni*: ex Thoma Margen. in *Hist. Monastic. lib.1. cap.4.*

(2) *Georgii Abbatis* Idem *lib.2. cap.12.*

(3) *Cardag.* Idem *lib.5. cap.6.*

(4) *Jacobi Abbatis.* Idem *lib.1. cap.6.*

(5) *Sabarjesu.* Idem *lib.1. cap.14.*

(6) *Johanan.* Idem & *ibidem.*

(7) *Gabrielis.* Idem *lib.2. cap.18.*

(8) *Rabban Sabacat.* Idem *lib.1. cap.14.*

(9) *Uchama.* Idem & *ibidem.*

(10) *Danielis Bar Caula:* Sobensis in *Catalogo cap.105.* apud Asseman *tom.3. pag.174.* ubi dicitur, *Daniel Tobonita.*

(11) *Rabban Jona.* Thom. Margen. *lib. cap.17.*

(12) *Rabban Jacobi.* Idem *lib.1. cap.14.*

(13) *Dadjesu Magni.* Idem *lib.1. cap.5.*

(14) *Marijahi.* Idem *lib.1. cap.19.*

(15) *Scialita.* Sobens. in *Catal. cap.109.* apud Asseman. *tom.3. pag.176.* Est & alius Scialita, quem Nestoriani socium S. Eugenii faciunt, de quo in eodem *tom.3. pag.302.*

(16) *Rabban Abibi Expositoris.* Sobens. in *Catal. cap.112.* apud Assem. *tom.3. pag.177.* de quo & Thomas Margen. *lib.6. cap.8.*

(17) *Abraham.* Sobens. in *Catal. cap.126.* apud Assem. *tom.3. pag.194.* de quo etiam Margens. *lib.3. cap.3.*

va (18), Jobcarder (19), Joannis, Ircasca (20), Nestorii (21), Jaurnam [22], Barcurra (23), Raban Gabarona (24), Schabibi (25), Barcima (26), Titi (27), Raban Saporis (28), Gregorii Metropolitæ (29), Georgii Monachi (30), Xahucalmaran (31), Josephi (32), Nathanaelis (33), Simonis (34) Abbatis Chabita, (35), Zinai Abbatis, Audixo (36), Joannis Crafcaya (57), Barcahade (38), Italaah (39), Joannis Sahadui (40), Aha (41), Xalita (42), Joanacoreta, Xari, alterius Joannis, Eliæ, Joadarmah (43), Annanixo (44), alterius Joannis (45), Barhetta (46), Rabai Simeonis

(18) *Alterius Abraham Netpharaje*. Soben. in Catal. cap. 122. ap. Assem. tom. 3. pag. 191. & Thomas Margen. lib. 2. cap. 17.

(19) *Job Casanei*. Sobens. in Catalo: cap. 107. ap. Assem. tom. 3. pag. 175.

(20) *Joannis Azrak*. sive *Azracb*. Sobens. in Catal. cap. 115. ap. Assem. tom. 3. pag. 182.

(21) *Nestorii*. Soben. in Catal. cap. 20. ap. Assem. tom. 3. pag. 35. Hic est a quo Sectarii ejusdem, dicti sunt Nestoriani.

(22) *Johanan* id est *Joannis* de quo Soben. in Catal. cap. 56. apud Assem. tom. 3. pag. 72. cognomento *Beth. Raban*. Abrahæ, & Narferis facius fuit.

(23) *Bartura* Thomas Margen. *Hist. Monast. lib. 1. cap. 13*. Barturæ cœnobium memorat: & lib. 6. cap. 8. eidem Cœnobio præfuisse Marcum scribit. Vide Assem. tom. 3. pag. 459. 470. 501. & pag. 344. ubi inter Cœnobia exenta numeratur.

(24) *Rabban Gabruna*: *Gabruna* autem idem est ac *Gabriel*: de quo Margen. lib. 6. cap. 1. & seqq.

(25) *Habibi*: de Habibo & Jacobo fratre Monachis Margen. lib. 6. cap. 8.

(26) *Barfauma*: Soben in Catal. cap. 54. ap. Assem. tom. 3. pag. alias *Barfumar*.

(27) *Titi*, Amrus in *Vita Elia III. Patriarchæ*, Assem. tom. 3. pag. 558.

(28) *Rabban Saporis*: Saporis Cœnobium vide tom. 3. Assem. pag. 615.

(29) *Gregorii Metropolitæ*: Margen. lib. 1. *Hist. Monast. cap. 25*. ap. Assem. tom. 3. pag. 441. ubi fuse de Gregorio Metropolitâ Nisibis.

(30) *Georgii Monachi* Idem Margen. lib. 1. cap. 28. ap. Assem. tom. 3. pag. 218.

(31) *Sciucbalmarani*: Idem lib. 2. cap. 34. apud Assem. tom. 3. pag. 479.

(32) *Josephi* Margen. lib. 2. cap. 26. ap.

Assem. tom. 3. pag. 477.

(33) *Nathanaelis*: Idem lib. 2. cap. 20. & Soben. in Catal. cap. 154. apud Assem. tom. 3. pag. 224. & 476.

(34) *Simeonis*: Margen. lib. 5. cap. 12. & Soben. in Catal. cap. 157. apud Assem. tom. 3. pag. 225.

(35) *Abbatis Scialita*: Mares & Amrus in *Vita S. Simeonis*, & Barbasima Episcoporum Seleuciæ, mentionem faciunt Scialitæ & Sociorum Monachorum: vide Assem. tom. 3. pag. 306. Alter *Scialita* idemque recentior extitit Rhelinæ Episcopus, de quo Assem. tom. 3. pag. 176. & 294. is floruit anno Christi 740.

(36) *Zina Abbatis Abdjesu*. Soben. in Catal. cap. 124. ap. Assem. tom. 3. pag. 191.

(37) *Joannis Cascarensis*: vulgo *Abbas Cascarensis*, alius ab Abraham Cascarense de quo Margen. lib. 1. cap. 4. De Abbate vero Cascarense, agit Soben. in Catal. cap. 83.

(38) *Barfabeda*, ejus meminit Jesujabus Adjabenus: vide Assem. tom. 3. pag. 142.

(39) *Aitaliaba*: ejus Cœnobium supra pagum Laghest vide *Hist. Monast. Margen. lib. 6. cap. 1*. ap. Assem. tom. 3. pag. 456.

(40) *Joannis Sabaroe*: Margen. lib. 1. cap. 14. ap. Assem. tom. 3. pag. 469.

(41) *Acha*. Acha & Joannes fratres: Assem. tom. 3. pag. 147. 180.

(42) *Scialita*: Assem. tom. 3. pag. 306. & 176.

(43) *Joannis Carturi*, alterius *Joannis*; *Elie*; *Joannis Adrama*: Margen. lib. 1. cap. 14. ap. Assem. tom. 3. pag. 469.

(44) *Ananjesu*: ibidem nempe pag. 469. Assem.

(45) *Alterius Joannis*: Ibidem.

(46) *Barita*: Assem. tom. 3. pag. 218. 224. 458. 471. 473. & 500.

nis (47), Narfai Naban (48), Raban Theodori, Rabai Doctōris (49), Abda (50), Abolaminer (51), Rabantarfarhar (52), De Cadarvi (53), Juveal Maran, Sergiududa (54), Xuvealmaran, Dadixo, alterius Abraham, & Ezequieldofa (55), Rabai Perca, David Barnutar, Hormisdæ (56), Pition (57), Salamonis Abbatis (58), Raban Machixo (59), alterius Georgii, Muchiqua, alterius (60) Abraham Apnimacan (61), Xaurixo, Ixofauran (62), Josefdec, Raban camixo (63), Bardirtæ Abbatis (64), Abraham Barmaharait, Georgii Raban, Zlivæ Abbatis (65), Guiriaco (66) Rabanbaut (67), Josephi Abbatis, Zaca, Nosbian, Jesus (68) Abbatis, Haronis (69) Bucatixo, Atcan (70), alterius Abrahami, Xonxæ Abbatis, Amanixo Gafraya, Sahedonæ Episcopi (71), Joseph Azaya (72) Isahaha Episcopi (73), Jacob appellati Prophetæ, Ixa-

(47) *Rabban Simeonis* : Affem. tom.3. pag.184. 185. 476. & 477.

(48) *Rabban Narfai* : Affem. tom.3. pag.63. 64. & seqq.

(49) *Rabban Theodori Doctōris* : hic est ille Theodorus Mopstuestenus Nestorii Præceptor : Affem. tom.3. pag.30. & seqq.

(50) *Abda* : Affem. tom.3. pag.368. & seqq.

(51) *Abda* alterius : Affem. tom.3. pag.369. & seqq.

(52) *Rabban Isai* : Margen. lib.1. cap.14. Affem. tom.3. pag.469.

(53) *Codabua* : Rabban Codabua fuit Cœnobii Beth Halensis Archimandrita : Ebedjesus Soben. ap. Affem. tom.3. pag.152. 204. 284.

(54) *Jubal-narani*, Sergii Duda : Soben. in Catal. cap.82. Affem. tom.3. p.154.

(55) *Sciubchalmarani* : Affem. tom.3. pag.204. 474. & 631. *Dadjesu* : alterius Abraham : *Ezechielis* : ibidem.

(56) *Rabban Pharcha* : Davidis Barnutar ; *Hormisdæ* : Affem. tom.3. pag.276. 284. 368. & 553.

(57) *Pitionis* : Affem. tom.3. pag.156. 160. 397. 490. & 506.

(58) *Salamonis Abbatis* Affem. tom.3. pag.186. 459. & 470.

(59) *Rabban Machixa* : Affem. tom.3. pag.549. & seqq.

(60) *Alterius Georgii* : Machixæ alterius : Affem. tom.3. pag.620.

(61) *Abraham Apnimaran* : Affem. tom.3. pag.141. 148. & seqq.

(62) *Sabarjesu*, *Jesufabran* : Affem. tom.3. pag.285. 613.

(63) *Josedece Rabban Chamisii* : Joannes Bar Chamis : Affem. tom.3. p.256. & 566.

(64) *Bardirtæ Abbatis* : Affem. tom.3. pag.187. 501.

(65) *Abraham Barmaharait*.
Rabban Georgii.

Saliba Abbatis : Affem. tom.3. p.140. 218. 473.

(66) *Cyriaci* : Affem. tom.3. pag.487. 489. 490. & 511.

(67) *Rabban Bautha* : Affem. tom.3. pag.439. 488. 557.

(68) *Josephi Abbatis*.

Raban Zacharesu : Affem. tom.3. pag.255. 455. 469.

(69) *Abbas Aaronis* : Affem. tom.3. pag.207. 209. 211. 490.

(70) *Bochtjesu* : *Aikenio* : Affem. tom.3. pag.216. 217.

(71) *Abrahami alterius*.

Sciubchaljesu Abbatis.

Ananjesu Cascarensis.

Sabaduna Episcopi.

Affem. tom.3. pag.81. 107. 115. 142.

453. & 474.

(72) *Josephi Huxaya*, seu *Huxita*, aut *Haxaja* id est videntis idem pag.23. 81. 100. & seqq.

(73) *Isaiæ Episcopi* :) Affem. t.3.

Jacob appellati Prophetæ :) pag.104.

Isaiæ :) & in Indi-

Eunuchi Romani .) ceScriptor.

Job, &) Nestorian.

Malachi : qui omnes sunt heretici &c.

Ixajahu, Eunuchi Ramani, Jobar Malchi, qui omnes sunt hæretici Nestoriani, & perfidi sequaces illius execrabilis sectæ, ut apertè colligitur ex libris, eorum acta continentibus, qui scatent undique multis hæresibus, blasphemis, ac fabulosis, falsisque miraculis, quibus Nestoriani sectæ suæ fidem conciliare frustra conantur.

LVIII. Item librum appellatum *Parisman*, sive *Medicina Persica* veneficiis refertum, & qui plura docet verba ad nocendum inimicis, ad seducendas, alliciendasque feminas, & ad alia turpia, & prohibita; plura insuper nomina Dæmoniorum penitus incognita recenset, promissione adjecta, qua spondetur certò futurum, ut qui ex eorum Dæmonum nominibus saltem septem chartæ inscripta secum tulerit, quæcumque mala, & pericula evadat. Plures etiam continet superstitiosos exorcismos ad ejiciendos Dæmones, aliqua simul verba sacra, aliaque ignotæ significationis, obsecrationesque plures, quin & ipsam invocationem Sanctissimæ Trinitatis, quibus, ut sacrilegè ajunt, sternitur via ad turpia, & pudenda peccata; continet pariter deprecationes plures, in quibus merita Nestorii, ejusque Aseclorum cum meritis Beatæ Virginis promiscue copulantur, & Angelorum Sanctorum merita cum turpium Dæmonum meritis: quod quidem in hac Dioecesi frequentissimum est, & apud omnes fermè Cassanarios ad hanc usque diem usitatissimum. Prædictos libros omnes sub eadem censurâ superius lata Synodus prohibet. Qui verò aliquem ex libris prædictis apud se habere compertum fuerit, ultrâ memoratam censuram, poenis aliis graviter a Præsule punientur.

DECRETUM XV.

LIX. **V**erum non in recensitis tantum libris, flagitiosè Nestorianorum hæreses leguntur; sed quod detestabilius est, in ipsis Breviariis, & sacrarum precum libris adhiberi solitis in Ecclesia: cum enim a Nestorianis editi fuerint; pluribus blasphemis, hæresibus, fabulis, ac narrationibus apocryphis scatent; ita ut in solennitatibus sacris, divinisque officiis, Deum, quem laudare debent, blasphemis, atque conviciis indefinenter afficiant.

Itaque in *Breviario Magno* legitur, Verbum Divinum carnem non assumpsisse, quod ineptissime inferunt ex eo, quod si ita factum fuisset, superflua fuisset obumbratio Spiritus Sancti. In illo eodem Breviario, *Officium in Adventu* est ex omni parte hæreticum, cum in illo passim duo supposita in Christo afferantur, & Christus assidue

duè appelletur Templum dumtaxat Dei : Officium vero in Festo Nativitatis ultra prædictos errores continet solennem Antiphonam, in qua legitur hæc propositio verbis Divi Joannis apertè contradicens ; nimirum *Nec Verbum Caro factum est* . Illud insuper accedit, quod qui dictæ propositioni impiæ, & hæreticæ refragantur, inobedientes appellantur, rebelles, ac tardi corde ad credendum . Quamobrem Officia Adventus, & Nativitatis nihil aliud esse videntur quam nefaria hæresum, & blasphemiarum congeries .

In libro *Precum Jejunii Magni* sæpè numero duo supposita divinum, & humanum ponuntur . Atque etiam divina Officia in cultum, & honorem Nestorii, aliorumque plurium ejusdem Nestorii Assèclarum, pluresque commemorationes de ipso Nestorio sæpius fieri præcipitur . Illud etiam additur, nempe (a) Marndey, Theodorum (b), Deodorum, aliosque hæreticos Nestorianos, Divum Ephrem sectatos fuisse .

LX. In Breviario majori, quod vocant *Hudre*, & *Gaza*, five *Thesaurum recitandi*, sæpissimè in Christo duo supposita asserunt, necnon impie docetur, Christum esse Filii Dei repræsentationem, & Divi Verbi Imaginem, ejusdemque Templum : suppositum divinum illuminasse suppositum humanum : Christum tractu temporis, & paulatim divina gratia, & scientia infusa profecisse : Virginem non generasse, nec in Utero gestasse Deum ; sed Christum ceteris hominibus parem ; atque adeo illam non esse dicendam Matrem Dei, sed Matrem secundi Adam : Trinitatem totam, Humanitatem assumpsisse ; idque edoctos fuisse Hebræos à Sancto Matthæo : Deum factum non fuisse carnem, sed hanc fuisse veluti umbraculum, & quoddam habitaculi genus, quo suam gloriam tegeret : Deum se tantummodo addidisse socium Christo, cum duceretur ad Crucem, nec in Cruce ipsa quidquam fuisse passum ; quippe qui Humanitatem non assumpserat : Verbum Patris fuisse in Humanitatem (c) mutatum, ac per Filium Mariæ genus hominum redemisse : Patrem æternum etiam carnem accepisse eodem pacto, quo Filius : Angelum missum fuisse Nuncium ad Virginem morantem in Templo,

O

non

(a) Legendum fortasse *Mar Adai*, id est Sanctum Adæum .

(b) Lege *Diodorum* .

(c) Quia vix percipi valet, ista naturarum mutatio atque commixtio, sine aliqua unionem, quæ habitaculi modum excedat, duplicem ex Joan. Pincheni *Bib. Orient. tom. 3. pag. 355.* adinvenerunt unionem ; Heterodoxi : unionem nempe commisionis ; ut si Christi nomen atramento & minio

commistis exaretur ? En (ait) corruptio, en confusio, neque atramentum est, neque minium . Altera est unio adhaerentia, si nempe idem nomen atramento exaretur in tharâ minio tinctâ . en venustas, en lux, & atramentum est, & minium . Illam unionem asserunt Jacobitæ, istam vero Nestoriani : unde illa potius in textu exprimitur, ut apparet .

non vero in Domo Nazareth, eamque non sine dolore peperisse non secus ac feminæ, & matres ceteræ: In Eucharistia non existere verum Christi Corpus, pluraque alia prorsus impia, & a recta fide abhorrentia, contra illam adduntur: Nestorium fuisse veracem veritatis præconem. Plures insuper ibidem gratiæ Deo aguntur, eo quod veritatem revelaverit Theodoro, ac Deodoro, Nestorii magistro. Pluribus etiam precibus oratur Deus, ut ab omni malo nos eruat, propter merita Nestorii Martyris, qui passus fuit a filiis iniquitatis, atque erroris, & præsertim Divi Cyrilli invidia, qui fuit (a) iniquitatis magister, necnon ut puniat aliter credentes, dissidentesque a Nestorio, ejusque Affeclis, quorum fides ibidem asseritur fundata super fidem Divi Petri, aliorumque Apostolorum. Beatam insuper Virginem, ejusque Sponsum Divum Joseph eodem in libro venisse fingitur ad Sacerdotes, qui nesciebant unde conceperat: Imagines ulterius idola esse impie docetur, nec venerandas in Ecclesiis, vel privatis fidelium domibus. Adduntur postremo Officia de Nestorio, aliisque ipsius Affeclis, & commemorationes aliorum plurium hæreticorum.

LXI. In libro (b) *Officii Sacerdotum Defunctorum* habetur: in Eucharistia tantummodò Christi virtutem, non autem verum Corpus, & Sanguinem contineri. Quos libros omnes, & breviaria, licet digna sint quæ igni tradantur, cum ultra enumeratos plurimos alios errores contineant; attamen Synodus emendari præcipit, eo quod in hac Diœcesi alii sacri libri non suppetant, quibus Sacerdotes utantur

(a) Nemo pene dixerim, e Sanctis Patribus ita acriter adversariorum obloquutionibus atque calumniis divexatus fuit, uti S. Cyrillus Alexandrinus, Nestorius enim criminabatur, confusus esse a Cyrillo duas Christi naturas, atque hujus anathematismi suos anathematisimos opponebat: Joan. Antiochenus, ut ipse Cyrillus in Apologetico scribit, assererat eum cum impio Apollinario sentire, & execranda impiaque Arii & Eunomii dogmata approbare: omnia denique opera Cyrilli aboleri contendebant orientales: innum & recens scriptor quidam insinulavit Cyrillum quasi factionarium perturbatorem, qui tamen a Parisiensi Archiepiscopo Harlæo, gravi censura repressus fuit, atque ad palinodiam compulsus die 16. Aprilis anni 1693. Ast uti Joannes ille cum suis, fervente disputationis æstu, se illi infensissimum præbuit, ita deservente ardore, ad mutuam amicitiam si-

re rediit. Verum ni fallor occultum fomitem detexit simultatis in *lib. Margaritar. Sobensis part. 3. cap. 4.* nempe quod Nestoriani eum inter suos cum adnumerassent, eo delusi quod Theodorus Mopsuestenus Nestorii Præceptor, atque erroris præcursor, ipsi nuncupaverit Cyrillo, duos in Jobum tomos, ægerime ferebant ab eodem ut transfuga impugnari; adeo ut per contemptum non Cyrillus, sed modo diminutive & nominis, & famæ ab illis *Cyrellulus* appellaretur. Vide Asseman. *tom. 3. Bibliot. pag. 31.* Quin & hoc etiam tempore Marchio de Argens *tom. 1. Epist. Judaicarum*, quæ iis diebus justu Tribunalis S. Officii Romanæ Inquisitionis, præ Foribus Templi S. Mariæ super Minervam manu Carnificis, fuere traditæ flammis, Cyrillum, Cardinale Retz componit.

(b) Croxæus legit: *Antistitum defunctorum*.

tur in celebrandis divinis officiis, donec novi sacrarum precum libri procurentur, & a Romano Pontifice petantur, atque impetrentur. Itaque Synodus præscribit, ut primum errores, & commemorationes de hæreticis deleantur, deinde quæ habentur integra in ipsorum cultum officia, simul cum officiis de Adventu, & Christi Nativitate, a Breviariis revulsa, & in frustra discerpta comburantur. Supplicat insuper Synodus Illustrissimo Metropolita, ut mandato suo in hac secunda, quam parat Dioecesis visitatione, prædictorum omnium executionem urgeat. Demum præcipit in virtute sanctæ obedientiæ cunctis Cassanariis, atque Chamazibus, ut dictos libros proferant, & alios quoslibet, tum quorum usus communis est in Ecclesia, tum qui privatis in domibus sunt in usu; rursus tum pertinentes ad horarias preces, tum ad Missarum celebrationem, eosque Metropolita, in hac quam adornat visitatione, ad eum finem tradant, ut illos omnes, una cum doctis viris, quibus hanc curam commiserit, emendet, juxta emendationes alias ab ipso institutas, & executioni mandatas.

D E C R E T U M X V I.

LXII. **A**D Fidei puritatem conservandam, præcipit etiam Synodus in virtute sanctæ obedientiæ, & sub anathematis poena Cassanariis omnibus, & Chamazibus, aliisque quibuslibet cujuscumque dignitatis, & conditionis in hac Dioecesi, ut intra bimestre a publicatione hujus decreti, ad ipsorum notitiam perlati, omnes, & quoslibet libros syriace scriptos, Illustrissimo Metropolita vel per se ipsos, vel per interpositam personam, tradant eo tempore, quo hujus Dioeceseos Ecclesias visitaverit; vel nisi ipsi, saltem Patri Francisco Roz Societatis Jesu, syriacæ linguæ Professori in Collegio Vaipicote; vel ad minimum ad ipsum Collegium deferant, ut ab erroribus, si quos continuerint, expurgentur; vel si opus fuerit, penitus prohibeantur, exceptis libris, in quibus continentur horariæ preces, quotidie ex lege Ecclesiæ recitandæ: namque ii, juxta formam superius præscriptam, corrigi debent. Sub eodem pariter obedientiæ præcepto, & anathemate præcipit, ut nemo ex hac Dioecesi, cujuscumque conditionis fuerit, librum aliquem syriace transcribere audeat; nisi ad id Præsul facultatem ipsi scripto concefferit, facta expressa mentione libri, ad quem transcribendum facultatem concedit, sacris Bibliis exceptis atque Psalmis. Sede autem vacante, & quamdiu hæc Ecclesia suo Pastore orbata fuerit, has vices committit R. P. Francisco Roz Societatis Jesu, ut-

potè diu versato in horum librorum versione, & linguæ tum chaldaicæ tum syriacæ peritissimo; atque adeo qui optimè callet hujusmodi librorum qualitatem.

DECRETUM XVII.

LXIII. **Q**uoniam doctrina, quæ populo publicis in concionibus insinuat ad fidei, morumque puritatem servandam, augendamque plurimum confert, Synodus, cui compertum est aliquos ex Cassanariis sufficienti scientia destitutos ad Populum verba facere, & non raro errores, atque hæreses publice proferre, plura insuper fabulosa, & commentitia, quæ ex libris hæreticis, & apocryphis, præcipuè ex libro *De Infantia (a) Salvatoris*, aliisque id genus decerpunt, præcipit, ut nullus imposterum conciones, & sermonem ad populum habere audeat: nisi ad id facultatem à suo Præsule habuerit, eamque scripto traditam, præmisso insuper ad eam obtinendam examine de sufficienti doctrina, juxta Concilii Tridentini præscriptum: at quia sedes episcopalis vacat, Illustrissimus Metropolitæ examen hujusmodi committit R. P. Rectori Collegii de Vaipicota Societatis Jesu in hac ipsa Diocesi existentis, qui cum PP. ejusdem Societatis ab eo deputandis, de sufficientia cujuslibet, qui examen subierit, judicium ferat, eidemque literas obsignatas tradat, quibus Præsul de sufficientia, vel insufficientia literas exhibentis certior fiat. Illustrissimus vero Metropolitæ, dum obeundo hanc Diocesim de rerum communium statu cognoscet, viros deputabit idoneos, qui populum, prout necessitas postulaverit, instruant. Omnes autem, qui concionem, & sermonem ad populum habere, absque facultate, a suo Præsule in scriptis habita, ausus fuerit, incurrat ad annum poenam suspensionis ab exercitio ordinum, & ecclesiasticorum emolumentorum perceptione. Liceat tamen Vicariis in propriis Ecclesiis conciones, prout opus fuerit, coram populo habere, eumque salutari doctrina ex Sacra Scriptura, aliis-

(a) Liber *de infantia Salvatoris*, opus est tota antiquitate notissimum, etiam sub titulo *Evangelii infantie Salvatoris*, cujus auctorem crediderunt nonnulli S. Petrum, alii S. Matthæum, alii S. Thomam Apostolum, ut Origenes, Ambrosius, & Hieronymus; Sanctus autem Cyrillus Hierosol. *Catech. 6.* illum Thomæ Maneris discipulo adjudicat. Sane Gelasius, & Theophilus Presbyt. Constantinop. *Lib. de his*

qui ad Ecclesiam accedunt, edito a Meursio, perspicue distinguunt, duo hæc scripta *Evangelium Thomæ*, & *Lib. de infantia*. Adis Calmet. *Dissert. in Evang. apocryphis* num. 8. Extat liber hic sermone Arabico exaratus, in *Bibliot. Palatiæ Medicæ* recens edita, ab Evodio Assemano Archiep. Apameense, in orientali eruditione versatissimo.

aliisque probatis libris deprompta pascere : ad quem finem Synodus vehementer optat , Catechismum Malabarico idiomate conscribi , cujus Catechismi , die quolibet Dominico caput aliquod coram populo publice legatur , cumque non ignoret Synodus , id operis per Illustrissimum Metropolitam inceptum , futurum esse in promptu , tempore primæ visitationis , præcipit , ut postquam fuerit absolutum , atque in lucem editum , Vicarii omnes diebus Dominicis , vel tempore oblationis , vel si ipsis libuerit ante , aut post missam , ex ipso saltem caput unum elata voce , cum populus ibidem conuerit , legant .

DECRETUM XVIII.

LXIV. **C**UM ex ignorantia Sacerdotum hujus Diœceseos , & ex prava doctrina , qua hætenus longo usu legendi hæreticos , & apocryphos libros , sæpius contingat , ut ii errores , & acta fabulosa in colloquiis , & inter concionandum populo incaute proponant ; ne aliquid erroneum , ac falsum animis auditorum infigatur , atque ita fiat , ut sensim vel recta fides corrumpatur , vel saltem morum integritas ; præcipit Synodus , ut si Præsul certo sciat id contigisse , quidquid erroneè dictum fuit , scripto consignetur , & Cassanarius , vel alius quicumque id protulerit , auctoritate superioris cogatur errorem suum reprobare ; quam reprobationem , vel oretenus , vel si consultius fuerit de scripto coram populo recitet , eique sanam doctrinam errori , vel falsitati contrariam exponat . Verùm si id (quod Deus avertat) exequi recusaverit , habeatur tanquam sejunctus per anathematis censuram , a communione fidelium , & juxta sacros canones , ac majorem , vel minorem erroris gravitatem puniatur : quod quidem severius fiat , si id scienter , & dolo malo pronuntiaverit ; sin minus , atque adeo ex ignorantia , vel ex incauta loquendi facilitate , mitius cum ipso agendum erit ; quamobrem satis erit , si moneatur , cogaturque publice improbare , quod incaute protulit ; qua in re , si ut par est , promptè paruerit , non ultrà est progrediendum .

DECRETUM XIX.

LXV. **C**UM Synodo compertum fuerit , nonnulla celebrata esse seditiosa conventicula in hac episcopali sede , post mortem Episcopi Mar-Abrahami , in quibus & publico , & secreto interposito juramento , contra jus & obedientiam Sanctæ Romanæ Eccle-

110 SYNODI DIAMPERITANÆ

Ecclesiæ debitam, aliqui ex Cassanariis, alique plures polliciti sunt unanimiter consentientes, se in rebus, tum quæ ad Religionem, tum quæ ad hujus Ecclesiæ regimen spectant, nihil amplexuros; nisi id ceteri omnes approbaverint, nec recepturos quemquam Episcopum a Sancta Sede Apostolica electum, & renunciatum, nisi ex præscripto Patriarchæ Babylonici; qui quidem est Schismaticus, & hæreticus Nestorianus; rursus alia quædam jurasse, eaque omnia adversus sacros Canones, & obedientiam Sanctissimo Pontifici Romano debitam; Declarat Synodus, juramenta hujusmodi, & alia similia interposita, vel in posterum interponenda, nulla prorsus, & irrita, eaque tam longè abesse ab obligatione ulla inducenda, impediendisque religione animis, ut potius, utpotè temere, & impiè interposita, non nisi pari temeritate, atque impietate impleri valeant. Sententiam præterea pronunciat, qua a Fidelium societate, & communione segregat eos omnes, qui tam flagitiosa juramenta acceptaverint, vel præstiterint: Immò tota Synodus jurat, ac spondet obedientiam quoad omnia, mandatis Papæ, sancteque Sedis Apostolicæ, juxta sacros canones, seque neque nunc, neque posthac unquam accepturam Episcopum ullum, vel alium quempiam Præfulem, qui non mittatur a S. Matre Ecclesia Romana, cujus est, Præsules, & Episcopos cunctis Orbis Ecclesiis præficere; Contra vero se absque ulla mora, & æquo, libentique animo accepturam quemcumque Romanus Pontifex elegerit, eique promptam obedientiam, tamquam legitimo animarum Pastori, non expectato cujuscumque alterius jussu, nec obstante quolibet juramento, impie in contrarium interposito, protinus delaturam.

DECRETUM XX.

I.XVI. **S**ynodus una cum omnibus Sacerdotibus, & Populo fide-
li hujus Diœceseos amplectitur ea, qua par est, vene-
ratione, Concilia omnia generalia ab Ecclesia universa recepta, &
quidquid in eorum Decretis credendum proponitur, credit, &
confitetur. Rejicit insuper, damnat, & anathematizat, quidquid
ab illis fuit rejectum, & anathematizatum. Præsertim obsequenti
animo amplectitur, & recipit Sanctum Concilium Ephesinum (a)
pri-

(a) Non ingrâtam rem putamus lectori
facturos, profereundo quo modo Nestoria-
ni, diversos sentiendi modos de Incarna-
tione Domini in Synodis Ephesina & Chal-

cedonensi, depingant: *Inde factum est* (ait
Ebedjesus Metropolita Sobensis tom. 3. Bibl.
Orient. pag. 325.) *ut Christianorum catius
in tres sectas divisus fuerit. Primam qui-*

A C T I O I I I .

I I I

primum, a ducentis Patribus celebratum, ac firmiter credit quidquid in eo decretum fuit; necnon rejicit, & damnat, quæ in eo damnantur, ac potissimum diabolicam Nestorianorum hæresim, quæ longo tempore in hac Diœcesi promulgata fuit, & recepta. Diris insuper omnibus execratur ejus auctorem Nestorium, & Nestorii Aſſeclas, qui Diabolo suadente duas in Christo personas adstruebant; ex quo tamquam primario errore, consecutarios alios colligebant; & primo quidem Verbum Divinum carnem non assumpsisse; sed eam tantummodo tamquam sui Habitaculum, instar Templi sanctificasse. Secundo nec Deum incarnatum, & mortuum fuisse, nec Beatissimam Virginem Dei Matrem, sed dumtaxat Christi Matrem esse appellandam. Tertio diabolicas alias hæreses prope modum innumeras; quas omnes Synodus damnat, rejicit, & anathematizat, & in omnibus Sanctam Fidem Catholicam amplectitur, ea puritate, animique sinceritate, qua eam tenet, ac profitetur Ecclesia Romana, omnium Ecclesiarum Magistra, cui in omnibus se subjicit, ut supra jurisjurandi religione interposita promisit. Profitetur insuper gloriosum Cyrillum Archiepiscopum, & Patriarcham Alexandrinum, qui à Pontifice Romano in Sancto Concilio Ephesino legatus præfedit, Sanctum esse, Beatum, Deoque in Cœlo gaudere; ejusque doctrinam adversus Nestorianos in eo Concilio approbatam, Sanctam esse, atque universaliter ab Ecclesia Catholica receptam; Fatetur demum ipsam impugnantes hæreticos esse, & anathemati subiectos.

D E C R E T U M X X I .

LXVII. **A**dmittit etiam Synodus una cum omnibus Sacerdotibus, & Populo fideli hujus Diœceseos, Sacrosanctum Concilium Tridentinum, ultimum ex Œcumenicis, in Ecclesia Dei cele-

dem unam naturam & unam personam in Christo consistit; quam Copti & Aegyptii, atque Aethiopes ex traditione Cyrilli sui Patriarchæ tenent: Altera qua duas naturas & unam personam asserit, Melchitarum dicitur, quippe ab Imperatore vi (immo fide vera cogente) stabilita est; & hanc susceperunt Romani, qui Franci appellantur, & Constantinopolitani Græci, & omnes populi boreales, Rutheni scilicet, Alani, Circassi, Abani Georgiani, & reliqui ipsi finitimi. Franci vero ab illis discedunt in eo, quod Spiritum Sanctum a Pa-

tre Filioque procedere dicunt & azyma ad sacrificium usurpant. Et gemina quidem prædictæ sectæ illam vocem Deipara susceperunt. Tertia autem secta, quæ duas naturas & duas personas in Christo consistit, Nestorianorum appellatur: qui ita per injuriam & immerito nuncupati sunt: etenim Nestorius eos (antiquos) sequutus est, non ipsi Nestorium. Plura hic lectori observanda erunt, circa Historiam sectarum. Porro Sobensis floruit anno Christi 1285. qui ad Metropolim Sobæ seu Nisibis evectus est anno 1290.

celebratis : cæterum non solum credit , & confitetur , quæ in illo decreta , & approbata fuere , ac rejicit , & anathematizat , ab illo rejecta , & condemnata , verum etiam cuncta de reformatione Ecclesiæ , & Populi Christiani in eo Concilio statuta , amplectitur , eaque omnia servare , & custodire spondet , & jurat , ea ratione , qua servantur , & custodiuntur in aliis Ecclesiæ Catholicæ Diocesi- bus , & in iis ipsis propinquieribus , quæ subiectæ sunt Episcopis provincialibus , & suffraganeis Goensis Metropolitæ : Quapropter quasque malas consuetudines dicti Concilii decretis contrarias , omnino tollendas decernit ; neque in posterum permittet unquam , ut aliter quam juxta reformationem morum , & Ecclesiæ Regimen a Concilio Tridentino præscriptum populi fideles , & catholici gubernentur , non obstante quacumque in contrarium consuetudine , etiam immemorabili præsentis Dioceseos .

DECRETUM XXII.

LXVIII. **V**enerabundo , atque obsequenti animo , una cum omnibus Sacerdotibus , ac fidei Populo hujus Dioceseos se subicit hæc Synodus Sancto , integro , justo , & necessario Inquisitionis (a) Sancti Officii Tribunali , in his partibus existenti ; quippè probe nescit , quantum ex illo integritas , puritasque Fidei dependeat : unde jurat , ac spondet ipsius mandatis , in rebus Fidei obedire , ut sit in aliis hujus Provinciæ sedibus Episcopalibus : vult insuper circa res fidei a laudato Tribunali , vel ab ipsius Commissariis , ut cæteri fideles , judicari ; licet hoc Sacrosanctum Tribunal in hac Diocesi , ob hujus Ecclesiæ distantiam ab aliis , Sanctæ Sedi Apostolicæ , & Ecclesiæ Romanæ subiectis , nec non ob defectum communicationis cum illis , id hætenus non præstiterit : Supplicat

(a) Inquisitorum munus , atque nomen , a primis Ecclesiæ seculis reperenda sunt ; adeo ut vel ipse Petrus Giannone *Histor. Neapol. lib. 15. cap. ult.* homo alias in hoc Sanctum Officium non admodum officiosus , immo hostis infensus agnoscat cum Gortofredo in *l. Quisquis 9. C. Th. de Hæret.* eorum institutionem primam , a Theodosio Magno profluxisse , quod postea emulati sunt Imp. Arcadius & Honorius : primordia vero specialis *Tribunalis* S. Officii ad tempora revocat Innoc. III. tam etsi asserat , Inquisitoris Generalis munus , tempore Innoc. III. S. Dominico Hispano ex Civitate *Calagoræ* , collatum fuisse : in quo casti-

gandus est chorographicus palmaris error laudati auctoris , qui suapte indole ac ingenio quoscunque sequitur errantes ; Dominicus enim natus est *Calagoræ* , Hispanice *Calernæga* , non vero *Calagurri* , aut *Calagoræ* , ut ipse post Tarapham & alios scripsit : de quo vide pietate ac eruditione conspicuum P. Antonin. Bremondum *De Guzmanis stirpe S. Dom. cap. 1. Roma. dit. a. 1740.* legitur Inquisitoribus opportuna exhibere documenta anno 1235. Concil. Narbonen. *Capitulis* 29. & Biterren. *an. 1246.* alia dedit monita ipsis 37. *Capitulis* comprehensa , quæ legisse nullum Inquisitorum pigebit .

plicat etiam Dominis Inquisitoribus, ut velint, ne opportunum remedium animabus desit, Commissarios suos instituere in hac Diocesi viros aliquos doctos; vel etiam Patres Societatis Collegii de Vaipicota, & aliarum Residentiarum eorumdem Religiosorum, qui possint, ut opus fuerit, absolvere à casibus eidem Sacro Tribunali reservatis, limitationibus, ac restrictionibus adjectis, quas ipsi opportunas judicaverint. Ratio sic supplicandi est difficultas confugiendi ad Goense Tribunal, quam patiuntur Montium Incolæ; tanto magis quod sæpè sæpius casus contingunt urgentes, eo quod inter Ethnicos degunt, suntque ipsis commixti, unde oritur, ut ex eorum commercio pluries, etiam in iis, quæ ad Religionem pertinent, infcii, & rudes homines delinquant.

D E C R E T U M XXII.

LXIX. **C**UM in rebus fidei, maximam oporteat puritatem servare, nec non plurimum vigilandum sit, ne Populum corrumpan doctrinæ falsæ, & peregrinæ; præcipit Synodus omnibus huic Sedi Episcopali subjectis, cujuscumque qualitatibus, & conditionis, ut ubi ipsis constiterit, quemquam credere, facere, vel promovere, verbo, vel scripto aliquid contrarium Fidei catholicæ, vel hujus rei esse auxiliatorem, aut fautorem, majori quâ possit celeritate, & secreto, id Præsuli deferat; quod si huic non valeat, Vicariis Ecclesiarum id aperiat, aliisque fidelibus viris, qui de hoc per literas quamprimum rationem reddant, ut juxta causæ necessitatem provideatur: præcipit etiam in virtute sanctæ obedientiæ ipsis Vicariis, ceterisque, quibus ejusmodi res delatæ fuerint, ut eas cito citius denuntient.



ACTIO IV.

De Sacramentis Baptismi, & Confirmationis.

Doctrina de Sacramentis in genere.

LXX. **N**Ovæ legis Sacramenta, per Jesum Christum Dei Filium, Redemptorem, (a) ac Salvatorem nostrum, in sua Ecclesia ad medelam, & salutem hominum instituta, quibus suæ sacræ passionis, & mortis infinita merita in animarum nostrarum fructum impenduntur; per quæ etiam omnis vera justitia incipit, coepta augetur, & amissa recuperatur, sunt septem: videlicet Baptismus, Confirmatio, Eucharistia, Poenitentia, Extrema Unctio, Ordo, Matrimonium; quæ quidem a veteris legis Sacramentis plurimum differunt; illa enim gratiam non conferebant, sed eam, quæ per Christi passionem, conferenda erat, præfigurabant: nostra verò Sacramenta & gratiam in se continent, & ipsam dignè illa recipientibus conferunt. Quorum priora quinque ad bonum spirituale cujuscumque proprium spectant: posteriora duo ad Ecclesiæ regimen, augendumque Fidelium numerum. Per Baptismum ergo Deo spiritualiter renascimur; per Confirmationem gratia crescimus, ac in fide roboramur: renati autem, & roborati, divino Eucharistiæ, & Sacramenti Altaris emutrimur pabulo: quod si ex peccato, animæ contrahimus ægritudinem, per Poenitentiam spiritualiter sanamur; per extremam denique Unctionem salutem animæ, & corporis, si ita expediat, obtinemus. Deinde Sacramento Ordinis Ecclesia regitur, ac spiritualiter multiplicatur; Matrimonio demùm corporaliter augetur. Omnia isthæc

(a) Septenarium Sacramentorum numerum agnoscunt Nestoriani: at mirum quantum in iis recentendis differant. Ebedjesus Sobæ lib. *Margar. par. 4. cap. 1.* ponit 1. *Sacerdotium*. 2. *Baptisma*. 3. *Oleum unctionis*. 4. *Oblationem corporis & sanguinis Christi*. 5. *Remissionem peccatorum*. 6. *Sacrum fermentum* (quid illud sit, dum de Eucharistia ageretur explicabimus) 7. *Signum Crucis*. Timotheus II. lib. *de Sacram.* inter Sacramenta censet *Consecrationem Ec-*

clesiæ & Altaris, Benedictionem Monachorum, & Officium pro defunctis, & ad calcem libri meminit de *Indulgentia* seu *Pœnitentia*; Christiani Divi Thomæ, Sacramenta tantum Baptismi Eucharistiæ & Ordinis colebant; alit id ex ignoratione Casanariorum recentiorum proveniebat: evincitur enim ex antiquis Ecclesiæ Malabarensis Ritualibus, septem eos Sacramenta cum Ecclesiæ Catholica agnovisse: videbis infra *Disert. 4. num. 88.*

isthæc Sacramenta tribus perficiuntur: Rebus ut materia; verbis tanquam forma; & Ministro, qui Sacramenta peragat, cum intentione faciendi quod facit Ecclesia: Ex quibus si vel unum deficiat, non perficitur Sacramentum: omnes verò ceremoniæ, ac approbati ritus, quibus in ipsorum administratione utitur Sancta Mater Ecclesia, Sancti sunt; neque contemni, omitti, vel in alios mutari valent; licet ad integritatem, & essentiam Sacramenti non pertineant; absque gravissimo peccato. Tria etiam ex ipsis, spirituale quoddam signaculum animæ imprimunt, omnino indelebile, ab aliis distinctum, quod appellatur character, atque idcirco à nullo iterari possunt; & sunt Baptismus, Confirmatio, & Ordo: quattuor alia, nimirum Pœnitentia, Eucharistia, Extrema Unctio, & Matrimonium, hujusmodi signum minimè imprimunt, unde debito modo reiterari valent. Etsi tamen omnia septem Sacramenta sint divina, & gratiam in se contineant, & digne accedentibus eam conferant, atque omni veneratione digna sint, & cultu, tum quia id exigit Authoris excellentia, qui est Jesus Christus Filius Dei, necnon assistentia Spiritus Sancti, qui in illis operatur, tum etiam ob virtutem, quæ illis inest, ad sanandas animas, & quia in ipsis depositus est thesaurus passionis Christi, quæ per ipsa nobis communicatur: nihilominus id non officit quominus alia aliis digniora habeantur, ampliorique veneratione, cultu, ac reverentia pertractari debeant. Hæc Jesus Christus, antè suam in Cœlum Ascensionem instituit, quo per ea suis fidelibus gratiam, ac cetera bona, quæ nobis passionis suæ, & morte acquisivit, communicaret: ipsa suo verbo firmavit, ac promissionibus, ut nos redderet securos de suimet, suæque passionis fructus communicatione: dummodò ipsis, legitimè, ac præmissa debita præparatione, juxta uniuscujusque Sacramenti modum, & Christi institutionem uteremur.

DOCTRINA.

De Sancto Sacramento Baptismi.

LXXI. **P**rimum inter alia Sacramenta locum obtinet Baptismus: est enim spiritalis vitæ janua; ac per ipsum aliorum Sacramentorum capaces reddimur, ad quæ sine illo inepti essemus; etenim sicuti nequit homo, antequam sit natus bonis gaudere vitæ naturalis: ita neque bonis spiritalibus supernaturalis vitæ, priusquam per Baptismum sit ad illam renatus, & per
P 2
illam

illam membra Christi simus, atque Christianæ Reipublicæ, necnon Ecclesiæ corpori mystico copulemur. Et quia (a) *per primum hominem mors pertransit* in alios homines, ob peccatum inobedientiæ; quod ipse, & nos in ipso commisimus, ac propterea a Regno Cœlorum excludimur, & nascimur filii iræ, atque a Deo separati, si denuo non (b) *renascimur ex aqua, & Spiritu Sancto, non possumus introire in Regnum Dei*, prout ipsa veritas Christus, nos docuit. Itaque nascimur ex utero Matris filii iræ, & per Baptismum renascimur filii gratiæ: nascimur in peccato hominum filii, at in Baptismate nascimur filii Dei, quia Christo inferimur, juxta Paulum dicentem, (a) *quicumque baptizati estis in Christo, Christum induistis*. Sacramenti istius materia est aqua, vera, naturalis & communis, Maris scilicet, fluminum, fontium, lacuum, & pluviae, & nulla alia, quantumlibet munda, & pura, cum reliquæ sint potius liquores, quam naturalis aqua. Forma est hæc: *Ego te (b) baptizo, in nomine Patris, & Filii, & Spiritus Sancti*. Minister ordinarius est Sacerdos, ad cujus munus pertinet baptismum conferre; ceterum in casu necessitatis quilibet, vel Sacerdos, vel Diaconus; immò etiam laicus, aut etiam femina: Ethnicus insuper, Turca, Hæreticus, vel Judæus, demum hominum quicumque baptizare potest, servata tamen Ecclesiæ Forma, cum intentione faciendi, quod ipsa facit, cum etenim nullus salutem assequi valeat, non baptizatus, eadem causâ, qua Christus hujus Sacramenti materiam, aquam esse voluit, qua nihil communius, voluit etiam omnes, nullo excluso, hujus Sacramenti Ministros esse. Hujus Sacramenti vis, & effectus, venia est, & remissio omnium peccatorum, tam Originalis, quam actualis ante Baptismum commissi, totiusque reatus poenæ per ipsum contracti;

(a) Paul. Ep. ad Rom. cap. 5. v. 12.

(b) Evang. Joan. cap. 3. v. 5.

(a) Paul. Ep. ad Galat. cap. 3. v. 27.

(b) Cum Baptisma nihil aliud significet nisi ablutionem, septem Baptismatis seu ablutionum species enumerant Orientales cum Ebedjesu: ibi. *Margarit. Par. 4. cap. 1. minime* 1. Baptisma commune. 2. legale. 3. Baptisma ex traditione seniorum, dum sacra vasa abluuntur, calices &c. 4. Baptisma Joannis. 5. Baptisma Christi. 6. Baptismus sanguinis ex illo Christi *Baptismus h. b. c. quo baptizet, & multum coarctet, donec perficiatur*. 7. denique Baptisma lacrymarum. Ex iis videre licet antiquam traditionem Ecclesiæ de tribus Baptismi spe-

ciebus fluminis, sanguinis & flaminis: ne omnia Acatholici vanis Scholasticorum insomniis tribuant. Tinotheus vero II. *Lib. de Sacram. cap. 3. sect. 4. de modis Bapt. octonarium celebrat numerum*; nam ab eo recensetur 1. *Baptismus Diluvii*. 2. *Baptismus in mari & in nube*. 3. *Baptismus legalis per Moysen*. 4. *Baptismus Joannis per aquas tantum nimirum poenitentiae*. 5. *Baptismus Domini nostri, qui est adoptionis filiorum per a. uam, & Spiritum*. 6. *Bapt. Matrimonii*. 7. *Lacrymarum*. 8. *Baptismus alter per quam difficilis, quo baptizantur per ignem*. Et fortitan isto intelligebat baptismate, purgatorium ignem.

tracti: quapropter nulla debet baptizatis poenitentia imponi, pro peccatis ante baptismum commissis: immò si Baptismate suscepto, absque novo crimine moriantur, salutem assequuntur, ac Dei visione in æternum fruuntur.

D E C R E T U M I.

LXXII. **C**UMprehenderit Synodus, varias in hac Dioecesi fuisse indutas formulas abluendi Sacro Fonte à Præsulibus Schismaticis, aut ab Hominibus rudibus, & indoctis, earumque formularum plures irritas esse, ac nullius efficaciam in Sacramento perficiendo, ut diligenti examine illis discussis, Illustrissimus Metropolitanus judicavit: alias verò incertas, ac dubias, plurimum commendat Fidelibus omnibus christianis hujus Dioeceseos, immò etiam præcipit, in virtute Spiritus Sancti, ut Illustrissimo Metropolita, Dioecesim quamprimum obituro, vel alijs ab ipso deputandis, sincere exponant cuncti tempus, quo fuere sacro Fonte abluti, ut facta collatione temporum, dignosci possit, an verbis ratis, ac data à Christo forma abluti fuerint, an secus. Quod si secus, possint opportuna adhiberi remedia, quibuseorum spiritali saluti consulatur, prout Illustrissimus Dominus decreverit, cui omnes obedire teneantur, & quidquid jusserit executioni mandare.

D E C R E T U M II.

LXXIII. **Q**uoniam post diligentem disquisitionem, à Reverendissimo Metropolitano peractam, in Ecclesiarum hujus Dioeceseos nupera visitatione circa modum ad ministrandi Sacramenta, alicubi compertæ sunt aliquæ dissidentæ formæ in Baptisteriis scriptæ. Compertum est etiam plures Cassanarios Sacramentum Baptismi conferre per hanc formam. (a) *Baptizatus est, & perfectus est, N. in nomine Patris, Amen; in nomine Filii, Amen: in nomine Spiritus Sancti, Amen.* Alibi verò in usu esse Græcorum formam cum hac additione *in nomine, & Amen*

(a) Ista non erat reverà (uti putabant PP. Diamperitani) baptismi forma, ab illis Cassanariis usurpata, sed proclamatio illius, jam celebrati, quod perspicue constat ex ordine Baptismi Chaldaeorum Cod.

Syr. Vatic. 16. & habetur tom. 4. Bibl. orient. pag. 241. Si vero Ritualis verba perpendantur, formam potius confirmationis ea exhibent.

118 SYNODI DIAMPERITANÆ

Amen; dicendo: (a) *Baptizetur servus Christi, in nomine Patris Amen: in nomine Filii Amen: in nomine Spiritus Sancti Amen*: jubet Synodus in virtute Sanctæ Obedientiæ, & sub anathematis poena ipso facto incurrenda, ut nullus his, aliisve formis uti audeat, sed eam tantum abhibeat, quam approbat, & adhibet Sancta Ecclesia Romana; nimirum: *Ego te baptizo in nomine Patris, & Filii, & Spiritus Sancti*; utque aliæ quæcumque à Baptisteriis, & libris, in quibus scriptæ inveniuntur, deleantur, penitusque obliterentur, quarum loco hæc sola scribatur.

DECRETUM III.

LXXIV. **Q**Uum ad Synodi notitiam pervenerit, quamplures ex hac Dioecesi Silvicolas, præsertim longè ab Ecclesiis distantes, sacro fonte ablutos non esse, interim tamen se christianos reputare, eo quod ex iis originem trahant: immò ad Ecclesias accedere ad participandum de Sacramentis aliis: causam verò cur à Baptismo suscipiendo abstineant duplicem esse: erubescerentiam nimirum, & paupertatem: ipsos enim verò pudet fateri se non esse baptizatos: piget etiam solvere pretium illud, quod antehac simoniace exigebatur: præcipit Synodus Ecclesiarum Vicariis, ut singuli in Paroeciæ suæ territorio, diligenti examine, ultra id quod, cum Dioecesi obiret, ab Illustrissimo Metropolitano institutum fuit, & in ea, quam parat nova visitatione propediem instituetur, accuratè perscrutentur, an aliquis in Silvis, quas plures incolunt, Sacro Fonte non ablutus inveniatur, insuper diebus festis, quo tempore Silvicolæ in Ecclesiis conveniunt, omnes de hac re in communi admoneant. Quod si eorum aliquis non sit ablutus, vel de suo Baptismo prudenter dubitet, ei secreto necessitatem suscipiendi baptismum denuntient, eidemque baptismum

(a) In Rituali nuper laudato Syriaco ponitur hæc forma, at in præsentis indicativi modi: *baptizatur*. Anno 1630. deputata fuit Romæ congregatio Theologorum super validitate Baptismi Chaldeorum, qui utebantur verbo *Eamad* pro masculis & *Eemadad* pro feminis id est *Baptizatus* aut *baptizata est talis in nomine Patris &c.* forma de præterito; quamquam ex actione baptizandi ad significandam de præsentis contraheretur, ut aliqui contendebant: decrevit tamen Congregatio quod ad tollendam omnem erroris occasionem in Sacramento adeo necessario, uterentur in posterum Chaldaei,

vel verbo præsentis indicativi, aut imperativi; si vero vellent uti verbo indifferenti ad præteritum & præsens, illud usurparent in significatione de præsentis. Recentiores autem Chaldaei turius duxerunt, verbo uti de præsentis: *Ego te baptizo servus Christi talis &c.* alii etiam Syriacam & Græcam formam usurparunt dicentes: *Baptizatur talis &c.* quæ quidem usitata est Græcorum forma, quidquid dicant aliqui Scholastici, de quo vide inter alios Anonymum de Re Sacramentaria; & nostrum Berti in perpurcato & eximio opere de Theol. Discipl. lib. 3. cap. 8. prop. 2.

num secreto conferant, doceantque nihil solvendum esse, juxta id quod Synodus alibi constituit, ac declaravit: palam etiam insinuent non baptizatis, non esse christianos, nec æternam posse adipisci (a) salutem, nec Sanctorum Sacramentorum participes futuros, nisi prius per Baptismum fuerint inter christianos cooptati: eandem insuper veritatem sæpe sæpius inculcent Concionatores: Deputati etiam ad confessiones excipiendas rudes istos Silvicolas interrogent; an Baptismi Sacramentum susceperint: si verò occurrat de illius susceptione prudens dubium, eos secreto abluere possunt, ad quod facultatem Synodus impertitur Sacerdotibus quibuslibet tum hujus, tum alterius Dioeceseos. Siquem ergo repererint ex rudibus hisce hominibus, sacro fonte non ablutum, ubique locorum eum possunt abluere.

D E C R E T U M I V.

LXXV. **C**UM Synodo certa scientia compertum sit, aliqua esse in hac Dioecesi loca exigua, ubi incolæ, & propter Præsulum, ac Sacerdotum negligentiam, & quia loca hujusmodi longo intervallo ab Ecclesiis distant, nondum sunt initiati baptismo, & Christianorum vix aliquid præter nomen habent, quamvis Christiani Divi Thomæ communi nomine appellentur, & ab eorum stirpe descendant, præcipit in hanc rem diligenter inquiri, quam curam primo Reverendissimo Metropolita committit, deinde Ecclesiarum Vicariis. Excurrant ergo hi, loca omnia suis Paroeciis adjacentia, & incolas inducant ad suscipiendum baptismum, Ecclesias insuper ædificari curent in Pagis hujusmodi, vel saltem in locis finitimis: Vicarios etiam ibi constituent, à quibus rudes in rebus ad Religionem pertinentibus instruantur: ità ut nullus in posterum pagus relinquatur, cujus incolæ baptismi sint expertes, & Ecclesia, ac Vicario careant. Quod si aliter fieri nequeat, pagos prædictos alteri Territorio adnectant, cujus Vicarius Sacramenta illorum incolis administret.

DE-

(a) Nestoriani negant peccatum originale; infantes vero & potissimum ex Parentibus Christianis progenitos asserunt nulla labe teneri; ista hæresis Pelagianorum, a Theodoro Mopsuesteno pariter propugnata est; unde Nestorius istius discipulus eam arripere potuit; attamen secum pugnantes (qui heterodoxorum est character) iidem docent, omnes etiam parvulos; & Christia-

nis natos, baptismo indigere; quia ex peccato primi Parentis, nati sunt filii iræ & servi peccati; adeo ut si infans morti proximus aquis baptizari non possit, eum oleo catechumenorum signent; quod loco aquæ, assumere ad baptizandum possunt & debent, ex Timoth. II. Patriarc. & Georgio Arbelensi de Baptif. quasit. 20.

DECRETUM V.

LXXVI. **Q**UIA plurimum negligunt Christiani hujus Diœceseos, suos parvulos, intra (a) octo dies ab ipsorum ortu, juxta Ecclesiæ morem, baptizandos adducere; præsertim pagorum incolæ, quorum plerumque Infantes (b) post menses plures, immo aliquando etiam post plures annos baptizantur, Synodus severissimè jubet, baptizari omnes intra octiduum à nativitate, ut mos est universalis Ecclesiæ: quod si periculum mortis instet, vel prævideatur impedimentum, per quod baptismus, ultra quam par est, differri debeat, jubet baptizari vel nulla mora interposita, vel statim ac baptismi opportunitas se obtulerit. Qui verò in Silvis, & longe ab Ecclesiis degunt, si infantes suos intra octiduum asportare nequiverint, terminum tamen quindecim, aut viginti dierum non prætergrediantur; si qui autem negligentes fuerint, graviter puniantur; quod si eorum tanta sit negligentia, ut suos filios, vel parvulos sibi commissos, etiam captivitate acquisitos, ultra mensem, ad baptismum non duxerint, ab Ecclesia separentur, nec Sacerdotes domos ipsorum ingrediantur, nec ipsi Casturim exhibeant, donec eos ad Baptismatis fontem perduxerint; ceterum dum probabiliter timetur parvulo, mortis discrimen ex longinquitate itineris, ipsius Pater, vel ejus curam gerens, Vicarium propriæ Ecclesiæ certiores reddat, ut ipsi salutare conferat remedium, nec periclitanti Pueri Baptismi beneficium retardetur: jubet insuper Synodus Vicariis, quamprimum eo loci per se, vel per Sacerdotem, diligenter accedere, cum id ad ipsorum munus quam maxime pertineat.

DE-

(a) Perperam ait Crozzus octiduum, istud ritum esse Judaicum Lustrationum. Vide infra, *Vindicias Synodi*, num. 86.

(b) Nec recens nec Malabaricæ regionis propria putanda est ista consuetudo, aut abusus protrahendi baptismi tempus; is enim fuit Babyloniorum mos, adeoque vetus, ut a seculo 8. aut sequenti repetendus sit. Etenim cum apud Nestorianos ea viguerit disciplina, ut si eorum filii absque Baptismo decederent, in poenam admittæ incurtæ quinquaginta dierum continentia in ipsos animadverterent, rogatus super hoc Georgius Arbæ Metropolitæ, quare id

observandum esset, cum nullo Canone, aut SS. Patrum præscripto id constaret; ita respondit lib. de Sacram. Quæst. 21. Respondet, antiquis temporibus filios suos per annum, duos tresve relinquebant parentes, & maxime montium pagorumque incolæ, ac præsertim in locis, ubi neque Ecclesiæ, neque Presbyteri erant eorumque Baptismum negligebant: ut sine illo decederent; ideo decretum fuit ut parentes continentiam observarent &c. Nec dissimilis est casus nostræ Synodi. Florebat autem Arbelenis anno Christi 945.

DECRETUM VI.

LXXVII. **I**mprobat Synodus pravam consuetudinem, quæ usque in præsens in hac invaluit Dioecesi, non baptizandi parvulos ex Parentibus excommunicatis natos, ne baptismum conferentes cum illis communicarent, undè non raro factum est, ut pueri per plures annos baptismo caruerint, nec salutari hoc remedio ipsi consultum fuerit, ne in ipso quidem mortis periculo: qua de causa Synodus contrarium decernendo præcipit, ut hujusmodi excommunicatorum filii, vel alii apud ipsos nati, non secus, nec alio tempore, quam ceteri, baptizentur: declarando ulterius, nullam incurrere censuram, aut poenam, qui tales parvulos asportaturi eorum domos ingrediuntur, eosve conducunt, levant, vel de Ecclesia reducunt; ceterum hæc agentes, non se associent excommunicatis, neque ipsorum conviviiis, vel celebratibus, etiam ob hunc finem institutis, in eorum domibus intersint, quod planè ipsis non licet.

DECRETUM VII.

LXXVIII. **H**ortatur, atque commonefacit Synodus, Patres, & Matres, & alios quoscumque, qui seminarum partui interfuerint, ut maximam curam, ac diligentiam adhibeant, ne parvuli sine baptismo moriantur: unde si ipsos viribus destitutos, aut vita periclitari compererint, illico, si fas sit, Vicarium, aut etiam quemlibet alium Sacerdotem, eo absente, quærant, & arcestant, ut eos baptizet: Quod si tale fuerit vitæ discrimen, ut ne brevem quidem moram patiatur, tunc cuique ex(a) Astantibus eum baptizare liceat, servata Ecclesiæ forma, atque adeo capiti ipsius aquam fundendo, atque uno, eodemque tempore proferendo hæc verba: *ego te baptizo in nomine Patris, & Filii, & Spiritus Sancti. Amen*: Servari tamen hic ordo debet, ut Ecclesiastici, secularibus, & viri feminis præferantur, dum tamen omnes formam sciant Baptismatis: si vero alii nesciant, ille solum, qui scit, baptismum conferat. At si dum nascuntur parvuli, vita periclitari videantur, dummodo caput, vel ex posterioribus membris aliud ex materna alvo eruperit, eos baptizent, etiam si

(a) Nestoriani cum asserant solum Presbyterum ministrum esse Baptismi, consequenter, id denegant Laicis; nec in quo-

cumque necessitatis eventu eis baptizare permittunt; quod etiam tenent recentiores Græci ex Arcud. de Concord. lib. 1. cap. 1.

122 SYNODI DIAMPERITANÆ

etiamsi ex integro corpus foras non prodierit, aquam tali membro affundendo, ac formam proferendo.

LXXIX. Ita vero baptizati, si supervixerint; dummodo caput, vel potior aliqua corporis pars abluta fuerit, & servata fuerit forma, non baptizentur iterum, sed unice ad Ecclesiam asportentur, ut ibi sancto oleo inungantur; si vero pars alia corporis minor abluta fuerit, sub conditione postea baptizentur, per hæc verba: (a) *Si es baptizatus non te baptizo, sin aliter, ego te baptizo, in nomine Patris, & Filii, & Spiritus Sancti. Amen.* Et ita se gerant Sacerdotes, aut quilibet alius, cum illis, de quorum baptismo probabile, prudensque dubium occurrat; caveant tamen ne parvulum periclitantem in ortu, si alii adfuerint, Pater, aut Mater baptizent, idque caveant ad evitandam inter conjuges spirituales cognationem: Quod si nullus alius adsit, & instet probabile mortis periculum, poterunt Pater, vel Mater eum baptizare, ne puero extrema laboranti necessitate remedium desit.

DECRETUM VIII.

LXXX. **C**unctis populis inculcat Synodus, ut suis in pagis feminas habeant christianas, quæ (b) obstetricandi munus exercent, formamque baptismi callent, atque adeo parvulis periclitantibus in casu necessitatis succurrere valeant. Quia tamen Obstetrices ethnicae, ac praesertim, quæ Turcarum Sectam profitentur, multas superstitiosas ceremonias, a puritate, & Sanctitate Christianæ Religionis abhorrentes, erga infantes recenter natos exercent, Vicariorum frequens cura sit, populum, ac praesertim Obstetrices hac in re instruere, itaut omnes sciant, parvulis in discrimine versantibus succurrere: Sacerdotes etiam Obstetricum confessiones excipientes, de hoc eas interrogent: An formam baptismi sciant, & ignaras erudiant, iisque exponant, quantum earum interfit, id non ignorare.

DE-

(a) Conditionalem hanc formulam ex Alexandri III. Constit. praescribit Catechismus Concilii Trident. cujus etiam meminit Concil. Cameracen. anni 1586. Tit. 6. de Baptis. n. 8.

(b) Concilium Cameracen. inculcat, Tit. 6. de Bapt. n. 11. quod obstetrices per Pastorem loci sint examinatae, & si opus sit instructa. Adstringuntur etiam iureju-

rando ut qui baptizandi sint pueri, ante diem a nativitate eorum tertium, omnino Parochis denuntient. Et in Concil. Mediolanen. 5. sub S. Carolo Borromeo precipitur §. 7. ut adsint aliae mulieres testes, quæ audiant obstetricis verba, utque Parochus postea diligenter obstetrices, & testes, de verbis prolatis interroget.

D E C R E T U M I X.

LXXXI. **P**recipit Synodus, ut nullus Christianorum apud se habeat famulum captivum non baptizatum; si quos ergo habuerint inferioris ætatis, illicò illos baptizari curent: si verò fuerint adulti, eos ad fidem, ac Baptismum alliciant, sine vi, frequenti tamen suasionem; Quod si quis inveniatur, suos inter famulos habere vel puerum teneræ ætatis, vel adultum non baptizatum, qui tamen baptizari velit, graviter per Præsulem puniatur, illi verò baptizentur; cui rei plurimum Vicarii invigilent, tempore præsertim, quo in album referunt, ut moris est, qui præcepto annuæ confessionis satisfecerunt, qua occasione singulas Parœciæ domos perscrutantes inquirent, an ibi aliqui sint nondum baptizati, & si qui sunt, baptismum qua de causa non susceperunt, probe, & accurate noscant.

D E C R E T U M X.

LXXXII. **Q**uoniam Christianorum aliqui, suæ professionis obliti, contrà sacros Canones turpi lucrandi cupiditate impulsæ, christianos juvenes ethnicis vendunt, qui juvenes, utpote inexperti, & dominorum suorum metu coacti, plerumque christianam religionem abnegant: præcipit Synodus in virtute sanctæ obedientiæ, ac sub pœna excommunicationis a Jure lata, quam ipsos incurrisse statim declarabit, ne aliquis ex Christi fidelibus, contractus hujusmodi cum Infidelibus exercere audeat: quod si qui hac in re delinquentes inveniantur, statim a communione Fidelium segregati declarentur, nec unquam absolvantur, donec, quem vendiderunt, redemerint, etiam majori pretio, si opus fuerit, vel saltem Vicario Ecclesiæ, & ceteris Castanariis, ac Populo, se fecisse pro redemptione quantum potuerunt, constiterit. Quo in casu antequam absolvantur, solvere debeant in pœnam, id pretii quo illum vendiderunt; quo pretio Vicarius, & Œconomi Ecclesiæ, alium emant juvenem ethnicum (frequentes enim in Malabare sunt venditiones hujusmodi) quem baptizari curet, & statim ac christianam religionem professus fuerit, manumittatur, ac libertate donetur; alicui insuper ex ditioribus, & bene moratis Christianis dono detur, qui ipsum pietate in Deum, bonisque moribus imbuat. Jubet præterea Synodus in virtute sanctæ obedientiæ, ne quis aliquem adolescentem, aut adolescentulam, etiam non baptizatos

Q²

tizatos

tizatos, Turcæ, Judæo, vel Gentili vendat: ob imminens per-
versionis periculum, quæ certò continget, si infidelibus vendan-
tur, ut frequens experientia docuit. Poterunt tamen eos, si opus
fuerit, Christianis vendere; dummodo jure capti sint; qui autem
contra fecerit, graviter puniatur; excipe tamen, si is, qui venit,
adultus fuerit, ac vigesimum annum exceßerit, atque ante vendi-
tionem ad Vicarium adductus fuerit, cui compertum fiat, eum
nolle baptismum suscipere.

D E C R E T U M XI.

LXXXIII. **Q**Uoniam istarum partium Ethnici, utpote plurimum
auguriis, ac superstitionibus dediti, si dies nativi-
tatis filiorum, inani conjectura ducta ex supersti-
tionis auguriis nefasti habeantur, eos aliquando perimunt, ne vi-
tam, ut putant, agant miserrimam; sæpe etiam ipsorum Matres,
ne proprias manus filiorum sanguine cruentent, eos in Silvis sub
arboribus, vel inter virgulta deferunt, (a) ut ibi moriantur, pe-
reantque: præcipit Synodus omnibus fidelibus Christianis hujus
Dioceseos, quippe cum ipsis ethnicis commixti, aut in vicinis
commorantes, quæ apud ipsos fiunt, scire facile possunt, ut in
re tanti momenti plurimum invigilent; & si qui pueri in Silvas
transferantur, ibi deferendi, eos quærant, aut quovis modo in
Silvis repertos, christiana charitate excipiant, eosque vel per se
ipsos baptizent, vel ab alio baptizari curent, si eos in mortis pe-
riculo constitutos inveniant, etiam si ipsorum Parentes cognoscant,
sciantque id ægre laturos, nam eorum dominio se privasse Paren-
tes videntur, dum eos procul à se abjectos, morti exposuerunt:
quamobrem in Parentum locum Ecclesia tamquam pia Mater suc-
cedit; atque adeo ipsi incumbit onus eos suscipiendi; quod si il-
los alere nequiverint, eosdem ad Vicarium, & ceteros Ecclesiæ
Cassanarios adducant; quibus in Domino præcipimus, ut Primo-
ribus sui Pagi congregatis, eos vehementer, & efficaciter horten-
tur ad parvulorum hujusmodi curam suscipiendam, eisque Nutri-
cem,

(a) Quam hic horrore ducimus barba-
riem crudelissimam, e vanis auguriis descen-
dentem, non absimilis secuta est impietas,
astrarum regionum seculo s. canibus enim
exponebant infantes, nec ipsos calumnia-
rum metu, colligere ullus audebat; jussit
autem Concilium Vasense anno 442. can. 9.
eos colligere, & de alsari, Dominica die,

collectos annuntiare; ut *infra decem dies*,
qui ipsos agnovisset, accipere posset; &
can. 10. statuit, ut qui postea repetitor,
aut calumniator extiterit, *ut homicida*,
ecclesiastica districtione feriatur. Quod con-
firmavit Concil. Arelaten. II. anno 452.
can. 51. qui laudatur 9. *Distinctio 7. s. ex*
positus.

cem , ac reliqua omnia ad eorum vitam conservandam necessaria, comparanda; Si autem aliter hoc fieri nequeat , & nullus inveniat, qui id oneris pro Dei amore subire velit , de eleemosynis Ecclesiae , & deposito fabricae , quantum opus fuerit , detrahatur .

D E C R E T U M XII.

LXXXIV. **P** Ræcipit Synodus , ut parvuli ante fores Ecclesiae vel in aliis locis quibuscumque expositi ; nisi ipsos esse jam baptizatos certo certius constiterit , baptizentur , atque ipsorum educatio procuretur , eo prorsus modo , quo de Ethnorum filiis in Silvis repertis dictum est : & incessanter Vicarius , & Castanarii insistant , ut aliqui , apud se enutriendos , ac edocendos ipsos , pro Dei amore suscipiant .

D E C R E T U M XIII.

LXXXV. **Q** UI ab Ethnorum secta ad Christianam Religionem adulti accedunt , in rebus fidei , antequam baptizentur , bene instruantur ; itaut sciant se salutari crucis signo munire , Orationem Dominicam , Salutationem Angelicam , Symbolum , præcepta Decalogi , & quidquid addiscere potuerint ; qua in re usque ad præsens , maxima negligentia laboratum est : Vicarii præterea ante baptismum , eos de rebus ad Christianam Religionem spectantibus interrogent , ut experimento deprehendant , an sint sufficienter instructi . Si vero mortis periculum immineat , etiam talia nescientes , dummodo fidem confiteantur , ejusque præcipua mysteria , ac se baptizari velle quocumque modo significant , illico baptizentur . Et quia non ignorat Synodus , sæpius contingere , ut plures Ethnici paucis ab hinc annis ad Christianos accedant , eisque manifestent desiderium , quod habent suscipiendi baptismum , segnitia autem , & incuria Sacerdotum , & Christianorum , eorum instructionem vel prætermitti , vel diu , multumque differri ; plurimum hac in re Vicariorum conscientiam onerat , eisque injungit , ut quam primum , pro maximo , quo postulant , animi fervore baptismum , eos per se , vel per alios instruant , ac ad fontem Baptismatis perducant ; Ministrosque omnes Ecclesiasticos , aliosque , si opus fuerit Christianos , ardorem non mediocrem animi , ac diligentiam quam maximam impendere , peroptat , ac rogat .

DE-

SYNODI DIAMPERTANÆ DECRETUM XIV.

LXXXVI. **Q**uoniam Sacri Olei (a) usus in Sacramentis, huc usque in hac Episcopali Sede, (b) aut nullus fuit, aut si aliquis, hic certe fuit Ecclesiæ Catholicæ ritibus minime consentaneus. Usi enim sunt oleo communi, & quem Episcopus sacris precibus, & benedictionibus non expiaverat: Quamobrem Illustrissimus Metropolita dum in hac Diœcesi, Ecclesiæ universæ disciplinam restitueret, ac renovaret, Oleum de more benedixit, cujus portionem aliquam, Ecclesiis omnibus impertiit, ejusque usum maxime commendavit explanavitque: præcipit Synodus Vicariis omnibus, atque Cassanariis, in virtute Sanctæ obedientiæ, ut Sancto oleo in baptismo utantur. Itaut oleo Cathecumenorum pectus, & scapulas baptizandorum ante baptismum inungant; post baptismum vero, caput jam baptizatorum Sacro Chrismate signent, Pollice ergo Sancto oleo delibuto, vel signent super caput Crucis formam, vel id agant penna, ad tale munus in ipsis vasis servata, deinde Sancti olei reliquias abstergant lino, aut gossypio ad hunc finem ipsis pyxidibus imposito. Eodem præcepto jubet insuper Synodus, ut omnes Cassanarii, & Vicarii hoc conferant Sacramentum, cum ritibus, ceremoniis, exorcismis, & orationibus, quæ in Rituali Romano continentur, Illustrissimi Metropolitanus jussu Syriace exscripto, pro omnium administratione Sacramentorum, quod in omnibus haberi debet Ecclesiis: Sacerdotes vero dum solenniter in Ecclesiis baptizaverint, superpellicio, ac stola à collo suspensâ utantur, ut Sacramentum decet, quod conferunt; neutiquam verò illud, ut huc usque non sine indecentia factum est, consuetis, & quotidianis vestibus induti, administrent.

DE-

(a) De sacris oleis plurimum juvabit legere Fortunatum Scacchum, nostri Augustinensis instituti virum eximium, in elegantissimo opere *Eleo-chrismaton* politissimis typis Hagæ Comit. excuso, an. 1725.

(b) Ex mera calumnia colligit ex hoc decreto Crozaus novitium esse inventum Ecclesiæ Romanæ, sacris uti oleis; propterea quia antiqua istorum Christianorum Ecclesiæ, illorum usum non agnoscebat: verum ista desuetudo, Nestorianorum insciæ & Cassanariorum ignorationi tribuenda est, non vero traditioni; etenim Ritualis liber illorum *Cod. Syr. Vatic. 16.* meminit unctionis; eamque præscribit, cum iis Sacerdo-

tis verbis: *Ungetur hic talis &c.* deinde aqua tingitur ille, & deductus extra cancellos, confirmationem suscipit, per manus impositionem, & unctionem chrismatis: signatque eum Sacerdos pollice suo in fronte, dicens: *Baptizatus est, & perfectus est talis &c.* Unde quod illi Christiani, vel id non præstarent, aut certe id præstarent oleo nucis Indicæ vulgo *Azeyte de Cocos*, exiguum asserre potest error heterodoxorum solamen, nullumque subsidium. Vide in *Dissert. n. 88.*, & Timothei II. *Lib. de Sacram.* qui cap. 3: *sect. 10.* inter partes essentielles Baptismi oleum enumerat: *Aquam, oleum, Sacerdotem.*

DECRETUM XV.

LXXXVII. **Q**uia usque in præsens laudabilis, & antiqua Ecclesiæ consuetudo assumendi Patrinos (a) in Baptismo in hac Dioecesi nulla fuit, & spiritualis cognatio inde orta inter Patrinum, & baptizatum, ejusque Patrem, & Matrem fuit penitus ignota, (b) præcipit Synodus, ut baptizandi omnes associentur unico Patrino, & ad summum duobus, aut etiam, ut usus obtinuit, uno tantum Patrino, & una tantum Matrina, qui eos Ecclesiæ præsentent, eorumque caput, ante baptismum tangant, atque à sacro fonte educant. Ad Patrini autem munus non admittantur, nisi homines, qui decimumquartum ætatis suæ annum exceßerint, & ad Matrinx munus, nisi femina, quæ duodecimum. Declarat insuper Synodus inter Patrinum cognationem spirituales oriri, quæ vocatur *Patrini*, & spiritualis filii, aut *susceptoris* e sacro Fonte, & *suscepti*: atque inter ipsos spiritualis filii Patrinos, & Matrinas, ac ejus Patrem, & Matrem. Pariter inter ipsos spiritualis filii Patrinos, & Matrinas invicem comparatos, & inter ipsos, & filii spiritualis Patrem, & Matrem aliud cognationis spiritualis genus consurgere, quod appellatur *Compatris*, & *Commatrix*; ita ut Patrini, vel Matrinx, nullo tempore contrahere possint matrimonium cum suis filiis, aut filiabus spiritualibus, vel cum ipsorum Patre, & Matre, absque Papæ, vel

(a) Pium Patrinorum officium, inter antiquos Baptismi ritus recenset Augustinus pluribus in locis; & præsertim *Epist.* 194. n. 43. *Antiquitus tradito & retento firmo Ecclesiæ ritu, infantes & cum exorcizantur, & cum ei, per eos (Patrinos) a quibus gestantur, renuntiare respondent, a Diaboli dominatione liberantur.* Et ex illo ejus effato *lib. 1. oper. Imper. num. 56.* sci- mus propterea Patrinos intervenire ut per alios credant, qui per alium peccaverunt. Vocantur etiam *Sponsores & susceptores*. Sæbedæus & Nestoriani frequentius *fid: iustores* appellant eosdem. Augustinus eos vocat *Fidelißores* ex Bonifacio *Ep. 98.* alias 23. *ad Bonif. ipsum n. 7.* Jure ergo merito ritus iste inter antiquiores recensetur, cujus meminit Passio SS. *Victor. Alexander &c.* anno 190. ap. Theodor. Ruinart. *Act. Mm. p. 303.* Tertull. memorat *Sponsores cap. 18. de Bapt.* & Dionis. Areop. aut auctor *de Eccles. Hierarc. cap. 2.*

(b) Nulla erat istiusmodi cognatio apud Nestorianos; nec minimam illius mentionem fecere, qui hætenus Nestoriani scriplere; nimirum in hac re antiquam primævæ Ecclesiæ disciplinam sequuti sunt, de qua, si fides est Juenino per tria priora secula nihil habetur: Vide Juenin. *de Sacram.*; Quod autem scribit Giononius *Hist. Civil. lib. 7. cap. ult.* tempore Joannis X. nempe anno 913. circiter *Per far correre in Roma piu gente: s'introdusse l'affinita spirituale, fra il Compare e la Comare*; turpis est impostura: etenim ultra mox dicta, in Synodo etiam Metense anno 753. celebrata; *Cap. 1.* habetur: *Si homo incestum commiserit de istis causis; de Deo sacra, aut commatris sua, aut cum matrinx spiritali de fonte, & confirmatione spiritali Episcopi: pecuniam suam perdat &c.*

vel ejus vices gerentis dispensatione, quæ raro, nec sine urgenti motivo obtinetur; si autem ista non habita, celebretur matrimonium, irritum est, ac nullius effectus. Insuper declarat Synodus cognationem hanc spiritualement non extendi ad plures Patrinos, quam duos (a) vel ad unum dumtaxat Patrinum, & Matrinam unam dumtaxat, qui ad hoc gerendum munus vocati sint; etiam si alii plures parvulorum (b) capita contigerint, nec à Sacerdotibus permittendum, ut alii, ultra duos hoc munus gerant.

DECRETUM XVI.

LXXXVIII. **C**UM per Jesum Christum Dominum nostrum ,
ejusque mortem , à lege veteri , & scripta , ad
novam , & gratiæ translati fuerimus , restat exigit ratio , ut hæc in
cunctis rebus eluceat. Dissimulare itaque nequit Synodus id quod in
hac Dioecesi frequenter accidit , ut nempe Sanctorum veteris legis ,
vel etiam indigenarum nomina Christianis imponantur , adeo ut
pauci sint , qui Sanctorum Legis gratiæ nominibus appellentur .
Præcipit ergo Synodus , ut Sacerdotes curent inveteratam hanc
consuetudinem abolere , atque adeo e Sanctorum , Sanctarumque
Catholicæ Ecclesiæ catalogo , nomina desumant baptizatis impo-
nenda , ac præcipue Sanctorum Apostolorum , & Sanctorum , vel
Sanctarum in Ecclesia celebriorum ; nec propterea mens Syno-
di est , ut Sanctorum veteris legis nomina nunquam usurpentur ,
sed ut si præ devotione usurpentur nomina Sanctorum veteris legis ,
ea solum adhibeantur , quæ celebriora sunt , & frequentius usitata
in hac Dioecesi , ut Abraham , Jacob , Zachariæ , aut alia id ge-
nus . Cæterum nomen *Filii* , quod est in hac Dioecesi usitatissimum ,
non liceat in posterum alicui imponere , nec id Sacerdotes patian-
tur ; cum illud sit dulcissimum (c) Jesu nomen , nec nisi irreve-
renter , ac penitus prætermissa veneratione , tanto nomini debi-
ta , id fieri videatur ; dum ad hujusmodi nomen , (d) *omne genu*
debeat flecti , cælestium , terrestrium , & Infernorum , & omnis lin-
gua confiteri , quia per hoc nomen , cuncta nobis bona , in terris
proveniunt ; Immo severe prohibet , ne qui tale nomen so- titi
sunt ,

(a) Concil. Moguntinum inter alia anno 1549. Capitul. 19. præcipit unum tantum patrimonium adhibere.

(b) *Hujus antiquissimi ritus meminit auctor lib. de Ecl. cas. Hierarc. cap. 2: Cum promissus (baptizandus) manum ejus capiti admovent (susceptor) .*

(c) Utiatissimum fuit inter Syros præcipue Nestorianos; nomine Jesu insigniri: adeout septem supra viginti memorentur Scriptores Orientales hoc ætati nomine, in 2. tom. *Bibliot. Orient.* Armeni, & undecim in 1. tomo. Vide *aff. 8. Dec. 20.*

(d) Philip. 2. 10.

sunt, eo utantur, sed aliud assumant; præsertim dum Sacramentum confirmationis suscipiunt; indigenarum vero nominibus, uti poterunt; dummodo sint ex usitatis inter Christianos; abstinuant tamen (a) à nominibus Ethnicorum propriis, vel ab Ethnicis frequenter usurpatis, vel quæ sint illis affinia, immò vel Ethnicorum nomina inter Christianos nota, imponi impofterum in Baptismate Synodus prohibet, & Vicarios, ac Sacerdotes baptismum ministrantes monet, ut ab iis imponendis caveant.

DECRETUM XVII.

LXXXIX. **A**D Synodi notitiam pervenit, Christianorum plures suæ professionis oblitos, post baptismum à filiis in Ecclesia susceptum, eisque nomen Christianorum proprium, in baptismate impositum, iisdem privatim domi nomen aliud inter Christianos non usitatum, pro libito imponere, quo deinde, priori relicto, communiter appellantur. Quamobrem severe prohibet, ne Christianorum ullus nomina alia parvulis suis imponere, vel ea adhibere audeat, præter illa, quæ fuerunt in Baptismate imposita. Quod si iusta aliqua de causa, nomen huiusmodi in aliud commutare optaverint, id non aliter faciant, quam dum Parvuli Sacro Chrismate inunguntur, & Sacramentum confirmationis suscipiunt. Qui vero contrarium fecerint, graviter à Præsule puniantur, de qua re sæpius Vicarii populum admoneant.

DECRETUM XVIII.

XC. **C**UM sæpe accadat, ut plures simul parvuli ad baptismalem fontem abluendi adducantur, qua occasione inter Christianos non leves excitantur contentiones, præligi enim parvulum suum quisque optat, & prius ablui, unde, & jurgia inter contententes, & non levium summarum oblationes, quæ Cassanariis fiunt, ut unus præ aliis primas habeat, quæ plane sunt pravæ consuetudines, quas Ecclesia pati non debet, & ad quas facile evitandas satis profecto esset, ut non differretur ultra octiduum baptismus,

R

mus,

(a) Opportune adest Chrysostomus in cap. 5. Genesi, Hom. 21. pag. 234. Nunc fortuito & absque causa nomina sunt. Dicunt enim, juxta nomen avi vel proavi nominetur pater, prisci loquitur de Setho, qui filio imposuit nomen Enos) omnem operam adhibebant, ut talia natis impone-

rent nomina, quæ nullam non sapientiam docerent. igitur nos, neque quævis nomina pueris imitamus, neque avorum, & proavorum, & eorum, qui clari genere fuerunt, nomina tribuamus, sed sanctorum virorum: neque in appellatione sublimis sapere &c.

mus, & parvuli intra dies octo baptizarentur; qua ratione fieret, ut raro admodum, vel fere nunquam simul parvuli ad sacrum fontem adducerentur. Quapropter jubet Synodus ejusmodi contentiones ab Ecclesia arceri (a), puerosque vel prius, vel postea indiscriminatim, & prout fors tulerit, baptizari; quamobrem Sacerdotes curent, ut hæc consuetudo baptizandi indiscriminatim hos, vel illos, nulla habita ratione, vel ditiorum, vel pauperiorum, quantum in ipsis est, inducatur; nullusque Sacerdos, aut Vicarius, sive ante, sive post baptismum summam ullam, immo nihil omnino, etiam ultro oblatum, etsi valoris exigui, immo etiam si munusculum sit comestibile accipiat; & si secus fecerit, tanquam Simoniacus, poenis a jure, & aliis ab hac Synodo imponendis plectatur.

DECRETUM XIX.

XCI. **I**N cunctis Ecclesiis parochialibus fons baptismalis quam primum extruatur ex fabricæ deposito, vel ex eleemosynis Ecclesiæ, vel ex iis, quas populus ad hunc finem exhibuerit. Fons hic in angulo Ecclesiæ decenter collocetur, subtus parva scrobs aperiat, in quam aqua decidens fluat, ne pedibus irreverenter conculcari possit; ipse vero fons ligneo operculo clave obserato contegatur. Vas interim æneum, vel cupreum ad hunc solum usum destinatum decenti in loco, in Ecclesiâ, vel Sacello asservetur: non adhibeantur ergo, prout hætenus factum est, vasa alia indiscriminatim, quod plane quam dedecet, nemo ignorat. Deinde aqua, qua fuerit collatum baptisma, in Ecclesiæ piscinam projiciatur, vel in locum alium ad usum hujusmodi deputatum, vel etiam in Cœmeterium, ne pedibus conculcetur; demum aqua ad conferendum baptisma sive in fonte, sive in alio vase contineatur, Sancto Chrismate, prout in Rituali Romano, quo uti debent, continetur, sacris precibus & benedictionibus expietur.

DECRETUM XX.

XCII. **P**Ræcipit Synodus juxta decreta Concilii Tridentini, ac universalem Ecclesiæ usum, ut in qualibet Parochiali Ec-

(a) S. Carolus Borromæus in Concil. 4. Mediolanen. Par. 1. 6. 7. præscripsit, ut hujusmodi contentiones vitari possent: Is ordo servetur, qui antiquissimus ritus est,

ut mari primum, deinde femina ministratur (Baptismus) nisi necessitas aliter cogat. Idemque servetur, si plures offerantur, partim mares; partim feminae.

A C T I O I V.

131

Ecclesia, liber habeatur, cujus paginae notis numeralibus distinguantur, in quo Vicarius nomina scribat baptizatorum, Patrum, ac Matrum; loci etiam, in quo ortum duxerint, Patrinorum insuper, qui eos e sacro fonte susceperint. Demum notentur locus, in quo baptismus confertur, dies, mensis, & Æra hac forma; *tali die mensis N. Æra N. Ego N. Vicarius Ecclesiæ de N. baptizavi in ipsa, vel in tali parte, N. filium N., & N.* (declarando nomen Patris, & Matris, talis loci naturalium) *& fuisse Patrini N., & N.* (ipsum nominando) & ad calcem ipse suum nomen subscribat. Si vero Sacerdos aliquis non Vicarius baptizaverit infantem, (quod non nisi obtenta a Vicario facultate facere poterit) ita scribat; *Ego N. Cassanavius, de licentia N. Vicarii talis Ecclesiæ* (nomen Vicarii Ecclesiæ apponat) *baptizavi N.* & reliqua ut supra, annotato die, Mense, & Æra, suumque nomen ad calcem subscribat. Hic liber semper sit in Ecclesia, ac de illo Vicarii rationem reddant, & Præsul in Visitatione eum videat, & consideret, an in eo accurate adnotentur ea, quæ adnotari debent; ex ipso etiam Vicarius certior fiet de uniuscujusque ætate, atque adeo poterit de hac, fidem facere, ubi agetur de matrimoniis contrahendis, vel suscipiendis ordinibus, neque hæc cæco modo fient, ut usque adeo factum est, dum nulla de ætate matrimonio conjungendorum, vel promovendorum ad ordines, certitudo haberi poterat, id quod conjugibus, & promotis ad ordines non raro scrupulum injiciebat.

D O C T R I N A

De Sacramento Confirmationis.

XCIII **S**acramentum (a) secundum, dicitur confirmatio, quod Christus Dominus noster instituit, ut per illud Christiani amplius confirmarentur, & eo roborati evaderent fortes in fide, ita ut nulla re ab ea divellerentur. Idque virtute Spiritus Sancti, quæ ad hunc effectum, ultra gratiam sanctificantem, quæ est effectus etiam aliorum Sacramentorum, specialiter confertur. Materia

R 2

hujus

(a) Plerique Baptismum & Confirmationem unum Sacramentum esse idemque putarunt, eo quod continuo post ablutionem baptismalem conferretur, ab Orientalibus & Occidentalibus; diversa tamen sunt Sacramenta; per illud enim efficimur filii Dei, per istud Milites Christi constituimur. Nestoriani vocant hoc Sacramentum *Perfessio*.

nem, atque dum ungitur Chrismate, qui eum suscipit, proclamar Minister: *Baptizatus est & perfectus est talis &c.* Quia ut ait Arbelensis *Lib. Declar. Offic. tract. 5. de Bapt. cap. 5. In perfectione designat* (Minister) *Spiritum descendere tanquam linguas ignis, & sedere super unumquemque eorum.*

hujus Sacramenti est Sanctum Chrismatis Oleum, de olivis expressum, quo splendor, & puritas significatur conscientiæ; Oleo admisceri debet balsamum, quo bonæ famæ odor designatur. Chrisma debet ab Episcopo sacris precibus, & benedictionibus expiari. Forma, ea sunt verba, quæ Episcopus profert, dum pollice Chrismate tincto, signum Crucis capiti confirmandi imprimit, dicens: *Signo te signo Crucis, & confirmo te Chrismate salutis, in nomine Patris, & Filii, & Spiritus Sancti*; tres illico sacras, & salutíferas orationes adjungens, quibus Deum precatur, ut suo Divino Spiritu ipsos repleat confirmatos. Minister ordinarius hujus Sacramenti est Episcopus; & quamvis Sacerdotes possint Ægrotos, vel baptizatos inungere, hæc tamen unctio soli Episcopo reservatur, cum Episcopi in Apostolorum locum successerint, qui per manuum impositionem dabant Spiritum Sanctum; cui veteri manuum impositioni subrogata est in Ecclesia, ex Christi concessione, (a) Confirmatio, qua etiam Spiritus Sanctus donatur. Ceterum ex communis legis relaxatione, à Sede Apostolica obtenta, & non aliter, si causa urgens, & necessitas id postulet, etiam simplex Sacerdos confirmare potest, chrismate tamen ab Episcopo, ut supra, consecrato. Effectus hujus Sacramenti est conferre Spiritum Sanctum, animæque per ipsam, vires, & fortitudinem, sicut in die Pentecostes Spiritus Sanctus collatus fuit Apostolis, ut constanter, & intrepide nomen Christi, ejusque fidem catholicam profiteatur Christianus; ac idcirco dum confirmatur, fronti ejus signum Crucis imprimitur, & sacro oleo describitur, quippe frons, est pars hominis apertior, nec non verecundiæ, atque audaciæ sedes: & cum baptizati signentur in capite, confirmati signantur in fronte, ut nempe non erubescant, nec eos pudeat nomen Christi, ejusque Crucem confiteri, quæ quidem ex (b) Apostolo, *Judaïs est scandalum, Paganis vero stultitia*, ac dementia. Plurimum differt hoc Sacramentum à Baptismate, dum per hoc fidei nascimur, per illud vero in fide confirmamur; ac sicuti vitam naturalem accipere, differt a progressu in ætate, ac virium firmitate, ita gratiæ, fidei-

(a) Cum temporibus Apostolicis sola impositione manus, hoc Sacramentum conferratur, facius esset dicere, illi subrogatam esse *unctionem* chrismatis, non vero *confirmationem*, alias diceretur confirmationi subrogatum esse confirmationem; consultius ergo dixerimus, sphalma subrepisse in apographo; Patres autem Diamperitanos digitorum intervallis ad Concil. Moguntinum anno 1549. quod in *Capitul. 18.* illius

subrogationis hanc exhibet causam: *Cum adulta Ecclesia, & stabilita fide, signa externa (quæ super confirmatos apparerant) apparere cessaverunt, nec jam amplius Spiritus S. visibiliter descenderet, mox in locum visibilis signi, unctio chrismatis adhiberi coepit.* Unde hæc, signis subrogata fuit, non impositioni manus, quæ etiam fieri debet, adeas *CL. Berti tom. 7. p. 40.*

(b) 1. Corint. 13.

fideique nasci , quod fit per Baptismum differt ab incremento , & augmento spiritualium virium ad eandem fidem constanter servandam , quod fit per Confirmationem : Unde per Baptismum vitæ spirituali nascimur , postea vero munimur , & confirmamur ad prælium , viresque accipimus , ut nullo ex eventu , discrimine , aut timore poenarum , bonorum jacturæ , tormentorum , aut mortis , separemur a confessione nominis Domini nostri Jesu Christi , fideique veræ , quam professi fuimus .

D E C R E T U M I.

XCIV. **C**Um hætenus, Confirmationis usu (a), notitiaque , Populus Christianus hujus Diœceseos caruerit , quippe qui Præfulum hæreticorum regimini suberat , quamobrem catholicæ doctrinæ veritatibus minus apte instruebatur , declarat Synodus oportere quemcumque , postquam ad rationis usum pervenerit , dum copia fuerit Episcopi ad hoc parati , istiusmodi Sacramentum recipere ; insuper Patresfamilias , cæterosque aliorum curam gerentes , suos debere mittere filios , ac servos ad confirmationem suscipiendam . Siqui vero ex contemptu , sacrilegave contumacia , id renuerint , aut suos mittere prætermiserint , se lethaliter , gravissimeque peccaturos sciant : quod si id renuant , aut prætermittant , eo quod tale Sacramentum negent , vel agnoscere tamquam verum Sacramentum à Christo institutum , negligant , ut hæretici , ac a veritate Fidei catholicæ alieni habeantur . Præcipit itaque Synodus , ut in visitatione Ecclesiarum , populorumque , ab Illustrissimo Metropolitano peragenda , omnes sive viri , sive feminae (b) , septennem ætatem excedentes , ad Chrisma , & Confirma-

(a) Sane eo devenerunt ignorantia Nestoriani seculo 16. , ut hoc Sacramentum non agnoscerent , ut ait Synodus ; Joan: etiam Sulaka dum professionem fidei Romæ emitteret anno , 1560. aut circiter , dixit : *Confirmatione vero , an veteres usi sint ignoret . Mona. bus enim sum ; & quis me id docuisset ;* Josephus II. Patriarcha cap. 4. *speculi Sect. 4.* invehitur adversus Nestorianos , eo quod Sacro Chrismate non uterentur . Sed quidquid sit de recentioribus Nestorianis , antiqui certissime eo usi sunt , & chrisma agnoverunt ; ut constat ex Rituali Cod. Vat. Syr. 16. ex Timoth. II. lib. de Sacram. cap. 3. sec. 9. Georgio Arbelen. de Baptis. Quæst. 42. & seqq. Igitur in hoc recessu-

erunt recentiores , non modo a doctrina universalis Ecclesiæ , verum etiam ab antiquis eorum Magistris -

(b) Hoc sanxit Synodus omnino ad mentem Catech. Concil. Trid. De Confirm. n. 18. dicentis : *Minus tamen expedire hoc fieri , antequam pueri rationis usum habuerint . Quare si duodecimus annus expectandus non videatur , usque ad septimum certe hoc Sacramentum differre , maxime convenit .* Quare immerito nonnulli Antistites , non recto zelo abrepti , reprehendunt Parentes , qui tempus producunt confirmationis filiorum ; quamquam fateamur , aliam fuisse olim Ecclesiæ disciplinam .

firmationem concurrant; exceptis tamen, qui in prima Visitatione, vel quomodocumque ab alio Episcopo fuerint confirmati. Hoc etenim Sacramentum, non secus ac Baptisma, semel tantum in vita suscipi valet; qui vero scienter id iterare tentaverint, præterquamquod Sacramentum non accipiunt, gravissimum sacrilegium committunt. Qui verò dubitaverint, num aliquando ipsum receperint, nec ne? vel hujus rei fuerint penitus obliti, prædicto Domino, aut Episcopo id aperiant, ut juxta qualitatem dubii, ejusque pondus, quod expediens apparuerit, decernat. Si quis autem (quod Deus avertat) sacrilega pertinacia, contemptuque Sacramenti, ipsum recipere noluerit, dummodò de hac pertinacia constet, anathemati subiaceat, aliisque poenis severè puniatur, quousque Præsuli videatur, condignam poenitentiam egisse.

DECRETUM II.

XLV. **N**ON sine ingenti dolore accepit Synodus, complures rerum sacrarum, ac doctrinæ de Sacramentis ignaros, aut Diaboli instigatione, suo in Schismate contumaciter persistentes, nonnullis in locis, tempore Visitationis ab Illustrissimo Metropolitano peractæ, palam illi restitisse, & confirmationem suscipere noluisse, & ex iis alios, eo quod rem superfluum, nec necessariam, hætenus ignotam, & non visam dicerent; alios verò eo quod levem alapam, juxta (a) S. Romanæ Ecclesiæ ritum, à Præsule impactam, tolerare renuerent, idque pati erubescerent, quodque detestabilius est, homines hujusmodi, contumeliis, atque injuriis affecisse Sacramentum hujusmodi suscipientes, & tam contrà ipsum, quam suscipientes, quasi alapa dehonestari stolide paterentur, verba sacrilega, atque hæresim redolentia protulisse, atque adèò vetus Schisma renovare sacrilegè pertentasse, etiam pagis commotis integris, quorum animus, qualis esset erga fidem Metropolitæ, ex despicientia vel observantia Sacramenti hujus dignoscatur procul dubio, ea qua par est severitate, in illos Synodus ani-

(a) Alapæ infligendæ ritum non peranti-
quum esse, testantur cum Alexand., Juvenin.
& Vanespen. CL. Catalani tom. 1. Pontif.
Rom. pag. 19. & Bertiur noster tom. 7. p. 143.
illius tamen ritus meminit Pontif. Ms. no-
stræ Angelicæ ante annos 500. scriptum: pla-
cet institutionis ratio, quam ponit Catech.
Rom. ut nempe meminerit confirmatus se
ut *Asphletam Christi* ad omnia perferenda

exhibere paratum; eo vel maxime quod
ante Sec. 13. *alapa militari* promovebatur
milites etiam seculi: de quo vide Catalan.
ibidem pag. 423. Altiorum autem causam
desumimus ex Concil. Mogunt. supra lauda-
to num. 93. quod scilicet sicut *cessantibus se-*
gnis visibilibus subrogatum est chrisma,
ita cessantibus persecutionibus, sequuta est
alapa.

animadverteret, nisi constaret, compertumque esset, eos poenituisse, suosque errores retractasse, rursusque obedientiae S. Romanae Ecclesiae se submittentes, veniam, quam supplices petierunt, ab Illustrissimo Metropolitano obtinuisse. Nihilominus, ut nullus in posterum similia audeat, praecipit Synodus, ut si aliquis (quod Deus avertat) fecerit, vel dixerit talia contra hoc Sacramentum, ritus, ac ceremonias sacras, quibus fidei Populo confertur, ab Ecclesia, & Fidelium communione separatus censeatur, & declaratur, quousque condignam, Praesulis judicio egerit poenitentiam, debitamque subjectionem Sanctae Ecclesiae ostenderit, nec non fidei juramentum sub forma in Synodo praescripta, praestiterit: declarat insuper, rejicientem, vel contemnentem, quasi inutiles, ritus, ac ceremonias in administratione solenni, tam istius, quam aliorum Sacramentorum, per Ecclesiam approbatas, & receptas, haereticum esse, & apostatam, à nostra Sancta fide catholica, juxta decreta Sacri Concilii Tridentini, nec non ut talem ad Sacrorum Canonum normam puniendum esse.

D E C R E T U M I I I.

XLVI. **D**ecларat Synodus in hoc Confirmationis, aut Chrismatismis Sacramento, non secus ac in Baptismate, Patrinum locum habere, qui ex antiquo Sanctae Matris Ecclesiae more, confirmandum praesentet: non plures tamen praeter unum admitti posse, cui pariter adjungi potest Matrina pariter una tantum. Qui munus hoc Patrini, & Matrinae gerunt, debebunt & ipsi fuisse antea confirmati: nec enim decet Ecclesiae aliquem praesentari confirmandum ab iis, qui nondum confirmationem acceperint. Vir autem, qui Patrini munus suscipit, debet decimumquartum annum excessisse, Mulier verò, sive Matrina duodecimum; qui praescriptam aetatem nondum impleverit, non admittatur. In Confirmatione eadem spiritalis cognatio contrahitur Patrinum inter, sive Matrinam, & filium Spiritualem, similiter Patris, & Commatris erga Patrem, & Matrem confirmati, atque adeo quantum ad cognationem hujusmodi, & Matrimonii impedimentum perinde se habent Sacramentum Baptismi, & Sacramentum Confirmationis.

AC-

(a) Aequa ratio exigat, ut non secus ac in Baptismo, constituentur Patrini in Confirmatione: qui enim Milites deliguntur, ad pugnam instrui debent a veteranis. qui ritus antiquissimus constat ex capite *In Case-*

chismo, quod ex Hygino dedit secul. 7. Theodorus in *Poenitentiali* num. 4. De cognatione ex hoc Sacram. vide, quae de ipsa diximus *supra* num. 87. Not.

A C T I O V.

De Sancto Sacramento Eucharistiæ, ac
de Sacrificio Missæ.*Doctrina de Sancto Sacramento Eucharistiæ.*

XCVII. **I**N spiritali vita Sacramentum Eucharistiæ est ordine tertium, cultu tamen, sanctitate, ac dignitate primum, atque excellentius; quippe quod in se continet vere, realiter, ac substantialiter corpus simul, & sanguinem cum anima, ac Divinitate Domini nostri Jesu Christi Filii Dei, qui verus est Deus, verusque homo, Salvator & Redemptor noster, à quo fuit institutum, pridie quam pro nobis pateretur, tanquam omnium suorum operum complementum dulcissimum, *sua (a) passionis memoriale, veterum omnium figurarum adimpletio, miraculorum ab ipso factorum maximum, ac de sua contristatis fidelibus absentia, solatium singulare.* Materia hujus Sacramenti est triticeus panis, & vinum ex vite tantum: unde qui panem ex oryza, aut alia re simili, quæ frumentum non sit, consecraverit, aut vinum, quod ex uvis maturis, iisque vitigineis, sive quæ sint fructus vitis non fuerit expressum, Sacramentum non conficit: Cum vino autem, ante consecrationem parum aquæ misceri debet, cujus quantitas sit longe (b) minor, quam vini, cum quo admiscetur; ut facilius modica illa aqua, ante consecrationem in vinum converti possit. Hæc commixtio præcipitur ab Ecclesia, quæ ex SS. Patrum testimonio credit, Christum cum vino, quod consecravit aquam miscuisse; quamobrem citra peccatum omitti non potest: Significat hæc commixtio sanguinem, & aquam, quibus manavit transfixum latus Christi Domini in Cruce pendentis: significat etiam specialem unionem Populi Christiani cum Christo, quæ unio est hujus Sacramenti effectus. Per aquam enim significantur Populi, per vinum Christus, per commixtionem vero, conversionemque aquæ in vinum, unio nostrarum animarum

(a) S. Thom. Aquin. *Opusc.* 57.

(b) Cum certissimum, ac tantum non fidei sit, etiam aquam vino permixtam, in Christi sanguinem converti, quam hic Synodus exhibet, cautelam, & quod prius aqua convertatur in vinum, exilites pu-

tamus Theologorum, & tenebras Philosophicas, circa particulas rerum miscibilium, & atomorum conflictum. Semper tamen minor aquæ quantitas infundatur, ut sit vinum usuale.

rum cum Christo, quæ fit per hujus divini Sacramenti susceptionem, juxta ipsius Christi Domini verba: (a) *Qui manducat meam carnem, & bibit meum sanguinem, in me manet, & ego in eo.* Forma Sacramenti hujus sunt verba Salvatoris, quibus Sacerdos consecrat: licet enim plura, (b) ac varia in Missa proferat, plurimasque preces, ac petitiones Deo offerat, verba hujusmodi ad substantiam consecrationis minime pertinent: solum ergo dum utitur verbis Christi, & nomine illius loquitur, Sacramentum conficit; talium verborum vi, & efficacitate convertitur tota substantia panis in substantiam Corporis Christi; tota item vini substantia in ipsius sanguinem; nihilque panis, & vini remanet, præter accidentia, & species. Totus Christus, adeoque corpus, sanguis, anima, ac divinitas, sub qualibet particula divisa, etiam minima, continentur, ac divisione facta, in quolibet specierum panis fragmento, in qualibet specierum vini guttula, totus est, & integer Christus, ac proinde à sumente alterutram è prædictis speciebus totus, & integer Christus, verumque Sacramentum suscipitur. Eaque de causa inducta est consuetudo in Ecclesia accipiendi Eucharistiam sub una tantum specie; nam qui sic suscipiunt, totum Christum suscipiunt, ac verum Sacramentum. Huic divino Sacramento debetur cultus, veneratio, & adoratio patriæ, ac eadem, quæ Deo debetur, cum Christum contineat, qui Deus est, quique in eo realiter est præsens. Effectus quem in anima digne suscipientium hoc operatur Sacramentum, est unio suscipientis cum Christo, & quoniam homo per gratiam unitur cum Christo ejusque membris, consequens est, ut hujus Sacramenti virtute augeatur gratia in iis, qui digne sumunt, & quidquid cibis, & potus materialis quoad vitam corporealem hominibus præstat, præstet etiam, & operetur hoc Sacramentum quantum ad vitam spiritualem.

DECRETUM I.

XCVIII. **C**UM nihil Christianum populum deceat magis, quam assidua obsequentis animi significatione Eucharistici Sacramenti institutionem recolere, & quotidie Christo Domino
S gratias

(a) Joann. 6. v. 57.

(b) Precibus etiam, & invocatione Spiritus Sancti consecrationem fieri juxta Græcos, statuentes in illis formam consecrationis: Syros etiam in suis anaphoris, & aliis ecclesiasticis libris, illis adstipulari, immo & S. Ephraemum, asseruerunt Renaudotius,

& Le Brun; quos tamen valida manu confutat præter P. Bugeantium Soc. Jesu, novissime P. Petrus Benedictus in *Annot. critico ad iterum ad calcem Tomi 2. Oper. Syro Lat. S. Ephraem*. Vide etiam infra ubi de Liturgia Malabarica: & in *Dissertat. n. 91*.

gratias agere ob effusissimam liberalitatem, qua nobis seipsum sub speciebus Sacramentalibus reliquit, eo sui Divini amoris consilio, ut Divinum nobis suppeteret alimentum, quo nostra spiritualis vita aleretur, utque inter ærumnas, quibus premimur, lenimentum aliquod, & solatium haberemus; par est nos omnes, in hujus divini Mysterii cultum operam omnem impendere. Qua de causa Sancta Mater Ecclesia non solum perennem huic Sacramento venerationem exhibet, sed insuper præfinito anni die impensius, & solennius tanti beneficii memoriam celebrat: quod cum in hac Diocesi usu receptum non sit, Synodus volens, Ecclesiam hanc particularem in tam laudabili consuetudine cum S. Romana Ecclesia, sicuti in ceteris aliis, quantum fieri potest conformare, præcipit, ut feria quinta post Octavam Paschæ, juxta morem harum partium, Festum Sanctissimi Sacramenti in omnibus Diocesæ Ecclesiis (a) celebretur; quodque hic dies ab omni populo tamquam festus habeatur, eodemque die, vel ante, vel post Missam publica supplicatio per pagum, vel locum, majori, qua potest, celebritate instituat, non aliter ac fieri solet die Paschatis.

DECRETUM II.

XCIX. **D**Eclarat Synodus, quemlibet fidelem Christianum, dum ad usum rationis pervenerit, atque adeo mares ad annum (b) circiter decimumquartum, feminas vero ad duodecimum, debere semel in anno in Quadragesima, aut Paschate, Sanctissimum Eucharistiæ Sacramentum suscipere à Vicario, & Parrocho proprio suæ Ecclesiæ, aut ab alio, qui ab ipso facultatem habeat; qui vero cum ceteroquin capax sit, (in qua re decidenda, standum est judicio Confessarii) ab initio Quadragesimæ usque ad diem dominicum secundum post Pascha Eucharistiam non suscepit; proxima die dominica, tertia nempe post Pascha, declarabitur anathemati subiectus, & ab omnibus habebitur tamquam segregatus à communione fidelium, quousque Confessionem faciat, ac Eucharistiam suscipiat. Facultatem tamen dat Synodus Vicariis, ut

(a) Vide Dissert. n. 92.

(b) Quamquam olim communio Eucharistica daretur infantibus postquam Baptismum suscipiebant, & quidem jejunis tantum, ex *L. Ord. Rom.* Mabillonii dicente: *Nullum cibum accipiant, nec lactentur antequam communicent*: tamen diversa hodie in Ecclesia disciplina viget; nec pueris hoc Sacramentum datur, quousque inter cibum

profanum, & sacrum discernere noverint; id quod præscribunt Rituales omnes, quos consulere poteris. Erat insuper Eucharistia totiora eorum, qui in Ecclesiæ pace obibant; acque hac de causa, etiam defunctis eradebatur; de quo ritu inter alios consule Franciscum Berlendis in eruditissima *Dissert. de Oblation.* 9.3. n. 10. pag. 30. Edit. Venetæ 1743.

ut si viderint aliquos suæ Paroeciæ, non posse intra tale tempus Eucharistiale præceptum implere, eos usque ad Festum Spiritus Sancti expectent; quo tempore elapso ipsos à communione Fidelium sequestros declarent; prius tamen eos, præcipue in Silvis degentes, admoneant, vel per se ipsos, vel per alios fide dignos, ut accedant ad Ecclesiam implendi causaurgens præceptum; sin minus declarandos esse censuræ anathematis subjectos. Curabunt etiam Vicarii scire, quinam præceptum adimpleverint, eorumque nomina in album referre, uti præcipitur, quantum ad annuam Confessionem; & quamvis Sacri Canones, semel tantum in anno, Confessionem, & Communionem præceperint, suadeant tamen Vicarii suis ovibus, ut pluries intra annum, utrumque Sacramentum suscipiant; præsertim in Festo Nativitatis, Pentecostes, & Assumptionis Deiparæ; quomobrem die dominica præcedente ad has solennitates, eos de hoc ipso admoneant.

DECRETUM III.

C. **D** Eclarat, docetque Synodus, nulli Christianorum, quantumvis dolorem (a) habeat de suis peccatis, licere divinum Altaris Sacramentum suscipere absque prævia omnium peccatorum confessione, & absolutione habita à Sacerdote approbato, & qui debita jurisdictione polleat: hæc enim est probatio, quam Apostolus Paulus requirit in eo, qui de pane isto Eucharistico edit, & de Calice bibit, secus facientibus æternam damnationem præ oculis ponens: (b) *Qui enim manducat, & bibit indigne, judicium sibi manducat, & bibit*. Idcirco nec publicis peccatoribus hoc Sacramentum dare licet, quousque peccata reliquerint, ut sunt publici Venefici, & Meretrices, Concubinarij publici, & qui publice odia sine reconciliatione profitentur; quicumque demum publici peccatores, cui rei plurimum Vicarii invigilabunt, scientes, quod sicuti illi in pessimo, in quo sunt statu, ad hoc Sacramentum sumendum accedentes gravissime peccant, ita ipsi non sine gravissimo crimine, illud exhibent sumendum, hujusmodi publicis peccatori-

S 2

(a) Solam fidem esse præparationem requisitam, atque sufficientem ad hoc divinum cibum sumendum, error est damnatus a Trident. Concil. Sess. 13. Can. 11. statuit etiam atque declarat, illis, quos peccati lethalis conscientia gravat, quantumcumque dolorem habeant, & se contritos existiment, habita copia Confessoris necessario præmit-

tendam esse Confessionem Sacramentalem. Nemo igitur sibi blandiatur, qui antea D. Joan. Chrysost. verba Hom. 3. in Ep. ad Ephes. pensitaverit: *Multos video temere quemodocumque, & ex consuetudine magis quam legitime communicantes*.

(b) 1. Corint. 11. 27.

catoribus, & idem servari debet, etiamsi publici hi peccatores schedam afferant, in qua Sacerdos testimonium ferat de eorum Confessione, & absolutione obtenta, si interim proximās occasiones publicas non relinquunt, & peccare non desinunt. Qua in re Vicariorum conscientias urgemus, ob maximam dissolutionem hujus Dioeceseos, in qua peccatores publici Eucharistiam sumere audent: præsertim Concubinarij, & qui non expectata Ecclesiæ sententia cum uxoribus non cohabitant, ac alij inimicitias publice habentes; quin sit, quicquid absterreat, de quo rigidam Deo rationem Vicarii reddent: ceterum in mortis articulo, etiam publicis peccatoribus, hoc divinum conferre Sacramentum poterunt, dummodo eos poenitere deprehendant.

DECRETUM IV.

CI. **D**Ocet Synodus, divinum hoc Sacramentum à jejunijs tantum, ut Sancta Mater Ecclesia præcipit, sumendum esse; quod jejunium tale debet esse, ut à media nocte nihil potus, aut cibi, ne minimum quidem sumatur ab eo, qui sequenti mane Eucharisticum Sacramentum sumere vult, quod si non jejunus accederet, gravissimum sacrilegium committeret; iis exceptis, qui gravi laborant ægitudine, ex qua imbecilles redditi sunt; isti enim elestuaria sumere, (a) aut quid leve pro reficiendis viribus, prout judicaverit Confessarius, poterunt, ne morbus ingravescat.

DECRETUM V.

CII. **N**ON semel tantum singulis annis, nempe tempore Paschatis Resurrectionis urget præceptum sumendi Eucharistiam, sed etiam quotiescumque Christifideles in probabili mortis peri-

(a) Id quidem est contra Ecclesiæ disciplinam, quæ etiam in infantibus jejunium olim exigebat, ut *supra in Not. ad n. 99.* diximus, sed fortasse hæc relaxatio fuit necessaria ad promovendam Sacramentorum Communionis frequentiam in iis regionibus, in quibus Eucharistia non deferretur ad infirmos, sed infirmi etiam Vaticano munienti ad eam sumendam deferuntur ad Ecclesiam, ut præscribitur in *sequenti Decreto*. Mos deferendi ægros ad Ecclesias seu Monasteria, ut susciperent Sacramentum Unctionis extreme, vigeat anno 1597. in India Occidentali; in *Concilio autem Mexicano* ejusdem

anni abrogatus est: & *lib. 1. tit. 5. §. 6.* statutum: *Ut tam immunis ac barbara consuetudo... radicitus extirpetur... externus enim impulsus (portitorum) aut mortem conciliat, aut saltem accelerat.* Consule Goar in *Euchologio* de ritu deferendi ægros ad Ecclesiam, ad Sacramenta suscipienda. Ceterum Malabareses ægros ad Ecclesiam asportabant, ut communicarent: ne si Eucharistiam per vias deferrent ad infirmos, ab Ethnicis sacra Mysteria illiberaliter tractarentur: vide Vinc. Mar. *lib. 1. cap. 6.*

periculo versantur, ac præsertim si quis graviter ægrotet, quamobrem hoc Sacramentum dicitur *Viaticum*; nimirum commeatus pro itinere ex hac mortali ad æternam, immortalemque vitam; Idcirco præcipit Synodus, ut omnes graviter decumbentes, aut in vitæ discrimine constituti maxima cum reverentia illud suscipiant. Quibus autem cura infirmorum incumbit, Vicarios tempore apto accersant, ut eos pane Eucharistico reficiant: diligenter etiam Vicarii inquirant, quinam, & quot sint infirmi in sua Parœcia, eosque, antequam imbecilliores reddantur, vel ex itinere nocumentum recipiant, leſtica à bajulis, sive alio quocumque modo jacentes, in Ecclesiam asportari curent, ut Sanctissimum sumant Sacramentum; Cujus rei gratia, Ecclesia quælibet, leſticam, vel reticulum pulvinaribus instructum habeat, quibus commode asportentur; id vero post mensem ab hujus Decreti publicatione executioni mandent, & quidquid erogandum erit, accipiant e pecuniarum summa, deposita ad Ecclesiæ instaurationem, vel ornatum. Quod si aliquis adeo negligens fuerit, ut ipsius incuria aliquis e Parœcia absque Viatico ex hac vita discesserit, per Censuram suspensionis per semestre ab ordinum exercitio, & emolumentorum Ecclesiasticorum perceptione prohibeatur. Si autem id contingat ex incuria aliorum, qui ægrotis assistunt, eo quod neglexerint Vicarium arcessere, à Præsule pro suo arbitrio graviter puniantur. Sciant interim Vicarii sedulitatem omnem in hanc rem impendere, præcipuam esse sui muneris partem, quam ipsis Synodus, ipsorum conscientias obstringendo, summopere commendat.

DECRETUM VI.

CHL. **Q**uia sæpius in puerperiis Mulieres vita periclitantur, & non raro pereunt, declarat Synodus, eas imminente partu (a) Sacramentum Pœnitentiæ, ac Eucharistiæ suscipere debere, quibus suæ æternæ salutis consulant; idque præsertim fieri oportere, si partus sit primus, in quo vitæ periculum majus est, ut experientia constat; Quapropter ipsis commendat, ut opportuno tempore id executioni mandent, & priusquam doloribus oppressæ, ad

(a) Sanctus Carolus Borromæus cum Concilio Mediolan 6. 5. 16. statuit, ut non solum qui profecturus est ad locum, ubi sit pestis, aut hæresis, aut iturus ad bellum, aut ubi nullam Confessarii copiam habere potest, aut iter infestum, aut navigatio-

nem aggressurus, peccata confiteatur, sed etiam quod *idem officium præstet* (Parochus) *de mulieribus proxime parituris & mulier item proxime paritura frequentius sumat sacrosanctam Eucharistiam Sacramentum.*

ad Ecclesiam venire nequeant . Id etiam declarat faciendum esse ab iis , qui diuturnam , & periculosam navigationem aggrediuntur, eandemque suæ æternæ salutis curam etiam ipsis præcipit , ac summo opere commendat .

DECRETUM VII.

CIV. **C**UM in hac Diœcesi quamplures Sacerdotes , & Cassanarii Sacrum non celebrent , vel quia impediti , vel quia ante præscriptum a Sacris Canonibus tempus ad Sacerdotium promoti , requisitam ad celebrandum ætatem nondum attingunt : præcipit Synodus , ut Sanctissimum Eucharistiæ Sacramentum sumant in Festis solennibus , & ad minus semel in mense : optaret insuper Synodus id ab ipsis singulis diebus dominicis reverenter , & cum debita animi præparatione fieri . Quoties autem Sacerdos quilibet a manu Celebrantis Eucharistiam suscipit , indutus sit superpelliceo , & stola è collo ante pectus in modum Crucis coaptata , ut à reliquo populo distinguatur ; prout exigit decencia , ac dignitas gradus Sacerdotalis .

DECRETUM VIII.

CV. **Q**Uoniam , ut supra dictum est , non licet aliquem peccati lethalis conscium ad Sacramentum Altaris accedere , quin peccata Sacramentali confessione prius expiaverit , declarat Synodus id nec ipsis Sacerdotibus licere . Nemo itaque , quem remordet peccati lethalis conscientia Sacrum celebrare audeat , quin si opportunitas detur , & non desit , qui ejus confessionem excipiat , peccata sua confiteatur , quod servandum est etiam ab iis Sacerdotibus , quos munus , quo funguntur , vel sæpius , vel etiam quotidie celebrare cogit : & quamvis hac obligatione obstringantur Sacerdotes peccati lethalis conscii ; nihilominus etiam non conscii Synodus præcipit , ut ad augendam animæ puritatem , semel ad minus singulis hebdomadis confiteantur .

DECRETUM IX.

CVI. **P**ræcipit insuper Synodus , ut Diaconi , & Subdiaconi ; qui diebus dominicis , (a) in Missa solenni Sacerdoti infer-

(a) Laudabilis ista consuetudo multis in locis viget , præcipue in Hispania inter Augustinenses ad præscriptum Constitutionis Ord. Parol. Cap. 9. n. 3. iis verbis : *Insuper*

serviunt, in eadem Missa cibum Eucharisticum fumant, & in iocundioribus Festis Christi Domini, Deiparæ, ac SS. Apostolorum omnes omnino Chamazes ad Eucharisticam mensam accedant; idque curent Vicarii, nec non Præsul, dum Dioecesim peragrans de statu rerum cognoscet, diligenter inquirat, an hæc laudabilis consuetudo vigeat.

DOCTRINA

De Sancto Missæ Sacrificio.

CVII. **T**antus fuit amor Dei erga nos in instituendo Eucharistiæ Sacramento, ut non solum Corpus suum, & Sanguinem sub speciebus Sacramentalibus nobis exhibuerit, tamquam coelestem cibum, quo nostrarum animarum spiritalem vitam tueri, conservareque possemus; verum etiam illud instituerit, ut Militans Catholica Ecclesia, visibile, ac iuge Sacrificium (a) apud se haberet, quo mundaremur à peccatis, & Pater coelestis à nobis innumeris sceleribus offensus, à rigore Iustitiæ ad lenitatem, & misericordiam revocaretur. Itaque in Missa offertur Deo verum, & proprium remissionis Sacrificium, tam pro vivis, quam pro defunctis; huiusque oblatione Sacrificii redditur Deus propitius, gratiamque, ac donum poenitentiae peccatoribus impertit, vi cuius veniam peccatorum, quantumvis enormium obtinent. Una enim, eademque est Hostia, quæ Sacerdotum ministerio in altari offertur, ac ea, quæ in ara Crucis fuit oblata; offerendi tantum ratione, discreta. Unde non solum offertur pro peccatis, poenis, satisfactionibus, aliisque necessitatibus viventium Fidelium, sed etiam pro iis, qui in Christo mortui, & in poenis Purgatorii existentes, non-

jubemus, ut in Dominicis, ac solemnibus diebus Diaconus, ac Subdiaconus, vel alter eorum, qui non fuerit Sacerdos communionem percipiat. Quod etiam non semel fieri videtur Romæ in Sacrosancta Basilica Vaticana, ubi illis diebus Altaris Ministri Diaconus & Subdiaconus, etiam si sint Sacerdotes, Corpus Domini suscipiunt è celebrantis manu.

(a) *Quam vocamus Missam, verum esse Sacrificium, ex Scriptura, & traditione perspicue descendit; de quo inter alios vide Pouget Instit. Cath. tom. 2. pag. 639. Edit. Fene a anni 1742. Quod Sacrificium varias appellationes sortitum est; Patres enim*

Orientales illud vocant Liturgiam, seu publicum ministerium, aut munus; Mystagogiam actionem mysticam, vel introductionem ad mysteria; Synaxim: Fidelium congregationem ad mysteria: Anaphoram sursum elationem; demum Prosphoram, id est oblationem. Latini vero Patres, & Concilia hoc vocaverunt Coelestem eodem sensu, quo Græci Synaxim; Dominicum, id est Domini sacrificium: Agendam hoc est sacram actionem, Oblationem denique, aut Communionem & Missam; mos tamen invaluit, ut apud Græcos Liturgia, & apud Latinos Missa, aliis appellationibus omissis, vocitaretur.

nondum plene à peccatis purgati sunt, aut pro poenis ob peccata debitis non satisfecere: æquum enim, justumque erat, ut Sacrificium in omnium salutem institutum, omnibus prodesset. Hæc insuper est illa oblatio (a) munda, ac pura, quæ nulla offerentium (b) pravitate, nec indignitate inquinari valet: unde ejusdem est pretii, quoad substantiam, valor, & acceptatio Sacrificii, sive offeratur à Sacerdote, mundo, puro, ac inculpata vitæ, sive à peccatore immundo, ac vitæ contaminatæ; nec enim suam ab offerente accipit dignitatem, sed ab ejus, qui offertur excellentia, ac magnitudine; Neque Pater æternus illud acceptat ob merita, & virtutes offerentis Sacerdotis, sed propter valorem ejusdem Sacrificii, & merita infinita Domini per illud oblatis. Unde cum Dominus Salvator noster esset se ipsum cruenta oblaturus in ara Crucis, excellentius suæ immensæ charitatis erga nos signum exhibere non potuit, quam instituendo hoc visibile Sacrificium in Ecclesia, quo cruentum illud mox offerendum semel in aram Crucis, quotidie, & pluries diebus singulis in Ecclesiæ Altari, usque ad mundi finem non sine maximo totius humani generis proventu renovaretur. Quod quidem divinum Sacrificium soli offertur Deo, etiamsi quandoque in honorem, ac memoriam Martyrum, aliorumque Sanctorum, cum Deo regnantium, celebretur: nec enim Sanctis, sed Deo (c) soli, qui dignatus est ipsos immortalis gloria donare, Sacrificium offertur, in gratiarum actionem ob strenuam Martyrum victoriam, ac illustria dona, & bona aliis Sanctis collata, nec non ob triumphum, quem per talia dona à Mundo, Carne, & Diabolo reportarunt; ipsos etiam Sanctos deprecando, ut dignentur pro nobis intercedere in Coelis, quorum memoriam (d) agimus in terris. Postremo animadvertendum, quod quamvis Eucharistia semper sit Sacramentum, non est tamen Sacrificium, nisi dum offertur.

DECRE-

(a) Malach. 1. v. 10. & 11. *In omni loco (juxta Hebræum) suffimentum offertur nomini meo, & מנחה Mincha* (oblatio munda, aut condimentum Sacrificii) *quia magnam nomen meum in gentibus.*

(b) Articuli. 18. *Processus* Cont. Joann. Hus in Conc. Constant. anno 1415. ejus recenset errorem, nempe quod *Magister Joannes Hus dixit: hoc tenetis, quod si Sacerdos est in peccato mortali, nihil facit, neque consecrat, nec fit ibi Corpus Christi, sed manet ibi substantia panis sicut ante.*

(c) Ita etiam à Concilio Trid. declaratur *Sessio. 22. cap. 3. de Sacrific. Missæ: Non tamen Sanctis Sacrificium offerri dicit (Ecclesia) sed soli Deo, qui illos coronavit.*

(d) In more positum est, ex Apostolica traditione, ut agatur in Sacrificio Missæ memoriæ Sanctorum; & patet ex antiquissimis Liturgiis, & ex PP., qui primis seculis floruerunt, Justino nimirum, Cypriano, Cyrillo Hieros., Chrysost., Augustino, tandem quem adeas lib. 8. de Civit. Dei cap. 27. & lib. 22. cap. 10.

DECRETUM I.

CVIII. **C**UM Ecclesia hæc per mille ducentos annos, Sanctæ Romanæ Ecclesiæ, quæ est magistra Ecclesiarum omnium, & in alias omnes sinceram doctrinam, & Ecclesiasticæ disciplinæ leges, modumque derivat, minime subiecta fuerit, factum est, ut ea, quæ ad Sanctum Missæ Sacrificium pertinent, servata non fuerint, ea qua par est integritate, ac puritate; Episcopi enim e Babylonia missi, utpote schismatici, ac hæretici ea omnia per summam licentiam, quidquid ipsis visum fuit Missæ addentes, vel detrahentes, magna ex parte labefecerunt: Quamobrem in Missa Syriaca, quæ in hac Dioecesi recitatur, nonnulla inconsiderate cesserunt, quæ errores inducere, & fovere videntur; pleraque etiam impia penitus, & hæretica; Qua de causa libri omnes Sacrificii Rituales, sive Missales, quippe qui fuerunt ab hæreticis Nestorianis depravati in ignem projici deberent. Verum cum aliorum copia desit, quibus celebrari possit, quandiu Dominus noster Papa, quid agere oporteat non decreverit, aut Missalia Chaldaice conscripta, prout instanter, ac humillime Synodus supplicat, non miserit: præcipit Synodus illa expurgari, & quæ sequuntur (a) interferi; ceterum ante expurgationem, quam Illūnus Metropolitanus in visitatione, simul cum doctis viris, & Chaldaicæ linguæ peritis, quos ad id deputaverit, perficiet, Sacerdotum nullus iis utatur.

CLIX. Primum cum ex doctrina supra tradita de hoc Sacramento, confiterit, Sacerdotem non propriis ipsius verbis, sed verbis tantum Christi Domini nostri, authoris, ac institutoris ejusdem Sacramenti, consecrare; non licet addere in forma consecrationis verba aliqua quantumvis optima, verbis iis, quæ Christus protulit, excepto verbo *enim*, quod Ecclesia Romana formulæ consecrationis Corporis, & Sanguinis adjunxit; quia præterquamquod ex Apostolica tenet traditione, id Christum in Corporis consecratione protulisse, & Matthæus in Calicis consecratione posuit; Verbum illud non immutat sensum, sed unice copulat præcedentia verba cum sequentibus. Excipienda pariter sunt verba hæc: *aterni*, & *Mysterium fidei*, quæ licet apud Evangelistas non reperiantur, ex eadem Apostolica traditione constat, Christum ea in consecratione Calicis adhibuisse, quamobrem ipsis Ecclesia utitur. Verba igitur illa,

T

quæ

(a) Plura hic adnotanda essent circa ea loca, quæ Synodus castigavit; ast ne astum
agamus, ea omnia rejecimus ad Liturgiam
Malabaricam ad calcem Synodi positam.

quæ Missæ Syriacæ adduntur in Calicis consecratione: & *boc erit vobis pignus, in secula seculorum*; quippe quæ in nullo ex quattuor Evangelistis, aut aliquo novi testamenti libro habentur, nec quod ea Christus dixerit inter consecrandum, ex Apostolica traditione accepit Ecclesia, præcipit Synodus in formula consecrationis non proferri. Nihilominus cum talia verba in se ipsum, ac laudabilem sensum contineant, eumque conformem appellationi, qua Ecclesia Eucharistiam, futuræ gloriæ pignus vocat, utque antiquus ritus, quantum patitur Fidei sinceritas, ac doctrinæ puritas, servetur, ea Sacerdos dicat, elevato jam Calice, ac profunda inclinatione peracta; ita ut sequentes Orationes ab illis verbis incipiant, permutato tamen verbo *Vobis*, quod tanquam ex persona Christi dicebatur, in *Nobis*, ac proinde nomine suo loquatur Sacerdos dicens: *boc erit nobis pignus*. Cum autem ea, quæ sequuntur *in secula seculorum*, prout veritas ipsa, & Ecclesiæ consuetudo postulat, tantum dicantur de iis rebus, quas ipsa futuras expectat, & postulat, & quidem tanquam semper duraturas: quod huic Sacramento non bene convenit, cujus usus, sicuti & aliorum Sacramentorum dumtaxat est pro hac vita, & usque ad consumationem Mundi, quippe in medelam spiritualium ægritudinum hujus vitæ tantum, instituta fuere; in futura enim vita videbimus Dominum, non speciebus Sacramentalibus velatum, sed perspicue sicuti est; neque manducabimus hunc divinum panem Angelorum sacramentaliter, sed eo modo, quo Angeli eum manducant; atque adeo per visionem Divini Verbi, quod sub speciebus panis continetur, longe plenius fiantur; ea propter expungantur illa verba: *in secula seculorum*; quorum loco ponatur: *usque ad consumationem seculi*, dicendo: *Hoc erit nobis pignus, usque ad consumationem seculi*. Tandiu enim est pignus, quamdiu peregrinamur à Domino, juxta id quod Christus Ecclesiæ suæ promisit; se nempe cum nobis mansurum ad finem usque seculi, ad quem usque Sacramenta ad nostrum remedium ab eo instituta non deficient. Post illa autem verba, pergat Sacerdos immediate prout in Missa habetur, *Gloria tibi Domine mi, Gloria tibi &c.*

CX. Item in consecratione Calicis, dum dicitur: *novi testamenti, qui pro vobis*, addantur Christi verba: *novi, & æterni testamenti, mysterium fidei, qui pro vobis, & pro multis &c.* Itaque verba consecrationis tam Corporis, quam Sanguinis reformentur, ac in omnibus apponantur Missalibus, juxta Canonem, quo utitur Ecclesia Romana, & universalis; itaut nihil addatur, vel dematur; nec non eædem adorationes, inclinationes, & ceremoniæ fiant, quæ in Missali Romano præscribuntur. Item,

Item, dum Sacerdos dicit: *Domine Deus noster, quando inspirabit in nobis odor suavissimus*, eo loco ubi dicitur: & cum animæ nostræ veritatis tuæ scientiæ fuerint illustrata, tunc occurreremus dilectio Filio tuo &c., loquendo de die judicii, dici debet: & cum corpora nostræ veritatis tuæ splendore fuerint illustrata; tunc occurreremus &c.; quia iustorum animæ ante diem judicii illustrantur, & glorificantur in Cœlo; tunc enim tantum corpora glorificabuntur: videntur autem prædicta verba alludere ad Nestorianorum hæresim, dicentium, Iustorum animas, ante diem judicii, Deum non videre, nec gloria, & beatitudine gaudere.

CXI. Item ubi Diaconus dicit: *orando pro Sanctis Patribus nostris Patriarcha nostro, Pastore universali totius Ecclesiæ Catholicæ*; id intelligendo de Patriarcha Babylonico Schismatico, & Episcopo hujus Metropolis, dicatur: *pro Sanctis Patribus nostris, Beatissimo Papa nostro, totius Ecclesiæ Catholicæ Pastore*, ipsum nomine proprio designando: & Episcopo hujus Metropolis, ejus quoque nomine expresse; & Ministris ipsorum.

Item: paulo infra dum Diaconus iterum orando dicit: *præcipue nos oportet orare, pro incolumitate Patrum nostrorum Sanctorum, Domini Patriarchæ totius Ecclesiæ Catholicæ Pastoris*, nomen Babylonici Patriarchæ proferendo, verba reformatur sic: *præcipue oportet nos orare, pro incolumitate Patrum nostrorum, Domini Papæ*, & apponatur nomen ipsius, & Episcopi hujus Metropolis, proprio ejus nomine apposito.

Item: dum Diaconus postea dicit: *commemoramus autem Beatissimam Mariam Virginem, Matrem Christi. & Salvatoris*, scribatur: *Sanctam Matrem Dei vivi, & veri, & Redemptoris, & Salvatoris nostri &c.* perversi etenim Nestoriani, impie negant, vocandam esse Sanctissimam Virginem Mariam Dei Matrem, ut in superioribus dictum manet.

CXII. Item quæ paulo infra idem Diaconus dicit: *commemoramus quoque Patres nostros Sanctos, & veritatis Doctores; Dominum, & Sanctum Nestorium, S. Diodorum, S. Theodorum, S. Ephræm, S. Abraham, S. Narcisum; omnes quoque Doctores, & Presbyteros, veritatis cultores: Oremus, ut ipsorum orationibus, veritas pura, ac sincera doctrina, quam docuerant, & professi sunt, in omni Ecclesia sancta custodiatur, usque ad consumationem sæculi*: quæ omnia hæretica sunt; impia insuper deprecatio, qua Deus oratur sacrilege, ut Nestorii precibus, & reliquorum hæreticorum affectuum ejus (a quorum numero excipiendus est S. Ephræm) doctrinam in Ecclesia custodiat; prorsus deleantur, ac subrogentur hæc alia

verba: *Commemoramus quoque Patres nostros Sanctos, & veritatis Doctores, Sanctum Cyrillum, S. Athanasium, S. Basilium, S. Ephraem, S. Augustinum, S. Leonem, S. Gregorium, omnes quoque Doctores, & Presbyteros &c.*

CXIII. Qua in re caute procedendum est. Nam licet in nonnullis Missalibus nomina Nestorii, Theodori, & Diodori jam sint deleta; in aliis tamen leguntur; & in omnibus habentur nomina Abrahami, & Narcisi, qui fuerunt maledictæ illius Sectæ Duces; etiamsi ergo in paucis illis Missalibus priora nomina deleri non debeant, cum jam deleta sint, posteriora tamen, non minus execranda, quam illa, deleri opus est.

Item; in fine hujus orationis, quam Diaconus dicit; ad illud: *oportet nos orare, & exaltare unum Deum Patrem, Dominum omnium, adoratione dignissimum, qui per Christum fecit nobis spem bonam; dicendum est: qui per Jesum Christum Filium suum, Dominum nostrum fecit nobis spem bonam &c.*

Item; dum Sacerdos Calici vinum infundendo dicit: *miscetur pretiosus sanguis, in Calice Domini nostri Jesu Christi; dicatur: misceatur vinum in Calice Domini nostri, ne verba illa, quibus vinum nondum consecratum vocatur pretiosus Sanguis, præbeant occasionem errandi, & videantur alludere ad damnatum Græcorum morem, qui offerentes panem, & vinum ante consecrationem, ea adorant, dicentes, se ita facere propter id, in quod postea convertenda sunt.*

Item mox infra cum Sacerdos ait: *expectans expectavi Dominum, Corpus Christi, & Sanguinem ejus pretiosum, super sanctum altare offeramus; dicendum est ob eandem rationem; panem Sanctum, & Calicem pretiosum offeramus.*

CXIV. Item paulo etiam infra, ubi dicit Diaconus: *edent pauperes, & saturabuntur, Corpus Christi, & Sanguinem ejus pretiosum, super Sanctum altare offeramus; cum nondum panis, & vinum consecrata sint, dicatur potius: Edent pauperes, & saturabuntur, panem Sanctum, & Calicem pretiosum, super Sanctum altare offeramus.*

Item infra dum Sacerdos sub silentio dicit orationem, quæ incipit: *offeratur, & gloria immoletur; ubi dicitur: & Christus, qui oblatus est pro salute nostra; dicatur: Jesus Christus Dominus noster Dei Filius, qui oblatus est &c.*

Item dum Sacerdos elevans vocem dicit: *Gloria Patri &c. commemoratio Virginis Mariæ, Matris Christi; dicendum est. fiat commemoratio Virginis Mariæ, Matris ipsius Dei, & Domini nostri Jesu Christi.* Item

Item mox quando Diaconus dicit: *à seculo usque in seculum Amen, & Amen, Apostoli ipsius filii, & amici Unigeniti*; dicendum est: *Apostoli ipsius filii Dei, & amici &c.*

Item cum Sacerdos incipit: *pusilli cum majoribus &c.* ubi dicit, *& resurrectione tua, supergloriosa, resuscitabis eos ad gloriam tuam*; dicatur: *& per Resurrectionem tuam supergloriosam, suscitabis eos.*

CXV. Item cum Diaconus dicit: *effundite coram illo, corda vestra jejunio, oratione, & poenitentia, placaverunt Christum, Patrem quoque, & Spiritum ejus*: dicendum est: *placaverunt Patrem, Filium, & Spiritum Sanctum*: prædicta siquidem verba Patrem, & Spiritum ejus, videntur alludere ad errorem Græcorum impiè docentium, Spiritum Sanctum procedere tantummodò à Patre, non vero à Patre, & Filio, tanquam ab uno principio, quod fides Catholica tenet: neque mirum videri debet, quod in Regionibus hisce, Nestoriani ex assidua cum Græcis consuetudine, aliquos illorum errores sibi adoptaverint: ut itaque ulterius errandi occasio omnis de medio tollatur, citata verba prædicto modo emendentur.

Item in oratione, quam Sacerdos dicit: *Dominus Deus (a) fortis, tua est Ecclesia Sancta Catholica, quæ admirabili Christi tui passione empta est*: dicatur *quæ admirabili Christi Filii tui passione empta est.*

Item prope Evangelii finem e capite quodam D. Joannis desumpti, juxta versionem Syriacam, quæ aliquibus est in locis depravata, in exemplaribus illius, quæ habentur in hac Dioecesi, ut supra fuit dictum; ubi legitur: *quoniam venit hora, in qua omnes, qui in monumentis sunt, audient vocem ipsius*: dicendum est: *audient vocem Filii Dei*; prout habet Evangelista.

CXVI. Item in Symbolo, quod in solennioribus missis cantatur, desiderantur plura verba, & ea quidem magni momenti, & non sine dolo malo suppressa; nam cum de Christo Domino nostro dicitur: *à Patre natum ante omnia secula*: Deficiunt ea, quæ sequuntur: *Deum de Deo, lumen de lumine, Deum verum de Deo vero*; quæ adjungi debent; sicut & hæc alia: *Consubstantialem Patri*: quorum loco Syriace habetur: *Filius essentia Patris*; quæ expungi debent, ac subrogari: *Consubstantialem Patri*: Itaut Symbolum prorsus tale sit, quale cantatur à tota Ecclesia, & in Missali Romano continetur.

Item

(a) Legendam videtur *Domine Deus &c.*

Item dum immediate post Symbolum Diaconus orat, & commemorat SS. Apostolos, Martyres, Confessores, præter Ecclesiæ morem pro illis Deum orat, ut eos resuscitet, & corona Resurrectionis mortuorum coronet, his verbis; *Oremus inquam, ut Resurrectione, quæ est ex mortuis, à Deo corona audentur*: alienum autem est à sensu Ecclesiæ pro Sanctis Apostolis, Martyribus, & Confessoribus orare, aut pro illis bona aliqua postulare, cum ex fide, quam profitemur, certum sit eos omnium bonorum possessione gaudere. Non pro ipsis ergo, sed ipsos orare debemus, ut orent pro nobis, & à Deo tanquam domestici, & amici ipsius, necessaria, & opportuna spiritualia bona, aut temporalia, quæ expediunt, nobis impetrent: Quidquod ea verba alludere videntur ad Nestorianum errorem: nimirum Beatorum animas Deum non videre, usque ad diem judicii, & post resurrectionem corporum, morari vero interim in Paradiso terreno, quod impium est, & hæreticum: quamobrem præcipit Synodus, cum in Ecclesia usitatum non sit, hujusmodi orationes pro Sanctis fundere, etsi in Apocalypsi id pro se ipsis præstent, ut illa deleantur verba, & cum præcedentibus sequentia conjungantur, dicendo: & *Confessores hujus loci, & omnium Regionum: oramus inquam, ut det nobis, ut efficiamur socii eorum &c.* & omittendo verba illa: nec non in fine orationis, ubi dicitur; *per gratiam Christi*, dicatur *per gratiam Dei, & Domini nostri Jesu Christi*.

Item cum Sacerdos incipit: *Confitemur, & laudamus Dominus (a) Deus noster &c.* & mox: *dignos nos fecisti dispensatione Sacramentorum Sanctorum, Corporis, & Sanguinis Christi*, legendum est: *Christi Filii tui*.

CXVII. Item infra dum Sacerdos loquitur ad eos, qui sunt ad Altaris dexteram, ipsique cum Diacono respondent: *Christus exaudiat orationes tuas*; in eo loco ubi legitur: *hoc Sacrificium, quod tu offers pro te, pro nobis, & pro toto Orbe a minimo usque ad maximum*; auferantur: quum enim Missa publica sit oratio, pro Ecclesia, in illa non oramus pro Paganis, Hæreticis, Schismaticis, ac excommunicatis, nec pro illis offertur; sed pro fidelibus tantum catholicis, qui sunt Ecclesiæ membra: illorum ergo loco dicendum: *quod tu offers pro te, pro nobis, & pro universa Ecclesia Catholica, & omnibus Orthodoxis, atque catholica, & Apostolica fidei cultoribus*.

Item ubi Sacerdos incipit etiam; *Domine Deus exercituum*, & dicit:

(a) Error fortasse Typographi, & scribendum *Domine Deus*.

dicit: *pro Sacerdotibus, Regibus, & Principibus*; legatur ita, & *pro Regibus, & Principibus Catholicis*, Christiani etenim Ecclesiæ hujus, sub Principibus degunt infidelibus.

Item infra, ubi Sacerdos incipit: *Tu Domine mi propter &c.* ubi dicitur: *Recordationis Corporis, & Sanguinis Christi tui*, dicendum est: *Christi Filii tui*.

Item mox in eadem oratione prope finem, cum dicitur: *laudemus, & glorificemus te, absque cessatione, in Ecclesia tua, Sanguine Christi redempta*, legatur: *Sanguine Christi Filii tui redempta*.

Item paulo inferius, ubi dicunt Diaconus, & Clerus: *orando, & pro omnibus Patriarchis, Episcopis, & Presbyteris &c.* addatur & *pro Beatissimo Papa nostro N.* eum nominando, & *pro omnibus Patriarchis, & Episcopis*.

CXVIII. Item in Hymno, qui à Clero, & Diacono alternatim dicitur, post elevationem SS. Sacramenti, in versu ubi dicitur: *Sacerdos quando ad Sanctum Altare ingreditur, manus suas, pure protendit in Cælum, & invitat spiritum, qui de superis descendit, & consecrat Corpus, & Sanguinem Christi*: ubi innui videtur, Sacerdotem evocare de Cœlo spiritum, qui consecrare debet, quasi id non præstet ipse Sacerdos; cum itaque Sacerdotis sit, vere consecrare, etsi Christi verbis tantum, & non suis, ut omnis errandi tollatur occasio, legendum est: *manus suas pure protendit in Cælum, & consecrat Corpus, & Sanguinem Christi*, illa omittendo verba; & *invitat spiritum, qui de superis descendit &c.* & illa alia nimirum: *à seculo, & usque in seculum*.

Item in Oratione, quæ à Diacono dicitur, & incipit: *Omnes timore pariter, & amore accedamus*; ubi dicitur: *Unigenitus Dei mortale corpus, & spiritualem rationem, immortalemque animam, ex filiis hominum suscepit*: ne aliquorum, & maxime Nestorianorum incuratur in errorem, docentium animam scilicet fieri per traducem more corporum, & à parentibus non secus ac corpora generari, cum revera à Deo creetur ex nihilo, & corporibus integre efformatis infundatur: dicendum est: *Unigenitus Dei mortale corpus, ex filiis hominum, & spiritualem, rationalem, immortalemque animam suscepit*.

CXIX. Item: dum Diaconus post communionem Sacerdotis, populum ad communionem invitando dicit: *fratres mei suscipite corpus ipsius filii*: dicatur *ipsius filii Dei*.

Item ad primum verbum Benedictionis ad populum: ubi dicitur: *ille qui benedicit nos in Cælis, per Filium humanitatis*: dicatur. *per Filium suum*, omisso *humanitatis*. Item

Item; in prima Benedictione, quam dat Sacerdos Populo in fine Missæ, in qua dicit: *Benedicatur Cathedra gloriosa Catholicorum Orientalium*: quod de Schismatica Babylonix intelligitur; dicendum est: *Benedicatur Cathedra gloriosa Romana*.

Item; versu sequenti ipsius benedictionis, ubi loquendo de Episcopo Dioecesano dicitur: *Dominus totius gregis Episcopus, plenus sobrietate, custodiatur a malo &c.* addendum est nomen SS. Domini Papæ dicendo: *Dominus totius gregis catholici, Papa N. plenus sobrietate, custodiatur a malo, una cum bono Doctore, & Episcopo nostro N.* cum suo nomine appellando.

Item in eadem Benedictione post pauca, ubi dicitur: *Illustris in congregatione Sanctorum, Religiosus Hormisdas sanctitas sanctitatum &c.* nomen *Hormisdas* deleatur, quippe hæretici Nestoriani, ut superius est dictum, & ejus in loco dicatur: *Illustris in Congregatione Sanctorum Sanctissimus Apostolus Thomas, sanctitas sanctitatum*; deinde addantur alia, quæ sequuntur, quippe quæ Apostolo glorioso, qui Magister in his partibus edocuit evangelium apprime conveniunt; nequiquam vero perverso hæretico.

CXX. Item in primo versu Benedictionis festorum solennium, ubi de Divino Verbo dicitur: *qui factus est homo, & operuit speciem suam, in filio hominis*; ad procul amovendam, quantum fieri potest, umbram omnem, vel levissimam doctrinæ Nestorianæ, dicatur: *qui factus est homo, & operuit divinitatem suam, humilitate nostra*.

Item infra dum dicitur: *Benedic Ecclesiam tuam, quæ patitur & in ovili pessimi Dæmonis, ecce comprehenditur*: dicendum est; *quæ patitur infestationes a pessimo Dæmone, libera illam &c.* Ecclesiæ enim Catholicæ, licet infestus persecutor sit Diabolus, non tamen eam possidet, nec unquam illam ditioni suæ subiget, cum de illa dictum sit à Christo Domino, *& porta inferi non prævalent adversus eam*.

Item ubi mox dicitur: *Benedic dextera tua Christe, Congregationem hanc*; dicendum est: *benedic dextera tua Domine Jesu Christe, Congregationem hanc*.

Item in eadem benedictione dum dicitur: *Salva Reges nostros, & Duces nostros*; legendum est: *Salva Reges nostros fideles, & Duces nostros Catholicos*; cuncti etenim Reges, Dominique, in quorum ditione sunt horum Christianorum Ecclesiæ, ethnici sunt, pro quibus publice orare in Missa non licet.

Etiam infra in eadem benedictione, ubi dicitur: *sicut decet coram ipso Jesu Salvatore*; dicatur: *coram ipso Jesu Deo Salvatore*; ad vitandum Nestorianorum errorem.

Item

Item in penultimo hujus benedictionis versu dum dicitur: *& semper dico vobis, qui comedit Corpus meum, & bibit ex Sanguine meo sanctificante liberabitur ab Inferno per me; dicantur verba ipsius Christi, loco eorum: liberabitur ab inferno, & bibit ex Sanguine sanctificante habet vitam aeternam.*

Denique ad finem tertiæ benedictionis ubi dicitur: *Gloria illi ex omni ore Jesu Domino*: ob eandem rationem dicatur: *Gloria illi ex omni ore Jesu Domino Deo*: quoniam Nestoriani impie dicunt, nomen *Jesu* nomen esse suppositi humani, Dei que nomen non convenire ipsi. Itaque prædicta omnia præcipit Synodus emendari forma hic stabilita; propter cautelam, qua in hoc Episcopatu, ob prædicta incedendum est, ubi maledicti hæretici Nestoriani tot errores seminaverant.

DECRETUM II.

CXXI. **C**UM in Missalibus hujus Episcopatus nonnullæ existant Missæ, quæ Nestorium, aliæ quæ Theodorum, (a) aliæ verò quæ Diodorum, ipsius Magistros authores habent; quasque Cassanarii certis diebus recitare jubentur, prædictorum authorum titulum præferentes, & in quibus plurimi errores, atque hæreses reperiuntur: præcipit Synodus, ut omnes, prout jacent, integræ præscindantur à Missalibus, & comburantur. Itaque jubet in virtute sanctæ obedientiæ, & sub pœna excommunicationis latæ sententiæ, ut Cassanariorum nullus in posterum iis utatur, sed eas omnes a Missalibus avellant, aut ipsas Illustrissimo Metropolitano tempore visitationis, aliisve, quibus ab illo commissa fuerit cura sacros Libros emendandi, tradant; sique idem faciant, quod paulo supra præscriptum fuit.

DECRETUM III.

CXXII. **Q**UONIAM in Missalibus Syriacis istius Episcopatus, quædam ceremonia impia, & sacrilega præscribitur,

V

qua

(a) Abraham Ecchellenfis in *Not. in Catalog. Ebdiejs* testatur se legisse Syriacæ Liturgiæ Diodori, quam merito Synodus memorat licet Renaudot *tom. 2. Liturgi. pag. 62.* nullam fuisse dicat Diodori Liturgiæ. Theodori Liturgia habetur in *Bibl. Vatic. Cod. Syr. ac. Pat. 19.* & in *Bibl. Orient. Asseman. tom. 1. pag. 581. & tom. 2. Liturg. Renaudot. pag. 616.* cujus initium:

Domine Deus fortis. Nestorius suam etiam condidit Liturgiæ, ut testatur Sobensis; & Leo Byzantinus *lib. 3.* adversus eum ait: *Audet & aliud malum: aliam enim Missam effudit: in qua Missa blasphemias, non precationibus Eucharistia. M. etiam opplevit.* Aliæ existant apud Nestorianos Liturgiæ Narsæti, Barsumæ & aliorum, quarum rarus, aut nullus est usus.

qua nempe Sacerdos tenens dextera manu post fractionem Hostiæ, particulam Sanguine imbutam, dum ea intincta signum crucis facit, super aliam existentem in patena, dextri pollicis ungue findat istam, stulta ea opinione, (a) ut ita sanguis penetret corpus, unde corpus, & sanguis inter se misceantur: quæ opinio, & ceremonia consentanea est hæresi Nestorii, ejusque sectariorum, impie asserentium, sub specie panis Corpus tantum Christi, sine Sanguine existere, atque sub specie vini, Sanguinem sine Corpore: præcipit Synodus in virtute sanctæ obedientiæ, & sub poena Excommunicationis ipso facto incurrenda, ut nullus e Cassanariis hujusmodi ritum peragat, & in Missalibus deleatur: Quia & impius hic ritus ad prædictam hæresim alludit, & stulta est eorum persuasio, quod per species detur penetratio, & commixto Corporis, & Sanguinis.

DECRETUM IV.

CXXIII. **Q**UIA Missa Syriaca nimis videtur prolixa pro Sacerdotibus, qui quotidie celebrare voluerint, facultatem concedit Synodus, ut Missa Romana (b) vertatur Syriace, petitque a P. Francisco Roz Soc. Jesu, ut dictam versionem adornet, quam quidem Missam poterunt Sacerdotes privatim, cum Romanis ceremoniis recitare; Ceterum Missæ cum cantu, & solennes, juxta Syriacam, emendatam per Reverendissimum Metropolitanum, recitentur: Sacerdotes vero qui Latine, & Syriace Missam legere noverint, in Ecclesiis aliorum Episcopatum, possint eas
latine

(a) Hic ritus revera tolerari posset, cum etiam Ecclesia Romana præcipiat miscere particulam cum sanguine dicendo: *Hæc commixtio & consecratio &c.* De ritu hujus intinctionis Schelestrate agit in Ast. Orient. (etiam extra Missam) pag. 819., qui paulo antea scribit, quod in aliquibus Ecclesiis Orientis, etiam in Missis Præsanctificatorum, in quibus Sanguis non consecratur, tamen Crucem ducebant super hostiam cum cochleari sanguine intincto. Ecclesia tamen C. P. id omittebat, quod sanguinis intinctionem minus necessariam iudicaret. Quod autem ea sit non tantum commixtio, verum & consecratio, & quomodo vide ap. Mabillon. tom. 3. Mus. Itali. pag. LXXVI.

(b) Missas exotica lingua facere concesserunt Hadrianus II., Joan. VIII. Et

Innoc. IV. confirmavit facultatem celebrandi Missam, & Officium Divinum lingua Slavonica. Hic tamen non vernacula Malabarica, sed Syriaca permittitur in Missæ celebratione: quamquam etiam ipsi poleant alio Idiomate, quod vocant Sapientum, ut etiam sit inter Græcos, quodque vocari dicitur *Samscardam*: ut ut res sit, Majestas mysteriorum non apte vulgari lingua servatur; cum Ethnici quique rem mysticam, vel particulari Idiomate, vel vocum involucri, a profano vulgo, abstraherent. Quomodo autem se gesserit Ecclesia Romana, cum Idioma latinum erat vulgare, & qualiter voces præter communem captum inveniret, vocando Eucharistiam *fermentum*; habetur in Tract. Schelestrati *De Disciph. Arcani*.

latine recitare, in iis autem quæ sunt hujus Episcopatus, Syriace tantum, ne confusio oriatur, eas recitabunt. Supplicat itaque Synodus Dominis Episcopis harum partium, ut Sacerdotibus hujus Episcopatus, Præsulis sui legitimis dimissoriis munitis, si latine legere nesciant, facultatem faciant, vel Missam Syriacam recitandi, vel Romanam in linguam Syriacam translatam, inque ea Romanum ritum servandi, quandoquidem finitum videtur esse schisma, Dei clementia, quod hætenus Ecclesiam hanc dilacerabat: itaque orat Illustrissimum Metropolitanum Synodo huic præsidentem, ut hanc petitionem pro Sacerdotibus hujus Episcopatus, in primo Concilio Provinciali, quod in hac Provincia forte celebrabitur, ipse proponat, ut si Patribus visum fuerit, ita decernatur.

D E C R E T U M V.

CXXIV. **Q**Uoniam potestas sacra contrectandi vasa, potissimum in Subdiaconatus Ordine confertur: præcipit Synodus, ut in posterum Sacerdos in patenam non ducat manum. Ministri Missæ juxta Syriacum Ritum, itaut eam attrectare possit, nisi ille in Subdiaconatu constitutus fuerit, cum aliter ad hujusmodi contactum non habeat potestatem, sed tantum ejus manum ad Aram lapideam, vel Altaris labrum adducet, ubi patenam non tangat: cum iis vero, qui in sacris fuerint constituti, ceremoniæ, prout in Missali præscribitur, observentur: quod videtur in rubricis satis insinuari per ea verba: *Sacerdos manum Diaconi supra Patenam apponat.*

D E C R E T U M VI.

CXXV. **C**UM sit speciale Diaconatus insigne, humero imposta stola, nulli non Diacono licet ea sic uti in publicis Ecclesiæ ceremoniis, id quod hætenus Chamazes omnes fecerunt, qui non solum in minoribus tantum constituti, verumetiam omni Ecclesiastico gradu carentes, stolam ad hæc usque tempora, Diaconorum more, supra humerum gestarunt, Altari ministrantes. Cum vero id ritualibus libris adversetur, qui de Ministro Diacono aperte loquuntur, præcipit Synodus ut Chamazes ministrantes, qui non fuerint Diaconi, stola in forma supradicta non utantur: immo & Diaconi ea decenter utantur, atque adeo non vulgari veste, ut hætenus consueverunt: sed non aliter quam alba induti, & manipulo, ut moris est, brachio sinistro illigato.

156 SYNODI DIAMPERITANÆ
DECRETUM VII.

CXXVI. **P** Ræcipit Synodus, ut singulis in Ecclesiis ferreæ habeantur formæ ad rotundanda, atque obsignanda triticea crustula, sive ut vulgo dicitur, hostias, (a) quæ instrumenta citocitius unaquæque Ecclesia sibi comparet, vel ex deposito pro Ecclesiæ Fabrica, vel ex eleemosynis aliis, quæ ex Christi fidelium beneficentia collectæ, in capsulis inveniantur. Curabunt insuper Vicarii, penes se farinam triticeam perpetuo asservare, è qua hostiæ conficiantur, omnique sedulitate caveant, ne farina cum alia quacumque re sit admixta, ut assolet, etiam cum pane usuali; ne se, vel alios exponant non consecrandi periculo, sed nec quibuscumque triticeos Orbes conficiendi curam committant, eosque vel per se ipsos, vel per probatæ fidei Administros, huiusque rei peritos conficiant. Ob idem periculum diligenter curent, ut vinum sit Lusitanum, & non ex uvis passis expressum, vel cum vinis indigenis, & patriis commixtum.

DECRETUM VIII.

CXXVII. **S** Ummopere inculcat Synodus hujus Dioeceseos Sacerdotibus diligentiam in custodiendo vino, quoad Sacrum peragendum uti debent; neque enim ignorat, Ecclesias ob earum indigentiam, Lusitanici vini penuria laborare, cujus quidem inopia non tanta esset, nisi id quod Sacerdotes habent, in vitreis phialis asservarent, ex quo sæpe fit, ut cum in modica quantitate sit, & diu ob sacrorum infrequentiam in phialis contineatur, acescat, & corrumpatur; cumque Sacerdotes illo in sacro peragendo utantur, & plerumque non advertentes, vinum esse immutatum, periculo non consecrandi se exponant: cui malo, ut Synodus quoquomodo obviam eat, mandat, ut Ecclesia quælibet, apud Vicarium doliolum ligneum habeat, vel lagenam, ubi vinum

(a) De nebulis seu hostiis faciendis vide eruditissimum Catalani *tom. 1. in Pontificat. pag. 304. § 1. Martene tom. 1. Anecd. in Prefat. §. Non oscitantes: & lib. 1. de Ritibus antiq. col. 321. quique magis instituto nostro accedit Asseman. *tom. 3. pag. 298.* ubi pulchra de modo, quo Nestoriani fermentum, in usum Eucharistiæ subigunt. Quiautem in Ecclesia nostra Occidentali*

tenuissimi orbes conficiuntur, appellantur *Formæ*; ipsa etiam Eucharistia vocata fuit olim *Formata*, eo quod in crustulis efformatæ conspicerentur imagines Christi, vel Crucis; aut etiam illius nominis Monogramma, sigla, aut quid simile; de quo vide Scipion. Maso *Introduc. ad Hist. critic. pag. 89. & Maurizen. in Via Fidei pag. 365.*

num Missarum celebrationi destinatum conservetur, ac diligenter caveatur, ne faculentum evadat, & nativo suo calore immutato, acidum, corruptumque fiat; quod si contigerit & substantiam illius fuisse immutatam, periti de hac re, si opus fuerit, consulti judicaverint, Sacerdotes illo non utantur, nam si secus fecerint, & consecratio erit irrita, & ipsi se sacrilegii reos facient.

DECRETUM IX.

CXXVIII. **C**UM ex defectu vini Lusitani, maximo fidelium istius Episcopatus nocumento, cesset sæpius celebratio Missarum; itaut per non paucos menses in plurimis Ecclesiis sacrum audire non possint, nec Eucharistici panis participes fieri; immo neque extremo vitæ tempore, sacro refici Viatico, supplicat Synodus Serenissimo Lusitaniæ Regi, ut pro ea, qua est in omnes humanitate, atque beneficentia, cuilibet hujus Episcopatus Ecclesiæ in singulos annos tribuat, vel duo dolia, vel unum cum dimidio è vino Lusitano muscato; non ita corruptioni obnoxio, prout ab illo erga alias Indiæ Ecclesias fieri solet. Hujusmodi vero vini largitio quandiu à Rege non exoratur, fiet ab Illustrissimo Dom. Archiepiscopo Goensi D. Fratre Alexio de Menesses, hujus Ecclesiæ Metropolitano, Indiæ Primate, & hujus Synodi Præsidente, Præfulus autem erit juxta cujusque Ecclesiæ indigentiam vinum distribuere; Quia tamen vita hominum brevis est, & incerta, si subsidium hoc quacumque de causa Ecclesiis desit, ex earum capsulis Præsul, tempore visitationis possit accipere, quantum ad vini emptionem sufficere judicaverit, vel aliunde quoquomodo collectas pecunias in hunc usum impendere. Caveant Vicarii, ne quæ tribuuntur Ecclesiæ, sibi solum attribuant, sed ex iis Missas in Ecclesia celebrari curent, itaut juxta præcipuam Ecclesiæ obligationem, Sacrificium, quod pro Populo offertur, ea die non desit.

DECRETUM X.

CXXIX. **Q**UIA maxima angitur dubitatione Synodus, an aræ lapideæ, super quas Missæ celebrantur, in majori parte Ecclesiarum hujus Episcopatus consecratæ sint oleo sacro, veraque consecratione, propter ignorantiam, (a) negligentiamque in rebus

(a) In Orientis Ecclesiis usus erat celebrandi super Antimensis; & in horum deservu super manibus Diaconorum: celebre

est illud Theodoriti Cyrensis Episcopi, in Cella Maris Monachi reclusi, super manibus Diaconorum celebrantis: rarissimum

bus hisce prædecessorum Antistitum, quippe, qui in has Diteceses à Babylone venerant, præcipit, ut illæ, quas rite fuisse consecratas constare nequit, ad Illustrissimum Metropolitanum apponentur consecrandæ, atque ab ipso petit, ut Ecclesiis, quæ Aras lapideas non habuerint, eas comparari curet. Præterea præcipit, ut si qui inveniantur Calices, (a) qui non sint ex auro, argento, stanno, vel communi, vel indico, liquefiant, aut fragantur, nec unquam in posterum fiant ex aliis metallis, quam ex quatuor supra assignatis, nec Sacerdos ullus aliquo ex Calicibus fractis utatur ad Sacrum celebrandum; quia vero apud plures Ecclesias defunt Calices, ex quo defectu Missæ celebrari non possunt, postulat ab Illustrissimo, ut huic indigentia provide succurrat.

D E C R E T U M X I.

CXXX. **Q**Uoniam plures hujus Episcopatus Ecclesiæ, potissimum silvestres sacris indumentis, & supellectili ad Sacrum conficiendum necessaria destitutæ sunt, eaque de causa cum aliunde asportari debeat, sæpe Sacrum non celebratur, non sine notabili Fidelium in hisce Parochiis habitantium damno, præcipit Synodus, ut ex collecta stipe, quæ in Ecclesiæ capsulis inventa fuerit, Illustrissimus Metropolitanus sacram supellectilem comparari jubeat, qua nulla ex prædictis Ecclesiis careat, ne ex illius defectu Fideles diebus Dominicis, aliisque festis Missa priventur, quod si pecuniæ ibi inventæ insufficientes sint, alia ratione, quam opportuniorem judicaverit, huic indigentia prospiciat.

D E C R E T U M X I I.

CXXXI. **C**UM hætenus Christiani non ita Missam audierint, ut se ad illam audiendam, aliquot præsertim diebus festis præcepto obstringi putarent, & hac falsâ opinione ducti, plures illam

illud Luciani Martyris Antiocheni, qui vinculis constrictus, cum aliter celebrare non posset, pectore suo pro altari usus fuit: si tamen copia erat altaris consecrati, non super antimensiis, sed super illud celebrabant Vide Catalan. 10.2. Pont. Rom. pag. 280.

(a) Calices primo seculo vitrei erant, lapidei & lignei: anno 676. Concilium Wintoniense prohibuit calices æreos, vel ligneos, uti etiam vetuerat Concilium Triburiense anno 895. lignea vascula in Missa

Sacrificio *Can. XVIII.*; in quo dicitur *S. Zephyrinum* jussisse patenas vitreas habere: & Urbanum I. initio Sec. 2. argenteos & aureos Calices fecisse: extat & terrificum illud Martyris Bonifacii, qui rogatus, num liceret in vasculis ligneis Sacramenta conficere? respondit: *Quondam Sacerdotes aurei ligneis calicibus utebantur; nunc e contra, lignei Sacerdotes aureis utantur calicibus.*

illam omiserint, plures vero audierint dumtaxat partem, neque id religioni habuerint, declarat Synodus, præceptum esse Ecclesiæ universalis, & quidem sub mortali, quod omnes fideles, tam Viri, quam Feminae, qui alias non fuerint legitime impediti, tenentur Missam audire integram cunctis Dominicis, & designatis diebus festis Sanctorum, dum copiam habuerint Ecclesiæ, & Sacerdotis celebrantis: eodem etiam obligari præcepto Patresfamilias, ad curandum ut filii, servi, & captivi Christiani, ceterique ex sua familia prædictis diebus sacrum audiant in Ecclesia, & in ea quidem (idque quantum fieri potest) quæ existit vel in propria Parochia, vel in Parochia loci illius, in quo hic, & nunc morantur. Quia vero multi longe ab Ecclesiis in silvis degentes, domum sine custodia relinquere verentur, ita se gerere debent, ut aliquos è familia mittant ad audiendam Missam una die Dominica, alia vero Dominica mittant alios, qui tunc domi manserunt, & sic deinceps alternatim. Vicarius insuper diligenter notet si quos in hoc negligentes comperit, in eosque animadvertat, moneat, ac ipsos, si opus fuerit, pro suo arbitrio puniat. Itaque in Ecclesiis, ubi plures fuerint Cassanarii, & Chamazes, cantentur Missæ in diebus Dominicis, ceterisque Sanctorum festis; sin autem, opportunis horis sine cantu recitentur, quibus omnis Populus assistat; quo etiam tempore fieri possunt conciones, ac monitiones, necnon legi schedulæ eorum, qui Matrimonia contrahere volunt; alia demum Ecclesiæ necessaria pertractari.

D E C R E T U M X I I I.

CXXXII. CUM constet Synodo, Christianos ut plurimum extra Populorum frequentiam, & pagos degere in silvis, nec ad Ecclesiam accedere, nisi semel in anno per tres scilicet dies jejunii ante Quadragesimam, quos vocant (a) *Mononorbo*, idque gula potius ductos, ob ea quæ tunc parantur Christianis obsonia, quam Missæ causa; alii vero non amplius quam bis, terve in anno Missam audiunt: unde in rebus fidei, & ad Christianam Religionem pertinentibus instrui, ut oportet, non possunt, neque Ecclesiæ præcepta adimplere, præcipit, ut omnes Christiani, qui per binas, vel

(a) Potius scribendum erat *Munna-norbo*; etenim lingua Malabarica *Munna-norbo* est jejuniū triduanum; componitur enim ea vox ex *Munna*, qui est numerus ternarius; & *Nojerla*, quod est jejuniū; vox autem illa, qua utitur Syno-

dos est Malabarico-Lusitana. Hoc triduanum jejuniū appellant Nestoriani *Jonajejunium*, seu *Sejunium Ninivitarum*: quod observant Orientales a feria illa, usque ad matutinum feriæ 5. Occidentales vero usque ad Sabbati matutinum.

vel plures leucas ab Ecclesiis sint remoti, teneantur ad sacrum accedere saltem semel in mense, in majoribus solennitatibus Christi Domini, ac Deiparæ: Vicarii etiam ad hoc ipsos cogant: distantes vero per leucam tantum, decimaquinta quaque die accedant, qui autem minori spatio distaverint, qualibet die Dominica, & die festo ad id teneantur; si qui autem contra fecerint, ac in eo fuerint contumaces, post trinam monitionem Vicarii, aut de ejus mandato factam, ab Ecclesia, cum acceperint, ejiciantur, nec eorum domos Sacerdotes ingrediantur; nec ipsis exhibeant *Casture*, quousque juxta ea, quæ fuerunt præscripta, Ecclesiam, ubi Sacro intersint, frequentaverint, ulterius ad Præfulis arbitrium puniantur.

DECRETUM XIV.

CXXXIII. **Q**Uoniam in pluribus Ecclesiarum solenniis conducuntur Musici (a) pro more Regionis, qui cum semper sint ex Paganis, plurimum negligitur, quo in loco Ecclesiæ collocentur, ut sonum eliciant; ex quo etiam fit, ut sæpe Missæ intersint; Cum vero id nulli Infideli, & excommunicato concedatur, præcipit Synodus. ne illis permittatur aliquo in loco commorari, unde sacrificium Missæ, & Sanctissimum Sacramentum conspiciere possint, qua in re curam omnem adhibeant Vicarii, sicuti & in propulsandis aliis Paganis, qui sub id temporis ad januas, vel fenestras Ecclesiæ, Missam prospecturi solent accedere.

DECRETUM XV.

CXXXIV. **C**UM nihil utilius esse possit Animabus Defunctorum, quæ igne purgantur, quam Sanctum Missæ sacrificium, quod in salutem, & remedium, tam pro vivis, quam defunctis institutum est, & cum illorum in hoc Episcopatu nulla habeatur recordatio (b); hortatur Synodus fidelem istius Episcopatus

(a) Etiam Musici, Histriones & Mimi arcentur ab Ecclesia in Concil. *Senon. anno 1528.* in Decret. morum. *Decret. 16.* per hæc verba: *Prohibemus ne Histriones aut Mimi intrent Ecclesiam ad pulsandum tympani, citrara &c. nec juxta Ecclesiam, suis pulsent instrumentis: æquius multo Idolorum Musicis prohibet nostra Synodus, inter tremenda veri Dei mysteria sonare, uti & Musicis Christianis interdixit Card. Tur-*

nonius in solenniis Idolorum ludere; quod confirmavit Clem. XII. anno 1734. & Benedict. XIV. sel. reg. anno 1744.

(b) Non nisi ineptissime Heterodoxi hinc conficere satagunt, Purgatorium ab ista Ecclesia non agnosci, cum id asserat Synodus taxando novissimorum Præfulum socordiam; alias quantum Nestoriani defunctorum curarent suffragia videri potest apud Alesmar. *Diff. de Nest. in vindiciis adversus Crozum.*

tus Populum ad hanc opem ferendam, tum Animabus suorum defunctorum, tum sibimetipsis, testamento summam aliquam relinquendo, quæ in hunc ipsis salutarem usum impendatur; id enim multo sanius fuerit, quam si juxta morem ingluviei Consanguineorum, aliorumque invitatorum, tunc temporis occasione funeris indulgeatur: optaret etiam Synodus eam consuetudinem, in commendabilem aliam, maximeque proficuum commutari, qua alimenta diebus illis pauperibus tribuantur, quod impendiosæ misericordiæ Officium in bonum animarum proculdubio cedit. Itaque ut præsens decretum quoad Missas effectum sortiri possit, præcipit ipsa Synodus, ut pro defunctis, qui nullum Missarum numerum reliquerint pro semetipsis, dum eorum facultates sint ultra bis mille Fanones, (a) è toto asse hæreditario, antequam ad hæredes perveniat, extrahatur summa ad quinque Missarum pro Animabus ipsorum celebrationem sufficiens, quæ ceteris emolumentis adjuncta, apud Æconomum Ecclesiæ deponatur. Missæ celebrandæ inter Cassanarios illius Terræ hac lege distribuuntur, ut singuli unam celebrent, atque adeo citius mortuorum Animabus suffragentur. Si vero Cassanarii numerum quinarium excedant, quam obrem numerus Missarum ad omnes non extendatur, distributio fiat inter seniores; quodsi præter Vicarium nemo alius sit in Ecclesia, omnes ipsi assignabuntur: Laudabilem hanc consuetudinem Missas celebrandi pro Defunctis relictas, juxta morem totius universalis Ecclesiæ, vehementer optat Synodus, ut per totam Diocesim, in qua nondum laudabilis hic usus invaluit, late propagetur, plurimumque inculcat Concionatoribus, & Confessariis, ut inter concionandum, & excipiendum confessiones, id ipsum persuadeant Christianis, Vicarii etiam in suis adhortationibus idem præstent.

X

ACTIO

(a) *Fanon* est vox composita ex *Lustano* & *Malabarico*, *F.* illud non habet lingua *Malabarica*; videtur autem *Fanon* derivari a *Pannam* quod genus est parvæ monetæ argenteæ, (quæ pene æquivaleret Regali Hispano, & Julio Romano) posito *F.* *Lustano* quo, carent *Malabarici*, pro *P.* *Lude-*

vicus Romanus Navigat. lib. 4. cap. 11. sic loquendo de Rege *Calecut* in *Malabaria*: *Monetam cudit quam Pardios appellant, & item minoris valoris monetam aliam, quæ Fano dicitur: hanc efficiunt 16. minutiores denarii.* Alias vocantur *Pardios*.

A C T I O V I.

De Sanctis Sacramentis Pœnitentiæ, &
Extremæ Unctionis.*Doctrina de Sacramento Pœnitentiæ.*

CXXXV. **Q**uartum Sacramentum Pœnitentiæ est, cujus quasi materia actus sunt Pœnitentis (a); nempe cordis contritio, oris confessio, & operis satisfactio, ad arbitrium Confessarii injungenda. Cordis contritio includit animi dolorem, peccatorum detestationem, ac firmum propositum non amplius peccandi, & licet quandoque contingat, hanc contritionem Cordis per charitatem perfici, hominemque Deo reconciliare, antequam reapse Sacramentum Pœnitentiæ recipiat; nihilominus perfecta esse non poterit, nec per illam cum Deo reconciliatio fieri, nisi contineat propositum confitendi peccata, de quibus dolemus; quamobrem hæc manent subiecta clavibus, & aperienda sunt in confessione. Confessio oris debet esse integra, per quam nempe aperiuntur proprio Sacerdoti omnia peccata, quorum Pœnitens, post diligentem conscientiæ suæ discussionem, meminert, detegatque a se post ultimam, eamque validam confessionem, fuisse perpetrata, neque peccata quodammodo generatim, & confuse aperiri debent, sed singillatim; horum singulas species, eorumque numerum, circumstantias (b) aggravantes, eorumque speciem immutantes, atque adeo etiam occulta, cogitationes insuper, ac desideria prava, culpasque omnes adversus duo ultima Decalogi præcepta; nempe: *Non concupisces Uxorem proximi: nec aliena concupiscas*; peccata enim id genus sæpius animam gravius sauciant, suntque publicis periculosiora; Quorum omnium peccatorum confessio, est nobis Jure Divino injuncta, dum ascen-

(a) A Gabriele Philadelphienſi, *Lib. de Sacram.* ut habetur in Actis Orient. Eccl. contra Lutheran. apud Schelestrate p. 239. Sic per bene explicatur materia Pœnitentiæ: *Materia Pœnitentiæ remotissima, secundum multorum sententiam sunt peccata; remota vero peccator pœnitens; propinqua*

denique confessio, & cordis contritio & satisfactio: quibus Ecclesia Orientalis optime nostræ consonat.

(b) An sit obligatio confitendi circumstantias aggravantes tantum; varie judicant Theologi: tutius tamen id sit.

ascendens Christus Dominus noster in Cœlum, sui Vicarios (a) Sacerdotes reliquit, & tanquam Judices, ad quos cuncta peccata mortalia a Fidelibus Christianis commissa deferrentur, ut virtute clavium, quas ipsis reliquerat, facultatisque absolvendi, ac retinendi peccata, de illis sententiam ferrent, quæ quidem non poterit esse justa, nec poena æqua peccatis, nisi plena de ipsis habeatur cognitio; nequit enim rectum fieri Judicium, causa incognita: Ad cognitionem vero causæ, opus est, ut poenitens, qui est sui accusator, aperiat omnia, & singula peccata lethalia, non solum confuse, & generatim, sed in particulari, & singillatim, distinguendo species, numerum, & necessarias circumstantias, quas nisi compertas habeat Sacerdos, nequit exactè de illis judicare, & æquam vel retentionis, vel absolutionis ferre sententiam.

CXXXVI. Confessio potest etiam esse peccatorum venialium, in quæ frequenter labimur; quibus tamen gratia Divina non amittitur, & quamquam non sine magno Spirituali profectu, ea confiteri quis possit, & ab iis absolvi, nulla tamen Nos urget obligatio ea confitendi, ac sine culpa omitti possunt, & alia ratione, pluribusque aliis mediis remitti. Tertius Poenitentis actus est Satisfactio pro peccatis juxta sententiam Confessarii: quæ satisfactio potissimum exhibetur per Orationes, jejunia, & eleemosynas; unde tenetur poenitens adimplere impositam à Sacerdote poenitentiam, qui veluti Judex Dei vice, eam imponere debet, quam necessariam judicaverit, eamque non solum salutarem, cujus ope poenitens in posterum caveat à peccatis, verum etiam, qua præterita expiet, & statutas à Judice suæ conscientiæ poenas Deo persolvat. Quod poenitentiae genus præcipuum est in hoc, de quo agimus, Sacramentali Judicio. Forma istius Sacramenti hæc est: *Ego te absolvo*; quibus verbis necessariis ad essentiam Sacramenti, hæc alia de more addit Ecclesia: *à peccatis omnibus in Nomine Patris, & Filii, & Spiritus Sancti. Amen*: necnon continuo preces aliquas subnectit, quæ licet ad formæ substantiam non pertineant, sunt tamen Poenitentibus valde proficiuæ, & salutares: prolatione itaque formæ peccata remittuntur, tam quæ quis confitetur, quam quæ post diligens examen memoriæ non occurrunt. Hæc tamen ita eadem confessione includuntur, ut supersit onus in Poenitente ea aperiendi Sacerdoti, si-

X 2

in

(a) Quod Joan. Morinus *De Poenit. editionis Paris. an. 1650.* scripsit de confessionibus antiquitus à laicis exceptis, quibus id liceret in extrema necessitate non secus ac Baptismum conferre, retractatum & explicatum fuit ab ipso. Joinvillæus refert in

Vita S. Ludovici Galliz Regis, quod in regressu a terra Sancta, valida suborta tempestate, ubi mutuo factas confessiones exceperint navigantes. Vide Vigneul. de Marville tom. 2. *Mélanges* pag. 345.

in memoriam redeant: neque enim sunt adhuc manifestata in confessione: Peccata autem sunt instar Catenæ animam ligantis, quæ non aliter solvi potest, quam per legitimam Sacerdotis absolutio- nem; qua fit ut tam de peccatis, quæ vel per Contritionem perfectam cum Voto Confessionis adjuncto delentur, vel quæ in præterita Confessione fuerunt citra culpam oblita, & indirecte condonata, quam demum de iis, quæ ad plenius suæ conscientiæ satisfaciendum Poenitens iterum, iterumque ut fit, Clavibus subiicit, quantumvis jam olim remissa, denuo condonata esse declaretur.

Minister hujus Sacramenti est Sacerdos auctoritatem habens absolvendi, sive Ordinariam, ut Præsules, sive à Superiore delegatam, ut ii qui ab illis sunt approbati. Effectus Sacramenti est absolutio, ac remissio peccatorum commissorum post Baptismum; quam obrem aptissime Sacramentum Poenitentiae à Sanctis Doctoribus vocatur secunda tabula post naufragium; quia amissa gratia quæ nobis in Baptismo confertur, ob mortale peccatum, & post factum gratiæ, virtutumque omnium, ac donorum, quæ ipsam comitantur, infelicissimum naufragium, unum tantum superest remedium ad salutem, tabula nempe poenitentiae, & Sacramenti Confessionis; etenim sine illo, aut in re accepto, aut in voto, & ex contritione, quam includit cum proposito confitendi peccata, cum præcipit Sancta Mater Ecclesia, non possumus æternam salutem adipisci, nec intrare in Regnum Cœlorum. Ex quibus fit, hoc Sacramentum, tanquam unicum remedium, quod suppetit lapsis post Baptismum, & in pretio habendum esse, & magna cum reverentia frequentandum.

DECRETUM I.

CXXXVII. **C**Um integra peccatorum omnium Sacramentalis confessio necessaria sit Jure Divino omnibus, qui post Baptismum peccatum lethale commiserunt, obligat Sancta Mater Ecclesia cunctos Fideles Christianos sub peccato mortali, ut dum ad rationis usum pervenerint, saltem singulis annis semel confiteantur tempore Quadragesimæ, & Paschatis Resurrectionis, necnon Eucharistiam suscipiant, si ad illius susceptionem fuerint idonei; a piorum communione, & societate segregatos declarando, qui huic præcepto contumaciter non parent. Præceptum (a)

hu-

(a) Loquitur Synodus de novissimis temporibus; nam antiquiori ævo, & paulo ante Synodum, confessionem in usu ipse apud

illos Christianos dicemus in Dissert. De Moribus Christi. S. Thom., de quibus Josephus Indus Romæ testabatur dicens; Confitemur

hujusmodi non fuit adhuc ita in usu in hoc Episcopatu, ut qui ad Pœnitentiæ Tribunal, ad hanc usque diem accesserunt, putaverint se annuæ confessionis præcepto astringi, imo plerimi ab ea se prorsus abstinuerint; quæ duo, defectui necessariæ instructionis, circa salutare hoc Sacramentum, ejusque necessitatem, adscribi debent: defectus vero hic ortum habuit ab eorum temporum iniquitate; regebatur enim Ecclesia hæc a Schismaticis Chaldæis, hæreticis Nestorianis, juratis hujus Sacramenti hostibus. Nil mirum itaque, quod necessitas, vis, & efficacia hujus Sacramenti ignoraretur, quodque licet aliqui, iique paucissimi, eo uterentur, alios tamen ab illius usu absterret fallacissima opinio, qua callidissimis tentatoris fraudibus irretiti, putabant, se post confessionem statim morituros, quæ omnia constiterunt Illustrissimo Metropolitano, qui cum primo suas Ecclesias peragraret, & in suos subditos, prout sui muneris ratio postulabat, inquireret, errores tam perniciosos, stygiasque superstitiones ut evelleret, summa ope contendit, ingentemque multitudinem, tum eorum qui rarissime, tum eorum, qui nunquam confessione usi sunt, ad frequentem illius usum induxit. Ut ergo prædictis omnibus animarum damnis Sacra Synodus prospiciat, declarat, quemcumque Christifidelem, rationis usu pollentem, obligari præcepto Ecclesiastico annuæ confessionis, fundato in ipso præcepto divino, idemque præceptum servari debere tempore ab Ecclesia statuto; quamobrem mandat ut omnes fideles Christiani utriusque sexus, dummodo ad rationis usum pervenerint, suo proprio Vicario, vel Sacerdotibus, qui a suo Præsule facultatem acceperint, confiteantur tempore Quadragesimæ, & Paschatis Resurrectionis; quicumque vero præceptum non adimpleverit, nec confessionem fecerit ab initio Quadragesimæ, usque ad secundam Dominicam post Pascha, a Christifidelium communicatione segregatus declaretur à Vicario in Ecclesia absque alia monitione Præsulis, quousque revera confiteatur, aliisque poenis eorum

tur ut nos; Eucharistiam sumunt &c. sed neque apud Indos omnino desierat. Etiam apud Nestorianos conquerebatur eorum Patriarcha Sulaka & Josephus II. fere abrogatam esse confessionem; agente, ut videtur, Simeone Barmamam; idem fecerant in Aegypto seculo duodecimo tres Coptorum Patriarchæ, nequidquam reclamantibus eorum Doctoribus, & Syris Jacobitis. Recentiores autem Episcopi Chaldæi e Babylonia missi ad Indos Malabareses, hunc confessionis auricularis horrorem illis ingesse-

runt: ceterum apud omnes omnino Christianos, hujus Sacramenti nota fuit fides & disciplina: immo Christiani nostri Malabareses, post celebrationem Synodi, ejusque Decretorum observantiam, luculentissimo experimento didicerunt, quam salubre atque proficuum sit Pœnitentiæ Sacramentum, cum enim antea plures apud eos essent Energumeni, vix jam unus inter illos reperitur, ut testatum facit Vincent. Mar. Viagg. all' Ind. lib. 2. cap. 6.

eorum refrænetur contumacia , quas ipse opportunas judicaverit . Quodsi Vicariis visum fuerit graves ob causas aliquibus tempus præscriptum prorogare , poterunt ipsum protendere usque ad Pentecosten , prout decretum fuit Actione V. Dec. II. de Sacram. Eucharistiæ ; curent tamen , ut prius omnes admoneant , notumque sit omnibus , eos , qui tali tempore in Silvis degerint , vel navigaverint , vel alibi , ubi nulla fuerit Ecclesia , & opportunitas suscipiendi Sacramentum poenitentiae , negotia gesserint , ad propria reversos , quocumque anni tempore , præcepto cogi ad Sacramentum Poenitentiae intra mensem suscipiendum .

CXXXVIII. Et quo hæc omnia facilius , & cum effectu executioni mandentur , ut æquum est , teneantur Ecclesiarum Vicarii per mensem ante Quadragesimam , eoque amplius , si opus fuerit , Pagum integrasque Parochias excurrere , necnon Fidelium domos ad eas pertinentes , etiam eorum , qui longe in Silvis degunt , per se vel per alium Cassanarium , cujus fidei possit munus hoc , tuta conscientia committi , & in codice nomina scribere Fidelium omnium , qui nonum ætatis annum expleverint , non solum autem Dominorum , sed etiam Mancipiorum , omniumque , qui ad unamquamque familiam pertinent , immo etiam eorum , qui absunt , notando , an post elapsum tempus præscriptum ad satisfaciendum præcepto , sint regressuri , facto deinde cunctorum catalogo , dum eorum confessiones exceperint , illorum nomina signent , qua ratione ipsis compertum erit , quinam præceptum impleverint , qui vero secus , quos cogent ad illud implendum , & si contumaces fuerint , anathemate ferient ; ipsique Vicario indicimus , id esse sui muneris , cum Pastor teneatur cognoscere oves suas , ut eas pascat , & quantum potuerit indigentis earum , tum spiritualibus , tum temporalibus prospicere , easque insuper in numero habere debet , ut sciat quot pereant ; poterit catalogus hic commode confici (a) ad Mononoibo , ubi omnes Christiani Ecclesiarum conveniunt ; atque ibidem notitiam sibi comparare eorum , qui in Silvis degunt : qui vero aliis approbatis confessariis fuerint confessi , schedam ferant ab iis subscriptam , qua de confessione cum iis peracta constet , quamque Vicario exhibeant , ut per ipsam impletionis præcepti certior factus , eos in catalogo notet : at licet aliis valeant confessariis , & alibi confiteri , Eucharistiam tamen , hoc præcepti tempore Quadragesimali , nusquam nisi in propria Parochia suscipere possunt ;

(a) *Ad Mononoibo* aut *Monomonbo* id est , omnes Christiani ad Ecclesiam etiam e silvis per illos dies ante Quadragesimam , ubi accedebant : vide supra Dec. 13.

sunt ; Præsules autem in visitatione de hujusmodi Catalogo inquirent , ac de istius decreti observantia certiores fiant .

D E C R E T U M I I.

CXXXIX. **C**Um præceptum Confessionis omnes obliget , rationis usum habentes , & conscientiam de peccato mortali ; cumque ad rationis usum aliqui citius , aliqui serius perveniant , Synodus , cui satis comperta est indoles Malabaricæ gentis , decernit , ut post octavum ætatis annum teneantur pueri præcepto annuæ confessionis , quo tamen decreto non prohibet , ne citius ad salutare Pœnitentiæ Sacramentum accedant : Immo si Vicarii noverint ita rationis usu , ante præstitutum tempus pollere , ut lethalis noxæ capaces videantur , multoque magis , si ipsis de aliqua lethali noxa à puero commissa constiterit , ipsum ad confessionem cogant , quamvis illam nondum ætatem attigerit , nam in tali casu Ecclesiæ præcepto obstringuntur , de qua re tamen Judicium ferre , sit penes Parochorum arbitrium .

D E C R E T U M I I I.

CXL. **A**dmonet Synodus Patresfamilias , & quoscumque de aliis curam gerentes , ut plurimum curæ , ac diligentia adhibeant in exigenda præcepti annuæ Confessionis observantia a sua familia , ac præsertim a pueris , puellisque captivis , aliisque eorum servitio deputatis . Qua in re satis compertum est , eos antehac deliquisse , nec suos , ut par erat admonuisse . Meminerint , se gravis culpæ reos esse , si id omittant , districtamque Deo rationem reddituros , dicente Apostolo Paulo (a) : *qui suorum , & maxime domesticorum curam non habet , fidem negavit , & est Infidelis deterior* ; quæ verba potissimum locum habent , ubi agitur de necessitatibus Spiritualibus suorum domesticorum , rebusque ad eorum salutem æternam pertinentibus . Negligentiam dominorum solertia sua compensent Vicarii , & ad Confessionem compellant præfatos captivos , juxta numerum eorum in Catalogo descriptorum , & contumaces anathemati subjectos declarent , non secus ac alios ; admoneant tamen prius Dominos , ut captivis suis confessionem , ea qua pollent auctoritate , severe injungant , eosque certiores faciant de censura postea infligenda , nisi accesserint . Qui
vero

(a) Epist. I. ad Timot. cap. 5. v. 8.

vero hac in re negligenter se gesserint, ad Præfulis arbitrium puniuntur.

DECRETUM IV.

CXLI. **C**eterum non solum debent Fideles Christiani lethalis cul-
pæ conscii confiteri semel in anno, verum etiam quo-
ties in probabili vitæ discrimine constituti, aut gravi ægitudine
correpti fuerint; dum itaque id contigerit, curet æger ipse, ipsi-
que assistentes, sive in pagis, sive in silvis degerint, ut Sacerdos
approbatus quærat, qui suam confessionem audiat, atque Eccle-
siæ propriæ Vicarius de hac re certior fiat, qui vel per se ipsum, vel
per alium a se deputatum, confessionem ipsius excipiat, memine-
rint quoque Vicarii, sui esse muneris de huiusmodi ægrotantibus
inquirere, eorumque Confessiones per semetipsos, aut per alios
excipere, quocumque locorum vocati fuerint, & quocumque tem-
pore quæsit, ut nullus absque Poenitentia Sacramento decedat;
neve ob eorum criminofam negligentiam, reos se alienæ damna-
tionis apud Divinum Iudicem constituent, si in causa sint, ut oves
eorum curæ commissæ pereant: Vicarius autem, cujus culpabili
negligentia e sua Parochia aliquis non confessus decesserit, sus-
pensus ab ordinibus maneat, necnon a perceptione fructuum per
annum, sine ulla remissionis spe, aliisque pro eo deserviat: ille
vero, cujus curæ æger fuerit commissus, & negligentia convictus
fuerit in Parocho vocando, ad Præfulis arbitrium cum rigore pu-
niatur: qui autem, sive in Pagis, aut extra in Silvis, sine Confes-
sione decesserint, eo quod eam ipsi non petierint, nec Sacerdotem
vocaverint, nisi mors ex improvise, aut adeo celeriter eos corri-
puerit, ut nullum ad id spatium permiserit, Ecclesiastica careant
Sepultura, neque Cassanarii ad ipsorum domum accedant, nec
iusta funebria, & pia funeris officia, aut *Chata* (a) ipsis erogentur.

DECRETUM V.

CXLII. **S**ED neque sola ægitudine gravi decumbentes, verum
& in quolibet alio vitæ discrimine constituti, tenentur
Fideles Christiani obligatione, sua peccata confitendi; Unde cum
Mulieres vita periclitentur in partu, (b) ipso imminenti, confite-
ri

(a) Quid sit *Chata* vide in Syllabo exo-
ticarum vocum.

(b) In constitutionibus Provincialibus

S. Edmundi Cantuariensis anno circiter
1236. præcipitur cap. 37. ut Mulieres ante
partum confiteantur, ne subito præcupa-

ri debent, & Eucharistiam accipere, si hujus capaces sint, quod potissimum servari debet, si partus fuerit primus, in quo majus est vitæ discrimen; Si vero non confesse moriantur, (dummodo partus celerius, quam cogitabant, non advenerit) aut in præsentis periculo constitutæ confessionem non petierint, deque ipsarum negligentia constiterit, maxime si in Pagis degerint, non aliter agendum est cum ipsis, ac cum aliis, qui ob culpabilem incuriam absque Confessione obeunt.

D E C R E T U M V I.

CXLIII. **C**Um constet Synodo, quamplures ex iis, qui Variolarum, vel Pustularum morbo laborant, quamplurimos etiam in Pagis sine confessione, quamvis illam expetant, miserrime decedere, eo quod morbus hic contagiosus, & pestifer censeatur, eaque de causa Sacerdotes ad illos accedere vereantur; plurimum commendat, & jubet Vicariis, ut quam maxime current, (a) ne ægroti hujusmodi absque confessione moriantur, sed vel per se, vel per alios eorum confessiones audiant. Interim tamen licet ipsis propriæ incolumitati consulere, audiendo confessiones, vel ex loco aliquantulum distante ab ægroto, vel etiam, si fieri possit, per quem non reflat, sed fiat ventus, neque hac ratione tantum, sed alia quacumque possunt sibimet prospicere, dum modo id ipsis in primis cordi sit, ne absque Sacramentalis Confessionis remedio ægroti moriantur, quod ipsis iterum, iterumque Sacra Synodus inculcat.

D E C R E T U M V I I.

CXLIV. **H**ortatur etiam Synodus Fideles Christianos, hujus Diæceseos Incolas, ad suscipiendum Pœnitentiæ Sacramentum, non solum semel in anno, quando urgentur præcepto Ecclesiæ, sed etiam pluries (prout pluries in peccata labimur) præsertim in festis Nativitatis Domini, Spiritus Sancti, Assumptionis

et c. In Decretis item Concilii Provincialis Mediolan. 6. num. 10. statuitur, quod *Mulieres proxime pariturae conficantur: & quod frequentius tunc sumant Eucharistiam: optandum sane est, quod Parochi in id incumbant atque satagant.*

(a) Sollicitam exigit curam Parochorum contagii tempus: *Sanctissimi Viri* (ait S. Ca-

rolus Borromæus) *scripserunt, mortem in obsequio pestiferorum, a martyrii gloria non longe abesse: Vide Raynaud. Tract. de Martyr. per pestem.* De modo autem, quo se gerere debent Episcopi, Parochi & Consules Reip. omnino videnda sunt statuta *Conc. V. Mediolan. per S. Carolum Borrom. part. 2.*

nis Dominæ nostræ, & Titularis Parochiæ, & de suscipiendo hoc Sacramento solennioribus hisce diebus, Vicarii die Dominica, quæ immediate præcedit hæc festa, populum admoneant.

DECRETUM VIII.

CXLV. **D**Eclarat Synodus, non omnes Sacerdotes, quamvis potestas remittendi peccata sit Ordini Sacerdotali annexa, non omnes, inquam, posse confessiones audire, sed eos solum, quibus Præsul hanc facultatem in suas oves dedit; cum enim actio absolvendi actus sit Jurisdictionis, exercendique Judicii, hoc exerceri non potest nisi erga Subditos, quos simplices Sacerdotes non habent, sed ipsis a Præsule assignantur, dum iis audiendi confessionem facultatem impertitur. Quia tamen Præsules in commune Ovium suarum bonum, restrictiones aliquas concessioni adjungere consueverunt, si Sacerdos, vel absque facultate, vel ultra terminos præscriptos absolvit, invalide absolvit, nec poenitenti remittuntur peccata, quamobrem debet Poenitens rursus illa confiteri Sacerdoti absolvendi facultatem habenti, quodsi Poenitens fuerit in vitæ discrimine constitutus, & nullus adsit Sacerdos ad confessiones approbatus, quicumque Sacerdos, etiamsi approbatus non fuerit, confessionem audire, ac absolvere Poenitentem potest.

DECRETUM IX.

CXLVI. **C**UM ad bonum Ecclesiæ regimen, Populique Christiani plurimum conducatur, de quibusdam gravioribus criminibus, non à quocumque Sacerdote, sed à Majoribus, vel etiam à Pontificibus judicium ferri, non solum, ut juxta gravitatem morbi peritiores, & excellentiores Medici adhibeantur, verum etiam, ut fidelis Populus ab enormibus sceleribus absterreatur, omni tempore mos fuit in Ecclesia, ut Præsules, immo Summi Pontifices judicium de aliquibus criminibus sibi reservarent, atque adeo nullus præter ipsos, aut alius quispiam ab ipsis specialiter delegatus, a prædictis criminibus possit absolvere. Quapropter Synodus optime sciens, doctrinam hanc fuisse hactenus ignoratam in hoc Episcopatu, ob inscitiam morum Ecclesiæ, Sacrorumque Canonum, ut perniciosam hanc ignorantiam procul amoliat, declarat, ordinarios Sacerdotes, ad audiendas confessiones deputatos, absolvere non posse à casibus Prælato reservatis, multoque minus

minus à casibus reservatis Papæ, ac potissimum ab illis, qui in Bulla Cœnæ continentur; quos probe scire, & præ manibus habere, sui muneris est; sed neque absolvere possunt à crimine Hæresis, & casibus ad fidem pertinentibus, cum hæc ad Sacræ Inquisitionis Tribunal pertineant, aut ad alios de ipsius licentia; vel ad Episcopum, qui ab iis absolvere poterit ad normam Concilii Tridentini, ac juxta Sanctorum Patrum sanctiones. Itaque, qui communiter sunt ad audiendas confessiones deputati, ab iis absolvere nequeunt, sicuti nec relaxare, aut commutare vota Pœnitentium, cum hoc pertineat ad Præsulem, vel ad alium, cui specialiter commissæ fuerit hæc facultas, vel qui ex Indulto Apostolico illam habeat, ceterum in mortis articulo, non tantum ii, verum etiam alius quilibet simplex Sacerdos, deficientibus iis, ad quos vel jure suo, vel ex speciali commissione id pertinet, absolvere poterit ab omnibus casibus, & censuris cuicumque reservatis, cum onere tamen comparendi, si convaluerint, quoad censuras, coram illis, quibus erant reservatæ, ut salutarem pœnitentiam sibi bene visam pro eis accipiant.

D E C R E T U M X.

CXLVII. **U**T vero Sacerdotes noscant, à quibus casibus possunt, & debent pœnites absolvere, ac in quibus Jurisdictione carent; Jubet Synodus in cujuslibet Curialis Ecclesiæ Saccello, ac ubi hoc non fuerit, in majori Cappella, Tabellam à Vicariis appendi, in qua transcribantur Bulla in Cœna Domini, casusque reservati in hoc Episcopatu, literis Malabaricis, ut ex illa, qui confessiones audiunt, sciant intra quos terminos Jurisdictionem suam exercere possint: præterea Synodus veterem disciplinam hac super re, in meliorem formam redigens, casus reservatos hujus Episcopatus declarat, esse hujusmodi: homicidium voluntarium notorium, etiam quoad complices: manus violentas in Personas Ecclesiasticas injicere: Incendium domorum, aut facultatum Christianorum voluntarium: Simoniam formalem tam in dante, quam in accipiente: Matrimonium sine Parochi præsentia, ac duobus Testibus: Schisma, ac inobedientiam adversus Præsulem promoveri, etiam quoad sequaces: libros à Synodo prohibitos apud se habere, aut eosdem legere: ceremonias publicas facere, quas vocant: *Tuliconu* (a) *Caliconu*: pagodes, aut Idola domi habere, vel

Y 2

(a) Peculiares sunt ritus, quibus Numina Malabarica colebantur; nec ampliorem

eorum lucem nasci sumus. Vide Crozzam lib. 6., & Auctorem elegantissimi operis, Ge-

vel eorum res cultu prosequi: quibus omnibus censura excommunicationis est annexa, & quamvis eorum aliqui à jure sint reservati, adnotantur tamen hic, quo clarius dignoscantur.

D E C R E T U M X I.

CXLVIII. **C**UM Excommunicationis sententia, maxima sit inter Ecclesiasticas Censuras, gladiusque Ecclesiæ aliis formidabilior, qui non imprudenter, sed caute admodum ac prudenter distringi debet: reprobatur Synodus nimiam facilitatem, qua ob levia, & futilia quæque, multoties in hoc Episcopatu ferebatur: necnon jubet, ultra non imponi, nisi ob res gravissimas, ac maxima cum circumspectione; nec tantum verbo, sed & scripto: unde rejicit, quod mandatum erat in hoc Episcopatu, nimirum, quod aliquibus in casibus absolutio nunquam in toto vitæ spatio, immo in aliquibus aliis, nec in Mortis (a) articulo conferretur; quod est Christianæ caritati adversum, & Ecclesiæ regulis, quæ tanquam pietissima Mater, omni tempore vere poenitentes suscipit, nec unquam ostium salutis suis obserat filiis. Quantumcunque igitur gravia, ac enormia sint crimina, Poenitentes quantum in ipsis est ad reconciliationem cum Deo, & Ecclesiæ cupide aspirantes, exhibentesque veræ poenitentiae signa, & quidquid ipsis impositum fuerit exequentes, benigne semper recipiantur, & in foro saltem interno, & Sacramentali absolvantur: ad terrorem tamen aliorum, qui in hoc Episcopatu, utpote sub Regibus Paganis, alia præter Excommunicationem, & exclusionem ab Ecclesiâ poena non suppetat, cum Sacramentaliter, & in foro interno absolutis se gerant alii, tanquam cum segregato à communione fidelium in foro externo; arceantur itaque ab ingressu in Ecclesiâ, nec Sacerdotes eorum domos adeant, aut ipsis exhibeatur *Casture*, (b) quandiu Præsuli visum fuerit: id que vel ad longius tempus, juxta majorem criminis gravitatem, ut ita cave-

ri

remones de toutes les Nations tom. I. part. 2. Edition. Amstelodam. anni 1722.

(a) Poenitentes non suscipere Catholicorum non est. Innocent. I. *Epist. 3.* ait: *Poenitentiam & communionem, qui in extremo visu petunt, post vitam omnem in voluntatibus incontinentia transactam, detur ipsis, instar Viatici*: notanda est restrictio: nec enim ideo ad communionem Ecclesiæ adnittebantur, si convalescebant, nisi prius poenitentiam absolvent; nec extrema un-

ctio illis ante Viaticum ministrabatur, ut aliis, sed post: ubi non minus notabilia sunt verba ejusdem Innocentii *Epist. 1.* dicentis: *Oleum Sanctum, genus est Sacramenti; idcirco non potest infundi poenitentibus*: At Ecclesiæ universalis mens ea fuit, ut nulli in eo articulo ob solutio denegaretur. Adeas *Notisc. 22.* Sum. P. Bened. XIV.

(b) Vide harum vocum explicationem in Indice Voc. Exotic.

ri possit, & frænum aliquod injiciatur effrænatae licentiæ Incolarum hujus Dioeceseos in aliquibus perpetrandis facinoribus, maxime homicidiis, ac Ceremoniis *Tuliconæ*.

D E C R E T U M X I I.

CXLIX. **Q**Uoniam inciticia eorum, qui Confessiones excipiunt rariùs accedant, ipsisque in sui muneris administratione errantibus, in Christifidelium coetu perturbationes non paucas oriri necesse est, Synodus, cui plane constat, plures imperitos, & idiotas, Confessiones audire, præcipit ne in posterum ullus audeat Sacerdos Confessiones audire, quin priùs à Præsule suo facultatem scriptam obtinuerit; qui eam nullo modo dabit, nisi antea literati viri, qui variis interrogationibus doctrinam ipsius explorent, de illius sufficientia Judicium ferant; & quandiu Præsul huic Ecclesiæ non præficiatur, qui perturbatas illius res apte componat, prout sibi in Domino videbitur, committit Synodus examen, ac approbationem eorum, qui Sacras Confessiones excipere debent, istius Episcopatus, Patribus Societatis Jesu Collegii de Vaipicota hujus Dioecesis; quorum examine, & approbatione, accedente insuper concessione Gubernatoris, per Illustrissimum Metropolitanum instituendi in hoc Episcopatu, confessiones excipere poterunt, cum exceptionibus graviorum Criminum, ipsi facultati scriptæ apponendis; qui verò in præsentiarum munus excipiendi Sacras Confessiones exercent, examen subeant de mandato ipsius Domini Metropolitanus, tempore Visitationis instituendæ: Cassanarii etiam, qui in Parochos eligentur, & Vicarios, priùs, servata nuper præscripta forma, prævio examine approbentur; ex quibus si qui insufficientes deprehendantur, in Vicarios institui non valent, cum eorum munus sit, suas Oves erudire; Omnes vero quotquot prædicto modo approbati non fuerint, à munere audiendi Confessiones per Synodum suspenduntur, quousque re ipsa examen subeant, & approbentur; si vero aliqui Sacerdotum (quod Deus avertat) absque hujusmodi facultate confessiones exceperint, præterquam in mortis articulo, ubi Sacerdos approbatus in promptu non sit, ab ordinibus, & emolumentis per annum suspendantur, ac insuper juxta sui delicti contumaciam puniantur; moneanturque Pœnitentes, ut apud Sacerdotem approbatum præteritas iterent Confessiones.

DE-

DECRETUM XIII.

CL. **O** B penuriam Sacerdotum, scientia, ac sufficientia pollentium in hoc Episcopatu, admittit Synodus, tamquam approbatos in eodem, omnes, qui in aliis Episcopatibus ad Confessiones audiendas approbati fuerint; si tamen linguam Malabaricam regionis (a) tenuerint; necnon Præsul tempore Quadragesimali iis in subsidium Parochorum uti poterit, si opus fuerit, & præsertim Sacerdotibus Episcopatus ejusdem, in Cochim residentibus.

DECRETUM XIV.

CLI. **V** Ehementer improbat Synodus sacrilegam Sacerdotum infcitiam, quidum confessiones excipiebant aliquorum de commissione Præsulis, aut alterius ejus vices gerentis, aut præsentem ipso, post audita Pœnitentium peccata, eos ad Præsulem ipsum adducebant (b), quo eos in eodem foro Sacramentali absolveret; id quod ipsi Illustrissimo Metropolitano contigit, quodque alicubi fieri ipsemet vidit, itaque docendo, declarat; nullum, alium absolvere posse Pœnitentem in Sacramentali foro, præter Sacerdotem ipsum, qui ejus audiuit peccata; Cum enim ipse sit Judex, qui in eum sententiam, postquam Reus ipse semet accusavit, ferre debet, ejus est solius, absolutionis sententiam pronuntiare, contrarium vero error est supinus, ac manifestus.

DE-

(a) In Concilio Mexicano cautum est: *Confessiones Indorum, defectu peritia in lingua Indica ne dimidiata audiantur: sub hac tamen limitatione Quod si aliquid ad pœnitentiam substantiam necessarium, a pœnitente intelligere non possit (Confessarius) eum ad alium Sacerdotem, in ea lingua peritiorem, remittat.* Concil. Mexic. an. 1585. lib. 5. Tit. 12. §. 5.

(b) Non absimilem rem accidisse ferunt P. Francisco Suarez Doctori eximio, in Hispania: nec aliud exemplum in promptu est, nisi illud forte ab hæreticis Hollandiæ accipiamus, quorum unus in baptismo conferendo aquam infundit, dum alter e

suggestu dicit: *Ego te baptizo* &c. quasi ista verba sint tantum concionatoria & ad excitandam fidem instituta. Ita Farvacques in Ecclesia autem Orientali, dum feminis conferrebantur Sacramenta Baptismi, & extremæ Unctionis, Sacerdotes proferbant formam, & Diaconissæ peragebant unctiones, & signa; idem inter Græcos, ne accideret in conferenda extrema unctione, ut Presbyteris proferentibus formam, alius ungeret ægros, cautum est nuperrime à Bened. XIV. Constitut. *Et si pastoralis* anno 1742. at alia & longe dispar ratio adest in Sacramento Pœnitentiæ, prout indicat Synodus, ut unus idemque audiat peccata, & absolvat.

DECRETUM XV.

CLII. **Q**Uoniam aliqui Confessarii indocti ad legendum Evangelia, ac super ægrotantes Christianos precandum, iisque, dum Animam agunt, benedicendum vocati, stulte prorsus formam absolutionis Sacramentalis proferunt dicentes: *Ego te absolvo à peccatis tuis, in nomine Patris &c.* Animadvertit ac monet Synodus, ut in posterum ab hac insipienti adeo consuetudine abstineant, quæ plane gravissimo sacrilegio non vacat, cum per illam, Sacramenti forma indebite applicetur. Itaque legat tantum Evangelia, ac orationes approbatas cum benedictione in fine: *in nomine Patris &c.*

DOCTRINA

De Sacramento Extremae Unctionis.

CLIII. **Q**Uintum Sacramentum est Extrema Unctio, (a) cujus materia oleum est olivarum, ab Episcopo benedictum; quæ ita appellatur, quoniam unctionum omnium sacrarum, à Christo Domino Nostro in Ecclesia sua institutarum, quas recipit Christianus, extrema est. Conferendum est hoc Sacramentum ægro adulto, cui mors imminet, quique in probabili ipsius periculo versatur. Ægrotus inungi debet à Sacerdote, qui solus est hujus Sacramenti Minister. Unctio fieri debet in Organis sensuum præcipuis, quibus Deum offendit; nimirum in oculis ob peccata visus; in utraque aure ob peccata auditus; in manibus propter ea, quæ peccavit per sensum tactus; in ore propter peccaminosas locutiones, & intemperantiam gustus; in utroque pede propter peccaminosum incessum, in lumbis demum, ac renibus, ob sensualis delectationis ibi residentis peccata: singula igitur hæc membra Sacerdos ungere debet, signum Crucis efformando pollice, qui sit oleo sancto delibutus, dicendo simul verba formæ; scilicet. *Per istam Sanctam Unctionem, & suam piissimam miserationem, indul-*

(a) Nullum movere debet quod superius in adnot. ad Dec. XL. Ex Epist. 1. Innoc. I. dixerit Papa: Extremam unctionem genus esse Sacramenti; quasi non esset vera Sacramentum, aut quod ita putaretur lius ævo, nimirum anno 416. quo Epistola dedit; ipse enim mentem suam aper-

ruit, dicendo post illa verba: *Nam quibus reliqua Sacramenta negantur, quomodo unum genus putatur posse concedi?* Unde ut nos genus Sacramentum statuimus in septem species distributum, ille genus id fecit universalissimum, divisum in septem genera subalterna.

*dulgeat tibi Dominus quidquid per visum deliquisti; & sic deinceps iterando formam, & exprimendo membrum, quod inungitur. Effectus hujus Sacramenti salus est, potissimum animæ, & etiam Corporis, si expediens fuerit. Peccati etiam reliquias, si quæ fuerint, Sacramentum hujusmodi abstergit, infirmam animam alleviat, ipsamque roborat, excitando ingentem de divina misericordia fiduciam, qua recreatus æger, patientius infirmitatis molestias sustinet, ac facilius Diaboli tentationibus, insidiisque resistit, quas tentator in extremo illo vitæ, ac mortis confinio vehementius urget. Hæc omnia insinuantur in epist. Canonica (a) Divi Jacobi Apostoli, ubi dicit: *Infirmatur quis in vobis? Inducat Presbyteros Ecclesiæ, & orent super eum, ungentes oleo in nomine Domini, & oratio fidei salvabit infirmum, & Dominus alleviabit eum; & si in peccatis fuerit remittentur ei.* Per postrema igitur verba: *Remittentur ei*, indicatur virtus hujus Sacramenti ad conferendam gratiam, qua remittuntur peccata. Per ea verba *infirmatur quis in vobis*, designatur tempus, quo tale Sacramentum suscipi debet, nimirum gravis ægritudinis. Per verba sequentia: *Inducat Presbyteros Ecclesiæ*, innuitur, solos Sacerdotes ministros esse hujus Sacramenti. Per ea quæ *immediate* subnectuntur: *& orent super eum, ungentes oleo in nomine Domini*, assignatur oleum benedictum tanquam materia; & forma consistens in verbis deprecatoriis. Deum per hæc verba: *Dominus alleviabit eum*, exprimitur effectum hujus Sacramenti esse etiam salutem corporis, si hæc ad salutem animæ sit profutura. Quamobrem, cum Sacramentum hujusmodi institutum sit pro infirmis, nullus non graviter ægrotans illud suscipere potest, qui vero semel illud suscepit, si deinde saluti restitutus, rursus in gravem morbum incidat, rursus tali Sacramento muniri poterit; eo enim spectat illius institutio à Christo Domino facta, ut per ipsum roboremur, quandocumque nobis instat (b) extremum vitæ periculum.*

DE-

(a) Per opportune institutionem hujus Sacramenti explicavit Concil. Senonen. anno 1528. in *Decretis Fidei Num. IX.* inquit: *Ad unctionis extrema Sacramentum Christus manduxisse primum videtur, cum Apostoli oleo ungerent multos infirmos, & sanarentur. Neque enim id suo sensu, sed Præceptoris instituto fecisse, putandi sunt. Sed ne hic noster ungenti infirmos ritus, Christi præceptum, non tamen Sacramentum esse videretur si quis infirmatur (inquit Jacobus) in vobis &c. & ponit laudata a nostra Synodo*

verba ex *Ep. Canon. Jacobi cap. 5.* Unde ista unctio non fuit à Jacobo instituta sed à Christo, ejusque tantum ritus, & effectus sollemnissime à Jacobo explicata.

(b) In aliquibus Ecclesiis ministrabatur Unctio extrema ante Eucharistiam; & ita statuitur in Concil. Mogun. anno 847. plaudentibus Hincmaro, Riculfo, & novissime Joanne Launoy; & ex nostris Lupo & Farvacquesio qui morti proximi eam ante communionem suscipere voluerunt, ex testimonio Van-Espen ubi agit de *utilit. antiquor. Capitular.* Id etiam hodie in Diocesi

DECRETUM I.

CLIV. **C**Um hætenus in hoc Episcopatu nullus fuerit usus Sacramenti Extremæ Unctionis, (a) immo ex ignorantia Catholicæ doctrinæ, nulla de eo, ejusque effectu, & efficacia, nec de ipsius institutione notitia habita fuit: plurimum commendat Synodus cunctis fidelibus hujus Sacramenti usum, atque adeo præcipit Vicariis, ut diligenter inquirent in ægrotos suæ Paroeciæ, tam Pagos, quam Silvas incolentes, & opportuno tempore, nimirum in supremo vitæ discrimine deferant ad ipsos Sanctissimum Unctionis Sacramentum, illis conferendum, juxta normam Ceremonialis Romani, cujus translatio Syriaca in omnibus fervetur Ecclesiis, & ad manus sit Sacrorum Ministrorum; Ungant itaque ægrotos, describantque oleo sancto signum Crucis super ambos oculos clausos, & primo quidem super palpebram dexteri, deinde sinistri, utramque pariter aurem, & nares, & oris clausi labia inungant, itaut oleum tangat utriusque labii confinium. Quodsi æger tali morbo decumbat, ut os claudere sine periculo nequeat, ungatur, & signetur labium superius; Ungi, & signari pariter debent manuum volæ, & pedum plantæ, postremo lumbi, versent tamen suavi manu ægrotum, nec partes hujusmodi ungant, plusquam opus fuerit, ad signum Crucis in illis sacra unctione describendum; animadvertant etiam Sacerdotes, in isto, sicuti in ceteris Sacramentis, necessarium esse applicare simul materiam, & formam, itaut dum membra inungunt, verba formæ proferant; Quod si contigerit ægrum expirare dum ungitur, idque constiterit, non ultra Sacerdos progrediatur; Vicarius autem, ex

Z

cujus

Parisiensi observatur: verum Augustinenses (forte & alii Ordines) morem servant communem; & quidem ut nobis videtur, conforius id est ejus institutioni, cum docente Tridentino existimetur a Patribus: *totius Christianæ vitæ consummativum*; de quo alibi, auspice Deo.

(a) Sane hoc Sacramentum antiquiori tempore notum erat illis Christianis, ut *Dissert. de Relig. ipsorum* dicemus: quod etiam Nestoriani habebant sub nomine *Olei Unctionis*. Illius tamen expresse meminit Georg. Arbelen. in *Quæstis de Bapt. 42.* & alibi, dicens in Ecclesia asservari pro Infirmis, in vase quod vocant: *Cornu gratiæ Sancti*. Sacramento isto, & Confirmatione carere eos ad præsens asserunt auctores gra-

vissimi. Loco Extremæ Unctionis signum Crucis tamquam Sacramentum obtrudunt; ut apparet ex Ebedjesu Sobensi *Lib. Margarita Par. 4. cap. 1.* Infirmos ungebant Oleo olivarum benedicto, aliquas recitantes Orationes; nunc autem quamdam massam conficiunt ex reliquiis alicujus Sancti, seu pulvere sepulcri ipsius, oleo & aqua subactam, quam vocant *Gratiæ Sancti N.* cujus sunt & reliquie. Malabareses pulverem sepulcri Sancti Thomæ asportabant pro aqua lustrali benedicenda; ut ait Gouvea, & nostra Synodus. *Acto 8. Decret. 17.* & pro infirmis; ex M. Paulo Veneto *lib. 1. c. 17.* Quod autem Extremæ Unctionis loco etiam uli fuerint non apparet uspiam.

cujus negligentia, aliquis ex Parocchia sine hujus Sacramenti præsidio decesserit, suspendatur per semestre ab Ordinibus, ac emolumentis.

DECRETUM II.

CLV. **Q**uoniam ægroti ob ægritudinis molestias, ac instructionis defectum circa res ad salutem æternam pertinentes, multoties de iis non curant: præcipit Synodus, plurimumque commendat Sacerdotibus, qui ad audiendas eorum confessiones vocantur, ut de dignitate, utilitate, atque efficacia hujus Sacramenti ipsos erodiant, necnon moveant, tum ægrotos, ut hoc Sacramentum (a) petant, cum illius opus fuerit, tum domesticos, aliosve ipsis assistentes ægrotis, ut cum viderint ægrotum maxime laborare, antequam sensum usu destituatur, vocent, vel vocari jubeant Vicarium, qui sanctum Oleum ad ægrotum deferat. Quod si hac in re negligentes fuerint, præterquam quod Deum offendunt, & ægroti gravem irrogant injuriam, ad arbitrium sui Præfulis severe plebuntur.

DECRETUM III.

CLVI. **P**recipit Synodus Sacerdoti in Pagum eunti ad inungendum ægrotum, ut incedat Superpellico, ac Stola indutus, & manibus decenter, ac maxima cum reverentia sustineat Olei Sancti Vas, velo serico opertum, ipsumque præcedat Chamezius Ecclesie, Crucem brachiis gestans; ipseque, vel alius Vas aquæ benedictæ asportet, ac noctis tempore laternam, aliudve preferat lumen, ut omnibus innotescat, Sacerdotem ad extremam Unctionem ministrandam incedere. Curabit etiam, si æger id possit, ejusdem confessionem audire, & reconciliare, si ostendit se fuisse confessus, ostendens id esse illi necessarium, ut majori cum puritate Sanctum Unctionis Sacramentum recipiat: dum vero longius ad silvas sacrum Oleum detulerit, quo decentius poterit incedere.

(a) Resse Synodus exigit ab infirmis, ut hoc Sacramentum petant; atque ex Eccl. Roman. statutis in ejus Concilio anno circiter 850. illud confertur: laboranti & petenti. Expressius in Canonibus Aelfrici edictis per. ut. Can. 12. statuitur: Nemo presumat neggere, nisi canonice. Ceremoniale etiam Augustinianum præscribit admonere

si prius ægrotum, ut hoc Sacramentum agnoscere ac non meram petitionem, sed desiderium illud suscipiendi præscriperant. Canones editi sub Edgardo Rege anno 967. dum instruendo Presbyterum docebant, quod: Ægroti, prout opus fuerit, Eucharistiam præbeat, ut si desideretur, Unctionem.

incedat; secum semper Superpellicum, ac Stolum gesser, quibus in Sacramento ministrando debita cum decentia uti possit: ad caput etiam infirmi Crucem ex quacumque efformatam materia, si eam ipse non habuerit, relinquat; commendando ipsi, ut oculis ac fiducia in eam defixis, mortem sustineat in suorum peccatorum poenam, quorum veniam enixe petat à Christo Domino, qui amore illius in ea expiravit.

ACTIO VII.

De Sanctis Sacramentis Ordinis, & Matrimonii.

Doctrina de Sacramento Ordinis.

CLVII. **S**extum Sacramentum Ordo est, quod Christus instituit feria sexta (*) Coenae, ac pridie quam pro nobis pateretur; post institutum enim ea nocte Eucharistiae Sacramentum, ut simul Sacrificium, ac Sacerdotes, qui illud offerrent institueret; tunc itaque ad Sacerdotalem Ordinem promovit Apostolos, conferens ipsis ulterius potestatem consecrandi alios, quo in sua Ecclesia, usque ad Mundi finem Sacrificium continuaretur, ac Sacerdotium. Materia hujus Sacramenti est illud, quod traditur ordinando, ad significandum exercitium Ordinis, quem suscipit. Sic Sacerdoti traditur Calix cum vino, & Patena cum pane: Diacono Evangeliorum liber; Subdiacono Calix, & Patena vacua: Et similiter quo ad alios Ordines Minores, qui conferuntur, cum traditur Ordinando res illa, quae uti debet in exercendo munere sacro, ad quod initiat. Forma in Sacerdotio, ceterisque Ordinibus sunt verba ab Episcopo prolata, dum tradit illa, quae ad exercitium, & Ministerium, ad quod accipit potestatem, attinent. Minister hujus Sacramenti solus est Episcopus; illi enim soli concessit Christus Presbyteros consecrandi facultatem. Effectus illius sunt character, augmentum sanctificantis gratiae, & superna auxilia, quibus suscipiens ordinem, Minister fiat idoneus. Constat itaque Sacramentum hoc, tanquam maxime necessarium Ecclesiae, institutum fuisse à Christo; Cum enim Sacrificium, ac Sacerdotium, ita inter se co-

haereant,

(*) Hic Synodi locus subobscurus est: ait cum nulla adsit ratio, quae suadeat Synodum in hac re, non tritam tenuisse sententiam; explicandum est ly *Feria sexta*, per *to Pridie*, id est feria quinta ad Vesperam,

inchoata iam sexta, prout mos erat iudeis, quorum *Pesach* vel Pascha non incipiebat die prima è septenario azymorum, sed sub Vesperam praecedentis. Vide Maurocenum in *Via Fidei* pag. 541.

hæreant, ut unum absque alio inveniri non possit, dum in novo foedere Sacrificium Eucharistiæ à Christo instituebatur, opus etiam erat in Ecclesia novo, (a) visibili, ac æterno Sacerdotio (qua in re antiquo veteris legis novum hoc præcellit) simul Sacerdotes instituerentur, qui per Episcopos consecrati, divinum hoc offerrent Sacrificium. Sacerdotibus rite initiatis duplicem contulit Jesus Christus Dominus noster potestatem, alteram nimirum, quæ versatur erga suum verum, ac reale Corpus, quæ est potestas illud consecrandi, offerendi, atque administrandi; alteram vero erga mysticum Christi Corpus, nempe Ecclesiam, & hæc est potestas solvendi, ac retinendi peccata: ad hanc potestatem, tanquam aliquid confectarium pertinet etiam Populum Christianum regere, ac gubernare, atque ad vitam dirigere æternam.

CLVIII. Verum cum Sacerdotium res sit adeo sublimis, quo majori cum veneratione, ac honestate exerceretur, oportuit sane plures, ac diversos haberi Ministrorum Ordines, qui remotius, vel propinquius Sacerdoti inservirent, eosque ita distributos, ut qui Clericali tonsura initiati jam essent, per Minores Ordines ad Majores gradum facerent; sunt igitur Ordines Minores Ostiarii, Lectoris, Exorcistæ, & Acolyti; Majores vero, quique Sacri vocantur, Subdiaconi, Diaconi, & Presbyteri, quibus Sacris Ordinibus adjungitur (b) Episcopatus; quippe Episcopi in Apostolorum locum successerunt, *quos Spiritus Sanctus posuit*, ut ait Apostolus, *regere Ecclesiam Dei*. Unde altiori præ Sacerdotibus gradu provehuntur, quibus solis munus competit conferendi Sacramentum

Confir-

(a) In editione Lusitana habetur opus fuisse: *Novo invisibilis & æterno Sacerdotio*. Porro quod ait *invisibile* Sacerdotium, typorum errorem putamus, Sacerdotium enim visibile esse debet, ut respondeat Sacrificio *visibili* novi testamenti, quod Synodus intendit adituere.

Quatenus vero illud vocat *æternum*; non alia ratione id intelligere possumus (cum fides & velamina in Patria reducenda sint, clara succedente visione) nisi eo quod Christus dicatur *Sacerdos in æternum*; aut quia terminus durationis ipsius indefinitus est, & hac parte perpetuus: certum enim nobis est Christum nobiscum ita permanurum usque ad consummationem seculi.

Rursus, de visibilitate Sacrificii nostri omnino videndus August. *lib. 10. de Civit. Dei cap. 19.* & notas Luidov. Vives super illum locum: cum enim homo contet, non tantum anima invisibili, sed etiam visibili

corpore, æquum erat, ut in lege gratiæ, illum ad perfectiora ducente, non solum mente & spiritu, verum & visibili corpore supremam adoraret excellentiam.

(b) Octavum ordinem Episcopatum dicere, nihil est quod impediatur: etenim quamvis in ordine ad consecrandam Eucharistiam, pares illis Presbyteri habeantur, verum characterem, spirituali auctoritate, & muniis, superiores esse Episcopos Presbyteris definitum est ab Ecclesia seculo IV. damnando Aetium, qui Episcopis æquabat Presbyteros: vide S. Epiphani. *Hæresi 39. aut 79. Aetii*, & August. *lib. de Hæresi. ad Quod vulg. d. Hæresi 53.* Igitur Auctor *lib. de 7. Ordin.* Hieronymo fortan cœvus, in sexto ordine Presbyteros, in septimo Episcopos recenset: de quo vide recens editas Instit. Cathol. Pougeti *Par. 3. Sect. 1. cap. 7. §. 1. littera G.* Hieronymum autem quodammodo cum Aetianis opinatis, plures Critici censent.

Confirmationis, Sanctum Chrismatis Oleum, Aras insuper, & Ecclesias consecrandi, demum Presbyteros, aliosque Episcopos cooptandi, & ad suum respective gradum promovendi. Præcipitur etiam in Ecclesia continentia, & castitas perpetuo servanda; iis qui Sacris Ordinibus addicuntur, quo soluti, ac expediti ab alienis officiis, Altaris tantum ministerio vacent; rebusque solum ad Deum, divinumque Cultum pertinentibus, impensius devoveantur. Nec promoveri sinit Ecclesia ad Sacerdotium Servos: Divinus etenim Cultus exigit liberos, (a) nec aliis subjectos; nec homicidas, qui humanum sanguinem effuderunt, nec ex legitimo thoro non procreatos: neque mancos, membrisque non integros; nec bigamos, qui nempe fuerunt bis Conjugati, aut eos, qui cum Vidua alteri prius nupta contraxere: nec minores natu, nimirum, qui ad congruam ætatem nondum pervenerunt. Quæ omnia sancita sunt ob honestissimas, sanctissimasque causas, præsertim ob reverentiam divino, excelssimoque Altaris ministerio debitam.

DECRETUM I.

CLIX. **Q**Uoniam ad hanc usque diem plures adhuc adolescentes, immo etiam impuberes, non solum ad Minores Ordines in hac Diocesi, verum etiam ad Majores, & Sacros, & ad Sacerdotium ipsum promoti fuerunt; quin in ipsorum vitam, & mores inquisitum fuerit, nec de ipsorum ad Ecclesiastica ministeria sufficientia experimentum ullum captum, quodque pejus est, pacto pretio, & non sine labe Simoniacæ. Et quoniam sæpissime etiam una eademque die adversus Sacra Concilia, ac leges Ecclesiasticas, Minores, Majoresque Ordines fuerunt collati: prohibet Synodus, ne ullus in posterum ad Ordines promoveatur, nisi prius à Præsule, vel ab aliis probis Viris, Sacrorumque Canonum peritis, quibus id commissum fuerit, & ad præscriptum Conc. Trident. prævio examine de illius honestate, ac doctrina iudicium feratur. Prohibet insuper ne ullus inter Subdiaconos cooptetur, nisi viginti duos suæ (b) ætatis annos numeret; inter Diaconos nisi viginti tres; inter

(a) Quamquam Synodus videatur tantum de mancipiis loqui; conforme tamen est Ecclesiæ disciplinæ, quod subnectit: *Nec aliis subjectos*: etenim Alexand. III. confirmavit Capitula Anglicana, quorum 26. statuit quod: *Filii rusticorum non debent ordinari absque assensu Domini, de cuius terra nati dignoscuntur*. Ejusmodi autem Capitula Anglicana, è potestate vio-

lenta Regis profecta, libertatem Ecclesiæ vulnerasse, pro comperto habendum est.

(b) Abusus id omnino erat Malabarensium; Nestoriani enim ex Sobensi *Part. 6. cap. 4. in Epistola Canon. annuunt* 21. aut ultra assignant Presbytero; *At vero* (ait) *juxta antiquum mandatum ante annum 30. Presbyter non ordinetur*. Quæ Orientalium disciplina maxime cum nostra conso-

ter sacerdotes nisi quinque supra viginti, juxta ea, quæ ipsa Sacrosancta Tridentina Synodus præscripsit; quæ integre, ac inviolabiliter servari Synodus jubet, nec non declarat, Præsulem nullos posse à prædictis legibus solvere, nec quidquam ab iis constitutum relaxare, nisi auctoritate Apostolica sibi specialiter commissa polleat. Quia verò in hac Diocesi plures sunt jamdiu ad Ordines promoti præscriptam ætatem nondum attingentes, eos omnes, sive Presbyteros, sive Diaconos, sive Subdiaconos, Synodus à suorum Ordinum exercitiis suspensos, atque impeditos esse vult, quousque ad præscriptam ætatem pervenerint; perinde tamen locum suum ab ipsis servari, & Ecclesiasticos proventus percipi, ac si re vera suos ordines, & munia ipsis annexa exercerent. Quod attinet ad scientiam, ac doctrinam, tantam Syriacæ linguæ peritiam in iis, qui latine nesciunt, Synodus exigit, quantam latinæ linguæ exigit Tridentinum, itaut Syrorum nemo, saltem Sacris Ordinibus initiatus, nisi sciat Syriacè legere, (a) & cantare, atque ea, quæ Syriacis characteribus scripta sunt, intelligere; cum valde consentaneum sit, quemlibet mente percipere ea, quæ ore profert in Ministerio Altaris.

DECRE-

nat: etenim 30. annum præscripsit etiam Presbytero Concil. Agath. an. 506. Aurelian. 3. an. 538. Toletan. 4. an. 633., & Concil. Trullan. At vero Concilium Ravenn. an. 1314. permisit ordinari Presbyterum antequam ætatis 25., & Diaconum an. 16. Narbonense autem an. 1551. exigit in Subdiacono 18., in Diacono 20., & in Presbytero 25. Tandem Tridentina Synodus, ætatis annos præscripsit ordinandis, prout nostra Synodus exigit; attamen paulo ante ipsum, idest anno 1745. 17. Nov. facultatem fecit Provinciali Hispaniæ Hieronymus Scripandus, Tridenti existens, *Promovendi ad Sacerdotium eos, qui annum vigesimum tertium attigerint.* Erat tunc Scripandus Generalis nostri Ordinis; subinde Cardinalis, & ejusdem Concilii Tridentini Præsides. Quare autem hic mos apud illos Christianos vigeret, facile deducitur ex M. Paulo Venet. ap. le Quien tom. 2. col. 1089. nempe in causa erat Episcoporum raritas: unde ne carerent Ministris, pueros ordinabant, qui tamen non nisi in 25. ætatis anno constituti Sacrum peragebant; inde (ait iste) fa-

cum est, ut in illis Regionibus ipsi Reges aliquando Presbyteri essent, ut de Presbytero Joanne testabatur Guilelmus de Rubraquis Ord. Min., qui à S. Ludovico Franciæ Rege missus fuit in Tartariam.

(a) Jure merito peritiam linguæ Syriacæ exigit Synodus ob eandem rationem, ob quam Tridentina præscripserat ordinandis latinam; quandoquidem Ecclesia iustissimis de causis Sac. Scripturam, & Liturgiam sermone tantum latino legenda proponit; de quo videndi Emmanuel Navarro, Viva, & omnium uberime P. Fontana *sup. Prop. 82. Quæstionum*. Ex quo etiam novam deducimus rationem, quam Heterodoxis opponamus, pro vernacula lingua pugnantis; cum Ecclesia Augamensis, non Malabarico, sed Syriaco sermone res sacras perageret. Quod autem in Capitul. Caroli Magni exigatur à Parochis peritia linguæ vernaculæ, id, inquam, ut Conciones, Catecheses & Confessiones fieri haberique possent, sanctum fuit; non vero pro Scripturis, aliisque Ecclesiasticis libris legendis.

DECRETUM II.

CLV. **Q**uotquot hactenus Ordines susceperunt in hac Diocesi, omnes simoniace sunt promoti pacto pretio, eoque majori, vel minori, juxta qualitatem Ordinis, ad quem promovendi erant, quapropter in gravissimas à Jure statutas poenas cuncti incurrerunt: Quia tamen eorum inscitia, cui causam dedere Præsides ipsi, hujusmodi turpissimorum errorum Magistri, aliquam excusationem habet, ut nobis compertum est, Reverendissimus Metropolitae promotos hujusmodi ab omnibus poenis, & censuris, in quas à Jure latas inciderunt, ob simoniacas Ordinum susceptiones absolvit, præcipiendo ulterius, ne quis adversus illos ob eam culpam quidquam attentet; insuper omnes eximit à vinculo, & impedimento potestatis acceptæ, itaut quilibet libere, ac licite, nisi aliam ob causam ab ipso Jure impediatur, possint Ordinem suum; & potestatem acceptam exercere.

DECRETUM III.

CLXI. **Q**uoniam constat Synodo, nonnullos Sacerdotes, (a) lepra foedatos, ac notabiliter deformes, sacrum facere, non sine nausæa Populi, ac periculo salutis aliorum, cum iisdem vasis, & vestibus sacris utantur, jubet hujusmodi indubitanter leprosos sacrum non celebrare, eo quod sint ipso Jure irregulares ob corporis defectum, & nauscam, quam sacro astantibus afferunt, tunc præsertim cum ex eorum manibus Eucharisticum panem accipiunt.

DE-

(a) Hoc in loco Croxus Theologia poetæ, Medicum agit; asseritque non fuisse lepram, quem hic memorat Synodus mortuum, sed tubercula quædam in erubus illi genti endemia; præstat autem credere tot ecclésiasticis hominibus ibi confidentibus, quam novo Medice Croxo. Igitur provide jussit Synodus Presbyterum lepræsum separari vitæque; conformiter etiam ad antiquos Canones; Gregorius enim II. an. 726. eprosus communionem permisit, at a con-

vinviis arceret: in Capitular. Aquisgran. an. 749. statutum est, ne leprosi se interseruerunt alii populo, quod omnium primum iussit Concil. Ancyran. an. 314. prescribens; quod leprosi cum Energumenis præcept. Accusatus etiam de lepra, debebat canonicam purgationem facere, atque subire, ex Synodo Pictav. an. 480. mirum autem non est, cum qui a convivii arcerent profanis, a divini propelli ministratioque convivii.

D E C R E T U M I V.

CLXII. **R** Eceptissimo in hac Dioecesi more inductum est, ut horariis precibus absolutis, antiquior ex Cassanariis in ipso Presbyterio, aliis omnibus, qui alternis cecinerunt manum porrigat, & hi vicissim manum ipsius apprehendant, quæ consuetudo, vocabulo illarum Regionum proprio (a) *Casture* appellatur. Cum itaque vetustissima hæc ceremonia, sit mutæ benevolentiae, fraternique amoris usitatissimum signum, ægre fert Synodus, aliquos ab hac benevolentiae significatione, non sine aliorum offensione abstinere propter privatas similitudines, rursus nec cum aliis colloqui, nec iis bene precari Ecclesiastica salutatione, quam communiter hæc Ecclesia usurpat: Ut ergo huic malo occurrat, præcipit, ut tam dexteram non porrigentes, quam non complectentes oblatam, Præsul graviter puniat, tanquam læsæ charitatis, & pertinacis insuum Proximum odii reos; præterea, ut delinquentes, juxta salutare Christi monitum, accedere ad Altare, aut ministrare in Ecclesia, suorumque Ordinum propria munera exercere non audeant, nec ii ad quos pertinet, sacras vestes illis præbeant, nec eos celebrare sinant, quousque Fratribus suis reconcilientur, iisque consuetum benevolentiae signum exhibeant.

D E C R E T U M V.

CLXIII. **C** U M Clerici ad Majores Ordines promoti, debeant ex præscripto Ecclesiæ quotidie horarias preces, sive, ut vulgo dicitur, Divinum Officium integre recitare, in hac autem Dioecesi paucissimi domi suæ privatim recitent, per errorem putantibus aliis, iisque plurimis, privatam hanc recitationem non esse præceptam, iis vero, qui in Presbyterio publice canunt, sibi falso suadentibus, ad adimplendum præceptum satis esse, quod ad breve tempus ibi morentur, etiam prope finem, & etiam si vix ingressi

(a) Ita vocatur à Malabarensis genus quoddam pacificæ salutationis, & auspicii liberalis, cum aliquem conveniunt, Cassanarii chorum ingredientibus, ritus autem *Casture* hujusmodi est, ut sibi invicem pacem appresentent, apprehendentes manus, & indicem digitum osculantes, teste Vinc. Mar. lib. 2. cap. 6. Croxæus vero *Hist. Christ. Ind. pag. 249.* ait, ritum *Casture* importare, quod manus antiquioris Cassanarii compre-

hendunt alii, atque subinde ejus benedictionem accipiant; revera hæc ceremonia signum est fraternæ caritatis & communionis; subjectionem etiam atque fidem fortasse indicat: prisce enim vocabant *mancipationem* similem ritum, quo clientes manus suas, inter manus ponebant Dominorum, in signum fidelitatis & submissionis: Vico *Scient. nova lib. 5. pag. 441.*

gressi post paucos versiculos statim egrediantur, quin solliciti sint de supplendo privatim domi, quod ibi omiserunt; cumque omnes in excusationem adducant ultra falsam opinionem supradictam, qua laborant, raritatem Sacrorum Codicum, qui perpauci sunt in hac Ecclesia, iique calamo exarati, declarat Synodus, omnes, qui in sacris Ordinibus initiati sunt, præcepto integræ recitationis Divini Officii obstringi, nec posse illam citra lethalem culpam omittere, atque adeo, qui publice in Ecclesia non canunt, debere ipsum privatim domi (a) integre recitare, qui vero publice canunt, siquam partem omittunt, eam privatim supplere debere, si sacris Libris non careant, quodsi careant, ut certe plurimi carent, psalterium (b) laicum recitent, sive seriem ex Orationibus Dominicis, & Angelicis Salutationibus, piacularibus globulis percurrant, ea lege, ut cum in hac Ecclesia non alia sit partitio publicæ recitationis Divini Officii, sive sacre psalmodiæ, quam in Matutinam, & Vespertinam, etiam ipsi pro recitatione Matutina, exordium ducendo ab invocatione Divini auxilii, ut habetur in Breviario, tricenae tres Orationes Dominicas, totidemque recitent Salutationes Angelicas, ac singulis addant clausulam illam addi solitam singulis psalmis, nimirum: *Gloria Patri &c.* qua præcursum serie absoluta, novem recitent Orationes Dominicas, & Angelicas Salutationes pro Animabus Fidelium Defunctorum, deinde unam pro Papa, & unam pro Episcopo, quas substituere debent, publicis illis precibus, quibus oratur Deus pro illis in Ecclesia. Eandem invariata, & integram precum seriem repetent Vespere, pro Divini Officii recitatione vespertina, addent tamen novem salutationes Angelicas in honorem Deiparæ. Hoc supplemento uti

A a

non

(a) Privatam etiam officii recitationem ex obligatione ad primæva Ecclesiæ tempora referendam esse, videtur; ut ut Rutheni aliqui non bene morati contrariam corruptelam induxerint; namque non tantum Clericos, verum etiam laicos ad id teneri ex Decretis Arab. Nicænis apparet, cum jubeant ista Decret. 17. *orare septies in die debent omnes Christiani fideles*. Nestoriani etiam teste Sobense, tenentur tam Presbyteri, quam laici aut seculares ad quatuor horas Canonicas, *Matutinas* nempe, *Nocturnas*, *Vespertinas* & *Apodipnon*, ante somnum, quod significat idem ac *Post cenam*. De quo vide Sanctiones Arabicas Nicænas Dec. 17. & 18. & *Assæman Dissert. de Syris Nestor. pag. 338.* Cardinalis Thomæus egre-

giam Dissertationem concinnavit *De privato Ecclesiasticorum officiorum Breviario extra choram*, omnino legendam, apud Josephum Blanchinium Congreg. Sancti Filippi Neri alumnum *Par. 2. tom. 1. Operum laudari Card. edit. Roma 1741. pag. 480. & seqq.*

(b) Constitut. Conventuales anno 1237. pro laicis hæc habent: *Præcipimus quod quilibet Christianus & qualibet Christiana omni die dicat septies, Pater noster, Ave Maria, & bis Credo*: & anno 1514. editus fuit Fani liber hoc titulo: *Septem hora canonica a laicis hominibus recitanda*, juxta ritum Alexandrinorum; editus Arabice, cujus meminit Evod. *Assæm. Bibliot. Laur. pag. 83.*

186 SYNODI DIAMPERITANÆ

non possunt, qui sacros Libros habent, sed ut iterum inculcat Synodus, Divinum Officium vel publice, vel privatim recitare debent, si vero publice recitent partem, vel matutinam, vel vespertinam, & sacris Libris careant, eam tantum partem, quam omiserunt, debent per piaculares globulos supplere, juxta methodum nuper præscriptam.

DECRETUM VI.

CLXIV. **J**ubet Synodus in Sacrarum precum Breviariis adjungi Symbolum S. Athanasii (a): *Quicumque vult &c.* quamobrem ejusdem Symboli fieri versionem Syriacam, qua peracta, singulis diebus Dominicis post matutinam Divini Officii recitationem, publice in Ecclesia recitari vult. Illius Syriacam versionem P. Francisco Roz committit. Illud etiam inculcat, ut singuli Cassanarii, & Chamazes, illud memoriter addiscant, & præ oculis habeant; tum quia id per sacros Canones commendatum legitur, quia in illo præcipuorum nostræ Fidei Mysteriorum summa continetur, tum demum quia eo utitur Universalis Ecclesia, & diebus Dominicis publice canit.

DECRETUM VII.

CLXV. **C**assanarios, & Chamazes omnes summo opere hortatur Synodus, ut in Ecclesia tam Matutino, quam vespertino tempore Divino Officio intersint, nec ibi colloquia inter se misceant, vel à rebus cœlestibus ad res terrenas, & nugatorias mentem distrahant. Illud etiam caveant, ne dum alternis canunt, in Ecclesia, aliqui versiculum sequentem præpropere incipiant, nondum absoluto ab aliis versiculo præcedente, ex qua festina temporis præoccupatione sacrorum verborum confusio, ac perturbatio oritur, quod plane ipsis injicere scrupulum debet; in quo frequenter offendunt Cassanarii, & Chamazes dum simul recitant. Postremo hoc etiam admonet, ut quamvis hætenus in more fuerit, à seniore inter Cassanarios præsentibus Divino Officio exhiberi aliis *Cassare*; nihilominus in posterum, si proprius Ecclesiæ Vicarius adsit, ipse hac in re aliis omnibus præcedat, quippe qui peculiaris est illius Ecclesiæ Pastor.

DE-

(a) Memoriter recitari *Die Dominico ad bergam priorem* jubetur in Capitular Hattōnis Episc. Basilens. anno circiter 821. Et hoc quidem seculo 9. qui ordinabatur Episcopus

proferri tenebatur, se suscipere Athanasii sermonem, qui incipit: *Quicumque vult salvus esse*. Vide Collect. Concil. Hardui. tom. 7. col. 1445.

DECRETUM VIII.

CLXVI. **Q**uia æquum non est, quantum ad laborum remunerationem, eodem in numero haberi laborantes, & non laborantes; visum fuit Synodo, Cassanarios, & Chamazes, qui diebus Dominicis, vel aliis diebus Festis divinis Officiis non interfuerint, à Vicario, vel eo absente, à Seniore inter Cassanarios, adnotandos esse, & in distributione fructuum, habita ratione quantitatis distribuendæ, aliquid ipsis detrahendum, plus minusve, prout pluribus, vel paucioribus vicibus abfuerint; quod ita fiet, dum legitime non fuerint impediti, aut ægroti, vel in rebus Ecclesiæ, aut à suo Præsule aliter utilius occupati; ii enim, qui hac de causâ absunt, æqualem cum aliis portionem accipient; quod vero ex absentia aliorum collectum fuerit, æquis portionibus inter alios distribuatur.

DECRETUM IX.

CLXVII. **N**on ignorat Synodus, quamplures à Cassanariis fortimulis exorcizandi (a) uti superstitiosos, immo etiam ethnicis, verbisque desumptis ex impio, prohibitoque libro: *Parisman*, ad ejiciendos Dæmones: quapropter in virtute Sanctæ obedientiæ præcipit, ut nullus audeat aliis uti Exorcismis ad hunc finem, nisi iis, quibus utitur Ecclesia Romana, approbatis à Sanctis Patribus, contentisque in libello *De administratione Sacramentorum*; Siquis vero Clericorum aliis utatur, & multo magis, si superstitiosas ceremonias usurpet, & ignotæ significationis verba super Energumenos proferat, ab Ordinibus suis exercendis, & proventibus per annum suspendatur; cui censura poterit Præsul, juxta majorem, vel minorem criminis gravitatem, pro arbitrio suo poenas alias adjungere; si vero post admonitionem, & punitionem contumax adhuc persistat, à Communione Fidelium separetur, & anathemate feriatur. Quod si de aliquo confiterit, prædictis ceremoniis, vel verbis uti (quod Deus avertat) ex pacto aliquo inito cum Dæmone, id quod de nonnullis circumfertur,

A a 2

de-

(a) In aliquibus Orientis Ecclesiis, non est Exorcista ordinacione, sed designatione Antistitis; in aliis est Exorcista ipse qui Officiarius; Quomodo ordinetur Exorcista habetur in Concil. Carthag. 4. anno 398.

quod vero exorcismi nulli fiant prætextu pietatis, nisi ab Ecclesia probati, præscribit Concil. Bituricen. anno 1584. Titul. 40. can. 3.

declararetur ab Ecclesiæ communicatione segregatus, quousque condignas, à suo Præsule statuendas poenas persolverit, necnon ab Exercitio Ordinum, & Ecclesiasticis emolumentis sine relaxationis spe per totum vitæ spatium suspendatur; insuper sit obnoxius poenis aliis à Jure statutis contra eos, qui pactiones hujusmodi cum Dæmone faciunt.

D E C R E T U M X.

CLXVIII. **Q**Uoniam nonnulli è Cassanariis, juxta superstitionem Ethnicorum morem, ubi agitur de Matrimonii contrahendis, aliisque rebus gerendis, faustos auspicantur (a) dies, & multa ominantur ad petitionem Christianorum, ethnicam superstitionem impie imitantium, superstitiones etiam supputationes faciunt, fastos, & nefastos dies ex Ethnicorum libris in suis commentariis transcribunt, quæ præ manibus à Christianis habentur, immo etiam in libris precum Tabulas conficiunt, calculosque instar algorismi, ut videre est pluribus in libris, etiam iis, quibus in Ecclesiasticis functionibus utuntur; præcipit Synodus in virtute Spiritus Sancti, ac sub poena excommunicationis majoris, ut nullus Ecclesiasticus, aut Secularis, vel Cassanarius in posterum audeat hujusmodi fastos, nefastosve dies prænuntiare, occasione Matrimoniorum, aliarumve rerum agendarum, neque ad hunc finem sortes jacere, calculos ducere, aut quid eligendum sit, quidve repudiandum ex libris sortium conjectare, potissimum ex libello adjuncto alteri, qui appellatur *Parisman*, aut ex alio quocumque, nec alias quascumque superstitiones à quovis alio inventas sectari, qui vero contra fecerit, anathemati subjectus denuntietur, necnon per annum ab exercitio Ordinum, & per semestre à percipiendis Ecclesiæ proventibus suspensus. Commoneant etiam Sacerdotes Populum fidelem, ut hos fugiant Ethnicorum ritus, ac superstitiones, utque eligant ad contrahendas nuptias (modo velint) dies in Ecclesia solennes, festaque Sanctorum, quorum precibus omnia

(a) Statutum est in Concil. Ancyran. anno 314. quod Auguria vel auspicia qui sectantur, agant poenitentiam annis quinque: Synodus vero Biturica. an. 1584. omnes arioli, incantatores &c. qui si fuerint Clerici ordine (ait) priventur & brachio seculari tradantur. Vide *Actio. 9.* Synodi Diamo. in Dec. 6. 7. 8. Superstitiosi autem Malabareses id observant, ut si quod primo occurrat est Bos, fastum habetur;

si vero Christianus aliquis, Cornix aut Canis, infaustum. Diebus autem Martis aut Veneris nec amicos invitant, nec eorum officia admittunt. Vide *Vinc. Mar. lib. 2. ca. 6.* Est etiam apud eos libellus, in quo Bracmanes totius anni dies faustos nefastosque designant, quem vocant: *Panjangam.* *Almanache* vulgo. Pulchra de Auguriis habet Marchio S. Albini *Traité de l'Opin.* Tom. 2. pag. 485. & seqq.

omnia prospere, feliciterque conjugibus eveniant, vel aliorum quorumcumque dierum electionem faciant: omnes enim fausti sunt colentibus Deum, ac bene agentibus, omnesque sunt opera manuum Dei; eoque feliciores, quo in maiorem divinorum mysteriorum cultum, majusque Dei obsequium impenduntur.

DECRETUM XI.

CLXIX. **C**Um plurimum deceat, Sacerdotes bonum exemplum aliis exhibere, quippe Magistri sunt Populi, à quibus bonos mores ediscere debet: dolet vehementer Synodus de intemperantia, qua Sacerdotes aliqui cibi, potusque appetitioni plus æquo indulgent, cum offensione Christianorum, immo non sine infamia, & dedecore gradus Sacerdotalis apud Ethnicos. Quamobrem ut huic malo prospiciat, iis summopere commendat in cibo, potuque temperantiam, Præsuli vero vigilantiam in acriter corripendis bibacibus, qui quidem si fuerint sæpe (a) inebriati eo usque, ut mentis usu non pollerent, [quod Deus avertat] ab Ordinis exercitio sint suspensi, non autem à recitandis in Ecclesia horis Canonicis, & quotidianis distributionibus. Præcipit insuper, ut nullus audeat ad edendum, vel bibendum adire, Cauponas, vel tabernas, cum id gravitatem Sacerdotalem graviter dedecet, quam ob causam id ipsis etiam à Jure prohibetur. Demum prohibet, ne ullus apud Infidelem, Ethnicum, Turcam, aut Judæum (b) convivetur, sub pœna suspensionis per quadrimestre ab Ordinibus, & emolumentis.

DECRETUM XII.

CLXX. **C**Um æquum, & eorum dignitati valde consonum sit, Clericos non solum moribus, sed etiam habitu, & ex-

(a) Seculo 8. ex antiquiori Ecclesiæ disciplina statutum fuit a Gregor. III. In Judic. Congr. Pœnitent. *Judicio* 8. quod ebriosi quadraginta dies agerent pœnitentiam: nota autem ibi ex antiqua definitione haberi, quod *qui in consuetudinem habuerit vitium ebrietatis* (Episcopus, Presbyter, aut Diaconus) *aut desinat, aut deponatur*. Id etiam notabile ibidem: *Qui cogit ali-*

quem humanitatis gratia, ut inebrietur, ut ebrius pœniteat.

(b) In Concil. Matiscon. anno 581. ab omnium Christianorum consortio compescitur, *Qui Judæorum convivio participare presumat*. Ita Can. 15. Et Soben. Epit. Can. Par. 5. cap. 17. statutum ab Ecclesia Nestorianorum esse ait: *Quod non liceat Fidelibus comedere cum Judæis.*

& (a) externo vestium cultu à Populo discriminari, idque postulent Sacra Ministeria, quibus addicti sunt: Præcipit Synodus, ut eorum nemo domo exeat braccatus, sive breviori veste indutus, cujus partes non sint quaquaversus confutæ, atque adeo interulus foras promineat juxta morem Regionis, neque tunica ita indutus, ut hæc sit diloricata. Ubi ergo iter faciunt, aut oppida, vel Ecclesiam adeunt, tunicati incedant, & vestis color sit albus, niger, aut cæruleus, ut moris est, & pileo caput tegant. Multominus noctu inter venandum, vel piscandum tantummodo campestri (b) vrenda tegentes, cetera nudi incedant, quod quam indecorum sit eorum statuti, nemo non videt: qui vero contra fecerint, graviter puniantur: præterea coram Feminis, (c) aut simul cum illis non laventur, ut ceteri facere hac in Regione solent, cum plurimum hoc adversetur modestiæ, & morum honestati, quam Ecclesiæ Ministri maxima cura, diligentiaque servare debent: quod vero ad barbæ culturam attinet, ut libuerit faciant, dum Juniores intonso crine non incedant, sed barbam sibi radant: ii autem, qui prolixam barbam nutriunt, eam saltem circa labia radant, ne inter celebrandum, sumptioni calicis impedimento sit, & Christi Sanguine imbuatur.

DECRETUM XIII.

CLXXI. **Q**uia, ut ait Apostolus Paulus, qui potissimum Dei obsequio ejusque cultui dicantur, æquum non est negotiis Secularium implicari; quam ob rem vetant Sacri Canones, ne Clerici publice negotientur, in quo maxime peccatur in hac Dioecesi: præcipit Synodus, ne ullus Clericorum Nundinas (d) adeat publicas, nec locatores sint rei alienæ, aut facultatum se exhibeant aliorum (e) fidejussores, aut proxenetas; nec contrahant

(a) Inter antiquos Nestorianos habitu non distinguebantur a Laicis Ecclesiastici, etiam Episcopi & Patriarchæ; hodie etiam vestibus utuntur cujuscumque indiscriminatum coloris. Adeas Navigat. Novi Orbis Cap. 134. & D'sser. Assemani De Syr. Nestorian. pag. 337. Ex testimonio Timothei I. Patriarchæ Nestorianorum videtur, Clericos seculares apud eos vestibus albis usos esse, Monachos, & Episcopos nigris. Niger color atque cæruleus in Occidente, Clericis fuit usitatus, præsertim in Hispania, usque ad Sec. 15. etenim S. Joannes a S. Facundo,

antequam nostrum Eremitarum ordinem illustraret, e duabus meliorem, quam habebat, cæruleam vestem pauperi dedit. In ejus Vita.

(b) *Campesiria* dicuntur succintoria parvum inhonestarum. Vide P. Aug. lib. 14. de Civit. Dei cap. 17. cui petizomata primorum parentum, *campesiria* sunt.

(c) Cavent Laodiceni Canones quod *Balnea cum mulieribus communia nemo Christianus habeat.*

(d) In originali habetur *Chatinarios.*

(e) In originali legitur *Taregar.*

ACTIO VII.

191

Etus etiam societatis celebrent, neque in eorum domibus merces, aut comestibilia palam vendantur, nec munera obeant Secularium; qui vero contra fecerint severe à Præsule puniantur, quod si non emendentur ab Ordinum exercitio, & Ecclesiasticorum proventuum perceptione suspendantur: qui vero fuerint aliorum fidejussores, si intra mensem officio illi non renunciaverint, ab ingressu Ecclesiæ arceantur, & quousque id non præstiterint ab ordinibus & proventibus suspendantur.

DECRETUM XIV.

CLXXII. **C**UM hujus Dioceseos Sacerdotes nonnulli, posthabito Dei, suorumque Præfulum timore, necnon sublimis status, ac dignitatis Sacerdotalis, qua insigniuntur obliti, palam negotiis Secularibus, & mercimoniis operam dent, & ea quidem impudentia & audacia, ut ad ea tutius exequenda, absque habitu sacerdotali, tonsura, capitisque corona, immo intonso capite, capillisque juxta profanorum hominum, ac popularium morem, eleganter compositis: Præcipit Synodus in virtute sanctæ obedientiæ, ac sub anathematis poena Clericis omnibus, qui fuerint sacris initiati, ut cum habitu, tonsura, ac patente capitis corona incedant, nec cæsarie promissa, capillisque ita comptis in publicum prodeant, qui vero contraierit, anathemati subjectus declaretur, quousque resipuerit, externumque corporis cultum, qui suum deceat statum, sibi comparaverit.

DECRETUM XV.

CLXXIII. **Q**uia aliqui ex Ecclesiasticis, tum Cassanarii, tum & Chamazii, sui muneris, ac propriæ dignitatis obliti, ut minus à Regibus Ethnicis vexentur, quodque deterius est, ut eorum patrocinium sibi concilient, eorumque clientela freti impune delinquant, nec possint à suis Præsulibus, juxta meritum puniri; stipendia à Regibus accipiunt, & instar Navrum nomen dant, atque adeo inter milites conscripti, debent ad bella procedere, manus conferere, & omnia munia militaria, (a) prout se præbuerit occasio, exercere, id quod expresse

(a) In Concilio Meldensi statutum est quod: *Clerici a m^o militaria non contingant*. celebratum fuit anno 845. nec aliter quam ex contemptu Ecclesiasticæ im-

munitatis jussi sunt & coacti aliquando Clerici, per Principes, arma capessere. Proinde Concil. Camerac. an. 1586. Tit. 28. n. 17. cavit: *Ne Præsuli seculares cogant*

preſſe eſt contra ſacros Canones, legesque Eccleſiaſticas: præcipit Synodus in virtute ſanctæ obedientiæ, ac ſub anathematis poena ipſo facto iucurrendâ, ut nullus Caſſanariorum, aut Chamazium audeat in poſterum ſtipendia militaria ab aliquo Regum accipere, ac militiam profiteri: qui vero contra fecerit, à fidelium communionẽ ſejuñctus declaretur, nec a cenſuræ vinculo abſolvatur, quin prius militiæ nuntium remiſerit, & exauſtoratus fuerit, præteriti inſuper criminis ſeriam poenitentiam ex animo peregerit.

DECRETUM XVI.

CLXXIV. **I**N Eccleſia à ſuis uſque exordiis, Clericos ſacris muneribus addiſctos, ac potiori titulo Sacerdotes continentiam, caſtitemque ſervare conſueviſſe, (a) ex antiquis Conciliis

Clericos, qui Chriſto militare debent ad excubias diurnas aut nocturnas: multoque minus ad belligerandum. Quid autem ſit, quod habetur in Capitulo 42. Theodori Cantuarienſis Archiep. ad finem ſec. 7. Clericis nullatenus pugnare licet, niſi in multitudine, aut conſiſio ſervorum Dei: & invenitur in Spicilegio Dacherii tom. 9. aliis diſcutiendum relinquimus.

(a) Quæ adverſus hoc Decretum Synodi effutivit Croſæus, vindicantur infra in Diſſert. Apologetica pro Synodo num. 100. hic tantum in antecellum dicimus, Neſtorianos Matrimonium permittere Presbyteris, & Diaconis: etiam poſt ſuſceptionem ordinum; immo id Monachis Monialibuſque indulgent. Nec recens eſt inter eos corruptela huiusmodi. Memoratur autem qui primus omnium eam induxerit, Barſumas Niſibenus pro Episcopis, & Presbyteris; quo mortuo, Babæus eamdem licentiam Catholico, Metropolitæ, Sacerdotibus, Diaconis, & Monachis laxavit. At poſtea Mar-Abas Catholico, & Episcopis nuptias vetuit: & hæc eſt hodierna ipſorum conſuetudo. Huiusmodi Matrimonia quoad Monachos ſaltem valida cenſentur, iſti enim vere tales dici non poſſunt, qui caſtitem nullatenus expreſſe, aut tacite vovent; ac nulli hodie Neſtoriani Monachi extant in Oriente; ſicuti nec erant in Malabarâ tempore noſtræ Synodi. De iis vero, qui poſt ſuſceptos ordines contrahunt, tenet Arcudius lib. 7. cap. 40. valide id facere, ex præſenti potiſſimum Græcorum conſuetudi-

ne, quæ horum conjugia non dirimunt, ſed uxoratos ab exercitio tantum ordinum deponunt. Sed ex Can. Trull. 3. iſta conjugia irrita ac invalida æſtimanda eſſe videtur, dum ſtatuit, quod *Eorum neſario, manifeſte diſſoluto conjugio; nequaquam ad alioſ gradum promoveantur*: unde Græci, qui ea rata cenſent, & ſola ſuſpenſione, id criminis caſtigant, majorum ſuorum ſtatutæ adverſantur diſciplinæ; maxime autem omnium Neſtoriani, qui digamiam, & polygamiam ſuis permittunt: Orientis enim diſciplinæ, quæ laicis vix conceſſit bigamiam, trigamiam vero, nonniſi invito animo, quo pacto iſtis octavas nuptias indulgiſſe dicetur? Certe anno 1628. inſcriptum eſt ſuper Presbyterorum & Diaconorum Chaldeorum Matrimoniiſ, & Sac. Cong. de Propaganda fide, decrevit ne illi deinceps conjugia inirent: & anno 1693. ejuſdem Congr. juſſu Jacobus Benſaminus Chaldeus Neſtoriani Patriarchæ Vicarius, uxorem quam poſt ordinationem duxerat, dimiſit: noviffime etiam Sac. Inquiſitionis Tribunal Romanum irritum declaravit conjugium, cujuſdam Diaconi Chaldei, qui hic in Urbe nupſerat. Vide Aſſem. Diſſert. de Syr. Neſtor. pag. 330. Soli autem Diaconis in Eccleſia Græca, ſi in ordinatione conteſtarentur non poſſe ſe continere, aliquando permiſſum fuit Uxores poſt ordinationem ducere; immo ex laudabili ipſorum diſciplinæ etiam ab Uxoribus ante ordines ductis temperarunt antiquitus Græci; licet nulla univerſalis legis neceſſitate, ad hoc videan-

ciliis tam Orientalibus, quam Occidentalibus aperte colligitur; & quamvis primis illis temporibus, cum ob Sacerdotum penuriam, tum ob commune Ecclesiæ bonum, aliqui ex literatis viris, jam uxoratis, ad Catholicam Religionem conversis, dummodo non essent bigami, fuerint non solum Presbyteri, sed etiam Episcopi inaugurati, quod etiam nostris hisce temporibus in Ecclesia Græca viget, & in Ecclesiis aliis Apostolicæ Sedi subiectis, iustis de Causis à Romano Pontifice, quousque opportune provisum sit, toleratur; nihilominus nunquam Catholica Ecclesia permisit, ut Presbyteri post Sacros Ordines ducerent uxores, immo uxoratos, quo dignius Ministerium Sacrum obirent, mutuo consensu à suis uxoribus separatos fuisse, recolenti eorum temporum memoriam, satis constat; quæ cum comperita sint, Sancta Synodus non sine ingenti mœrore pravos usus, qui in hac Diœcesi irrepsérunt, secum ipsa animo reputavit, eosque procul amoliri decrevit. Eorum causæ fuerunt Juris ignorantia, schismaticorum Præsulum varities, morum perversitas, quæ tunc temporis late grassabatur; quas ob causas non solum Presbyteri matrimonia contrahebant, sed etiam plures eo consilio sacris initiabantur, ut locupletiores mulieres sibi Matrimonio copularent; neque ulla habebatur ratio, an Virgo esset, an vidua, ac prima uxor esset, an secunda, an etiam tertia, neque bigamiæ impedimentum, vetustissimæ Ecclesiæ consuetudine firmatum, illis (tanta erat morum licentia) timorem ullum incutiebat. Quidquod in hoc statu Altari ministrabant, & sacra munera exercebant; si paucos excipias, qui post transitum ad secundas nuptias, à sacro celebrando se abstinebant, non tamen à muneribus aliis Sacerdotalibus exercendis. Quæ omnia sibi licere per errorem putabant, eo quod ad hæc omnia facultatem à Schismaticis Præsulibus obtinuissent; qui quidem, cum sub anathematis pœna vetitum esset, ne quis eorum Matrimonia contraheret, ad id ipsis potestatem tradebant, vel si qui contraxissent, eos ab anathemate absolvebant, ac Matrimonia hujusmodi rata habebant: quæ omnia obtinebantur Simoniacè pacta, & soluta pecu-

B b

nia.

rur astricti: quod dici non potest de Græcis Episcopis, post statutum Concilii Quinisexti anni 692. e cujus Concilii lege confirmata, licitum est Græcis Presbyteris, Diaconis, & Subdiaconis retinere Uxores legitimis, ante ordinationem ductas, iisque consuescere.

In Ecclesia autem latina, Majorum Clericorum continentia semper servata fuit: Subdiaconi vero, nec semper nec univérse

lege continentia astricti fuere, sed varia fuit circa hos disciplina, maxime in nostra Hispania. De hoc videndi Cl. Tournely *De Sacram. Ordinis Quæst. ultima*; & Apologia Anonymi pro statutis S. Gregorii VII. apud Harduinum *tom. IV. collection on ilior. a colum. 1121*, ubi cœlibatus sacrorum hominum validissime, ac subtilissime vindicatur.

nia. Quodque deterius est, facultate sic impie obtenta, sibi inaniter blandiebantur, & se satis conscientię suę consuluisse, falso ac malitiose existimabant.

CLXXV. Ut igitur Synodus pravos hosce ac detestabiles usus à Diaboli nequitia, ac sordida Præfulum Schismaticorum cupiditate investos, radicitus evellat, utque Ecclesiam hanc in veterem splendorem, ac puritatem restituat, ejusque disciplinam, ad Sanctæ Romanæ Ecclesiæ normam apte componat; præcipit in virtute sanctæ obedientiæ, & sub poena Excommunicationis latæ sententiæ, ne ullus Clericorum in Sacris constitutus audiat posthac ducere uxorem; neve aliquis Castanariorum eos jungat, nec conjugiorum hujusmodi aliqui se testes exhibeant, nec ad id præstent aliquo modo consilium, favorem, aut auxilium; qui vero contra fecerint, aut aliquid horum præstitisse deprehendantur, se excommunicatos, ac maledictos esse noscant, & ut tales in Ecclesiis denuntientur. Quod attinet vero ad jam pridem uxoratos, eos omnes Synodus censura suspensionis impedit ab exercitio sacrorum Ordinum, omniumque actuum Sacerdotalium; sive tantum semel, sive pluries contraxerint, quousque cum effectu uxores dimiserint; id quod plurimum rogat, ac obsecratur in Domino. Illis vero, qui bis contraxere, aut cum viduis, aut publicas duxere meretrices, eo quod sint bigami, & matrimonia hujusmodi prava conscientia contraxerint, ut eorum plures facto ipso ostendere visi sunt, abstinentes à celebrando sacro, quantumvis ad id facultate obtenta à suo Episcopo, præcipit Synodus in virtute sanctæ obedientiæ, & sub poena excommunicationis declarandæ, ut ubi hoc præsens decretum ipsis innotescat, statim se ab uxoribus separent, non tantum quoad thorum, & mensam, sed etiam quoad contubernium; necnon declarat, eos, quamdiu ita manserint, lethalis noxæ, atque gravissimæ, concubinatus nempe reos continenter fore; tale enim Matrimonium verum non fuit, nec validum; immo ex jure nullum, nulliusque valoris; sed neque Præfules, aut Episcopi facultatem impertiri poterant ad id, quod adversatur Ecclesiæ regulis, in ipsa perpetim, ac inviolabiliter servatis, sacrisque Conciliis Generalibus ab universo Terrarum Orbe receptis: quoad illos vero, qui semel tantum contraxerunt, Synodus consulat Sanctissimum Papam, ac Pontificem Romanum, ut tanquam caput, & Dei universæ Ecclesiæ Pastor, ac Doctor, & quid facto opus sit doceat, ac præcipiat, quod vero ab eo præceptum fuerit, exactissime custodietur.

DE

DECRETUM XVII.

CLXXVI. **D** Eclarat Synodus, Presbyteros, qui tanquam obediētes filii, Synodi consilium sectantes, à feminis, cum quibus convictum habent, se separaverint, posse post separationem in Ministerio suorum Ordinum permanere, ac Sacrum celebrare, dum aliunde impediti non fuerint; unde ab irregularitate ex bigamia erunt immunes, qua in re indulgenter agit Synodus, tum prouidens ut viam ad hanc separationem sternat, tum quia commiseratur eorum inperitiam, qui à vafricitie, & nimia suorum cupiditate Præfulum, à quibus docendi erant, fuerunt miserrime seducti. Et quia Sacerdotes Matrimonium contrahentes, juxta Sacros Canones, irregularitati subjacent, Illustrissimus Metropolitanus, auctoritate Ordinaria, & Apostolica, qua in hac Ecclesia fungitur, Sede Vacante, omnes Clericos Sacris initiatos, qui Synodo obaudientes, uxores dimiserint, ac Sacra ministeria exercere voluerint, ab irregularitatis impedimento solvit, ipsisque facultatem facit, libere, ac licite, quantum attinet ad impedimentum hujusmodi, suos Ordines exercendi.

DECRETUM XVIII.

CLXXVII. **C** UM Uxores Presbyterorum, quas *Catatharas*, (a) sive Cassanarias appellant, hoc titulo, non solum digniorem locum in Populo, & Ecclesia, amplioremque honoris significationem obtinerent; verum etiam proventus in Ecclesia, ubi consortes ministrabant, lucrarentur, perinde ac illi, ceterique Sacerdotes; immò & aliquando multo pinguiōres, quàm Sacerdotes

B b. 2

tes

(a) Apud latinos etiam dicte fuerunt Episcopæ, Presbyteræ, Diaconæ & Subdiaconæ uxores Episcoporum, Presbyterorum &c. quæ maritis earum ordinatis, Episcopi, Presbyteri &c. relicte dicebantur, quæ lege perpetua cœlibatus tenebantur, non secus ac mariti: *Lege Can. 2. Concil. Antist. doren. Toletani 1. Can. 18.* & aliis in Conciliis, plures. Ex Virginitibus autem, aut Viduis, inaugurabantur Diaconissæ, ut Ecclesiæ ministerio, maxime pro baptismo Mulierum deservirent: & hæc etiam innuptæ remanebant. In Ecclesia vero Orientali Uxores tantum Episcoporum electorum, quàm earum mariti ordinantur, mutuo & prævio ambo-

rum consensu, castitatem promittunt, & aliquod ingrediuntur Monasterium. Munera septem potissimum obibant in Oriente extra altare: ad altare etiam aliquibus in rebus ministrabant tam Diaconissæ, quàm uxores Presbyterorum; at quod *Mulieres servire ad altare non audeant*, iussit Italo Græcis Bened. XIV. Constit. *Et si Pastoralis* anno 1742. Id est animadversione dignum, in Patriarchatu Antiocheno, Abarissas Monialium, quæ etiam erant Diaconissæ, teste Bathebræo: *Subditis Monialibus Eucharistiam porrexisse*. Vide Altemanum *Dissert. de Syr. Nestorian. pag. 850.*

tes alii, vel ob antiquitatem, vel ob aliam præminentiam, qua Consortes fruerentur: præcipit Synodus, ut illæ, quæ ab huiusmodi Presbyteris se non separaverint, nullum deinceps emolumentum lucrentur, nec a Sacerdotibus distributionum participes fiant. Si verò Synodi præceptionibus obtemperaverint, pars una distributionum per modum gratuiti subsidii pro se, suæque Familia alenda iis elargiatur, honor etiam, locusque, quem hæcenus in Populo, & Ecclesia obtinuerant, eis conservetur.

DECRETUM XIX.

CLXXVIII. **Q**Uamquam Synodus, ea qua par est, obsequentis animi reverentia, Tridentini Concilii Sanctiones omnes, etiam quæ ad rectum Ecclesiæ regimen, morumque reformationem pertinent, olim recepit, & semper in posterum servabit; quod tamen in eo Concilio præcipitur, ne permittatur, ut ministrent illegitimi filii Presbyterorum in eadem Ecclesia, in qua eorum Parentes ministrant, vel alias ministraverunt; declarat, non extendi ad filios Sacerdotum huius Dioceseos, qui hucusque pro legitimis habiti sunt, tum quia Matrimonium, unde orti sunt, ad hanc usque diem communiter habitum est pro legitimo, tum ob multitudinem filiorum huiusmodi, Ecclesiis intervenientium, tum ob pericula, eaque gravissima, quæ, si id non permitteretur, huic Diocesi impenderent. Declarat insuper, eos posse in Ecclesiis iisdem ministrare, in quibus ministrant Parentes, posse etiam earundem Ecclesiarum Vicarios constitui; quod intelligi tantum debet de filiis illegitimis ex Matrimonio, apud eos valido existimato, procreatis; si quos alios verò filios deinceps susceperint, in eos Decretum Concilii Tridentini in toto suo rigore servandum esse statuit.

DECRETUM XX.

CLXXIX. **Q**Uoniam Simonix crimen, quo res spirituales, pretio temporali comparantur, inter graviora reputat Ecclesia, illudque tanquam Christianæ Reipublicæ perniciosissimum, acerrimis poenis Deus supremus criminum vindex punit, Synodus cohibere nequit lacrymas, animo recogitans, universam hanc Diocesim fuisse scelerum huiusmodi colluvione penè obrutam: palam enim pro Sacramentorum administratione pretium, & pecuniæ exigebantur, ita ut nunquam ea conferrentur,

quia

quin prius aut apud Sacerdotes, aut in Capsulis Ecclesiæ, postea inter ipsos distribuendum pretium deponeretur, nec (quod piorum exhorrescunt aures) ipsa Divina Eucharistia aliter ministrabatur; similiter relaxationes legis prohibentis conjugia inter consanguineos, & Affines; absolutiones ab Anathematis vinculo; consecrationes Altarium; collatio Ordinum tam minorum, quam majorum; facultates ad Ordines alibi suscipiendos, Epistolæ dimissoriales pro Clericis ad alias Dioeceses transeuntibus, & alia hujusmodi, pacto, & soluto pretio concedebantur. Synodus itaque ut execrabilem hanc, & teterrimam Christiani Populi luem procul avertat, (a) præcipit in virtute sanctæ obedientiæ, ac sub anathematis poena ipso facto incurrenda, ut pretium nullum, nihilque pretio æstimabile accipiatur, ac solvatur pro rerum spiritualium, quas nuper recensuimus, aliarumve similium concessione: atque adeo Sacerdotum nemo pro administratione Sacramentorum audeat aliquid sumere, neque aliquis pro eo quidquam largiri, sed omnino gratis fidei conferantur Populo Sacramenta, juxta præceptum Domini Nostri Jesu Christi: *Gratis accepistis, gratis date*. Excipimus tamen eleemosynas spontaneas, quas fideles voluntarie, nulloque habito respectu ad Sacramentorum administrationem, conferre voluerint, dummodo id non faciant quando Sacramenta recipiunt. Sacerdos itaque, qui contra fecerit, ultra anathematis

pro-

(a) Simoniaca hæresis procul semper rejecta est a Catholica Ecclesiâ, quæ non prius erecta est, quam Simon caderet; quod si aliquis particularis homo, vel particularis Ecclesiâ, ea infecta fuit labe, illico a Summis Pontificibus & Conciliis, contra est itum. Validius autem grassata semper est in Ecclesiâ Orientalem: ubi etiam inter Catholicos Apostolicæ Cathedræ addictissimos Maronitas, ejus labis species quædam ad hæc usque tempora retenta est, etenim in Monte Libano & Patriarchatu Antiochiæ Maronitarum, non conferebantur Sacra Olea, nisi solverentur debitæ Antistiti pecuniæ: quam tamen omnium malorum radicem, evellere tentavit Jos. Simon. Assemanus Ablegatus à Clem. XII. in Concilio Montis Libani, coactus in Monasterio de Loaysa in Chostroena 30. Sept. anni 1736. evulsâ tandem penitus fuit a SS. D. N. Benedicto XIV. anno 1741. approbante Canonem Concilii Loaysæ, in quo præbidebatur Patriarchæ facere quancumque exactionem, in disti-

contra niterentur. Fere omnes abusus, quos hic memorat Synodus, irreperant in Angliam ante annum 1100. adeo ut Concilium Londinense anno 1125. sub Honorio II. iis medicamen allaturum, statuit Can. 2. *Ut pro Chrismate, pro Oleo, pro Baptismate, pro Visitatione infirmorum seu Unctione, pro Communione Corporis Christi, pro sepultura nullum omnino pretium exigatur*. In corporis Christi distributione, numis collatis peracta, turpius id apparet; quasi nempe iterum Christus venderetur; idcirco prohibitum fuit, *Obolos, vel aliam quamlibet speciem* exigere a communicante; in Can. 23. Concil. Quinisexti, seu Trullani, & in Londinensi mox laudato. In aliquibus Hispaniæ citerioris locis non sine offensione, nec semel vidi infixos in Cereo baptizandi, nummos argenteos, immo & aureos, Parocho celluros: & etiam administrato ægris Viatico, non tantum mensæ candelas, sed & ceteras aliorum in cubiculo extantium, celeri manu, ab Ecclesiæ inservientibus abripi; quo jure quæve decencia videant alii.

198 SYNODI DIAMPERITANÆ

pœnam, ab Ordinibus, & emolumentis maneat per triennium suspensus: Vicariis etiam curæ sit, ut de his rudis Populus certior fiat, ne deinceps accidat, ut plures ex pauperibus in Silvis degentes suos non adducant parvulos baptizandos, eo quod ipsis pretium non suppetat solvendum pro baptismo, id quod antea pluries accidisse Synodus non ignorat. Presbyteri etiam contenti sint stipendiis, quæ pro Officiis, funeribus, ac Missarum celebratione accipiunt, quibus nullam Simonix labem inesse, Synodus declarat, sed unice eo spectare stipendia huiusmodi, ut Sacerdoti ea die celebranti congrua alimenta non desint. Idem docet Synodus de gratuitis aliis largitionibus, quæ ad spontaneam, Deoque gratam beneficentiam Christifidelium erga Sacros Ministros pertinent, quamobrem, ut hactenus factum est, etiam in posterum inter illos distribui debent. Declarat insuper Synodus, quodsi forte aliqui ab Anathematis pœna, in quam ob grave aliquod incurrerunt crimen, absolvantur, quamvis nihil ab iis accipi possit tanquam absolutionis pretium, posse nihilominus iis in pœnam admissi criminis, habita ad id à Præsule facultate, pecuniariam multam irrogari, quæ tamen moderata sit, & non nisi in Christianæ pietatis opera, vel in Ecclesiæ fabricam impendatur; si vero egenus fuerit delinquens, Ecclesiæ alicujus servitiis addicatur, multa pecuniaria prætermissa, ipsique præfinatur certa temporis mensura, major, vel minor, juxta majorem vel minorem criminis gravitatem.

DECRETUM XXI.

CLXXX. **C**UM omnimode peroptet Synodus, perniciosissimum Simonix vitium ab hac Dioecesi radicitus evelle-
re, probe noscens, illud adeo increvisse ob indigentiam rerum necessariarum, qua Ecclesiæ Ministri premebantur; vehementer orat omnes hujus Dioeceseos Populos, ut ex iis, vel viritim homines singuli, vel unumquodque commune juxta vires, præfinitam aliquam pecuniarum summam, ad modum, vel voluntariæ stipis, vel decimarum largiatur, qua summa contributa sustentari possint Vicarii, & Animarum curam gerentes, quibus ad Divini cultus splendorem indiget Ecclesia: de qua re statuenda, Reverendus Metropolita in qualibet Ecclesia agat cum Populo, idque ipsi inculcet, Christianos nempe ad id jure tum Divino, tum humano obstringi; nihil enim æquius, quam quod alimenta præbeant Sacerdotibus, pro iis Deum orantibus, ac Spirituale pabulum omni-

omnibus distribuentibus, quique & Deo, & Præsulibus Dei vices gerentibus de iis rationem reddere debent.

DECRETUM XXII.

CLXXXI. **U**T quoquomodo obviet Synodus Sacrorum Ministrorum hujus Diœceseos indigentia, atque adeo Simonia viam omnem præcludat, cum Populi, qui præsumptam aliquam summam contribuere debent, utpote inopes, omniaque ad victum corporisque cultum illis necessaria sunt, subministrare non valeant, flagitat à Catholica Majestate Regis Lusitania, ut tanquam istius Christianitatis Protector, ac in istis Regionibus Rex unicus Dominusque Christianus, dignetur pro ea, qua pollet liberalitate, ac beneficentia, annuam pensionem mille saltem, ac quingentorum *Crucigerorum* attribuire (a), ex qua simul, & pecuniarum summa à Populis exigenda, hujus Diœceseos Vicariis congrua suppetant alimenta; & plane confidit, minime defuturam Regionibus hisce regalem beneficentiam, qua Indiarum Regiones ceteræ fruuntur. In spem hanc insuper erigitur ab exemplo Concilii Provincialis Goensis tertii, quod cum maxime optaret horum Christianorum obedientiam erga Ecclesiam Romanam promovere, necnon Simonia vitium ab his Regionibus propellere, idem beneficium enixe rogavit. Postulat ergo Synodus ab Illustrissimo Metropolitano, ut ad hunc finem apud Regem preces suas, operamque interponat, illi & Ecclesiae hujus vota, & Sacrorum Ministrorum indigentiam exponendo; interim vero donec Regium responsum habeatur, ipse D. Frater Alexius de Menesses, utpote Archiepiscopus Metropolitano, & hujus Synodi Præses, secum reputans quanti momenti sit, Simonia vitium eradicari, & Ecclesiarum regimini præesse Vicarios ipsis addictos, qui & Sacramenta administrent, & res Ecclesiae prudenter, ac attente gerant, mille & quingentos Crucigeros annuos assignat, e stipendiis Goæ detrahendos, qui inter Vicarios distribuantur, quos Ecclesiis singulis in hac Synodo constituere decernit, prout legitur in distributione publicata, & ab eodem Archiepiscopo sua subscriptione, & majori suæ Archiepiscopalis Cancellariae Sigillo munita, quæ illico lecta fuit, audiente, & approbante Synodo. DE-

(a) Lusitanice *Cruzados* est moneta gemma, pendens aut æquivalens quinque Paulis Romanis, & 6. *bajoc.* si vero sint *Cruciati* seu *Crucigeri* aurei, quilibet horum valoris habet 56. *Paul. Rom.* la Crozaus pag. 256. vertit pro Cruciatibus, *scuta*; at

non bene, quilibet enim Cruciatibus argenteus, non pendet in Lusitania nisi 48. *Bajoc. Romanos*; & Romæ ut diximus æquivaleret 56. *Bajocis*, aut 5. *Paulis* & *Baj. 6.* aut alio nomine 440. *Reys Lusitanis.*

DECRETUM XXIII.

CLXXXII. **Q**uoniam in hac Diœcesi longe plures sunt Clerici, quam quos Divini cultus, & Ecclesiæ necessitas postulat, & Sacrum Tridentinum Concilium, non nisi Ecclesiæ necessarios ad Ordines promoveri permittit: præcipit Synodus, ut in hac Sede Vacante, quandiu novus Præsul non advenerit, penes quem sit illius regimen, nullus initietur Sacris, nec ad id facultas ulli concedatur, solumque illis, qui jam initiati sunt, progredi ulterius ad alios majores Ordines liceat, prout visum fuerit Gubernatori in hac Diœcesi, per Illustrissimum Metropolitanum instituendo: monet etiam Synodus, ut qui ad Sacerdotalem gradum ascendere debent, instruantur in iis, quæ pertinent ad Sacramenta, eorumque administrationem, ac formam absolutionis Sacramentalis, ut ubi opus fuerit, aut in casu necessitatis ea uti possint, absolutionem pariter à censuris, quæ semper præcedere debet Sacramentalem absolutionem peccatorum in confessione, saltem conditionalis.

DOCTRINA

De Sacramento Matrimonii.

CLXXXIII. **S**eptimum Sacramentum Matrimonium est; & significat juxta Apostolum eam, quæ est inter Christum, ejusque Ecclesiam unionem. Perficitur Matrimonium mutuo amborum conjugum consensu, verbis, vel signis de præsentī declarato, consensu inquam, qui juxta verborum, vel signorum expressionem suam in præsens fortitur effectum. Consensus hujusmodi, qui quidem à Mundi exordio (a) coepit esse, & sub quacumque

(a) Sub hac ratione, & ut est naturæ officium, institutum & initum fuit Matrimonium in Paradiso, ante peccatum, inter Adamum & Evam; atque illa nuptiarum lex, quam ipsa designaverat natura, a Deo confirmata fuit. Vide Tertull. *lib. de Anima cap. 11.* Hieron. in *Cap. 5. Epist. ad Ephesios*, & August. *Lib. de Bono conjug. cap. 13.*, & *lib. 14. de Civit. Dei cap. 22.* Concilium etiam Senonen. anno 1528. in Decretis morum: *Decret. 39. affectis; Matrimonium esse a Deo in Paradiso, & in*

statu innocentie institutum. Sed omnium luculentior habetur institutionis ejus explicatio in Concilio Moguntino anno 1549. in *cap. 36.* per hæc verba: *Matrimonium quippe, ab initio ad officium naturæ institutum, tandem ex Dei benignitate, infirmis hominibus ad remedium cessit: ut jam hæc maris & femine commixtio; quæ alioquin propter turpem concupiscentiæ motum, peccato non careret: propter gratiam Sacramenti, coniugibus ad peccatum non imputetur, sed sit honorabile con-*

cumque lege fuit, à Christo Domino, Sacramentorum novæ legis Institutore Sacramenti dignitatem accepit; Unde matrimonium dupliciter considerari potest, & ut contractus, ac naturalis conjunctio, & ut Sacramentum à Christo Domino nostro institutum. Conjugio indissolubile, ac perpetuum vinculum Deus adnexuit, quod mors sola dissolvit; juxta illud Christi: *quod Deus conjunxit, homo non separet*. Hoc vinculum ipsi sub utraque consideratione competit, sed potissimum competit ipsi tanquam Sacramento. Per illud, sicuti & per reliqua Sacramenta, confertur gratia; etenim Christus ipse auctor & Institutor divinorum Sacramentorum, sua nobis meruit passione gratiam, qua naturalis ille amor perficeretur inter uxoratos; & firmaretur conjunctionis matrimonialis nexus inter conjuges, & conjuges ipsi Sanctificarentur. Duplicem etiam respectum invenimus, & finem in Matrimonio, ob quem institutum fuit: primo & præcipue ob procreationem, & generationem prolis ad mundi conservationem, & propagationem. Populi fidelis Deo inservientis: secundo & minus præcipue ob remedium libidinis, quo nempe uterentur in hoc propensi utrumque, uti remedio à Deo accepto, ne in illud laberentur, cum suis Uxoribus in eodem manentes contubernio. Quamobrem non semel tantum, sed pluries iniri matrimonium potest semina, vel viro conjuge vita functo, cum non solum in primo, sed etiam in reliquis conjugiiis matrimonii finis obtineri possit. Quibus ita se habentibus, tanquam hæreticos detestatur Ecclesia, reprobant es secundas nuptias tanquam illicitas, quod antiquitus nonnulli asseruerunt Hæretici, ac nostris hisce temporibus tuentur in his Regionibus aliquæ Ethnicorum sectæ, superstitioni magis addictæ. Ex prædictis illud etiam consequitur, non solum Matrimonium posse contrahi inter eos, qui foecundi sunt, & vim habent gignendi prolem, sed etiam inter steriles, de quibus juxta consuetum naturæ cursum nulla spes est, ut filios procreent: possunt enim vero ii saltem matrimonii finem alterum obtinere: ii vero, qui neutrum finem obtinere possunt, ut pueri impuberes, & qui ad usum Matrimonii sunt perpetuo inhabiles, Matrimonium contrahere nequeunt: quia tamen primum impedimentum à minori ætate ortum, cessat pubertate adveniente, idcirco Ecclesia certum præfinivit tempus, quod nisi fuerit expletum, matrimonia iniri non possunt. Quidquid vero de primævo rigore, lege naturali, & subin-

C c de

nubium, ac thorus immaculatus. Vocatur Sacramentum etiam, in latiori quodam sensu a Theologis; connubium sub lege na-

turæ & scripta; ceterum ab uno Christo ad Sacramenti honorem proprie fuit elevatum. Videbis Tournely *De Matrim. Quæst. 2.*

de lege Moſaica remiſſum eſt, Chriſtus in lege ſua Evangelica in integrum reſtituit. Quamvis enim antiqui Patres ex primævi juris relaxatione à Deo conceſſa, plures duxerint Uxores, & lex Moſaica permiferit libellum repudii, neutrum tamen poſt legem Evangelicam licet. Quamobrem Matrimonium priſtinæ puritati reſtitutum fuit, nec licet cuiquam plures habere Uxores, aut quam habet repudiare, aut aliam ducere, prima ſuperſtite. Tria inſuper ſunt Matrimonii bona præcipua; primum nempe Prolis generatio, per quam Populus fidelis propagetur, & latius veri Dei cultus extendatur: Secundum eſt fides, quam quilibet conjugum illibatam ſervare debet erga alterum: Tertium perpetuum Matrimonii vinculum, quo ſignificatur indiſſolubilis conjunctio, & unio Chriſti cum ſua Eccleſia; & licet fornicationis, adulteriique cauſa, licita fiat conjugum ſeparatio quoad contubernium, non licet tamen cum alio matrimonium contrahere, quia Matrimonii valide contracti vinculum, non aliter quam alterutrius morte conjugis diſſolvi poteſt.

DECRETUM I.

CLXXXIV. **S**acra Mater Eccleſia celebrationem contractus Matrimonialis ita ſtatuit, ut vel primo aſpectu ſanctum quid eſſe, ſanctæque tractandum omnibus innotefceret: itaque ad plura vitanda valde abſona, atque adeo dignitati hujus Sacramenti minime conſentanea, conſtituit, palam, ac in facie Eccleſiæ Matrimonia celebrare, ſcilicet coram Vicario proprio, & Parocho, aliove Sacerdote de ipſius, aut Præſulis licentia; præſentibus etiam duobus, vel tribus teſtibus: quodlibet autem Matrimonium abſque huiusmodi ſolemnitate Parocho, duorumque teſtium celebratum, eo ipſo nullum fore, (a) nulliusque valoris: & quod conſectarium erat, decrevit inſuper, ut nec ipſe Parochus ſine duplicis teſtis præſentia, nec Sacerdos alius ſine Parochi facultate audeat aliquos conjungere. Quæ cum in hac Dioceſi minime ſervari Synodus

(a) Clauſura conjugia ſemper deteſtata eſt Eccleſia Dei, ut ait Trident. de Matrim. in Decret. de reform. cap. 1. & quidem a temporibus Apoſtolicis: Sanctus enim Ignatius ad Polycarp. ait: *Decet ducentes & ductis cum ſententia Episcopi unionem (matrimoniale) facere, ut ſit ſecundum Dominum, & non ſecundum concupiſcentiam.* Conſonat Tertullian. variis in locis, & maxime *lib. 2. ad Uxorem* Hormiſdas apud Gratian. 30. q. 5. Plura etiam Capi-

tularia, ſignanter Pippini Regis anno 755. & Concilia multa; hæc etiam clauſularias nuptias videtur Deum variis modis in Gallia puniſſe, cum ex *lib. 7. Capitular. Reg. Franc. Cap. 179. ap. Marten. De rit. tom. 2. col. 343.* conſtet, ex illis procreatos eſſe cæcos, claudos, gibbos, lippos &c. Ipſis tandem Ethnicis non probabantur; dicente Apuleio *Lib. 6. Nuptia in Villa, ſine teſtibus; & Patre non conſentiente facta, legitima non poſſunt videri.*

nodus certo sciat, nam coram quocumque ex Cassanariis, & ubilibet pro contrahentium libito Matrimonia celebrantur, ex quo, & morum dissolutio, & non leves perturbationes oriuntur. Præterea diversos ritus (a) ac verba diversa in variis Regionibus ad hanc Dioecesim pertinentibus usurpari in contrahendis connubiis; præcipit, ut omnia supradicta, quæ Tridentinum Concilium statuit, integre serventur: quamobrem quodcumque connubium, Concilii Tridentini decretis dissentaneum, atque adeo contractum sine Parochi, duorumque Testium præsentia, declarat esse nullum, & contrahentes non jungi matrimonio, sed concubinato implicari. Decernit insuper ut Parochus, qui sponsum, & sponsam audeat jungere, sine duorum saltem testium interventu, similiter Sacerdos, qui absque licentia Parochi, aut Ordinarii Matrimonio assistat, ab ordinibus, & proventibus per annum absque relaxationis spe, sint per suspensionis censuram impediti: Matrimonium itidem declaretur nullum, quique ita contraxerunt rursus conjungantur. Postremo declarat, posse contrahentes per alterutrum Parochum, sive viri, sive feminae conjungi, & si ut plurimum per feminae Parochum conjungi soleant.

DECRETUM II.

CLXXXV. **M**atrimonium contrahi debet verbis exprimentibus mutuum consensum pro tempore præsentis, quod cum in hac Dioecesi plerumque servari non soleat, sed non raro contrahentes consentiant per verba habitura suum effectum pro tempore futuro; præcipit Synodus, ut ubi sponsus, & sponsa se sistunt ad Ecclesiæ fores, Parochus, vel alius Sacerdos ab illo

C c 2

de-

(b) Tridentinum non reprobat alios ritus & verba; cum enim statuit, ut Parochus dicat: *Ego vos conjugo &c.* subdit: *vel aliis ut a. ar. verbis juxta receptum uniuscujusque Provincia ritum.* Vide *Seff. 24. Dec. de Reform. cap. 1.* Unde non recte aliqui Scholastici in illis verbis, Matrimonii ritum figunt, quæ, ut ait Martenè *De Riti-bus tom. 2. col. 347.* inaudita erant antiquis, quæque in aliquibus Ritualibus, etiam ante 400. annos exaratis desiderantur. Memorare libet quod habent acta S. Amatoris, Episcopi Antihodot. qui cum celebraret nuptias, & Episcopus Valerianus, loco verborum benedictionis nuptialis, recitasset orationes pro ordinando Diacono; solo ipso & conjuge id animadvertentibus, *Quasi*

divino nutu id factum esset, de proposito servanda Virginitatis tractare ceperunt. Sacerdotis verba, quibus nubentes jungebantur, arbitraria fere videntur fuisse, percurrenti antiqua Ritualia, & lingua vernacula plerumque, ut in *Ord. 11.* Martenè, in quo legitur: *De cet anneau te espose in nomine Patris &c.* In *Ord. 13.* rhythmus iste ad anulum habetur.

Par cet anel l'Eglise enjoint.

Que nos deux cœurs en ung soient joints.

Par uray amour & loyale foy.

Pour tant, je te mets en ce doy. In nomine Patris &c.

Deinde subjungebat Sacerdos: *Desponso vos in facie Ecclesiæ. In nomine &c.*

delegatus, aut cui Præsul facultatem fuerit impertitus, superpelliceo indutus, ac stola e collo pendente, & coram duobus saltem Testibus, eos interroget; num velint inter se contrahere? Illisque voce tenus assentientibus, aut manifestis signis consensum explicantibus, itaut nullus superfit dubietati locus; postea Sacerdos extremitatem alteram stolæ e collo suspensæ superponat palmæ suæ manus sinistræ, supra quam stolæ extremitatem interjectam recipiat dexteram inversam sponsæ, cui decussatim jungatur deinde dextera Sponsi in Crucis speciem, sic vero junctas dexteras, stolæ extremitate altera contegat, iisque dexteram suam superimponat, itaut manus ambæ Sacerdotis intercipient novorum conjugum dexteras stola coopertas. Quibus peractis, signet dexteris conjugum signo Crucis, illisque benedictionem impertiatur, dicens: *In nomine Patris, & Filii, & Spiritus Sancti Amen*. Curet deinde ut Sponsa dicat: *Ego N. accipio te N. in meum maritum legitimum*, prout præcipit Sancta Mater Ecclesia Romana. Mox eandem ferme usurpans verborum formulam, sponsus dicat: *Ego N. accipio te N. in meam legitimam Uxorem prout præcipit Sancta Mater Ecclesia Romana*: quibus verbis adjungat Sacerdos: *Et ego auctoritate qua fungor, vos in Matrimonium conjungo; In nomine Patris, & Filii, & Spiritus Sancti Amen*; & aspergendo eos aqua benedicta dicat: *Per aspersonem hujus aquæ benedictæ donet vobis Dominus salutem, & benedictionem Amen*. Si vero conjuges primas celebraverint nuptias, eos ad Aram maximam ducat, & super illos ibi genuflexos, benedictiones recitet, quæ habentur in Rituali Romano *de administratione Sacramentorum*, quod Syriace translatum ad manus sit in omnibus Ecclesiis: si autem contrahentes fuerint vidui (a), benedictiones non recitabit, sed facta oratione intra Ecclesiam, eos dimittet.

DE-

(a) Secundas nuptias ægre semper tulit Ecclesia, quasi esset incontinentiæ signum bis contrahere; immo antiquiores ex Patribus, bigamiam fornicationi & a lusterio adnumerant; neque mittebantur nisi certis legibus. 1. ut mulier non nisi transactis anno contraheret. 2. ut consensus Sacerdotis & populi accederet. 3. quod etiam hic ordinatur: privabantur benedictione nuptiali. 4. non coronabantur. 5. arcebantur ab Ecclesiæ eleemosynis. 6. subiacebant publicæ poenitentiae, & ab Ecclesiastica communione excluderentur anni aliquando, aut biennii spatio. Dura semper visa est, lex imposita Hispaniæ Regini in Concil. Tolet. 13. anno 633. ut nimirum

a secundis nuptiis omnino abstinere: durior autem quam paulo post edixit Concil. 3. Casaraugustan. (an 3. anno 791. nempe: *Ut re ista Principis... vestem secularem deponat, & alacri curiositate religionis habitum assumat*. Tandem bigami non coronabantur; sed ex quo Copronymus Eudoxiam in tertiam sibi uxorem adscivit, in aliquibus Græciæ Ecclesiis etiam hodie coronantur a Sacerdote, qui Virginibus aptæ corollam ipsarum capiti, Viduis vero humero imponit; quod lepide irridetur a Theodor. Studita Ep. ad Nauclai. apud Marten. tom. 1. col. 349. *Tertio nubensi (ait ille) ubi nam ponetur corona? In manu, an ad genu?*

DECRETUM III.

CLXXXVI. **U**T nulla circa Matrimonia fraus obrepāt, innotescant etiam impedimenta ipsis obstantia; constet insuper cunctis de eorum celebratione; necnon quoad omnia Sacro Concilio Tridentino conformentur: præcipit Synodus, ut inviolabiliter, ac rigorose, quæ ab illo stabilita sunt, observentur, atque adeo nomina futurorum conjugum publicentur in Ecclesiis intra illorum Parochiam, idque tribus diebus festis, & Dominicis, ubi Populus ad audiendam Missam convenerit, fiat per Parochum, vel alium de ipsius mandato; dicendo: *optat contrahere Matrimonium N. Filius N. & N. talis loci naturalis, cum N. Filia N. & N. naturalis talis loci; qui aliquod sciat Impedimentum opponendum, sub excommunicationis pœna illud exponat*: Vicarius autem, cui aliquod Impedimentum legitimum denuntiabitur, contrahere volentes non jungat, quin prius Præfulem de impedimento moneat, ut quod æquum judicaverit, decernat; legem autem has denuntiationes, & præconizationes præscribentem, Præful tantummodo relaxare poterit, ubi tamen probabiliter suspicetur, aliquem fore, qui perperam eas nuptias impedire conetur; & quamvis tunc illis omiſſis, à Vicariis conjungi possint, nihilominus id non præstent, nec nuptiis solenniter benedicant, nisi prius in Ecclesia denuntiationes fiant, ut siquæ alia fuerint impedimenta facilius innotescant; nisi Præfule visum fuerit opportunum, quantum ad hanc rem quidquid lege præscribitur, prorsus remittere, Concilium enim Tridentinum id ejus prudentiæ ac arbitrio permittit; Sacerdos vero qui conjugum contrahere volentes, non præmissis denuntiationibus, nec habita ad id à Præfule facultate, conjunxerit, per semestre ab ordinum exercitio, & Ecclesiasticorum proventuum perceptione, per censuram suspensionis prohibeatur.

DECRETUM IV.

CLXXXVII. **S**acri Concilii Tridentini vestigiis inherendo (a), præcipit Synodus, ut in unaquaque Curiali Ecclesia habeatur liber, cujus paginis singulis notæ numerales præfigantur, non secus ac in libro, in quo recenter baptizati recensentur, juxta ea, quæ præscripsimus, ubi de Sacramento Baptismatis. Vicarius

(a) Trident. Synod. Sess. 24. Decret. de Reform. cap. 1.

rius in hoc libro nomina contrahentium scribat, locum etiam, diem, mensem, & annum, & testes, qui præsentés extiterint, quos communiter vocant Patrinos: in hunc modum: *Die N. Mensis N. anni N. Ego N. Vicarius Ecclesiæ* (apponatur hic nomen Sancti illius, cui dicata est Ecclesiæ, & loci ubi illa sita est) *in Matrimonium conjunxi N. filium N. & N. cum N. filia N. & N. tali loco natos, utrumque ad Ecclesiæ januam juxta Sacrum Concilium Tridentinum, fueruntque testes N. & N.* Deinde nomen suum Parochus & ambo testes subscribant; quando vero alius Sacerdos, facultate sibi à Vicario, vel Præsule impertita, aliquos Matrimonio conjunxerit, subscribet ita: *Ego N. Cassanarius de licentia N. Vicarii loci N.* (vel *de licentia Prælati*, si eam habuerit) *conjunxi ad Ecclesiæ Januas N. filium N. & N.* (nominatis Parentibus ipsius) *loci de N.* (locum designet, in quo degunt, prout præcipitur à Concilio Tridentino) *fueruntque testes N. & N.* quorum nomina scribat: postea suum nomen addat, idemque post illum faciant Testes, qui Matrimonio, dum contraheretur interfuere: & hic liber inter alios Ecclesiæ diligenter asservetur. Præsul etiam in Visitationibus, si quid de rebus nuper præscriptis neglectum fuerit, sedulo inquirat.

D E C R E T U M V .

CLXXXVIII. **Q**Uoniam Matrimonium Sacramentum est, atque adeo gratiam confert, ut ad illud contrahentes digne accedant, hortatur Synodus, decretis Tridentini inhærens, (a) præcipitque, ut illi triduo ante, graves culpas, si quas habent, confessione expient, ac deinde, nisi aliquid obstet, Sacramentum adeant; quodsi secus fecerint, à Vicariis, quorum erit de hac re diligenter inquirere, ad celebrationem Matrimonii non admittantur. Matrimonia insuper statuit, ut non alibi, quam in Ecclesia

(a) Ita disponit Tridentin. *Decr. de Reform. cap. 10. Sess. 24.* Idem habet Remense anno 1564. celebratum. Animadversione dignum est illud Concilii Aquensis: *Contra maleficia, conjuges antequam contrahant, saltem triduo ante matrimonii consummationem sua peccata confiteantur, & ad Eucharistiam accedant.* Ita Aquense Concil. anno 1585. *lit. de Matrimonio.* Sub desponsationem etiam impertiebatur Sponsis sacra communio in Ecclesia latina, ut constat ex *Assati Gelliano, & Ms. Codic. Remensi & Gelloniensi.*

In Græca idem fiebat, at sub una tantum panis specie communicabant: & licet in Euchologiis mentio fiat Calicis in nuptiis, intelligendum est loqui de calice vitreo, in quo vinum non consecratum ipsis portigebatur; quique ex *Eucholog. Cripta Ferrara* laudato ab Arcudio *lib. 7. cap. 3.* frangi subinde debebat: ne tamen isti componas ritum servatum in Madure, frangendi in nuptiis nucem indicam, vel *Co'o*, qui Decreto Card. Tournoni prohibitus fuit anno 1704. & a Bened. XIV. an. 1744. in *Const. Omnium sollicitudinum.*

clesia celebrentur, qua in re caveant contrahentes, ne vel propria, vel aliorum ignavia ad Ecclesiam accedere detrectantium, se abripi sinant. Quæ tamen sic accipi vult Synodus, ut nihilominus matrimonium verum sit, ac validum ubicumque celebretur, dummodo fiat coram Parocho, ac duobus testibus: solum itaque ut ea, quæ Sacramento debetur decencia servetur, Parochis inculcat, ut seclusa urgentissima causa, Matrimoniiis extra Ecclesiam non assistant.

DECRETUM VI.

CLXXXIX. **P**erpetuo Ecclesia, etiam in lege veteri, gradus prohibitos proquinquatis agnovit, intra quos Matrimonium celebrari nequit, & celebratum nullum est, & irritum; & ex huiusmodi gradibus alii sunt, intra quos divino naturali jure prohibetur, ut primus gradus inter ascendentes & descendentes, ac inter Fratres; alii qui jure prohibentur positivo. Itaque declarat Synodus, gradus, intra quos præsentis tempore Ecclesia Matrimonium, non habita prius relaxatione, contrahere vetat, contractumque sine illa, nullum sortitur effectum, computari debere usque ad quartum gradum *inclusivè*, tum consanguinitatis, tum affinitatis, nec ultra extendi; in quorum secundo recensentur ex Patruelibus Fratres (a) Filii ex Fratribus (b), & ex Avunculo ex parte Patris aut Matris (c) In tertio filii consobrinorum (d) Filii ex Patruelibus (e) & ex Avunculis Patruelibus Patris aut Matris, (f) In quarto tandem Filii Sobrinorum, & Nepotes Patruelium, & Filii ex Consobrinis Patris, aut Matris, aut Patruelium Avi, aut Avix. (g) Atque intra eosdem affinitatis gradus etiam prohibetur Matrimonium inter affines Uxoris, & Viri, si cum

(a) In textu habetur: *Primos com irmãos*.

(b) *Filos de irmãos*.

(c) *E Tio irmãos de Pay ou Mãe*.

(d) *E no terceiro primos segundos*.

(e) *Filhos de primos com irmãos*.

(f) *E Tios primos com irmãos de Pay ou Mãe*.

(g) *No quarto, primos terceiros, Filhos de primos segundos, e netos de primos com irmãos, e Tios primos segundos de Pay ou Mãe; e primos com irmãos de Avô ou Avó*. Combinationes graduum & Personarum inter se, quibus Matrimonium intra quatuor illos gradus prohibentur, plurimæ,

præter allatas a Synodo, recenseri possent. Et quidem Nestoriani gradus consanguinitatis & affinitatis observant, de quo vide Jesuabum Arzanitam *Can. 13.* & Timotheum *Can. 18.* Omnium autem diffusior est in recensendis Personis Ebedjesus Soben. *Epit. Can. Par. 2. cap. 1.* qui designat quinque supra sexaginta feminas, totidemque Mares, quibus ex propinquitate interdicitur Conjugium. Ad Græcos autem propius accedunt, quam ad Latinos, in recensendis gradibus; de discrimine vero inter Græcos & Latinos vide Arcudium *lib. 7. cap. 30.*

cum aliquo eorum contrahentes prius conjuncti extiterunt . Inter affines vero per copulam illicitam impedimentum non protenditur ultra secundum affinitatis gradum ; extra eos autem gradus , nulli sunt alii , qui matrimonium impediunt . Contractum vero intra gradus illos quatuor , est prorsus irritum atque invalidum ; & qui contraxerint , lethalis peccati concubinitus rei erunt , non veri conjuges . Quia tamen potest aliquando contingere , ut iustis de causis , velint contrahentes conjugium inire , intra gradus jure tantum positivo prohibitos , matrimonium impediunt , si id contingat , petere debent legis Ecclesiasticæ relaxationem , vel a Sancta Sede Apostolica , vel à Præsule , qui a Sancta Sede ad id delegatam facultatem habuerit , expositis gradu , a cujus impedimento per legis relaxationem solvi petit , necnon causâ , quæ ad hoc ipsum compulerit ; qua in re se gerat Præsul , prout sibi in Domino videbitur . Præsul insuper , qui relaxandi facultatem a Sede Apostolica obtinuerit , id faciet omnino gratis , nihil accipiendo a contrahentibus , etiam spontanee exhibitum , ut ab hac Synodo præscribitur . (a)

DECRETUM VII.

CXC. **U**Ltra corporalem propinquitatem consanguinitatis , & affinitatis , quæ in præsignatis gradibus connubia impedit , alia superest cognatio , quæ pariter impedimento est connubiis . Vocatur hæc cognatio spiritualis , (b) & intercedit Patrinum inter & Matrinam , ac Filium spiritualem , necnon inter Patrem , & Matrem ex una parte , Patrinum , & Matrinam ex alia,

(a) Hæc ad præscriptum Tridentini Concilii stabilita sunt, in quo *Sess. 24. cap. V. de reform. Matrim.* caverut, quod *vel nulla detur dispensatio, vel raro, ex causa, & Gratis concedatur.* Vide infra *Dec. 8. Nos.*

(b) Canones Arabici Nicæni statuunt, quod si quis contrahit cum Patrinis vel Matrinis : *Habeatur tamquam Ethnicus, donec separetur, & annis viginti agat penitentiam.* Trullana Syn. ait *Can. 53.* quod *separetur & poenas subeat fornicatorum.* Ex ecclesiastico tantum jure, cognatio spiritualis Matrimonium diiimit, ratione ut videtur, desumpta ex cognatione legali adoptionis filialis : *Quoniam spiritualis necessitudo* (ait Trullan.) *seu affinitas,*

corporum conjunctione major est. Initium hujus impedimenti statuitur a Juenino ante finem seculi quarti ; at fundamento ruinoso *Epistola Deusdedit Papa ad Gordianum Hispalen.* Illud certum est, illius impedimenti meminisse *sec. 6. Justinian. Imperat. in leg. 26. Cod.* Videlicet eruditiss. Catalan. *tom. 2. in Concil. ad Can. 93. Trullan.* Altum est silentium de hoc impedimento in auctoribus Nestorianis, & eorum *Constitut. Synod.* unde ii & consequenter Malabareses Christiani D. Thonæ, antiquam in hoc Ecclesiæ suæ disciplinam tenuerunt, ut proximo *Decr. 8.* perspicue facetur nostra Synodus. Italo-Græci id observare tenentur ex *Constit. Bened. XIV. Etsi Passionalis.*

alia, quæ persona fiunt inter se Compatres, & Commatres. In Baptismo itaque Patrini, qui puerum Baptizatum a Sacro fonte excipiunt, similiter in Sacramento confirmationis, qui confirmandum adduxerit, & præsentaverit, & idem de aliis, quorum nuper meminimus, ut diximus in decretis de Baptismate, & confirmatione, cognationem contrahunt, quæ quidem spiritualis cognatio, tam inter Patrilos, & filios spirituales, quam inter Compatres, & Commatres Matrimonium impedit, itaut sine relaxatione à Sede Apostolica obtenta, vel ab alio à Sede Apostolica delegato, validum Matrimonium contrahi nequeat, & qui contraxerint, ob nefarium concubinitus crimen, æternæ damnationis rei sunt. Petant ergo cognationis hujusmodi vinculo obstricti relaxationem, juxta ea, quæ nuper dicta sunt. Admodum raro tamen, & non nisi ex graviore aliqua causâ relaxationes hujusmodi, juxta laudabilem Ecclesiæ consuetudinem concedi solent.

DECRETUM VIII.

CXCI. CUM hætenus in hac Diocesi impedimentum cognationis, quoad aliquos gradus ultiores jure Ecclesiastico initum, non satis perspicue innotuerit, nec satis fuerit compertum, facultatem illud relaxandi propriam esse Sedis Apostolicæ, hinc factum est, ut hujus Ecclesiæ Præsules, quantumvis à Sede Apostolica non delegati, impedimentum hoc sæpe numero relaxaverint, atque adeo complures longe ante conjugia sic inierint, & sine ullo conscientie angore, tanquam veri conjuges vivant, opportune Synodo, ad consulendum veræ tranquillitati conscientiarum, visum fuit, ut prædictos conjuges à cognationis impedimento solveret R. Metropolitana, ea facultate, qua in his Regionibus pollet, sibi delegata per Diploma, sive Breve Gregorii Papæ XIII. felicis recordationis, ad petitionem P. P. Societatis Jesu, ac per Clementem Papam VIII. nunc Dei Ecclesiam gubernantem confirmatum; quapropter hac utens facultate, & consultis etiam laudatis Societatis Jesu Patribus, ad sedandas conscientias eorum, qui freti concessionibus omnino irritis, contraxere connubia, prælaudatus Dominus omnes, qui prædicto modo irritè contraxerint, solvit ab omni impedimento, (a) orto à quocumque cognationis,

D d

sive

(a) Per quam opportune, & ex Ecclesiæ mente, & benignitate in hoc dispensavit Synodus, dicente Gelasio Ep. ad Episc. Luc. *Necessitas temporum præcepta relaxanda disposuit. Omnino etiam juxta stabilita a*

Conc. Trident. Sess. 25. *Decr. de Reform. Cap. 18. dicente: Publice expedit, legis vinculum quandoque relaxare: id fiat causa cognita ac summa maturitate atque grati.*

sive spiritualis, sive corporalis, sive consanguinitatis, sive affinitatis gradu, ex iis, in quibus ex jure Ecclesiastico, si Matrimonium contrahatur, contractus nullam firmitatem habet, & omni caret effectu. Hanc insuper relaxationem firmam ratamque haberi vult, perinde ac si illa singulorum conjugum, qui illa indigent, expresse, & singillatim nomina recenserentur; quantumque de jure potest, ac debet, id totum tanquam factum accipi vult. Duo tamen hac in re præcipiuntur, primum à R. Metropolita, ut nempe conjuges hujusmodi ad majorem suæ conscientiae securitatem, clam suis in domibus, vel ubilibet, ad ipsorum arbitrium, iterum Matrimonio copulentur coram quolibet Sacerdote (cuilibet enim ad id facultatem impertitur) & coram duobus testibus, juxta præscriptum Concilii Tridentini. Alterum quod à Synodo præcipitur, est ne in posterum relaxationes hujusmodi ab impedimento cognationis concedantur, nisi ad normam Diplomatum, sive Brevium, quæ in his partibus ad hunc effectum à Sancta Sede Apostolica habentur: si vero secus relaxationes hujusmodi concedantur, irritæ prorsus erunt, & Matrimonia sic contracta, infirma prorsus, & nulla.

DECRETUM IX.

CXCII. **U**T in omnibus Ecclesiæ universæ se conformet: prohibet Synodus, quod ab illa prohibitum est, (a) ne scilicet Nuptiæ celebrentur à prima die Adventus Domini, usque ad diem Epiphaniæ; necnon à quarta feria cinerum, usque ad

(a) Ita habet Trident. *Seff. 24. Dec. de Reform. cap. 9.* Canone autem ejusdem 11. anathemate ferit nonnullos dicentes, quod prohibere nuptias certis anni temporibus, superstitio esset tyrannica, ab Ethnicis profecta. Primum omnium quod nobis videre licuit Concilium, quod id statuerit, Illerdense est anno 1246. laudatum à *Gratiano 33. q. 4.* Quocirca adnotaverimus: duplici tempore nuptias Ecclesiam prohibuisse, tempore nimirum jejunii aut pœnitentiæ, & tempore orationis, vel devotionis. Propter illud vetitæ sunt ab Adventu usque ad Epiphaniam, & a feria 4. Cinerum ad Pascha, aut sicut statuit Illerdense a septuagesima, & idem Nemaufense anno 1284. & nostra Synodus a Quinquagesima. Ob alteram rationem cautum est in Aquisgranen. *Can. 18. anno 836.* ne fiant nuptiæ die

Dominica: Illerden. excipit tres hebdomadas ante festum Præcursoris, & in quibusdam Germaniæ locis, teste Mabillon. in *Itin. Germ. pag. 46.* dies triginta post Assumptionem Deiparæ: sæpius autem ventantur ratione devotionis, & pœnitentiæ simul, ut IV. & VI. feria; ut in *Excerptis habetur Egberti Eboracen. cap. 106.* Quæ omnia non tam intelligenda sunt de nuptiis, secundum se consideratis, quam de solennitate nuptiarum, quæ præsertim in Benedictione nuptiali consistit; quod optime explicat formula Hispanis usitata pro eo tempore, ubi non edicitur quod prohibeantur nuptiæ, sed ita habet: *Se prohiben las velaciones*: id est, prohibetur hoc tempore conjugibus velare, aut velum super illos cum benedictione expandere.

ad diem Dominicum post Pascha, qui tamen dies est in ipsa prohibitionem inclusus, nec solum hanc temporum exceptionem, juxta Ecclesiæ sanctionem vult inviolabiliter servari; sed insuper servari vetustissimam hujus Ecclesiæ consuetudinem, juxta quam cum Quadragesimale jejunium inchoetur à die Dominico, qui dicitur quinquagesimæ, ab hac die pariter obligat, & servari debet nuptiarum prohibitio. Aliis vero diebus, quantumvis esurialibus, prout cujque visum fuerit, Nuptiæ celebrari poterunt.

D E C R E T U M X.

CXCIII. CUM in hac Diœcesi nulla ætatis contrahentium, connubia ratio habita fuerit, idque Sacris Canonibus adversetur, præcipit Synodus, ne vir ullus, qui decimum quartum ætatis annum, nec femina ulla, quæ duodecimum non exegerit, Matrimonio copulentur. Declarat insuper, Præsules legem hanc relaxare non posse, sed ipsorum tantummodo esse, si quis citra ætatem illam contrahere velit, ad examen revocare, an ad Matrimonium idoneus sit necne: Quodsi deprehenderit, malitiam ætatis defectum supplere, poterit ipsi facultatem contrahendi impertiri, quod tantum fiat justis de causis, ut ut consultius sit conscientiæ contrahere volentium; ac ne Ethnicorum a teneris annis contrahentium imitatio in hac Diœcesi, in qua complures sunt novennes, & decennes; immo etiam minoris ætatis, jam uxorati, latius propagetur, & in dies magis, ac magis augeatur; opportune decernit Synodus, relaxationem concedendam, ac supplementum ætatis protendi non posse ultra quatuor menses in viris, & sex in feminis: neque facultatem ad id intra nuper præfinitos temporis limites, à Vicariis concedi posse, sed unice à Præsulibus; Quodsi qui infra decimum quartum annum si viri, infra duodecimum si femina, absque speciali facultate à Præsule obtenta, contraxerint, sciant, Matrimonium sic contractum, non esse verum Matrimonium, sed tantummodo sponsalia, sive Matrimonii sponsonem. Sacerdotes autem, qui Matrimonia hujusmodi admiserint, Ordinum exercitio, & Ecclesiasticis proventibus per semestre priventur, & contrahentes, donec requisitam impleverint ætatem, sejungantur.

DECRETUM XI.

CXCIV. **C**UM plures ex uxoris in hac Dioecesi, non expectata Ecclesiæ sententia, cujus est de cunctis causis Matrimonialibus cognoscere, ab Uxoribus divertant, (a) sicque separati diu maneant, ac sæpe pluribus, gravibusque irretiti peccatis, Synodus de hac re certior facta, prohibet has separationes absque Ecclesiæ mandato fieri, atque ita separatos vult, anathematis, aliarumque ad arbitrium poenarum comminatione compelli à suo Præsule ad redeundum ad proprias Uxores; si vero id neglexerint, declarari anathemati subjectos, quousque denuo jungantur, si autem forte habeant justam separationis causam, Præsuli eam exponant, qui quod æquum, justumque fuerit judicabit, per censuras etiam, si post primam sententiam legitime appellaverint, cogantur finali sententia acquiescere, per quam lis alterutri conjugum adjudicata fuerit: declarat insuper, non posse juste viros a suis Uxoribus separari, eo quod pacta dos non fuerit ipsis soluta (b), qua in re viri sibi cavere debebant antequam matrimonium inirent: Si qui ergo hac de causa Uxores reliquerint, poenis subjaçant, & ad earum contubernium redire, censura anathematis cogantur.

DECRETUM XII.

CXCV. **C**UM non ignoret Synodus, Captivos nigros horum incolarum Montanorum Servos, cum ceteroquin Christiani sint, nec non aliquos alios ex Christianis ibidem degentibus in Silvis, Matrimonia Ethnicorum instar contrahere, innectendo filium Mulieris jugulo, & sine Sacerdotis ullius interventu, declarat hoc ritu Matrimonia non perfici, & post facta hujusmodi matrimonia, virum

(a) Concil. Trid. *Sess. 24. Can. 12.* sub anathemate statuit, quod Matrimoniales causæ ad Judices Ecclesiasticos pertinent. Et Rothomagen. *anno 1231.* jubet, quod nec Archidiaconus, nec Rector ruralis, nec Monachus, aut quivis alius, sine privilegio eas causas judicet: unde conjuges propria auctoritate, separationem thori possunt facere ob fornicationem alterutrius, non vero quoad cohabitationem, quæ judicio Ecclesiæ fieri debet; nisi adulterium fuerit omnino publicum, & notorium.

(b) Dos non soluta frivola est causa; ceterum etiam hujusmodi videtur ea quam *lege Ecclesiast. 12. Regis Voalæ Hoeli Dna* legimus; ubi assignatis causis divertendi conjuges, impotentia & lepra, adjungit aliam nempe: *Si fetidum Vir habeat anhelitum*. At neque lepra superveniens sufficiens reputatur causa dissolutionis, immo neque separationis: *ex Tit. 8. lib. 4. Dec.* sufficit tamen ad solvenda sponsalia de futura.

rum, & mulierem convictum habentes, assidui concubinatus reos esse; qua de causa præcipit; ut qui tali pacto contraxerunt, in Ecclesiam adducantur, ac per Vicarios juxta formam Concilii Tridentini, & juxta ea, quæ fuerunt superius præscripta conjungantur; præterea ut Vicarii in captivorum connubia diligenter inquirent, & in hujus decreti executione procuranda omnem operam impendant: Præfules etiam ad arbitrium puniant Dominos; qui hujusmodi Connubia Captivis, aut familiaribus suis permiserint, vel sic conjunctos in hisce simulatis Matrimoniis perseverare, multoque magis, si eos ritè contrahere volentes, ad Ecclesiam non adduxerint. Omnes demum, quorum interest, animadvertant ingens detrimentum, quod suis conscientiis hæc permittendo inferunt, & perniciem plane deplorabilem, quæ hisce malis exemplis in illarum Regionum Christianos omnes derivatur.

DECRETUM XIII.

CXCVI. **C**UM compererit Synodus, Monticolarum Christianorum non nullos, prima superstite, aliam uxorem in facie Ecclesiæ duxisse, non sine gravi injuria Matrimonii Sacramento irrogata, præcipit Vicariis omnibus, ac Parochis, ut dum ad proprias pervenerint Ecclesias, in hos polygamos (a) inquirent, & si quos tales esse deprehendant, ad cohabitandum (b) cum prima omnino compellant; renuentes vero à fidelium communione segregati declarentur, quandiu non obedierint; secundæ verò uxores, ab ipsorum domibus, ac contubernio ejiciantur: quæ & inquirendi, & puniendi ratio indiscriminatim exerceri debet in omnes, qui ejusdem criminis rei comperti fuerint, donec aliis ejectis, cum prima uxore cohabitent. Poterunt etiam delinquentes hujusmodi ad arbitrium Præfulis, vel Tribunalis Sanctæ Inquisitionis, cujus est etiam de causis hujusmodi judicare, poenis aliis puniri.

(a) Famosissima æque ac turpis habetur Polygamia Philippi Landgravii Hæssæ de consilio Lutheri, Ruceri & Stanckonis, consensiente etiam uxore Christina, duxit Margaritam de cuius tabulis scriptis die 4. Martii anni 1540. testis Cl. Bossuetii *Hist. Variat. lib. 6. pag. 231. Edit. Albrizzi an-*

ni 1722. Luth. habetur pag. 261. mtrum. Copul. pag. 275.
(b) Bracmanes strictum admittunt matrimonii contractum; perpetuum ac insolubile; vehementer aversantes Polygamiam: vide P. 2 S. Cathar. Senen. *lib. 3. cap. 13.*

DECRETUM XIV.

CXCVII. **C**hristianos quam maxime dedecere, inanem fortunatorum eventuum spem, qua illuduntur, superstitionis ritibus fovere, in dubium revocari non potest. Id tamen perverſi aliqui Chriſtiani Ethnicorum imitatores, non ſine Chriſtianæ, quam profitentur, religionis dedecore facere conſueverunt. Nam & Ethnicos & ſuperſtitioſos Caſſanarios adeunt, qui illis fauſtos dies, (a) horaſque ad celebrandas nuptias prænuntiant; & ipſa nuptiarum die quosdam circulos delinant, intra quos Orizam (b) ponunt, ibique certas aliquas perſonas, diabolicis quibuſdam ceremoniis præmiſſis, collocant: præterea pone ipſorum januas quaſdam deſcribunt figuras: demum ceremonias quaſdam faciunt, admixtis precibus, quas annulum Salomonis appellant: quæ omnia ad matrimonii fauſtatem impie ordinantur. Hòs vèro diabolicos omnes, ac ſuperſtitioſos ritus, quos reprobata Sancta Mater Eccleſia, ſevere prohibet Synodus, hortaturque cunctos Chriſtiſideles, ne illos ſuis in domibus exerceant, vel exerceri permittant. Qui vero vel exercuerit, vel permiſerit, per annum ſeparetur, ac pro arbitrio Prælati acriter puniatur: eandemque poenam ſubeant, qui Ethnicos adierint, pro diebus fauſtis eligendis.

DECRETUM XV.

CXCVIII. **Q**uia exploratum eſt Synodo, quod dum Chriſtiani hujus Dioceſeos, ſponſalia celebrant de futuro, atque matrimoniales contractus, id faciunt, adhibitis quandoque ſuperſtitionibus, & idololatricis ceremoniis; ac præterea non raro contrahentes non attingunt ætatem (c) requiſitam ad huiusmodi

coll-

(a) Ominofum eſſe uxorem ducere Menſe Majo, atque Matrimonium celebrare in die S. Joſeph, eſſe fauſtiſſimum, ut ſtulta opinatio & error notatur a Concil. Burdigalen. anni 1624. Cap. 7. num. 5. & rum ritibus deſcriptis ab antiquis Romanorum. 490. Majo Menſe malum. Fast. 5. gur ait.

(b) Oryza in nuptiis uti, non abſimilis eſt ſuperſtitio illi, quæ inter contrahendum in uſu fuit apud Romanos, qui farre nuptias celebrabant, & per frugem & mo-

ſam falſam conjugebantur per Pont. Max. ſeu Dialem flaminem: unde *conſarreati* & *conſarreatio*, dicta ſunt.

(c) Ad normam huius Decreti, ſimile edidit pro Indis, Card. Turnonius an. 1704. vetans, impuberum connubia, etenim ſanfantes ſex aut ſeptem annorum, interdum etiam in teneriori ætate matrimonium indubiiſ, contrahere. Exortus etiam anno 1733. ſervandum eſſe formam a Tridentino Conc. præſcriptam, hi publicatum ſit, & ejus obſervantia non ſit impoſſi-

consensus ; & supersticiosos hujusmodi ritus prohibet Synodus , & jubet , in posterum celebrari sponsalia a contrahentibus , qui debitam habuerint ætatem ; itaut id , quod agunt , mature advertant , nec puerili quadam facilitate consentiant . Si vero Parentes , Filiorum impuberum nomine pacisci velint , id faciant per simplicem scripturam , vel contactis de more manibus , aut alio quocumque modo , nihil supersticiosi præferente , secus per Prælatum graviter puniantur : Præcipit insuper Cæsariensis in virtute sanctæ obedientiæ , ne sponsalibus hujusmodi superstitione committis , intersint , ne ipsorum præsentia , ac authoritate , ea approbare videantur .

DECRETUM XVI.

CXCIX. **R** Eprobat Synodus pravam usum in hac Diœcesi innotum , quo recentes Sponsi abstinere ab ingressu in Ecclesiam ante quartum diem a celebratione Matrimonij ; sicuti etiam usum alium adhibendi occasione nuptiarum lavacrum : Quod videtur redolere judaicas ceremonias per Christi legem jam diu abrogatas . Immo novis Sponsis plurimum Synodus commendat , ut qualibet indiscriminatim die , Ecclesias adeant , ibique preces fundant : si verodie festo , vel Dominico , quando urget præceptum , Ecclesiam non adierint , pro certo habeant , se Missam non audiendo graviter peccaturos , nisi alia ex justa causa id omiserint : Quantum autem ad lotiones , nulla ratione sibi suadeant , eas vel ad spirituales animarum salutem , vel ad Divinum cultum , & ad templorum reverentiam pertinere .



ACTIO VIII.

bilis , quàm declarationem confirmavit Clem. XII. anno 1744. in Constit. *Comperitum* ; cui novum robur addidit Bened. XIV. anno 1744. Constit. *Omnium sollicitudinum* .

ACTIO VIII.

De Reformatione rerum Ecclesiasticarum.

DECRETUM I.

CC. **U**niversa Ecclesia Catholica ab Spiritu Sancto aflata, & edocta, ad melius Christifidelium regimen, commodioremque Sacramentorum administrationem, provincias totius Catholici Terrarum Orbis in Diœceses distribuit suis subjectas Episcopis: Diœceses itidem in Parœcias, suis singillatim (a) Parochis commissas; ut quemadmodum Diœceses inque iis degentes fideles, uni Episcopo, ac per ipsum Papæ, ac Pontifici Romano, tanquam omnium universali Pastori, Ecclesiæ Capiti, atque Christi in terris Vicario subjiciuntur: sicut etiam fideles incolæ uniuscujusque Parœciæ uni subderentur Parocho, ac Vicario, qui ipsis Sacramenta ministraret, essetque illorum pastor, animarumque sibi commissarum curam gereret; ac rursus per eum Episcopo, per Episcopum Papæ, ac per Papam Christo submitterentur: & quidem hic ordo, inviolabiliter in Ecclesia, toto orbe diffusa, fuit perpetuo servatus. Ex hujus divisionis, ac distributionis neglectu Ecclesia hæc Montensis inordinata adeo, ac informis apparet; quilibet enim libito, & arbitrio suo vivit: nemo est, qui alienam licentiam coerceat: nemo cui animarum cura fuerit commissa: nemo qui designatus Pastor fidelibus, in occurrentibus necessitatibus providere

suc-

(a) Priscis temporibus vel Ecclesiarum Parochi erant Episcopi, vel Episcopi Diœcesis erat Parochia, ut ex *Can. Apostol.* 13. apparet, quum præcipit, ut *Episcopo non liceat suam relictam Parochiam ad aliam transferre*: & sæpius *Parochia* usurpabatur pro *Diœcesi*, ut constat ex *Epist.* 1. B. Clem. & ex *Conc. Antiochen. Can. 9. cap. 18. anno 341.* Nomen autem *Parochi* a Priscis Romanis usurpatum fuit, sicuti & Pontificis, & Episcopi, quibus postea Ecclesia Hierarchicas dignitates atque munera distinxit, ea profana nomina expiando; Pontifex enim a *facere* & *posse* dictus, supremæ Ecclesiæ potestati atque sollicitudini congruebat: vox *Episcopus* id est *usherintendens* vel *speculator*, nomen est Magistratus

apud veteres: unde ad sacros Antistites translatus est: ita & vox *Parochus* quæ a *præbendo* venit, quia illius erat munus, necessaria hospitibus præbere, ex illo Horat. *Lib. 1. Serm. Saty. 5. cum Parochi, quæ debent ligna jalemque* &c. maxime convenit Ecclesiarum Præfectis; de quorum primævo munere juvabit legere *Epist.* 3. Frontonis Acad. Parisien. Cancellar. *De origine Parochiarum.* Parochiani autem institutio tribuitur Dionysio Papæ anno circiter 261. in *Can. Ecclesiarum 13. quæst. 1. & c. Pastoralis de his quæ fiunt a Prælat.* De iis omnibus ea, quæ pollet Ecclesiastica eruditione pertrahat V. Clariss. Muratorius *Tom. 5. Antiq. mediæ ævi Dissert. 74.*

succurrat : nulla demum præfinita Paroecia , nulla curialis Ecclesia , quam adire fideles horum montium incolæ teneantur : Quapropter Synodus , ut malis hujusmodi occurrat , universæ Catholicæ Ecclesiæ morem gerendo , statuit hanc etiam Dioecesim in Paroecias distribui , singulis attributa parte populi , prout opportunius visum fuerit ; designato etiam Vicario particulari , qui curam gerat animarum , sibi commissarum : Cassanarios autem , & Chamaezes , in unaquaque Ecclesia repertos , tanquam Beneficiarios ipsius , Coadjutoresque Vicariorum , tam in administratione Sacramentorum , quam divinorum officiorum celebratione , Ecclesiæque servitio , prout hætenus , habendos esse : fruantur etiam iisdem emolumentis , & lucris , quibus nunc gaudent ; qua in re Synodus nihil ipsis detrahendum censet ; exceptis tamen iis , quæ ob administrationem Sacramentorum , non sine labe simoniaca corradebant , juxta decreta XX. , & XXI. *De Sacram. Ordinis* , quæ integre , & inviolabiliter observentur : Vicarii quoque , & Parochi suorum curialium , sive suarum ovium catalogum conficiant , ut de eorum vita , & moribus cognoscant , eis Sacramenta ministrent , & dum ærumnis , & infortuniis premuntur , solatium , & auxilium afferant . Paroeci autem , sive curiales uni attributi Paroeciæ , nonnisi a proprio Vicario Sacramenta accipere valeant , aut ab alio ; de ipsius tamen licentia ; prout in Decretis de Sacramentis superius præscribitur .

D E C R E T U M I I.

CCl. **D** Eclarat Synodus , distributionem Paroeciarum , & designationem plebis , iis addicendæ . omni tempore ad Præfulem pertinere ; itaut quocumque tempore Paroecias dividere , vel unire pro libito valeat , & prout sibi in Domino magis expedire videatur , pro commodiori Sacramentorum administratione : undè ipsius est Vicarios & Curatos (a) Ecclesiis præficere ; hos constituere , illosve deponere , sicuti opportunius visum fuerit , ut Christi oves sibi commissæ , & de quibus rationem est redditurus , saniori pastu donentur : in præsentiarum igitur hujusmodi distributionem , divisionemque Paroeciarum , & Parochorum R. Metropolitanus in proxima ineunda visitatione Ecclesiarum instituet dividendo , aut uniendo , prout prudenter arbitrabitur ,

E e resque

(a) *Curatus* dicitur a *Cura* , & a factis ædibus , in quibus degunt , quæ veniunt latine nomine *Curia* : unde Ecclesiæ Paro-

chiales & accolæ illarum *Curiales* recte nominantur . Vide Pignat. tom. 6. *conf.* 98. num. 20.

218 SYNODI DIAMPERITANÆ

resque alias, completa jam Synodo disponet, quas Synodus eadem necessarias judicaverit. Vicarii etiam à Metropolitâ singulis Paroeciis designabuntur. Justis demum de causis, & quia id ad commune Ecclesiarum bonum, earumque regimen conducibilius censuit, vetat Synodus Vicarios deputari perpetuos; sed singulos ad Præfulis nŕtum (a) amoveri posse decernit.

DECRETUM III.

CCII. **P**Ræterea declarat Synodus, nullum Cassanariorum duabus (b) posse præfici Ecclesiis, & ab iis fructus percipere, juxta Sacros Canones, & quoniam in hac dioecesi ex pravo usu à longo tempore introducto, plurimi duabus, aut etiam tribus Ecclesiis, quantumvis inter se longe distitis, veluti propriis, sibi que commissis præfunt; eo quod ab ipsorum consanguineis fuerint extructæ, vel aliis de causis, declarat Synodus, quod ubi illæ in Paroecias erigantur, nulla in eas illis relinquitur jurisdictio, nec in ipsis aliquid præcipere, vel de re aliqua disponere in posterum poterunt; id enim ad proprios ipsarum designatos Vicarios ex integro pertinebit: qui verò contrarium attentaverint, à communione Fidelium segregati declarentur, & pro arbitrio Prælati tanquam perturbatores plectantur: ceterum optat Synodus, ut ex iis Cassanariis, sive Ecclesiarum Præfectis, qui ad tale munus idonei fuerint, nulloque impedimento præpediti, ad aliquam ex erectis Paroeciis promoveantur, prout Reverendissimo Metropolitano videbitur: permittit tamen Synodus Præfuli, quod si ipsi non suppetant tot Sacerdotes idonei, quot pro cunctis Ecclesiis desiderantur, aut non omnes commode sustentari valeant, uni duas (c) commendare possit Ecclesias: ita tamen disiunctas, ut utramque regere sine ullo animarum detrimento, & in utraque Sacramenta ministrare valeat; quod tamen absque urgenti, & inevitabili causâ non fiat.

DE-

(a) Utitur hic Synodus facultate Tridentini *Seff. 7. cap. 7.* quod per Vicarios etiam amovibiles, cura animarum exerceri possit. Constit. autem S. Pii V. abstulit hoc arbitrium Episcopis, & præscripsit formam deputandi Vicarios perpetuos; alia demum in Bulla: *Ad exequendum.*

(b) Sancitum fuit in Concil. Lateran. 3. Gen. anno 1179: *Ne quis multas habeat parochiales Ecclesias, sed unam quisque, in qua resideat*: ita *Capit. 13.* In Concilio vero Emeriten. anno 666. statuitur, quod si

uni Presbytero plures sint Ecclesie commissa, in singulis sacrificium offerat, singulis Dominicis.

(c) Consonat hoc decretum cum Concilii *Tol. 16. capite 8.* & cum *Capitulo 19.* Emeriten. modo laudati; in quo habetur, quod *Sacerdotali decreto Presbytero uni, plures extant commissa Ecclesie*: vocatur autem ibi ille Presbyter *Parochitanus*; fortasse ex inflexione Hispanæ vocis illius ævis *Parrochiano*.

D E C R E T U M I V .

CCIII. **Q**Uoniam plurimæ hujus Dioecesis Ecclesiæ cum ingenio Christianorum, ibi degentium damno, Cassanari destituntur; itaut per annum integrum, immo etiam per plures, nec sacrum audiant, neque Sacramenta percipiant: quod innotuit R. Metropolitano, qui in peracta visitatione Ecclesiarum deprehendit, in earum aliquibus quinquennio, vel sexennio, nullam fuisse Missam celebratam: plurimos item pueros, & etiam natu maiores non fuisse baptismate ablutos; præcipit Synodus, ut nulla ex Ecclesiis in Paroeciam (a) erigendis, ne modico quidem tempore absque Parocho, & Vicario, qui fideliter Sacramenta ministret, relinquatur, utcumque abjectus, & exiguus fuerit populus: in quo plurimum vigilantia exigit à Prælato. Verum nisi reperiat Cassanarius aliquis, qui eo loci (quod non infrequenter accidit) pergere velit, declarat Synodus, jus esse Præfulis, quos voluerit, ad hanc Ecclesiarum curam poenis etiam & censuris compellere, ordinibus etenim initiantur, ne fidelium necessitati desit, qui succurrat. Id quod præsentī decreto Synodus statuit: congrua vero alimenta ab ipsis accipiant Ecclesiis.

D E C R E T U M V .

CCIV. **C**UM Synodo innotuerit, plures esse Vicos, & pagos in ista Dioecesi, in quibus, eo quod longe ab Ecclesiis distent, vix vestigium aliquod Christianæ religionis superest: nam neque incolæ baptizantur, nec quidquam retinent, quo ab Ethnicis distinguantur, nisi purum nomen; Christiani enim S. Thomæ appellantur: quod quidem tribuendum magna ex parte est socordia Præfulum Schismaticorum, qui hanc Ecclesiam gubernarunt; præcipit Synodus in virtute sanctæ obedientiæ omnibus Cassanariis in Ecclesiarum Vicarios instituendis, ut statim ac ad suas Ecclesias pervenerint, de populis, ac christianis, fortasse in pagis aut vicis, suæ Paroeciæ finitimis, diligenter inquirant, & si quos repererint, de iis R. Metropolitam certiore reddant, qui quod facto opus fuerit, ad Dei obsequium, animarumque profectum provide ex-

E c . 2 que-

(a) Parochia dicitur a Parocho, qui etiam vocatur Paroecia; id est *accolatus*, sive *accolarum conventus*, aut sacra *vicinia*: unde *accolæ* appellantur proprie *Paroeci*.

qui Hispano idiomate *Peligreses*: ejusdem scilicet fani, *accolatus* confortes. Qui de Paroecis & Paroeciis plura velit, consulat Thomasin. *Disciplin. Par. 1. lib. 2. cap. 2.*

quetur. Nec ipse hanc inquisitionem omittet in proxima Ecclesiarum visitatione: ubicumque autem hujusmodi non baptizata gentes reperiantur, erigantur Ecclesiae, quibus constitutur Vicarius, qui has gentes veraci, ac sinceræ Christianæ Religionis professioni, ac usui Sacramentorum Ecclesiae restituat.

DECRETUM VI.

CCV. **C**UM Travancoridis Ecclesia pessum ierit, ac Christiani pene omnes, ab annis quadraginta ad Idololatriam, ac ritus, ceremoniasque Ethnicorum defecerint: nec qui notabili hoc spatio temporis nati sunt, baptismum susceperint; idque non alia de causa, quam quia per annos plures ea Ecclesia Sacerdotibus destituta (a) fuit, ob distantiam a ceteris Ecclesiis, cum tamen adhuc in illa probi aliqui Christiani perseverent; præcipit Synodus, ut in illa non secus ac in reliquis, Vicarius constitutur, qui quantocius eo pergat, ad instaurandam Ecclesiam illam; plures etiam Sacerdotes alii, & Prædicatores eo mittantur, qui gentem illam ad Sanctæ Matris Ecclesiae gremium, & Catholicæ Fidei professionem reducant, ut Illustrissimus Metropolita præcepit, cum rem hanc cum eadem Gente transegit, ejusque plures baptizavit: quin immo hortationibus ipsius, & rudes illi Incolæ designandum Vicarium acceptarunt, & Rex ipse Travancoridis facultatem dedit perpetuo consulendi in posterum huic Ecclesiae, juxta ipsius necessitatem.

DECRETUM VII.

CCVI. **A**D Synodi notitiam pervenit, in confiniis terrarum Samorim, Regis Calcutii per quadraginta leucas ab Ecclesiis hujus Diœceseos, in terris prædicti Regis ditioni subiectis, quemdam inveniri Pagum dictum, *Todamala*, cui olim adjunctæ fuerunt aliquæ Christianorum Coloniae primitus ad hanc Ecclesiam attinentes; qui Christiani cum modo nihil nisi merum nomen retineant, præcipit Synodus, ut ex hac Ecclesia illuc Sacerdotes, ac Prædicatores mittantur, qui eos ad Catholicam fidem reducere studeant,

(a) Inter Sanctiones & Decreta Concilii Nicæni apud Harduinum Tom. 1. Collect. col. 509. §. 1. præscribuntur, *Canones sive officia Deo debita, a Viris & Mulieribus, Præsules non habentibus, qui eos aver-*
sant a malis viris; neque Episcopos, ne-

que Monachos, qui eos regant, sed sui ipsimet sunt juris: in ejusmodi Ecclesiasticorum penuria quam maxime consulendi; nisi destruerent ad calcem, quod initio supponunt.

deant, & sacro abluant Baptismate; etenim ex sollicitudine, qua suam locavit operam Rev. Metropolitanus, ea in spe sumus, ut quod ad eos Christianos attinet, facile ad bonam frugem redituri sint; eo vel maxime, quod uno Sacrorum Ministrorum defectu a Christianæ Religionis semita discesserunt. Itaque Synodus prædictos populos Domino Metropolitano commendat, eorum etiam curam perpetuo gerendam huic Ecclesiæ committit.

D E C R E T U M V I I I .

CCVII. CUM multiplicis Sancti Olei usus à Christo Domino fuerit institutus, atque adeo Oleum Chrismatis, pro materia Sacramenti Confirmationis, Oleum infirmorum pro unctionis extremæ Sacramento adhibeatur: præcipiantur insuper in eadem Sancta Ecclesia aliæ sacræ unctiones Oleo Catechumenorum perficiendæ; Cumque ex traditione Apostolorum, & Patrum Ecclesiæ doctrina, constet hujus multiplicis Sacri Olei usum a Christo fuisse commendatum in ultima cœna cum discipulis suis celebrata; Synodus, cui compertum, exploratumque est, Sacri Olei usum in hac Diœcesi nullum usque hætenus fuisse; immo fuisse penitus (a) ignotum, præcavendi ergo in posterum hoc malum, præcipit, ut in singulis Ecclesiis curialibus, sive parochialibus habeatur pyxis tribus discretis vasculis instructa ex argento, stanno indico, aut vitro, in quibus multiplex Sacrum Oleum reverenter, decenterque asservetur, quæ vascula insuper peculiari signo distinguantur, ne in eorum usu oriatur confusio. Vicariis insuper mittendis præcipit, ut hinc non nisi pyxidibus pro qualibet Ecclesia instructi discedant, quas illis Rev. Metropolitanus tradet, eas enim oleo refertas apud se habet, quod multiplex Oleum ipse in Ecclesia Carturtenfi hujus Diœceseos, proxime elapsa feria (b) quinta in Cœna

(a) Nestoriani Indi Malabarenses, alique, qui Sacris Oleis non utuntur, atque pro oleo infirmorum usurpant massam quamdam ex oleo, aqua & pulvere, seu reliquiis alicujus Sancti, quam vocant *H. mana*, seu *Taibutha*, id est *Gratia talis Sancti*, omnino descivere, non modo a doctrina universalis Ecclesiæ, verum etiam a propriis ipsorum Doctoribus, ut facile novitatis revinci possint; quidquid in contrarium nitatur Crozrus, de quo vide Allam. *Bib. Orient.* tom. 4. pag. 277. omnia erudite atque perpolitè enodantem; & *Not. ad Synod. nostram*

Act. 4. Dec. 14. Apud Orientales Syros oleum infirmorum vocatur *lampas*.

(b) Patriarcha Maronitarum benedicit etiam Oleum Sacrum feria V., quam vocant *Mysteriorum*: quod oleum vocatur ab ipsis Maronitis *lampas major*; contradistincte ad oleum, quod a solis Presbyteris benedicitur quod *lampas minor* appellatur. Hoc autem consecratur a septem Presbyteris, aut saltem tribus, idque ex delegatione, cum sæpissime oleum a Patriarcha benedictum deficiat, eo quod non nisi semel intra septennium illud *lampadis majoris* officium celebret.

222 SYNODI DIAMPERITANÆ

Cœna Domini adhuc effectum sacris precibus, & benedictionibus expiavit: dictæ pyxides in armariolo clave obsignato reponantur, apud aram maximam, aut Sacrarium, aut prope fontem Baptismatis, eæque sint velo serico coopertæ, ea qua par est decetia, ac veneratione. Si vero Vicarii longe ab Ecclesiis degerint, vel eæ in Sylvis sint conditæ, pyxides illas apud se loco tamen decenti reverenter locent., ne furtis Ethnicorum pateant; utque majori celeritate extremam unctionem deposcentibus succurrant: inter gerendum autem sive ad Ecclesiam pro baptizandis, sive alibi pro ægrotantibus, id muneris semper, quantum res permiserit, Sacerdos exequatur, vel saltem aliquis Chamazius, in Sacris constitutus: quinta insuper feria in Cœna Domini quidquid superfuerit Sacri Olei illius anni, vel infundatur Ecclesiæ lampadibus, & comburatur, vel in Baptisterium projiciatur, & novum deinceps adhibeatur, quod asportandum erit vel e loco, ubi in celebratione Paschatis Præsul Sacris precibus, & benedictionibus illud expiaverit, vel aliunde, ubi illud Præsul postea in singulas Ecclesias distribuendum reposuerit: vacante autem Ecclesia, e Sede de Cochim, facultate habita à Gubernatore pro tempore, & Domino Episcopo Civitatis illius annuente, asportari curent. Quod si Vicarius in sibi comparando Sacro Oleo pro sua Ecclesia, adeo negligenter se gesserit, ut ultra mensem post celebrationem Paschatis eo careat, suspensione ab executione Ordinum, ac proventibus, per semestre à Præsule, qui maxime hac super re invigilet, puniatur, cogaturque insuper illud sibi comparare. Infantes vero qui per id temporis baptismum accipient, Oleo Sacro Baptismatis illuc apportato inungantur; neque Vicarii à Synodo abscedant, antequam de multipliceis olei usu, qualitate, & forma ungendi, per Viros ad id per Synodum deputatos, plene erudiantur, ne in Sacramentorum administratione errent.

DECRETUM IX.

CCVIII. **Q**uia plurimum est confusionis in hac Diœcesi, quantum ad observantiam dierum festorum (a), quorum violatio lethale peccatum est, quæ observantia complectitur audi-

(a) Dominicarum festorumque ordinem per totum anni circulum, à Nestorianis observatum, exactissime recenset Asseman. *Bib. Orien. tom. 4. pag. 380.* ex officio divino, Jesuabi Adiabeni jussu ordinato. Qui vero Ecclesiæ Coptorum Alexandrinæ, San-

ctorum festivitates scire aveat, consulat Synaxarium Coptorum, in lucem recens editum a V. Cl. Evodio Apameæ Archiep. pag. 164. *Bibliot. Medicea Laurent. Floren. anno 1742.* typis elegantissimis editæ.

auditionem Sacri, & cessationem à servilibus laboribus, à celebratione contractuum, à publicis nundinis, rerumque emptionibus, ac venditionibus: declarat Synodus, sequentes servandos esse dies: nimirum Dies Dominicos totius anni.

Januarii prima Festum Circumcisionis Domini, & in Sexta Epiphaniam.

Februarii secunda Purificationem Dominae nostrae; & vigesima quarta festum Apostoli Mathiae; anno vero bissextili die vigesima quinta.

Martii vigesima quinta, Annunciationem Dominae nostrae.

Aprilis vigesima tertia Sancti Georgii Martyris pro more hujus Episcopatus.

Maii prima festum Apostolorum Philippi, & Jacobi.

Junii vigesima quarta Joannis Baptista: vigesima nona festum Apostolorum Petri, & Pauli. (a)

Julii secunda Visitationem Dominae nostrae: tertia festum Apostoli Thomae (b); qua die juxta nonnullos fuit translatus; & juxta alios ad has Oras appulit; & solet servari ex antiquo hujus Episcopalis Sedis more: vigesima quinta S. Jacobi Apostoli.

Augusti sexta Transfigurationem Domini juxta hujus Dioeceseos consuetudinem; decimaquinta Assumptionem Dominae nostrae: vigesima quarta Festum S. Bartholomaei Apostoli.

Septembris octava, Nativitatem Dominae nostrae: decima quarta Festum S. Crucis de more hujus Regionis: vigesima quinta S. Matthaei Apostoli: vigesima nona S. Michaelis Archangeli.

Octobris vigesima septima festum Apost. Simonis, & Judae.

Novembris prima festum Omnium Sanctorum: trigesima S. Andreae Apostoli.

Decembris octava Conceptionem Dominae nostrae: decima octava festum Sudoris (c) Crucis gloriosi Apostoli Thomae ex more Episc.

(a) Apostolorum festa celebrabant Nestoriani, non iisdem diebus, in quibus eos colit Ecclesia nostra, sed in Dominicis, vel feriis sextis: nullum autem festum aut memoria instituta erat de Circumcisione Domini, & de Virginis Conceptione: &c. ut scribit Vincent. Mar. à S. Cathar. lib. 2. cap. 6. nullos colebant festos dies præter Dominicos, nisi festa Christi Domini, Nativitatem & Assumptionem Deiparae & Apostolorum sollemnitates.

(b) Tes in anno memoriam D. Thomae Apostoli colebant Indi Malabareses; nimirum die 3. Julii, 18. Decembris, & 21. ejusdem mensis. Vide Gouv. Itin. Menes. fol. 77.

(c) Festum hoc institutum est in memoriam sudoris, qui e marmorea D. Thomae Cruce scaturit anno 1557, in Meliapore, quod ostentum, pluries postea visum est: Vide Gouv. Itin. Men. fol. 77. & Dissert. nostras num. 48. Nec minus celebris habetur Crux Cranganorensis, quæ cum sit marmorea non secus ac alia, visa est non semel in sublime elevata, atque splendidissimo lumine radians: consule Vinc. Mar.

(a) Festum hoc institutum est in memoriam sudoris, qui e marmorea D. Thomae Cruce scaturit anno 1557, in Meliapore, quod ostentum, pluries postea visum est: Vide Gouv. Itin. Men. fol. 77. & Dissert. nostras num. 48. Nec minus celebris habetur Crux Cranganorensis, quæ cum sit marmorea non secus ac alia, visa est non semel in sublime elevata, atque splendidissimo lumine radians: consule Vinc. Mar.

224 SYNODI DIAMPERITANÆ

Episcopatus : vigesima prima festum ipsius Apostoli Thomæ ; vigesima quinta festum Nativitatis : vigesima sexta in prima octavæ festum S. Stephani Protomartyris : vigesima septima in secunda festum S. Joannis Evangelistæ : vigesima octava , tertia octavæ , festum Innocentium .

Feria quinta in Coena Domini ab hora, qua inchoatur officium in Ecclesiis , usque ad mediam noctem Sabbati , ex more Ecclesiæ.

Diem Paschatis Resurrectionis, cum sequentibus tribus, quamvis hætenus non ultra duos dies celebritas hæc servaretur .

Diem Ascensionis Domini .

Diem Sacratissimam Pentecostes, cum duobus sequentibus .

Festum Sacratissimum Corporis Domini, Sanctissimi Sacramenti, quod solet in his partibus celebrari, feria quinta post Octavam Paschatis.

Item diem Titularis Ecclesiarum, ac festa Sanctorum principaliorum, quibus dicatæ existunt : in propria tantum Parochia . Declarat præterea Synodus, non esse servandas tanquam solennes, & speciali cultu dignas, ut alicubi erat in usu, sextas ferias à Nativitate, usque ad Quadragesimam ; tum quia Sancti, qui in aliquibus earum colebantur, suos aliunde sortiuntur designatos festivitatis dies ; tum etiam quia nonnulla ipsorum festorum sunt Hæreticis dicata, ut superius monuimus, quos nefas est festivitate colere : Vicarii itaque curent, populum Dominica die inter Missarum solennia admonere festorum illius hebdomadæ, ut sciat, quæ sint illi colenda .

DECRETUM X.

CCIX. **V**erum non modo circa dies festos concelebrandos ex præcepto, sed etiam circa dies esuriales, quibus obstringatur hic populus lege jejunii, variæ ortæ sunt dubietates in hac Dioecesi : quamobrem Synodus declarat, ex præcepto servandum esse jejunium diebus (a) mox indicandis, tam ex antiquis, quam ex novissime à nobis assignatis : videlicet .

Sacrum, ac solenne jejunium majus Quadragesimæ, quod de more hujus Dioeceseos, initium sumit à prima feria secunda post Dominicam Quinquagesimæ .

San-

lib.2. cap.2. : Cruces autem D. Thomæ eam expriment figuram juxta laudatum auctorem, quam præfere Crux Equitum S. Mauritii in Sabaudia, & ex Gouv. Crux

Lustranica Equitum de Avis .

(a) De antiquo Nestorianorum ordine circa jejunia, Vide Asseman. *tom.4. Bib. Orient. pag.387. & Dissert. nos. num.69.*

Sanctum jejunium Adventus Domini, quod in hac Diocesi exactissime servatur, à prima Dominica proximiori Kalendis Decembris usque ad festum Nativitatis Domini.

Februarii prima die in Vigilia Purificationis Dominae nostrae: vigesima tertia, S. Mathiae Apostoli.

Junii vigesima tertia in Vigilia S. Joannis Baptista; vigesima octava, SS. Petri, & Pauli.

Julii vigesima quarta, in Vigilia S. Jacobi Apostoli.

Augusti duodecima in Vigilia Assumptionis Dominae nostrae: vigesima tertia, S. Bartholomaei Apostoli.

Septembris septima in Vigilia Nativitatis Dominae nostrae: decimatertia, S. Crucis: vigesima, S. Matthaei Apostoli.

Octobris vigesima septima in Vigilia Apostolorum Simonis, & Judae; & postrema, Omnium Sanctorum.

Novembris vigesima nona in vigilia S. Andreae Apostoli.

Decembris vigesima in Vigilia gloriosi Apostoli S. Thomae: vigesima quarta, Nativitatis Domini Nostri Jesu Christi; etsi alias haec duae ad jejunium adventus pertineant.

Et ut particularis haec Ecclesia cum Ecclesia universali consentiat, statuit Synodus jejunandum esse juxta praeceptum universalis Ecclesiae, quatuor anni temporibus: nimirum quarta feria, sexta, & Sabbato immediate post diem Dominicam primam Quadragesimae; quae tamen jejunia in quadragesimali jejunio continentur. Similiter feria quarta, sexta, & Sabbato immediate post Festum Pentecostes: prima quarta feria, sexta, & Sabbato immediate post Festum S. Crucis mense Septembris: prima quarta feria, sexta, & Sabbato post festum S. Crucis ad decimam tertiam Decembris; quae jejunia comprehenduntur in jejunio servari solito diebus anniversariis Adventus Christi.

CCX. Approbat insuper Synodus jejunium praemitti solitum ad Assumptionem Dominae nostrae à prima Augusti, usque ad illud festum, & ad Nativitatem ejusdem Dominae, à prima Septembris usque ad festum ipsius: & jejunium quod vocitatur Apostolorum, à prima die post festum Pentecostes, per quinquaginta sequentes dies, quippe quae optime, ac laudabiliter instituta sunt: quamobrem optaret Synodus ea servari nunc, sicut antiquitus à primis Christianis in hac Regione servata fuerunt: Nihilominus quia quantum ad haec jejunia multiplex fuit consuetudo, & ex opinionum varietate multiplex perturbatio, & conscientiarum haesitatio, declarat Synodus, neminem ad haec jejunia servanda gravi praecepto obstringi, & habenda esse in posterum tamquam opera omnino.

voluntarie suscepta, & quæ supererogantur, nec his diebus ad cibos esuriales quemquam esse cogendum.

Quantum vero attinet ad triduum jejunii Jonæ Prophetæ, quod appellant (a) *Munaneba*, & exordium sumit decima octava die primam Quadragesimæ diem præcedente, ob ipsius antiquitatem, & sanctitatem, optat Synodus diligenter servari; verum quia Christiani, per hos solent convenire dies in Ecclesiam, ibique manducare Nerchas, (b) quæ parantur, laudatum triduanum jejunium non graviter præcipit; omnes tamen gravi præcepto obstrictos esse vult, ad non comedendos memoratis diebus, nisi cibos quadragesimales.

Debent itaque Vicarii Dominicis diebus in suis Ecclesiis denuntiare populo jejunia illius hebdomadæ, ut admonitus ea servare possit, nec ignorantia excusetur.

DECRETUM XI.

CCXI. **C**ommendat Synodus laudabilem consuetudinem, qua Christiani hujus Diœceseos servant quadragesimale jejunium abstinentes ab ovis, lacticiis, caseo, piscibus, & vino; immo & ab Uxoribus, (c) toto eo temporis intervallo; quæ quidem omnia vult servari inviolabiliter etiam in posterum; sicuti etiam quod jejunia inchoentur feria secunda post Dominicam, quinquagesimæ: ut autem nonnulli tollantur introducti pravi usus, declarat legem jejunii non solum exigere abstinentiam à vetitis obfoniis; verum etiam postulare, ut nonnisi semel in die, præfinito tempore sumantur cibi, ceteroquin liciti: post occasum autem Solis, quibus opus fuerit bibere, aut libuerit, ne haustus noceat, escu-

(a) Legendum esse videtur *Munnanorba*, quod est jejunium trium dierum, ex Malabarico *Munna*, id est *numerus ternarius*, & *Nojerba*: jejunio: non vero *Munaneba*, ut in textu Synodi, aut *Mobbio*, ut scribit Vinc. M. lib. 2. cap. 6. Vide supra num. 132.

(b) *Nercha* est convivii parandi turba fidelium in Ecclesiam certis solennitatibus confluentium, votum seu sponsio: in quo fercula oryzae, & fructus aliqui, nucis Indicæ lacte conditi exhibentur, longo ordine cunctis utriusque sexus etiam inopibus intra Ecclesiam in terra confidentibus; Sacerdotes autem in gradibus sedent altaris. Fit convivium peracta Missa, in qua omnes communicant; recitatis prius quibusdam preci-

bus, quas finito prandio prosequuntur. Quæ convivia priscas agapes non modo referunt, sed æmulantur. Quum ea sunt prædefunctis vocantur *Cbata* aut *Ceruta*. *Nercha* autem plerumque fit in Anniversario Dedicationis Ecclesiæ, & in præcipuis solennitatibus; & in aliquorum nuptiis.

(c) Id omnino conforme est pristinæ disciplinæ Ecclesiæ; auctor autem Alcorani, morem istum, quem alioquin observari præcipiebat, ita elusit ut juberet, omnino ab uxorio congressu temperare tempore jejunii; cumque Mahometanorum jejunium servaretur ab ortu Solis ad occasum usque, reliqua erat tota vox, qua licite veneri indulgere possent. Vide *Bibliot. Medicam.*

esculenti non nisi modicum quid, & leve, instar jentaculi sumatur, quod humanæ imbecillitati permittit Ecclesiâ. Si vero vel qualitatem, vel quantitatem ciborum in vespertino jentaculo non servaverint, vel ultra prandium, & permissum jentaculum comedant, sciant se frangere jejunium, & lethalis peccati reos esse. Illud insuper advertant, quod si ex fragilitate, vel malitia die aliquo præceptum jejunii violent; non exinde non amplius obstringi diebus reliquis lege quadragesimalis jejunii, ut plures putant, sed quocunque die jejunium fregerint, novo se alligari lethali peccato sciant, juxta numerum reliquorum dierum, in quibus jejunare desierint. Præterea sciant jejunium servandum esse diebus festis etiam solennioribus, si tempus præscripti jejunii festos hujusmodi dies comprehendat, exceptis solis diebus Dominicis, in quibus Christianis non licet jejunare. Quamobrem quotquot pravi usus, & falsæ opiniones in materia jejunii in hac Diœcesi irrepperunt, corrigendi sunt, & radicitus evellendi.

D E C R E T U M X I I .

CCXII. **D**eclarat Synodus jejunandi præceptum, quantumvis urgentissimum non obstringere pueros, & adolescentes ante vigesimum primum ætatis annum, nec senes ætatis admodum provectæ, & debiles; ægrotos, Mulieres prægnantes, aut filios lactantes, nec serviliter laborantes licite, & assidue ex inevitabili necessitate, & obligatione, si labor talis sit, ut à jejunante exerceri sine detrimento non possit: nam personæ prædictæ solum debent servare jejunium, quantum ad abstinentiam a cibis vetitis, atque adeo vesci cibis esurialibus. Excipiendi tamen sunt ægroti, quibus licet vesci ipsorum sanitati congruentibus ferculis; similiter excipiendæ sunt Mulieres prægnantes, quæ possunt cibum aliquem etiam ceteroquin vetitum (a) comedere, si illum concupiscant, quod ipsis permittitur, ne sequatur abortus, ut assolet.

F f 2

DE-

(a) Inter alias abortus causas assignatur tibi alicujus denegati desiderium, & vehemens appetitus aliquid videndi, olfaciendi &c. & quanquam aliqui putaverint illud desiderium fœtus esse, non autem Matris, contrarium probabilius apparet cum Cardo in *Phil. libera Quæst. 161*, vera ergo causa abortus juxta illum est *Molestia na-*

tura (femina) *illata*: quæ ea de causa memoro, ut Casuistæ rigidi, non omnia denegent prægnantibus; cavere autem ex debent inter alia, a nimio usu potionis illius dulcis & aromat. cæ, quam dicunt *Coccolate*, quæ ex eodem auctore abortum ciet: at erit id surdis canere.

228 SYNODI DIAMPERITANÆ
 D E C R E T U M X I I I .

CCXIII. **D** Annat Synodus stultam opinionem eorum , qui festantes Ethnicorum superstitiones , censent inutile sibi fore jejunium , nisi primo mane corpus laverint ; vel si quempiam de stirpe abjecta tetigerint ; quamobrem adhuc Naires ad jejunium servandum , coguntur lavacrum adhibere : declarans itaque Synodus , neque lotiones hujusmodi , neque vitationem prædictorum superstitionum contactuum nulla ratione pertinere ad jejunium ex præcepto Ecclesiæ servandum , neque ad Christianæ Religionis professionem , præcipit , ut a Præsule acriter puniantur harum vanarum superstitionum Sectatores , quas etiam atque etiam exoptat a cordibus Christi Fidelium hujus Ecclesiæ penitus eradicari .

D E C R E T U M X I V .

CCXIV. **Q** Uamvis Synodus approbet laudabilem consuetudinem hujus Dioeceseos , sacrum inchoandi quadragesimale jejunium , à feria secunda post Dominicam quinquagesimæ , nihilominus ut hæc Ecclesia in tam salutari cerimonia Sacræ Ecclesiæ universali se conformet , statuit , ut feria (a) quarta subsequente cineres ritu sacro lustrentur , iisque à Sacerdote celebrante aspergatur caput Christi fidelium additis verbis illis : *Memento homo quia pulvis es , & in pulverem reverteris* ; prout in Rituali Romano Syriace translato de mandato Rev. Metropolitanus habetur ; Hac enim sacra ceremonia excitantur Fideles ad ferventiorē poenitentiam , ac dolorem suorum peccatorum , & ad propriæ imbecillitatis considerationem ; atque adeo ad sanctius , & majori cum veneratione sacros illos dies celebrandos . Curent etiam Sacri Ministri , quantum fieri potest , ut cineres sint ex ramis combustis Dominicæ (b) palmarum anni præcedentis , quæ Dominica dies in hac Regione appellatur *De Osand* , prout in eodem Rituali libro præscri-

(a) Quamvis anni temporibus , benedictio ac impositio cinerum celebrabatur , ante annos sexcentos in aliquibus Ecclesiis ; immo & cunctis rogationum diebus imponebantur cineres . Vide Martene *De Rit. tom. 3. lib. 4. cap. 10. num. 32. & colum. 517.*

(b) Et si aliqui Patres sæculi 4. meminerint Dominicæ Palmarum , ut S. Ephrem,

ritus tamen benedicendi palmas , anno 500. primum coli cœpit , in oriente asserente Severo Patriarcha Antiocheno ex *Cod. Nitrien. Vat. 33. & 34. Hom. 125.* ; & Josue Stylite , qui ait , a Petro Edessæ Episcopo anno 497. in Mesopotamiam ejusmodi ritum fuisse inventum . Videtur *tom. 3. S. Ephr. Pæf. pag. xix.*

scribitur. Populo insuper dehuntient ritum hunc, non esse Sacramentum ullum, sed meram ceremoniam sancte ab Ecclesia institutam.

D E C R E T U M X V.

CCXV. **A** Deumdem finem omnimodæ conformitatis cum universalī Ecclesia; præcipit Synodus à carnibus abstinentiam die Sabbati (a) servandam, ex præcepto graviter obligante, in memoriam sepulturæ Christi Domini; edere tamen hac die poterunt ova, lac, butyrum, & caseum. Quod etiam poterunt aliis diebus, in quibus sola abstinentia à carnibus præcipitur: & quoniam consuetudo non vescendi carnibus feriis quartis, non servatur in tota Diocesi, sed alicubi tantum; & id quidem à paucis; declarat Synodus abstinentiam hanc esse laudabilem, & optandam, ad eam tamen servandam, nusquam gravi præcepto Christianos obstringi. Quibus ergo fuerit libitum etiam feriis quartis, poterunt carnes edere.

D E C R E T U M X V I.

CCXVI. **D** Eclarat Synodus præceptum abstinendi à carnibus diebus prohibitis, jejunandi, ac festos dies colendi, a media (b) in mediam noctem computari, itaut incipiat urgere à media nocte diei antecedentis, ad mediam usque noctem diei esurialis, vel festivi, atque adeò ut res constet exemplo, obligatio abstinendi à carnibus die Sabbati, incipit à media nocte feriæ sextæ usque ad mediam noctem Sabbati: cum dies Sabbati incipiat ab una media

(a) Quod Malabares Sabbato non abstinerent a carnibus, is ritus erat Orientalis Ecclesiæ, in qua feria 4. & sexta, Sabbato omisso jejunium servabatur: immo ea disciplina vigeat in Ecclesia nostra Occidentali anno 1056. quo frequentari cepit abstinentia Sabbati, nec adeo stricte, ut omnes eam illico servaverint; Baldricus enim Abas in quemdam, qui piaculum ducebat Sabbato manducare carnem, ita loquitur:

*Sabbata custodis tamquam Judæus apella
Cum tamen alterius legis iter teneas.*
Vide Mabil. Præfat. 2. sæculi 6. Benedictini: anno etiam labente 1368. non servabatur adhuc Sabbatum a laicis, bene vero ab Ecclesiasticis & adeas Concil. Vauten. Decr. 90.

Et Parisiis a Nativitate Domini usque ad Festum Purificationis Deiparæ, in nullo Sabbatorum hoc etiam tempore, jejunium servatur.

(b) Orientales tam Nestoriani, quam Jacobitæ, juxta majorum suorum disciplinam observant jejunia fer. 4. & 6. a vespere exeuntis feriæ 3. & 5. & ab occasu ad occasum Solis, similiter festos dies computarunt; computatio autem dierum a media in mediam noctem ex communi consuetudine servatur in Europa de quo plura habentur in una Gecunden. anno 1720. tom. 1. Resol. Concil. pag. 363. licet juxta antiquorum disciplinam a vespere in vespem dies colerentur ex Cap. Omnes iis. de feriis. Vide Dissert. n. 110.

media nocte, & ab alia terminetur; adeoque his veluti terminis circumscribatur. Similiter obligatio cessandi ab omni labore servili à media nocte Sabbati, tunc enim incipit dies Dominica, pro- tenditur usque ad mediam noctem diei Dominicæ; quia tunc absol- vitur dies Dominica, & sequens feria secunda suum habet exor- dium. Decipiuntur ergo qui putant se præcepta Ecclesiæ servare, jejunando, & cessando à servilibus laboribus à vespertis ad vespertas: nam neque per integrum diem jejunium, neque per diem integrum, diem festum præceptum servant, sed violant præceptum, quod urget toto integro die, adeoque à media ad mediam noctem. Præter- quamquod sectatores sunt morum, rituumque Judaicorum, quos Ecclesia reprobavit; Hebræi enim suos dies esuriales, vel festos numerant à vespere ad vespertam, ubi contra Christiana Ecclesia, eos à media ad mediam noctem numerare solet.

D E C R E T U M X V I I .

CCXVII. **Q**Uoniam contra universalis Ecclesiæ morem, quæ aquam lustralem solenni ritu, ac statutis preci- bus à Sacerdote sacramentatam, in urna aliqua decenter receptam sub ip- sum Templi ingressum servare solet, ut illa se aspergentes fideles venialium remissionem acquirant; in hac Diœcesi aqua ad hunc pium usum, non à Sacerdote ullo, nec Ecclesiæ precibus expiatur, sed tantummodo à Capiario, (a) vel Sacrista infusione luti, vel terræ, quam Peregrini è locis Sanctis à S. Thoma Apostolo cultis, vel ex ipsius sepulcro asportant, ad quem usum ex terra hujusmodi globus in Ecclesia asservari solet, vel in hujusmodi terræ defectum, aliquibus thuris granis à Sacrista, nullis præmissis sacris precibus, in aquam injectis; declarat Synodus, aquam hujusmodi non esse aquam lustralem sive benedictam, nec adhibendam à Fidelibus; cum terra predicta, vel alia quæcumque è locis sacris, & sepulcris Sanctorum, quos colit Ecclesia, quamvis veneratione digna sit, ni- hil conferre possit ad conficiendum hoc Sacramentale ab Ecclesia in- stitutum. Quamobrem, præcipit, ut Sacerdotes juxta morem uni- versalis Ecclesiæ, aquam benedicant, infusione (b) salis pariter be- nedi-

(a) Vox *Capiar* derivata videtur (dum- modo non sit Malabarica, & ut significat Ministrum Ecclesiæ servitio addictum) à la- tino *Copiaris* ita dicti, teste Porphyrius, quod rerum copiarum necessitatem curam impende- rent, qui etiam *Parochi* Horat. & Cice- roni audiebant; at *Capiarius*, significat hoc

loco Custodem laicum Ecclesiæ, cujus est eam emundare, pulsare æra sacra, & alia ejusmodi.

(b) Aquæ benedictæ usus ex Apostolica traditione descendit, cui sal injicere jussit Alex. I. Ep. 1. si tamen ipse est. Et ex Hinc- maro anno 851. ubi habetur, istam aquam

nedisti, & eos ritus omnes fervent, ac preces adhibeant, quæ habentur in Rituali Romano Syriace translato jussu Rev. Metropolitanæ. Vicarii insuper curent eandem benedicendi formam ibi præscriptam fervare, & ex aqua illa urnas appositas implere, vel vespere Sabbati, vel primo mane diei Dominicæ: quo etiam die Sacerdos linea veste, sive alba, & stola indutus, & absque planeta antequam Sacrum inchoet, Templum percurrat, Populum ibi congregatum ad audiendum sacrum, aqua benedicta aspergens, & recitet antiphonam, & orationem, quæ in eodem Rituali continetur. Idque in solennioribus Missis Diaconus præstabit, oratio autem recitabitur semper à Sacerdote: Vicarii etiam Populum moneant, ut subeuntes templum manu in aquam benedictam immersa, signo Crucis se muniant, abstineant vero ab oratione illa impii hæretici Nestorii, quam antea recitare solebant in ingressu, cum aquam benedictam fumerent, & quæ a Synodo tamquam impia, & hæretica reprobatur.

D E C R E T U M X V I I I.

CCXVIII. **Q**UIA major hujus Populi pars Christianæ Religionis institutiones ignorat, nec aliud scit ad summum quam Pater, & Ave, quas tamen orationes Syriace recitat, cujus linguæ est penitus ignara, immo major puerorum pars, ne signo quidem Crucis munire se didicit, & quod magis pudendum est, plures ex Chamazibus ipsis, quamvis ad sacros ordines promoti, non bene callent christianæ Fidei elementa, & præcepta Decalogi; præcipit Synodus, ut in cunctis Ecclesiis Parochialibus existentibus in pago aliquo, vel vico, sive matutino, sive vespertino tempore, hora per Vicarium præfigenda, puerorum aliquis, vel Ecclesiæ Capiarius Vicum, vel pagum percurrat, campanulam pulsando, cujus sonitu admoniti puelli, puellæque omnes in Ecclesiam conveniant, ubi Vicarius, vel ipsius jussu Cassanarius, vel Chamazius christiana doctrina (a) eos instruat, eosque præsertim doceat modum se muniendi signo Crucis, Pater, & Ave, Symbolum fidei, præcepta Decalogi, præcepta Ecclesiæ, Articulos fidei, & reliqua omnia Christianæ Religionis elementa, quæ tamen doceant lingua

die Dominico ante Missam benedici, ipsa-
populum ingredientem Ecclesiam aspergi,
& ex ea (ait) qui voluerint accipiant,
& per mansiones & agros super pecora
sua, & eorum pabula, super cibum suum,
& potum conspergant.

(a) Quales esse debeant Catechistarum
dotes aperit S. Clem. Ep. t. quantæ autem
dignitatis munus fuerit in Ecclesia præfatum
Alexandrina, videri potest in Aulicii Ira-
bat. de Scholis.

gua vernacula, & Malabarica, quam audientes callent, non vero Syriaca, quam penitus ignorant. Hoc enim in more positum est in Ecclesia universa, ut Pueri, & rudis populus lingua vernacula instruantur, ut mente intelligant, quod ore proferunt: Dominicis præterea, ceterisque diebus festis ante, vel post Missam universus populus in rebus Fidei instruat, immo diebus Dominicis idem fiat horis pomeridianis, præmissis aliquibus, qui vicum, vel pagum percurrentes, campanulæ tinnitu populum admoneant, ut superius præscriptum fuit: Vicarii autem Ecclesiarum silvestrium præfixo hebdomadæ die pueros ad doctrinam audiendam è vicinioribus locis congregent, puerorum vero loca remotiora incolentium, instructionem alicui alteri committant: Cassanarii insuper, qui legere, ac scribere Syriace aliquos edocuerint, & ceteri huiusmodi ludimagistri Christiani, quotidie ante lectiones suos interrogent discipulos lingua Malabarica, ut in ipsorum mentibus melius imprimantur Christianæ Fidei rudimenta, nulli item puerorum ordines conferantur minores, immo nec tonsura, quin christianam doctrinam calleant, eamque Malabarice recitent, cuius rei examen subeant ad normam Concilii Tridentini. In cunctis etiam Ecclesiis, liber continens rudimenta Christianæ Religionis Malabarice conscriptus pro instruendis pueris, & rudibus asservetur: propterea rogat Synodus P. Rectorem Collegii de Vaipicota Societatis Jesu, ut illum per sui Collegii alumnos transcribi curet, atque adeo plura suppetant exemplaria ad singulas hujus Diocesis Ecclesias transmittenda. Postremo etiam atque etiam rogat, hortaturque omnes Christianos, ut vespertinis horis suos Domesticos, omnesque è sua familia instrui curent, unde captivorum, & servorum, quos alunt, sit nullus, qui rudimenta fidei ignoret: Confessarii etiam inter audiendum poenitentes, eos de mysteriis nostræ Fidei interrogent, atque ad ipsa addiscenda hortentur.

DECRETUM XIX.

CCXIX. **N**E Fideles Christiani hujus Dioceseos, quoad communes preces ab universali diffideant Ecclesia, ut hætenus fecerunt, omittentes in Salutatione Angelica postrema verba, præcipit Synodus, (silentio prætereundo impiam, & hæreticam formam salutationis Angelicæ, qua perfidi utebantur Nestoriani penitus proscriptam) eam sic recitari: *Ave Maria gratia plena Dominus tecum, benedicta tu in mulieribus, & benedictus fructus*

fructus ventris tui Jesus. Sancta (a) Maria Mater Dei, ora pro nobis peccatoribus, nunc & in hora mortis nostræ. Amen Jesus: præterea sic reformari in libris piarum precum, qui sunt in usu in hac Diœcesi.

DECRETUM XX.

CCXX. **Q**Uoniam fideles Christiani hujus Episcopatus, dum Sanctissimum profertur nomen Jesu, nullam ipsi reverentiam exhibent; ea nimirum impia, & hæretica doctrina imbuti, qua Nestoriani opinantur, duo esse supposita in Christo, & nomen Jesu esse nomen suppositi pure humani, quod non meretur specialem reverentiam, præcipit Synodus, ut quotiescumque nomen hoc, quod divinum est, ac tot tantaque in se continet mysteria, tum quia est nomen Redemptoris nostri, tum quia est nomen super omne nomen, in quo juxta Apostolum, oportet quod omne genu flectatur cœlestium, terrestrium & infernorum, præcipit Synodus, ut quoties profertur in Evangeliiis, orationibus, Missa, Concionibus, & exhortationibus, aut alias quomodolibet, caput omnes reverenter inclinent, sive stantes, sive sedentes, necnon Cassanarii aut ceterorum quilibet, vel pileis cooperti: Vicarii insuper & Concionatores id populo frequenter inculcent. Et quoniam hoc nomine (b) *Iyo* quod in lingua Malabarica idem est, ac nomen Jesu, sæpissime infantes donantur in Baptismate, præcipit insuper Synodus quamurgentissime, ut nemini deinceps in Baptismo imponatur, quique illud in Baptismate habuerunt, aliud assumant dum sacro Chrismate confirmantur, neque enim decet adeo sublimi, Divinoque nomine aliquem appellari.

G g

DE-

(a) De additione istius deprecationis, vide supra in Synodo num. 52. Not.

(b) Sanctissimum nomen *Jesu* Syriace ex Hebraico dicitur *ישוע* *Jescivang* cum litera *Ain* in fine: perfidi autem Hebræi pronuntiant contumeliose *Isaiu*, cujus significationem vide apud Maurocenum in *Via Fid.* pag. 1401. Frequens est apud Orientales, ex eo nomina componere, ut *Jesuabj* Jesus dedit, *Jesudad*, idem; *Jesuphani* Jesus exaudivit; *Kamjesu*, surrexit Jesus,

Sabrjesu spes Jesu; *Abdjesu*, Servus Jesu; quæ omnia, ut superius vidimus, in textu Lusitanico, & in versione Gallica Renaudotii, sunt valde corrupta; non secus atque hoc Malabaricum nomen *Iyo*, quod certe legi debet *Iso*, id est *Isus*, vel ut Græci pronuntiant, *Jesus*, id est *Jescivang*; Malabares enim carent litera gutturali *Ain*, non secus ac Latini & Græci: vide superius in Synodo pag. 128.

SYNODI DIAMPERITANÆ DECRETUM XXI.

CCXXI. **C**Um æquum sit, Festum Nativitatis Domini Nostri Jesu Christi non minus solenniter, quam uniformiter in tota Ecclesia Catholica celebrari; præcipit Synodus, ut in Sacra Nativitatis Christi Nocte Clerus, Populusque in Ecclesiam conveniant, canendi ergo solenniter quantum fas est, pro numero Sacrorum Ministrorum, Matutinas preces, itaut media nocte plus minusve absolvantur, ac postea de more solennis habeatur publica supplicatio, sive processio, qua finita, ea majori qua fieri potest celebritate, solennis Missa cantetur: postea poterunt Cassanarii unam legere Missam, ad Auroram alteram, & tertiam solito tempore; noverint item Sacerdotes, quod (a) præ Solennitatis magnitudine ipsis indulgetur hac die Sacrum ter celebrare: primum media nocte, alterum sub Aurora, tertium denique solita hora; vel etiam trinas, aut binas Missas diluculo, dum private legantur, quæ etenim publice, & coram Populo recitantur, ordine præfixo celebrari debent, itaut prima tantum media nocte celebretur: in prima autem, & altera Missa ablutiones non sumantur, sed sumpto Sanguine, prætermissa ablutione, Sacerdos celebrans ultra progrediatur: hoc enim pacto naturale jejunium in tribus servabitur: curent etiam plurimum Calices probe abstergere, necnon digitos aqua purificare, quæ exinde in piscinam subtus Altare, vel in fontem

(a) Priscis temporibus plures eadem die idem Sacerdos celebrabat Missas; id postea certis solennitatibus attributum fuit, nimirum, Nativitati Domini, S. Joan. Bapt. &c. Binas etiam in aliquibus solennitatibus celebrabant Sacerdotes; æque hoc tempore in Hispaniis multiplex hujus antiquæ disciplinæ viget consuetudo: in Ecclesia enim Oriolensi, ut constat ex ipsius Episcopo, in una *Oriol. n. Visitation. Sacror. Simin.* duas Missas in die Omnium Sanctorum, & duas in sequenti die commemorationis Defunctorum Sacerdotes celebrant. In universo etiam Regno Coronæ inclytæ Aragonum in die Defunctorum binæ dicuntur Missæ, a Presbyteris secularibus, ternæ vero a Regularibus, sive id descendat ab immemorabili, sive a Privilegio Julii III. vel Pauli III. vivæ vocis oraculo concesso: de quo videlaudatam *Oriolen. in Thesaur. Resol. Conc. Trid. d. 8. v. Aug. 1712.* Id etiam constat Archiepisc. Bracaren. istam Aragoniæ facul-

tatem postulasse a Clem. XI. Congregatio autem Concilii die 14. Martii anni 1711. rescripsit: *negative*. Serenissimo vero Hispaniarum Regi, idem indultum pro toto Regno Castellæ petenti ab Innocen. XIII. rescriptum fuit die 2. Maii 1722. *Non proposita*: quo honorifice denegarentur petita. In Ecclesia igitur Occidentali mos iste ter celebrandi die Natalis Domini, ubique viget, eo tantum exiguo discrimine, quod cum in ceteris Ecclesiis post mediam noctem dicatur prima Missa, in Venetorum aliquibus Ecclesiis, ante mediam noctem celebratur, juxta morem Capellæ Pontificis Sum., in qua ante noctis dimidium inchoatur Missa a Cardinali celebrante, qui jejunus manet ab usque præcedente media nocte; quæ hoc anno 1744. cantata fuit ab Eminentissimo Card. Dominico Passioneo, CL. atque eruditissimo viro, atque eruditorum fautore, ac promotore benignissimo.

tem aquæ benedictæ, vel in Baptisterium projiciatur; Siquis autem Sacerdotum imprudens in prioribus Missis ablutionem hauserit, ad sequentem non ultra progrediatur, cum jejunium, quod in celebrante exigitur, vel uno hauſtu fuerit solutum.

DECRETUM XXII.

CCXXII. **P** Ræcipit Synodus ut Sacerdotes solenniter ministrantes Sacramenta Baptismatis, Matrimonii, Extremæ Unctionis, necnon Sacram Eucharistiam extra Missam, Superpelliceo, ac Stola e collo pendente utantur pro majori actionis decencia, ac reverentia; cumque hætenus in hac Ecclesia usus superpelliceorum nullus fuerit, R. Metropolitanus quotquot fuerint necessaria suppeditabit; nullus itaque Vicarius hinc discedat, quin prius Superpellicem pro administrandis Sacramentis accipiat, quo ex præscripto Synodi, ea ministrentur juxta ritus, & Ceremonias Ritualis Romani, jussu R. Metropolitanæ Syriacæ translatis, quodque apud omnes asservabitur Ecclesiis; etenim in illo habetur baptizandi norma, ungendi infirmos, jungendi Sponsos, cum benedictionibus, ubi illæ exigantur; forma item Absolutionis Sacramentalis cum consuetis Orationibus, modus Eucharistiam conferendi; modus exorcizandi energumænos; benedictiones Aquæ, Cinerum, Candelarum, Ramorum; Ritus sepeliendi tam parvulos, quam adultos, Orationes pro Reconciliatione Ecclesiarum, & Cœmeteriorum; libri itaque hæc omnia continentes in omnibus habeantur Ecclesiis, nec Sacerdotum aliquis suo usui applicare eos audeat, vel ab Ecclesia auferre. Plurimum etiam commendat Synodus P. Rectori Collegii de Vaipicota Societatis Jesu hujus Diocesis, transcriptos per Alumnos hujus Collegii semper apud se plures habere nonnullos horum librorum, ut Ecclesiis, quæ illis indigent, distribuantur.

DECRETUM XXIII.

CCXXIII. **A** D eamdem uniformitatem servandam cum Sancta Romana Ecclesia, præcipit Synodus, ut die secunda Februarii (a) in Festo Purificationis Domini nostræ fiat ante
G g 2 Mis-

(a) In sanctionibus Arabicis Concilii Nicæni ex Abrahamo Ecchellensi in Collectione Harduin. tom. 1. col. 509. fit mentio *Festum Cereorum sive Purificationis*. Et cum ex

Tillemont. note 7. sur J. C. tom. 1. habeatur ex vita S. Theodosii Abbatis, quod medio V. seculo celebrabatur festum Purificationis, & ne tunc omnino novum id fuisse videatur,

Missam Cereorum benedictio, tum pertinentium ad Ecclesiam, tum quos alii in Dei cultum, & pietate impulsī, benedicendos attulerint: quæ quidem benedictio, prout habetur in Rituali Romano Syriace reddito, fieri debet; deinde absoluta solenni hac benedictione, per Ecclesiam, vel circa illam Cassanarii, & Chamazes suis insignibus amicti, & cum candelis accensis, longo ordine supplices incedant, quos comitetur Populus cum candelis pariter accensis, si illas habeant, in memoriam Mysterii, quod in hoc Festo celebratur: nimirum solennis illius ingressus, quo Jesus Christus Dominus Noster, divinum lumen, ac splendor Patris, primum introivit in Templum, semetipsum pro nobis, nostra indutum humanitate, Æterno Patri oblaturus. Similiter feria Secunda, Tertia, & Quarta ante Festum Ascensionis Domini eadem publica supplicatio habeatur, vel per Templum, vel alibi, prout Vicario visum fuerit, in qua (a) Litanie legantur juxta consuetudinem Sanctæ Romanæ Ecclesiæ, quæ pariter in eodem Rituali apponuntur, expunctis hæreticorum nominibus, quæ tanquam Sanctorum, Nestoriani in ipsis Litiis intruserant; exoptat præterea Synodus usum Litaniarum pro occurrentibus necessitatibus in hac Ecclesia introduci ad Divinam miserationem implorandam.

DECRETUM XXIV.

CCXXIV. **C**UM deprehenderit Synodus in remotioribus hujus Dioceseos partibus, tam Austrum, quam Aquilonem versus, Christianos Silvas incolentes, diebus Dominicis, ceterisque Festis, præsertim horis pomeridianis, quam licenter vacare labori, & Mercimonio: præcipit Vicariis, ut plurimum hac super re invigilent, invehantur, & coerceant, potissimum quos deliquisse comperient: qui vero post trinam monitionem perveraces fuerint, amoveantur ab Ecclesia, nec in ea eos admittant, nec *Casturæ* eis exhibeantur, neque Sacerdos ullus ad eos accedat, quousque cum effectu respuerint. DE-

revoçanda videtur hæc institutio ad seculum IV. unde ex hoc capite, non est cur de suppositione arguantur Sanctiones Arabica. Hac die duplicem celebrat Ecclesia solennitatem; prima est Hypapante, seu Presentatio Domini in templo; altera est Purificatio B. Virg. Mariæ. De mysteriis, atque utilitatibus Cereorum benedictorum hac die videlicet Conc. V. Mediolan. *Par. 1. Const. 6.* Cavetur autem opportune in Concil. Arelat. *ann. 1265. Can. 7.* ne utantur in pro-

cessionibus, aut Ecclesiis Cereis ligneis, cereæ colore tinctis, *quia non convenit quæ sunt cultus Dei, fœlitiæ & simulatorie agi: Candele di legno*: Italice dicuntur.

(a) Litanie minores aut rogationes ante Ascensionis festum tribuuntur ut auctori S. Mamerto Viennensi sub Hilario I. an. 461. majores vero in festo S. Marci, S. Gregorio Magno. In Hispania seculo VII. ex præscripto Concil. XVII. Tolet. per totos duodecim anni menses celebrabantur.

DECRETUM XXV.

CCXXV. **C**UM in hac Diœcesi plura olim erecta fuerint Templa Mar-Xabro, (a) & Mar-Prodh dicata, quos communiter Sanctos vociferantur, de quibus nihil aliud deprædicant, quam in has Regiones divertisse, plura patralse Miracula, demum Babylonem, unde venerant, remigrasse, vel ut alii asserunt, vita excessisse in Civitate Coulan, quorum tamen Sanctitas in vulgus sparsa in dubium revocari potest; neque enim quidquam eorum, quæ de ipsis narrantur, scripta vel authentico ullo monumento nititur, nec de eorum apotheosi in Ecclesia constat: immo non levis suspicandi causa habeatur, eos Nestorianæ hæresis Sectatores fuisse, cum Babylone huc venerint, tempore quo hæresis hæc maxime vigeat; præcipit Synodus ut quotquot Tempia ipsis dicata reperiuntur, omnibus Sanctis dicentur, solennia etiam omnia, & Nerchæ, (b) pro Mar-Xabro, & Mar-Prohd fieri solita, in Festo Sanctorum Omnium prima Novembris celebrentur: nec non in posterum eo titulo nullas ipsis Ecclesias nuncupari: etenim dicare Tempia, solennia instituere, ac horarias preces recitare non licet nisi in honorem Sanctorum, quos Ecclesia solenni ritu venerandos proponit, & quorum Sanctitatem ipsa publico iudicio approbat.

DECRETUM XXVI.

CCXXVI. **Q**UIA, ut experimento compertum est, plures Ecclesiæ latrocinis subjacent, eo quod Capsæ, in quibus Fidelium eleemosynæ deponuntur, non nisi diuturnum post tempus referantur, ex quo fit, ut egestate oppressæ, ea, quæ ad divinum Cultum necessaria sunt, comparare sibi non possint, præcipit Synodus, ut quot annis Kalendis Januarii quatuor viri probatæ fidei, & notæ probitatis in quacumque Ecclesia eligantur, quibus tanquam (c) Œconomis, rerum in Ecclesiæ bonum gerendarum cura com-

(a) Crozetus asserit, horum nomina fuisse Sapor & Perozes, & quasi intent. s. piaculi reum traducit Gouzeam & PP. Diamperenses; quod ipsos Xabro & Proth vocitaverint; hoc tamen levissimum crimen (sitale videtur) a proferendi modo inter Indos, aut celeritate loquendi ipsorum, facillime admitte potuit ab hominibus Europeis Vi-

de le Quien tom. 2. Orien. Christ. col. 1275.

(b) Quid sit Nercha vide in Syllabo vocum.

(c) Inter Canones Nicænos Arabicos extat 63. de Œconomis, qui curent res Ecclesiæ, e quibus unus aut plures proventuum, alii villarum, & sumptuum quotidianorum, alii demum sacre suppellectilis curam gere-

committatur. Exeunte deinde anno capsæ referentur, & pecuniarum, quæ in illis continentur ratio habeatur, & in librum referatur ab uno ex quatuor viris electis, qui Ratiocinatoris, sive Calculatoris munus obibit; postquam autem pecuniarum subductæ fuerint rationes, eadem pecuniæ reponantur asservandæ in Capsa tribus Clavibus obsærata, quarum Clavium una sit penes unum ex quatuor electis, eorum arbitrio deputandum, altera penes Vicarium, tertia penes alios duos. Ratiocinator enim nec Clavem, nec Capsam apud se retinere debet: habeat tamen hic apud se librum alium, in quo notet expensas, quæ ex dictis pecuniis fiunt in Ecclesiæ, sacræque suppellectilis instaurationem, vel ornatum: Quodsi ingentem summam impendendi necessitas occurrat, in hanc impensam omnes quatuor consentire debent: nec depositarum pecuniarum capsæ aliter referabitur, quam illis quatuor simul cum Vicario concurrentibus, quorum cuilibet, si forte sit impeditus, subrogabitur alius. Præterea quoties novi eliguntur, veteres, qui officio functi sunt, depositum, numeratæ prius coram illis pecunia, novis tradent: numeratæ vero pecuniæ summam Calculator in rationum libro notabit, & noviter electi, subscripto suo nomine, eam apud se depositam accepisse testabuntur, ut quovis tempore ratio accepti, & expensi constet, quantumque Ecclesiæ in bonis habeat. *Prelatus* insuper in visitatione huiusmodi libros ad examen revocet, & expensarum rationem poscat, & siquid impendere opus sit in bonum Ecclesiæ, id fieri decernat. Postremo Synodus rogat R. Metropolitam, ut quantocius hoc decretum in proxima visitatione executioni mandari jubeat, ne res adeo Ecclesiis proficua effectui careat.

DECRETUM XXVII.

CCXXVII. **Q**uia Ecclesiæ fere omnes hujus Diœceseos pulvere, & araneorum telis notabiliter sordent, & vix unquam verruntur^(a), & mundantur, deficiente, qui munus hoc habeat

rent. In Canone autem 68. ex *Nicano-Arabici* Abrahami Ecchellen. unus tantum Oeconomus assignatur Ecclesiis, Procuratores vero plures. In Ecclesiis Hispaniæ secul. VI. vocabatur *Oconomus*, qui vice Episcopi res tractabat Ecclesiasticas, sine quo nullum Episcopum esse oportebat, ut patet ex Concil. *Tolet. IV. anno 633.*

(a) At non tantum incuriæ ministran-

tium id tribuendum est, sed quia illi Christiani, ex consuetudine ab indigenis Ethnicis derivata, nullo aut latere, aut marmore Ecclesias sternunt, sed solo vaccarum stercore, quod frequenter renovant, immo eodem, parietes Templi ad duos, tresve altitudinis palmos bene perliniunt, quo illa ornatio reddantur: vide Vinc. *Max. lib. 2. cap. 6.*

beat, unde ab illis nitor omnis, & mundities abest; jubet Synodus certam detrahi portionem ex eleemosynis Ecclesiæ, Capiario sive Sacristæ assignandam, cujus sit Altaria mundare, pulverem e parietibus excutere, lampades, & candelabra expolire, terque ad minus in hebdomada Ecclesiam verrere: Capiarius etiam curabit, ut perpetuo lampas uno saltem lychno, ante aram maximam ardeat, sicuti, & quod Urcei olearii, in quibus asservatur oleum ad alendas lampades, in loco seposito ab Ecclesia collocentur, in qua solum poterit reponi urceolus aliquis, ut sit ad manus, dummodo aspectui non pateat: situlae etiam, & lebetes in Ecclesia non collocentur, aut alia quælibet parum decentia, sed hæc omnia alibi, aut in domo Capiarii, aut Œconomorum recondantur; Ecclesiæ demum eo quo par est nitore perfulgeant, nec ut antea fordida supellestile deturpentur.

D E C R E T U M X X V I I I .

CCXXVIII. **P**Ræcipit Synodus ut in quolibet Sacratio, sive Sacristia sint plutei obserati, in quibus asserventur Calices, Corporalia, & Vestes Sacræ; sicubi autem non existat Sacristia; plutei hujusmodi in aliquo Ecclesiæ angulo collocentur, quousque sacrarium ædificetur: in Ecclesiis vero Silvarum, ubi adest latronum periculum, Vicarii sacram supellestilem domi suæ conservent. Curent etiam, ut supra Altaria non relinquantur, sic enim vestes, & corporalia fordescent, & Altaria ipsa impediuntur. claves autem armariorum Vicarii retineant; cumque omnes ferme aræ maximæ in Ecclesiis sint æstuosæ, & subobscuræ, fenestræ, fiant circa illas, quæ ferreis clathris ita muniantur, ut luci, aerique liberiori pateat aditus; Ethnici vero foris astantes Divina Mysteria prospicere nequeant.

D E C R E T U M X X I X .

CCXXIX. **Q**Uoniam universæ pene hujus Diœceseos Ecclesiæ, tabulis supra aras appensis destituuntur; quippe Hæretici Nestoriani, qui olim Ecclesiis præsidebant, laudabilem usum Sacrarum Imaginum (a) respuebant; mandat Synodus, ut ex elec-

(a) Qui de rebus Indiæ pertrastarunt Josephus Indus, Croxans, alique asserunt, Nestorianos nullam SS. Imaginem, aut Icones venerari Cruce Domini excepta; con-

trarium autem ostendit eruditissime, ut asolet, Asseman. *tom. 4. Bibl. Orient. pag. 350.* ita ut etiam latissime jam propagata hæresi, SS. & Imaginum apud eos cultus integer,

eleemosynis Ecclesiarum depictæ tabulæ comparentur supra aras appendendæ, quæ res tamen, sicuti alia quælibet, juxta Præfulis arbitrium placitumque fieri debet. Hæc autem post erectionem, Fontis Baptismatis, ubi instauratio Ecclesiæ non urgeat, prima omnium cura sit. Incipiendum est ab ara maxima cujus tabula Titulari illius Templi respondeat, deinde progrediendum ad aras minores, & laterales, si plures aræ in eadem Ecclesia fuerint; ac in cunctis Crux præter tabulam, e quacumque materia efformata, colloceatur. Præterea in cunctis Ecclesiis, si capacitas Ecclesiæ id patiat, Pulpitum erigatur, e quo Sacer Orator verba ad Populum facere possit: signa item quibus convocentur Fideles debito tempore in Ecclesiam, in (a) turribus appendantur, quæ instrumenta intra Ecclesiam locari non debent, quia plurimum perturbationis afferunt, & Ecclesiam ipsam impediunt: sicubi autem periculum immineat à latronibus, qui instrumenta illa surripiant, erigatur turris undequaque clausa, & latronibus impervia; sed quia pluribus in locis Reges, & Bracmanes Pagodum erigi extra Ecclesiam sublimi in loco Turres vetant; timent quippe (quod est ipsorum delirium) ne Pagodes campanarum sonitu contristantur: in iis locis, in parte aliqua superiore, vel inferiore Ecclesiæ, Campanæ hujusmodi suspendantur, itaut templum non impedian, nec manibus contrectari possint. Postremo si alicubi Cymbala non fuerint, permittitur à Synodo usus instrumentorum ligneorum, quorum collisione Fideles ad audiendum Sacrum, vel concionem congregentur, juxta veterem consuetudinem, quod tamen permittitur usque dum ænea & aptiora ad hunc usum instrumenta consulentur.

DECRETUM XXX.

CCXXX. **D**ocet Synodus, ac declarat, ex vetusta lege, quæ semper viguit, & servata fuit in Christi Ecclesia, plures recenseri casus, in quibus polluuntur, (b) sive violantur Temppla,

illibatusque permanferit. Unde quod ait Synodus, id ex defectu Pistorum in Malabaria, vel suggestione Hebræorum ibi degentium, accidisse æstimandum est.

(a) De campanariis Turribus, ut vocant; legis nostrum Angelum de Rocca tom. 1. pag. 170. & seq. & de campanarum Baptismo, ut sit in Hispania *ibidem* p. 65. leviora tamen quedam castiganda essent: Malabares autem Ethnici, solum permittunt Christianis, campanas intra Ecclesiam

appensas habere, non vero extra illam in Turri, eo quia, ut ajunt, ex campanarum sonitu Idola & Pagodes contristantur.

(b) Casus, in quibus Ecclesia etiam non consecrata polluitur, recensentur in Concil. Nugarolienſe IV. Non. Dec. anno 1503. celebra'o Can. 12. scilicet seminis aut sanguinis effusione violenta, sepultura excommunicatorum & interdictorum, Hæretici, Schismatici, Pagani & Judæi; quod si ossa discerni & exhumari non possint per Epif-

pla, ita ut in ipsis Sacrum celebrare, aut sepelire mortuos non liceat quousque expientur, id quod ob Juris ignorantiam usque hactenus in hac Dioecesi neglectum penitus fuit. Casus ergo, in quibus polluantur Tempia sunt. Primo si injuste effundatur humanus sanguis intra Templum, vel si vulnus lethale ibidem infligatur, etiam si vulneratus egrediatur, & extra Templum sanguinem effundat, vel etiam moriatur: non tamen polluitur si res vice versa contingat; nimirum vulnus lethale infligatur extra Templum, & vulneratus confugiens in Templum, ibi sanguinem effundat. Similiter polluitur, quamvis percussio vel vulnus inflictum in ipso Templo lethale non sit, dummodo sit cum effusione sanguinis, & injuriosum. Secundo si semen voluntarie effundatur intra Templum, etiam si id fiat per copulam conjugalem. Tertio si cadaver excommunicati in Templo sepeliatur. Quarto idem contingit, si sepeliatur in Templo Ethnici cadaver: in quo casu non solum expiari Templum Sacris precibus, & benedictionibus, sed etiam parietes abradi debent. Quinto si Consecratio, aut benedictio Templi fiat ab Episcopo publice excommunicato. In his casibus Templum expiandum est ab Episcopo, & non ab alio, si Templum fuerit ab Episcopo consecratum; si vero fuerit tantummodo benedictum, vel ab Episcopo, vel ab alio Sacerdote, id fieri debet à Vicario Ecclesiæ juxta præscripta in Rituali Romano Syriace translato; sciendum insuper, quod violata Ecclesia, violatur etiam Coemeterium contiguum: non vero ab illa separatum; si autem ob enumeratos casus Coemeterium violetur, non exinde violatur Ecclesia, etiamsi Coemeterium sit illi proximum.

DECRETUM XXXI.

CCXXXI. **Q**Uoniam reverentia debita Sacris Templis sæpissime in hac Dioecesi violatur, (a) cum sæpè sæpius Aegroti uxorati per plures dies cubent cum suis Uxoribus in ipsis Templis, sperantes ob hanc diuturnam moram, & assiduitatem in

H h orando

caput tantum asperzione aqua benedicantur. Quo autem ritu Ecclesia, vel ob imminuentem ruinam, vel alia quacunque causa profananda sit, docetur atque præscribitur a S. Carolo Borromæo in Concilio Mediolanen. IV. Par. I. Constit. 20. ubi juxta Tridentini sanctionem inter alia commendatur, quod in eo loco ad usum profanum converso Crucis insigne, ita figatur, ut inde facile amoveri nequeat.

(a) Ecclesiastici Malabareses, iter agentes, in Ecclesiis hospitantur, ibique somnos capiunt subtrato tegere; victus autem ipsis ministratur ex eleemosynis Christianorum vel ex Fabricæ deposito. Plures etiam novendialem Deo vovent in Ecclesiis cum tota familia commorationem, atque in eisdem cubant, & comedunt, præsertim tempore ægritudinis, ut Synodus indicat: Vide Vinc. Mar. lib. 2. cap. 6.

242 SYNODI DIAMPERITANÆ

orando , ope Sanctorum se pristinam sanitatem recuperaturos : im-
mo simul cum ipsis tota familia ibidem cohabitet , ex quo fit , ut
plurima , maxime indecentia ibi fiant : præcipit Synodus ut nulli
omnino id permittatur , præter quam tempore belli , si Populus
inermis in Tempia confugiat consulendi causa propriæ incolumita-
ti : ceterum tempore ægritudinis postquam preces fuderint , cubi-
tum eant in proprias domos , aut domos propinquiores , si forte
majori cum perseverantia orare velint , vel etiam se recipiant in
Templi Porticu , nullo modo autem intra Templum ipsum .

DECRETUM XXXII.

CCXXXII. **C**UM frequenter contingat , ut eorum Cadavera , qui
in silvis obierunt , sine ullo Sacerdotum inter-
ventu , & sacrarum precum , & exequiarum honore in locis pro-
fanis sepeliantur : præcipit Synodus , ut propinqui , aut ii , apud quos
decefferunt , e locis remotioribus asportent cadavera ad loca Eccle-
siis propinquiora , unde Vicarius superpelliceo , ac stola indutus ,
præeunte Cruce , eamque comitantibus Cassanariis , sacrasque pre-
ces canentibus , ea accipiat , & Ecclesiastica sepultura donari curet .
Quæ Christianæ caritatis officia erga silvarum incolas quantumvis
pauperes , & mendicos , etiam nullo erogato stipendio Vicarii
exercere debent . Quodsi tunc temporis nulli in Ecclesia Cassanarii
reperiantur , nec aliunde opportune advocari possint , Christiani
ipsi , quotquot haberi poterunt , Christianorum silvas incolentium
cadavera , orantes pro ipsorum animabus Ecclesiasticæ sepulturæ
tradant , vel in Ecclesia , vel in Coemeterio . Qui vero hæc pia of-
ficia neglexerint , & recusaverint defunctos ad Ecclesiam asporta-
re , vel in loco profano sepelierint , graviter puniantur à Præsule ,
& ad arbitrium mulctentur .

DECRETUM XXXIII.

CCXXXIII. **Q**Uoniam pustularum morbus in hisce regionibus
censetur maxime contagiosus , sæpe contingit ,
ut Christiani , qui hoc morbo moriuntur , Ecclesiastica sepultura
fraudentur . eo quod aliorum Christianorum sit nemo , qui velit eos
ad Ecclesiam asportare , quod cum maxime dedeceat , & Christianæ
caritati adversetur : Synodus inculcat Vicariis , ut omni ope cu-
rent , ne defuncti huiusmodi piis exequiis , & Ecclesiastica careant
sepultura : quamobrem horum cadavera saltem a longe comiten-
tur ,

tur, simul cum reliquis Cassanariis sacras, ac funereas preces canentibus, ac demum tumulari curent. Quæ omnia ad munus suum spectare meminerint, poterunt tamen in iis exequendis debitam cautelam adhibere.

DECRETUM XXXIV.

CCXXXIV. **D**ecernit Synodus ut ubi in pago aliquo, aut vico erectum fuerit Templum aliquod in alicujus sancti honorem, a quo nomen habeat, si ibidem erigatur aliud (a) Templum, non eidem Sancto, sed alteri ut Titulari dedicetur; tum ut solennitates distribuuntur, & stitis temporibus unumquodque Templum à Populo frequentetur; tum etiam ne contentiones fiant. Quamobrem declarat, nullam fieri, ut aliqui falso opinantur, injuriam alicui Sacræ Ædi, si in eodem pago, vel vico aliæ non eidem, sed Sanctis aliis dedicentur, & eorum nomine inscribantur, quæ stulta opinio in causâ est, ut alicubi omnes Ecclesiæ ejusdem Sancti nomine appellentur. Statuit itaque, ut recurrente annua celebritate Sancti Titularis alicujus Ecclesiæ, vel dum in illa solennis aliqua festivitas celebratur, vel conciones habentur, dum idem non fiat in propria unius cujusque, omnes in eam Ecclesiam conveniant, & ibi congregentur; ne discordiæ inter Ecclesias, quæ Christianæ caritati maxime repugnant, & usque hætenus viguerunt, ut compertum fuit Synodo, in posterum foveantur. Pro ampliori tandem Ecclesiarum cultu præcipit, ut in iis, quantum fieri potest, erigantur Sodalitia, sive Confraternitates sub eodem Titulari, quippe ex iis Ecclesiarum indigentia non parum emolumenti accessurum videtur.

DECRETUM XXXV.

CCXXXV. **V**ehementer urget Synodus Ecclesiarum Vicarios ceterosque Sacerdotes, ut ad Infidelium conversionem impigre incumbant, eosque ad fidem Catholicam suaviter ac honestis mediis alliciant; potissimum Evangelii prædicatione, nec minimam occasionem eos adducendi ad agnitionem veritatis elabi sinant, tam *Naires*, quam (b) *Chegos*, ceterosque

H h 2

obscu-

(a) Hujusmodi stulta opinio, alte infederat Indis Malabariz, ut putarent ægerime laturum Sanctum illum, cui aliqua Ecclesia dicata erat, si non reliquæ ejusdem oppidi sibi etiam dicarentur, quasi Sanctos

invidentia & æmulatio tangere aliquo modo posset, quæ mortales adurit.

(b) Præter *Naires*, quo nomine veniunt Braemanes; Principes & Christiani Sancti Thomæ, reliqui recensentur tan-

obscuri generis; *Malleas* præsertim montana incolentes, quos ferunt, non adeo esse suis erroribus, ac Idololatriæ addictos, quinimmo Evangelicæ doctrinæ recipiendæ paratiores; undecumque etiam aliqua interluserit erga conversionem ipsorum spes, illico Præsuli deferant, ut meliori, & opportuniori, quo ipse judicaverit modo, obtineri posse finem conversionis majoremque Dei cultum, solícite provideat. Urgenter etiam insinuat, ut cum à Castanariis hujus Dioeceseos plurimæ diversis in locis obtentæ fuerint conversiones; studium hoc convertendi Infideles, semper magis magisque in dies promoveatur; cujus rei Illūnus Metropolita maxime auctor fuit. Assidue igitur munus hoc demandetur Sacerdotibus, & ubi non infrequens Christianorum numerus accreverit, statim Tempia cum propriis erigantur Parochiis, ut ab iis pabulum accipiant spirituale.

D E C R E T U M XXXVI.

CCXXXVI. **C**um Synodo innotescat, facilius ad fidem accedere præ Nairis, & Nobilibus, stirpe obscura prognatos, vehementissime cupit modum adinveniri, quo Nobiles ad Christianam Religionem conversi, cum aliis Christianis in eadem simul Ecclesia convenire possint, ut par est, (a) cum omnes unum Deum

quam obscuri abjectique generis; qui pluribus variisve nominibus vocantur *Parreas*, *Polleas*, *Chegos* &c. *Malleas* vero dicebantur illi, qui montana incolebant & jugum montis *Gassis*, qui utpote melioris indolis Menestio cordi erant, atque ad ipsos Missionarios direxit.

(a) Si verum esset quod Crozas scribit pag. 477. *Hist. Christian. Ind.* nimirum, aversionem ac separationem istam Nairum a reliquis, nullo religionis Malabaricæ principio ianiti, sed sola consuetudine, Braëmanum institutionibus roborata, explicatio nobis appareret ratio, quæ Synodum nostram impellere poruit, ad ejusmodi separationem, & fugam contactus tolerandam, tam in præsentis Dec. 36. quam in Dec. 2. proximæ Actionis 9. & quidem eo loci *superstitiosa consuetudo* appellatur: si enim ad religionem pertineret, nulla ratione tolerari debuisset; *quæ enim conventio ubi isti ad Belial?* Et quidem Indorum Prophetæ quidam *Kaviler* nomine, ut eam consuetudinem extirparet, asserbat, Birumam (Indorum Idolum) pellicem ada-

masse ex abiectissima *Borejanorum* stirpe procreatam: tum addebat similia dictis a Synodo verba: *Cælum indifferenter pluit super hos & super illos: Sol aequaliter in omnes, lumen suum expandit: Fluviorum genus unum est, sicut Deus unus est.* Gnangoles etiam (viri sunt inter eos Indos devotioni dediti) nullam Tribuum discretionem observantes, cum omnibus sive Nairibus, sive Parreis colloquantur, omnium ædes frequentant: *Nonne omnes nos* (eorum quidam agebat) *eadem sumus origine prognati? An non unum est Idioma, una lex nobis communis? Nativitas & mors eadem est omnium nostrum; nulla ergo discretio hominum in humano genere.* Ut igitur contrarium iis sapientum Indorum dictis præjudicium, atque consuetudinem aliquando Indi exuerent, Serenissimi Lusitanæ Regis interpositione, agendum esset, ut Nairibus adscriberentur, quicumque fierent Christiani. Vide A. 9. Dec. 2. Interea tamen, & quasi ex nostra Synodi amissi (quæ in hac re maximi faciendæ est) plenissime illis Christianis prospexit nuper

Deum colant , eandem teneant fidem , eisdem utantur Sacramentis , idem etiam cum sit Dominus omnium , apud quem nulla est Personarum acceptio , aut ignobilium , magnatumve discretio ; ceterum hæc accuratissime pertractando plurimum etiam cunctis his diebus Dominum obsecrando , ac diu multumque circa opportuna media conferendo , nullum hætenus inventum fuit , eo quod cuncti Christiani , Regibus , Dominisque Ethnicis sunt subiecti , qui omnem cum illis familiaritatem , comitatemque hucusque iis exhibitam abrupterent , ubi eosdem abjecti generis quemquam attigisse , constiterit ; quibus omnibus pro rei gravitate à Synodo perpensis , præcipit , ut cum aliqui obscuræ stirpis Christo nomen dare voluerint , ad Baptismum recipiantur , idque continuo Præsuli nuntietur , ut ipsis separatam Ecclesiam , & particularem Ministrum Sacramentorum assignet , qua ratione fiet , ut iis , qui de abjecta progenie ad fidem , & salutem à Deo vocantur , aditus ut hætenus ad illam non intercludatur : quandiu vero peculiare pro illis Templum non extruitur , Sacro è porticibus assistant , quousque ab Ethnicis Regibus , movente Deo eorum corda , non impetretur , ut quicumque obscuri generis fiant Christiani , nobilium albo adscribantur , & sic omnis quoad contactum scrupulus depellatur : itaque Synodus etiam atque etiam rogat Majestatem Regis Lusitanæ , ut auctoritatem suam , qua apud Reges Dominosque Malabaricos maxime pollet , adhuc finem interponat .

D E C R E T U M X X X V I I .

CCXXXVII. **C**UPIENS Synodus Montanam hancce Ecclesiam , omnibus conformare consuetudinibus Latinæ , necnon Sanctæ Matris Ecclesiæ Romanæ , cui perfectam detulit obedientiam , cum probe sciat , juxta morem ipsius signum Crucis , & benedictionem à læva ad dexteram partem duci , itaut dum proferuntur ea verba : *In nomine Patris , & Filii , & Spiritus Sancti* , prius contacto capite manus per pectus deducatur ad ventrem ; deinde transversim , Crucem perficiendo (a) ab humero sinistro ad dexterum transferatur , id quod mystica significatione non caret : significat enim virtute Crucis Christi Filii Dei , ac Domini Nostri
a leva

SS. D. N. Bened. XIV. sua Constit. *Omnium sollicitudinum* : die 11. Sept. anni 1744. qua omnia discutit , digerit , atque cavet .

(a) Re vera scrupulosius egit Synodus circa efformationem Crucis , cum Ecclesia Orientalis uno modo , Occidentalis altero ,

alio etiam Ruthenica vivificum illud signum salva semper fide , designare potuerit . Vide Asseman. *tom. 4. B. bliot. Orient. pag. 388.* & Bernard. Ribera Barcinon. *Quæst. 1. Echo. Fid. pag. 355.*

246 SYNODI DIAMPERITANÆ

à laeva reprobtorum translatoſe eſſe ad dexteram partem , quæ eſt electorum ; præcipit , ut in inſtruendis pueris , reliquiſque , ipſis inſinuetur modus ſe ſignandi Cruce , qui adhibetur in Eccleſia Latina , atque adeo abrogetur modus inverſus , quo ſe ſignant in hac Dioceſi , ducendo manum ab humero dextero ad ſiniſtrum. Hic etiam modus , quem tenet Eccleſia Latina ſervari debet a Sacerdotibus , dum benedicunt Populo , ſive in Miſſæ Sacrificio , ſive in Sacramentorum adminiſtratione .

DECRETUM XXXVIII.

CCXXXVIII. **D** Eclarat Synodus executionem Teſtamentorum legitime nuncupatorum , ac ultimarum voluntatum eorum Chriſtianorum , qui deceſſerunt , ad Præſules , & Episcopos Jure Canonico attinere ; quamobrem ut id inconcuſſe ſervetur præcipit : quicumque itaque ex Chriſtianis Teſtamentum cujuſcumque rationis condiderit , quod juxta conſuetudinem ac Regionis ſtylum , ſit validum , ſi elapſo anno ab obitu Teſtatoris ejus voluntas adimpleta non fuerit , Præſul ad illud exequendum hæredes cogat , ac ceteros , quorum intererit , poenis etiam , ſi opus fuerit , ac cenſuris .

DECRETUM XXXIX.

CCXXXIX. **C** UM ſæpius contingat , ut migrantibus ex hac vita aliquod , & ſcandalofum crimen per ora vulgi circumfertur , etiam ſi illius nulla habeatur juridica probatio , nolint pro illis reliqui Chriſtiani orare , nec juſta funebria illis perſolvere , quamvis in mortis articulo Confefſarium petierint , vel fuerint confefſi , quæ quidem omnia regulæ adverſantur , & conſuetudini Eccleſiæ , quæ neminem publicis orationibus privat , præter excommunicatos , vel quos in actuali peccato mortali mors corripuerit , nullo prævio contritionis ſigno : præcipit Synodus , ut quantumcumque quis deliquerit , dummodo non moriatur anathemate ligatus , vel in actuali peccato , nullo exhibito contritionis ſigno , vel decumbens opportuno tempore confiteri recuſaverit , & Sacerdotem , qui ejus confeſſionem exciperet , arceſſere noluerit , ut in Decretis de Sacramento Pœnitentiæ ſtatutum fuit , pro illo orent Chriſtiani , funeris officia erogent , eumque in loco Sacro ſepeliant , iſdem funereis precibus recitatis , quæ pro ceteris Defunctis recitari ſolent .

DE-

DECRETUM XL.

CCXL. **G**ratias in Domino agens Religiosis Societatis Jesu Collegii de Vaipicota hujus Diœcesis, aliarumque residentiarum ipsius, ob egregie navatam operam in docendo, instituendoque hujusmodi Populo Christiano, necnon uberiore eorundem Christianorum fructu procurando, facultatem impertitur Synodus prælaudatis Religiosis, cum illius Collegii, tum aliarum residentiarum majorum alumni, necnon hospitibus, ut in quacunque Ecclesia, ad quam accesserint, valeant conciones habere, Catechismum explanare, Confessiones excipere, cetera demum Sacramenta solenniter ministrare; nulla alia præter hanc licentia requisita; Matrimonii Sacramento excepto, quod nisi Parocho consentiente, aut postulante administrare non poterunt; præcipit præterea Vicariis ceterisque Ecclesiæ Cassanariis, cunctoque Populo, ut per humaniter, & cum gaudio laudatos Patres excipiant, immo etiam gratulabundi animi significatione ob labores, ac dispendia ab ipsis tolerata in Montanis, & inaccessis Regionibus irrequieto gradu percurrendis, unice procurandi causâ Animarum salutem. Alacriter etiam ab iis condiscant, quæ ad Sacramentorum administrationem pertinent, & Populum in iis, quæ ad æternam salutem necessaria sunt instruere: Vicarii insuper, dum illi, vel prima Christianæ Fidei rudimenta tradunt, vel concionem habent, diligenter curent, ut Populus in Ecclesiam conveniat: plurimum etiam confidit, sibi que pollicetur Synodus, laudatos Patres omnia hæc munia unanimiter cum Parochis, ceterisque Ecclesiarum Sacerdotibus, uno ac indivulso caritatis, & benevolentiae spiritu fore adimpleturos.

DECRETUM XLI.

CCXLI. **C**UM Constitutiones Sedis Episcopalis Goensis in Synodis ipsius Provincialibus, fuerint pro tota Provincia receptæ, & fideliter, (id quod decretum fuit) in tota Provincia servatæ; cumque ad illam hæc pertineat Ecclesia, tanquam suffraganea, comprovincialis, atque adeo prælaudatis obnoxia Conciliis; Synodus probe cognoscens, quantum Constitutionibus illis deferendum sit, præcipit ut hæc Diœcesis per eas, quantum res tulerint, gubernetur, & potissimum ubi agitur de iis, de quibus hæc Synodus nihil expresse docuit. Decernit insuper, appellationes ad peti-

petitionem partium concedendas esse ad Metropolitanum à sententiis in hac Episcopali Sede latis, dum illæ legitime, & prout de Jure interponantur, & in casibus etiam in quibus concedi solent. Nihil tamen innovat circa modum, quo tranquille fere omnia Litigia ex conventionem partium componuntur à proprio Præsule simul cum quatuor, aut pluribus adjunctis pro libito Partium, qua ratione plura dissidia, discordiæque vitantur: ceterum non convenientibus partibus, & ad Metropolitanam appellationem interponere cupientibus, ipsis appellatio juxta præscriptam juris formam concedatur.

A C T I O I X.

De reformatione morum.

D E C R E T U M I.

CCXLII. **C**UM ex pravis consuetudinibus, quæ à Populo fidei extirpari debent, ex omnium pessimæ jure, ac merito habeantur, quæ Ethnicorum superstitionem, vanosque, ac detestabiles illorum ritus redolent: cumque pravis hisce usibus Diœcesis hæc abundet, vehementer Synodus cupit, ut prorsus eliminentur, adeo ut Populus hic Christianus, suam Religionem nullis maculis deturpatam, & ex omni parte illibatam, & puram profiteatur. Quamobrem jubet vitari prorsus, (a) quæ sequuntur. Primo lavacra, quæ plures, superstitione ducti, ut ritum sacrum colere solent, dum quis ipsorum in domibus vita defungitur, deinde prandia postridie fieri solita pro defuncto ab illius propinquis: quæ lavacra præterire piaculum putant. Lineas etiam quasdam ex oryza circulariter ductas, in quibus circulis Personæ quædam, occasione sponsalium locantur, aut cum primo oryza Infantibus de more exhibetur, id quod huic Populo solenne est. Item consuetudinem superstitione detrahendi filum unum, quando velum, vel panni genus aliud diffecatur, ad flammeum faciendum, quo spectat etiam similis consuetudo venditorum *Nelle* (b), qui post eum emptori admensum, ex eodem duo grana superstitione sibi accipiunt. Quæ quidem omnia, cum sint vani ritus Ethni-

(a) Cuncta, quæ præsentī prohibentur Decreto valde indifferentia reputavit Crozaus; debuerat autem antiquitatis ecclesiasticæ vanissimus assertor semel percurrere antiquos Canones, & præcipue Concilii Liprimensis *Judicium superstitionum*, &

paganarum, quo disceret quam solite caveri debent similes ritus atque ceremoniæ, ex præscripto priscorum Canonum. Videbis etiam *Canonem 61. inter Trullanos*; & Cl. Muratorium *Antiq. Dissert. 59.*
(b) Vide Syllab. Voc. Exotic.

Ethnicorum, a Synodo reprobantur, nec non severe præcipitur, ut qui ejusmodi superstitiones adhibent, à Præsule acriter puniantur.

D E C R E T U M I I.

CCXLIII. **G** Ratissimum esset Synodo, ut penitus deleretur superstitiosa consuetudo ab Ethnicis Malabariæ descendens, rationi & Christianæ caritati valde dissona, refugiendi nimirum contactum eorum, qui ex humiliore fuerint genere, immo cum eos tangentibus nullam habendi communicationem; sed cum Christiani hujus Dioceseos sub ditione existant infidelium Regum, quibus, exceptis iis, quæ ad fidem pertinent, in reliquis omnibus morem gerere debent, cumque Christiani aliquem ignobilioris stirpis tangentes, à Commercio aliorum segregentur, itaut nec eos alloqui, neque cum iis negotium ullum pertractare, neque inter illos degere possint; declarat Synodus (a) consuetudinem hujusmo-

I i

(a) Consuetudinem hanc, quæ alias *superstitiosa* appellatur supra tolerandam esse, Synodus decrevit; sub ea conditione, nempe quod Christiani agnoscant, eam esse usum prorsus inanem, & cujus fundamentum nulum sit a religione petiturum; quod si animadvertamus id quod superius statuerat Synodus speciales illis abjectæ stirpis hominibus Parochos deputare; hæc, inquam, omnia adamussim respondent menti S. Romanæ Ecclesiæ, quam cunctis aperuit nuperrime SS. D. N. Benedictus XIV. *sol. rog. sua. Const. Omnium sollicitudinum* conceptis verbis; quum pollicentibus PP. Soc. Jesu certos alios delegare Missionarios, qui Parreis converendis darent operam: *Hoc (ait) consilium pro temporum circumstantiis, probandum commendandumque esse duximus*; decem deinde annorum spatium, huic consuetudini tolerandæ, tanquam ultimum terminum statuit; eandem etiam apponit conditionem, quam nostra Synodus, nimirum: *Modo si in ea non sint opinione ut credant (sacramentalia) esse indecentem sacramentalis ritus materiam*: uti de contactu Synodus tolerandum esse declarat, dummodo Christiani agnoscant esse usum omnino inanem, neque ad religionem aliquo pacto attingere. Quæ in re nostræ Synodi Decreta plurimi faciendæ sunt; tum ob Menessii probatissimum zelum, qui vel minima quæque, multa religione penita-

bat; tum quia PP. Diamperitanis cognitior præ aliis erat & gentium & rituum hujusmodi indoles; atpote indigenis. Ad Politicam ergo potius quam ad Religionem, contactus fugam referri debere compertum est; cum enim inter illas gentes nulla essent dignitatum, aut titulorum nomina, quibus optimates a plebeis discerni possent; non Duces, non Comites, non Marchiones, id unum illis supererat, quo distinguerentur Nobiles ab ignobilibus, contactus atque commercii fuga; cum illis non colloqui, matrimonia non inire &c. aut etiam a professione, & officio, nobilitatem generis dimetiri. Unde ex gentes, omnia rem hanc spectantia, sive quæ institutore Deo, de discretionem ac separationem tribuum, etiam quoad Matrimonia, Hebræi observaverant, sive quæ Egyptii Politici præscriperant, sive quæ nostrates ab illis remotissimi, servant, qui facilem ad se accessum, aut nimum proximum contactum abjectorum hominum, de more non patiuntur; hæc, inquam, omnia sibi servanda proposuisse videntur; perturbata tamen atque confusa methodo, ut certum aliquem ordinem atque Hierarchiam sibi statuerent. Rem totam ita explicat, diu apud eas gentes versatus P. Vincent. Maria S. Cathar. in *suo Itiner. Ind. lib. 3. cap. 10. India Ethnici, a professione & arte seu officio, non secus ac Hebræi duodecim tribubus, ratione stir-*

di contactus vitandi propter Ethnicos, dummodo Christiani agnoscant, cum esse usum omnino inanem & superstitionem Ethnicam, cujus nullum fundamentum sit; adeoque si sponte sua id non faciant, à superstitionis nota & scrupulo esse immunes, ob adductam rationem; unde hæc consuetudo Christianis permittitur iis in Locis, in quibus à Nairibus videantur, aut vereantur ne videri possint, vel saltem possit sciri, si forte aliquis ex prædictis contactibus habitus fuerit: in Locis vero remotis, aut Coloniae Lusitanorum nullo modo servetur, eamque ibi sine superstitionis nota servari non posse, declarat Synodus; immo Christianos omnes hortatur, ad humaniter agendum cum pauperibus, & ad excipiendos juxta Christianæ caritatis leges quoscumque, quantumvis abjecti generis; præsertim si Christiani fuerint; illudque meminerint: coram oculis Dei omnes nos esse pares, nec apud ipsum esse distinctionem Personarum, generis, aut Dignitatis, nam idem est Dominus omnium; quodsi non obstante cautela, quæ ipsis in Regionibus sub Regum infidelium ditione positis permittitur, accidat ut aliquem ex ignobili stirpe tangant, illud maxime caveant, ne lavacra adhibeant; cum an loti sint nec ne, ab infidelibus resciri non possit. Caveant etiam Christiani, qui regiones ad australem plagam sitas incolunt, ne (quod à pluribus eorum fieri compertum est) vitent contactum etiam Nairum, vel postquam casu ipsos tetigerint, se lavent, eo quod se nobiliores illis censeant; atque adeo per contactum hujusmodi labem aliquam contraxisse. Id quod nulla ratione tolerandum est, cum in prædictis regionibus impedimentum hujusmodi non vigeat apud infideles: immo potius hi scandalum recipiant ex iis lotionibus, & se quodammodo à Christianis contemni ægre ferunt. Quamobrem præcipit Synodus, ut si qui ibi inveniuntur contactus fugientes, vel eo sequuto lavacris utentes, graviter puniantur, tanquam superstitionis, & rituum infidelium sectatores. Quæ omnia Sacerdotes, qui Confessiones excipiunt, & Concionatores, dum suo unusquisque munere fungitur, Christianis frequenter inculcent.

DE-

*pis, immo multo magis inter se discrimi-
nantur; idem pagus, communitas eadem,
in plures Casas dividitur, quin inter se
aliam communicationem patiantur; &
hæc est regula, unde omne decus, atque
nobilitas generis dimittitur, in fine ejusdem
Capitis hæc habet: Ea propter plures Mis-
sionarii, quo majus animarum lucrum*

*faciant, dum illi tantum præjudicium non
abiciunt, istam consuetudinem & ritum,
alias non peccaminosum, illis permittere
compelluntur; unde ampliorem hac via
animarum fructum reportant. Conceptis
denum verbis declaravit Syn. AB. VIII.
Dec. XIII. vitationem contactus, ad Reli-
gionem non pertinere; Vide pag. 328.*

DECRETUM III.

CCXLIV. **C**UM aliquibus in locis, dum quis obscuræ stirpis tangit aquarum stagna, Christiani ipsi illa (a) desempoleant, sive expiant, adhibitis certis Ritibus, & Ceremoniis, Ethnicorum instar, quod & maxime alienum est à sinceritate Religionis Christianæ, & aperte superstitiosum; jubet Synodus, eos, qui præfatum fecerint desempoleamentum, vel illiusmodi Ceremonias, à Communione Ecclesiæ sejungi; nec illis exhiberi Casture, per tempus à Prælato definiendum, anno tamen non brevius; puniri etiam poenis aliis enorminati criminis correspondentibus.

DECRETUM IV.

CCXLV. **Q**UONIAM Gentiles festum, ab ipsis vocitatum *Ona* (b) ex more in Augusto, celebrent, ac umbratiles pugnas ludorum instar solennium, Arcu, Sagittis, ac vario armorum genere instructi, ex quo fit, ut multi occidantur, pluresque vulnerentur; cum ergo Christianorum aliqui, suæ immemores professionis, ob necessitudinem cum Ethnicis, & quia cum istis agunt, etiam ipsi armati solennitates istas, maxime Christianum dedecentes frequentent, eisdemque infortuniis sæpius subjiciantur: prohibet Synodus Christianis omnibus hujus Dioceseos in virtute sanctæ obedientiæ, ac sub pœna Excommunicationis, ne hoc vel aliud quodcumque infidelium festum celebrare audeant, etiam si nullum Pagodi cultum exhibeant, cum omnia illorum solennia ipsis dedificentur Pagodis, ac in eorum cultum, & honorem peragantur: a quo si alias, potissimum in *Ona* abstinere debent, ob imminens, quod in eo vereri potest, mortis discrimen, tum etiam eo quod infideles sibi prorsus superstitiose persuadent, quod li, qui in hujusmodi spectaculo occiduntur, statim rapiuntur in *Colum*: sacra itaque tantum Christianorum solennia, unanimiter, moderate, ac ea qua decet modestia, legem Christi profitentes celebrare debent, nec ullo pacto Ethnicorum superstitiosis festis, quibus colantur

l i 2

Dec-

(a) A *Polleis* hominum genere abjecto dicitur barbare prorsus sermone, in nostro autographo *empolleare* id est ab aliquo Pollea autresari aliquid; & *desempolleare*, nimirum ab ejusmodi attractu aliquid expiare.

(b) Præ aliis solenne habent festum *Ona*

Malabarici, in quo credunt, Deum *Visnu*, larvatum advenire in Mundum, ut exploret cominus mortalium indigentiam, & iis necessaria provideat; quo tempore nova sumunt tegumenta, & Milites præcipue imbellia ista & umbratilia prælia insigunt, ut Synodus recenset.

Dæmonia, se immisceant; si qui vero in hisce superstitionis illorum solenniis peremptus fuerit, Ecclesiastica careat sepultura.

DECRETUM V.

CCXLVI. **S**ED nec ritus superstitionesque Ethnicorum tantum; verum etiam ceremonias, ritusque Judaicos fugere tenetur Populus fidelis, & Christianus, maxime promulgata jam sufficienter lege Evangelica, penitus deletos. Itaque quanquam Synodus plurimum commendat, ac probet, morem puerperis usurpari solitum, adducendi parvulos suos in Templum, Domino offerendos, post diem à partu quadragesimum, ad imitationem, ac honorem Virginis Mariæ Dominae Nostræ, quæ id peregit, improbat tamen, quod feminæ veluti immundæ quadraginta illis diebus ad Templum accedere non audeant, id pro piaculo habentes ex more veteris legis, si Masculum pepererint, & per octoginta dies, si feminam, qui ritus Judaici sunt, dudum reprohati, nec tantum vani, verum & perniciosi, quos ut tales præcipit Synodus omnino caveri: necnon declarat, feminas, si ante id temporis vires, ac sanitatem receperint pristinam, præcepto teneri accedendi ad Ecclesiam Dominicis, festisque diebus, audiendi causa sacrum: sub diem postea quadragesimum devote, ut assolent filios in Templum poterunt adducere, animadvertentes tamen id ab Ecclesia non præcipi, sed tantum concedi fidelibus, ut filios suos Deo offerant, ad imitationem Deiparæ, ejusque patrocinium implorent pro filiis suis, eisque à Deo interposita Deiparæ intercessione, bona tum temporalia, tum potissimum æterna appresentur.

DECRETUM VI.

CCXLVII. **I**Nter omnia scelera, nullum Deo detestabilius est, quodque semper & prohibuit, & ultus fuit, quam consulere Magos, Hariolos, ac Dæmonum interpretes: cumque noverit Synodus, plures hujus Dioceseos Christianos, silvicolas potissimum, tum ex familiaritate, quam habent cum infidelibus, tum etiam quia veneficis, ac Haruspicibus (a) obsidentur, dum inire Matrimonia volunt, illorum eventum ex ipsis quærere, quo-

(a) De variis Haruspicinæ generibus consule inter alios, laudatum P. Catalani sup. *Cap. 61. Trullan. tom. 2. Concil. OEcumenic. Consulentes autem Magos excom-*

municantur Cap. 12. Concil. Rom. anni 721. sub Greg. II. Vido Aff. 7. Dec. Synod. Diamp. & Hist. Synod. Cap. 4. & Muratorium Antiq. medij ævi Dissert. 59.

quorum falsis vaticiniis ducti, plura jam pertractata abrumpunt, plura item juxta Haruspicum placita perficiuntur: præterea dum ægritudinibus vexantur, eos ad se vocare, quorum ceremoniis sanitatem sibi pollicentur; necnon sibi futuram sobolem, immo etiam furta detegere conantur: quæ omnia Christiana averſatur Religio: præcipit, ut quicumque, de quo constiterit hujusmodi Magos sive pro iis, sive aliis quibuscumque rebus consuluisse, ab Ecclesia separetur, atque Cassanarii ad ipsorum domos non accedant, necnon per tempus Præsuli bene visum, non tamen anno minus Casture priventur, aliis insuper adiunctis poenis plectantur juxta qualitatem superstitiosorum rituum, quos adhibuerint, aut quos adhiberi permiserint.

DECRETUM VII.

CCLXVIII. **C**UM compererit Synodus, pravos quosdam Christianos non tantum adire Veneficos, eos consulendi gratia, ubi negotium aliquod suscipere debent, sed etiam in proprias domos eos accersere, simul cum illis invocatis Pagodis oblationes, & sacrificia agere, Gallos jugulare, plures etiam ceremonias fidei adversas prestare, præsertim quas vocitant Tolliconum, (a) Alliconum, Bellicorum, Conum, quas pluries etiam propalam non sine ingenti offendiculo, contumeliaque aliorum Christianorum exercent, perinde ac si ipsi Christianam Religionem non profiterentur; aliquoties insuper ex ipsorum consensu, similia in suis domibus fieri; præcipit Synodus in virtute Sanctæ obedientiæ, ac sub Excommunicationis poena ipso facto incurrenda, ut nullus ejusmodi ceremonias, vel oblationes faciat, vel suis in domibus fieri permittat; contravenientes vero illico Excommunicati in Ecclesia denuntientur, quousque veniam postulaverint, & condignam, ac publicam satisfactionem in ipsa Ecclesia egerint; quodsi vere poenituisse appareat, absolutionem obtineant, non autem exhibeatur ipsis Casture, nec Sacerdotes ante biennium eorum

(a) Cuncta hæc nomina significant Talismanes, amuleta, aut inscripta Phylacteria, quæ ad averrenda mala, superstitiose plurimi e collo suspendunt, aut secum gestant, quod a Conc. Laodiceno, præsertim Clericis prohibetur. Ea etiam gestantes Anathemate ferit Concil. Roman. sub Gregor. II. anno 721. cap. 12. & in eos acriter invehitur Zacharias Papa Epist. 1. ad Bonifac. Rîsum autem quis teneat, si perpen-

derit Rabbinorum supersticiosa inscripta, brevicula? Mulieres Hebrææ cingunt recens natum virga, e qua pendent יחפפ קמיאנגh cum nomine Sciaddai id est Omnipotentis simulque aliis Angelorum atque Dæmonum, idque ne fascino lædantur, aut occidantur ab illa Lilith aut nocturna strige. Vide Maurocenum pag. 12. & 156. apologiam horum legi intulissimam Romæ, auctore Rab. Tannaquillo Corcos.

254 SYNODI DIAMPERITANÆ

rum ingrediantur domos, dempto mortis articulo. Pari etiam poena ac censura ipso facto incurrenda ejus culpa animadvertatur, qui Pagodem oblationis, vel voti faciendi causa adierit, ad quæ omnia penitus evellenda, omnemque Idololatriæ speciem delendam, Vicarii plurimum solertiæ impendant.

DECRETUM VIII.

CCXLIX. **C**hristianorum non pauci hujus Dioeceseos, tum ex fatua quadam animi facilitate, tum ex Christianæ Doctrinæ oblivione secum quasdam gerunt inscriptas notas à Veneficis acceptas, in suarum ægritudinum præsentissimum, ut fidunt, remedium, quas etiam (a) è jugulo suspendunt animalium ad ipsorum incolumitatem tuendam, tum etiam ex arbusculis, & fruticibus, ut uberiores fructus edant. Demum eas etiam aliis ad alios effectus obtinendos tradunt. Quæ omnia eum tanquam vana & diabolica detestetur Synodus, jubet eos, qui talium criminum rei sint, à Præsule graviter puniri, à Vicariis etiam à suis Ecclesiis procul arceri, iisdem *Capture* non exhiberi, & neminem ex Cassanariis eorum domos ingredi, supersticiosas insuper notas, sive schedulas Vicariis tradere cogantur, statim lacerandas: si quis vero illis usum fuisse conpertum sit, licet eas exhibuerit Vicario, ab earum tamen usu in posterum absteineat, & eadem poena per semestre puniatur.

DECRETUM IX.

CCL. **C**UM peccatum Usuræ sit adeo abominabile Deo, nec non à divinis Scripturis reprobatum, præcipiente Domino: (b) *Mutuum date, nihil inæ sperantes*, plurimum displicet Syno-

(a) Vide superiorem Notam ad Dec. VII.

(b) Textus hic desumptus ex Cap. 6. Lucæ: v. 35. ita quidem habetur in Vulgata: verum in Syriaca versione Parisiis, Londini, & Romæ edita; immo in Græco textu, Arabico, atque Æthiopico, legitur: *Mutuum date neque in putetis spem ullius*. Unde immerito PP. Diamperenses *Act. 3. Dec. 3.* & cum illis Possévinus 2. tom. *Apparat. V. Nestoriani* increpant Nestorianos, tanquam hujus loci Evangelici depravatores, cum ante Nestorium illa jam lectio obtinuerit. Discrimen autem quod inter Vulgatam & Syriacam intercedit, indu-

ctum est ratione verbi *Apelpixein*, quod æquivocum est, cum significet, & non *sperare*, aut *spe deijci*, & *sperare aliquid ab alio*. Inde autem gratis atque perpetam deducebant Nestoriani, usuram accipere licitum esse; quod enim dicitur ex mutuo sperari debere, solæ Dei est remuneratio, ob gratiam proximo collatam, non vero usura. At neque communiter Theologi nostri recte probarent ex hoc uno loco illicitam esse usuram, cum sensus literalis tantum intendat, dandum esse mutuum proximo, etiam si ipse alias mutuum nollet dare, aut non posset; atque ideo nihil ab

Synodo fere omnes hujus Dioeceseos Christianos illicitis lucris, usurisque implicatos aspicere; cumque ex ea, qua laborant ignorantia, nesciant quid ipsis liceat, & quantum restituere teneantur, quantumque accipere valeant; Fideles omnes Synodus monet in Domino, ut viros doctos consulant, & cum agitur de contractu aliquo ineundo, ab ipsis discant, quantum lucri ob distractam pecuniam, & periculo expositam licite accipere possint, ac edoceantur: declarat præterea eadem Synodus juxta notitiam habitam de communi modo lucrandi in his partibus Malabaricis, damnum esse, ut usuram quidquid ultra decem pro tradita summa centum; in his locis, absque pecuniæ periculo annuatim acceperint. Verum quantum ad hanc ipsam decimam partem lucrandam consulant Jurisperitos, exponentes ipsis ubi locorum hos contractus celebrent, ut probe dijudicare possint, an id juste accipiant, fortassis etenim aliquo in loco tantum pecuniæ lucrari non erit licitum: quicumque ergo quidquam ultra decem sine periculo exegerit, si ter admonitus per Præsulem, aut Vicarium non resipiscat, & in eodem peccato contumaciter persistat, Excommunicatus declaretur, nec absolvatur, quousque cum effectu pedem retraxerit, & hujusmodi contractum resciderit.

DECRETUM X.

CCLI. **P** Erpendens Synodus contractum eorum, qui unum pro quolibet centenarium extra periculum omne, dato tamen pignore singulis Mensibus accipiunt, & pignore non dato accipiunt duo, qui contractus injustus est, & manifeste usurarius, quia ob non exhibita pignora aut alia ex causa dup. pro centenarium extra periculum accipere nefas est. Præcipit itaque Vicariis, ut prædictum contractum celebrari nullo modo permittant, & celebratum rescindi curent, poenis etiam ac censuris si opus fuerit, delinquentes cogendo: improbat etiam ipsa Synodus commune vocabulum, quo in hac Dioecesi quodcumque lucrum appellatur usura,

ipso sperandum: nec nostra id est opinatio, sed ipsius contextus naturalis sensus, cum dictum sit versu 33. & 34. *Et si bene feceritis eis, qui vobis benefaciunt, quæ vobis est gratia? Si quidem & peccatores hoc faciunt. Et si mutuum dederitis his, a quibus speratis recipere, quæ gratia est vobis? Nam & peccatores peccatoribus faciemur ut recipiant aequalia;* id est par beneficium, dandi mutuum. Itaque omnia ista

consilium continent, non præcepta, nimirum, non repetendi ablata, benedicendi maledicentibus, dandi tandem mutuum illud non dantibus; dare enim cum spe accipiendi parem gratiam, par beneficium, æquumque socius, id non est speciale insignis discipulorum Christi, cum quibuslibet peccatoribus commune sit. Hic & non alius est directus & naturalis sensus verborum Christi.

usura, unde plures existimant, omne lucrum, quod accipitur ex pecunia alteri tradita illicitum esse, qua conscientia eronea laborantes, nihilominus lucrum accipiunt, & peccant: cum plures ex contractu inveniantur modi lucrandi iusti, & honesti, quod fas erit accipere.

DECRETUM XI.

CCLII. **Q**uoniam Christianorum plurimi timore Dei, & Ecclesiæ posthabito, publice cum Populi Christiani scandalo in concubinato degunt, eos proprii Vicarii ter benigne admoneant, obtestando, nisi resipiscant, fore ut excommunicati declarentur; quod si ita admoniti, mutuo non separentur, Excommunicationi subjaceant, donec cum effectu id præstiterint, aliis etiam puniantur (a) pœnis ad arbitrium Præsulis, ratione habita temporis, quo in peccato convixerunt; si vero concubinæ, fuerint ancillæ ipsorum, ad eas è domo ejiciendas compellant; quin à locis propinquis, & a tota vicinia abduci curent, si forte propinquitas loci occasionem peccandi præbeat. Id quod cum aliis quibuscumque concubinis fiat, si prudenter timeatur relapsus.

DECRETUM XII.

CCLIII. **D**ominis, ac Patribus familias inculcat Synodus, ut invigilent supra vitam, moresque captivorum, ac famulorum; nec enim ignorat, fere omnes Christianorum famulas Aetiopissas turpiter vivere, & conscii etiam, nec id impediuntibus eorum Dominis, publice meretriciam artem exercere; unde Sacro non intersunt, confiteri renuunt, Christianam doctrinam ignorant, nec Dominos earum instruendarum cura mordet, immo ipsarum salutem flocci pendunt, tametsi ad id teneantur, Apostolo Paulo testante: (b) *Qui suorum, & maxime domesticorum curam non habet; fidem negavit, & est infideli deterior*: itaque Vicariis Ecclesiarum severe injungit, ut invigilent, & accurate inquirant in vitam captivorum suæ Parœciæ, quodque opportunum judicaverint, Dominis ipsorum manifestent, ipsos ultra compellendo,

(a) Quam graviter in ejusmodi vitii reos, antiqui Canones animadverterent, ex Concilio Germanico auctoritate S. Bonifacii celebrato XI. Calend. Maii anno 742. videre licet, ubi Can. 6. statuitur, ut *servi Dei & Ancilla Christi* (Monachi & Moniales)

pœnitentiam faciant in carcere in pane & aqua, si tamen Presbyter fuerit: *Duos annos in carcere permaneat, & antea flagellatus, & exortatus videatur, & post Episcopus adaugeat*

(b) 1. ad Timoth. 5.

lendo, ne permittant suos captivos, in hujusmodi damnationis statu permanere. (a)

DECRETUM XIII.

CCLIV. **Q**uia nonnulli Christianorum præinopia ac miseria, Ethnicorum more, inter quos degunt, filios, (b) vendunt, quod plane, & naturali rationi, & positivis Juribus adversatur: præcipit Synodus in virtute Sanctæ obedientiæ, & sub pœna excommunicationis majoris, ut nullus audeat filios, aut aliquos e consanguineis vendere, etiam Christianis emptoribus; nec non sub eodem præcepto, ac censura prohibet Christianis eos emere, aut tanquam mancipia habere: dempto tantum casu, quo ipsorum Parentes aut propinqui, hoc contemnentes præceptum, eos infidelibus vendere velint, quos tunc emere poterunt, ne puelli Christiani in potestatem redigantur infidelium; eos tamen pro mancipiis non habeant, sed id statim Præsuli significant, qui ita provideat, ut emptor suam habeat pecuniam, ac puer maneat liber, & qui eum venumdedit puniatur: siqui vero aliter eos emerint, non secus ac qui vendiderunt, Excommunicatione coerceantur, quousque cum effectu hujusmodi emptio, ac venditio rescindantur; quodsi venditio facta fuerit infideli, non absolvatur vendens, donec puerum redemerit, aut saltem Vicario, cunctoque Populo confiterit, seegisse quantum potuit, ut eum redimeret. Vult etiam Synodus, idque instanter poscit, Vicarios, Cassanarios, & quemcumque de Populo vires omnes impendere pro redimendo etiam pluris puero; suis etiam elemosynis auxilium præstare, Reges etiam interpellare, Præsulem denique convenire, & nihil omnino prætermittere quominus puer apud infideles remaneat cum periculo perversionis.

K k

DE-

(a) De institutione familiæ legere juvabit monita S. Caroli Borromæi in *Collect. Concil. Harduin. tom. 10. col. 793.*

(b) Persarum Reges teste Aristotele *Ethic. VIII. 10.* permiserunt Parentibus in liberos, dominium satis durum & vere tyrannicum. Tyrannidem Romani, auctore Romulo auxerunt; etenim non solum habebantur filii tanquam res mancipii, sed etiam ex patria potestate habebant Parentes in filios *jus vita & necis*. Cumque liberi, qui ratione facta ad alios homines, erant *Persona*, & ratione Civitatis *Cives*, ratione Patris, inter *res*, non secus ac Servi re-

cebebantur. Poterant igitur uti *jure*, *et vendendi filios*, qui tamen impetrata tertium libertate, e Patria potestate excidebant: unde cum dicit Synod. *id positivis juribus adversari*, de recenti atque posteriori jure, intelligentia est. Vide Gravin. *De Jur. Nat. cap. 25.* & Heinecium *Antiq. Rom. tom. 1. pag. 138.* Ceterum Indi ad suarum Legum normam, possunt liberos vendere, atque in perpetuam servitutem redigere, etiam inconsulto Principe, & quin is, aut ejus Ministri possint in Parentes animadvertere, vel eos increpare. Vide Vinc. Maria a S. Cathar. *lib. 3. cap. 26.*

DECRETUM XIV.

CCLV. **Q**uoniam maxime probatur Synodo laudabilis Christianorum hujus Dioeceseos consuetudo, donandi nimirum Ecclesiam decima dotis parte, ab Uxoribus habitæ: subinde approbat distributionem hujus eleemosynæ fieri solitam inter fabricam Ecclesiæ ejusque Sacerdotes; & quia alicubi, ubi nempe Regio vergit ad Austrum, non servatur pia hæc consuetudo, etiam populos illos rogat, immo etiam iis præcipit, ut aliis hac in re se conforment. Vult præterea, quod in hac eadem Synodo, Populi, apud quos id non est in more positum, per suos Procuratores electos, hunc laudabilem morem in posterum se secuturos promittant; cum enim major Dioeceseos pars id servet, congruum videtur, ut pars minor majori parti consentiat.

DECRETUM XV.

CCLVI. **C**um ex antiquo more, annuentibus cunctis Regibus paganis Malabaricis, totum Christianorum hujus Dioeceseos regimen, tum in spiritualibus, tum in temporalibus ad Ecclesiam & Episcopum sit devolutum, qui postulationes omnes, lites, negotia, & causas examinat, & de iis Iudicium fert, nihilominus nonnulli, ut competens hoc forum declinent, omni postposito Dei timore, (a) ad Reges Infideles, eorumque Ministros provocant, quos pecunia in suam partem flectunt, non sine ingenti Christianitatis nocumento; quippe inde Reges occasionem arripiunt, de re-

(a) Esi Petrus Giannonius tom. 1. *Hist. Neapol.* multis in locis, novum ostentum atque inventum putet, Episcopos personam & munus Judicum assumere; tamen prudentissime, & ex ingenio primitivæ Ecclesiæ, inhibet nostra Synodus, Christianos Divi Thomæ, coram Ethnicis Judicibus causas dicere: id enim per omnia cavit Paulus 1. *Cor. cap. 6. Frater cum Fratre judicio contendit, & hoc apud Infideles*; Et quidem Judæorum etiam erat mos, ne quis coram Ethnicis Judicibus causam ageret; immo cum Judæa redacta fuit in Provinciam, Præfides exceptis causis, in quibus de capite res esset, ceterarum cognitionem Judicibus Populi demandarunt. Sicuti autem Judæi in captivitate, ita primi Christiani ex facultate etiam Ethnicorum,

suas per arbitros, aut aliter expendebant lites: cum vero Christiana religio sub Christianis Imperatoribus plene fuit constituta, Episcopi erant ordinarii Judices in secularibus etiam eorum negotiis, qui ad Ecclesiam, Paroeciam, aut Dioecesim suam pertinebant. Cujus rei inter alia luculentissimum testimonium in Augustino habemus, ex Possidio *De Vita Aug. cap. 19.* quo scribit, non tantum Catholicos, verum etiam alterius communionis homines, quandoque ad Augustinum accessisse, ut eorum lites judicaret. Et Augustinus ipse *De Opere Monach. cap. 29.* ejusmodi libris obrutus, testem vocat Deum: *Se Cœnobii sui requiem potius amare.* Unde splendidi, malitiosique mendacii reus convincitur Giannonius: vide supra pag. 62. in Not.

de rebus Christianorum, quod alias non facerent, cognoscendi; cumque Tyranni sint ac Idololatæ, plurimis inde multis, ac vexationibus Christianos afficiunt. Ad hæc itaque aliaque inde Christianis imminenda mala præcavenda, præcipit Synodus urgentissime omnibus hujus Dioeceseos Christianis, ut illorum nemo quocumque quæsito colore causas suas ad Reges Ethnicos, eorumque Ministros absque Præsulis licentia, deferre audeat: quam licentiam, si necesse fuerit, ipse eam petenti, formula, quæ melior ipsi, & opportunior visa fuerit, concedet. Cuncta ergo negotia, quæ vel judiciali sententia, vel amicabili conventionem, & concordia ad arbitrium Judicis ineunda, concludi debent, ad Episcopale Tribunal deferantur: qui vero contra fecerit, graviter, & ad arbitrium Præsulis puniatur, ac multetur, & ab Ecclesiæ ingressu tempore sibi bene viso prohibeatur.

D E C R E T U M X V I.

CCLVII. **C**Um in Regionibus sub Regum, ac Dominorum, Ethnicorum ditone positis vigeat hæc consuetudo, qua ad innocentiam rei, cujus crimen aliquod ad Judicem delatum sit, ab accusatoribus probandam, reus cogatur vel ferrum candens manibus attrectare, vel manum in oleum fervens immittere, vel etiam natatu trajicere flumina (a) referta crocodillis, quod experimentum, si reo feliciter contingat, innocens habetur, si secus illico criminofus, juxta delata ex læsione accepta comprobatur, tuat; non raro accidit, ut Christiani insipientes injuste accusati, ultro experimento hujusmodi se exponant; quod licet aliquando feliciter contingat, eosque Deus eorum innocentia, & sinceritati prospiciens servet illæfos, nihilominus quia ultro se offerre culpa non vacat, nam est tentare Deum, & sibi temere miracula polliceri; & quia id in opprobrium Catholicæ fidei cedere potest, præcipit Synodus, ut Christianorum nemo se deinceps ad hoc subeundum

K k 2

expe-

(a) De judiciis, & probationibus per aquam, ferrum ignitum, ignitos etiam vomeres &c. vide Martene *De Rit. lib. 3. cap. 7.* & de natatu isto Indorum Kaempfer *Amoenit. Exoticar. Fascic. 2. relat. 2. pag. 454.* & Vinc. a S. Cath. *pag. 251.* ubi plura de probationibus Malabatenfium per Crocodilos, & per inmissionem manus in perforatam capsam famelicorum Serpentum. Quæ omnia putamus, tam in Ecclesiam Orientalem, quam in Occidentalem no-

stram inventa esse, ab antiquo Hebræorum ritu, quo Maritis zelotypia suspitione laborantibus, permisit Dominus uxores in templum adducere; ut *aquas amaras* bibendo; innocentes, illarum haustu fecunditatem, adulteræ vero mortem epotarent. De quo *Num. 5.* Consule Hadriani Relandi *Antiq. Sac. cap. 5. num. 20.* & Commentar. Blas. Ugolini in hunc locum *tom. 2. Theaur. Antiq. Sac. Venet. excus. anno 1744.* & Murator. *Antiqu. Differ. 38.*

experimentum se paratum offerat, nec genus hoc probationis suæ innocentiae exquirat; quodsi secus fecerint, sciant se lethaliter peccaturos Deum tentando: ulterius contravenientes a suo Præsule acriter puniantur. Quodsi per Reges, & Dominos ad hoc experimentum genusque probationis compellantur, invito hoc patiantur animo, voluntati Divinæ conformes, quandiu vi, iniustitiæ, ac tyrannidi Regum Infidelium subjiciuntur. Si tamen ab ipsis exigatur, ut jurent apud Pagodem, vel interposita alia quacumque re ipsi dicata, sciant se teneri prius mortem oppetere; quam hujusmodi præstare juramentum, cum juramentum actus sit latriæ, cultusque soli Deo præstandus. Demum Christiani caveant (a) a prædictis probationibus, & juramentis in iis controversiis, quæ inter ipsos oriuntur; sed iis tantummodo utantur, quæ in Ecclesia Christiana sunt in usu, & quæ non minus timeri debent, quam cruciatus quantumvis crudelissimi.

D E C R E T U M X V I I.

CCLVIII. **P**opuli fidei ab infidei discretio, habitu etiam exteriori, ac incessu fuit perpetuo servata, quo inter se discreti internoscerentur. Id quod præ oculis habens Synodus, & simul advertens inter Christianos hujus Dioeceseos, & infideles Nayres, nullum haberi discrimen quoad habitum, comam, resque alias ad externum cultum corporis pertinentes; præcipit, ut in posterum internosci valeant, ut Christianorum nullus audeat sibi aurículas perforare extremas, nec eas deorsum vergentes, producere, (b) demtis feminis, quibus hoc ornamenti genus apud omnes fere Nationes commune est. Qui vero hac in re contumaces fuerint, Præsulis arbitrio puniantur. Præterea non illis permittatur, ut aliquid ex auro vel alia materia ex auribus appensum gestent;

(a) Judicia ista sicuti usitatissima, ita & probatissima fuere pluribus, aliis ex adverso ea improbantibus; ejusmodi fuit Agobardus Lugdunensis Archiepiscopus, qui libellum adversus ea conscripsit, Ivo etiam Carnotensis in *Epist. ad Hildebert. Censuram*. eam consuetudinem damnat; quæ quidem antiquissima est, cujus etiam multis in locis cum plausu meminit Gregor. Turon. præsertim *lib. 1. de Glor. Mart. cap. 68.*

(b) Textus Lusitanus habet, quod nullus Christianorum aurículas in aurium pondere, aut alio modo producere curet, nisi utitur verbis: *Nenhum Christão se ja-*

ousado a furar as orelhas, nem facelas crescer, tirando as molheres. Crozzus autem æque doctus idiomate Lusitano ac dogmatis, ita vertit in *Hist. Christ. Ind. pag. 275.* *Que aucun Chretien n'ait a se percer les oreilles & a les faire tirer par sa femme, pour les allonger:* Ita ut cum textus intendat, quod nullus sese auriculis affectet demtis feminis, quarum id est proprium, ille legit: Nemo aurículas suas ab uxore sibi producere deorsum sinat. Quam bene conveniant textus & Crozzi versio nemo non noverit; aptius profecto ipsi auriculæ Midæ convenirent.

gestent ; quodsi non paruerint , ab Ecclesia arceantur , nec eis Casture exhibeatur , donec re ipsa similia ornamenta abjecerint . Tamen qui habuerint aures jam antea perforatas , parvulis exceptis , poterunt solito more eas ornare , ut libuerit .

DECRETUM XVIII.

CCLIX. **S**YNodus, cui cordi est horum Christianorum mores, quantum fas est reformare, resque omnes ad morum disciplinam pertinentes apte componere, cum perspectum habeat effrenem licentiam bibendi Orraca, cujus largior usus saepe in causa fuit percussionum, homicidiorum, aliarumque perturbationum; præcipit ad vitandos huiusmodi perniciosos excessus, ne extent in vicis Christianorum Tabernæ, in quibus Orraca vendatur, (a) prohibetque Christianis omnibus venditoris munus, sub poenis Præsulis arbitrio infligendis; cujus præcepti ea insuper causa est, ut nimirum vitetur, quantum fieri potest, commercium cum infidelibus, qui promiscue cum Christianis ad eas Tabernas emendi, manducandi, ac potandi causa accedunt; ex quo illud etiam suboritur, ut in consortio illorum multa à Christianis licenter perpetrentur.

DECRETUM XIX.

CCLX. **C**UM perspicue Justitiæ adversetur ponderum (b). five Librarum discrepantia, & inæqualitas, ubi agitur de iisdem mercibus in eadem Regione vendendis, constetque Synodo, pravam hanc consuetudinem adhibendi diversa pondera ad vendentium arbitrium in hujus Diœcesis Vicis, ac eorum Tabernis fuisse inductam; ad eam radicitus evellendam præcipit, ut in uno, eodemque Pago ad easdem merces ponderandas æquali omnino Libra Venditores omnes utantur, atque adeo in Officinis, ac Tabernis omnibus, in quibus res venales præstant, ad mensurandum earum

pon-

(a) E Nucis Indicæ succo, quem vocant Indi *Sara* vel *Tari* eliciunt illi medio exstillatorio igne, liquorem persimilem Spiritui vini *Ulice*, *Acqua vita*, Hispanice, *Aguardiente*, quem appellant Malabarici *Arach* aut *Orraca* quod quidem potionis genus, non secus ac vinum, temulentiam inducit. De quo lenti, & de utilitatibus, quas Orientales Indi ex Palmetis capiunt legi potest P. Vincent. Maria a S. Catharin.

Carmelita Discalc. *Viaggio all'Ind. lib. 4. cap. 2.*

(b) Ut habetur Prov. 20. v. 10. *Pondus & pondus, mensura & mensura, utrumque abominabile est apud Deum.* Ea propter id vetitum fuit plurimis in Conciliis: Arelaten. anni 813. præscribit, quod *Pondera ubique iusta sint, & mensura*: Parisien 6. anni 829. lib. 1. cap. 51. ejusmodi *stateras dolosas ac inæquales* prohibet.

pondus non alia adhibeatur libra, quam quæ sit perfecte conformis communi usui locorum, atque Regionum, in quibus res venduntur. Qui vero parere recusaverint, à Præsule puniantur pro suo arbitrio, si prius per Vicarios admoniti, non resipiscant, & si opus fuerit poenis ac censuris subjiciantur, cum in hac Diœcesi Christianorum regimen sit Ecclesiasticum, nec aliter quam per censuras vis coactiva in illos exerceri possit.

DECRETUM XX.

CCLXI. **C**UM in hac Diœcesi Masculi solum in heredes instituantur, penitus exclusis feminis. Excluduntur enim vero feminae, etiamsi Parentes prole Masculina careant, & non solum si jam conjugatae dotem receperint, sed etiamsi inuptae fuerint, ac nuptui proximæ, immo etiamsi infantulae, & à maternis uberibus nondum depulsæ. (a) Hinc fit ut Parentum bonis ad Masculos in gradu valde remoto consanguineos, vel etiam in linea transversa transcuntibus, feminae interim vel misere pereant, vel egestate impulsæ se prostituant, dum de illis nullam rationem ineunt, nec erga illas aliqua obstringi obligatione putant. Quæ omnia cum sint contra naturalem æquitatem, ac Juris positivi sanctiones in naturali æquitate fundatas, quibus statuitur, ut filii, filiaque in bona paterna succedant, Parentes vero filiabus suis, tanquam legitimis heredibus, hujusmodi bona ipsis restituere tenentur. Decernit itaque, ac declarat Synodus, consuetudinem hujusmodi esse prorsus illicitam, neque Consanguineos alios posse hereditatem capere filiabus existentibus, eamque captam restituere debere. Rursus Masculos non posse inter se facultates dividere; quin æqualem feminis partem attribuant, quod si secus fecerint, ipsis in ea parte remanent debitores; detracta enim tertia parte, si de

(a) Liberum erat olim ex XII. tabulis filios uti occidere, ita exheredare l. 1. D. de liber. & post. at id nominatim fieri debebat: filia autem postremæ exheredari poterant, immo & præteriri, relicto tamen illis legato: Ulpian. *Fragm.* 22., Ceterum feminarum hereditates coercuit lex Voconia à qua præter alia fuerat cautum, ne femina ad ullam defunctorum successionem admitteretur: eaque lex etiam ad heredes suas & consanguineas pertinebat; adeo ut neque unicam filiam heredem instituere liceret. Augustinus dum istius legis meminit *lib. 3. de Civit. Dei cap. 21.* ait: *Qua lege quid*

iniquius dici, aut cogitari possit ignoro. Vide CL. & eruditissimum Gravinam, *De leg. & sen. con. cap. 76.* & Heinec. *Antiq. Rom. ad Instit. lib. 3. tit. 1. num. 4.*; Veruntamen in tota ferme Italia municipalia erant statuta, quibus novissimo Justiniano jure abrogatum est, ut intestatæ successiones agnati virilis sanguinis deferantur, exclusis feminis ceterisque consanguineis. Quæ statuta non modo pro Ecclesiastica Ditione comprobavit, verum etiam peculiari Constitutione sancit Ven. Serv. Dei Innoc. XI. incipiente: *Pastoralis Officii.* Adsis Card. de Luca *De Statutariis Succession.*

si de ipsa Testamentum fecerit Pater, reliquum æquis portionibus inter filios, filiasque distribui debet; detrahi etiam debet pars illa, quæ collata fuit à Parentibus tanquam dos filiabus coniugatis, cum qua ad maiorem cumulum facultatum omnium accesserunt; Decretum hoc præcipit Synodus, ut in posterum inviolabiliter servetur, rogatque Populos, ut idem Decretum tanquam legem recipiant, eamque ab omnibus custodiri, & servari curent, illudque præ oculis habeant, se ad id naturali Jure obligari, neque citra gravem conscientiae labem id posse negligi. Si quis vero aut è propinquorum numero, Parentum facultates filiabus debitas surripuerit, aut si filius æquam portionem sororibus dare detrectaverit, vel demum si eas retinentes, restituere nolint, per Præsulem ad huius obligationi satisfaciendum, pœnis ac censuris, si opus fuerit, compellantur, respective insuper declarentur Excommunicati extra omnem absolutionis spem, quousque cum effectu obediant, ac restituant.

D E C R E T U M XXI.

CLXII. **A**doptio à Jure instituta fuit in supplementum filiorum naturalium, quamobrem habentibus naturales filios, non licet extraneos adoptare: (q) Ex ignorantia tamen Juris sapissime in hac Dioecesi contingit, ut Christiani filios suarum ancillarum vernas, inque eorum domibus natos, vel etiam alios quosvis adoptent, quamvis filios naturales habeant; idque faciant, vel quia cum propriis filiis rixantur, vel quia in alienos propensiores sunt; adoptati autem æquam cum propriis, hereditatis portionem sortiuntur, quod plane est contra jus, & æquitatem, ceditque in malum ac detrimentum filiorum naturalium. Quapropter prohibet Synodus hujusmodi adoptiones, ab habentibus filios naturales, vel spem illos habendi. Quodsi fiant, nullius sint roboris, nec ita adoptati hereditatis partem aliquam habere possint extra id, quod per modum Legati iisdem relinquatur à Testatore ex ea tertia parte suarum facultatum, de qua libere testari potest, quod

(a) Adoptio inventa est in solatium eorum, qui liberos non haberent, unde ad Juris normam Synodus, ejusmodi adoptiones compescuit; etenim adoptare ii communiter æqueant, qui vel per ætatem (minor debet esse 6. annorum) liberis procreandis vacant, vel illi, qui liberos habent naturales: illud constat ex l. 17. §. 2. ff. lib. 1.

Instit. l. 11. hoc vero laudata l. 17. §. 3. ff. eod. Et licet Principes Rom. aliquando adoptarent alios, quamvis haberent filios naturales, ut domum regnantem in Imperio fulcirent, tamen id reprehensione non caruisse ostendit, Jac. Perizonius *Animad. Hist. cap. 3.*

quod præsertim habet locum, si adoptio facta fuerit ante sobolis procreationem, & hæc deinde procreata fuerit; declarat insuper, adoptiones ante hujus Synodi celebrationem factas, filiis extantibus, nondum adita hæreditate, nullas esse, nulliusque valoris, nec ita adoptatos habere locum in ipsa hereditatis distributione, nec ad eam vocandos, aliter restitutioni manere obnoxios, ad quam, si necessum fuerit, pœnis, & censuris per Præsulem cogantur; ceterum non eo spectat hoc Decretum, ut qui jam dudum acceptæ hereditatis pacifica gaudent possessione, ab ea deturbentur, cum nihil magis cordi sit Synodo, quam publicam pacem, ac tranquillitatem tueri, quamobrem præcavendi causa perturbationes omnes tantummodo, unicuique reservat Jus interponendi, prout judicaverit, expostulationem de injuria, si quam hac in re, de qua agimus, passus fuerit.

D E C R E T U M X X I I.

CCLXIII. **Q**Uoniam juxta morem hujus Diœceseos adoptandus adducitur ad Episcopum, (a) & Præsulem, cui exhibitis aliquibus attestationibus, Adoptans profitetur se velle eum in filium accipere, & postea concessa per Præsulem olla, adoptio perficitur; præcipit Synodus, ut Præsul nullius in posterum adoptionem acceptet, qui habeat naturales filios, aut filias: quod si non habeat, adhuc nihilominus in Olla adoptionis expressis verbis præcaveatur, si adoptanti postea filii nascantur, adoptionem hujusmodi nullum habituram esse effectum, ut hac via, quantum fieri potest, impediatur injuriæ, & perturbationes, quæ ex hujusmodi adoptionibus, nimiaque adoptandi facilitate oriuntur in hac Diœcesi.

D E C R E T U M X X I I I.

CCLXIV. **P**Ræcipit Synodus, ut Christiani omnes hujus Diœceseos in Vicis, & Pagis simul congregati socialiter vivant ad evitanda mala, quæ viventibus in silvis imminet, (b) tum ex infidelium commercio, tum etiam quia fere nunquam ad

(a) Cum adoptio certis solennitatibus adhibitis peragi deberet apud Prætores aut Præsides, vel alium Magistratum, apud quem erat legis actio, Episcopus vero Malabaricus, ordinarius esset Judex & Magistratus Christianorum Divi Thomæ, apud

sive statuit Synodus, adoptionem coram Præsule celebrandam esse.

(b) Singulæ familiæ seorsum in agris ab se occupatis, initio habitabant, regionibus inter se locisque disjunctæ, quales Theseus (ut ajunt) invenit Athenienses, quos ille

ad Ecclesiam accedunt, nec Sacramenta frequentant, doctrinam item Christianam plane nesciunt; Hujus rei executionem summo-
pere Synodus commendat, iisque ad quos pertinet injungit, ut
receptum Christianorum e Silvis in Vicos, & Pagos, efficaciter
quantum in ipsis est, procurent, novos Pagos cum novis Ecclesiis
extrui: Sic enim fiet, ut Christiani procul à consortio Infidelium,
facilius rusticitatem exuant, humanitatemque, & Catholico-
rum mores facilius induant. Tandem inculcat Vicariis, ut
oves suas conentur in hac septa impellere, proponentes ipsis spi-
ritualem profectum non mediocrem inde futurum. Præsules etiam
in hac re promovenda strenue operam collocent suam.

D E C R E T U M XXIV.

CCLXVI. **S**ynodus commiseratione mota Christianorum hujus
Diœceseos, qui à Regibus infidelibus eorumque
Ministris molestis, & injustis persecutionibus saepe saepius vexantur,
nec alia de causa, quam quia Religionem ipsis exosam profitentur,
nihil opportunius esse considerans ad has oppressiones minuendas,
quam si Rex Lusitaniæ hunc Populum protegat, & tueatur, cum
alius Rex non sit in Oriente, qui hanc clientelam suscipere possit,
ipsum enixe orat, ut huic Populo patrocinetur, quas partes Regem
optimum suscepturum esse confidit, quippe qui non ignorat, Chri-
stianorum Regum esse in defensionem Catholicæ fidei, opes, arma,
& si opus fuerit, vitam ipsam impendere. Rogat etiam Reveren-
dissimum Metropolitam, huic Synodo præsentem, ut omnium
nomine Majestati suæ hæc Synodi vota, precesque exponat, &
horum omnium Christianorum obsequia, & voluntates ad Regiæ
Majestatis Suæ imperia alacriter capeßenda paratissimas offerat.

D E C R E T U M XXV.

CCLXVII. **C**UM in præsentī Synodo actum sit de rebus ad fi-
dem Catholicam, Sacramentorum Ecclesiæ usum,
L I necnon

primus ex agris coegit in Civitatem: vide
Gravin. *De Jur. Nat. cap. 11.* Qui de civili
hominum statu scripsere, in duplicem op-
positam abeunt sententiam, circa societa-
tem: ii contendunt nullam ex rationis in-
stinctu societatem agnoscentes, eam institu-
tam esse propter propriam utilitatem, amo-

remque sui; illi statuunt homines ex ipsa
natura in societatem convenisse; unde or-
do societatis, ac propterea summe Pote-
states ex Deo sunt; atque ita uelut intelli-
gitur locus ille Pauli Rom. 13. v. 1. Adifis.
CL. Spada tom. 1. *Exerc. 4. de Civil. Discip.*
Edit. Vien. 1725.

necnon ad reformationem spectantibus, tum Ecclesiæ, tum morum Populi Christiani; ne hac oblivione deleantur, præcipit ut omnes Ecclesiarum Vicarii Decreta omnia in hac Synodo constituta, fideliter transcribi curent, & in Singulis Ecclesiis asservari unum saltem exemplar perfecte consonum Malabarico Autographo, per Reverendum Archidiaconum hujus Episcopatus, & Patrem Rectorem Collegii de Vaipicota subscriptum. Præcipit insuper, ut cunctis diebus Dominicis, & aliis diebus festis pars aliqua Synodi Populo recitetur, dummodo habenda non fuerit concio, aut Catechismus legendus à Reverendissimo Metropolitano editus: in Ecclesiis vero, in quibus legitur Catechismus, legatur hic diebus Dominicis; reliquis vero diebus festis, Synodus; necesse est enim ad omnium notitiam pervenire, quæ fuerunt in eadem Synodo decreta, vel præcepta, ut possint executioni mandari. Autographum item Synodi hujus, à Reverendissimo Metropolita obsignatum, ceterisque ad hunc finem convocatis, eadem Synodus asservari vult in Archivo Collegii de Vaipicota Societatis Jesu, in hac eadem Diœcesi, ut inde apographa, sive exempla, quotquot fuerint Ecclesiis necessaria, describantur; alterum verò simile, in Archivo asservari Ecclesiæ de Angamale, quod Archiepiscopatus vocant, pariter subscriptum à Reverendissimo item Metropolitano, Archidiacono, aliisque sibi benevitis: ita enim fiet, ut quoquo tempore exempla, sive apographa necessaria desumi, & si opus fuerit, collatione facta emendari valeant. Postremo summo opere inculcat Synodus cunctis Vicariis, Cassanariis, Chamaiziis, omnibusque in universum Populis, Vicis, & Pagos incolentibus, necnon unicuique Christianorum hujus Diœcesis in particulari præcipit in Domino, ut obsequenti animo decretis hujus Diœcesanæ Synodi obtemperent, eaque servare, & servari curent, quantum in ipsis erit, ac ad normam ipsorum ab iis, ad quos spectat, Populi vel Familiæ gubernentur. Quæ omnia sibi Synodus pollicetur, auxiliante Domino Deo, Patre, Filio ac Spiritu Sancto, qui vivit, & regnat in Æternum Amen.

Perlectis igitur Decretis, divisa fuit Diœcesis in quinque supra septuaginta Parochias, unicuique earum, pro Sacramentis administrandis, ac spiritualibus alimentis, Christiano Populo reficiendo, territorio convenienti attributo, nominati etiam, designatique fuere, Vicarii & Parochi; at minores nonnullæ Ecclesiæ, quæ præ parvo fidelium numero peculiarem Parochum habere non poterant, Vicariis vicinarum Ecclesiarum commendatæ sunt; qui designati subinde ad deosculandam manum Reverendissimi

simi

fimi Metropolitanis singillatim accesserant, & is cunctis litteras Vicariatus dedit, auctoritatem, ac onera Officii ipsis exponens, nec non præcipiens Populo, ut ipsis tamquam propriis Parochis, Pastoribus animarum suarum debitum obsequium, debitamque obedientiam exhiberent. Quibus erga unumquemque eorum peractis, commonefaciens omnes deinde generatim, eisque injungens, ut nullam sui officii partem omitterent, eosdem coram se genuflexos ita est adloquutus.

Præ oculis, Venerabiles (a) ac dilecti Fratres Consacerdotes, & peculiares Pastores fidelis Populi, habere debetis, Nos quamquam indignos, locum tenere Aaronis Summi Sacerdotis; vos autem Eleazar, & Ithamar minorum Sacerdotum; Nos locum vicesque genera Apostolorum Christi Domini; vos septuaginta duorum Discipulorum; Nos esse de vobis, terrificæ die Judicii rationem reddituros; vos item de Populis, quos nunc vobis commendamus, quo nos omnes, inter bonos ac fideles dispensatores Domus Domini inveniamur: itaque dilectissimi Fratres, & nostrum vestrumque periculum perspicite; unde vos monemus, ac summo opere in Christo rogamus, ut quæ nunc dicturi sumus, & memori mente teneatis, quodque potissimum est, cum vestri muneris ratio postulaverit, executioni mandetis.

Et quidem primum: monemus ac enixe in Domino obsecramus, ut & vita & conversatione irreprehensibiles vosmet cunctis exhibeatis suavemque bonæ famæ odorem, & virtutum omnium exempla Populo Dei præbeatis: femina in vestris domibus non maneant, suspectæ præsertim, aut etiam captivæ; ipsarum demum omnium familiaritatem devitate; qualibet nocte ad Divinum in Ecclesia officium recitandum surgite, quod statis certisque horis integram exsolvatur; quo item peracto, vestrorum nullus, nisi a mediâ nocte præcedente jejunus, ab omni cibo potuque vel minimo, sacrum celebret; indutus insuper sacris vestibus, iisque mundis semper, & minime laceris: Corpus, & Sanguinem Domini nostri Jesu Christi suscipite cum omni reverentia, humilitate, observantia, ac pavore; expiatis prius peccatis Sacramento Confessionis apud Confessarium approbatum cum contritione, & dolore criminum; potissimum, si peccati alicujus lethalis conscientia vos remordeat: corporalia, & pallæ sint ex lino, nec nisi dispensatione Apostolica, aliis ex pannis confici valent, eaque

L 1 2

mun-

(a) Hæc admonitio Synodalis, ad exemplar efformata est illius antiquæ, quam in Cod. Reg. Succ. num. 73. annorum circiter 700. habemus, editam etiam ab Steph. Baluzio, ad fidem Codicis Hist. anienensis Mon. Rivipulii vulgo Ripoll. ; Habetur

etiam in Pont. Rom. dicenda, recitatis de-
eritis; demum in 3. tom. de lit. Rom. Pont.
a Domin. Geotgi edito Romæ hoc an-
no 1743. Menessius autem, quæ Indis spe-
ctare possent, adjunxit. Vid. Georg. p. 426.

mundissima esse debent; cuncta etiam sacra vasa, aliis in vasis mundis ad hoc deputatis, propriis vos manibus lavare debetis; effusa deinde aqua, qua lota sunt, in Baptisterium, Piscinam, aut Cæmeterium Ecclesiæ, alta ad hunc usum scrobe effossa: ea demum diligentissime abstergite: mappis etiam nitidis ornetur Altare, quæ cum corporali treserant, ad celebrandum: super altare nihil, præter Reliquias Sanctorum, aut res sacras ad Sacrificium deservientes, collocetur: Missalia vestra, Breviaria, ac libri precum, sint bene compacti, ac integri: Ecclesiæ vestræ sint optime cunctæ, nitore item earum parietes, ac pavimenta præfulgeant. In Sacrario, vel prope aram maximam, vorago babeatur pro absumenda aqua, qua lavantur corporalia, sacra vasa, & Sacerdotum manus Oleum sacrum ministrantium: sit etiam in Sacristia vas, aut Lavacrum, munda oppletum aqua, ubi Sacerdotes, ac Altaris Ministri manus abluant, & nitidum manutergium dependens, ut eas detergant: fores, porticusque Ecclesiarum sint ex solida materia, ac bene observatæ. Vestrum nemo alicujus Ecclesiæ curæ se ingerat, absque facultate, & notitia Præsulis, etiam si a Populo ad eam suscipiendam curam cogatur. Nullus Ecclesiam, cujus titulo donatus est, deferat, vel ad aliam transeat, inconsulto Præsule; nec plures Ecclesias unus regendas accipiat, adversus Sacrorum Canonum sanctiones; neque a pluribus una regatur; sed unaquæque suum proprium Parochum ac Pastorem babeat. Extra Ecclesiam celebret nullus, nec ulla armorum genere, ne cultro quidem e zona suspensa instructus, Sacrum celebret. Parochia alterius incolæ sine licentia Parochi, sacram Synaxim non exhibeat, nisi itineranti, nec item in alterius Parochia Sacrum faciat. In celebratione Missarum, eadem ceremonia, ac ritus apud omnes uniformiter, ut omnis confusio, ac scandalum absit, observentur. Calices & Patena ex auro tantam fiant, argento, stanno communi, aut Indico, non vero ex metallo, ferro, vitro, cupro, aut ligno. Sacerdos & Parochus Parochia infirmos visitet ac soletur; confessionem etiam excipiat, ac propriis ipse manibus Eucharistiam, ac Unctionem extremam, dum opus fuerit, iis impertiat; eos proinde cum visitaveritis, admonetis ut eam postulent cum opus habeant. Nemo quidquam vel minimum accipiat pro baptismo, Sacramentorum administratione, aut pro mortuis sepeliendis. Parvulorum nullus ob incuriam vestram, absque Baptismo, aut agrotantium, sine confessione, & sacra communione, decedat. Inveniatur nemo potator nimius, contentionum fautor, armorum gestator, cauponarum & tabernarum frequentator, ad cibum potumve ibi capiendum. Cum Turcis, Iudeis, vel Paganis, mensa non assideatis; nec venandi exercitio, ut ex officio, aye, cane, aut

aut sclopo vos dedatis . Quæ in Domino vobis innotuerint siue de Evangelio , & Scripturis Sacris , siue bonorum exemplis , ea omnia , doctrina sana & catholica , in Dominicis festisque diebus Populo exponatis : prædicate præterea verbum Domini , cum profectu vestrarum Ovium . Curam habete Pauperum , Peregrinorum , Viduarum , Ægrotorum , ac Orphanorum vestra Parochia : peregrinos insuper convivias habeatis ; hospitalitatem servetis , in quo vosmet aliis exemplar prabeatis . Benedictionem aqua cum sale , cunctis Dominicis in Ecclesia , ante Missam faciatis , eaque Populum aspergite ; ad quem finem determinatum vas , aut amulam habeatis . Sacra vasa , aut quodcumque ex sacris ornamentis Ecclesia , siue Pagano , siue Christiano , pignori ne detis . Cavete ab usuris , negotiatione , contractibus , officiis publicis profanis , ac alienatione bonorum , qua in sacris constituti acquiratis : Ecclesia enim res sunt . Bona Ecclesia non vendatis , nec pro aliis commutetis . Fontem Baptismatis sicubi fuerit , nitidum conservetis ; secus autem , speciale vas ad id tantum destinatum , decenti in loco penes Ecclesiam , aut Sacrarium asservetur . Edoceatis etiam Parochianos vestros , pueros præsertim , Articulos fidei , Symbolum , orationem Dominicam , præcepta Decalogi , & Ecclesia ; & qua ratione quatuor temporibus , aliisque Vigiliis sit jejunandum ; ante Quadragesimam etiam , Populum de confessione facienda admonete : Parochianorum excipite Confessiones cum caritate , ac ingenti eorum spiritualis profectus desiderio . In solenniis Nativitatis , Paschatis , & Pentecostes , cunctos ad Sacram Eucharistiam suscipiendam adhortari non prætereatis ; caveatis insuper saltem in Paschate , ne quis dummodo sit capax , Eucharistica mensa communionem negligat . Lites quascumque , contentiones , ac inimicitias quantocius inter vestros subditos sedate : curate insuper ut vivant sincera amicitia , & caritatis Christianæ vinculis inter se mutuo conjuncti ; si quis autem alterum alloqui detrectaverit , cum scandalo , aut odio habuerit , admoneatur a vobis ; & quandiu contumax fuerit , eum procul ab altari arceatis . Conjugatos præterea , statis temporibus , potissimum solennibus festis , jejuniorumque diebus , sano consilio ab uxorio opere vacare suadeatis . Nemo vestrum induatur veste colorata ; sed habitu honesto ; quique Sacerdotes decet , incedatis . Populum instruite in modo servandi dies festos , iisque insinuate , ne laborent manibus ; tripudia & cantilenas feminarum in Ecclesiis ne permittatis ; ab excommunicatis cavete , nec iis presentibus Sacrum peragatis : monete populum , ne quis cum alteri desponsata , contrahere audeat ; sicuti neque cum consanguinea , aut a domo paterna rapta ; nec solennes nuptias celebrari , & uxores solenniter duci vetitis temporibus sinatis

natis: pecudum custodes, servosque, ad Sacrum diebus saltem Dominicis audiendum compellite. Paternos, ut quos a sacro fonte suscepunt, edoceant Symbolum fidei, & orationem Dominicam, vel edoceri curent, admonete. Sanctum Chrisma, ac oleum tum Catechumenorum, tum Infirmorum, in Ecclesia asservate loco decenti, munito, & clave obserrato (a): nec de ipso quidquam per modum medicamenti impertiemini; gravissimum enim id foret sacrilegium. Unusquisque apud se habeat Catechismum, & expositionem Symboli, & Ecclesiasticas Orationes, juxta expositionem Sanctorum, & Catholicorum Ecclesiæ Doctorum, unde suæ salutis prospicere, ceterosque exhortari valeat: sicuti & hanc Synodum, ut ex iis, quæ ibi decernuntur, & vos metipso, populumque commissum dirigatis, fidemque Catholicam, quam ipsa exponit, cunctis declaretis. Clara ac perceptibili voce proferte, Missæ Introitum, Orationes, Epistolas, Evangelium, ac Symbolum fidei: orationes vero secretas Canonis, & Consecrationis, voce dicite submissa, distincte, ac non interrupte: Recitantes autem in Choro, non prius sequentem versiculum incipiat, quam altera pars chori antecedentem absolverit, neque ex transversa voca & cantu profiliatis, cum perturbatione Officii Divini, neque confusa & mussitando recitetis. Symbolum S. Athanasii, summam fidei catholica continens, memoria retinete; & quotidie recitate. Exorcismos, Orationes, baptizandi Ritus, ungendi que agrotos, ordinem commendationis animæ, ac officia Defunctorum, ad normam Sacrorum Canonum, & usum S. Romanæ Ecclesiæ; totius orbis Ecclesiarum Matri; pariterque exorcismos, & benedictionem salis, & aquæ fideliter servate. Cantum Ecclesiasticum ipsiusque modulos pro rebus cantandis non negligatis. Computum insuper Breviarii, & Missalis, eorumque Rubricas, ut necesse est, teneatis; & rationem intrare festorum mobilium, & Paschatis, ne aliquis incuria vestra error incidat, sedulo addiscite: in qualibet præterea Ecclesia unum habeatur Martyrologium Sanctorum, in ea legendum; quodque ut Syriace reddatur curabimus. Omnia demum ista peragite, ut hisce aliisque bonis operibus, quæ auxiliante Domino, una cum Populo vobis commissis facturis speramus, gloriam assequamini sempiternam, per gratiam Domini nostri Jesu Christi, qui cum Patre, & Spiritu Sancto vivit, & regnat in secula seculorum. Amen.

Hæc

(a) Hic abusus a S. Bonifacio reprehenditur *Statut.* 5. apud Harduin. *Collect. Concil.* tom. 3. col. 1943, ubi præscribitur: Ut Presbyteri sub sigillo custodiant Chrisma & nulli sub prætextu medicina detur. Se-

culo etiam IX. ea ineptia invaluerat, Chrismate, nempe, criminosos unctos, nullo posse examine deprehendi. Vide Concil. Turonen. 1. a. no 813. an 20. & Catalani tom. 3. Pontifical. pag. 82.

Hæc profectis, atque in hunc modum Vicariis, Parochiisque præmonitis, cunctos, ut propria manu subscriberent præcepit Reverendissimus Metropolitanus, autographum decretorum Synodi Malabarice translata, utque si quid dubietatis circa sancita vel exposita in Synodo, unquam Ecclesiasticorum aut secularium obversaretur, ultra jam controversa explorataque, id omne ante subscriptionem producerent; quo nullus ambigendi subinde, altercandive locus relinqueretur. Pluribus itaque agitatæ, pertractatæ, compertisque, communi omnium arbitrato, atque consensu, nemine discrepante, cuncti autographum subscribere: proinde Synodi volumine ad Reverendissimum Metropolitanum allato, isque Pontificalibus indutus, & in Faldistorio sedens, Mitra capiti imposita, laudata obsignavit decreta. Posita deinde mensa in meditullio Capellæ majoris, superpositis etiam decretis, omnes quotquot ad Synodum fuere convocati, cum Ecclesiastici, tum sæculares, electi, ac Procuratores Populorum, manu propria coram Synodo, Populoque subscripserunt, ac obsignarunt, ad numerum tredecim super octingentos; videlicet Cassanarii, & Sacerdotes centum quinquaginta tres; demptis Diaconis, Subdiaconis, ceterisque Chamasiis: electi & Procuratores Populorum, cum aliis ex principalibus, qui una cum illis accesserunt, sexcenti sexaginta, non computatis incolis Loci de Diamper, ubi Synodus fuerat celebrata; plurimis etiam e finitimis locis, necnon Lusitanis plurimis, comitantibus D. Antonium D. Noronha Capitaneum Cochim, quorum Senatus, ceterique de Regimine Civitatis Synodo interfuere.

Signatis Decretis, surrexit Reverendissimus Metropolitanus, depositisque lufulis, ante Aram maximam flexo poplite, incoepit Hymnum: *Te Deum laudamus*, & cum ingenti gaudio, ordinate progressa est Processio solennis, quæ circuevit Ecclesiam choris concinentibus, & Latinis Latino idiomate, indigenis autem Ecclesiasticis, Chaldaico; Populo demum Malabarico Psalmos modulantibus. Ab omnibus ergo exultantibus, & præ gaudio lacrymantibus, una fide, ac indivisa caritate tamdiu expetita, terno Idiomate, Verus ac Omnipotens laudabatur Deus, Trinus etiam in Personis, ac essentia unus, Pater, Filius, ac Spiritus Sanctus, qui vivit, & regnat in æternum. Amen.

Ubi ad Aram maximam pervenit, Reverendissimus Metropolitanus, Processione peracta, recitavit Orationem: *Exaudi quæsumus Domine*: prout habetur in Pontificale Romano; qua finita, in faldistorio iterum sedit, accepta Mitra, & Baculo, atque ad hunc

hunc modum Populum affatus est: *Maximas Deo Omnipotenti, bonorum omnium auctori, rependo grates, ob ingens adeo beneficium, cum mihi, tum vobis, cunctoque fidei Populo hujus Diœcesis collatum, dum istam Synodum celebravimus tot tantisque obstaculis, ac impedimentis exantlatis, quibus totius boni hostis Diabolus, ut ipsam interturbaret satagit, excitationis toties contentionibus, discordiis, tricisque impediendi causa unionem Populi Christiani cum Ecclesia Catholica, eumque obfirmandi in erroribus, quibus, ut nostis, miserrima tenebatur. Quamobrem plurimas habeo gratias ipsi Deo Domino nostro, quod adeo ingenti letitia, pace, omniumque concordia, prout exploratum est vobis, res fuerit perfecta; tanta pariter, ut scitis, Regum paganorum Idololatrarum, Reliquorumque fidei Catholicae hostium rabie. Vos item gratissimi nobis estis, dilectissimi Fratres, Consacerdotes, Communiſtri, Coadiutoresque nostri; sicuti & vos dilecti filii Electi Procuratores Populorum, ceterique optimates, qui posthabitis & Itineris difficultate, & temporis molestiis, indignatione item Regum, quibus subdimini, ad Synodum venistis; quinimmo, ut strenui Christiani, salutisque percupidi, nostris obtemperando mandatis, omnia ea aspernantes, medelam vestris animabus perquisivistis; quæ quidem Deus remuneraturus est æterna beatitate, dum in puritate fidei, quam ad præscriptum hujus Synodi professuri estis, perseveraveritis, ritum insuper, moresque adamantissimi eorum decretorum aptaveritis: plurimumque in Domino confidimus, cum vos omnes ad propria cum pace, ac incolumitate reducturum; ipse domos vestras prosperitate impleat familias vestras posterorūque in æternum benedicat, quod per suam gratiam, & misericordiam vobis concedat. Amen.*

Alloquio ad finem perducto, stans Reverendissimus Metropolitanus, solennem benedictionem, uberrimis cuncto Populo impertitus est lacrymis; mox Archidiaconus elata voce dixit: *Recedamus in pace; universaque Synodo respondente: In nomine Christi. Amen.* impositus est finis Diœcesanæ Synodo die xxvi. Junii, Anno MDXCIX. in honorem, & laudem Domini Nostri Jesu Christi, qui cum Patre, & Spiritu Sancto vivit, & regnat in secula seculorum. Amen.

Absoluta itaque Synodo, singulis Vicariis Ecclesiarum per Reverendissimum Metropolitanum designatis, data fuerunt juxta decreta, altaris lapides ad hunc effectum à laudato Domino præconsecrati; qui enim apud Ecclesias erant in usu, legitima consecratione carebant; Pyxis item vasculis instructa, in quibus multiplex
sacri

facri olei genus continebatur cum formula ipsis utendi, omnibus explicata: Libellus etiam pro administrandis Sacramentis, juxta Romanum Ritum, Chaldaico & Syriaco idiomate descriptum; alius insuper Doctrinam Christianam continens, vernaculo sermone nempe Malabarico exaratus, pro instituendis parvulis, & reliquo Populo; nec non superpelliceum pro administrandis Sacramentis, quod ad ea usque tempora non fuerat in usu: collata præterea fuerunt pro omnibus Ecclesiis corporalia, vestimenta, *frontalia*, & calices, alia demum altaris ministerio necessaria: quippe iis omnibus earum plures desitiebantur. Lites etiam, aliaque ad Synodum delata, tam Populorum, quam particularium, decissa fuerunt atque judicata, per Reverendissimum Metropolitanum, ipsique electos viros adjunctos, qui litigiis compositis discessere: laudatus autem Metropolitanus denuo incepit visitationem Ecclesiarum Dioecesis, procurandi causa ut Synodi decreta executioni mandarentur, quod ex voto successit. Quamobrem in unaquaque Ecclesia potiora, ac opportuniora decreta recitabantur: tradebantur ipsi etiam libri, Breviaria, & Missalia tam Ecclesiarum, quam particularium: & prohibiti libri a Synodo, partim ab erroribus severa castigatione repurgabantur, partim flammis tradebantur. His auspiciis possessionem Ecclesiarum suarum inibant Vicarii, acceptabantur etiam a Populo, qui de proprio ipsis assignabat proventus, quibus additis, quæ Reverendissimus Metropolitanus de suo præstabat, publicæ ollæ, ac scripturæ pro Ecclesiis conficiebantur: eligebantur præterea quatuor Œconomi; referabantur capsulæ, ac fabricæ necessaria deputabantur: Cassanarii & Chama-zii, qui Synodo abfuerant, fidei professionem emittebant: pro confessionibus deputandi, prævio examine, collata in scriptis facultate, aptiores, aliis amotis, prout ferebat Ecclesiarum conditio, eligebantur. Baptismate tingeantur parvuli, omnesque adolescentules, quotquot fuissent sacri lavacri expertes in vicis: e silvis quosque adduci, plerumque octennes decennesque juebatur: sæpe incolæ pagorum fere omnes, Chrismate confirmabantur: ab excommunicatione absolvebantur quamplurimi, qui variis de causis, juxta loci consuetudinem ea ligabantur, præsertim ob homicidium, a quo nec in mortis articulo absolvebantur; & non raro per decem, viginti, ac plerumque triginta continenter annos, excommunicationi obstringebantur. Concionabatur quotidie Metropolitanus, idque per otium, Christianis intra Ecclesiam; Infidelibus vero præ ipsis foribus, dum curiositate ducebantur, tempore præcipue Baptismi, cum parvulos ad Ecclesiam congregabat,

M m

illis

illis verbis : *Ingredimini Sanctam Dei Ecclesiam &c.* a quibus verbis occasione sumpta, ad Ethnicos sermonem vertebat ; quorum nonnulli, variis e regionibus Baptismati adstantes, Catechismo imbuti, diversis postea in locis, & ipsi baptismum suscipiebant. Pueris exponebatur doctrina Christiana vernaculo Malabarico sermone, qua doctrina perpauci reperiebantur instructi : unde decretum hoc fideliter servandum in posterum jubebatur, ut ea Pueris quotidie exponeretur, exarato libello, & unicuique Ecclesiæ donato ; si qui deinceps id exigenter, matrimonio jungebantur : quibus omnibus, potiora Synodi Decreta ad praxim deducebantur. sequenti forma.

Adventanti Reverendissimo Metropolitano, universus Populus, ingenti lætitia obviam prodibat : excipiebatur plausibus pro gentium ritu, ac prout licebat ; deducebatur exinde præeunte processione in Ecclesiam : plurimi per vias vel aulæ, aut tegetes, tum & arborum ramos substernebant, solitis deinde ceremoniis Benedictionis, absolutionisque peractis, dum aliud per tempus non liceret, accedebant cuncti, tam virilis, quam sequioris sexus singillatim, profunda humilitate, & observantia proni, laudati Metropolitanam manum osculaturi, ipsique obedientiam præstaturi : summo postea mane ad Ecclesiam una cum Clero ac Populo conveniebat, ubi sacrum celebrabat præmissa propalam Confessione ad Aram maximam ; quod eatenus faciebat, quatenus doctrina de Sacramento Pœnitentiæ (plene quasi apud gentem desueto) prospiceret, eamque restitueret.

Sacrificio oblato, in sacrario aliove in loco congregabantur P. Franciscus Roz Societatis Jesu linguæ Chaldaicæ, & Syriacæ Professor in Collegio de Vaipicota, aliique Patres ad id deputati, adjuncti etiam nonnulli ex doctioribus Cassanariis, quo vi excommunicationis à Synodo latæ, libri deferiebantur Syriaci, tum Ecclesiæ, tum particularium, quorum plures expurgabantur : vetiti autem per Synodum, Metropolitano tradebantur, flammis absumendi. Interea temporis pontificalia accipiebat vestimenta Metropolitanus, sedensque concionabatur, inculcans ea, quæ necessaria, erant ad fidem servandam, moresque recte instituendos : sub concionis finem, potiora Synodi Decreta elata voce legebantur : deinde omnes longo ordine dispositi, supplices incedebant, & circumibant Ecclesiam ; quæ processio fiebat pro Defunctis. Aderat plerumque ingens Ethnicorum multitudo, rei ac præsertim vestimentorum Pontificalium novitate illecta, ac è januis, fenestris, ac cœmeteriis Ecclesiarum prospectabant : Absoluta Processione pro Defunctis, & exposita etiam doctrina de Purgatorio, necnon utilitate

litate pro illis orandi, sedens iterum, de Sacramento Chrismatus pro exigentia Populi, verba faciebat, Chrismate etiam nondum confirmatos, qui aderant, muniebat. Postea in Pontificali veste omnes nondum baptizatos parvulos, ac adolescentes Christianos, adultos item paganos pridie ad id convocatos, suis ipse manibus sacro fonte abluebat. Quos deinde introducens in Ecclesiam verbis iis: *Ingedimini Sanctam Dei Ecclesiam*, Infidelibus ipsam circumdantibus præ curiositate, concionabatur: & Naires quidem, ceterique, quamquam arcubus, sagittis, varioque armorum genere instructi, propria item ditio, absentibus etiam Lusitanis, placide ac sponte nedum audiebant de fide Domini Nostri Jesu Christi differentem, verum etiam contumelias irrisionesque suorum Idolorum, ac Sacrificulorum, necnon interminationem damnationis æternæ avide excipiebant. Absolutis his sacris functionibus, fidei professionem Ecclesiastici incolæ, si qui Synodo non interfuerant, coram Metropolitano, spectante Populo emittebant: & illico pueros puellasque vocabat, quibus contra sedem ac circum eam genuflexis, Chamaziorum aliquis vernaculo sermone, Doctrinam inchoabat, ipsamque repetebant omnes; unumquemque postea docebat modum muniendi se signo Crucis, & ad ipsos concionem teneræ ipsorum ætati congruam, non sine Parentum gaudio, habebat: erga dulcissimum JESU nomen (quod ipsi, ut pote Nestorianismo imbuti prætermittebant) venerationem promovebat & cultum: subinde adveniebat Vicarius, cui coram Populo propriæ committebantur Oves, quæ illum ut proprium Pastorem accipiebant: desponsi etiam maritali foedere jungebantur; confessiones excipiebantur plurimorum, quos inter plurimi grandioris ætatis erant qui, Pœnitentiæ Sacramento nunquam fuerant expiati; Sacram Synaxim, e manu ipsius Metropolitanani sumebant: postea pomeridianis horis conveniente Populo, proventus Vicario persolvendi præfigebantur, quod in Ollas, penes Ecclesias asservandas, exarabatur: eligebantur exinde Œconomi quatuor, quibus item Ollas Metropolitanus tradebat; capsulæ Ecclesiarum reserabantur, atque pecuniis inde extractis, necessariis rebus prospiciebatur: Metropolitanus, alique Patres ad id numeris designati, prævium Confessariorum examen faciebant, & qui ex Cassanariis idonei comperiebantur, facultatem in scripto audiendi confessiones accipiebant: ad hæc expostulationes, quærelas, & causas Christianorum audiebat, una cum quatuor ex ipsis Christianis, qui e primoribus ad arbitrium partium seligebantur, per quos cuncta decidebantur, & pro regionis more definiebantur, quin ulterius provocatio, que-

M m 2

rela,

rela, aut *processus*, super iis institueretur. Qui viginti ac triginta annos ante excommunicati erant, absolvebantur, poenitentia, quæ culpis congrueret imposita; plures enim erant casus, à quibus inhumane prorsus, nec in mortis articulo absolutionem reis impertiebantur; cetera demum Ecclesiæ, ac Reipublicæ utilia, constituiebantur. Ad quæ omnia perficienda operam contulerunt suam fervore, zeloque salutis animarum insignes, quinque Societatis Jesu Patres laudatam Metropolitanum comitantes, è quibus etiam duo Malabarico, & Chaldaico Idiomate pollebant: ii fuerunt, Pater Hieronymus Cotta, Pater Georgius de Craſto, Pater Franciscus Roz, Episcopus ad præsens ipsius Diocesis dignissimus, Pater Antonius Toscano, Frater Joannes Maria, P. Frater Blasius à Sancta Maria Theologus ex Ordine D. Augustini, Illustrissimi Metropolitanani à Confessionibus, Canonici tres Sedis Metropolitanae Goensis, alique duo Capellani laudati Domini, plurimi item Cassanarii Indigenæ, qui Chaldaice, ac Syriace divina celebrabant Officia, & quorum ope Illustrissimus Metropolitanus in multis utebatur. In progressu reductionis hujus Ecclesiæ ad Catholicam fidem, & obedientiam Sanctæ Romanæ Ecclesiæ, plurima animadversione digna contigere, quibus ostendebat Dominus quam gratum id operis sibi foret: in Visitatione præterea Ecclesiarum, nonnulla comperta fuere, permultum gloriam Dei, bonumque exemplum promoventia, quæ Deo auspice, alibi describentur, ad ipsius Domini gloriam, qui vivit, & regnat per secula seculorum. Amen.

E P I S T O L A .

Domini D. Andreæ Episcopi de Cochim,
ad congregatam Synodum.

Purimum, quantum arbitror Fratres, debetis Deo Optimo Maximo, quotquot Christiani Divi Thomæ vocitamini; equidem ejus Apostolo cooperante, præ aliis pluribus Ethnicis, quibus Oriens refertus erat, veritatis agnitionem lumenque accepistis, quo juxta Apostolum Petrum essetis *Gens Sancta, & Populus acquisitionis, quem Deus sibi elegit*. Nec crediderim, majores vestros, amplioribus apud Deum meritis præditos fuisse, præ aliis sibi coævis Infidelibus; nihilo tamen minus eos elegit, vosque pariter in illis; ceteros autem ipsorumque posteritatem præterivit; & plane

ne nulla alia de causâ , nisi quia Patribus vestris , ac vobis , id quod reliquis , erat denegaturus beneficium , plagæ hujus incolis voluit conferre : ut autem huic muneri cumulum adderet , id etiam egit , ut non a quocumque obscuri paruique nominis homine ad fidem adduceremini , ut aliis evenit Christianis , verum ab uno e suis electis dilectisque Apostolis , ut vestra isthæc Ecclesia , speciali titulo Apostolica appellari posset , ac privilegio , quod per paucis obtigit , quodque dudum Græcorum Metropolis Constantinopolis , dum licuit , invidisset , præ aliis frueretur . At Diabolus humani generis infensissimus hostis , livoris plenus , ingentem , qua hæc Ecclesia potiebatur gloriam , non ferens , nihil non movit , ut errorum hæresumque zizania , super lætam Christi ejusque Apostoli Thomæ segetem feminaret . Igitur e regione Babylonis & Chaldææ , nonnullos per fidi Nestorii discipulos adscivit , quibus hanc Ecclesiam everteret . Nestorius autem is erat , quem Concilium Ephesi coactum ducentorum Præsulum , apud Asiam minorem , hæreticum declaraverat ; id quod postea , in alio Concilio a sexcentis triginta Episcopis comprobatum fuit . Adeo præterea exitiosus sceleratusque evasit hæreticus ille , ut ultra pœnas suis in hac vita facinoribus promeritas , & ab hominibus inflictas , Deus ipse æternas , quas patitur , illi dederit hic prægustandas ; ut non modo gradu fuerit , ac Episcopi Dignitate deturbatus , a laudatis Conciliis aliisque sequentibus condemnatus , deportatus etiam judicio Theodosii secundi in Ægypti solitudines , ipsiusque Imperatoris sententia ejus libri combusti ; sed etiam lingua , quæ adeo blasphema protulerat , putrescere , ejus caro adhuc vivens vermibus arrodi , ac totum corpus tabescere , visum est , qua ratione è vita dejectus , animam Diabolo tradidit , ut referunt Evagrius illustris illius ævi Scriptor , Nicephorus , Cedrenus , alique authores Græci .

Ductante itaque Doemone scelesti illius discipulos in hanc Ecclesiam , ejus inter vos errores , nihil tale vobis præ sinceritate , & candore opinantibus , sparserunt , ut dicere licuisset viventi Thomæ ad vos , illud idem quod Paulus ad Ephesios , in quorum Civitate damnatus fuit postea Nestorius improbus : *Ego scio quoniam intrabunt post discessionem meam lupi rapaces in vos , non parcetes gregi* . Et jure quidem ac merito rapaces lupi appellari possunt , quos hic habuistis pastores , Hæretici ; abjectæ quippe sordidæque indolis homines , non alio quam expilandi , corradendique studio ducebantur ; ordines , ut nostis , fanonibus , (a) dispensationes fanonibus , absolutiones fanonibus ; omnia demum Sacramenta , quæ-

(a) *Fanon* est monete genus apud Malabarenses : vide syllab. Voc.

quæcumque etiam sacra, sanonibus, conferebant: rem quidem abominandam & Deo, & Divo Petro Apostolorum Principi, qui non alia de causa Simonem illum Magum ab Ecclesia expulit, ut in Actis Apostolorum legitur, ac excommunicationis fulmine percussit. Quod itaque fratres mei, in vobis, atque in Pastoribus vestris è Babylone missis impletum vidimus, jam diu per Isaiam Deus pronuntiaverat: *Ipsi Pastores ignoraverunt intelligentiam, omnes in viam suam declinaverunt, & unusquisque ad avaritiam suam, à summo usque ad novissimum*. Utque omnia paucis complectar, qualesnam poterant esse Episcopi, & Ecclesiæ Pastores, qui purum putumque lucrum sectabantur, qui ordinationes, & dispensationes; quæ denique Episcoporum sunt reliqua, non quidem Episcopatu, non Presbyteratu, non tandem Clericatu saltem initiati, sed meri Laici: quod postea facti sunt, peragebant? Quam obsecro, Deus immortalis, dispensationem, quod Sacramentum, quam gratiam acciperet ille, qui a non Episcopo, immo à non Clerico, sed à puris Laicis, forsitan & Lascaribus, quorum habitu a suis adventabant, solvebatur, ordinabatur? Hi sunt opimi fructus, o fratres, quos vobis Babylon afferebat, illinc ad vos loco Sacerdotum, & Episcoporum hæretici, laici, barbarique mittebantur. Quid igitur commune potest esse Malabariæ cum Babylone? Aut quæ tandem conventio inter purissimam Christi doctrinam, quam vobis Magnus Apostolus Thomas prædicavit, & barbaras ineptias, quas Arabes, & Chaldæi è Babylone, atque ab ipsorum Doctore Apostata Nestorio, huc asportavere? Isti sunt, dicenti credite fratres, de quibus Paulus quadam Epistola ad Discipulum Titum scripserat, futuros docentes *quæ non oportet*, turpis lucri gratia: quod quidem in præsentiarum accidit; ii enim, ut lucro simul honori que proprio consulant, quo indignissime potiuntur, vobis malis artibus persuadere conantur aliam fuisse doctrinam Divi Petri, aliam vero, quam vobis Divus Thomas prædicavit. Satiùs foret, si dicerent doctrinam Apostoli Petri, toto fuisse Cœlo diversam ab hæresibus, à Babylone huc disseminatis; ceterum illam ab ea, quam vos edocuit tradiditque Divus Thomas, in nihilo differre; quod etenim Thomas, id Petrus, id Christus, id ceteri edocuere Discipuli, quia ut ait Paulus: *Unus Dominus, una Fides, unum Baptisma*, atque adeo una est Ecclesia, cujus in Cœlo caput Christus est, in terris vero Petrus, & post eum Successores ipsius Romani Episcopi. Quod autem D. Petrus, ac ejus Successores singuli, sit in terris caput universalis Ecclesiæ, constat perspicue, nam id Christus Petro ante Passionem ex Matthæi

thæi XVI. promiserat, cum fide ejus probata, asseruit: *Tu es Petrus & super banc petram edificabo Ecclesiam meam, & tibi dabo claves regni Cælorum*: quod Apostolorum Discipulorumve nemini, præterquam Petro dixerat. Et habetur etiam apud Joannem capite sui Evangelii ultimo, quod post Resurrectionem suam interrogavit Dominus Petrum, an se præ aliis amaret, & respondente Petro, probe esse sibi notum, quod plurimum eum diligeret, dixerit illi ter: *Pasce agnos meos, pasce agnos meos, pasce oves meas*, quibus eum verbis Pastorem constituit universalem ovium suarum, & post ejus obitum, omnes Romanos Episcopos, qui ipsi in munere succedere: harum vero ovium Christi unum est tantum ovile, & una Ecclesia: unde in Symbolo, quod ad Missam canitur, habemus: *Credo in unam Sanctam Catholicam, & Apostolicam Ecclesiam*; de qua etiam ipsius sponsus Jesus Christus in Canticis agebat: *Una est columba mea, perfecta mea &c* & Joannes Cap.X. narrat, quod loquente Dei filio ad Discipulos suos de vocatione Gentilium ad fidem, dixerit illis: *Alias Oves habeo, quæ non sunt ex hoc Ovili, & illas oportet me adducere, ut fiat unum ovile & unus Pastor*: igitur ovile, in quo & Judæi & Gentiles in una congregati sunt fide, Ecclesia est Catholica, Pastor autem ille fuit D. Petrus, & ejus Successores Romani Episcopi, quorum quilibet ut Episcopus Romæ, Pastor est universalis, totius Ecclesiæ Dei. Quamobrem qui ei obedire detrectat, in numero non est ovium Christi, extra ovile errat Christi, Schismaticum se probat hæreticumque, quemadmodum ceteri, qui Ecclesiæ Romanæ adversantur; quæ quidem Ecclesia nec erravit, neque errabit circa fidem, ex promissione Christi dicentis Petro, ut scribit Lucas: *Ego pro te rogavi Petre, ut non deficiat fides tua*: desciscere possunt a fide, quæcumque aliæ particulares Ecclesiæ, ut pluries vidimus; ceterum Ecclesiæ Romanæ, nec defecit, nec defectura est fides: quapropter fratres arctissime adhærescite huic firmissimæ columnæ, Ecclesiæ Romanæ; adversus quam juxta Domini sponsonem, portæ inferi prævalere non possunt; nimirum quæ fuerunt, ac modo sunt in orbe hæreses: maximas præterea grates Domino persolvite, quod vobis opportune fuerit opitulatus; Pastoremque ac Doctorem spiritualem dederit Dominum Archiepiscopum, qui propriam Sedem commodaque relinquens, tanti rem oneris in se suscepit, ut vestræ salutis prospiceret, atque ab erroribus, quibus tenebamini, hoc tempore eriperet. Id etiam pro certo, nullique dubietati exposito habeatis, illum unum esse ex Pastoribus, de quibus Deus per Hieremiam dixerat: *Et dabo vobis Pastores juxta cor meum, & pascent*

280 SYNODI DIAMPERITANÆ ACTIO IX.

cent vos scientia, & doctrina: errores ac ineptiæ hucusque pascua vobis fuerunt, Pastores item vestri vestros fanones, & nulla ratione salutem vestram quærebant; Pastor autem iste vestra non vult, immo sua pro vestra effundit salute, quo securius beatitudinis semitam arripere possitis: atque hinc solum satis compertum vobis erit, quantum inter ipsum ac Pastores, quos hucusque habuistis, immo Lupos, quibus dixit Dominus: *venturos in vestimentis ovium*, intercedat discriminis. Errorum vestrorum hucusque aliquam excusationem prætere, vobis fuerit integrum, nec enim ultra id quod Magistri vos docebant sapere poteratis; at nullam in posterum, coram Deo, aut hominibus prætexere licebit, nisi quales optamus, quibus cordi estis vos exhibueritis. Quam tradidit vobis doctrinam Dominus Archiepiscopus, ea est, quam omnes Indiæ tenent incolæ, cum Clericis & Religiosis ipsius: ipsam tota Lusitania, Hispania tota, cuncti demum amplectuntur Christiani; ipsam nos Dei Filius edocuit, tradidit Thomas, tradidit Petrus, cuncti denique Apostoli, Discipulique Domini tradiderunt: si quis autem adversus hanc docuerit, sit, ut ait Paulus, anathema, excommunicatus, & separatus a fidelium congregatione & societate, eo quod ipse se à Christo, ejusque fide & gratia separavit. Deus vobis perfectam sui cognitionem conferat, ut vester in Domino frater peroptat. Datum Cochim XVIII. Junii, anni MDXCIX.

Frater in Domino F. Andreas Episc.



SYNO-

SYNODI RESPONSUM.


Deus auxilietur nobis.

Illustrissimo ac Reverendissimo Domino

D. A N D R E Æ

Episcopo dignissimo de Cochim.

SYNODUS DIOECESANA
Christianorum Sancti Thomæ, Episcopatus
Montensis, Diamper congregata: æternam
felicitatem, & cuncta prospera in Domino.



Uas Synodo dedit literas, Illustriss. Dominatio Vestra, easdem coram Sacerdotibus Populoque congregatis, Rñus noster Metropolitanus recitari iussit; quarum totum introspicientes argumentum, ingenti in Domino gaudio cumulati sumus. Comperimus enim sanam doctrinam, quæ in iis continetur, eandem prorsus esse, quam noster Metropolitanus è suggestu, per omnes Ecclesias edocuerat, quam Synodus ista explicaverat, quam demum Missionarii istius *Serræ* indefinenter inculcant; quamobrem novo robore in accepta fide catholica inde confirmamur; sicuti & in obedientia, quam Ecclesiæ Romanæ, nostræ Matri, ac Domino nostro Papæ Christi Vicario in terris, atque divi Petri Successori, præstitimus, ut ex actis constat Synodi, quæ Dominationi V. transmittimus, à nobis subscripta, ubi omnia valebit perspicere. Nec in eam à recto deviationem, in qua hucusque versati sumus, nos coniecerat aut animi pervicacia, aut fovendi schismatis quæsitum studium, sed vera causa ea fuit, quia jam dudum apud nos erat veræ doctrinæ lumen obtenebratum, & Pastores non salubri cibo, sed venenato nos pascabant, nempe malefana Nestorii doctrina, tum aliis pluribus erroribus, a quibus tandem, Deo propitio atque miserante, per nostrum Metropolitam in veram lucem emerimus. Ei-

N u

dem

dem causæ tribuendum est, quod initio, illius vocibus aures negavimus, quod ipsi magnopere molesti atque infesti fuimus, quodque ipsum non semel in discrimina conjecerimus; quorum omnium in dies magis magisque nos piget. Cum vero ille strenuo constantique animo concionibus institerit, quibus splendor, & claritas veritatis nobis illuxit, tandem auspice Deo, sincere atque ex animo eam amplexati sumus, ac in Synodo unanimiter, & communi omnium lætitia professi; unde res Ecclesiæ istius in rectum novumque ordinem redegit, nostro Metropolita Mar Alexio omnium Magistro plene obtemperantes. Unum tamen est quo angimur, quod ipse quantocius in propriam sedem, Ecclesiarum visitatione peracta, digressurus, nos solatio atque auxilio destituet, ni ab Apostolica Sede, quem expectamus, Antistes advenerit, aut Dominatio V., proximæ Diœceseos Pastor, quod alii decessores egerunt (quorum beneficiis cumulati, eos grato animo memoramus) nobis, ac rebus nostris auxilio sit; & usque dum sedes vacat, nos, & Rectorem, quem noster Metropolitæ designaverit, eadem benignitate, & comitate qua proprias oves prosequitur, clementer excipiat. Et quia nos data honestavit Epistola, ab ea quodammodo audaciores facti, id etiam à Dominatione V. confidenter petimus, ut dum Presbyteri nostri, quod frequenter accidit, ad Urbem & Diœcesim Dom. V. se conferunt, tum ad spirituale ipsorum solatium, tum ad eorum indigentiam sublevandam, eosdem sacrum celebrare benigne sinat; quod quidem, parvo ab hinc tempore ipsis denegatum esse comperimus; idque eadem causa contigisse credimus, quia nos vetus, quod ejuravimus Schisma ab Ecclesia Romana disjungebat: at cum jam quæ ad fidem attinent, omnia pro voto cesserint, nihil est quo præpediri possit, id quod humiliter flagitamus, nempe quod Presbyteris, qui illuc accedant cum literis nostri Antistitis, ex quibus constet, nullo eos impedimento teneri, facultatem faciat celebrandi Missas in illis Ecclesiis, saltem Romanam Syriace redditam; ita fiet ut omnibus compertum sit, nos omnes tandem unum esse in Christo in una Ecclesia Catholica, & Schisma, quo Satanæ opera vexabamur à reliquiis Ecclesiis disjuncti, evanuisse; omnesque unam eandemque Catholicam constituere Ecclesiam, quod & fides tradit, & Dominatio V. in sua gravissima Epistola, ut Pastor vigilantissimus, perspicue solideque nos edocet. Ac pro tanto bono, Deus nobis Dominationem V. incolumem per multos vitæ annos reddat, ad spirituales suæ Ecclesiæ progressum, atque ovium, quas à Domino commendatas regit, proventum. Dat. Diamper in Synodo die 25. Junii anni 1599.

**LITURGIA
MALABARICA
MENESSIANA.**

ADMONITIO

In Liturgiam Malabarico-Meneſſianam .



Ompertiffimum apud omnes haberi debet , Sanctos Apostolos , Christi & verbo & exemplo edoctos , certum aliquem modum atque formam precum & obsecrationum præscripsisse , quibus rite sancteque uterentur , In communicatione fractionis panis, eosdemque subinde ipsorum proximos Successores , in Ecclesia Hierosolymitana , Antiochena , aliisque , ampliorem in modum pro rerum temporumque opportunitate redegeſſe . Nec minus exploratum habetur , certos ritus atque ceremonias in illis sacris actionibus peragendis , quibus ordine atque decore quodam ea perficerentur , adhibitas deinceps usurpataſque fuiſſe ; at vero hæc omnia , non illico , nec primis illis temporibus scripto fuere mandata , ſed ſolida conſtantique traditione , quæ omnem prorsus varietatem ac discrepantiam , circa rei ſubſtantiam excluderet , ore tenus ad omnes Chriſticolas derivata .

*Nestoriani igitur , qui Edeſſa pulſi , in Syriam , Meſopotamiam , & Perſidem fuere primum diſperſi ; quique poſteriori ævo , Tartariſ atque Sinis , nominis Chriſti fidem (utinam ſinceram) annuntiantes , atque Indiam colluſtrando , religionis candorem , quem ab Apoſtolo Thoma acceperant Indi , miſere offuſcantes , in illas omnes Orientis regiones penetrarunt ; iſti, inquam, Liturgiæ formam, quæ Eccleſiæ illi Edeſſenæ erat in uſu , & quam uti ab Apoſtoliſ traditam conſervabat ; alias etiam , ab iis quos Magiſtros venerabantur , inſtitutas Liturgias , ſecum ad illas gentes advexerunt . Ea vero inter omnes alias eminet atque celebratur , quæ Liturgia Apoſtolorum inſcribitur ; notæ etiam ſunt Liturgiæ Theodori Interpretis , & Neſtorii , a quo
nomen*

nomen sortiti sunt, qui usque ad præsens Nestoriani vocantur. Nec ultra tres istas Liturgias, alias extare Nestorianorum, præfidenter asserunt Renaudotius Tom. 2. pag. 566. & le Brun Tom. 3. pag. 206: ut quam vere, inferius constabit.

Apud Christianos Nestorianos S. Thome nulla alia usitatio fuisse Liturgia videtur, quam ea, quæ agente Menessio ex Syriaco in Latinum conversa est, quum nostra Synodus celebraretur; ea est, quæ hic attexitur ad calcem Synodi, prout a Gouvea edita fuit, atque typis excusa Conimbricæ anno 1606. post septem a Synodo annos; unde apparet, Indos Malabareses, non aliam ista gratiorem accepisse à Nestorianis Liturgiam, præterquam ex tribus recensitis primam, quæ Apostolorum appellabatur; nisi dicamus, eam ipsam quoad potiorem sui partem, ante Nestorianorum appulsum jam pridem a fidei primordiis apud Indos viguisse; ea vel maxime, quod cum Thomas, qui Indis lumen fidei invexit, idem etiam in Edesum Adæum ablegaverit, ærissimile est, eundem quoad substantium, sacræ actionis conficiendæ ritum, Ecclesiam Indicam & Edesenam ab ipsis acceptum retinuisse; Nestorianos autem, quibus, ut optime notat Renaudotius, neque Orthodoxi neque Jacobitæ umquam objecerunt, quod novam Liturgiæ formam invenerint (aut antiquam aperte, priori saltem tempore corruerint) ausos non fuisse, antiquissimam illam Liturgiam abrogare; quamquam sensim reliquas duas Theodori, & Nestorii, ut Synodus ostendit Act. v. in Ecclesiam Indicam introduxerint, immo & quartam Diodori, ut max ostendimus.

Prima igitur inscribitur: Liturgia aut Sacrum Sanctorum Apostolorum, quo nomine veniunt juxta Nestorianos Adæus seu Thadæus & Mares, eo quia Apostolus Thadæus cum socio Mari, qui ab aliis vocatur Agi, Edesenis atque Mesopotamenis ad fidem conversis ipsorum prædicatione, hanc, ut illius Ecclesiæ ferebat traditio, celebrandæ Liturgiæ formam eos edocuerint. Quod aperte habetur in Codice
cujus-

cujusdam Presbyteri Babylonici, qui aſſervatur nunc in Bibliotheca Eccleſiæ Cathedralis Rothomagenſis, cui hic præſignitur titulus: Miſſa Beatorum Apoſtolorum, compoſita, a Dom. Adæo, & Dom. Moareo Doctõribus filiorum Orientis; & in Biblioth. Palatina Coſmi III. Magni Etruriæ Ducis, extat Codex hujus Liturgiæ, cum hoc titulo: Doctrina Adæi Apoſtoli, qui docuit & catechizavit Edeſſenos, & omnes Meſopotamēnos. Porro in prima Moareo pro Mari, ſubrepiſſe credendum eſt. Liturgia Theodori hoc titulo inſignitur: Miſſa D. Theodori Interpretis, quæ celebratur à Dominica prima Annuntiationis, uſque ad Dominicam Oſchane (id eſt Palmarum). Quæ autem Neſtorii dicitur, ita inſcribi ſolet: Miſſa D. Neſtorii, quæ celebratur quinquies per annum; in Epiphania, die feſto D. Jo. Baptiſtæ, die feſto Doctõrum Græcorum, feria quarta Rogationum, (a) Ninive, & Paſchate. Quæ omnia comprobantur a noſtra Synodo Aët.v. Dec.II. pag.153. nempe eas in uſu fuiſſe; at certis tantum diebus anni: In Miſſalibus hujus Episcopatus nonnullæ exiſtunt Miſſæ, quæ Neſtorium, aliæ quæ Theodorum, aliæ vero quæ Diodorum ipſius Magiſtros, Authores habent, quaſque Caſſanarii, certis diebus recitare jubentur. Unde minus ſidendum eſt Renaudotio, ſicuti & in aliis rebus ad noſtram Synodum atinentibus, quod ſcripſerit Tom 2. pag.575. ut in multis, ita & in hoc alucinatam Synodum, ſcripſiſſe; Diodori extare Liurgiam: Quod (ait) nemo autor idoneus memoriæ prodidit; at neque idoneus haberi debet auctõr, qui adeo præſidenter loquitur. Itaque Abraham Ecchellenſis; qui ſane idoneus eſt auctõr; in Not. Catalog. Ebedjeſu pag.133., ait, ſe legiſſe Syriacam Liturgiam Diodori; quod etiam probat non minus idoneus ſcriptor Aſſem. Tom. 3. pag.23. quæ inſectivam Renaudotii in noſtram Synodum exhibilat. Addimus ex ipſo,

non

(a) Tempus indicatur triduanũ jejuniũ, quod appellant Jonæ aut Ninivitarum, quod exordium ſumit decima octava die aut

Quadrageſimam: de quo vide Synodum pag.226.

non solum ultra illas tres Renaudotii Liturgias extare eam, quæ Diodori est, verum etiam Liturgias Narsetis, Barsumæ, & Procli sub titulo; Sacrum Commemorationis, sive Sacra Commemoratio; cassas autem conjecturas Renaudotii in discernendis Liturgiis (qui Maronitis nullam Liturgiam concedit) solide revincit P. Benedictus Soc. Jesu Maronita, in Antirrhet. altero ad calcem 2. Tom. Oper. S. Ephræm p. 40. ubi pulchra de divisione Liturgiarum apud Syros adducit: tota item Dissertatione, jure merito nimia Renaudotii confidentia egregie vapulat.

Quod attinet ad veram fidei Doctrinam, circa Eucharistiam, suspecti quidem a pluribus habiti sunt Malabareses, uti & Nestorianorum reliqui; quasi transubstantiationem non crederent; immo in aliquibus ipsorum Liturgiis, sacra consecrationis verba desiderarentur. Synodus etiam nostra non admodum ipsis favisse videtur; tum quia Act. III. Dec. XIV. ait, Malabareses retinere Librum Timothei Patriarchæ, & Librum Homiliarum, aliosque, in quibus asseritur, in Eucharistia corpus Christi non existere, sed tantum ejus imaginem seu figuram; tum etiam, quia in sequenti præloquio Synodi ante Liturgiam Malabaricam, idem asseritur; atque memoratur Episcopus quidam Angamalenfis, qui ut illis erroribus obviam iret, jussit in Liturgia verba scribi consecrationis, immo & addi: Hoc est in veritate corpus meum &c. At omnia facili negotio constabunt, & ejusmodi scrupulus e medio tolletur, si animadvertamus, alios fuisse circa Eucharistiam errores, ut ita dicamus, nativos ipsorum sistemati, aliosque adscitos. Errarunt certe; cum enim Deum assererent affective tantum Christo unitum, & Christum in Eucharistia vere præsentem esse, consequenter assererent corpus tantum ibi esse suppositi humani, non suppositi Divini: at hoc idem mutationem elementorum ab eis admissam fuisse convincit, ipsamque transubstantiationem aperte supponit. Quod autem, ut notavit Josephus II. Patriarcha, in Liturgia Nestorianorum, verba Christi desi-

derentur, præcipue in prima Apostolorum; id sane in causa fuerit; vel quod antiqui ea verba supplerent ex aliis liturgiis; vel quia e memoria penitus ea depromerent: id constat, in Liturgiis Theodori & Nestorii ea verba legi; ex quo evidenter sequitur, hac in re Nestorianos antiquos a ceteris Ecclesiis non discessisse. Nestoriani autem recentes ea verba non suppleant, immo reticentia Liturgiarum muniantur ut prohibent, solis Invocationis verbis, panem Eucharisticum transmutari. Privatus autem recentiorum error, publicæ antiquorum auctoritati nihil officit, sed potius ex illa emendandus est; ut recte monet Assem. Tom. 4. p. 304. quod autem verba consecrationis à Nestorianis usurpata fuerint in suis Liturgiis, ineluctabiliter ab eodem convincitur. Diluendum manet autem, quod ab eorum pluribus, Timotheo præsertim dicatur, in Eucharistia figuram tantum Corporis Christi contineri; attamen quin eam inficias, quod eorum aliqui subdolo sensu id affirmaverint, (quod regulam non constituit) duo nobis certissime constant: primum nihil tale in illo sensu, oculatissimum Assemanum in scriptis Timothei introspexisse; alterum est, quod cum illi alias, ut mox dicebamus, realem Christi præsentiam agnoverint, eo sensu, nec alio dicere poterant, ibi esse figuram corporis Christi, quo Ambrosius, aut auctor Libri Sacram. lib. 4. cap. 3. & alii id asseruerunt; nempe Corporis Christi mystici ex omnibus prædestinatis efformati; ubi omnes, cum erimus in Patria, capiti nostro Christo copulabimur; cuius rei Corpus Christi in Eucharistia perspicuam exhibet imaginem atque figuram; hanc rem in optimo lumine collocat Le Brunus Tom. 3. pag. 193. & seqq.

Igitur Liturgia nostra, quæ etiam extat in Bibliotheca Patrum, & apud Renaudotium, & Le Brunum (mutila tamen apud istos atque omnino depravata, adeo ut durum sit credere ipsis asserentibus, se eam legisse) omnium optima haberi debet; per omnia enim præferebat sacrum illum antiquitatis characterem, qui imitationi dolosa non facile subiacet,

O o

ni-

nimirum simplicitatem; addimus eximiam pietatem, unctio-
nem Spiritus Sancti, atque incomparabilem sinceritatem;
adeo ut exceptis aliquibus benedictionibus, aliisque pauculis
verbis, quæ recentioris videntur institutionis, nulli ipsam at-
tente perlegenti constare non poterit, Apostolica sapere tem-
pora, quoad reliquas potissimas Liturgiæ partes; quid quid
miles gloriosus Renaudotius contra asserat, Tom. 2. p. 580.
de nostra Malabarico-Meneffiana Liturgia. Ut autem ex
nostra Liturgia, integra species antiquæ, ut erat ante Me-
neffii emendationem, habeatur, quod expetebant Croæus,
Renaudotius & Le Brunus; id effecimus, ut appositis ad
oram verbis a Meneffio expunctis, castigationes diversa
charactere excuderentur; itaque si verbis in contextu notatis,
substituuntur, verba quæ in extrema ora collocantur, omni-
no fiet, ut antiqua Liturgia, representari valeat.



MALABARICO-MENESSIANA . 291
M I S S A

Qua utuntur antiqui S. Thomæ Christiani Diæceseos Angamallensis ad montana Malabarica, Indiæ Orientalis, ab erroribus atque blasphemii Nestorianorum, quibus scatebat, expurgata, per Illmum & Rmum D.D. Fr. Alexium de Menezes, Goensem Archiepiscopum, ac Indiæ Primate, quum ablegatus fuit, ut eos Christianos obedientiæ S. Romanæ Ecclesiæ reduceret; de verbo ad verbum e Syriaco vel Suriano in latinum translata.



Nter plura, quæ cordi mentique fuerunt Rmo Archiepiscopo Goensi D. Fr. Alexio de Menezes, quum Synodum coegit Diocesanam in Episcopatu Angamallensi *Serræ* Malabaricæ, apud Christianos Divi Thomæ, quos ab erroribus Nestorii revocavit, atque Sanctæ Romanæ Ecclesiæ subiecit, nihil hac una re antiquius habuit, quam Liturgiam Syriacam, aut Surianam Missam, quæ Chaldaico idiomate in ea Ecclesia legebatur, ab erroribus repurgare; enim vero illa, sive instituta, sive multis a Nestorianis hæreticis aucta fuisset, plurimis erroribus atque blasphemii deturpata erat; immo Nestorii, Theodori, Diodori, aliorumque Nestorianorum colebatur in ea memoria, ipsorumque intercessio, non secus ac Sanctorum aliorum implorabatur. Cumque præterea tam ipsi Christiani, quam ipsorum Præsules Chaldæi, qui e Babylone illuc mittebantur, summa rerum ignorance laborarent, eo devenerunt stultitiæ, ut quilibet pro suo libito, etiam consecrationis formæ aut verba adjiceret, aut detraheret. Antistes autem quidam, qui rei Ecclesiasticæ, Divinarumque Scripturarum ampliori præ aliis eruditione pollebat, errores, qui formæ consecrationis subreperant, sedulo expunxit, ne de veritate fidei erga Sacramentum dubium ullum suscitari posset; veram insuper consecrationis formam restituit, nonnulla etiam majoris explicationis gratia adjunxit verba, ut errorem, quo illi erant imbuti, nempe quod in Eucharistia figura tantum corporis Christi existeret, procul ab eorum animis propelleret, (ab istis enim hunc errorem, hæretici nostri ævi, qui omnes veteres in antiquis sectis damnatos errores, denuo resuscitarunt, desumisse videntur) in forma igitur consecrationis pa-

nis, ita disposuit Archiepiscopus ille verba: *Hoc est IN VERITATE Corpus meum*; & in consecratione Calicis hæc alia: *Hic est IN VERITATE Calix sanguinis mei, qui pro vobis, & pro multis effundetur, in debitorum propitiationem, & in peccatorum remissionem, & hoc erit vobis pignus in sacula sæculorum*, quæ quidem forma hæctenus obtinuit. Veruntamen Rñus Archiepiscopus redundantia expunxit verba, atque formam consecrationis, qua utitur Ecclesia Catholica, uti in Missali Romano continentur, restitui curavit; plures etiam sacrilegos ritus; pleraque item ineptissima, quæ in defensionem hæresum, ac errorum, illi Christiani usurpabant, abrogavit; ab omnibus ergo ejusmodi rebus Missam sedulo expurgavit, reliqua uti prius legebantur, illibata relinquens, quousque quid factio opus esset super iis, Sedes Apostolica & Summus Pontifex consultus decerneret. Castigationes vero in hanc Liturgiam a Synodo adhibitæ, earum saltem plures leguntur, *Act. V. Decr. X. (a) de Sancto Missæ Sacrificio*; & *Act. III. de rebus ad fidem spectantibus*, quo Lectores remittimus; interea ut avidæ ipsorum curiositati satisfiat, eandem Missam, prout ad præsens legitur repurgatam, oculis subjicimus.



SACRUM

(a) Non avidius auri ramenta arripere, ut hæc verba in defensionem Religionis suæ reformatæ excipit Crozæus in *Præfat. Hist. Ind.* ut antiquam esse ipsius doctrinam, quæ ab antiquissimis illis Christianis, ipsi incaute asserente Gouvea desumpserunt Protestantes; at verba Gouvez non si-

gnificant institutionem; sed exemplum, ut cum dicimus, adeo turpe est systema Protestantium: ut ab orco videatur acceptum.

(b) Legendum nempe est; *Act. V. in Doctrina de Sancto Missæ Sacrificio, Decret. 1. vide superius in Synodo p. 145.*

BB. APOSTOLORUM.



Acerdos indutus vestibus sacris cum Diacono, vel alio Ministro habente thuribulum cum incenso, continuo thuriferante accedens ad gradus Altaris in primo gradu constitutus, elevatis manibus, facta prius Altari reverentia, absolute dicit:

S. Gloria in excelsis Deo.

D. Amen.

S. Gloria in excelsis Deo.

D. Amen.

Et in terra pax & spes bona hominibus, Pater noster, qui es in Cælis, sanctificetur nomen tuum, Sanctus, Sanctus, Sanctus; tu Pater noster qui es in Cælis, pleni sunt Cæli & terra Majestatis gloriæ tuæ, & Angeli, & Homines clamant ad te Sanctus, Sanctus, Sanctus, tu Pater noster qui es in Cælis, sanctificetur Nomen tuum, adveniat regnum tuum, fiat voluntas tua sicut in Cælo, & in Terra, da nobis hodie panem necessitatis nostræ, & dimitte nobis debita, & peccata nostra, sicut & nos dimittimus debitoribus nostris, & ne nos inducas in tentationem, sed libera nos à malo, (a) *quoniam tuum est regnum, virtus & gloria in sæcula sæculorum Amen.*

*Sacerd. &
Diac. simul.*

S. Robora Domine Deus noster infirmitatem nostram

(a) Immerito PP. Diamperitani *Alt. 3. Decr. 2.* ut habetur *pag. 82.* Synodi queruntur de Nestorianis, quasi in Orationi Dominicæ apud Matthæum *cap. 6.* ista verba addiderint: *Quoniam tuum est Regnum &c.* Hæc enim quæ vocatur *Formula Glorificationis*, antiquissima est in Ecclesiis Orientalibus, atque inde in Græcum T. N. contextum introducta, quasi terminus Orationis Dominicæ, quam Christus nos docuit; quod accurate adnotavit Arias

Montanus in *Edit. Græco-Lat. ad hunc locum*; talis itaque additio ante Nestorium abs dubio facta est; Chrysostomus enim qui anno 190. Antiochiæ Homiliis vacabat, ipse sensum enucleavit, quasi esset illius Capituli perioche, *Hom. 20. sup. Matth. 6.* Et antiquus Auctor Homiliarum, apud eundem Chrysostomum, idem præstat *Hom. 16. in Matth.* Reperitur præterea in Liturgiis Syrorum, Coptorum, & Aethiopum.

fram benignitate tua, ut ministremus Sacramentis tuis sanctis, quæ nobis data sunt in naturæ nostræ salutem, & innovationem, *per (a) amores Filii tui dilectissimi*, O rerum omnium Domine, Pater Filius, & Spiritus Sanctus.

D. Amen.

S. Adoretur, & glorificetur, honoretur, & exaltetur, laudetur, & benedicatur in Cælo, & in Terra super gloriosum nomen Trinitatis tuæ præclarissimæ omni tempore, rerum omnium Domine Pater, & Filius, & Spiritus Sanctus.

D. Amen.

S. Domine quis habitabit in tabernaculo tuo, & quis requiescet in Monte Sancto tuo.

S. Qui ambulat absque macula, & facit Justitiam, & loquitur veritatem in corde suo, & non dolum per linguam suam.

D. Et non facit proximo suo, & munus non accipit contra proximum suum.

S. Et qui reprobatur oculis suis irritatorem, & timentes Dominum glorificat.

D. Et jurat proximo suo, & non mentitur, & pecuniam suam non dat ad usuram.

S. Et munus contra proximum innocentem non accipit, qui facit hæc Justus est, & non commovetur in æternum.

D. Glorificate eum in virtute ejus, glorificate eum in magnitudine Majestatis ejus.

S. Glorificate Dominum in sanctitate ejus, glorificate eum in firmamento fortitudinis ejus.

D. Glorificate eum in voce tubæ, glorificate eum in citharis, & psalteriis.

S. Glorificate eum in tympanis, & organis, glorificate eum in vasis suavis.

D. Glo-

(a) Renaudotius *Litur. Tom. 2.* p. 580. asserit quod ubi Diamperitana versio legit *Amores*, satius fore, interpretari, *Miserationes*; & quamquam rideat versionem Diamperitanam, fatetur tamen literæ tenaciorum esse præ aliis. Miseratione tamen dignus est Renaudotius, qui nesciebat quod ex eadem radice Syriaca *Rebem* sit quod est *Dilexit*:

Amavit, & *Rebem*: In visceribus habuit: *Miserus est*; unde sicut non male aliqui *miserationes* vertunt; ita recte Diamperitani, *Amoris* scripserunt; nec in hoc extra orbitam aliquid asseruerunt; ac quam fuerit Censor noster linguarum orientalium peritus, ex paucis, quæ in Præfatione generali adnotavimus, dignosci valet.

MALABARICO-MENESSIANA. 295

D. Glorificate eum in cymbalis bene sonantibus, glorificate eum in voce, & vociferatione, omni spiritu glorificamus Dominum.

S. Laudate Dominum omnes gentes, Laudate eum omnes populi.

D. Quoniam confirmata est super nos gratia ejus, vere Dominus est in æternum.

S. Gloria Patri, & Filio, & Spiritu Sancto, à sæculo, & usque in sæculum. Amen & Amen.

D. Mundis cogitationibus constitue me Domine coram Altari tuo.

S. Domine quis habitabit in tabernaculo tuo, & quis requiescet in monte sancto tuo, quam gloriosum, & decorum est Sanctuarium tuum: Deus omnium sanctificator rerum.

D. Pax nobiscum.

S. Coram throno super glorioso Majestatis tuæ, Domine mi, & excelsa supremaque Sede dominationis tuæ, & ara expiationis, quam fixit voluntas tua in loco habitationis gloriæ tuæ: Nos populus tuus, & oves pascuæ tuæ cum Seraphinorum millibus te laudantium, & decies Angelorum, & Archangelorum millibus tibi ministrantium, genua coram te flectimus, adoramus, & glorificamus semper, Patrem, Filium, & Spiritum Sanctum in sæcula sæculorum.

D. Amen.

S. Nomini magno formidabili, sancto, laudabili, incomprehensibili Trinitatis tuæ super gloriosæ, Misericordiæ etiam tuæ, quam erga genus nostrum ostendisti, gratias referre debemus incessanter, adorationem quoque, & laudem tribuere: O rerum omnium Domine, Pater, & Filius, & Spiritus Sanctus.

Amen.

S. Te Dominum omnium laudamus, & te Jesum Christum glorificamus, quoniam tu es suscitator corporum nostrorum, & Salvator optimus animarum nostrarum, lavi pure manus meas, & circumdedi Altare tuum Domine.

Sacerd. & Diac. simul iterum repetunt. Iterum repetit Sacer.

D. Te omnium Dominum laudamus, te Jesum Christum glorificamus, quoniam tu es suscitator corporum nostrorum, & salvator optimus animarum nostrarum.

Glo-

Gloria Patri, & Filio, & Spiritui Sancto à seculo, & usque in seculum. Amen, & Amen.

Te Dominum omnium laudamus, te Jesum Christum glorificamus, quoniam tu es suscitator corporum nostrorum, & Salvator optimus animarum nostrarum: lavi pure manus meas, & circumdedi Altare tuum Domine.

Te omnium Dominum laudamus, te Jesum Christum glorificamus, quoniam tu es suscitator corporum nostrorum, & salvator optimus animarum nostrarum.

D. Pax nobiscum.

S. Tu es vere Dominus meus, & suscitator corporum nostrorum, & salvator bonus animarum nostrarum, & custos assiduus vitæ nostræ: teque omni tempore laudare, & glorificare debemus, Pater, & Filius, & Spiritus Sanctus,

D. Amen.

S. Domine Deus noster, quando spirabit in nobis odor suavissimus bonitatis, & charitatis tuæ, & cum corpora (a) nostra veritatis tuæ splendore fuerint illustrata, tunc occurremus dilectissimo Filio tuo, qui è Cælo revelabitur, & in Ecclesia tua, quæ jam corona donata est, collaudabimus te incessanter, quoniam tu es Dominus & Creator omnium, Pater, & Filius, & Spiritus Sanctus.

D. Amen, Afferte vocem vestram, & collaudate omnes populi Deum vivum.

S. Sancte Deus, Sancte fortis, Sancte immortalis miserere nobis; Gloria Patri, & Filio, & Spiritui Sancto.

D. Sancte Deus, Sancte fortis, Sancte immortalis miserere nobis.

S. A seculo & usque in seculum. Amen, & Amen.

D. Sancte Deus, Sancte Fortis, Sancte Immortalis, miserere nobis.

*Sacerd. ver-
sus Populum.*

Stemus nos omnes pulchre, & cum lætitia, & hilaritate

(a) Antiq. Malab. *Et cum anima nostra*. Hanc de emendatione hujus loci rationem reddit Synodus A.B.S. Dec. 1. pag. 147. nempe quia verba, quæ legebantur: *Anima nostra* videntur alludere ad errorem Chiliastrarum: at vero cum ex con-

textu appareat, hic loqui & rogare Deum viventes pro semetipsis, ex illis verbis præcedentibus: *Quando spirabit in nobis*, non vero pro defunctis, omnis scrupulus deponi potuisset.

MALABARICO-MENESSIANA. 297

ritate petamus, & dicamus, Domine noster miserere nobis.

*Populus ; &
si non adest,
Diac.*

Domine noster miserere nobis.

D. Pater misericordiarum, & Deus totius consolationis, te rogamus.

Pop. Domine noster miserere nobis.

D. Salvatorem nostrum, nostræque salutis dispensatorem, & rerum omnium ducem, te rogamus.

Pop. Domine noster miserere nobis.

D. Pro pace & unitate, totiusque mundi, & omnium Ecclesiarum consistentia, te rogamus.

Pop. Domine noster miserere nobis.

D. Pro aeris salubritate, annique, ac proventuum ubertate, & totius orbis ornatu, te rogamus.

Pop. Domine noster miserere nobis.

D. *Pro (a) Sanctis Patribus nostris beatissimo Papa nostro N., & Episcopo hujus Metropolis N. & ministris ipsorum, ut prospera valetudine perfruantur, te rogamus.*

Pop. Domine noster miserere nobis.

D. Misericordem Deum, qui amore suo omnia gubernat te rogamus.

Pop. Domine noster miserere nobis.

D. Pietate divitem, & benignitate diffusum, te rogamus.

Pop. Domine noster miserere nobis.

D. Essentia bonum, & omnium donorum largitorem te rogamus.

Pop. Domine noster miserere nobis.

D. In Cœlo super gloriosum, & in terra super laudabilem, te rogamus.

Pop. Domine noster miserere nobis.

D. Naturam immortalem, lucemque splendidissimam inhabitantem, te rogamus: Salva omnes Christe Domine Deus noster gratia tua, & multiplica in nobis pacem & caritatem, & miserere nobis.

P p

Pop. Do-

(a) Antiq. Malab. *Pro Sanctis Patribus nostris, Patriarcha nostro: Pastore universali totius Ecclesie Catholicae, & Episcopo &c.* In his duobus locis vocabatur Patriarcha, Babylonius; Pastor universalis, &c., Totius Ecclesie Catholicae, quæ verba jure castigavit Synodus: equi-

vero nec titulus, nec res, sana fide aptari potest, ulli Patriarcharum, præterquam Romano; quod vel ipsi Nestoriani fatentur, apud Sobensium in *Epit. Can. Par. 9. cap. 1.* locum integrum legere poteris infra in *Dissertat. num. 132.*

Pop. Domine noster miserere nobis.

D. Oremus, pax nobiscum.

Oremus obsecremusque Dominum Deum omnium, ut audiat vocem orationum nostrarum, & auscultet preces nostras, & misereatur nostri.

Oremus & pro Ecclesia Sancta Catholica, quæ in toto terrarum Orbe dispersa est, ut pax illa, quæ est a Deo, in ea permaneat usque ad seculi consummationem.

Oremus etiam, & pro Sanctis Patribus nostris Episcopis, ut absque macula & querela omnibus diebus vitæ suæ, in Capite Ecclesiarum suarum consistant: præcipue vero oportet nos orare (a) *pro incolumitate Patrum nostrorum Sanctorum Domini Nostri Papæ N,* & Domini nostri Episcopi hujus Metropolis; Oremus ut custodiat eos Dominus, ac conservet in Capite gregum suorum, ut pascant, & administrent, ac præparent Domino plebem perfectam, æmulatricem bonorum operum.

Oremus & pro Presbyteris, & Diaconis, qui ministerio hoc veritatis consistunt, ut corde optimo, & conscientia pura ministerium suum, coram Deo expleant.

Oremus etiam pro omni Congregatione Sancta, & sobria filiorum Ecclesiæ Sanctæ Catholicæ, ut scilicet cursum optimum Sanctitatis consumment, & spem ac promissionem a Domino, in regione vivorum recipiant.

Commemoremus autem (b) *Beatissimam Dominam Mariam Matrem Dei vivi, & Salvatoris, & Redemptoris nostri;* Oremus igitur ut Spiritus Sanctus, qui in ea habitavit, gratia sua nos sanctificet, & voluntatem suam in nobis adimpleat, & veritatem suam in nobis signet, omnibus diebus vitæ nostræ. Memoriam etiam veneremur Prophetarum, Apostolorum, ac Martyrum, Confessorumque: Oremus ut ipsorum precibus, ac Passionibus, quas sustinuerunt, faciat nobis Deus cum

(a) Antiq. Malabar. *Domini Patriarcha totius Ecclesiæ Pastoris.*

(b) Antiq. Malab. *Beatissimam Mariam Virginem Matrem Christi, & Salvatoris.* Hic locus emendatur propter reticentiam tituli *Matris*

Dei, quem Nestoriani Mariæ denegabant; unde hic, aliisque in locis adjungitur ille titulus, ut affluerent illi Christiani, Deiparam debito ipsi gloriosissimo titulo honorare, & æque priscam gloriam restituere.

cum eis, spem optimam ac salutem, efficiamur quoque digni eorum Commemorationibus benedictis, & vivis ac veris promissionibus in Regno Cœlorum.

Commemoremus quoque Patres nostros (a) *Sanctos & veritatis Doctores, Sanctum Cyrillum, S. Athanasium S. Basilium, S. Ephraem, S. Augustinum, S. Leonem, S. Gregorium, omnesque Doctores, & Presbyteros, veritatis Doctores*: Oremus, ut ipsorum orationibus veritas pura & sincera doctrina, quam ipsi docuerunt, & professi sunt; in omni Ecclesia Sancta custodiat, usque ad sæculi consummationem.

Recordemur etiam & Patrum & nostrorum fidelium, qui ex hoc sæculo in orthodoxa fide transierunt, oremus inquam Dominum, ut illos absolvat, eorumque peccata, & prævaricationes dimittat, & efficiat eos dignos, ut cum justis & rectis, qui divinæ voluntati obtemperaverunt, lætentur in secula.

Pro hac etiam Provincia, & Civitate, & pro his, qui in ea degunt, præsertim vero, pro Congregatione hac; Oremus, ut Dominus noster per gratiam suam, avertat à nobis gladium, captivitatem, prædam, terræmotum, famem, ac pestem, & cetera, quæ animæ, & Corpori adversantur.

Pro his quoque, qui à vera fide aberraverunt, & laqueis Satanae irretiti tenentur: Oremus, ut convertat Dominus Deus corda eorum, & agnoscant verum esse Deum Patrem verum, & filium ejus Dominum nostrum Jesum Christum.

Oremus & pro infirmis, præcipue vero pro his, qui morbis difficillimis cruciantur, & à pessimis spiritibus tentantur: Oremus, ut Dominus Deus noster mittat eis Angelum sanctum amorum, & salutis, & visitet, sanet, adjuvetque eos, magnitudine gratiæ, & misericordiæ suæ.

Pro egenis etiam, orphanis, viduis, & afflictis, &

P p 2

his

(a) Antiq. Malabar. *Patres nostros, & veritatis Doctores, Dominum, & Sanctum Nestorium, S. Diodorum, Sanctum Theodorum, S. Ephraem, S. Abraham, S. Narcisum, omnes quoque Doctores, & Presbyteros, veritatis cultores.*

Nonnisi perficata prius fronte, hæreticis illis adjungerent Nestoriani, *S. Ephraem* clarissimum, atque purissimum Ecclesiæ Orientalis lumen; de quo vide eruditissima Prolegomena Asseman. ipsius Operibus præfixa *Édition. Rôman. annis 1732.*

his, qui persecutionem patiuntur: Oremus: Dominus gratia sua regat eos, ac nutriet, pietateque sua confortetur, & benignitate sua eos liberet ab inferentibus illis vim.

Orate, postulateque Deo omnium Domino amores, ut sitis illi Regnum, Sacerdotium, & populus sanctus: Clamate ad Dominum Deum fortem, toto corde vestro, & tota anima vestra, quoniam Deus Pater benignus, & misericors est, ac clemens, & non vult perire plasma suum, sed ut convertatur & vivat: super omnia vero decet & oportet nos orare, laudare, & adorare, glorificare, & honorare, ac exaltare unum Deum Patrem Dominum omnium, adoratione dignissimum, (a) *qui per Jesum Christum filium suum Dominum nostrum, fecit nobis spem bonam*, & salutem animabus nostris, ut scilicet ipse gratiam amoresque in nobis perficiat usque in finem. Amen.

Pop. Amen.

Dum hac Diaconus recitat, Sacerdos in medio Altaris, accipit Patenam, & præbente thura Diacono, & tenente thuribulum ambabus manibus cum igne, immittit incensum in ignem in formam crucis, & Patenam thuris odore imbuat, dicens.

S. Domine Deus noster, odoriferam fac Patenam hanc, in modum patenæ Aaron Sacerdotis clarissimi, in tabernaculo foederis, tu qui es creator, & Dominus radicum aromaticum, suavissimum odorem spirantium, in nomine Patris, & Filii, & Spiritus Sancti Amen.

Deinceps velum, quo cooperit Calicem, dicens.

Domine Deus noster odoriferum fac velum hoc in modum palii, quo Elias Propheta veritatis operiebat, in nomine Patris, & Filii, & Spiritus Sancti. Amen.

Deinde Calicem dicens.

Domine Deus noster odoriferum redde Calicem hunc, in modum Calicis Aaron Sacerdotis, in tabernaculo foederis, tu qui es Creator radicum, & aromaticum, suavissimum odorem spirantium, in nomine Patris, & Filii, & Spiritus Sancti.

Mit-

(a) Antiq. Malab. *Qui per Christum fecit nobis spem bonam.*

MALABARICO-MENESSIANA . 301

Mittens vinum in Calicem dicit Sacerdos .

Misceatur (a) vinum in Calice Domini nostri Jesu Christi : In nomine Patris , & Filii , & Spiritus Sancti .

Infundens aquam dicit .

Venit unus ex militibus , & percussit lancea latus Domini nostri Jesu Christi , & continuo exivit sanguis , & aqua , & qui vidit testimonium perhibuit , & verum est testimonium ejus .

Rursus infundens vinum dicit .

Misceatur aqua vino , & vinum aqua in nomine Patris , & Filii , & Spiritus Sancti .

Sacerdos ponens Calicem coopertum super Altare versus Austrum ; procedit versus Aquilonem ad cornu Evangelii , & sumit hostiam , ac superponit patenam , & ambabus manibus elevans , procedit ad medium Altaris , & præparatum Calicem manu dextera accipiens , manus in formam Crucis complicatas super Aram extendens dicit .
S. Expectans expectavi Dominum (b) panem sanctum , & Calicem pretiosum super sanctum Altare , omnes offeramus , timore pariter , & honore , & cum Angelis clamemus , Sanctus , Sanctus , Sanctus Dominus Deus noster .

D. Edent Pauperes , & saturabuntur (c) panem sanctum , & Calicem pretiosum super sanctum Altare omnes offeramus timore pariter , & honore , & cum Angelis clamemus , Sanctus , Sanctus , Sanctus Dominus Deus .

Oremus : pax nobiscum .

Offe-

(a) Antiq. Malab. *Misceatur pretiosus Sanguis in Calice &c.*

(b) Antiq. Malab. *Corpus Christi, & Sanguinem ejus pretiosum .*

(c) Antiq. Malab. *legebatur , ut supra .*

De castigatione facta in iis tribus locis Liturgiæ Malabaricæ PP. Diamperitani duplicem reddunt causam , *Atq. pag. 148. tum : Ne verba illa, quibus vinum nondum consecratum vocatur pretiosus sanguis , præbeat occasionem errandi , tum etiam : Ne videantur (verba) alludere ad damnatum Græcorum morem , qui offerentes panem & vinum ante consecrationem , ea aderant , dicentes , se ita facere , propter id , in quod po-*

stea convertenda sunt . Utraque tamen scrupulosius inventa est , quam par erat ; nisi illorum temporum conditio , atque illorum Christianorum plena ab erroribus revocatio , ex quadam prudenti œconomia , Menesium , aliosque PP. ita agere compulerit . Quod enim vocetur *Sanguis* ante consecrationem vinum , modus loquendi visitatissimus est a priscis temporibus , quo Ecclesiæ dona oblata , in antecessum nomine vocat illius rei , in quam post pauca convertenda sunt ; nec is est Orientalis Ecclesiæ peculiaris ritus , sed communis nostræ Ecclesiæ Occidentali , quæ præscribit similia verba in Missa , dum Sacerdos offert panem ; nempe :

*Sac. Silentio
dicit.*

Offeratur, & gloria imoletur Trinitati tuæ super gloriosæ in sæcula sæculorum, (a) & *Iesus Christus Dominus noster, Dei Filius, qui oblatus est* pro salute nostra, & præcepit nobis, ut sacrificemus in memoriam Passionis, Mortis, Sepulturæ, ac Resurrectionis ejus suscipiat sacrificium hoc, de manibus nostris per gratiam, & amores suos, in sæcula sæculorum.

Sacerdos superponens Altari oblata, silentio dicit.

S. Constituantur, & ordinentur Mysteria hæc super gloriosa, & sancta, vitam conferentia, & divina, super Altare Sanctum Christi, usque ad gloriosum e Cœlo ipsius Adventum, cui est laus, gloria, & adoratio modo, & omni tempore, & in sæcula sæculorum.

Elevans vocem dicit.

Gloria Patri, & Filio, & Spiritus Sancto, super Altare sanctum fiat commemoratio (b) *Virginis Mariae Matris*

Suscipe S. Pater, Omnipotens æterne Deus, hanc IMMACULATAM HOSTIAM; licet tunc panis ille, nec sit immaculatus, nec Hostia, aut vitima Sacrificii; Tamen procul omni errandi periculo, ita vocatur, quia est res jam destinata conversioni & sacrificio; etenim, ut ait Amalarius, qui floruit initio Seculi IX. Præfat. 2. in lib. de Offic. Eccl. Facit (Sacerdos) eam transire, per suam secretam orationem ad nomen HOSTIÆ, sive muneris, doni, vel Sacrificii, vel oblationis. In uno illum panem vocat Corpus Christi Ecclesia nostra in oratione secretæ Epiphaniæ, quæ in antiquo Sacramentar. Gregorian. legitur pag. 15. Miss. Goth. Cardin. Thomasi p. 210. Dona propitius intueri, quibus non jam aurum, thus, & myrrha profertur sed Iesus Christus Filius tuus. Consonat Missal. Gelasian. ejusdem Cardinalis pag. 117. Miss. Franc. Miss. 22. pag. 428. Liturg. Gall. pag. 325. & Missal. Mozarab. in quo habetur; Offerimus HOSTIAM qua sola placere potest, cum sit ipse Deus &c. Nec secunda ratio magis placet; ritus enim ille Græcorum, damnatus non est; immo spectante Roma permittitur, ut semel & ite-

rum in Græcorum Templo fieri vidi die S. Athanasio sacra; enim vero illa thurificatio panis, dum e Prothesi sive parvo altari asportatur in aram maximam, aliæque ceremoniz, quæ in Liturgia Chrysostomi; quæ nihilo differt a Basiliana, præscribuntur; nullam præferunt panis adorationem, aut cultum latreuticum, sed meram æquidnam; quod si aliquis latræ ætus intercederet, non ad panem, sed ad Corpus Christi etiam non præsentis, tenderet, quod jam panis ille significat, atque repræsentat; sicuti audita voce Sanctissimi Sacramenti, reverentiam, & quidem latreuticam exhibemus, non voci, quæ significat Sacramentum, sed Eucharistiæ significatæ, etiam ibi non extanti: simili ergo, immo potiori jure id cultus exhiberi potest pani illi; tum quia, Diaconi benedictionibus, atque precibus sanctificato, tum etiam (si scholasticis terminis, & vocibus uti licet) quia ille panis est in fieri Corpus Christi.

(a) Antiq. Malab. *Et Christus, qui oblatus est.*

(b) Antiq. Malab. *Virginis Mariæ Matris Christi.*

MALABARICO-MENESSIANA . 303

Matris ipsius Dei , & Domini Nostri Jesu Christi .

D. A sæculo , & usque in sæculum . Amen , & Amen .

(a) Apostoli ipsius filii Dei , & Amici Unigeniti orate , ut fiat pax in Creatura .

S. Dicat omnis Populus Amen , & Amen : Commemoratio tua Thoma Apostole , Pater noster sancte , super Altare Sanctum cum Justis , qui vicerunt , & Martyribus , qui Corona donati sunt .

D. Dominus fortis nobiscum , Pater noster nobiscum , Angelus noster , & adjutor noster Deus Jacob .

S. Pusilli cum majoribus , ecce spe bona dormierunt omnes fideles , qui humanitatis debitum persolverunt ,

(b) & per Resurrectionem tuam super gloriosam , suscitabis eos ad gloriam tuam .

D. Effundite coram illo corda vestra , jejunio , oratione , & poenitentia , *(c) placaverunt Patrem , Filium , & Spiritum Sanctum .*

Operiens oblata Sacerdos dicit .

S. Amictus es lumine sicut vestimento , & extendisti Coelum sicut cortinam , nunc & semper , & in sæcula sæculorum .

Dum Sacerdos lavat manus dicit Diaconus .

D. Prece , & obsecratione Angelorum pacis , & amorum postulamus .

Pop. A te Domine .

D. Nocte , & die , & omnibus diebus vitæ nostræ , sempiternam pacem Ecclesiæ tuæ , & vitam absque peccatis postulamus .

Pop. A te Domine .

D. Peccatorum remissionem , & quæ vitæ nostræ emolumenta præbent , & Divinitatem suam placant postulamus .

Pop. A te Domine .

D. Misericordias Domini , & ejus benignitatem , & semper , & omni tempore postulamus .

Pop. A te Domine .

D. Nos , & animas nostras Patri , Filio , & Spiritui Sancto commendemus .

Pop. Ti-

(a) Antiq. Malab. Apostoli ipsius Filii .

(b) Antiq. Malab. Et resurrectione tua super gloriosa resuscitabis eos .

(c) Antiq. Malab. Placaverunt Christum , Patrem quoque , & Spiritum ejus .

Pop. Tibi Domine Deus .

S. Rogamus , & obsecramus te Dominum Deum , fortem , perfice in nobis gratiam tuam , & per manus nostras dona tua effunde , amoresque tuos , & Deitatis tuæ benignitatem , & sint in propitiationem debitorum populi tui , & in remissionem peccatorum omnium ovium pascuæ tuæ , quas per gratiam , & amores tuos tibi elegisti : omnium Domine Pater , & Filius , & Spiritus Sanctus .

D. Amen .

D. Inclinate capita vestra in manus impositionem , & accipite benedictionem .

Sacerdos in silentio dicit .

Domine Deus fortis , tua est Ecclesia Sancta Catholica , (a) *quæ admirabili Christi filii tui passione empta est* : oves pascuæ tuæ , per gratiam autem Spiritus Sancti , qui est æqualis tibi in Deitate super gloriosa , ordines veri Sacerdotii conferuntur : tu vero Domine mi , per clementiam tuam effecisti dignam exiguitatem naturæ nostræ miseriæ , ut possimus homines , membra præclarissima fieri corporis magni , quod est Ecclesia Catholica , & ministerio tuo animabus credentibus , Spiritualia auxilia conferamus ; tu ergo Domine mi , perfice in nobis gratiam tuam , & per manus nostras dona tua effunde ; fiant quoque super nos amores tui , ac pietas Deitatis tuæ super Populum hunc , quem elegisti tibi .

*Sac. elevat
vocem .*

Da etiam Domine mi , benignitate tua , ut omnes nos , omnibus diebus vitæ nostræ , Deitati tuæ æqualiter placeamus , operibus , nimirum optimis Iustitiæ , quæ super gloriosæ voluntati misericordiæ tuæ nos reddunt acceptos , & in hunc modum auxilio gratiæ tuæ digni efficiamur , ad offerendum tibi semper , carmen , honorem , & laudem , & adorationem , Domine omnium Pater , & Filius , & Spiritus Sanctus .

D. Amen : qui non suscepit Baptismum , discedat .

Chorus . Vere .

D. Qui non accepit vitæ Signaculum , discedat .

Chorus . Vere .

D. Qui

(a) Antiq. Malab. *Quæ admirabili Christi tui passione &c.*

D. Qui non suscepit illud discedat.

S. Ite audientes, & videte ostia.

Oremus, pax nobiscum.

S. Illumina Domine Deus noster, motus cogitationum nostrarum, ut auscultemus, & intelligamus vocem suavissimam præceptorum tuorum, vitam conferentium, ac divinorum: Da quoque nobis per gratiam tuam, & amores tuos, ut ex eis emolumentum discerpamus, caritatem nimirum, spem, & salutem, quæ animæ, corporique expediunt, & decantemus tibi semper laudem, absque cessatione omni tempore, Domine omnium Pater, & Filius, & Spiritus Sanctus.

D. Amen.

Te sapientissimum gubernatorem, & admirandum domesticorum tuorum curatorem, & gazophylatium magnum, ex quo omne bonum auxiliumque, pietate tua procedit: obsecramus, convertere Domine mi, & propitius esto nobis, miserereque nobis semper sicut & soles Domine omnium Pater, & Filius, & Spiritus Sanctus.

(a)
Pro Defunctis
Sacerdos.

D. Silete.

S. Paulus Apostolus Epistola: ad Corinthios Fratres mei; benedic, Domine mi.

D. Benedicat te Christus.

S. Scimus enim, quod & si domus nostra, quæ in terra est Corporis hujus dissolvatur, (b) (est tamen nobis ædificium à Deo, domus non manufacta in Cælo in æternum, propter hoc enim etiam ingemiscimus, desiderioque æstuamus, ut induamur domo nostra, quæ è Cælo est, nisi vero cum induti fuerimus, non nudi inveniamur, cum enim sumus modo in hac domo, propter

Qq

ter

(a) Hic apparet typorum error; nihil enim pro Defunctis, hoc loci recitari videtur.

(b) Quæ ista parenthesi comprehenduntur, desunt in *Liturgia Malabara* le Bruni tom. 3. pag. 226. legitur enim nullo sensu, in hunc modum: Scimus enim quod est domus nostra, quæ in terra est corporis hujus, dissolvatur sive bonum sive malum &c., sensu plane ridiculo; nec dubitamus, le Brunum animadverto-

re potuisse (perspicacissimum hominem) plura etiam verba deesse illi contextui; qui alias plusquam lincent oculis, post solam prolationem verborum consecrationis, deesse adhuc corpus Christi; tempore autem quo fit invocatio super oblata, & allabi Spiritum Sanctum, & præsentem jam se habere Christum, acutissime præ aliis Occidentalis Ecclesiæ Viris perspexerat; at de hoc infra agemus, Nota 16. Liturg.

*Sac. in medio
Altaris stans.*

rer ipsius onus ingemiscimus, & nolumus ea spoliari; sed super indui, ut absorbeatur per vitam ejus immortalitas, & qui præparat nos ad hoc ipsum, Deus est, qui dedit nobis pignus Spiritus sui: Quoniam igitur scimus, persuasumque habemus, quod quandiu in hoc corpore habitamus, peregrinamur à Domino: Per fidem enim ipsam, non per visionem ambulamus, propter hoc speramus, desiderioque flagramus excedere e corpore, & apud Dominum nostrum esse, curamusque quod siue præsentem, siue absentem, ipsi simus placentes: omnes nos enim stabimus ante tribunal Christi, ut recipiat unusquisque in Corpore suo quod fecit) siue bonum, siue malum, vivus est enim sermo ipsius Dei, & omnium operator, & penetrabilior omni gladio ancipiti, & pertingens usque ad divisionem animæ, & spiritus, compagum quoque, & medullæ, & ossum, & judicans cogitationes, & intentiones Cordis, & non est Creatura abscondita à conspectu ejus, sed omnia nuda, & aperta sunt coram oculis ejus, cui reddemus rationem.

D. Gloria Christo Domino.

Te splendorem (a) gloriæ ipsius Patris, & substantiæ genitoris tui imaginem, qui in Corpore humanitatis nostræ apparuisti, & illuminasti mentem nostram lumine Evangelii tui vitam elargientis, te, inquam, laudamus, & adoramus, & glorificamus omni tempore, Domine omnium Pater, & Filius, & Spiritus Sanctus.

S. Sapientem me fac Domine doctrina tua sancta, & da mihi ut absque intermissione, & sine macula, ministrem coram te per custodiam mandatorum tuorum, vitam conferentium, divinarumque, Domine omnium Pater, & Filius, & Spiritus Sanctus.

D. Silentium est, silete.

S. Pax nobiscum. (b)

D. Et

(a) Verba ista: *Te splendorem* usque ad illa: *Spiritus Sanctus*; quæ a Diacono dicuntur; a Sacerdote dici debere, indicat Liturgia le Brunii, hac scripta Rubrica: *Sacerdos in medio Altaris stans, aliquantulum*

latus inclinatus dicit: Te splendorem &c.

(b) Hæc verba: *Pax nobiscum; es tecum & cum Spiritu meo*: desunt in Liturgia le Brunii.

D. Et tecum, & cum spiritu tuo.

S. Evangelium Sanctum Domini nostri Jesu Christi, prædicatio Joannis.

D. Gloria Christo Domino.

S. Benedic Domine mi.

D. Benedicat te Christus.

S. Dixit Jesus (a), amen amen dico vobis, non posse Filium facere quidquam a semetipso, nisi quod viderit Patrem facientem: quæ enim Pater facit, hæc etiam similiter filius facit: Pater enim dillegit Filium suum, & omne quod facit ostendit illi, ut vos miremini: Sicut enim Pater suscitavit mortuos, & vivificat eos, sic etiam Filius quos vult vivificat: non enim Pater judicat quemque, sed omne Judicium dedit Filio, ut omnes honorificent Filium, sicut honorificat Patrem, qui misit illum. Amen amen dico vobis quod omnis qui audit Verbum meum, & credit in eum, qui me misit, habet vitam æternam, & in judicium non venit, sed transit a morte ad vitam. Amen amen dico vobis, venit hora & nunc est illa: quando mortui audient vocem Filii Dei, & qui audient vivent, sicut enim Pater vitam habet in semetipso, sic dedit & Filio vitam habere in semetipso, & dedit ei potestatem, ut faciat etiam judicium: quod sit Filius hominis, in hoc nolite mirari, quoniam venit hora, in qua omnes, qui in monumentis sunt (b) *audient vocem Filii Dei*, & procedent, qui bona fecerunt, in resurrectionem vitæ, & qui mala egerunt, in resurrectionem judicii.

D. Gloria Christo Domino.

Credimus in unum (c) Deum Patrem Omnipotentem, & cetera sicut in Romano Missali.

D. Oremus: pax nobiscum: orate in memoriam redu-

Sacer. incipit & cum simul profequitur.

Q q 2

cen-

(a) In Liturgiâ le Bruni ita legitur hæc Evangelii Joannis Periocha: *Dixit Jesus: Amen amen dico vobis, non posse Filium facere ... qui mala egerunt in resurrectionem judicii*: ex iis aliisque constat, quam mutilum ipse codicem edidit, & nihilo accuratorem Renaudetiano.

(b) Antiq. Malab. *Audient vocem ipsius*.

(c) Symbolum legebant Malabarenfes, uti in Missali Romano habetur; iis exceptis; nempe quod præmittebant verba illa: *Deum de Deo, lumen & lumine, Deum verum de Deo vero*; & ubi nos legimus: *Consubstantialem Patri*; illi habebant: *Filium essentia Patris*; Synodus autem, illa verba restituit, & ea alia suffecit.

centes Patres nostros (a) Catholicos, & omnes Presbyteros, & Diaconos, adolescentes, & Virgines, & omnes fideles, qui e vivis exceſſerunt, veraque fide mortui ſunt. omnes etiam Patres nostros, & fratres, filios, & filias, Reges quoque fideles a Chriſto dilectos, & omnes Prophetas, & Apoſtolos, Martyres, & (b) *Confefſores huius loci, & Omnium Regionum*: Oremus, inquam des nobis ut efficiamur ſocii eorum, ſpe bona, & hæreditate vitæ regni cæleſtis: Insuper ut hæc oblatio ſuſcipiatur confidenter, & per Dei Verbum, ac Spiritum Sanctum conſecretur, ut ſit nobis in auxilium, & ſalutem in vitam æternam in regno Cæleſti (c) *per gratiam Dei, & Domini noſtri Jeſu Chriſti*.

*Interim ſummiffa voce.
Oras. Sacerdos
dicens.*

Sit tibi gloria inventor eorum, qui perierunt: Gloria tibi, diſperſorum collector, & longinquorum reductor: Gloria tibi, qui aberrantes ad ſcientiam veritatis convertis: Gloria tibi Domine mi, qui vocaſti me miſerum pietate tua, & gratia tua accedere me ad te juſſiſti, & conſtituiſti me tanquam inſigne membrum in corpore magno Eccleſiæ Sanctæ, ut offeram tibi Sacriſcium hoc unum Sanctum, & acceptabile, quod eſt memoria paſſionis, & mortis, ſepulturæ, & reſurrectionis Domini noſtri, & Salvatoris Jeſu Chriſti, per quem placuit tibi omnium hominum peccata diſmittere.

Odorat Sacerdos eos, qui à dextris Altaris ſtant, & dicit eis.

Benedicite Domini mei, & orato pro me, Patres mei, & fratres mei, & Magiſtri mei, ut conſecretur oblatio hæc per manus meas.

III

(a) Verba illa: *Patres nostros Catholicos*, perſpicue denotabant Patriarchas Babylonicos, qui *Catholici* vocabantur, atque tales erant titulo, non re; quorum memoriam Patres cohærenter expunxiſſent, niſi honeſta illa nomenclatura, hoc in loco latitaſſent. Quod autem illa verba: *Corona donentur* expuncta ſint; cauſæ tantum cauſa, id factum fuiſſe putamus; cum alias ſimilis Sanctorum memoria, in aliis Liturgiis paſſim occurrat; nec aliquid de dogma-

te dilatare Sanctis gloriæ, continere videntur; ſed ſimpliciter ſecunda ſtola, id eſt corporis gloria, poſt univerſalem reſurrectionem illis apprecatur; ut præcedentia verba perſpicue indicabant, nempe: *Oremus inquam, ut reſurrectione qua eſt ex mortuis, a Deo corona &c.*

(b) Antiq. Malab. *Oremus inquam, ut Reſurrectione qua eſt ex mortuis, a Deo corona donentur.*

(c) Antiq. Malab. *Per gratiam Chriſti.*

Illi respondent cum Diacono .

Christus exaudiat orationes tuas , & suscipiat oblationem tuam , & splendidum faciat Sacerdotium tuum , & complaceat tibi in hoc Sacrificio quod tu offers pro te , pro nobis (a) , & pro universa Catholica Ecclesia , & omni-

(a) Antiq. Malab. Et pro toto Orbe a minimo usque ad maximum . Illa verba : A minimo usque ad maximum , expunxit Synodus , quia cum Missa (ait . *Ad. V. pag. 150.*) publica sit oratio pro Ecclesia , in illa non oramus pro Paganis , Hæreticis : sed pro fidelibus tantum Catholicis , qui sunt Ecclesia membra : & propter eandem rationem , sequentem locum etiam castigavit , addendo : Regibus & Principibus CATHOLICIS , quo Ethnicos , expertes publicæ deprecationis efficeret . Hinc irritatur Crozeus , & nasum corrugat le Brun *Tom. 3. Litur. pag. 211. editionis Italæ Veronen. an. 1740.* (quæ res in *Dissert. 4.* iterum subigetur) adversus Synodum , ac ipsius Præsidem Menessium , inscitiam , & impietatis reum traducit , qui orare pro Regibus quicumque sint illi , atque cuicumque Religioni dediti , contra ea , quæ conceptis verbis Paulus iusserat , temere prorsus vetabant . At optimus Crozeus omnia confundit ; atque eximius Theologus , non discernit orationem publicam , a privata ; insignis Historiographus , non distinguit inter ritus disciplinæ Ecclesiæ Occidentalis , & Orientalis ; egregius demum Medicaster , qui ut recensetur in *Symodo pag. 183. in Not.* inter lepram & tubera , ut cognosceret , constitutus Iudex , a tuberibus steterat ; hic inquam , membra Ecclesiæ viva , a membris corruptis , atque a corpore avulsis , discernere non valuit . Scimus itaque plenissime , Apostolum Paulum *Epist. 1. ad Timot. cap. 2.* scripsisse , debere Fieri obsecrationes postulationes , & gratiarum actiones pro omnibus hominibus , pro REGIBUS , & omnibus qui in sublimitate sunt : præscripsisse etiam *Pe- trum Epist. 1. cap. 2.* omnibus nobis :

Subiecti estote omni humana creatura propter Deum , sive Regi quasi præcellenti , sive Ducibus tanquam ab eo missis : rursus eundem Apostolum eo loci *v. 17.* dixisse : Deum time , Regem honorificate . At ex adverso illi scire licuisset , Ecclesiam Romanam in suo perantiquo Canone , nullam facere consuevisse mentionem infidelium , sed pro solis orare Orthodoxis , atque Catholica & Apostolica fidei cultoribus . Nec ignorare debuisset , eadem cautela in suis officiis , processisse etiam Orientales ipsi ; cum enim absoluto officio diceretur canticum appellatum *Basilicon* , sive Regale , orando pro Imperatoribus Christianis ; quibus erant subiecti ; quando illi sub Regibus Arabiæ & Persidis esse cœperunt , *Basilicon* pro Imperatore Christo , exclusis aliis , cantabant : vide *Assem. Tom. 3. pag. 29.* Ceterum pia Mater Ecclesia , quæ institutore Deo , neminem vult perire , sed omnes salvos fieri , atque ad veritatis agnitionem venire , semel tantum in anno , nempe feria sexta parasceves , orat publice pro *Schismaticis , Hæreticis , Paganis , Infidelibus , & Judæis* ; depresso autem adeo vocis tenore , ut nosci facile possit , id eo intendere , scilicet , nos pro illis secreto tantum orare oportere ; immo speciales ut vocant *Collectas* , pro illis ab antiquo instituit , quæ uti primum in Missis saltem Pontificalibus recitabantur , ita nunc aliquando leguntur ; & etiam in Belgio , teste Pougeto *Instit. Cathol. tom. 2. pag. 653. edit. Veneta anni 1742.* , in singulis Ecclesiis orthodoxis , additur quotidie in Missa Collecta pro vocatione Infidelium ad Fidem . Et ex Auctore *Libri 1. de vocat. Gentium. cap. 12. apud Læonem* , laudata Pauli ad Timotheum verba , ita expenduntur : Quam le-

omnibus Orthodoxis, atque Catholica, & Apostolica Fidei Cultoribus per gratiam, & amores tuos in sæcula sæculorum. Amen.

Sacerdos adorat inclinatus coram Altari.

Etiam Domine Deus noster, ne respicias multitudinem, neque moleste ferat dominatio tua onus peccatorum nostrorum, sed per ineffabilem gratiam tuam consecra Sacrificium istud, & da in eo virtutem, & pote-

gem supplicationis, omnium Sacerdotum & fidelium devotio, concorderet senes: supplicat ergo pro Hæreticis &c. Quid autem pro istis petis, nisi ut relictis erroribus suis convertantur ad Deum: Et hoc quidem pietissime atque sedulo præstat Ecclesia; ita tamen ut suo & loco & tempore, & modo, discrete id peragat, ne ejusdem communionis aut religionis atque illi, esse videamur. Quod si enucleatius verba Pauli expendisset Crozeus, comperisset plane, non ibi præceptum pro Ethnicis tanquam pro fratribus orandi præscriptum fuisse, sed unice Paulum Judæos increpasse, qui ter singulis diebus in Synagogis suis, recentes illos Christianos maledicebant, ut videre est apud Calmer in *Epist. 1. Pauli ad Timot. cap. 2. v. 2.* & ut nosceretur, quam distaret ab hoc pravo ritu Synagoga, ingenium Ecclesie Christi, præscripsit ut pro omnibus funderentur preces, & ut nemini diræ imprecarentur.

Sed age: explicetur contextus Pauli in sensu a Crozeo intento; quid inde, nisi quod suum sibi carum caput, incautus, ac imprudens ferit? Quod cerebrum quoque omnem e capite emungis? Quod (ex eodem Plauto in *Mosell. Act. 5. Scena 1.*) regeramus ipsi perverfam Protestantium mentem?

Nam omnia malefæcta vestra, repperi radicitus.

Non radicitus quidem bercla, verum etiam eradicatus.

Si enim Paulus jussit orare pro Omnibus hominibus, pro Regibus & omnibus qui in sublimitate sunt:

perspicuum est, debere vos orare pro Papa nostro; homo enim est; etenim non semper agenda est fabula vestra lepida, de Joanna Papissa: est etiam in sublimitate constitutus. Clamat item Petrus: *subjæcti estote omni humane creaturæ propter Deum.* live Regi live Ducibus &c. si ergo jubet, subiectos esse propter Deum, culibet e Principibus, Ducibus, culibet etiam creaturæ humane, pro se fors tulerit; quo in loco Pontificem Romanum colatis? Inter Aves, an inter monstra? Istis potius eum asseritis; at nec isto pacto, jure aliquo subjectionem denegaveritis; nostris enim, quod vos estis, monstrum imperare omnino condecebat, & monstro monstra obedire. Referte itaque vellemus, an Acatolici in suis orgiis, cœtibus, aut cœnis, orent pro Papa? Nos enim aliquando in Liturgia, & continuo extra illam, pro acatholicorum salute oramus Deum. Rogamus item, an faciant Pontificis Romani memoriam? Veremur tamen maxime, ne ejus memoriam faciant, eo modo quo Judæi de novis Christianis, ter in die memoriam maledictæ colebant. Verum plenissime Crozeus, toto opere suo de India, sin minus obsecrationes, & orationes, tamen postulationes, juxta vim Græcæ lectionis, perpetuo facit; id est *questius contra persequentes*, quo nomine crebro summa capita Ecclesie honestat; cui tamen reponimus ex Plauti *Menaechm. Act. 3. Scen. 2.*

Non tibi

Sanum est adulescentis sumptus, ut intelligo.

MALABARICO-MENESSIANA. 311

potestatem, ut possit peccata nostra plurima abolere: Cumque extremo tempore apparueris per humanitatem, quam ex genere nostro assumpsisti, inveniamus coram te gratiam, & amores, & digni efficiamur laudare te, cum multitudine Angelorum.

Confitemur, & laudamus, Domine Deus noster, super effusas gratiarum tuarum opes in nos: cum enim peccatores, ac debiles essemus, ob multitudinem tamen misericordiae tuae dignos nos effecisti dispensatione Sacramentorum Sanctorum Corporis, & Sanguinis (a) *Christi Filii tui*: Petimus ergo auxilium tuum, robur animarum nostrarum, ut charitate perfecta, & vera fide, donum tuum, quod apud nos est, admittamus, offeramusque tibi carmen, honorem, laudem, & adorationem nunc, & in saecula saeculorum.

Surgit & dicit.

D. Amen.

S. Pax vobiscum.

D. Et tecum, & cum Spiritu tuo.

S. Praebeto pacem alterutrum.

Diac. & Chorus.

Et pro omnibus Patriarchis, Episcopis, Presbyteris, & Diaconis, & pro his, qui vita functi ex hac Ecclesiae Congregatione exierunt (b): *Et pro Beatissimo Papa Nostro*, proque mundi pace, & anni corona, ut scilicet benedicatur, & misericordia tua adimpleatur: Pro omni etiam germine, quod dignum reperitur, oblationem hanc, quae in conspectu tuo est, suscipere; insuper & pro omnibus servis, & pro nobis omnibus, suscipiatur oblatio haec in saecula saeculorum.

Petamus, confiteamur, & obsecremus omnes Coenae Domini, state pulchri, & attendite his quae aguntur tremendis mysteriis, quae consecrantur; Sacerdos accersit ut oret, ut ejus intercessione pax multiplicetur in vobis; oculos vestros deorsum dimittite, & mentem vestram vigilanter curate in Coelum levare; petite, & obsecramini hoc tempore, nemoque loqui audeat, & qui orat, corde oret, in

(a) Antiq. Malab. *Christi*.

(b) Haec verba abs dubio suffecit Synodus, ut nomen Patriarchae Babylonici non audiretur: antea enim

tantum legebatur: *Qui vita functi ex hac Congregatione exierunt proque Mundi pace &c.*

in silentio , & timore permanenti : Pax nobiscum .

*Interim orat.
Sac. & di-
cis .*

*Discoope-
rit mysteria
& benedicit
in censum &
immitit in
thuribulum
& dicit Sac.*

Domine Deus fortis imbecillitatem meam roboram
misericordia tua , & gratiæ tuæ auxilio dignum me
fac , ut offeram tibi oblationem in emolumentum
omnium hominum , & in laudem Trinitatis tuæ super
gloriosæ , Pater , & Filius , & Spiritus Sanctus in sæ-
cula .

Gratia Domini Nostri Jesu Christi , & Charitas Dei
Patris , Communicatio Spiritus Sancti , sit cum omni-
bus nobis , nunc , & in sæcula sæculorum .

D. Amen .

S. Sursum sint mentes vestræ .

*D. Apud te Deum Abraham , Isaac , & Israel , Regem su-
pergloriosum .*

S. Oblatio Deo omnium Domino offertur .

D. Dignum & justum est : pax nobiscum .

*S. Domine Deus fortis da nobis facierum revelationem
coram te , ut confidenter perficiamus ministerium
istud vivum , & Sanctum conscientis mundis , & ab
omni labe , malitia , amulatione , & dolo ac amaritu-
dine alienis , & semina in nobis Domine mi , Carita-
tem , & animorum unitatem ad invicem , & Ecclesiam
Sanctam tuam Catholicam , hic & ubique terrarum ,
ab omni nocumento , culpa , ac perturbatione custo-
di per gratiam , & amores tuos in sæcula .*

*Cantores di-
cunt .
Sac. interim
orat .*

Benedic Domine mi .

Omnium ore glorificetur , & omnibus linguis lau-
detur , & ab omnibus creaturis adoretur & exaltetur
nomen adorandum , & super gloriosum Trinitatis præ-
clarissimæ , Patris , & filii , Spiritus Sancti , qui bonita-
te sua sæculum creavit , & omnes in eo habitantes , &
filios hominum pietate sua salvavit , & fecit mortalibus
misericordiam magnam , Majestatem tuam , Domine
mi , adorant , ac venerantur millia millium superiorum .
& decies millia decies millium Angelorum Sancto-
rum , & exercitus spirituum ignis nomen tuum glori-
ficant . Et cum Cherubinis Sanctis , & Seraphinis ,
magnitudini tuæ adorationem offerunt , & clamant ,
absque intermissione glorificant , & dicunt alter ad
alterum .

Diac. & Cler.

Sanctus , Sanctus , Sanctus Dominus Deus fortis ,
pleni

pleni sunt Caeli & terra Carminibus ejus : Hosanna in excelsis , Hosanna filio David . Benedictus qui venit , & venturus est , in nomine Domini : Hosanna in excelsis .

Sanctus , Sanctus , Sanctus Dominus Deus fortis , ^{Sac. profe-}
pleni sunt Coeli , & terra Carminibus ejus , & essentia ^{quime .}
subsistentiæ ejus , & splendore pulchritudinis super gloriosæ ipsius , ita ut Coelum & terram , ego impleam , dicit Dominus : Sanctus tu Deus Pater veritatis , à quo omnis Paternitas in Coelo , & in terra nominatur : Sanctus & Filius tuus unigenitus , Dominus noster Jesus Christus , per quem omnia facta sunt : Sanctus etiam Spiritus veritatis omnium causa , per quem omnes Sanctificantur : vae mihi , vae mihi : obstupefco enim , quoniam vir pollutus labiis ego sum , & in medio populi polluta labia habentis ego habito , & Regem Dominum exercituum viderunt oculi mei . Quam terribilis est locus iste hodie , in quo facie ad faciem visus est Dominus , & nunc Domine fiat misericordia tua super nos , & purifica faciem nostram , & sanctifica labia nostra , & commisce voces imbecillitatis nostræ Seraphinorum laudibus , & Archangelorum , qui decantant amoris tuo gloriam : homines enim Corporeos Spiritibus sociasti . Cum his igitur Coelestibus exercitibus , etiam nos servi tui miseri , debiles , & inutiles laudamus te Dominum meum ; quoniam fecisti nobiscum misericordiam maximam , cui rependere gratiam nequimus : indutus es enim humanitate nostra , ut Deitate tua vivificares nos , & exaltasti humilitatem nostram , & crexisti casum nostrum , & dimisisti nobis debita nostra , & justificasti nos peccata nostra delens , illuminasti scientiam nostram , & inimicos nostros Domine Deus noster , reos esse demonstrasti , & ob super effusos amores gratiæ tuæ , exiguitati imbecillæ naturæ nostræ victoriam tribuisti : Pro omnibus igitur auxiliis , & misericordiis nobis exhibitis offeramus tibi carmen , honorem , & laudem , ac adorationem ; nunc & semper , & in sæcula sæculorum .

D. Amen : Orate mentibus vestris : Pax nobiscum .

S. Domine Deus exercituum audi vocem clamoris mei , ^{Signat bis}
nunc in Conpectu tuo , & ausculta Domine mi , & ^{verbis super}
audi gemitus meos , atque suspiria , quibus etiam Do- ^{oblata .}

R .

mi-

minatione tua ingemisco, suscipeque preces mei peccatoris: hac enim hora, qua Patri tuo Sacrificium offertur, rogo gratiam tuam, miserere omnium creaturarum, dimitte debitoribus, reduc errantes, solare afflictos, perturbatis pacem dato, infirmos sana, spiritu tribulatos audi, & lenimen illis impertire, eleemosynas justitiam operantium perface, & propter nomen Sanctum tuum propitius esto, & mihi peccatori per gratiam tuam.

Gratiam Domine Deus exercituum: suscipiatur oblatio hæc, pro omni Ecclesia Catholica, & pro Sacerdotibus, & *Principibus (a) Catholicis*, pro pauperibus quoque oppressis, lugentibus, ac miseris, & pro fidelibus defunctis, & pro omnibus illis, qui orationem imbecillitatis meæ spectant, & pro peccatis meis. Etiam Domine Deus meus secundum amores tuos, & multitudinem misericordiae tuae populum tuum visita, & meam infelicitatem, & quidem non secundum peccata nostra, & iniquitates meas, sed digni efficiamur remissione peccatorum nostrorum, per Sanctum Corpus, quod fide suscipiemus, per gratiam, quæ est à te. Amen.

*Sac. profusus
de inclinatus
orati.*

Tu Domine mi, propter plurimos amores tuos, suscipe commemorationem optimam, & acceptabilem Patrum, qui iusti, & recti fuerunt, & tibi placuerunt, recordationis Corporis, & Sanguinis *(b) Christi filii tui*, quod super Altare purum ac Sanctum offeremus tibi, sicut edocuisti nos, & fac nobiscum, pacem, & tranquillitatem tuam omnibus diebus sæculi: Etiam Domine Deus noster, fac nobiscum pacem, ut cognoscant omnes habitatores terræ, quia tu es Deus, Pater solus veritatis, tu misisti dilectissimum Filium tuum, & ipse Dominus Deus noster venit, & docuit nos omnem sanctitatem, ac munditiem Prophetarum, & Apostolorum, Martyrum, & Confessorum, Episcoporum, & Doctorum, Presbyterorum, & Diaconorum, & Omnium filiorum Ecclesie Sanctæ Catholice, qui signo vitæ, Baptismo nimirum Sancto signati

(a) Antiq. Malab. Regibus, & Principibus, tantum.

(b) Antiq. Malab. Christi tui.

MALABARICO-MENESSIANA. 315

ti sunt. Nos igitur Domine mi, servi tui debiles, & inutiles, qui in nomine tuo congregati, hoc tempore stamus coram te, & traditione Sancta exemplum didicimus à te, cum exultatione, & gaudio glorificamus, exaltamus, & venerantes memoriam, sacrificamus mysterium hoc magnum, ac formidabile, Sanctum, & Divinum, passionis & mortis, sepulturæ, & Resurrectionis Domini nostri Salvatoris Jesu Christi. Veniat ergo, Domine mi, Spiritus tuus Sanctus, & requiescat super oblationem hanc servorum tuorum, & sanctificet eam, ut sit nobis, Domine mi, in debitorum solutionem, & peccatorum remissionem, & in maximam spem resurrectionis ex mortuis, & vitam novam in Regno Coelesti cum omnibus, qui placuerunt. Insuper & pro omni admirabili dispensatione tua, quæ erga nos facta est, laudemus, & glorificemus te, ab quæ cessatione in Ecclesia tua, sanguine Filii tui redempta, apertoque ore, ac facie revelata, offeremus tibi carmen, & honorem, laudem, & adorationem, nomini tuo vivo, sancto, & vivificanti, nunc & semper, & in sæcula sæculorum.

Elevat vocem.

D. Amen.

S. Misere mei Deus secundum misericordiam tuam, & secundum multitudinem amorum tuorum dele peccata mea: Multiplicare lavare me ab iniquitate mea, & à peccatis meis munda me, quoniam delicta mea ego scio, & peccata mea coram me sunt in omni tempore: tibi soli peccavi, & mala coram te feci, ut iustificeris in verbo tuo, & vincas in iudiciis tuis. Quoniam autem veritatem voluisti, & occulta Sapientiæ tuæ manifestasti mihi, asperge me Hisopo, & munda me; & super nivem dealbabor, reple me suavitate, ac lætitia tua; & delectabuntur ossa mea humiliata: averte faciem tuam à peccatis meis, & omnia illa delicta mea dele; cor mundum crea in me Deus, & Spiritum præparatum innova intra me: ne proicias me à conspectu tuo, & Spiritum Sanctum tuum, ne auferas à me, sed redde mihi suavitatem tuam, & salutem tuam, & Spiritus tuus gloriosus stabiliat me, ut doceam iniquos viam tuam, & peccatores ad te convertantur. Ad te levavi oculos meos habitator coeli,

Sac. pronuntiat & dicit.

R r 2

sicut

sicut oculi fervorum ad Dominos suos, & sicut oculi Ancillæ ad Dominam suam.

Sint oculi nostri ad Dominum Deum nostrum, donec tu miserearis nostri, miserere nobis, miserere nobis, Domine, extende manum tuam, & salvet me dextera tua, Domine, permaneant super me, Domine, amores tui in sæculum, & opera manum tuarum ne derelinquas.

Surgens dicit. Christus Pax Superiorum, & quies magna inferiorum, stabilire Domine, pace & quiete tua, quatuor orbis regiones, præcipue vero Ecclesiam tuam Sanctam Catholicam, & destrue bella, ac prælia à finibus terræ, & disperde gentes, quæ bella volunt, & pacifica benignitate Divinitatis tuæ, Sacerdotium & regnum ad invicem, ut sit nobis secunda habitatio cum omni sobrietate, ac pietate; relaxa quoque debita, & peccata vita functionum, per misericordiam & amores tuos in sæcula.

Incensum, & mittens in thuribulum dicit.

Et incensum ter oblata, dicens etiam ter.
Osculatur & ter Altare dicens.

*Summens am-
bulus mani-
bus hostiam
dicit.*

Offeramus carmen Trinitati tuæ super gloriosæ, omni tempore, & in sæcula, suavem fac Domine Deus noster odorem animarum nostrarum, suavi odore benignitatis Charitatis tuæ, & munda nos per eam, ab inquinamento peccati.

Domine Deus noster præbeat nobis accessum clementiæ misericordiæ tuæ ad Sacramenta hæc super gloriosa, sancta vivificantia; & divina, quoniam nos non sumus digni.

In veritate non sumus digni.

Gloria nomini tuo Sancto, adoratioque Divinitati tuæ, omni tempore Domine Jesu Christe, panis vivus, vitam præstans, qui descendisti de Coelo, & universum mundum vivificas, qui vero hunc panem comedunt non moriuntur, & qui vera fide illum suscipiunt, liberantur, & sanctificantur per illum, mundanturque, & vivunt in æternum. Dominus noster Jesus Christus in illa nocte, qua tradebatur, accepit panem hunc Sanctum in Sanctas, ac puras manus suas, & elevavit oculos suos in Coelum, & gratias egit Deo Patri, omnium rerum creatori, & benedixit ac fregit, deditque discipulis suis, & dixit, accipite & comedite ex hoc pane omnes vos.

HOC

MALABARICO-MENESSIANA. 317

HOC EST ENIM CORPUS MEUM.

Prolatis verbis Consecrationis, statim Hostiam consecratam genuflexo adorat, surgens (a) ostendit Populo, reponit super Altare; iterum adorat, tunc elevans aliquantulum Calicem, dicit.

Similiter post quam coenavit, accepit hunc Calicem manibus suis puris, & gratias egit, & benedixit, & dedit Discipulis suis dicens: accipite & bibite omnes vos ex hoc Calice, quotiescumque enim comederitis panem hunc, & biberitis hunc Calicem, mei memoriam recoletis.

HIC EST ENIM CALIX SANGUINIS MEI, (b) NOVI, *Refert Verba Consecrationis.*
ET AETERNI TESTAMENTI MYSTERIUM FIDEI,
QUI PRO VOBIS, ET PROMULTIS EFFUNDETUR
IN REMISSIONEM PECCATORUM.

Pro-

(a) Hanc elevationem Hostiae & sequentem Calicis, non faciebant Malabareses. Traducuntur etiam PP. Diamperitani, quod elevationem Hostiae, & Calicis, hoc loco faciendam praescripserint, contra antiquum Ecclesiarum usum, praecipue Orientalis, cum sub finem tantum Canonis, Hostia cum Calice elevaretur. In eo tamen quid mali est? Ingeminandum igitur nobis erit, quod pluries diximus, Menessium intendisse ex praescripto summi Pontificis, quantum fas esset, Ecclesiam illam, ut antiquos omnes errores fuisset exuta, latinis ritibus exornaret. Itaque in eo omnes conveniunt Liturgiae, corpus Christi elevandum esse ante communionem. In Liturgia Coptica, elevat Sacerdos Hostiam ad illa verba: *Sancta Sanctis*: ubi notat Vansleb. *ex Ri. ual. Patriarcha Amba-Gabrielis, Histor. Alexand. p. 117.* eam elevari a Sacerdote, ambrabus manibus, quantum brachiis possit: & ex alia Liturgia Arabica habet, multo tempore ipsum, Hostiam elevatam sustinere; ac interea temporis, omnes manere prostratos, Diaconos vero Cruces & Candelabra, elevata tenere. Immo & in Liturgia Armenorum le Brun, *tom 3. pag. 91.* statim post verba Christi, praescribitur

bina elevatio Hostiae, iis verbis, *Ob-lata Sacerdos propellat*; & post pauca; *Sacerdos elevat iterum Sacramentum.* Quod autem prior ista elevatio, quae continuo fit post verba consecrationis, recentioris sit usus, ut aliqui putant, non est ad rem. Porro Joan. Stephanus Durantus *lib. 2. cap. 40. De ritib. Eccl. Catb. Eucharistiam post consecrationem in altum tollere, ab ipsis Ecclesiae incunabulis, consuetum fuisse contendit.* Illud constat, hunc ritum elevationis, statim post consecrationem, ab antiquissimo Missali Mozarabico praescribi; & licet aliqui asserant, hanc fuisse additionem factam eo loci, ab eximio Cardinale Ximeno, illis non credimus, nisi id probent, quibus onus probandi incumbit. Plura habet Benedictus Papa XIV. *fol. reg. De Sacrif. Miss. Par. 4. sect. 2. num. 305.*, & pro more suo, accuratissima; adis etiam, opus Dominici Georgii, *Roma editum hoc anno 1744. Tom. 3. pag. 71. & 106.*

(b) Antiq. Malab. *Novi testamenti, qui pro vobis.* Emendationes, quas Synodus in his duobus locis verborum Christi instituit, eo collimant, ut iisdem verbis uterentur illi Presbyteri Indi, quibus Ecclesia Occidentalis utebatur; Nestoriani autem illi, ef-

Prolatis verbis Consecrationis, deponit Calicem super Corporale; genu flexo adorat, surgit & ostendit Populo, & ponens super Altare dicit.

(a) *Hoc erit nobis pignus usque ad consummationem seculi, gloria tibi Domine mi, gloria tibi Domine mi, gloria tibi Domine mi, propter ineffabile donum tuum.*

Dum Sacerdos elevat Corpus & Sanguinem, Diaconus cum Choro alternatim decantat.

D. Ego sum panis vivus, qui de Caelo descendi, Ego sum panis, qui ex superis descendi, dixit Salvator noster in mysterio discipulis suis; omnis qui in charitate accedit, & suscipit me, vivet in me in aeternam, & hereditate acquirit regnum.

Chorus. Ministri ejus, qui faciunt voluntatem ejus, Cherubim, & Seraphim, & Archangeli cum timore, & tremore coram Altare stant, & Sacerdotem intuentur, quando frangit, & dividit Corpus Christi in delictorum propitiationem.

D. Aperite mihi portas justitiæ benignus, cujus ostium apertum est poenitentibus, & peccatores ad se, ut accedant, vocat: Aperi nobis, Domine mi, januam amorum tuorum, ut ingrediamur, dicque, nosque tibi laudem decantemus.

Chorus. Pone Domine custodiam ori meo, Gloria Patri, & Filio, & Spiritui Sancto.

(b) *Sacerdos quando Sanctum Altare ingreditur, manus suas pure protendit in Cælum, & consecrat Corpus, & Sanguinem Christi.*

D. Mi-

sentialem consecrationis verba retinebant; & quauquam in aliquibus eorum Liturgiis desiderentur Christi expressa verba, id factum esse autumat Assen. tom. 4. ubi & Eucharist. eo quod memoria a cunctis Sacerdotibus tenerentur, vel certe ex aliis suppleri debebant.

(a) Hæc verba dicebantur in ipsa consecratione, quasi essent a Christo cum aliis prolatis, & post ea: *In remissionem peccatorum*, prosequetur Sacerdos: *Hoc erit vobis pignus, in secula seculorum.*

(b) Antiq. Malab. Sacerdos quan-

do sanctum Altare ingreditur, manus suas, pure protendit in Cælum, & invocat Spiritum, qui de superis descendit, & consecrat corpus & sanguinem Christi. Invocatio Spiritus Sancti, in omnibus Liturgiis reperitur, aut ante aut post verba Christi; in aliquibus etiam, ante & post, legitur. Synodus nostra aliquantulum immutavit verba invocationis, ne putarent Christiani illi, Sacerdotem non habere vim consecrandi, sola Christi verba proferendo, atque adeo necessum esse, denuo invocare Spiritum Sanctum, ut quam crede-

D. Misericors propitius esto nobis, & miserere nostri, & non despicias nos in tempore afflictionis, quoniam nocte ac die in te speramus, & sperantes in te non confundentur.

Cho-

bant fieri transmutatio elementorum. Et quidem erga homines terroribus sedatos, cautela nulla redundabat. Hic faciemur, agendum esset adversus Renaudotium, le Brunum, Touzium, aliosque paucos eruditissimos; qui ex orientalium præcipue rerum eruditione, acriter contendunt, in Concilio Florentino definitum tanquam de fide non fuisse, solis Christi verbis exclusâ invocatione, transmutari elementa; arque idcirco contendunt, consecrationem suspensam manere, quousque accedant invocationis verba. Veruntamen cum hic nec sit locus, nec otium, & aliunde de hac re, plenissima duæ legantur Dissertationes, a Clariss. mucubratæ Viris, P. Petro Benedicto Maronita Soc. Jesu *ad calcem tom. 2. Syro-Latini S. Ephraem*; altera jam pridum anno scilicet 1731. Mediolani edita, a P. Josepho Augustino Orsi, iam præfatus in Urbe Indiciis a secretis Ord. Prædicat. eo remittimus, qui plura eruditione solida firmata, velint. Nos interim nostram Symbolam ipsi conferendo, tria brevissime reponimus: primum ex Liturgia Armena, qua maxime innuitur le Brunus, & eo quod ibi non nisi post invocationem dicitur: *Et deum perficimus corpus Christi*, ut ipse habet *tom. 3. pag. 122.* ex ipsa inquam, contrarium conficitur, adeo liquido, ut nec ipse le Brunus inficias iverit. Etenim *pag. 91.* post verba Christi *Hic est* (vel *hoc est*) *sanguis &c.* habet rubricam continuo, quod *Sacerdos, accipiens (oblata) ambabus manibus, ante propellat*; quid sit autem illud *propellere* dissimulavit le Brunus; at non ita rubrica post pauca, quæ præcipit: *Sacerdos elevat iterum ambabus manibus, sanctum Sacramentum*; eo tibi illud propellere fuit *tevere* prius; & quod majus est, vocatur oblata *Sanctum Sa-*

cramentum; iis positis cum *pag. 127.* dicat ipse, id certo constare, Ecclesiam numquam præscripsisse Hostiæ elevationem aut adorationem, nisi post verba Institutionis, & Invocationis; aut quod idem est, non nisi corpore Christi ibi præsentem; perspicue sit, solis Christi verbis, nec expectata elevatione, elementa panis & vini transmutari; obtendet ille Liturgiam Armenam esse corruptam? Nos contra putamus, illius potius animum esse corruptum adversus eos, quos Scholasticos appellat; id etiam confidenter asserimus, corruptam eo loci Armenicam Liturgiam, novo illi additamento, & ridicula commento, nullibi antea viso; assignetur alias, ulla Liturgia antiqua, ubi id legatur. Alterum est, rem istam non inter adiaphora numerari posse, post Concilium Florentinum; cum Eugenius IV. & PP. Latini, prædictam quæstionem ad fidem pertinere existimaverint, & quod caput est, ipsi PP. Greci, Ecclesias Orientales, idem quod Latina tenuisse, professi sint, nisi asseratur cum Renaudotio ap. P. Benedictum in *Dissert. pag. 28.* Græcos Florentinos suæ Liturgiæ sensum minime fuisse assecutos: quod autem conceptis verbis res non legatur definita, illud est in causa, teste Card. S. Sabinae, quod Græci declarationem tantum vivæ vocis voluerunt, non vero definitionem scripto mandatam; *Dixerunt, quod hoc non erat necessarium; immo si poneretur, Ecclesiarum reciperet ignominiam, ac si hætenus tenuissent aliud*; vide plura in laudata Dissert. P. Orsi, *pag. 169.* At prius rem declaratam fuisse ab Ecclesia Romana, ideoque novam definitionem non condidisse, aperte consequi videtur, ex eo quod Card. Bona, atque major auctorum pars tenet; nempe elevationem Hostiæ statim post verba Christi, tem-

Chorus. Dicat omnis populus Amen, & Amen: Ignem in ignito carbone, Isaias osculatus est, & labia ejus exusta non sunt, sed iniquitas ejus remissa est; Ignem in ipso pane suscipiunt mortales, & ipsorum Corpora custodit, & delicta eorum exurit.

D. A sa-

pore damnata hæresis Berengarii, labente nimirum seculo XI. fieri ordinatum fuisse; jam nemo ullus erit, qui dubitet, hanc Hostiæ elevationem, quo a fidei populo adoraretur, atque in illis circumstantiis temporis, quo Berengarius obstinate asserbat, non verum Christi corpus, sed hujus tantum figuram, in Hostia existere; non temere, sed consultissimæ præscriptam fuisse, & quasi ritum omnino oppositum hæresi Berengarianæ, ut in similibus semper consuevit facere S. Mater Ecclesiæ: dicebat autem Berengarius, ut legitur ap. Harduin. in *Collect. tom. 6. col. 1585.* consecrationem fieri; *Per sacram orationem & verba Christi.* Si igitur Ecclesiæ animus non fuit, hoc ritu declarare, adversus novatorem Berengarium, suam mentem esse, semperque fuisse, in Hostia, statim & continuo post prolationem verborum Christi, ejus corpus præsentem adesse, nec alia ad id desiderari verba invocationis, nec preces aliquæ; irritum atque inutile omnino fuisset, illum ritum præscribere; immo periculosum foret vel id permittere; adorationem nempe Hostiæ præstare, si in ancipiti adhuc versaretur apud Ecclesiæ, an verbis solis Christi, an illis & subsequentibus precibus, elementa in Corpus Christi transmutarentur.

Tertium tandem est, nec parvi momenti; quod si semel liceat, pauculis verbis asscubi observatis, sensu detorto a communi Doctorum, doctorumque via, novum sensum condere, actum est de sacra Theologia, & dogmatibus; præterea jam quidquid liber, unicuique pro suo ingenio comminisci licebit. Quod ut perspicuum fiat, uti sumserunt Renaudotius & le Brunus, illa Liturgiarum Orientalium verba: Exempli causa,

o Liturgia Armenica, longe post Christi verba, illa ex invocatione: *Emitte (a) super hac propofita dona, conspitemum & coeternalem sanctum Spiritum tuum .. ut panem hunc & vinum hoc benedictum, corpus & sanguinem, re ipsa facias D. N. Salvatoris J. C. mutando illa, per Spiritum S. tuum; ut ex iis probarent, per hanc invocationem fieri consecrationem; ita nos a quo jure excerpere possumus illa verba Liturgie Romanæ: Jube hac (dona) perferri per manus S. Angeli tui, in sublime altare tuum; & exinde de ingeniolo nobis plaudentes, audacter conficere; quod nisi Sacerdos ipse, alique fideles; cito citius ante præfata verba, communicent, non recipiant corpus Christi verum, sed speciem & figuram tantum; eo quia ut verba illa sonant, statim Angelus arripit Corpus Christi, & ex altari nostro in sublime altare Dei, ut moris est Angelorum, celerrime perfert. Quod quidem verum ne esset an non, parum curavimus, dum esset novum, nec definitum esset in Concilio Florentino contrarium. Atque hæc eadem regeffit Græcorum quidam in eodem Concilio Latinis; *Sicut vos dicitis, jube hac perferri, ita nos dicimus, emitte Spiritum, qui faciat hunc panem corpus Christi:* quasi diceret; si verba invocationis nostræ, accipitis ut sonant, eodem modo verba illa vestri Canonis accipiemus, sensu prorsus abscedo; si autem talis non est sensus verborum vestræ Missæ; neque absurdus reputari debet sensus verborum nostræ Invocationis. Ut ergo ejusmodi exilitates propellantur, nec tenui verborum filo tanti Theologi hæreant; communi tantum Doctorum sententiæ atque receptissimæ, inhaerere illi debuissent; nec præsen-*

D. A sæculo usque in sæculum: Altare est ignis in igne, ignis involuit illud: Caveant Sacerdotes à terrifico, & formidabili igne, ne cadant in eum, & comburantur in sæcula.

Accedimus Domine mi fide veritatis nominis tui ad hæc Sancta Myſteria, ac pietate tua frangimus, & misericordiam tua signamus, Corpus, & Sanguinem Salvatoris nostri Jesu Christi, in nomine Patris, & Filii, & Spiritus Sancti.

Sacerdos trahens hostiam per medium dicit.

Sacerdos partem Hostiæ, quam manu sinistra tenet, imponit patenæ, aliam vero Sanguine intingit, usque ad medium, dicens.

Signetur Sanguis pretiosus, Corpore Sancto, Domini nostri Jesu Christi, in nomine Patris, & Filii, & Spiritus Sancti.

Et Particula (a) Sanguine inducta signat alteram partem, & superponit patenæ dicens.

Signetur Corpus Sanctum Sanguine propitiationis Domini nostri Jesu Christi in nomine Patris, & Filii, & Spiritus Sancti.

S I

Et

tia Christi fraudatos, nos prædicare, usque ad invocationem; quæ in aliquibus Liturgiis nimium post consecrationis verba, expectatur; aut saltem solamen, pro ingenio suo adinvenirent aliquod, ut populo tandem expectanti, & quasi apud se dicenti: *Veni Domine & noli tardare*, reponeret nomine Christi Sacerdos; *Ecce venio cito*. Hoc unum pro certo haberi posse videtur, quod ejusmodi auctores, sicuti nomen Aca- tholici fugiunt, non enim asserunt verba Christi; historice tantum recitari; ita nomen Novatoris avidè expectant; ut autem verba Liturgica ab illis trahantur, & torqueantur, etiam majori conatu; quod intendunt sistere circa consecrationem, solide statui ex illis non poterit; si vero in re Theologica, non veritatem, sed meram verisimilitudinem aucupantur; tunc faulta demum nostra tempora acclamaverunt, quæ pares prioribus Mundi Theologis nimirum Poetis novissimos istos nobis pepererunt: cum non fecerit

ac illi Theologiam poeticis modulis, atque ingenio evolvant; verisimile tantum in volutandis SS. PP. libris, atque tabulis exquirentes, licet a vero longe distet inventum, ut festivo Poetam depingit Plautus in *Pseudolo* Act. 1. Scena. 4.

*Poeta tabulas cum cepit sibi,
Quærit quod nusquam est gen-
tium, reperit tamen;
Facit illud verisimile, quod men-
dacium est.*

(a) In antiqua Liturgia hoc loco præscriptum erat, quod Sacerdos teneas dextera manu particulam sanguine imburam, dextri pollicis ungue, aliam hostiæ partem funderet; præcepit autem Synodus hujusmodi ritum aboleri *Act. V. Decret. III. p. 154*. Hujus abrogati ritus rationem aperuit Synodus, in Decreto mox laudato; nempe ne id facere necessarium esset, crederent Nestoriani illi (quod vehementer suspicabatur Synodus) ut corpus Christi cum ipsius sanguine misceretur; atque adeo ad hunc suum, fiduram illam fieri

Et conjungens ambas particulas ad invicem dicit.

Prædestinata sunt consecrata, perfecta absoluta, & conjuncta ad invicem mysteria hæc supergloriosa, sancta & vivificantia, & divina, in nomine venerabili, & præclaro Trinitatis super gloriosæ, ut sint nobis Domine mi, in propitiationem delictorum, & in spem magnam resurrectionis ex mortuis, & innovationem vitæ in Regno Cœlesti.

S. Gloria tibi Domine mi, quoniam creasti me per gratiam tuam; Gloria tibi Domine mi, Gloria tibi Domine mi, quoniam vocasti me per misericordiam tuam. Gloria tibi Domine mi, quoniam posuisti me, mediatorem donorum tuorum, & pro omni dispensatione, quæ erga imbecillitatem meam facta est: ascendat ad te carmen, & honor, & laus, & adoratio nunc, & in sæcula sæculorum.

Elevans vocem in tono Evangelii dicit. Signat se ipsum.

Gratia Domini nostri Jesu Christi, & Charitas Dei Patris, & Communicatio Sancti Spiritus sit cum omnibus nobis nunc & semper, & in sæcula sæculorum.

D. Amen.

D. Omnes nos timore pariter, & honore accedamus ad mysterium Corporis, & Sanguinis pretiosi Salvatoris nostri, cordeque mundo, & fide vera in memoriam reducamus Passionem, & Resurrectionem ipsius, eamque perspicaciter intelligamus: propter nos enim
(a) *Unigenitus Dei mortale Corpus ex filiis hominum, & Spiritualem, rationalem, immortalemque animam suscepit*, & in præceptis suis, quæ vitam conferunt, & lege sua Sancta, ab errore ad veritatis cognitionem
nos

debere, ut corpus & sanguinis, inter se penetrarentur aut miscerentur; ceterum intinctionem illam recte fieri, immo præscriptam legi in omnibus Liturgiis tam Orientalibus, quam Romanis, nemo ullus qui non truncus, aut stipes sit, vel qui Sacro nunquam attente adfuerit, nescire possit; ut in *Nor. ad Dec. 3. A. 1.* dicebamus. Resorbeat ergo sibi le Brunus, quæ evomit verba adversus nostram Synodum *Tom. 3. Liturg. p. 213.* ubi exscripto Decreto illo, continuo exclamat: *En terrificam censuram*

in usum aut consuetudinem, quæ a Nestorianismo non profunxit, quamque nos etiam tenemur: Synodus etenim, non usam, sed abusum illius ritus damnavit; ut ineptæ opinionationi, de divisione corporis a sanguine Christi, quam occasione illius fissuræ, ante effusionem sanguinis faciendæ, fovere illi potuissent, adiutum omnem caute præcluderet.

(a) *Antiq. Melab. Unigenitus Dei mortale corpus, & spirituales rationem, immortalemque animam, ex filiis hominum suscepit.*

nos reduxit, & post omnem dispensationem, quam pro nobis operatus est, naturæ nostræ primitias in Cruce, in Sacrificium obtulit, & à mortuis resurrexit, in Cælumque ascendit, & tradidit nobis Sacramenta sua Sancta, quibus recordaremur omnis gratiæ, quam erga nos ostendit. Nos igitur charitate profusa, & humili voluntate, donum vitæ æternæ suscipiamus, & oratione pura, & vehementi dolore peccatorum nostrorum, participes efficiamur mysteriorum Sanctorum Ecclesiæ, & spe poenitentiae ab iniquitatibus nostris convertamur, & pro peccatis nostris doleamus: Insuper amores, & misericordiam postulemus, rogemusque Deum omnium Dominum, & conservis nostris debita dimittamus.

Chor. Propitiare peccatis, & delictis servorum tuorum.

D. Mundemus conscientias nostras à divisione, & contentionibus.

Chor. Domine propitiare peccatis, & delictis Servorum tuorum.

D. Sint animæ nostræ perpolitæ, & ab omni odio, & inimicitia alienæ.

Chor. Domine propitiare delictis, & peccatis servorum tuorum.

D. Suscipiamus Sanctitatem, & Sancto Spiritu conservemur.

Chor. Domine propitiare peccatis, & delictis servorum tuorum.

D. Mentium nostrarum unanimitate, & pace ad invicem, ipsorum mysteriorum societatem suscipiamus.

Chor. Domine propitiare peccatis, & delictis servorum tuorum.

D. Et sit nobis Domine in Resurrectionem corporum nostrorum, & animarum nostrarum salutem, & vitam sæculi sæculorum Amen.

S. Benedictus es Domine Deus Patrum nostrorum, & super exaltatum, & super gloriosum est nomen tuum *Interim dicis Sac.*

in sæcula, quoniam non secundum peccata nostra fecisti nobis, neque secundum iniquitatem nostram retribuisti nobis, sed secundum multitudinem amorum tuorum liberaisti nos à potestate tenebrarum, & vocasti nos ad regnum filii tui dilectissimi Domini nostri Jesu

Christi, per quem denudasti, & in nihilum reduxisti potestatem tenebrarum, & vitam incorruptibilem nobis es elargitus, & nunc etiam Domine qui dignum me fecisti, ita ut constitueres me, coram altari tuo mundo, & Sancto ad offerendum tibi Sacrificium hoc vivum, & Sanctum, dignos nos etiam effice pietate tua, ut omni munditia, & Sanctitate, donum hoc suscipiamus, & non sit nobis in Judicium, & vindictam, sed in amorem, pietatem, & peccatorum remissionem, & ex mortuis resurrectionem, & in vitam æternam, ita ut simus omnes plenissimi testes gloriæ tuæ, & templa munda honoris tui, & Sacræ Basilicæ inhabitaculum tuum, ut postquam adhæserimus Corpori, & Sanguini Christi tui cum omnibus Sanctis tuis, luce fulgeamus in revelatione ejus super gloriosa, & præcella: tibi enim, eique & Spiritui Sancto gloria, & honor, & laus, & adoratio, nunc & semper, & in sæcula sæculorum.

Dele Domine mi peccata, & delicta servorum tuorum, & sanctifica labia nostra, canticis Spiritus Sancti, ut divinitati tuæ præcellæ cum omnibus Sanctis tuis, fructus gloriæ, & laudis conferamus: effice etiam nos dignos, Domine Deus noster, ut semper absque macula, stemus in conspectu tuo, corde mundo & facie revelata, & confidentia illa, quæ per amores tuos nobis collata est, omnes simul invocemus te, & hoc modo dicamus.

Pater noster qui es in Coelis, sanctificetur nomen tuum, adveniat regnum tuum, fiat voluntas tua sicut in Coelo, & in terra: Panem nostrum quotidianum da nobis hodie, & dimitte nobis debita nostra sicut, & nos dimittimus debitoribus nostris, & ne nos inducas in tentationem, sed libera nos à malo Amen.

S. Etiam Domine Deus virtutum, Deus noster optime, & Pater noster viscerum, plene obsecramus, postulamus, rogamusque clementiam bonitatis tuæ; ne Domine mi inducas nos in tentationem, sed salva, & libera nos à malo, & ab exercitu ipsius, (a) quoniam tuum est regnum, & virtus, gloria, & potestas, im-

(a) De hac glorificationis formula post orationem Dominicam. Vide supra Not. I. hujus Liturg.

perium, & fortitudo in Cœlo, & in terra nunc, & in sæcula sæculorum.

D. Amen.

S. Pax vobiscum.

D. Et tecum, & cum Spiritu tuo.

S. Sanctum Sanctis decet, Domine mi in consummationem.

D. Unus Pater Sanctus, unus Filius Sanctus, unus Spiritus Sanctus, gloria Patri, & Filio, & Spiritui Sancto, in sæcula sæculorum. Amen.

Accedens Diaconus ad Altare, Sacerdos apprehendit

(a) *manum ejus dexteram, & infert in patenam dicens.*

Dias. adorat Sacramentum dicens.

D. Gloria Domini nostri.

S. Sit tecum, & nobiscum in regno Cœlesti, gloria Deo vivo.

D. Glorificate Deum vivum.

Chor. Gloria ipsi, & Ecclesiæ tuæ, amores, & misericordia ejus. Amen.

Domine Deus meus non sum dignus, nec vere est justum, ut ego sumam Corpus tuum, & Sanguinem propitiationis, nec ut tangam ea, sed verbum tuum sanctificet animam meam, & sanet corpus meum in nomine Patris, & Filii, & Spiritus Sancti.

Dum hæc Sacerdos dicit. decantat Diaconus.

D. Suscipiatur hæc oblatio sursum, in excelsis cum ea, quam Abel, Noe, & Abraham obtulerunt in regnum Cœleste.

Donum gratiæ ipsius Salvatoris nostri Iesu Christi perficiatur per amorem, in omnibus nobis.

Post sumtionem Corporis dicit Sac.

D. In

(a) Ex hac rubrica, cujus sensus alioquin clarissime apparet, Cassanarii Malabareses ducebantur, ut manum cujuslibet secularis hominis Liturgiæ ministrantis, in Patenam inferrent; ut re ipsa præstabant. Synodus autem, ut obviam iret illi consuetudini, ea non tanquam abusum proscriptit, asserendo; solis Subdiaconis aliisque in majoribus ordinibus constitutis, licere sacra vasa in altari contrectare; tum ex præscripto antiquorum canonum, tum etiam quia id perspicue innuit rubrica, illis ver-

bis; Sacerdos apprehendit manum ejus (Diaconi) dexteram, & infert in patenam; vide in Synodo Dec. 5. pag. 151. Quod autem in hac re adeo clara, erraverint Malabareses, atque ex illa rubrica, in eum prolapsi fuerint abusus, justam atque plenam pro Synodo, contra clarissimos illius obloquentes, Apologiam adornat atque contexxit; ne nimium cauteles, in tot aliis rebus, quas mutavit, præscripsit, aut abrogavit, ipsam redundantem adhibuisse, ambabus inflatis buccis, deinceps deprædicent.

D. In sæcula sæculorum Amen.

Sumens sanguinem dicit post communionem.

S. Sanguis propitiationis Domini nostri Jesu Christi nutriat animam meam, & corpus meum, in hoc sæculo, & infuturo.

D. *Fratres (a) mei suscipite Corpus ipsius filii Dei* dicit Ecclesia, & bibite ipsius Calicem.

D. Conforta Domine noster manus, quæ extensæ sunt, ut sanctum acciperent, dignas eas effice ut diebus omnibus Divinitati tuæ, fructus conferant, & omnia, quæ decantarunt tibi laudem intra Sanctuarium digna per te efficiantur, ut semper laudent te: Insuper & aures, quæ vocem carminum tuorum audierunt, ne quæso audiant, Domine mi vocem clamoris, & jurgii: Oculi etiam, qui viderunt pietatem tuam magnam, videant quoque tuam benedictam spem: lingua, quæ Sanctus clamarunt, compositæ veritatem loquantur: Pedes, qui in ipsa Ecclesia ambularunt in lucis regione fac eos ambulare: Corpora, quæ corpus tuum vivum degustarunt, vitæ novitatæ reparentur: Super Congregationem quoque nostram, quæ Divinitatem tuam adorat, auxilia tua multiplicentur, & nobiscum permaneat, charitas tua magna, & per te ad persolvendam gloriam abundemus, & aperi ostium precibus omnium nostrorum. Nos omnes igitur, qui per donum gratiæ Spiritus Sancti accessimus, & digni effecti sumus, & socii in sumptione ministeriorum horum præclarissimorum, Sanctorum, divinorum, vitamque conferentium, laudemus omnes simul, & exultemus Deo largitori ipsorum.

S. Ipsi gloria propter ineffabile ejus donum.

Sacerdotes etiam:

Decens, justum, & dignum est, Domine, ut omnibus temporibus, & diebus, & horis laudemus, adoremus, & glorificemus terrificum nomen majestatis tuæ, quoniam per gratiam, & amores tuos, Domine mi, naturam imbecillem filiorum hominum, mortalium, dignam effecisti, ut cum spiritibus nomen tuum sanctificent, & Mysteriorum doni tui efficiamur participes, & dulcedine sermonum tuorum vitam conferentium, & divinorum delectentur, & voces laudis Divinitatis tuæ

(a) Antiq. Malab. *Fratres mei suscipite corpus ipsius Filii.*

tuae excellæ offerant semper, Pater, & Filius, & Spiritus Sanctus.

Alia gratiarum actio.

Christus Deus noster, & Dominus noster, & Rex noster, & Salvator noster, & suscitator noster, qui per gratiam suam dignos nos fecit, ut sumeremus Corpus suum, & Sanguinem pretiosum, qui sanctificat omnes, ipse det nobis placere illi verbis, operibus, & cogitationibus nostris, ut sit nobis hoc Sacramentum, quod sumimus, & sumemus pignus remissionis debitorum nostrorum, & peccatorum, speique magnæ resurrectionis ex mortuis, & innovationis vitæ in Regno Coelesti, cum omnibus, qui ei placuerunt per gratiam, & amores suos in sæcula Amen.

Pater noster, qui es in Coelis, sanctificetur nomen *Et dicunt omnes.* tuum, adveniat regnum tuum, fiat voluntas tua sicut in Coelo, & in terra, panem nostrum quotidianum da nobis hodie, & dimitte nobis debita nostra, sicut & nos dimittimus debitoribus nostris, & ne nos inducas in tentationem, sed libera nos à malo. Amen.

Sacerdos versus Populum benedicit, dicens.

Ille, qui benedicit nos omni benedictione in Coelis (a) *per Filium suum*, & invitavit nos ad Regnum, & suavitatem æternam.

Et Apostolicæ Congregationi, fecerat promissionem, & etiam in veritate signavit verbum, ut non sit in illo dubitatio.

Dicetis vere, vere dico, & in veritate verba mea signo: omnis, qui manducat Corpus meum vivificans, & vivit Sanguinem meum Calicis salutaris.

Dimitto omnia illius debita, & omnia illius peccata deleo, & ad regnum voco illum, & ab afflictionibus liberet vos, & ab scandalis vos salvet.

Benedicat semina agrorum vestrorum, benedicat fructus arborum vestrarum, & multiplicet, & benedicat substantiam vestram, & per charitatem suam longam vitam tribuat vobis.

Deus Dominus hominum, benedicat hanc Congregationem, & det virtutem imbecillo, quia ecce à principio incipit.

Per

(a) Antiq. Malab. *Per Filium humanitatis.*

Per signum vivum Christi (a) *benedicatur Cathedra gloriosa Romana*, ut oriatur, & splendeat in illa Iustitia.

Pater splendore plenus, Pastor & (b) *Dominus gregis Christi Papa N. plenus sobrietate, una cum bono Doctore Episcopo nostro N.* custodiatur à malo.

Benedic Presbyteros Sanctos, & Clericos, & Ministros: liberentur à periculis, & à daemoniis, & hominibus pessimis.

Antiquis vero dierum, & senibus senectute præclaris, faciat Dominus illis optimum finem, & ad regnum vocet eos.

Statura quoque pulchros adolescentes, possidentes fortitudinem, faciat illos crescere, in splendore & Castitate eos adimpleat.

Natura etiam fragilis mulierum, virgines etiam, & nuptæ custodiantur à casu, & à laqueis, & scandalis.

Sedens in Coelo Dominus det nobis pacem quietam, & pacem bonam, & dulcem, ut gaudeamus die ac nocte.

Det vobis placata tempora, ut sitis semper gaudentes, & non turbulenti, & inquieti, sed per Charitatem diligentes.

Et quoniam Congregati estis hodie, ad celebritatem oblationis hujus: Crux Regis Cœlestis custodiat vos.

Suscipiat Dominus oblationem vestram, & sacrificia vestra, & orationes vestras, & quiescat Spiritus ejus super eleemosynas vestras, & intret petitio vestra in conspectu ejus. (c) *Illustris in Congregatione Sanctorum Sanctissimus Apostolus Thomas Sanctitas Sanctitatum*, custodiat vos à plagis, & à daemoniis, & hominibus pessimis.

Oret quoque super hanc turbam, pauperem & miseram, & afflictam: sunt enim discipuli hujus Sancti, ut sic à plagis liberi fiant.

Præterea illi, qui modeste laboraverunt, & in simplicitate servierunt in hoc mundo, in iustitia custodian-
tur à malo. Et

(a) Antiq. Malab. *Benedicatur Cathedra gloriosa Catholicorum Orientalium.*

(b) Antiq. Malab. *Dominus totius gregis Episcopus, plenus sobrietate, custodiatur a malo.*

(c) Antiq. Malab. *Illustris in Congregatione Sanctorum, Religiosus Hermisda, Sanctitas Sanctitatum.*

MALABARICO-MENESSIANA . 329

Et qui in nobis sunt extranei , & à domo sua longin-
qui , Rex sæculi sæculorum in pace faciat illos reverti.

Hoc Festum sit Sanctum super vos , o popule humi-
lis , & Dominus sit stabiliens , & ad bona consiliarius .

Modo & nunc ; & omni tempore , & occasione ,
noctibus quoque & diebus , & usque in sæcula sæcu-
lorum .

Benedictio in diebus Solennibus :

Carmen , & adorationem nunc offeramus Deo , Sancto
Filio(a) , qui factus est homo , & operuit Divinitatem suam ,
humilitate nostra .

Et in humanitate nostra sustinuit passionem per ma-
nus populi mali , ut liberaret Adamum rationalem ,
& converteret filios ejus ab errore .

Benedic Domine Congregationem nostram debilem ,
corpore simul , & anima , facque nos socios illius Con-
gregationis Angelorum Cœlestium absque macula .

Benedic & nunc Sacerdotes , & remove ab illis om-
nes casus infestos , & eorum voces admitte Sanctifica-
tionibus Justorum splendentium sicut sol .

Benedic terram , quæ Bellorum infestatione à Regibus
conturbatur , & pacifica eos per signum Crucis luminis
Sancti .

Benedic Ecclesiam tuam , (b) quæ patitur infestatio-
nes à pessimo Dæmone , libera illam , quæ ad ostium
tuum pulsât mane , & vespere simul .

Et circunda illam gladio acuto per charitatem tuam
sanctificantem , ut psallat tibi gloriam distinctam ,
Pater , Filius , & Spiritus Sanctus .

(c) Benedic dextera tua , Domine Jesu Christe , Congre-
gationem hanc illustrem , ut splendeat donis Spiritus
Sancti , in modum Solis clarissimi .

Benedic , Domine mi , virtute tua gloriosa Congre-
gationem nostram , & amplifica illam omni pompa ,
& da illi lætum tempus , & habitaculum quietum , &
abundans .

T t

Be-

(a) Antiq. Malab. Qui factus est & in ovili pessimi Dæmonis , ecce
homo , & operuit speciem suam in comprehenditur .
Filio Hominis .

(b) Antiq. Malab. Quæ patitur , ra tua Christe , Congregationem hanc .

(c) Antiq. Malab. Benedic dexte-

Benedic, Domine mi, Congregationem nostram nobilem, dextera tua, Rex vivens, & effunde super illam benedictionem tuam Domine, in longitudinem temporum, & annorum.

Benedic dextera tua, Domine noster, Congregationem nostram, omni Spiritu, & benedictione, & libera eam ab omnibus malis, & remove ab illa flagellum.

Benedic & custodi, Salvator noster, invitatos, ab omni nocumento, & lætifica eos omnibus bonis nomine tuo vivo, liberator noster.

Benedic, Domine noster, Antistites nostros, & gubernatores nostros, & Doctores nostros, & (a) *Salva Reges nostros fideles, & Duces nostros Catholicos*, & reduc ad nos iudices nostros, servos tuos.

Benedic etiam, Domine mi, pueros nostros, & eos, qui nos docent, & erudiunt, & sapientes fac doctrina tua infantes nostros, & illustres fac senes, & adolescentes nostros.

Benedic & parce defunctis, & dimitte debita, & peccata nostra, & protege nos sub pennis tuis, & revela faciem tuam, & libera nos.

Benedic Infirmos, & Orphanos, & miserere afflictis, calumniam sustinentibus, & responde turbatis, & miseris, & veni in auxilium eorum, & ne negligas.

Et da nobis, Domine, tempora sana, ut vivamus coram te absque labe, & inveniamus gratiam, & amorem coram throno tuo Dominator sæculorum.

Benedic dextera tua, & adjuva Congregationem nostram hanc, & custodi etiam illam ab adversario, qui circumdat eam, fortitudine tua, magna quæ non minuitur.

Et fac nos dignos per amores tuos in illo die, quo signum tuum orietur è Coelis super justos, qui passi sunt æstum, & vigiliis, & jejunium.

Et egrediemur in occursum tuum cum jubilo, & ingrediemur tecum in lætitiâ, & tibi sancto, & excelso psallemus gloriam interminabilem.

Vos quoque o Congregatio redempta, popule sancte, & præclare, qui adfuitis hodie, sicut decet (b) *coram ipso Jesu Domino Deo salvatore*. Suffici-

(a) Antiq. Malab. *Salva Reges nostros & Duces nostros*.

(b) Antiq. Malab. *Coram ipso Jesu Salvatore*.

MALABARICO-MBNESSIANA . 331

Suscipiat Dominus oblationes nostras , & det duplicem mercedem vestram , & dignos vos efficiat promissionibus suis , quas promittit vobis in Evangelio suo .

Scilicet semper dico vobis , qui comedit Corpus meum vivificans , (a) & bibit ex Sanguine meo Sanctificante , habet vitam aeternam .

Et eritis signati , & protecti ab omnibus infestationibus signo Crucis , nunc , & post omne nunc , & in omni tempore , & in sæcula sæculorum . Amen .

Alia benedictio in diebus ferialibus .

Causa , quæ benedixit nos omnibus benedictionibus per Filium suum vivum , qui propter salutem nostram se ipsum inclinavit à Coelis Cœlorum , & assumpsit Corpus nostrum , & dedit nobis Corpus suum Jesus Dominus , & Sanguinem suum Venerabilem , Sanguine nostro miscuit , mysterium propitiationis .

Revelavit in nobis virtutem suam , & ostendit gloriam suam , & figuravit in nobis imaginem suam , & mundavit , & sanctificavit nos virtute abscondita , & amovit à nobis dubietatem in hac promissione , quod omnis scilicet , qui comedit corpus meum , & corde puro bibit Sanguinem meum , ipse manet in me , & ego in illo , & suscitabo illum in die novissimo , non judicabitur omnino , sicut peccator , & exaltabo illum super aera , sicut Justum , & faciam illum heredem regni Cœlestis , quod non dissolvitur .

Seminate Confessionem ejus in cordibus vestris sic illustrem , & fidem ejus , quæ non abolitur , in animabus vestris , & virtus , quæ in Apostolis habitavit , habitet in vobis , & adjuvet vos , in abscondito .

Narrationes pessimas afflictionis , & detractionis , ne audiat , & ab omnibus scandalis det vobis statim redemptionem , & dies bonorum occurrat vobis , per virtutem excelsi , & virtutem donorum suorum effundat super nos usque ad perfectionem .

Christus , qui Sanguine suo emit oves suas , & passus est calumniam , ipse liberet nos ab adversario , & à captivitate : Pastores quoque virtute sua custodiat ,

T t 2

quia

(a) Antiq. Malab. *Es bibit ex sanguine meo, sanctificante, liberabitur ab inferno per me.*

quia non habent finem, ut pascant oves suas in modum filii Jonæ, & Tarcensis.

Presbyteri, qui in domo Sanctitatis pulchre Sacerdotio funguntur, & sunt Sacerdotes præclari, digni efficiantur illo convivio pleno gaudii, ut coram illo pulchre ministrare possint in loco suo excelsio, pro mysterio, quo ministrarunt in hoc sæculo, absque intermissione, & cunctatione.

Senes illustres, qui in Ecclesia senuerunt, & ingressi sunt annos, confortet eos Dominus super virgam pacis, & requiei, & adolescentes, qui in vobis ornatu præclaro incedunt, ut virtute placeant Domino.

Os puerorum vestrorum benedicat vos in gloria, in vocibus dulcibus etiam feminae vestrae per verecundiam inculpabilem: Oratio vestra sicut Danielis Iusti Prophetæ sit, ingrediatur coram eo, ut det solutionem iniquitatibus vestris.

Resurrectionem faciant defunctis vestris, in die novissimo; & dignos faciat illos regno incorruptibili Spiritus Sanctus, quem induistis per aquam, quo accepistis gradum excelsum adoptionis filiorum.

Pax, & requies, & charitas, & spes bona, & pura sit inter vos, & in domibus vestris usque ad consummationem: (a) *Gloria illi ex omni ore, Jesu Domino Deo* super donum ejus ineffabile linguæ creatis, nunc, & post omne nunc, & semper, & in sæcula sæculorum Amen.

Benedictio in Missa pro Defunctis.

Exaudi, Domine mi, vocem orationis nostræ, & intret in conspectu tuo deprecatio nostra, & suscipe Sacrificia, & oblationes nostras, & propitius esto delictis defunctorum nostrorum, sicut oblatio prima, quam obtulit Abel incaptor, & Noe simplex, & innocens, & Abraham fidelis in Domino.

Et Job, qui sustinuit afflictionem, & Elias Propheta veritatis, & Apostoli in medio Coenaculi, & sicut minuta illius Viduæ, sic Domine mi, in misericordia tua suscipe oblationem servi tui, & dignum fac illum thalamo regni, cum omnibus justis, qui placuerunt tibi,

(a) Antiq. Malab: *Gloria illi ex omni ore Jesu Domino.*

MALABARICO-MENESSIANA . 333

tibi , suscipe, Domine noster, Sacrificium ejus, & propitius esto, & dimitte debita illius, & dele omnes iniquitates ejus, & omnium sociorum ejus .

Et dignum fac , Domine misericors , hunc servum tuum pauperem thalamo illo spiritali , cum justis filiis dexteræ .

• Assigna illi ab hac die ; quietem simul , & memoriam , & suavitatem illam stabilem , in loco glorioso, & beato .

Et tibi retribuit Confessionem , & gloriam , & honorem, & adorationem uni Naturæ Tribus Personis sine intermissione .

Et omnes , qui laboraverunt in hoc opere , parvis & magnis hujus diei , & qui loquuntur in hac Congregatione , digni fiant remissione in misericordia .

Benedic Domine mi benedictionibus hanc Congregationem in æqualitate , & domum , & homines , & omnes nos in unitate , nunc & semper. Amen .

LAUS DEO.

Qua


*Quæ in hac Missa Suriana correctæ
fuerunt, reperientur in Decretis
primo, secundo, & tertio sessio-
nis quintæ Synodi de Diamper.*

DIS.

DISSERTATIO I. DE APOSTOLATU SANCTI THOMÆ.

Apostoli Thomæ cultus opud omnes Orientis Regiones celeberrimus.

I. Prædicavit in India improprie dicta. II. Etiam Magis & Persis. III. Carmanis & Germanis Orientalibus. IV. Præter eam Indiam improprie dictam, in veram & propriam Indiam Fidei lumen invenit. V. Id plurimis Auctorum Ecclesiasticorum testimoniis fulcitur. VI: VII. Eadem traditio nuperis illarum Regionum notitiis, post adventum Lusitanorum roboratur. VIII. Aliis monumentis in Coromandele inventis eadem comprobatur. IX. Sinarum etiam amplissimas Regiones, ac in Urbem Cambale aut Cathay, D. Thomas penetravit. X. Tartariam, utrumque Thibetum, atque gentes finitimas illustrasse, ut verisimilius affirmatur. XI. Sicuti quod in Americam Meridionalem transferit. XII. Momenta contraria ex Tillemontio, aliisque petita, objiciuntur ac enervantur. XIII: XIV: XV. Non imbelles argumentum oppugnantium, facili negotio, evoluta æquivocatione nominis India, exsufflatur. XVI: XVII: XVIII: XIX: XX: XXI. Nec de India solum verum etiam de Æthiopia, Gymnophistis, & Presbyt. Joanne, confuse loquuntur Auctores. XXII. Origo æquivocationis detegitur, atque exinde sinceritas traditionis de Apostolatu Indico Thomæ, plene stabilitur. XXIII, & XXIV. Thomam discipulum Manichæi, aut alium Thomam Cana, Indorum Apostolos extitisse fatue asseritur. XXV: XXVI: XXVII: & XXVIII.

I.  Postoli Thomæ memoria, atque cultus, adeo celebris inter omnes Populos, atque Nationes evaserat, initio Seculi quinti; ut non solum Ecclesia Occidentalis, verum etiam Orientalis, præcipue Græca, immo etiam Nationes Barbaræ, ejus festum celebraverint; quodque mirum magis, plurisque habendum est, etiam Ariani, qui Divinitatem, & consubstantialitatem Verbi denegando, unitatem Ecclesiæ disciderant, in celebranda Apostoli Thomæ memoria (a) conveniebant.

Nec

(a) Auctor Hom. 32. inter alia Chrysostom. Tom. 6. Hom. 32. ad Sepulchrum D. Thomæ, Edeffæ habitæ, ut videtur, anno 402., quæ certe Chrysostomi non

est; tum quia ille nunquam in Edeffam venit; tum etiam quia stylium Chrysostomi, nec minimum sapit.

Nec alia de causa id factum esse arbitramur, quod tot Nationes, & moribus, & legibus, immo & Religione dissimiles in colendo Thomam conspiraverint, nisi quia vel omnes, vel earum plurimæ, ab eo prædicationis Evangelicæ beneficium acceperint. In hoc vero cultu, Indiã ceteris omnibus Regionibus præstitisse, universis compertum est; cum ad præsens adhuc perseverent in illis plagis Christiani, Sancti Thomæ nuncupati, qui hoc nomine gloriantur a Christianis Latinis, discriminari.

Hinc de origine horum Christianorum, ac unde, & à quo Fidem Christi acceperint, in præsentis disquirere, non tantum opportunum, verum etiam suscepti operis, ac instituti necessarium argumentum reputamus; atque adeo inquirere, an id Sancti Thomæ Apostolatui (ut ipsorum nomen præferre videtur) tribuendum sit? Quod postquam statutum fuerit, gradum faciemus ad inquirendum de Martyrio, de Sepulcro; ac demum de variis corporis ejusdem translationibus: quod sequenti Dissertatione præstabimus.

II. Et principio quidem; nisi cum severis criticis id omne denegemus, cujus nobis demonstratio non suppetit; omnino asserendum est, cum aliis non præjudicatæ opinionis, Sanctum Thomam Apostolatus sui munus obisse, non tantum in India vulgariter præcis illis (quod ajunt) temporibus usurpata, verum etiam in India sic presse, & proprie nuncupata, quæ ab Indo, & Gange, usque ad partem adversam Insulæ Taprobanæ, sive Ceilan, protenditur; in aliis etiam plagis doctrinam Evangelicam promulgasse.

Igitur quantum attinet ad Indiã improprie dictam, omnes in eandem eunt sententiam; nimirum Sanctum Thomam Indis prædicasse; cum etenim ab ævo Origenis constans viguerit traditio inter Fideles, quod facta distributione Terrarum, atque Nationum inter Apostolos, Thomæ obtigerint Parthorum plagæ: & aliunde cum Anonymo Œcumenii, & Hippolyto apud Florentinum *Indic. Apost. pag. 146.* & Tillemontium *tom. 1. Hist. Eccles. ubi de S. Thoma*; Ecclesia doceat S. Thomam in varias Provincias profectum, non solum Parthis, sed etiam Medis, Persis, Hyrcanis, & Bactris fidei Christianæ præcepta tradidisse; dicendum est, Indis Evangelium prædicasse; Quia (ut ajunt) *antiqui Patres sub India nomine, non Regionem, quæ proprie India diceretur, sed quoscunque longinquos Populos, præcipue Æthiopes, Parthosque conterminos, Indos vocare consueverunt.* Atque illam hujus rei afferunt rationem; quod nimirum veteres, parum versati in notitia earum Provinciarum, quæ non parebant Romanis, quascunque Regiones, sive ad Orientem, sive ad Meridiem sitas, nomine Indiarum comprehendebant; sicuti, & qualibet versus septentrionem, extrà dominium Romanorum, nomine Scythiæ appellabant: atque propterea invaluisse eam opinionem, quod Sanctus Thomas Indis prædicaverit, eo quia extrà Regiones illas Romanis subiectas, nempe Parthis, & aliis fidem annuntiaverit.

Ceterum cum Apostoli fere omnes, etsi varias Regiones peragrarint, ad aliquam tamen potissimum missi dicantur: ideo ad Parthos fuisse

fuisse præcipue missum S. Thomam, asseruit Origenes *lib.3. in Gen. ap. ad Ensebiū lib.3. cap.1.* Æthiopes quoque illustrasse, auctor est Chrysostomus *Hom. in SS. duodecim Apostolos: Thomas Baptismate Æthiopes dealbat.* Persidem Thomæ attribuit etiam Fortunatus *lib.5. Carm.1.*

*Bellica Persidis Thomæ subiecta vigori,
Fortior efficitur victa Tiara Deo.*

III. Sophronius, aut qui e Græcis addidit elogia quædam, ad Hieronymum, sicuti & auctor operis imperfecti, sub Chrysostomi nomine, scribunt, Thomam non solum Parthos, Medos, Persas, Germanos, Hircanos, & Bactros, ut laudatus Ecumenii Anonymus asseruit, prædicatione collustrasse, sed etiam tres Magos, qui Christum recens natum adoraverunt, & Baptismate abluisse, & sibi socios prædicationis assumisse. At dum Anonymus eos vocat *Margos*, & Sophronius; non de tribus tantum, sed de aliquo Populo videtur loqui, unde in eam ivit sententiam Florentinius, quod Margi essent iidem, ac Populi Medi, (a) sequutus Stephanum de Urbibus, & Herodotum; aut certe gens alia hoc nomine appellata. Verum Cosmas Indico-pleustes, Auctor Seculi VI. atque in Regionibus Orientalibus versatissimus, hæc de Magorum Imperio habet *Topograph. Christian. lib.2. pag.147.* editionis P. Montfaucon. Parisien. anno 1707. apud Rigaud. *Persarum Regnum non ex Persis ortum habet, (loquitur de Imperio Persarum Seculo VI.) neque priscorum Regum successionem servat: sed ex alieno Principatu jam insurrexit, id est ex Magis: quod (Magorum Imperium in Perside) ideo mea quidem sententia, secundas post Romanos obtinet, quia Magi quod Christum adoratum venerint, aliquam hinc dignitatem adepti sunt.* Unde ex istius sententia, Magorum Regio eadem videtur esse ac Persarum; in Perside autem, ait idem Cosmas post pauca, Thaddæum Apostolum prædicasse; quod quidem non pugnat cum prædicatione Thomæ: plures enim Apostoli, maxime in transcurso Apostolatus sui, in una eademque Regione Christum annunciaverunt; sicuti & Joannes Evangelista prædicavit Parthis; immo prima ipsius Epistola citatur ab Augustino, & aliis, ut notavit Tillemont. *tom.1. pag.336.* sub titulo; *Epistola Joannis ad Parthos:* aut ex hoc nullus de Thomæ prædicatione apud Parthos, contendere ausus est.

IV. Quod autem superius dictum est, ex auctoritate Anonymi Ecumenii, qui enumerando Regionem, in quibus Thomas prædicavit, loco *Καππαδοκίας*, ut alii scripserunt, ille habet *Γερμανίας Germanis;* certe Carmanos, gentem vicinam Persis agnoscit Bochart. *Geog. Sac. Col.113.* Qui autem fuerint Germani illi, non ita notum. Bochartus, ut probabile habet, ex Ægypto in Germaniam, Coloniam deduxisse priscos Ægyptios quamobrem, pro gente Ægyptiaca habendos esse Germanos illos. Præterea, cum in Syria legatur *Germanicia* Urbs, quæ mutato nomine vocabatur *ἄνω* Imperatoris Andronici Παλαιολόγι *Thelesaura*, ut in ipsius expositione habetur in *Append. ad opus Geographicum* Emman. Schelstrate *num.XXV.* & de qua Theodoretus *lib.2. cap.25.* dicit esse sitam in finibus Syrorum;

V u

&

(a) Margi sunt incolæ *Margiana*, qui male pro Magis ab illis Scriptoribus habiti sunt.

& censerī in Euphratenſi Provincia, fortasſe iſtam Provinciam prædicationi Thomæ addendam judicavit, dum aſſeruit Anonymus, ipſum fidei lumine Germanos illuſtraſſe. Noris *Hiſtoria Pelag. lib. 2. cap. 4. col. 297.* & etiam Hierocles Grammaticus ſextam Urbem Provinciæ Euphratenſis, Germaniciam appellat, in *Append. Scheleſtr. Catal. XV. III.* Veriſimile etiam putamus, eo nomine *Hermanos*, mutato in G. illo H. aſpirato ſignificari; itaque Germanos, aut Hermanos vocabant, Indos Gymnoſophiſtas; de quo tamen infra redibit ſermo: ex quibus novum robur accipit prædicationi Thomæ apud veros Indos, eo quod Germanis iſtis prædicaverit (a).

Omnes Nationes hucusque ab aliis recensitas enumerat, loquendo de Apoſtolatu Thomæ, Dorotheus Episcopus Tyri, qui floruit ſub Conſtantino Magno, in ſua *Synopſi de XII. Apoſtoliſ* inſerta in Bibliot. PP. tom. 2. col. 181. editionis *Parienſis apud Sonnium anna 1575.* nempe Parthos, Medos, Perſas, Germanos, Hyrcanos, Baſtros, Magos, atque Indos (& quidem Calaminenſes) apud quos omnes munus Evangelicum Thomam exercuiſſe teſtatur.

Igitur ex prædictis id tanquam conſtanter verum concludimus, S. Thomam prædicafſe Evangelium Indis, improprie ita appellatis.

V. Manet autem adhuc totius ſumma quæſtionis; utrum ſcilicet præter eam Indiam (b), ultra D. Thomas in veram Indiam, a flumine Indo pro-

(a) P. le Quien. tom. 2. col. 1273. Tillemont. tom. 1. & Baſnag. *Annal. tom. 1. pag. 564.* reſtituunt locum Occumenii, legendo *Carmanis*, nec diſſentit Aſſemanus. *Differt. de Neſtor. pag. 25.* utcumque res ſe habeat, Thomam etiam prædicafſe Carmanis certum videtur, cum Carmania ita ſiſſet, ut ad occaſum habeat Perſidem propriam, ad orientem vero Indiam veram, & Gedroſiam. Vide Aſſeman. laudata *Differt. pag. 734.* & Morerium edition. *Venetæ anni 1743. ap. Piſſeri.* Ceterum id etiam conſtat, Germaniciam olim appellatam eſſe *Marbas*, quæ poſtea a Germanico. Cæſare, nomen *Germanicia* ſortita eſt. Cum autem in Aſſyria, quam S. Thomam colluſtraſſe compertiſſimum eſt, regio extet diſta *Beib-Garme*, quam etiam vocabant *German*, teſte Agathia. *lib. 4. pag. 136.* nulli dubium eſſe debet, utramque lectionem *Carmanis* & *Germanis* ſuſtinendam eſſe, cum utraſque regiones illas Apoſtolus Thomas, fidem edocuerit.

(b) Antiqui diſiſerunt Indiam in citiorem & ulteriorem, ſeu in Indiam extra, & intra Gangem: juxta Orientales autem dividitur in Sindiam & Indiam, nec ultra Gangem progreditur. Sindia, quam ipſi *Send*, ſeu *Sind* vocant, a flumine Indo, quem antiqui *Sindum* appellabant ex Plinio

lib. 6. cap. 20. ſignificat omnes regiones, quæ cis Indum ſunt ad occaſum, & tranſipſum ad ortum; terminatur vero ad ortum, *India* proprie diſta, quæ reliquas omnes regiones tam citra, quam ultra Gangem complectitur: & ad occaſum terminatur Provinciis Kerman, Makran, & Segeſtan, quæ ad Perſidem ſpectant; ad Meridiem, Oceano; ad Boream Tarcheſtania, antiquis *Indo-Scythia*, & recentioribus *Turck-Hend.*

India propria, quæ etiam dicitur *Hind*, *Hend*, & *Hindoffan*, terminatur ab occaſu Sindia, a meridie Oceano; ab ortu Sinæ vel China, & a Septentrione Tartaria magna. Vide Herbelot pag. 804. & Calmetum in *Diſſionario.*

India etiam diſta fuit ab aliquibus Arabia; præſertim Felix, quæ ab antiquis etiam dicebatur *Æthiopia* & *Homeritarum* regio: & de hac India intelligendi ſunt, qui dicunt, Bartholomæum, Matthæum, & Thaddæum *indis* prædicafſe; & hac Indię voce, & quia utraque dividitur in citiorem & ulteriorem: & tandem quia etiam ipſæ inter ſe comparatæ, ſunt ulterioriæ, & citiores, allucinati ſunt Baſnagius, Tillemontius, alique, ut Thomam ab India vera eliminarent, ut proxime dicemus.

proprie vocatam, penetraverit? In qua perpenſis, recto criterio momentiſ omnibus, ut probabilius aſſerendum fore cenſemus, S. Thomam prædicaffe in vera India.

Et principio quidem id oftendit ineluctabiliter, traditio de ipſius Thomæ prædicatione in India proprie dicta, per tria priora ſæcula, de qua teſtimonium facit in primis Anonymus OEcumenii per hæc verba: *Thomas Apoſtolus, veluti traditio majorum amplectitur, Parthiſ &c. obdormivit autem in Civitate Calamina Indiæ*. Adſtipulatur Dorotheus Epifcopus Tyri, ſub Constantino Magno, in laudata *Synopſi de XII. Apoſtolis*, ubi hæc habet: *Thomas quemadmodum traditio habet, Parthiſ, Mediſ, ac Perſiſ prædicavit: obiit autem Calamina Civitate Indiæ*. Ne vero putetur aut traditionem, de qua teſtatur, confuſe loqui de India in lata ſignificatione, ipſum non diſcreviſſe veram Indiam, ab alia improprie dicta, duo obſervare liceat: primum, eum expreſſe meminiſſe *Calamina*, quæ in ſola vera India extabat: ſecundum, adeo ipſi notam fuiſſe veram Indiam, ut paulo antea ſermonem faciens de prædicatione Bartholomæi, de quo etiam ferebatur, Indiſ prædicaffe, ſub hiſ terminis ſuam mentem aperuerit: *Prædicavit (Bartholomæus) Indiſ, quos Felices vocant*; quod intelligi debet de Arabia dicta Felice: unde luce clarius apparet, traditionem de Apoſtolatu Thomæ in Indiſ, aut in India, non de impropria (quo nomine, ut poſtea videbimus, veniunt plures Nationes Orientales) ſed de vera India intelligendam eſſe. Et licet me non lateat, Tillemontium, ex Bolandifſtis *ad diem 19. Aprilis pag. 619.* non recte ſentire de laudata Dorothei Synopſi, quaſi eſſet ingenuſ, nobiliſque Patris degener fœtus; non id vim traditionis noſtræ enervat; quandoquidem ipſa, plures alios præter Dorotheum aſſertores habet, atque ejuſdem rei conteſtes; quæ eſt unica regula, qua uti poſſumus in ſecernendis veris narrationibus à falſis, cum apocrypha, aut interpolata quæcumque leguntur: atque propterea ex eadem regula non conteſtationis aliorum, inter falſa amandamus plura, quæ in ipſa Synopſi leguntur; Unde non ſine delectu noſtram traditionem de prædicatione Thomæ in India, è Dorotheana Synopſi excerptes, ia medium proferimus.

Confirmat hanc traditionem Theodoretus *lib. 9. de veriſ. Evang.* ubi poſtquam dixit, Thomam Parthos, Perſas, atque Medos luſtraſſe, addit *Bracmanos, Indos, aliasque Nationes finitimas*, fidem ab ipſo ſuſcepiſſe: ubi aperte diſtinguit Perſas, Medos &c. qui etiam India pluribus vocabantur, a Brachmanis, & Indiſ; qui ad Indiam proprie dictam pertinent. *Brachmanes* etenim ita vocantur a vocabulo apud Indos vulgato, *Brabde* quod eſt *ſcire*; juxta interpretationem approbatam à P. Francisco Roz Archiepiſcopo Cranganoreniſ anno 1615. & Romæ per Indicos Miſſionarios collatam anno 1724. coram Em. Aſiæ deſignato, pro rebus Indiæ diſcutiendis.

VI. Conſonant Theodoro plures, nempe *Nicephor. lib. 2. cap. 40*; qui non ſolum ad veram Indiam perveniſſe, ait, verum etiam ad Inſulam Taprobanam, antiquiſ Sieledivam, ad Auſtralem Indiæ Plagam ſitam penetraſſe D. Thomam, Nazianzenus *lib. 2. adv. Arianos*, Thomæ Indiam, ait, ob-

V u 2

tigiſſe;

tigisse; & *Orat. 25.* recensens Regiones, quas Apostoli sortiti sunt, ait: *Thomæ cum India.* Insuper S. Paulinus *Carm. 27.* alias 25. canit.

Parthia Matthæum complectitur, India Thomam.

Ambros. in *Psal. 45.* ait, *Thomæ India paruit.* Hieron. *Epist. 148.* scribit: *Cum Thomæ in India Christus Dominus erat.* Accedit Gaudentius Brixien. five auctor *Serm. de Dedicat. Ecclesiæ.* qui ait, eum apud Indos consummasse Martyrium. Ne tamen aliqui in illam præjudicatam opinionem de India impropria impingentes statuunt, hos Patres non loqui de vera India, utpote illis parum cognita (quod de uno, aut altero ex Occidentibus sustineri utcumque posset, non vero de Orientalibus Patribus) unum seligo Hieron. in *Epist. XIII. ad Rusticum Monach.* inter familiares, edita à Cl. V. Josepho Catalani, ita loquentem de Negociatoribus, Maris discrimina subeuntibus, cumque iis comparantem eos, qui pro Deo tuto laborant: *Felix cursus est, si post sex menses, supradicta Urbis* (loquitur de Urbe ad Mare Rubrum) *Portum teneant, à quo se incipit aperire Oceanus, per quem vix anno perpetuo ad Indiam pervenitur, ut ad Gangem Fluvium &c.* Perpendant etiam ii, qui vix circinum, manu semel pro dimetiendis parasangis alicujus Chartæ geographicæ apprehenderunt, an notum Hieronymo fuerit, ubi vera India jaceret? Certè Mare rubrum in media impropria India inclusum est; de hac profecto non diceret ad illam, vix integro anno perveniri posse; immo si ipse dimensus esset spatium, ab eo loco ubi Oceanus aperitur, usque ad Gangem, tempus impendendum in itinere non potuisset exactius præfinire; neque ostia Gangetica in India impropria collocasse credendum est. Igitur veram, ac propriam Indiam (a) asseruerunt superiori in loco Hieronymus, & Nicephorus Apostolatui Thomæ; addo, ipsum Tillemontium fateri *Not. 4. pag. 613.* Nicephorum de vera India loqui, cum de Brachmanis sermonem faciat, & consequenter ceteros, qui eodem modo loquuntur.

VII. Suffragantur Martyrologia, & Menologia; siquidem in Mart. Florentinii legitur bis; nempe *XII. Kal. Jan. & V. Kal. Jul. Translatio Corporis S. Thomæ Apostoli, qui translatus est ex India: Translatio Corporis S. Thomæ Apostoli, qui passus est in India:* Menologium Basilii Imperatoris, *Prid. Non. Octob. Post Domini Jesu Christi Assumptionem, cum Apostolorum singuli in eam, qua sorte obtulerat Regionem, profecti docerent, obtigit, & Thomæ Indorum Regio.* Menologium etiam Græcorum Card. Sirleti ad diem 6. *Octobris* hæc habet: *Hic (Thomas) cum Medis, Parthis, Persis, & Indis Dei verbum prædicasset &c.* Idem confirmant ii omnes, qui eum Calaminæ mortuum esse scribunt, uti Dorotheus, Hippolytus, Anonymus apud OEcumenium, Sophronius c. 8. *pag. 265.* Brev. Rom. in Festo S. Thomæ præter Nationes toties recensitas, Indiam addit, atque locum Martyrii Calaminam designat. Hagiologium etiam Florentinii M.S. ante sexcentos annos exaratum; quod in re, adeo

(a) Kircherius in *Sina Illustrat. cap. 79.* tenet, Thomæ iter in Indiam, & Concilium ibi celebratum; quod tamen putat A. Seaman. *Dissert. de Syr. Nestor. pag. 30.* non

Thomæ Apostolo, sed Thomæ Nestorianorum Episcopo anno 1590. tribuendam esse,

adeo à pluribus jam contestata, indubiæ auctoritatis haberi debet, et si cetera sint Florentinio ipsi suspecta; ubi etiam habetur, Thomam e Mandrinopoli, quæ Urbs est Phrygiæ, in Indiam superiorem fuisse progressum. (a)

Cui consonant demum cum notitia Bollandiana apud Florentinium Martyrologium Romanum, Beda, Usuardus, Ado, & antiquum Calendarium Frontonis: quibus adjungimus vetustissimum Corbejense Calendarium laudatum à Martene *Tom. IV. de Ritib. lib. 4. c. 2. num. 26. In India translatio S. Thomæ Apostoli*. Breviarium etiam Syriacum apud Kircherium in Sina illustrata expressè habet: *Per S. Thomam error, & Idololatria dissipata sunt apud Indos*. Demum apud ipsum Florentinium testantur Semedus, Trigaultius, & Martinus Martinus, ex vetusto lapide apud Sinas, & Breviario Chaldaico, haberi quæcumque D. Thomas apud Indos, Æthiopes, & Persas pro fide egit. Nec prætermittendus M. Paulus Venetus *Hist. Orient. lib. 3. cap. 27.* qui referens traditionem Indorum Malabarensium de D. Thoma, ait, ab illis vocari *Avarijam*, hoc est *Sanctum Virum*.

VIII. Quod si iis omnibus vetustis Monumentis, idem uniformiter contentantibus, addere velimus nova documenta eandem rem illustrantia, summam confecisse meritò arbitramur. Igitur à Seculo decimoquinto, quo tempore Lusitanis patuit Indiæ commercium; anno 1498. ut ait Antonius Gouvea Augustinensis *In Itin. Menest. lib. 1. cap. 2.* vel juxta Raynaldum anno 1490. inventa sunt, tam ad oras Indiæ Occidentales in Malabaria, quam ad oppositas Orientales Coromandelis, certa Monumenta, antiquam traditionem de prædicatione S. Thomæ in illis Regionibus plurimum roborantia; & in Malabarica Regione quidem, inventi sunt Christiani illi D. Thomæ appellati, qui ex antiqua immemorabili traditione illius Ecclesiæ, ita nominantur, quia Sancto Thomæ fidei Christianæ, quam inter Paganos Indicos per tot secula conservabant primordia, se debere memorant: ut contestantur prælibati auctores; ac insuper Maffeus *lib. 8. Hist. Ind.* & variis in locis *Synodus Diamper.* ad quam S. Thomæ Ecclesiæ Cassanarii, & Populi, id communi consensu attestantes, convenerunt: immò ut constat ex actis Concilii, & ex Historia ipsius, quam Synodo præmisimus, potissima ratio, qua illi Christiani Papæ Romano parere mordicus detestabant, ea erat, quod cum Ecclesia illa Indica, à D. Thoma Apostolo fundata esset, ac instituta, cui etiam ipse legem Christi edixerat, & quam ab eo vocitabant *legem S. Thomæ*, non esse cur *legi D. Petri* (ita vocabant fidem Ecclesiæ Romanæ) postponenda esset, ac ullo pacto rejicienda aut permutanda, cum æque rectam fidem, & dogmata prædicasse, atque docuisse in India D. Thomam, sicuti in Latinis Regionibus D. Petrum, plane credendum esset: unde conficiebant; id unum oportere, ut unaquæque Regio fidem, & Doctrinam illius Apostoli sibi conservandam statueret, à quo Religionis Christianæ vetusta institutione esset informata; neque eam

(a) Thomæ prædicationem in India vera, habet Assemanus loco mox laudato, quo plurimis auctoribus Syris comprobata ex-
torem remittimus.

eam pro alia ullo modo defereret. Romanis proinde Romanam, Indis D. Thomæ legem convenire. Cui ergo nullius videatur ponderis hoc argumentum, desumptum ex antiquissima illarum gentium traditione, eidem planè incumbet onus demonstrandi institutorem, auctoremque, à quo eam haurire cœperint; ævum etiam assignandi, quo traditio illa fuerit incognita.

IX. Altera prædictæ traditionis stabilien-dæ ratio desumitur ex Monumentis ad oras Coromandelis, apud Meliaporem repertis tempore Joannis III. Lusitanix Regis, ubi diruta antiqua Calamina, & Indorum indigenarum lingua, demutato *Calamine* nomine fortè in *Meliaporis*, inventæ sunt Reliquiæ S. Thomæ cum lanceæ cuspidè, quodam vase fictili, atque Viatorii baculi parte. Plura de iis habent Maffeus *lib. 2. & 12.* Ossorius *Lib. 3. Hist. Ind.* qui ulterius addit, inventionem Crucis D. Thomæ, excelso prope Meliaporem in loco repertæ, atque in arcu, quo ipsa muniebatur, aut in circuitu ipsius Crucis in tabula lapidea, inscriptis literis, significari ejusdem Thomæ accessum ad eam Regionem, prædicationem, ac Martyrium ibidem loci constantissime pro Christo toleratum; quæ proinde Urbs in honorem ipsius Apostoli, appellata est à Lusitanis usque ad præsens, *Civitas D. Thomæ*. Qua noticia eo lubentius utor, quò Tillemontius (ipsius Thomæ in narrationibus facti historici imitator incredulus) examen totius rei, atque Apostolatus Indici D. Thomæ relinquit *Not. 4. sup. D. Thom.* iis, quibus compertum est, quid eo loci inventum fuerit, quique rectas, solidasque consequentias exinde elicere sciant. Unde juxta ipsius mentem, standum est Lusitanis, atque prælaudatis Maffeo, Ossorio, & Gouveæ; è quibus etiam nos aptas consequentias deducere conabimur infra, ubi de loco Martyrii agendum erit.

Porro perpensis omnibus hucusque adductis pro D. Thomæ Apostolatu Indico, ac etiam iis, quæ pro contraria opinione militare videbantur, a Viris, & eruditione Ecclesiastica instructissimis, & in expendendis actis Sanctorum sagacissimis, hujusmodi visa sunt, ut nostram fere omnes tenuerint sententiam. Atque inter primos Florentinius, auctor in hac re versatus, quam qui versatissimus, loco superius laudato, ita mentem suam aperit: *Nihil tamen certius apud Sanctos Patres invenio, quàm D. Thomam Indis Evangelium vulgasse.* Natalis Alexander *Hist. Eccles. Seculo 1. cap. 8. tom. 4. pag. 32. Edit. Veneta Lazzaroni anno 1741.* qui inter alios a Thoma conversos enumerat *Brachmanes, & Indos.* Ambrosius Gardeboſc Carmelitanus *Hist. Eccles. lib. 2. Dissert. 7. Quest. I.* hanc resolutionem ponit: *S. Thomas Apostolus in Indiis propriè dictis Evangelium predicavit, ibique pro Christo interfec-tus est.* V. Cl. Assemanus Bibliothecæ Vaticanæ ad præsens Præfectus, cujus eruditissimas Ecclesiasticas elucubrationes, nisi id ipsius modestia gravate ferret, simul cum Auctore, hoc in loco plurimum commendaremus, tum ob peritiam Orientalium Linguarum; tum etiam propter ipsius eruditionem circa traditiones, & ritus Orientales: hic itaque, nostram tenens sententiam *Dissert. De Syr. Nestorian. pag. 25.* hæc habet verba: *De priori*

priori India, (Asiatica & vera) quæ ultra Persidem sita est antiquos loquutos fuisse, quum Thomam Indorum Apostolum vocant; tum ex iis constat, quæ de Parthia ab omnibus affirmantur; tum ex iis, quæ vetustissimi scriptores de Persis, Medis, Carmanis, aliisque Indiæ orientalis finitimis Populis tradunt. Quæ quidem optima conjectura est. Quis enim sibi suadeat, Apostolum, qui finitimas regiones, & gentes lustravit, solos Indos, ad quos primum erat iter, solos, inquam, reliquisse.

X. Cardinalis Gotti *Tom. 5. Verit. Relig. Christ. c. 6. §. 2.* ait, etiam posita prædicatione alterius Thomæ Manichæi in India; sententiam Patrum de prædicatione Indica Apostoli Thomæ adhuc sustinendam esse: *Me hoc non movet*: (ait scilicet, ut contraria via incedat) Iis omnibus prævit Haythonus Monachus, Nepos Regis Armeniæ in *Hist. Orient. c. 6.* quam Salconus jussu Clementis V. anno 1307. edidit, ubi de India ait: *in ipso Regno prædicavit B. Thomas Apostolus fidem Christi, & multas convertit Provincias, atque Gentes.* Cui consonat M. Paul. Venetus. ibidem *lib. 3. cap. 24.* qui in Indiam perrexit anno 1269. & traditionem de prædicatione, & Sepulcro Divi Thomæ apud eas gentes invenisse constat.

Ultra has omnes recensitas Nationes fidei Vexillum in alias etiam intulisse Thomam, plures asserunt: ut in *Historia prævia* diximus *cap. 1. §. 2.* cum Govea *Itin. Meness.* qui apud Christianos S. Thomæ eam invaluisse ait traditionem; quod nempe à Meliapore solvens Sinarum Navibus prætervectus Apostolus, ad Sinas (a) pervenerit, & ad Urbem Camballe, vel Bamballe; Et quidem ex antiquis Monumentis Episcopatus Angamalenfis apparet ex Govea *lib. 1. Itin. Meness. cap. 1.* ab antiquissimis temporibus prædicatum fuisse Sinis Evangelium. Alii non ad Camballe, sed ad Catayum pervenisse autumant; quæ Regio in laudatis Monumentis appellatur *Sina*, aut *Massina*, atque ad Septentrionem jacet, Sinis, Tartariisque finitima. At alii rursus volunt Camballe fuisse in Regione Abyssinorum, quorum Imperator à Lusitanis vocari cœpit Presbyter Joannes, ut ait Barros *Lib. 4. Asia Decad. 3. c. 1.* alii demum ad Thibetum parvum illis Navibus deportatum fuisse affirmant.

Ceterum ex Breviario Syriaco apud Eminentiss. Gotti *Tom. 5. de Verit. Rel. c. 6. §. 2. n. 3.* habetur, Thomam Sinis prædicasse: *Per Sanctum Thomam error, & Idololatria dissipati sunt apud Indos. Per Sanctum Thomam Sine, & Aethiopes in agnitionem veritatis conversi sunt.* Insuper con-

(a) Sobensis *Epitom. Canon. part. 9. cap. 1.* & Amrus in *Vitis Patriarch. Nestor.* Thomam Sinis prædicasse asserunt. Accedit Trigautius, excerptis testimoniis a Breviario Malabarensi, laudato a Card. Gotti. At Asseman. *Dissert. De Syris Nestor.* omnia componi posse ait, si dicatur, illa verba, *Per S. Thomam Sina &c.* intelligi ita, ut eo agente, & mittente suos Discipulos ad Sinas, isti fidem acceperint; non quod Thomas per se ipsum prædicaverit Sinis: mo-

numenta autem, quæ asseruntur, cum sint posteriora quatuor ad minus seculis, nihil probant. Ipsi manus victas daremus, nisi illa verba: *Per S. Thomam*; commodius explicarentur ex nostra opinione, ut litera sonat: deinde quod similiter dici possit, ex eo neque Thomam per se ipsum Indis prædicasse: tandem quia monumenta, quamvis posteriora, fidem faciunt anterioris traditionis.

omnino matur id narratione duorum Arabum in Itinerariis Parisiis editis, ubi asseritur, Sinarum Reges aliquid de Christo, & Apostolis audivisse, & ut apparet à D. Thoma, quandoquidem ipsi in itinere offenderunt *Beth Thomam*, idest domum vel Ecclesiam D. Thomæ. Anno etiam 1628. in Urbe Siam-Fu Provinciæ Kiamsi reperta fuit inscriptio, ubi legatur vita Salvatoris, & prædicatio Evangelii à priscis Patribus. (a) Et quantumvis ex Card. Gotti id non videatur evincere prædicationem Thomæ, aut alterius Apostolorum apud illas gentes, eo quod illa inscriptio annum præferat Christi 780. nihilominus ex infra dicendis, probabile D. Thomæ iter Sinicum id non labefaciat.

Igitur Camballe, quam Urbem non licuit reperire Gouvez, & aliis, (b) invenitur ex *Peregrinatione* B. Odorici Ord. Min. ab ipso descripta, qui obiit A. D. 1331. & habetur apud Bolland. ad D. XIV. Jan. ubi scribit: *Inde veni ad illam nobilem Civitatem Camballech, quæ vetus est, & antiqua in Provincia Chatay. Hanc ceperunt Tartari: ego Fr. Odoricus Mansi ibi tribus annis.* Hæc à Paulo Veneto lib. 2. cap. 9. & seq. vocatur *Cambalu*. Quam hoc tempore Pekinum esse, & Sedem Sinensium Imperatorum aut Regum arbitratur Trigaut. Lib. 4. de *Christ. expedit. apud Sin.* cap. 3. At in Camballech Templum antea erexerat Joannes de Monte Corvino Ord. Min. anno 1299. ex Vvadingo; qui etiam Archiepiscopus Camballensis creatus fuit anno 1307. Immo & hodie extat *Samhale*, aut *Cambale* in Imperio Mogolis.

XI. Quæ omnia comprobare videntur traditionem Ecclesiæ Indicæ Angamalenfis de prædicatione Thomæ apud Sinas; cui traditioni si adjungitur inscriptio Sinica, de gestis ibi à Patribus, quamvis ex hac sola, ut bene Gotti, id non evincatur, tamen ex ista, ut traditione roborata, prædicatio Sinica D. Thomæ gravi conjectura fulcitur (c). Ex quo etiam fit, ut ipsi incumbat onus probandi, non ab Apostolo Thoma, sed ab alio Apostolo ibi prædicatum fuisse Evangelium: acta enim seu gesta Apostolorum aperte insinuant eorum apud omnes gentes prædicationem; quam obrem jure meritoque censemus, Apostolos ipsos (excepta Africa) in potissimas Orbis Terrarum Regiones, fidei lumen invexisse, ut mox dicemus.

Et quidem non solum apud Sinas, verum etiam in Tartaria, Thibeto utroque, atque aliis Regionibus, lucem Evangelii priscis irradiasse temporibus, compertum est, ex Haythono, Marco Paulo Veneto, qui Im-

(a) De hac inscriptione late ac erudite disserit Asseman. *Dissert. & Syr. Nest. a* pag. 588. omnino videndus.

(b) Urbs *Camballe*, & regio *Massin*, regiones sunt ejusdem Regni Sinæ; *Cambale* aut *Cambalu* erat Sinæ Metropolis: *Massin* vero vel *Masina*, aliis nominibus *Mangi Macin*, seu *Masfin*, est altera pars meridionalis ejusdem Regni Sinæ. Turcæ Persæ, & Arabes illis duobus nominibus significant Sinam septentrionalem, & meridiionalem;

sicuti aliis duobus *Jagiug* & *Magiug* idest *Gog*, & *Magog*; integram Tartariam exprimunt. Igitur quæ Sinus est *Pekin*, Tartaris est, *Cambalu*.

(c) Neque contendimus, totam peragrassè Sinam, aut Tartariam Apostolum Thomam; sufficit nobis ut vere dici possit, eas ipsemet regiones per semetipsum illustrasse, illum in unam aut alteram utriusque Regni Civitatem profectum esse; ut sonat traditio Malabarensium.

Imperator Tartarorum per septemdecim annos inservivit anno circa-
ter 1256., nec non ex Joanne de Plano Carpi, Ord. Min., ejus verba
refert Bellovacensis in Fragmento ad speculum *Hist. Nat. ad lib. 32. c. 9.*
cum ipse fuisset cum aliis Missionariis Ordinis Prædicat. ab Innoc. III. ad
Tartarorum Imperatorem, qui loquendo de Bello Tartarorum contra
Kythaos, (qui ex Haythono, & M. Paulo Veneto sunt indigenæ Ca-
tay, aut Kythay) ita scribit: *Kysai homines habent vitas Patrum, &*
domos, in quibus erant temporibus suis, ad modum Ecclesiarum factas;
Quosdam etiam Sanctos habere se dicunt; & unum Deum colunt. Christum
Yesum Dominum venerantur; & credunt vitam eternam, sed non bapti-
zantur. Scripturam nostram (dixerat jam eos habere vetus & novum
Testamentum) *honorant, ac reverentur.* Et tandem quoad prædicationem
Sinicam D. Thomæ, quamquam Urbem Sinam inter alias Indiæ locet
Ortelius in Nomenclat. Ptolem. quam etiam illustrare potuit Thomas,
tamen plura prædicationis ejusdem monumenta apud Sinas reperiri refert
Augustinensis Joannes Gonzalez de Mendoza *Hist. de Rep. Sinar. Barci-*
nona edita anno 1586.

XII. Denique in Americam Meridionalem transisse Thomam, proba-
bile videtur, ex eo quod Brasilienses plura memorabant de Divo Tho-
ma, quem *Zoma* vocant, mutato *Tb.* in *Z.* quando illæ Plagæ innotue-
runt, ut habet Stapleton. ex *Ep. Emman. Nobrega, e Brasilia scripta an. 1552.*
ad calcem tom. 4. in Evang. ubi de tribus Thomis. Idem ex *Hist. Ind. Leo-*
nardi colligere licet ex variis momentis, quæ adducit circa Americam
Septentrionalem, ubi plura de Cruce multis in locis; quam tanquam
Deum pluvie Indi venerantur: qui labores soli Thomæ tribuendi
sunt, asserente ex Chrysologo, in *Ros. Aur. Sylvestro*, quod *hic solus*
Apostolus universum Orbem terrarum percurrerit; potissimum etiam ex
eo, quod nulli alteri id attribuitur; & aliunde ab ipsis Apostolis per to-
tum Orbem putamus jam tunc prædicatum fuisse Evangelium, uti sence-
rius, ac juxta proprium sensum verborum Christi: *predicate Evange-*
lium omni Creaturae (a); & Evangelista (b). *Ipsi profecti prædicaverunt*
ubique, neque id per Synecdochen accipimus, ut alii, scilicet maximam
partem pro toto. Inquirenti autem, quomodo tunc Apostoli in partes
Americanas (c) penetrare potuerint, reponit ex Torniel. in *Anal. ad*
ann. 1231. num. 45. Cl. Pagius, ad *Annum Christi 44.* plures tunc fuisse
vias nobis nunc occultas; aut breve fretum; nec forsitan ad id defuisse
Angelorum ministerium, ut non defuit, *Act. 16. v. 9.* (d) Sola Africa (e)

X x

ex-

(a) Marc. cap. 16. v. 14.

(b) Ibidem v. 20.

(c) Profecto comperta fuit antiquis Ame-
rica, nomine terræ Atlantice, ex Plato-
ne, Aristotele, & Seneca, apud Jo. Metellum
in *Præfat. ad Hist. Oserii de Rob. Em-*
manuelis; & Marinus Siculus refert, in
veteribus Hispaniolæ fœdinis, repertum fuisse
aureum nummum cum effigie & inscriptione
de Aug. Cæs. quo Sum. Pontifex donatus fuit.

(d) Angelus in specie viri Macedonis in-
duxit Paulum, ut prætermissa Bithynia, ad
Macedoniam pergeret, dicens, *Transiens in*
Macedoniam adjuva nos: ductantibus
enim Angelis, atque ipsorum ministerio
Apostolos creditur orbem collustrasse.

(e) Optime id, eo loci Pagius ex Aug.
aliisque asserere posset, si loquatur de Affri-
ca tempore Hadriani, quo circa annum 120.
ad fidem conversa est per Viros Apostolicos.

excipitur ibi, quæ a Successoribus Apostolorum fidei lumen accepit.

XIII. Quæ statuta superius fuerunt circa S. Thomæ Apostolatam in vera India, pluribus oppugnari posse videntur, & hæc in præsentī diluenda sunt, insinuatīs, atque alio remissis iis, quæ eum oblique impetunt. Et primo.

Ex eo quod ipsius corpus non fuit sepultum in India, cum jam ad exitum seculi 4. ex Rufino *lib. 11. cap. 6.* Corpus D. Thomæ in Edessa Urbe Mesopotamiæ quiesceret. Socrates etiam meminit Ecclesiæ, ibi Divo Thomæ dicatæ, quod illis temporibus non fiebat, nisi ibidem illius Sancti Reliquiæ conderentur; quod etiam comprobatur ex oratione in eā Ecclesia habita, ac superius inter scripta Chrysostomi laudata, quæ testatur ejus Auctor, Corpus D. Thomæ integrum ibi reperiri. Sed nec juvat dicere, partem Corporis eo fuisse ex India translata; tum quia id insolitum erat primis seculis, nempe reliquias, aut Corpora Sanctorum dividere, tum etiam quia integrum servabatur Edessæ: non ergo Divum Thomam veram Indiam illustrasse credendum est. Secundo, quia ipsius Apostolatus, atque certaminis locus assignatur Urbs *Calamina*, antiquis, & Geographis, & Historicis incognita, tantumque nota nuperrimis Scriptoribus; quæ quidem res ex ipsa, quam præferret, novitate, de falsitate non levem ingerit suspicionem.

Ceterum ista non magni ponderis sunt, ut inferius agendo de Martyrio Apostoli fusiùs dicemus, & interea respondemus, eam fuisse partem Corporis tantum, quæ Edessæ venerabatur; nec id insolitum in Ecclesia Orientali, (quidquid sit de Occidentali, & Romana) Corpora Sanctorum, & dividere, & suffurari. Quid quod licet Urbs *Calamina* nusquam extitisse daretur, tamen locus, qui nomen *Calamina* (a) præferret, apud Meliaporem, ut verosimilius asseritur.

Quæ autem oppugnare videntur prædicationem Thomæ in vera India, eamque traditionem enervare, ea sunt, quæ apud Tillemontium post alios leguntur, *tom. 1. Hist. Eccles. Art. de S. Thoma*, & in *Notis*: nimirum primo: quod ea, quæ de Thomæ prædicatione habentur, desumpta videantur ex Apocrypho Libro Abdiæ Babylonici de *Historia certaminis Apostolici*, & quæ a M. P. August. *Epist. adversus Adimantum cap. 17.* in-

a Roma missos; & ut comprehendit ex Notitia Imperii, quam noster Panvinus tribuit Hadriano Imperatori, illas sex Provincias; nempe Provinciam Proconsularem, *Africa*, ubi Carthago: *Numidiam* Consulare: *Bizacium* Consularem: *Trisulitanam* Præsidialem: *Mauritaniam Siisensem* & *Casariensem* utramque Præsidialem; ceterum si sermo sit de Africa in tota sua latitudine, ut nos accipimus, nullus est locus eam excipiendi, ab ea universali, quod per Apostolos prædicatum sit Evangelium ubique, testimoniis etenim priscorum comperimus, in Alexandria Egypti, & Æthiopia, ipsos Apostolos prædicasse.

(b) Ut Indis abjudicet Croxus, Apostolatam S. Thomæ, ejusque Corpus, *Calaminam* nullibi terrarum extitisse, uti Tillemontius contendit; eo tantum discrimine quod iste *Calamonem* sufficiens puræ pro *Calamina*: Croxus vero *pag. 186. Hist. Ind.* locum in Guinea a Lusitanis, vocatum *Cassid Alina*. Quæ conjectura, fastidium peperit ipsi La Martiniere, Philippo V. Hispan. Regis, Geographo, qui ait *le suis facts, que cette conjecture, si de raisonnable, n'est échappé à un Bibliothécaire savant, tel qu'est M. de la Croix: vide la Martiniere. verbo Calamina.*

inter Apocryphos Manichæorum libros recensetur in quibus eadem causa narratur, de homine, qui in pœnam colaphi D. Thomæ impacti ex imprecatione Apostoli, a Leone discerptus fuerit, vel a regio cane manus fuerit avulsa in pœnam patrati facinoris, & ad locum convivii ab ipso deportata, ut cum aliis scribit Gouveau *lib. 1. Itin. Meneff. cap. 1.* & nos cum eo *cap. 1. §. 1. Hist. Prævia ad Synod. Diamp.* asseruimus. At neque majorem auctoritatem conciliat huic rei, quod a Nicephoro Calixto *lib. 2. Hist. cap. 40.* asseratur prædicatio ista Thomæ ad Indos, & quidem proprie ita vocatos Brachmanes nempe, atque Taprobanenses; tum quia ex auctoritate Abdiæ ea retulisse videtur; tum etiam quia Nicephori auctoritas hodie floccipenditur: unde non est, quod iis nixa fundamentis prædicatio Indica Thomæ, solide possit stabiliri.

XIV. Plurima ad hæc reponere valemus: & quidem primo cum Florentinio agendo de prædicatione D. Thomæ, & translationibus Corporis ipsius, tam de Abdiæ, quam de Hagiologio MS. suo, dicente. *Tamen possunt inter apocrypha etiam sinceriora latere*; atque hac regula ducti critici, omnes non præmittunt laudare, & Abdiam, & Nicephorum, aliosque hujusmodi, dum ad rem suam faciunt: unde eodem jure utentes, eosdem pro Indica D. Thomæ prædicatione in medium producimus; non quia in iis firmitatem nostræ traditionis collocemus, sed ut traditionem ipsam, quæ in supra recensitis Patribus habetur, ejusmodi fuisse dicamus, ut vel ipsi (ut ajunt) impostores, eam obscurare non potuerint; immo talem vim habuisse, ut etiam ab impostoribus asserta, reliqui Auctores eos impugnantes, hæc partem intactam, ut sinceram prætermiserint, nec adversus eam insurrexerint. Deinde dicimus, tam Abdiam, quam Auctores apocryphos citatos ex Manichæis a P. Augusti. in laudata Epistola ad Adimantum, quantum attinet ad ea, quæ asserunt de prædicatione Thomæ, audiendos esse, quia ipse impostor, & fictus Abdias in ipso libri initio affirmat, se ea, quæ habet de D. Thomæ gestis ex libro quodam antiquiori, in quem incidit, omnis supervacaneis exscripsisse: ubi ipse, quasi oblitus maneris impostoris, quod obibat, nova pro veteribus obtrudendo in hac re antiquiores Codices legisse fatetur, in quibus ea habebantur: necesse cur dicatur in hoc denuo dupliciter impostorem egisse; sicut enim plures critici cum Bollandi die 16. Martii pag. 77. respondent, ut defendant Patres, asserentes, Parentes Deiparæ fuisse Joachim, & Annam nominatos; etiam si ipsi id asserant ex spurio quodam libello Jacobi Theodolphi, aut ex Seleuco impostore; nimirum nihil officere eorum testimonia conservatæ illi traditioni; *Nec omnia dicantur, Auctores isti finxisse*: ita nos de Abdiâ respondemus.

XV. Quod attinet ad Scripturas citatas ab Augustino, quo nomine Vossius opinatur designari librum Abdiæ, sese opponunt Auctores *Biblot. Magnæ Eccles. editæ Colon. Allob. apud Perachonium anno 1734.* ex eo quod Augustini ævo, diuque antea plura præter Abdiam fabulosa, & scripta, & tradita de Apostolis circumferebantur; inter alia Evangelium Thomæ, & qui idem est cum illo juxta Calmetum in *Dissert. in Evangelia apocrypha num. 31.* Liber Evangelii de Infantia Salvatoris;

alia insuper, quæ etsi antea sincera, à Manichæis tamen corrupta jam fuerant: ceterum iis sicut non est cur fidere possimus; quoad ea, quæ de Matrimonii detestatione, aut duplici rerum principio asseruntur, quia in istis Dogmatibus errabant, atque ut ea defenderent, vitiabant scripta quælibet; ita non est cur in aliis, quorum falsificatio illius Sectæ non intererat, sicuti est, quod D. Thomas hic, aut alibi prædicaverit, ipsi assentiri non possimus; & ita revera se gerit Augustinus in laudata Epistola cum istis Scripturis apocryphis, agentibus de eo, quod D. Thomas maledixerit homini, qui eum palma percusserat; illa enim admittit, ut contra Manichæos inferat, diligi posse homines, ab eo etiam, qui in eos vindictam sumit, dicendo: *Sed quia & tibi* (in Scripturis apocryphis) *tacitum non est, quo animo factum sis* (ab Apostolo Thoma) *videatur delectia vindicantis*: Sic etiam nos iis utimur, quia & ibi tacitum non est, quid Thomas in sua prædicatione egerit. Ob eandem rationem citamus Nicephorum, & etiam, ut morem geramus ipsi Tillemontio, qui eum, quem hic rejicit, alibi ut fautorem revocat: ut videre est in *Notis ad S. Joannem Evangelistam Not. 18. & in Not. 5. ad Thomam nostrum*: & in *Not. 2. ad S. Bartholomæum* pro istius Indica prædicatione, non veretur citare ipsum *Abdiam lib. 8. pag. 96.* immo, & Nicephorum; ut vagam Indiam, nec certam Bartholomæi prædicationi assignet. Nimirum eo sunt ingenio animati plerique etiam e nobilioribus Criticis, ut unum, eundemque Auctorem dum ipsorum opinioni favet, sincerum, cum vero adversatur, corruptum, depravatumque conclament.

XVI. Alterum, & quod majus negotium facessere posset, opponitur ex Florentinio (qui alias pro Indica stat. prædicatione Thomæ) à Tillemontio, tam in Articulo D. Thomæ, quam in *Notis in Not. 4.* quem sequitur Sandinus *Histor. Apostol. pag. 167.* videlicet, quod tamen dicatur à Patribus, D. Thomam in India, atque Aethiopia Evangelium prædicasse, non inde confici, eum extra Parthorum Imperium fidei Vexillum intulisse, propterea quod, ut ait laudatus Florentinius in Martyrologium Hieronymianum; *Antiqui Patres sub India nomine, non Regionem, quæ proprie India diceretur, sed quoscunque longinquos Populos, præcipue Aethiopes, Parthosque consermimos, Indos vocare consueverunt; ut ad Epiphanium annotavit etiam Petavius.* Addit de suo Tillemontius, quasi paraphrasim illis verbis adornando: *Ex iis (loquitur de testimoniis SS. Patrum, & antiquorum) non est cur asserere possimus, Thomam extra Parthorum distionem prædicasse, nosum enim est omnibus, quod antiqui fere nulla cognitione instructi aliarum Regionum, quæ extra Imperium erant Romanorum, frequenter vocabant Indiam, & Aethiopiam, remotas quascunque Regiones ad Orientem, & Meridiem existentes.*

XVII. Hæc tamen impugnatio, paucioribus constat verbis, quam æquivocationibus: præterquamquod falso imponit (ut videtur) Sancto Epiphanio, ejusque commentatori eruditissimo Petavio, quasi veram Indiam non agnoverint. Et quidem ab hoc extremo exordium sumendo, Epiphanius in *Anchorat. num. 115.* ubi de Orbis partitione post Cataclysmum,

mun, inter Regiones ad liberos Semi pertinentes, septimo loco enumerat Indos, deinde Arabes, Hyrcanos, Assyrios, Carmanos, Lydos, Mesopotamitas, Hebræos, Bactrianos, Adiabenos, Saracenos, Scythas, Chaldæos, Parthos &c. Deinde inter liberos Chami ponit Aethiopes, Trogloditas, Aegyptios, Phœnices, Marmaridas, Mæcedones, Auxomitas (alias Abyssinos), & horum regiones extendit ab Aegypto usque ad Oceanum. Ulterius Japheto assignat inter alios, Medos, Armenos, Sarmatas, Scythas, Latinos, qui & Romani, & Tyrrenos, Gallos denique, Britannos, Hispanos. Et ista quidem adeo exactè describit, supputatque, ut subiungat, quod si quandoque duobus Dominis una eademque Regio attribuat, ne ex hoc aliqua suboriatur confusio, ea de causa id factum fuerit; nimirum, aut quia communi utriusque limite continebatur; sive quia ex una ad aliam propagatæ erant Coloniae; vel tandem, quod Chamus aliquam ad alios attinentem Regionem usurpaverat; unde in duorum ditioe, eam recensere oportuit. Quis igitur umquam persuaderi possit, Epiphanium (saltem) accuratissime recensentem, atque adeo distinctè distribuentem Orbis Regiones, Indos cum aliis Nationibus confudisse? Aut dum Indos recenset, sub eo nomine non Regionem, quæ proprie India diceretur, sed Aethiopes, & Parthos conterminos, ea voce designasse? Eo vel maxime, quod Parthos uni, alteri vero Aethiopes adjudicat. Qui ergo rationem non unam tantum reddit, cur ipse quandoque duobus eandem Regionem attribuat, utique patefacere non omisisset, quam ob causam Indos vocaret Aethiopes, aut Parthos, aut quoscumque alios: unde proculdubio tenendum est, illum vocasse Parthos Parthos, atque Indos Indos.

XVIII. Quod autem attinet ad Petavium; opus fuit nobis omnes animadversiones in Epiphanium percurrere; sed licet exactè, quantum per tempus licuit, id egerimus, ne unum quidem ex citatis verbis deprehendimus; solum verba hæc legebamus in Nota 25. ad Epiphanium de Hæresibus: *Indorum appellatio à majoribus nostris, ad remotos omnes ab Orbe nostro Populos est translata*: ita legitur in *Edit. Parisensi Sennii anno 1622. tom. 2. in Animadversionibus ad Epiph. pag. 60.* E quo loco etiam obiter lecto, clare apparere potuisset, nomen Indiæ non adeo fuisse vagum, quin aliquam determinatam Regionem significaret, & à qua ad alios Populos ea vox translata fuerit, ut ipse fatetur Petavius. Agebat enim ibi hic Auctor de terra Cetim, & quærebat quinam Citizi dicerentur; ipse autem assererat, probabile sibi videri, eo nomine venire Ceticas, Cyprios, Mæcedones, Romanos, atque Italos, ita vocatos à Syris, eo quod omnes isti per sibi vicinos Citizos, atque notissimos, ad se aditum haberent; *Hoc ipsum Citizorum nomen plerisque Græciæ Populis accommodaverint, quemadmodum Indorum appellatio à majoribus nostris &c.* Plura huiusmodi rei citare possumus exempla, ubi nomenclatura unius Nationis, alteri aliqua ex causa tribuitur, quæ nota sunt; & quidem Petavius ipse ibidem in *Not. aut num. 84. ait: Christiani à Turcis, vulgo Franci; & Mahometani, à nostris Turcæ nominantur*: Vincentius etiam Bellovac, in *Fragm. ad Lib. 30. Spec. Hist. cap. 87. Edit. Reim.* Reine-

cii tom. 2. Tartari (ait) & Orientales quoslibet Christianos vocabant Francos: Unde ex iis id unum inferre debuissent, nimirum esse veram Indiam, Regionem, quæ ita antonomastice nominatur; etiam si aliæ sub eo nomine venirent; sicuti nomine Franciæ sine addito, et si omnes Europæi ita vocentur, soli veniunt Franci, & sola propria Francia intelligitur. Ex iis omnibus non apparet quomodo, nisi Petavio imponant illi Critici, asserere potuerint ex ipso, quod antiqui Patres sub Indiæ nomine, non Regionem, *quæ proprie India diceretur*, sed quoscumque longinquos Populos, præcipue Aethiopes, Parthosque conterminos Indos vocare consueverint? Ibi enim primo antiquos Patres non nominat; deinde non denegat *Indiae proprie* nomen Indiæ, nec de Aethiopibus, aut Parthis mentionem ullam facit; id unum ait, ex India proprie tali; vocem translatam fuisse à majoribus (quicumque illi fuerint, aut qualescumque sive Patres, sive Historici profani) ad significandos remotos Populos ab Orbe nostro; quod quidem potiori jure, quam de aliis, de Sinensibus ac Tartaris dici potest, qui Seres ab antiquis vocantur; ex quo novum argumentum desumi potest, ad prædicationem Sinicam D. Thomæ confirmandam.

XIX. At neque in eo tantum peccatum est; sed insuper Tillemontius, ejusque exscriptor Sandinus, locum Florentinii non bene intelligentis Petavium, in sensum contrarium ab eo, quem Florentinius ipse intendebat, detorserunt. Etenim ibi Florentinius, ut amplius prædicationem Indicam Thomæ stabiliat, & obscura dilucidet, ait? *Quod autem cum Hippolyto, & Anonymo Ecclesia doceat, Sanctum Parthis, Medis &c. vitæ præcepta tradidisse, & cum ipsis Indiam non recenseat; pugnare non existimo; nam antiqui Patres sub India nomine &c.* Et quæ sequuntur. Quasi inferre vellet nihilominus in India prædicasse. Isti autem inferunt, ex eo quod apud illas gentes prædicaverit, quod in India non prædicavit. Hæc autem aliaque absurda accidere necessum est, cum Auctores raptim leguntur, ut Petavius à Florentinio; & cum non citatur locus determinatus, in quo res leguntur, ut etiam fecit; quando denique Scriptores non consulunt fontes; ut non fecere Tillemontius, nec Sandinus. Unde ut hoc in loco id aliis non contingat, & ut res Petavio, & Epiphanio constet, saltem dum illa verba in illis quaeruntur, emendandus esset locus Florentinii, apponendo particulas *tantum*, & *etiam*, & legatur: *Antiqui Patres sub India nomine, non Regionem tantum, quæ India diceretur, sed etiam quoscumque &c.* & hunc putamus fuisse sensum à Florentinio intentum. Ex hoc autem id unum conficitur, quod etsi plures ex antiquis sive Patribus, sive Historiographis non meminerint Indiæ (sicut nec meminit Ecclesia) dum de prædicatione Thomæ loquuntur, adhuc asserendum fore, ipsum Indis prædicasse.

XX. Quod si deinde adversantis Cl. Tillémontii sententiam expendamus, quod nempe extra Parthorum Ditionem haudquaquam Thomas prædicaverit, evanidam prorsus eam æstimabimus perpendentes, in iis rationum momentis, quæ pro sua sententia affert, non semel allucinatum fuisse. Omnia ille ad hæc argumenta revocavit; primo quia antiqui

no-

notitiā carebant earum Regionum, quæ erant extra Imperium Romanum: secundo veluti confectarie, quod Indiam, & Aethiopiam, quascumque indiscriminatim ad Orientem, & meridiem constitutas Nationes appellerent, & consequenter Parthos: Utrumque autem argumentum falsum ostendemus; deinde æquivocationis radice patefacta, rem determinabimus.

Et quidem, ut falsitatis revincatur primum, sufficit in medium producere, qui ex antiquis, & Indiam, & alias Nationes, ut inter se diversas agnoverunt; & quamquam non diffiteamur, vocem Indiæ latissimam significationem sortitam fuisse, attamen ex hoc ipso fit, non debere, neque posse accipi pro determinata aliqua Regione e. g. Parthorum, ut contendit Tillemontius, aut si pro aliqua accipienda sit, id tantum convenire posse illi Regioni, quæ proprii modo nomen Indiæ participet, ut est India ad Gangem; quod nos contendimus. Igitur qui vel à limine tantum salutaverit Auctores Græcos & Latinos, fateatur necesse est, propriam Indiam notissimam prisce fuisse; de illa siquidem, pro dignitate agit Alexander Magnus in *Epist. ad Aristotel.* à Cornelio Nepote latine redditam, initio Historiæ Quinti Curtii; quod etiam præstat discretissimus hic Auctor, *Lib. 9. sue Historiæ*, ubi Indi & Gangis cursum, ac regiones, quas interluunt, exactissime præfinit. Plinius, etiam Solinus, Strabo, Apulejus, Porphyrius, & plures alii agunt de Gymnosophistis, quos in India locant, & quidem ea, quæ est ad ripas Indi fluminis; & Nicolaus Damascenus (ut ait Strabo) refert Indiæ legatos, octo Servos Indicos donasse Cæsari Augusto, ut videre est apud Ludovicum Vives *lib. 14. Aug. de Civit. Dei ad cap. 17.* & Franc. Balduinum de *Instit. Hist. Univers.* ap. M. Paulum Venet. in Proœmiis, qui asserit ex iis, quæ Plinius in Comment. Hist. retulit, quod Rex Taprobanæ etiam Legatos Romam misit ad Imperatorem Claudium: Unde perspicue fit, ex eo jam tempore agnitam fuisse Regionem, quæ proprie India diceretur, & ut à Parthis, aliisque Nationibus diversam. At hæc omnia nihil conficiant per nos licet, nisi etiam ex ipso Tillemontio innotescat, à primis Ecclesiæ Seculis, probe notas fuisse Romanis Indicas, Parthicas, & alias Orientales Regiones, neque nomine Indiæ, confusos Parthos, sed propria voce cognitos fuisse: etenim anno 25. ante Nat. Christi refert Tillemontius *Hist. Imper. Rom. tom. 1. in August. Imper. art. 7.* quod Phræates Rex Parthorum Signa, & Captivos, quos à devictis antea Romanis sub Crasso, & Antonio acceperat, Augusto restituerit; & quod Indi missis ad ipsum legatis, & donis, fœdus cum eo inierint. Ad annum etiam 4. Christi *ibidem art. 13.* Augustum Parthis Regem designasse Vononem; & *ad an. Christi 105. in Trajano art. 17.* refert, quod debellatis ab eo Arabibus, aliisque Orientalibus Populis, gestorum fama perculsi plures (quos inter Indiæ Populi) Legatos ad eum miserint. Ne autem amplius in iis immoremur, ibidem pluribus in locis apparet ex ipso Tillemontio, tanquam Nationes diversas agnitos fuisse Parthos, & Indos; immo percurrenti Imperatorum ex ipso historiam, fere omnes Orientales gentes, suo unamquamque designatam nomine reperire licebit: qui ergo fieri potest, verum

verum esse, quod primo asseruit, fere nullam habuisse cognitionem antiquos de aliis Populis Orientalibus extra Parthos, & eos, qui Imperio parebant Romano, omnesque illos quocumque, & ubicumque positos, cunctos, Indos appellasse vel Aethiopes? Et tamen hoc præjudicio laborare potuerint aliqui scriptores Occidentalis Ecclesiæ, & de regionibus à sua sejunctissimis confuse pertractare: id sane de Patribus, & Auctoribus Orientalibus asserere, nemo jure poterit.

XXI. Hujus autem æquivocationis origo, & radix fortasse fuerit modus loquendi vulgaris, qui hodie etiam perseverat, nimirum appellandi Indos, quascumque remotas gentes, ut omnes Mexicanos, Peruanos &c. & ad Orientem Taprobanenses, Malabarenses &c. ceterum id eatenus tantum sustinetur, quatenus loquitur de illis comparatione facta ad nostrum Orbem; sicuti comparative ad religionem, omnes Mahometanos vocamus Turcas, aut Mauros, & illi nos omnes appellant Francos; quod quidem in hac parte, & sensu verum est; attamen dum agitur de illis remotis Regionibus inter se ipsas comparatis, ac nullo habito respectu ad nostrum Orbem, & ad præsens, & antiquis temporibus, loquendo de Orientalibus Regionibus, Indi vocati sunt Indi, Thibetani Thibetani & Parthi Parthi. Plane Epiphanius, aliosque Patres Bactriam, Parthiam, Aethiopiam, aliaque Regna recententes, inter quæ Indiam memorant: & quorum plures, ibi Thomam prædicasse asseverant; non confudisse Nationes, neque nominibus æquivocis usos fuisse, luce meridiana clarius constat, quo in numero omnes supra laudati Patres; atque Scriptores collocari debent. Quod autem satis mirari non possumus illud est; quomodo scilicet possit inferri aliter, quam inverso ratiocinandi modo, Thomam solis Parthis prædicasse, quamquam Patres asserant, ipsum in Indiam progressum fuisse, quia nomine Indiæ & Indorum remoti incognitque Romanis Populi designabantur, cum laudatus Auctor cum Petavio *Ration. Temp. l. 1.* & ceteris Scriptoribus doceat, notissimos fuisse ante Nativitatem Christi, & postea, Parthos Romanis, à quibus Romani toties fusi aut debellati fuere. Si ergo tunc adeo illis erat agnita Parthia, quomodo confundi poterat nomine generali Indiæ? Si denique à primis Ecclesiæ Seculis Romanorum potentia perdomiti fuerunt, quomodo adhuc vocabantur Indi, quorum nomine veniebant illæ gentes tantum, quæ vel extra ditionem erant Romanorum, vel ipsis parum notæ? Præpostere ergo, ne dicam perperam, infert Tillemontius, & Assecla Sandinus, quod solis Parthis prædicavit Thomas, & si dicatur ad Indiam excurrisse, ex eo titulo, quod ipsi Indorum nomine designabantur.

Ceterum sinceritas, atque honestas, quæ si desint, qualecumque fuerit scribendi genus in ejusmodi argumentis, in nullo habendum est pretio, nos cogit asserere, implexas, & discordes Auctorum de India pertractantium locutiones, illis à recto veritatis tramite deviandi occasionem præbuisse. Plures enim Geographi, cum quibus Du Pleßius *Geog. l. 3.* non unam, sed triplicem statuunt Indiam, & primam vocant Indiam cis Gangem, terras nempe ab Arabia Felice usque ad Indum: Se-

CUM

cundam Indiam inter Indum, & Gangem: (quæ a Flumine Indo nomen veræ Indiæ sortitur). Tertia demum ultra Gangem; & hoc nomine veniunt reliquæ Regionēs Orientales. Alii cum Haythono *Hist. Orient. c.6.* tantum vocant Indiam: *Illud Regnum, quod incipit a confinibus Regni Persarum, & extenditur per Orientem usque ad Provinciam Balarem* (ad Bengalam) *& à Meridie usque ad Insulam, quæ vocatur Calan*; id est Ceylan; antiquioribus *Taprobana*. Marcus Paulus Venetus, qui anno 1256. eas omnes Regionēs penetravit, ponit *lib.3. c.43.* in hac India, ut videtur, aliam triplicem; majorem, scilicet, a Provincia Maabar usque ad Regnum Rescomoran; minorem a Regno Ciamba ad Regnum Murfili; tertiam denique, quam Abasiam proprie dictam fuisse asserit. Quod autem maximam narrationi obscuritatem addit est, quod ibi collocet Provinciam Aden contiguam Abasiæ, & quod ex illa ad fidem conversa, B. Thomas in Regnum Maabar contenderit.

XXII. At non solum de India confuse & obscure loquuntur scriptores, sed etiam de Aethiopia; quæ a pluribus vocatur India; immo & Gymnosophistæ (qui in sola India propria asseri debent) a Philostrato in peregrinationibus Apollonii, in Aethiopia collocantur, ad Nilum; cujus sententiam sequitur D. Hieron. ad Paulinum; apud Vives *sup. c.17. lib.14. Aug. de Civit. Dei*. Si vero aliquid lucis mutuari velint ex Imperatore, dicto Presbytero Joanne, in Aethiopia existente; statim alius ejusdem nominis Presbyter Joannes occurrit prope Tartariam in India; cui cum prius Tartari subiecti essent, tamen anno D. 1203. interfecto Rege David Presbyteri Joannis filio, designarunt Regem Chingis Cham, ut habet Vincen. Bellov. in *Fragm. ad spec. Hist. ad lib.30. c.49.* in collectione Reineri Reinec. *tom.2.* unde duplex etiam Pretejanus, ut ajunt, invenitur. Duplex etiam David Pretejani filius; iste Indicus, & alter in Aethiopia anno 1509. cujus Avia Elena hoc anno literas dedit ad Regem Lusitanæ Emanuele, referente Damiano Goes de *Aethiop. morib.* Abasini etiam, aut Abyssini collocantur communiter cum Jovio, in Aethiopia, tanquam Presbytero Joanni subiecti. E contra M. Paul. Venet. *lib.3. c.43.* Abasinos in India intermedia prope Maabar collocat. Antiquiores Nilum ab Indis in Aegyptum decurrere dicunt: cum quibus *Virgil. lib.4. Georg. a vers.287.* confundit Aethiopes, Indosque Africanos, cum Asiaticis in nostra India; de quo videtis Ep. CL. Huetii ad *Quest. nayum*, contententis adversus Segressum, locum Virgilii emendari non debere. Idem habet Procop. *lib.6. de edific. Justinian.* Nicephorus Callist. quoque *lib.8. c.35.* tam Homeritas, Arabes, quam Nubas facit Indos, cum utrique Africam incolant. Plura de hoc Sabellic. *Ennead. 10. lib.8.* His consensit D. Epiphan. in *Ancor. 2. 58.* dum ait, *Gangem, qui & Indus, majorem Aethiopiam permeans, & ad Austrum conversus, in Gaditanum Oceanum erumpit.* Quod (ait Petavius) nimis est absurdum (a). Putamus autem, tam Epiphanium, quam supra laudatos Au-

Y y

ctores

(a) Nihil absurditatis habere dictum Epiphani liquidò constabit, si perpendamus, antiquos hoc nonnunc *Gades*, aut *Ga-*

der terminum regionum significasse: unde passim in Cosma Indicopleuste occurrit *Gades* ad Septentrionem, *Gades* ad Orien-

ctores recte explicari posse ex multiplicitate Indorum, ac Aethiopum, & universalitate vocis, *Gadis*.

XXIII. Tillemontii autem, eique adhærentium erat, implexa hæc, & involuta evolvere, & inter tot errandi occasiones, vera à falsis discernere, & quæ sequenda sint in numero habere; ne Indiæ tantum improprie dictæ Thomæ Apostolatum tribuerent. Præterea scire (quod ex antiquis adnotavit Vives loco supralaudato) quod nempe accolæ Indi fluminis; qui veri Indi semper habitati sunt, maxima, & validissima manu in Aethiopiam migrarint, ibique juxta Nilum Sedes habuerint; eamque Regionem ex hoc etiam, Indiam aliquando vocatam, & Sapientes utrobique dictos *Hermanos*, & à Græcis *Gymnosophistas*, quia nudi, & *Gymni* phylosophabantur; qui vero civili cultu, & vestibus decenter induti in Urbibus degebant, *Bracmanes* vocatos esse: unde horum origo Indica est, suntque Aethiopes, Indi tantum Oriundi; & ab aliis veris Indis nomen sortiti sunt. Sicuti & Presbyter Joannes in Aethiopia Africana, ex alio Presbytero Joanne Indico, cui Tartari tributa pendebant, ut ait M. Paul. Venet. *lib. 1. cap. 51.* & ex Guilielmo Tripolitano in *Bibliot. Gesneri*, refert Gherardus Mercator; Jacobus etiam Navarchus, in *Epist. Asiatica* ostendit, nomen Presbyteri Joannis, ex Asia ad Africanos transisse: mortuo enim ibi Coirem Cham, Sacerdos quidam Nestorianus arripuit dominium totius Orientis, atque Presbyter Joannes (a) vocatus est. Unde in *Notis ad M. Paul. Vener.* optime advertit Reinerus Reinecius, plerosque se præter rem torquere, dum qui in Aethiopia regnans ab Italis Pretejannes, ab incolis ipsis Belul-Jan; hoc est pretiosus, sive altus Joannes dicitur; cum Indico, & hunc rursus cum Aethiopico in concordiam vocant, & inter se confundunt.

XXIV. Ex quibus (omni confusione Regionum, atque erroris origine sublati) satis efficaciter evincitur; Primo, antiquos sive Patres Ecclesiæ, sive Scriptores profanos optime nosse, atque discrevisse Indias.

tem &c. itaque Epiphanius dixit, Oceanum ad *Gades*, *austri*, id est ultimum terminum terræ ad austrum: eo modo quo *Gades* Hispaniæ ad Occidentem, est ultimus terræ terminus; & hoc nomine donata fuit ab antiquis primo quædam Oceani Insula, & postea *Gadix*: adeoque verum est *Gades*, non significare determinatam terram, sed quemcumque orbis terminum, ut Livius *lib. 28* dicat, quod *Gades* est extra orbem terrarum; Straboni autem, & Solino, est *extremus totius orbis terminus*: eo modo prorsus quo Indico pleulles *Gades* nominat quemcumque orbis extrema. Et ratio desumitur ex ipsius vocis etymo. Plinius enim Solinus, & D. Isidorus asserunt *Gadir* aut *Gadis*, significare locum septem, aut sepem; & est vox Punica, quam efferunt Greci *Ταδρα*; & ita scripta reperitur in eo Epipha-

nii loco; cum enim prisca putarent Orbem instar cujusdam ingemis oblongæ cameræ, muris & parietibus circumscribi; ejus opinionis acerrimus fuit defensor, laudatus Cosmas in sua *Topographia*; propterea hac opinione allucinati, appellabant *Gades*, quascumque regiones, in finibus terræ quaquaversus sitas. Ceterum omnem ambiguitatem e medio tollit, & textum Epiphani perpicuum reddit, quod ubi Ganges in Oceanum defleat, nexus perpetuus confurgit montium, qui totam Indiam per medium discindit; hic vero montium nexus, & divisio, vocatur *Gadis* aut *Gatis*; unde Oceanus *Gaditanus* & regio *Gaditana* dici potuerunt: vide Vinc. Mar. *pag. 231. 232. 236.*

(a) Qui plura velit de Presbytero Joanne adeat *Aldem*, *tom. 4. pag. 483. 494.*

dias. Secundo, quod licet quandoque nomine Indiæ alias Regiones designaverint, tamen Patres præsertim, eo nomine Regionem quandam, proprie sic appellatam designasse, neque solos Aethiopes, aut Parthos conterminos (ni loquamur de Aethiopibus Asiaticis) Indos vocari consuevisse. Tertio omnino gratis asseri, cum Tillemont. in *Not. ad D. Tho. pag. 6. 13.* Patres loquentes de India, tantum de India in lata & impropria significatione intelligendos esse; quod æque absurdum est, ac si quis contenderet, quod cum loquimur de Romanis, intelligendi simus de Græcis, in Romania ortis, eo quod isti à Romanis, translato ad eos Imperio, etiam Romani appellati fuerint; aut si eo quod Calabri, seu Brutii fuerint Græci vocati, eorumque Regio Magna Græcia dicta fuerit ut ait Eustathius apud Barrium *lib. 1. de Antiq. Calab. c. 8.* quia in eam frequentes Græci Colonias deduxerint; quis contenderet per Græciæ nomen, non Regionem, quæ proprie Græcia dicitur, sed Calabros, aliosque designari, ea illo Ovid. *Fast. lib. 4.*

Italiam nam tellus Græcia major est.

Igitur cum Patres, aut Scriptores Ecclesiastici asserunt, Thomam in India prædicasse, de India potissimum propria, & famosiori intelligendi sunt, potiusquam de impropria. Fit denique quarto, & quod totius est summa responsionis, quod quantumvis, & quantumcumque velint vagum, ac indeterminatum fuisse nomen Indiæ, tamen ex adjunctis circumstantiis, accedente antiqua Christianorum Indorum traditione, & nomenclatura, non generatim, ac indefinite dicendum sit, D. Thomam Indis prædicasse, sed Indis intra Gangem, & Indum; & in ea India, quæ ab Scriptoribus cum Bellovac. in *Fragm. Hist. ad lib. 30. r. 87. India Magna*, tanquam potissima omnium nominatur.

XXV. Opponi demum potest ex ipso Tillemontio *Not. 4.* quod cum constet ex Theodoro *lib. 1. cap. 26. pag. 214.* quod Thomas unus ex Discipulis Manichæi, ipsius infans, in Indiam missus ab eo, prædicaverit; nomine Christi interposito, quo eos facilius seduceret; maxime verendum est, ne confundatur Apostolus Christi (a) cum Apostolo Manichæi. Inducit etiam ex Sueur Calvinista, quosdam Jesuitas asserentes, quod ad annum circiter 800. missus sit à Patriarca Babylonico Nestoriano, quidam Thomas ejusdem Sectæ homo, quamobrem veretur, ne ab isto Thoma, Incolæ regionis illius, Christiani S. Thomæ fuerint appellati.

In hac tamen oppositione, multiplex Adversario inconsequentia vitium exprobrari potest. Et primo quidem, qua consequuntione Tillemontius, cum agitur de prædicatione S. Thomæ in India, antiquos Patres & Scriptores, de India improprie dicta fuisse loquutos interpreta-
tur, cum vero de Thomæ (b) Discipuli Manetis, prædicatione agitur,

Y y 2

omni

(a) Bafnagius etiam ex P. Semedo Soc. J. ait Tom. 1. Annal. id adscribi Thomæ cui-
dam Cananzo, qui anno 800. se in Indiam
contulit. Loqui autem eum putaverimus de
Thoma Cana dicto; qui tamen fuit *Arameus*
hoc est Syrus, non Cananeus, ut habet Bafna-

gius, nec Armenus, ut Lusitani existimarunt.

(b) In hanc etiam ivit opinionem Jacobus
Tollius homo Heterodoxus, quem laudat
Crozeus *pag. 41.* & quidem omnes,
frustra innituntur, recensito Theodoretico
loco: Videbis infra *ad num. 23. adnotata.*

omni prorsus jam sublata ambiguitate vocis, de vera India loqui Theodoretum affirmat? Et similiter, Thomam illum Nestorianum, post paucos à Nestorio annos, in veram item Indiam introducat? Itane Indiam, quam Thomas Christo subdidit ignoramus; quam vero alius Thomas Pseudo-Apostolus pervertit, omnino compertissimam habemus? Secundo, cum ipse dicat de Thoma Manichæo: *Il mesloit le nom de J. C. pour tromper les simples*; qua coherencia contendit, non ab alio, quam ab illo fidem Christi accepisse?

XXVI. Si enim nomen Christi suis interferebat erroribus, quo facilius simpliciores alliceret, manifestum est, illis dulcissimum hoc nomen, non fuisse antea prorsus ignotum; alioquin illam non habuisset vim, quam ille intendebat ad ipsos alliciendos, & potius Idolorum suorum nomina debuisset ipsis proponere: igitur ex ipsis Tillemontii verbis fit, ante Thomam Manichæum, alium Indis aliquam saltem nominis Christi cognitionem indidisse. Tertio prædicatio Thomæ Apostoli in vera India in dubium revocatur; licet illam alii etiam Auctores asserant, eo quod illam asserat Nicephorus *nullius auctoritatis scriptor*; cur ergo prædicatio Manichæi in vera India, quam asserit Theodoretus, falsitatis suspecta illi non est, eo quod idem Nicephorus eam propugnet Manichæi prædicationem in India, *lib. 6. cap. 22.* per hæc verba: *Manes autem cum tres haberet sectatores Addam, Thomam, & Hermam, ex iis Addam ad Syros, ad Indos autem Thomam misit præcones* (qui tamen paulo aliter nominantur ab aliis cum Calmeto, *Dissert. in Evang. Apocrypha*, Thomas, Buddas, & Hermas. An Nicephorus, ubi narrat prædicationem Thomæ Apostoli, fidem nullam meretur; immo Scriptores alii id ipsum affirmantes quodammodo ex contactu ipsius, & communicatione sententiæ suspecti redduntur; ubi vero sermonem habet de prædicatione Indica Thomæ Manichæi, consensus ipsius pondus habet, omnia sunt in tuto, omnia vera? Tillemontio itaque par pari reddere possemus, negando Thomam Manichæum in veram Indiam pervenisse, quamvis id asserat Theodoretus, vel alius Auctor quicumque.

XXVII. Possemus igitur iisdem argumentis uti; nimirum nomine Indiarum, antiquos Patres intellexisse Aethiopiam, & Nicephorum id asserentem, exiguae auctoritatis Scriptorem esse. Sed his redargutionibus, ac diverticulis omisis, aliter recto tramite respondemus; prædicationem Manichæi non excludere prædicationem S. Thomæ, immo illi favere, ut paulo supra ex ipsa Tillemontii narratione ostendimus, quæ plane, aperte indicat, nomen Christi jam ante, & notum, & in amore fuisse apud Indos, aliter inaniter Manichæus usus fuisset tali nomine (a) ad Indos seducendos, suasque fraudes tegendas; neque enim Lupus ovina

(a) Hoc ex Theodorito ipso confirmatur; cum enim Manes se pro Paraclito vendicaret, duodecim ad Domini exemplum discipulos designavit; quoniam autem sciebat Syros Mesopotamiæ populos pro suis Apostolis Addæum & Thomam venerari, quo

facilius ipsos in suos errores traheret, binos istos ipsis destinavit discipulos; quos quocumque antea appellarentur nomine, speciosis nominibus Addæum & Thomam appellavit. Sicubi autem legatur Manetem elegisse XXII. Discipulos, mendum etiam

ovina pelle tectus, ovibus & agnis insidiaretur, si pellis hæc esset illis ignota; novitate enim sua, potius gregem absterret, quam alliceret. Deinde ex ipsis Scriptoribus Ecclesiasticis, maxime ex Nicephoro loco laudato constat, illum Thomam Manichæum ab Indis, *Multa dura passum, neque quemquam Doctrinam ejus recipere voluisse*. Si ergo illius Doctrinam non receperunt, immo illum tanquam Pseudo-Apostolum, male mulctatum propulsarunt Populi, qui Christiani S. Thomæ appellati sunt, aliunde quam à Thoma Manichæo tale nomen habuerunt. At Tillemontius *Fortè tamen* (ait) *rediit postea in Indiam*. Fortè tamen rediit postea? Sed unde habet, quod potius redierit, quam non redierit? Utrumque enim potuit contingere; atque adeo eodem jure, quo ipse asserit fortasse rediisse, nos contra ipsum asserimus, fortasse non rediisse; de possibilitate itaque non disputamus, sed quid factum sit inquirimus, quodque probabilius factum existimamus, id asserimus. Ad confirmationem, quam indirecte promovet ex Sueur Calvinista illo, ponitur ibi non solum circiter annum 800. (a) Sed ante aliquot secula, anno circiter 530. ævo Cosmæ Indico-pleustæ, quidam Thomas Edessenus, & amicus Cosmæ ad Sedem Persidis evectus, cujus curæ suberat Ecclesia Indica, à qua mittebantur Episcopi in Calecut hodie, (b) tunc dictam Caliana, de quo vide Montfauconium *Præfat. in Cosmæ Topog. cap. 7. num. 6. tom. Collect. Græco-Latina*. Unde sit ab isto Thoma, potius illos denominari potuisse; aut certe à Thoma alio, Cana dicto, cui Christiani illi plurimum incrementi acceptum referunt, ut constat ex *Hist. Concil. Diamper*: Nec deest alius Mar Thomas, ipsorum Christianorum Antistes posteriori ævo, doceri igitur volumus, à quoniam ex iis Thoma, fidem & nomen primo acceperint? Nos æquiori jure, id tribuendum esse censemus S. Thomæ Apostolo; & ad id asserendum, novum ex nuper dictis desumimus argumentum. Nam quod in India, tot sortiti fuerint nomen Thomæ, non aliunde provenire potuit, quam ex memoria, veneratione & cultu, erga alium Thomam, antiquiorem omnibus aliis, & excellentiorem; quem plane non fuisse Manichæum illum, cujus meminit Tillemontius, sed S. Thomam Apostolum, quam probabilius sit, nemo non videt. Tandem dicimus, fieri non potuisse, ut alteruter ex illis Hæreticis pro Thoma Apostolo coleretur ab Indis; ex eo quod ad Thomæ Cru-

putatur ab eruditis & scribenda XII. ex puncto uno X. Photius enim *lib. 1. Hist. Manichæorum nondum edita*, quam vidit Thomas Milles, ut ipse asserit in notis, in *B. Cyrill. Hierosol. ad Cateches. 4. Editionis Oxoniensis anni 1703. ait: Discipuli infausti Manetis fuisse duodecim; disjunctus, qui & principia illius dogmatis accepit & Thomas &c.* Vide edit. *Cyrill. Paris. P. Toutee anni 1723.*


(a) Thomas Hadudita circa annum 800. sub Timotheo Nestorianorum Patriarcha missus est in Indiam cum sociis Jaballaha,

Cardago & aliis; & istum fuisse illum eundem Thomam Cana dictum putat Assen. pag. 444. Dissert. de Syr. Nestor.

(b) Calecut Urbs Indiæ in ora Malabarica sub Pio IV. erat Sedes Episcopalis ut apparet ex professione fidei facta per Abdjesum. Abulphedæ est *Gexirath-Cale* id est *Insula Cale*; idem Jesujabo Adiabeno; Cosmæ autem Indico pleustæ: *Caliana*. Montfauconius putat, hodiernum Calecutum, esse Callianam; Assenianus autem id asserit esse *Calon*, seu *Coulan*, in eadem ora Malabarica:

Crucem, & ipsius Sepulcri pulverem plura fiant Miracula; ut testantur Auctores laudati Maffeus, Olorius, Gouvea, & alii; quæ cederent in confirmationem Manichæismi, & Nestorianismi, si propter eorum Hæreticorum corpora fieri crederentur.

XXVIII. Suspicionem præterea Tillemontii & aliorum, quod scilicet Thomas ille Manichæus, & non Thomas Apostolus Indis Christum annuntiaverit, omnino vanam esse, esto auctoritate Theodoretii muniatur, compertum erit consideranti; quod Epiphanius, qui res Manichæorum, melius quam Theodoretus noverat; quippe qui, ut asserit ipse, cum illis, qui discipulos istos Manetis viderant, colloquutus fuit: is inquam, *Advers. Hæres. lib. 2. tom. 2. hæresi 45. sive 65.* Thomam in *Judæam* abiisse ait, non in *Indiam*. Accedit quod Archelaus Episcopus in Mesopotamia, qui Manetem ipsum docta disputatione confutavit, non in *Indiam*, sed in *Syriam* missum esse ait, à Manete illum Thomam, ex quibus V. Cl. Asseman *Dissert. De Syr. Mestor. pag. 28.* putavit, in laudatum Theodoretii locum mendum irrepsisse, scribendo *Indiam* pro *Judæa*. Quæ omnia si rite perpendantur, satis superque constabit (quantum res hæc patitur) & validas esse rationes pro Apostolatu Thomæ Indis asserendo, & momenta contraria infirma esse, &que invalida. Quamobrem eorundem primæ huic nostræ Dissertationi imponimus, verbis Ebedjesus (a) Sobensis in *Nomocanone* dicentis: *Sacerdotium Apostolicum accepit India, omnesque ejus, & circa eam posita regiones usque ad mare, à Thoma; qui venit præfuitque Ecclesia, quam ibi fundaverat.*



DIS-

(a) Ebedjesus Metropolitæ Sobæ & Armeniæ floruit annis 1285.

DISSERTATIO II.

De Thomæ Apostoli Martyrio, Sepulcro, & translationibus Corporis.

Apostolus Thomas Martyr occubuit; id uno ex antiquioribus negante, Heracleone hæretico XXIX. Acta Martyrii ejus, vitata à Leucio Carino, & Thoma, Manetis discipulo XXX. Necis causa, atque genus XXXI. Locus Martyrii Calamina, aut Meliapor XXXII. De vocis Calaminæ, ezhymo atque analogia, pluribus disferitur XXXIII. XXXIV. Locus Sepulcri D. Thomæ apud Indos, & reliquiarum ipsius detectio, expenditur XXXV. XXXVI. XXXVII. XXXVIII. Translationes Corporis D. Thomæ in medium proferuntur. XXXIX. Tempus Edessena Translationis illustratur XL. XLI. XLII. & XLIII. Transferuntur sacra exuvia Chium, & exinde Ortonam citerioris Aprutii Urbem XLIV. Aliæ translationes minus nota aperiuntur XLV. XLVI. XLVII. De mirabili Cruce Divi Thomæ XLVIII. Momenta contraria, quæ à Tillemontio & Combesio objiciuntur XLIX. Cassum ac evanidum ostenditur momentum petatum ab indivisione corporum SS. primis seculis L. Plurimis probatur, aliquando divisa fuisse SS. corpora, etiam seculis prioribus LI. LII. Tillemontius non sibi constans, Tillemontio opponitur LIII. LIV. Objectiones elumbes Combesii, ad trutinam revocantur LV. Reliqua adversariorum argumenta, contra existentiam reliquiarum Thomæ Apostoli apud Indos, enervantur LVI. & LVII.

XXIX.



OST assertam Indicam prædicationem D. Thomæ, gradum facimus ad inquirendum de ejus Martyrio, loco Passionis, & Sepulcri, atque Reliquiarum ipsius translationibus.

Annus emortualis D. Thomæ non satis liquet. S. Nilus apud Photium Cod. 276. scribit, obiisse post mortem Apostolorum Petri, & Pauli, qui Martyrio Coronati sunt anno Christi 66., aut juxta aliorum supputationem 69. Nec majorem afferunt lucem Tillemontius, Gotti, & Sandinus.

Quod autem Martyrii laurea coronatus obierit, unus negavit Heracleon Hæreticus Valentinianus, sequente nemine, ut refert Clemens Alexandrinus lib. 4. *Stromat.* Ceteri omnes communi sententia ipsum Martyrii Palma honestatum, venerantur cum Nilo mox laudato; Theodoret lib. 8. de *Curan. Græc. affect.* S. Asterio *Orat.* 10. Gaudenzio *Ser.* 17. & aliis; suffragantibus Martyrol. Hieron. Florentinii pluribus in locis, præ-

precipue in *Indiculo Apost.* pag. 145. Menolog. Græc. Sirleti *ad diem 6. Octobris.* Menolog. Basil. *ead. die.* Notitia Bollandi, & cum ea Martyr. Rom. *ad diem 21. Dec.* His adjungimus Scriptores rerum Indicarum, Petrum Maffæum, Osorium Episc. Silvensem, Goveam *Itin. Meness. lib. 1. cap. 1.* tandem plures.

XXX. De illatæ Apostolo necis occasione, atque de Martyrii genere, varia varii recensent; at ista varietas circa Martyrium, veritatem rei, atque facti, minime labefactat; ceterum non tantum veritate narrationis, verum etiam quampluribus aliis interfertis, aut fabulis aut morologiis, Apostolorum acta vitiata, ac interpolata sunt ab Hæreticis; de quo videsis Ruinart *in Prefat. ad acta MM.* & de quo maxime queruntur Critici; quod potissimum de actis nostri Thomæ factum fuisse, compertum est; quæ non tantum à Leucio, seu Lucio (a) quodam, sed etiam à Thoma Manetis discipulo, sævientibus adhuc adversus Ecclesiam persecutionibus, depravata fuere, atque deturpata, ut optime notavit Florentinus in Not. *ad Indicul. Apostol.* pag. 146. Unde apud P. Augustinum *Epist. adversus Adimantum cap. 17.* ex actis Manichæorum apocryphis, habetur, Thomam à quodam fuisse colapho primo cæsum, & percussorem, cui Apostolus maledixit, fuisse in pœnam à Leone disceptum, sive ut habet Gouvea, ipsi fuisse manum à Cane obruncatam. In Menolog. etiam Card. Sirleti *ad 6. Octobris* custodiæ mancipatum fuisse à Rege Smidæo, propterea quod ejus opera crediderant, & baptizati fuerant Pazanes filius, & Uxor nomine Tertia, & Migdonia, & Narce, quapropter quinque Militibus traditur, qui ad montem quemdam ductum vulntraverunt. Fere idem habet Menolog. Basilii *eadem die;* addit autem, quod Thomas post conversam ad fidem Uxorem Regis, & Filium, cum aliis vinctis jussus fuerit detrudi; Militibus autem custodibus corruptis, ingressus filius cum Matre, aliisque non paucis carcerem, omnes à Thoma baptizati sunt, atque idoneo tempore ex illis ordinati Presbyteri, & Diaconi, qui in nomine Christi docerent, quod ubi restavit Rex, jussit educi Apostolum è custodia, atque occidi. Abductum itaque Sanctum in Montem, lancea transverberatum interfecerunt.

XXXI. Adstipulatur Martyrol. Rom. *ad diem 21. Dec.* quod jussu Regis lanceis transfixum, occubuisse affirmat. Joan. Pet. Maffæus *Hist. Ind. lib. 2. fol. 32.* scribit, Indos illos scititantes Lusitanis de gestis D. Thomæ, quem tanquam suæ Regionis Apostolum colebant, non è fama solum, sed è veterum etiam Annalibus protulisse, eum post multa Miracula, è quibus duo peculiariter narrantur; nimirum tractio ingentis trabis, è mare in littus, tenui & fragili zona revinctæ; & revocatio in vitam pueri, cujus mors S. Apostolo, falso imputabatur; demum post conversionem ad Christi fidem Regis Sagami; tandem Brachmanum livore, telis primum, ac lapidibus appetitum, ob uno è Brachmanis lancea transf-

(a) Lucas, seu Leucius Carinus, *Periodos Thomæ* confinxit; ut ait Photius *Bibliot. Cod. 114. pag. 292.* quas e plurimis fabulis contexit: Eadem habeantur Græce in Me-

næo *die 6. Oct. in Synaxario.* Rejiciuntur ab Athanasio, Epiphanio, & Gelasio Papa, locis apud Assemanum legendis in *Dissert. de Syr. Nestorian. pag. 30.*

transfossam occubuisse; quodque memoriz causa fragmentum hastæ, quæ inhæserat costis, baculum etiam præferratum, quæ in peregrinando utebatur, præterea urnam scitilem cespice oppletam, qui manantem è vulnere cruorem ebiberat, juxta ipsius corpus fuisse reposita. Osorius etiam vocat illum Regem *Saganum*, pariterque scribit, S. Thomam fuisse à quodam Brachmane hasta transfixum, *lib. 3. de Reb. Emman.* In Hagiolog. autem M. S. à Florentinio laudato, habetur illud Miraculum de manu restituta ei, qui Apostolo alapam impegerat, illudque de Puella Hebræa, de quo in *Hist. Synod. Diarrp. c. 1.* meminimus; ea tamen accidisse ait, antequam in Indiam contenderet, in Civitate Mandrinopolitana; & inde profectum esse Thomam in Indiam superiorem, ubi convertit Treptiam Uxorem Regis Asmedei, conjectum proinde in vincula, super ignitas lances progredi coactum, ac tandem ab Idolorum Pontifice, gladio transverberatum obiisse. Communis igitur cum Isid. Niceph. Sophron. & aliis opinio est, lancea vulneratum Thomam Martyrii palmam retulisse: eum autem fere omnes circa rem ipsam conveniant; quod Rex ille dicatur Smidæus, aut Asmedeus; ejusque Uxor Tertia, aut Treptia, & alia ejusmodi, minoris fuit momenti; salva igitur substantia rei, levia hæc parvipendimus. Atque de Martyrio Thomæ, hujusque causa hætenus.

XXXII. Acrior contentio orta est inter Auctores, circa locum Martyrii, atque Sepulchri. Aliqui enim non memorato peculiari loco, tantum scribunt, Thomam passum fuisse in India. Ita *Martyrol. Hieron.* at *Romanum Brev.* legit, ipsum Thomam cum ad Indos pervenisset, Apostolatus honorem *Calaminæ* Martyrio decorasse. Recentiores autem censent hanc Calaminam eam esse Urbem, quæ nunc dicitur *Meliapor*, & ab aliis *Meliapar*, à Bergomeni nostro in *supplem. Malpuria*; quam eandem esse putamus, cum ea, quæ ab Ortelio in *Nomencl. Ptol.* vocatur *Mappara*, cum in eodem tractu, atque Coromandelis oris, asseratur.

Aliquibus autem recentioribus incredibile videtur, quod ea Civitas, quæ modo dicitur Meliapor, fuerit antiquitus dicta Calamina; etenim (ait Tillemontius, cum quo iterum nobis res est) *Calamina* vox est prorsus ignota priscis, quod vero ea dicatur *Meliapor* ad præsens, ex eo deduci tantum, quod ibi novissimo tempore repertum fuerit, ut ajunt, Corpus D. Thomæ, quod aliis disquirendum relinquit: probabilius tamen Calaminam eandem fuisse Urbem cum *Calamone*, quæ est Arabiæ Civitas, ex *Diff. Llouyd. pag. 223.* cum facilius fuerit S. Thomæ Corpus, quod primis seculis fuit Edessam translatum, eo ex Urbe Arabiæ proximioris, quam è Meliapore in India sita deportari. Ita habet ad *Not. 4. S. Thomæ tom. 1. Hist. Eccles.*

At iste nodus percommode extricari potest. Etenim quod & Urbes, & ipsorum nomina, suos habeant ortus, interius, atque mutationes pro comperto habetur, ut videre est in *Append. ad Opus Geogra. Emman. Schelestr. pag. 781.* ubi quæ olim *Syrmiam*, nunc *Hungaria* vocatur, & *Stridon*; & quæ antea *Larymna* modo paululum immurata voce dicitur *Larysa*; unde non nisi inæpte quis contendere posset, numquam fuisse

Larysam, quia fuit antiquis, vox incognita; cum facili negotio appareat, ex eo quod ab omnibus in eadem Regione collocetur, Larysam eandem Urbem esse, quæ ab antiquis Larymna dicebatur. Non aliter asserendum putamus de *Calamina*, (a) quæ vox, ut fuerit prisca incognita, tamen *Calliana* in ea Indiæ parte adeo fuit nota, ut à Cosma Indico pleuste in sua *Topog. Christ.* enumeretur inter quinque Indiæ nostræ ab antiquis temporibus notissima Emporia; habet enim *lib. II. pag. 337.* Edit. Montfaucon. *Celebriora porro Indiæ Emporia isthac Sunt: Sindu, Orrhotha, Calliana, Sibor, & Male.* Jam nemo non videt quam naturalis, atque similis prolatio intercedat inter vocem *Calliana*, & *Calaina*, (b) aut *Calamina*, eo vel magis quod minori, ut apparet, proportionem à Cl. Montfauconio, ex *Calliana*, hodierna *Calecut* deducatur.

XXXIII. Affinitate similis prolutionis, nullus dubitat *Meliaporem* idem esse ac *Mappura* antiquorum; unde sicut antiquis ignota fuit Larysa, & Meliapor, si vocem spectes; notissima vero nomine *Larymna*, & *Mappura*, ita verosimiliter judicamus, notam fuisse antiquis Calaminam, quamvis aliter nuncupatam, nempe Callianam. Exinde autem dictam Caliapor, aut Meliapor probabile videtur, quod cum fuerit in ea Regione præcipuum tunc Emporium; ex ista voce, quæ & Græca, & Latina, & Hispana est, *Emporio* & Voce *Cale*, aut *Male* (c) potuit coagmentari vox ista *Calempor*, aut *Maliapor*; etenim legitur in *Maffeo lib. 12. fol. 213. Calapor.* Præterea dici potuit etiam (d) *Calamina*, locus ille, in quo Martyrium consummavit D. Thomas, & in quo demum sepultus est; si pensculatius adnotaverimus, quod fere omnes, qui de loco Martyrii loquuti sunt, ut superius vidimus, Collem, & Montem tanquam passionis Thomæ locum, designaverint; accidere itaque potuit, ut quæ vox, Indis Christianis S. Thomæ, utpote Syriaco etiam Idiomate interdum utentibus, Montem in, aut extra Civitatem significabat, ea tanquam esset Urbis nomen ab aliquibus ex Ecclesiâ Occidentali,

(a) Profecto nescimus, quâ de causâ audita Voce *Calamina* isti auctores, adeo mirati sint, quasi nova insula, medio pelago antiquis incognita uno ictu emerisset: plane eadem Civitas à diversis gentibus diversis nominibus insignitur: nec apparet aliquis obex, quo minus idem vicus vel civitas, ab illis dicta fuerit *Male*, ab istis *Calamina* & ab aliis *Mappura* & *Malempor* &c. Antiquis fuit incognita *Viena* in Austria, *Madrid* in Hispania &c. notissima autem illi erat *Vindobona*, & *Mantua* *Carpentianorum* hodie *Matritum*, & Arabibus *Madrid*. *Alepus*, *Halab*, *Chales*, & *Berona* eadem est Urbs, & sub priori nomine notissima.

(b) Id ex legibus analogiæ vocalis asserimus, non autem quod omnino putemus certam Callianam, ex vocis sono, fuisse

antiquam Calaminam; quod enim eadem Urbs nominibus prorsus dissimilibus profertur sapissime, omnibus est in comperto, & ex nota superiori liquet.

(c) Asserimus idem est Maliapur, ac antiqua Male: cumque male esset Ecclesiâ filialis Callianæ, cujus Episcopis erat subiecta, teste Cosma Indicopleuste: ideo putamus occasionem accepisse Occidentales confundendi voces Callianæ, & Meliapor.

(d) *Calaminica* vocatur in Breviar. Apost. præfixo Martyrol. 4. Hieronim apud Martene tom. 3. Anecd. *Lancea transfixus occubuit in Calaminica Indiâ Civitate.* In Blumaniano Breviar. Apost. ap. Florentin. dicitur *Calaminia*. Et Rabanus laudatus à Florentin. ad diem 21. Decemb. ait, passum fuisse Thomam in *Calamia* Civitate Indiæ.

tali, adhiberi; etenim *Calaminthe* est idem quod *Urbs in Colle Sira*, Syris enim *גלמטה Galmatha* sunt Colles, ut notat Bochart. in *Geog. lib. 1. C. 24. Col. 483.* unde *Calamina*, aut *Galamiuta* idem esset ac locus Urbis supra Montem fundatæ, aut Mons prope Urbem; quod & innuitur à Scriptoribus, nimirum Thomam loco passum eminentiori; quod autem simili in loco repertum fuerit Corpus, aut Corporis Reliquiæ, testantur Lusitani earum Inventioni Synchroni, Maffeus, & Oforius; unde apud Syros idem est tali eminenti loco repertas esse Reliquias D. Thomæ, ac repertas esse in *Calamina Meliaporis*, aut prope Meliaporem, in vicina *Calamina*, aut *Galaminta*.

XXXIV. Quod autem Tillemontio videtur, ex eo quod illo in *Dictionary Calamonem* in Arabia reperit, ibi abs dubio ex affinitate vocis *Calamonis*, & *Calamina*; collocandum esse locum Martyrii, & Sepulcri D. Thomæ; hoc refutant Gardeboscus, & Gotti, ille *Hist. Eccles. part. 1. lib. 2. Dissert. 7.* iste vero *Tom. 1. de verit. Reliq. in D. Thoma*; potissimum quia Calamone in Arabia non constat notum fuisse Apostolum, aut ibi martyrio coronatum esse; id quod nemo antiquorum; quos viderim (ait Eminentiis. Gotti) *hactenus dixit*; id etiam addiderimus nos etiam, penes quos non minor est facultas consulendi *Dictionary*, atque *Tabulas Geographicas* eodem jure divinando posse, ex vocis sono juxta *Geogr. Du Plessis tom. 3.* locum Martyrii D. Thomæ designare in una ex Insulis Philippinis, appellata, *Puloam*, alias *Calamina*. Quia tamen ingenti itineris distantia deterritus, designavit Tillemontius *Calamonem*, in proxima Arabia sitam, ut inde commodius corpus D. Thomæ transferri posset; nos etiam eadem ducti ratione, possemus deligere in proximo Peloponeso in Regione Mainottorum, ut habet Du Plessius *tom. 2. pag. 404. Calamatam Mainam*, & ex duplici voce *Calamina* alia, coarguentari posset: proferremus etiam in medium, *Calamatam* in Mogole, & *Calami* ad circulum Poli arctici ex *Cart. Geog. Nicol. Sansonis* denuo excusam Romæ, per *Dominicum de Rubens anno 1730.* nisi æquali, aut majori distantia ab Edeffa disjungeretur ac India: at solitudinem Tillemontii ob longinquitatem Itineris, parum inde solatii accederet. Ex iis itaque omnibus, & ex traditione Indorum Christianorum D. Thomæ relata supra ex Maffeo, & id asserente Apocrypho Dorotheo primus locus Sepulchri D. Thomæ videtur fuisse *Calamina*, ubi occisus asseritur: *obdormivis autem* (ait iste) *Calamina Civitate India, ubi & honorifice sepultus.*

XXXV. Quod attinet ad Sepulchrum D. Thomæ, novimus ex Maffeo *lib. 8. Hist. Indic. fol. 134.* quod initio assumti Portugalliæ Regni ab Emmanuele, missa sit in Indiam Classis; succedente autem ei Joanne III. *ad ann. 1521.* cujus 13. *Decemb.* Emmanuel obierat, nihil isti fuerit antiquius, quam Præfecto Classis commendare, ut Apostoli Thomæ Sepulchrum in Coromandelis littore pervestigaret; ejusque Reliquiarum partem (quarum aliam in Mesopotamia in veneratione esse non dubitabat) repertam, religiose, & cum dignitate custodiret. Quapropter Præfectus Oræ Coromandelicæ Emmanuel Frias, cum Sacerdotibus aliquot,

& Architecto, Meliaporem contendit, ibi enim situm Apostoli Corpus (a) audierant, atque inter rudera amplissimæ Civitatis, & cujusdam Templi vestigia, atque Sacelli, in quo Accolæ Reliquias Thomæ asservari affirmabant, dum altius effoditur humus, intra lapideæ structuræ septum, candidissima specie Ossa, & appositæ Lanceæ cuspidis, viatorii baculi frustum, & vas fictile (signa erant ista, quæ ex Annalibus priscis illius gentis, ut vidimus, memoriam Thomæ passionis indicare debuerant) quæ fidem facerent thesauri; inventa sunt. Biennio deinde post, eadem Ossa intra ipsam Arcam occulto loco, duobus tantum consociis Lusitanis abdita, ac postremo Goam à Fratre quodam Ord. Minor. transfata fuisse, comperitur.

XXXVI. Ad annum circiter 1546. ex ipso Masseo lib. 12. Hist. Ind. Olorio de Reb. Emm. Lib. 3. & Gouvea Itin. Menes. lib. 2. cap. 2. ejusdem fere temporis, Scriptoribus constat; iterum inventa esse alia Monumenta Thomæ Sepulchri, in suburbano colle Meliaporis, ubi, ut ferebat traditio, mactatus à Barbaris fuerat Apostolus; atque occasione cujusdam Sacelli, quod Thomæ memoriæ, & cultui extruere accolæ Lusitani satagebant; inter effodiendum inventus est quadratus lapis, sanguine inspersus, in quo insculpta viscebatur Crux; lapideo autem in circulo, quo includebatur incisæ cernebantur notæ; quas consulti seorsim duo Bracmanes, non sine difficultate legere potuerunt, ibi innui Martyrium Thomæ (ut retulimus), eumque eandem Crucem adorantem, eique insigentem oscula, Deo spiritum reddidisse. Cumque anno circiter 1561. non sine ingenti miraculo ea Crux prodigiose manaverit sudore, iterum ab aliis Indis peritis, relectæ sunt eæ Notæ; & earum explicatio cum priori ab aliis facta omnino conveniebat. De quo vide Olor. lib. 3. fol. 8. quæ res non exiguum est veritatis indicium. Quod autem apud Stapleton. de Trib. Thomæ cap. 1. ex quodam P. Gasparo, atque scripta è Goa Epist. anno 1553. legatur præfata Sepulchri, & Reliquiarum inventio, & quod in Sepulchro B. Apostoli, inventum Corpus satis amplum, & procerum suavissimum de se odorem spargit; nescimus unde ista Gaspar hauserit, nisi ex infida, & falsa aliorum narratione, ut apparet; præsertim cum dicat Apostoli Sepulchrum in rupe excisum, & alia, quæ prorsus arguunt, cum potius vanos vulgi rumores, quam veritatem sectatum fuisse.

XXXVII. Quæ

(a) Ex Epistola quadam Vischerii, dum Cochino esset; & quæ habetur in Bibliot. Bremensi Fascicul. 4. Classi 5. pag. 761. contendit Crozerus pag. 42. eum, qui Indis primus prædicavit; & cujus cineres venerantur Indi & Lusitani, cujusdam fortassis esse *Mannacava* Persæ; quem teste Vischero, memorant Malabarenfes; ut qui apud eos plura patrasset miracula. Ceterum 1. Lusitani nunquam, ejusmodi novi Apostoli, nomen audierunt. 2. illum fuisse Mannetis Discipulum, ut ipse contendit, non probatur; nisi sola vocis analogia; vi cuius id

asserit posset de *Mannethone* Diöpolitano; qui ex Josepho. De Antiq. lib. 1. cap. 3. clariuit sub Alexandro Magno (si tamen ludere licet) 3. nusquam in India, errores Manichæorum auditi sunt. Denique *Mannet* Persæ, de quo forte Vischerus loquutus fuerit; Nestorianus fuit, non Manichæus; at hic licet exilio pulsus, à Seleuciensi Sede, quam invaserat anno eodem nempe 420. tamen Hardascirum suam primam Sedem reperiit, in Persidensi relegatus. Neque Amrus, & alii ejus vitæ scriptores, ejus in Indiam itineris meminere.

XXXVII. Quæ hucusque diximus de Sepulchro, & Reliquiis D. Thomæ, ita revera se habere constabit, si animadvertamus, quod per plura antea secula, de Reliquiis Thomæ in illis Oris extantibus fidem fecerint Scriptores Veneti, toties laudati, Nicolaus Pater, & Marcus filius cognomine Pauli; *lib. enim 3. cap. 27.* scribit Marcus, quod in ea India *Servatar Corpus B. Thomæ Apostoli in Civitate quadam parva, nomine Malpuria* (ait adnotator) *ibi enim multi sunt Christiani, & Saraceni debito honore Sancti venerantes corpus & Christiani à longe venientes, & Sancti Corpus visitantes, asportant seorsum de terra illa, in qua vir Sanctus occisus dicitur, & de ea in potum missa, faciunt infirmos bibere.* Jam si hæc omnia, quæ anno 1270. circiter scripta sunt cum narrationibus scriptorum, quos superius numeravimus, ex quibus ad annum circiter 1522. signa Corporis D. Thomæ ex lancea, baculo, & vase fictili defumenda erant, quique non solum ad annum 1500. sed etiam, 1588. ea comprobata factis, & inventione Reliquiarum ostendunt; & rursus, quod ille mos asportandi pulverem ex Sepulchro D. Thomæ recensetur etiam à Synodo Diamperitana *Act. 8. Dec. 17.* dicente, eos Christianos injecto tantum eo pulvere, Aquam benedictam ad ingressum Ecclesiarum asseruisse; si inquam hæc testimonia cum illis antiquis conferantur, ita inter se convenire comperiemus, ut veteres illi verissimam conservasse traditionem, posteriores vero rem vere tenuisse, abs dubio dicendum videatur.

XXXVIII. Quod autem tempore intermedio ab ævo Pauli Veneti, usque ad inventionem Reliquiarum ad Meliapor, constans ea perseveraverit traditio, constat ex eo, quod ad annum circiter 1300, ut apparet, ex Haythono pene fuis omnibus Christianis ab India, tamen, ut ait *cap. 7.* in Urbe illa parva, ob Thomæ cultum permanserunt Christiani. Idem habetur *ad annum 1333. in Peregrin. B. Orderici à se descripta in Bolland. 14. Jan. pag. 988.* ubi ait, ibi positum fuisse Corpus Thomæ, *Ecclesia vero ejus nunc Idolis plena est, juxta quam quindecim Domus Nestorianorum sunt,* idest Christianorum Divi Thomæ. Consonant etiam ad annum circiter 1499. quo Joseph Indus à Lusitanis Romam adductus, de conservato in illa Regione D. Thomæ corpore testatus est; quæ autem Urbs ab ipso vocatur *Milapor: (a) In ipsius (ait) delubro Corpus D. Thomæ quiescit, quod claret innumeris miraculis.* Vide in *Nov. Orb. Edit. Basilee apud Hervagium an. 1532. in Navig. Joseph Indi pag. 153.* De quo Josepho meminimus in *Hist. Synod. Diamper. cap. 1.* Idem habet Ludovicus Vartomanus, alias Ludovicus Romanus Patritius, suæ *Navig. lib. 6. cap. 2.* apud eamdem editionem *Hervagii pag. 252.* Ex quibus omnibus perspicue conficitur, illam traditionem fuisse verissimam, propterea quod sicut ista ex inventione Sepulchri novissima, comprobata fuit; ita vicissim quod Sepul-

(a) Amrus Matthæi filius ait ap. Assens. Dissert. de Syr. Nest. pag. 14. *Sepulchrum ejus (Thomæ) extat in insula Melian* (ita Meliaporam Arabes vocare asserit Assensanus) *In India, ad dexteram altaris,*

in ejusdem Monasterio. Has ædes seu Monasterium ibi extitisse affirmant Thomas Jaballaha, Jacobus, & Denha in Epistola ad Eliam anno Græcorum 1815. Christi 1504.

pulchrum illud, & ossa fuerint D. Thomæ comperitur, quia illi traditioni, ejusque circumstantiis ex æquo respondit eventus: quodque ad ista consequitur, nempe, annales illos antiquissimos Indorum à Masséo recensitos, probatissimam traditionem conservasse.

XXXIX. Impeditiorem profecto rem aggredimur, dum Translationes Corporis D. Thomæ quoquomodo elucidare conamur. S. Greg. Turon. *de glor. MS. c. 31. pag. 70.* ait, Corpus Apostoli multo tempore apud Indos mansisse, ac postea in Edessam fuisse translatum; de qua re luculentum profertur testimonium ex S. Joan. Chrysostomo *Homil. 26.* toties laudata; ex Ruffino *lib. 11. cap. 5.* Sozomeno, Socrate, & aliis; adeo ut Baron. *ad diem 3. Julii* dicat id luce clarius constare. Idem Socrates *lib. 4. cap. 18.* ait, celeberrimam D. Thomæ Ecclesiam quamdam exitisse Seculo Quarto in Edessa, in qua ob loci celebritatem fere omnia Ecclesiastica cogebantur comitia. Deinde ut apparet ex Florentinio *in Indic. pag. 147.* & Ughelli *Ital. Sac. tom. 6. col. 967. & seq.* Edessa solo æquata, translatum fuit Corpus Thomæ ex ea Civitate ad Insulam Chio, & inde Ortonam Aprutii citerioris Urbem, anno 1258. & cujus rei meminit etiam Martyrologium Romanum.

XL. Hujus Edessanæ translationis tempus, si consulimus *Hagiolog. MS. Florentinii*, referendum est ad Imperium Alexandri, qui evectus fuit anno 222. ejus autem iter Orientale assignandum est anno 232. aut 233. juxta Tillemont. *in Alex. tom. 3. pag. 198.* in eo ergo *Hagiol.* hæc habentur: Denique supplicantes Syri Alexandro Imperatori Romano: impetrarunt h.c. ut mitteret ad Regulos Indorum, ut redderent Defunctum (Apostolum Thomam) Ciriis. Sicque factum est, ut translatum esset de India Corpus Apostoli, & positum in Civitate Edessa in loculo argenteo. Quod autem hic castigatione indigere videtur illud est, Thomam videlicet Edessenum fuisse asserere; contra communem Scriptorum opinionem, qui eum Galilæum, non Osrochænum asserit, ut cum pluribus notat Florent. *in Martyrol. ad Indic. Apostol. pag. 172.* & Sandinus *Hist. Apostol. pag. 161.* Id unum insuper adnotandum, quod Reliquiæ Thomæ ad annum circiter 1158. adhuc in Edessa servabantur, nam in Chron. Richardi Picav. ap. Marten. *in Collect. Vet. Script. tom. 5.* habetur, quod in direptione facta per illud tempus à Sanguis Rege Alepi, quæcumque Sacra violata fuerint; inter quæ, Corpus B. Apostoli Thomæ Gentilium contactu polluitur. Aliæ item Reliquiarum Thomæ minus insignes translationes recensentur; translatae sunt enim Reliquiæ D. Thomæ Apostoli Pragæ, quæ translatio celebratur ad 6. Id. Jan. in *MS. ipsius Ecclesie*, ut notat Bolland. *in Adden. Jan. ad diem 8. pag. 1098.* Anno item circiter 814. quo floruit S. Angilbertus, dedicatum fuit ab ipso inter alia in Monasterio Centulæ, Altare S. Thomæ Apostoli, in quo ejusdem Reliquias reposuit, ut habet Bolland. *die 18. Feb. pag. 99.* Prope annum etiam 1087. translatum fuit ad Ecclesiam Barensem, ubi requiescit Corpus S. Nicolai, brachium S. Thomæ Apostoli, ut ex *Cod. MS. S. Barensi* scribit Bolland. *ad diem 22. Jan. pag. 414.* Tandem anno 1587. à Joanne Borgia allatae sunt Ulyssipone Reliquiæ S. Thomæ Apostoli, cum aliis,

aliis, quarum Catalogum habemus apud eundem Bolland. *ad 25. Jan. pag. 612.*

Nec prætermittenda erat memoria Reliquiarum Apostoli Thomæ, quas S. Paulinus *Carm. 24.* ut habet Tillemontius *tom. 1. Hist. Eccles. in S. Thoma pag. 359.* meminit in Basilica S. Felicis Nolæ asservari; & etiam Muratorius ad Paulinum, in Operis Indice *V. Thomas*, id tamen memorat Paulinus *poemate 26. Nat. Carm. 9. vers. 415.* non vero 24. juxta editionem Muratorii ipsius, *Verona apud Ramanzinum anno 1736.* In Basilica etiam dicta *Concilium Sanctorum Brixie*, scribebat S. Gaudent. Brixien. Ep. Sancti Thomæ Reliquias custodiri: apud Gotti *tom. 1. de Verit. Relig. c. 6. §. 2. pag. 345.*

XLI. Ut autem ad translationem Edessenam, unde digressi sumus, revertamur, illius traditionis meminit Gilo Parisiensis *lib. 3. de Expedit. Hierosolymitana* apud Martenium *tom. 3. Anecdor.* qui cecinit de Edyssa, aut Edessa.

*Hic etiam Thoma, qui Christi vulnera sensit,
Corpus ab Indorum regionibus esse delatum
Credetur.*

Martyrolog. etiam Rom. post Usuardum, & Adonem hanc translationem memorant *die 3. Julii*; sicuti & Hieronymianum Florent., & Hieronym. quintum ex Materne; Morbacense, & Corbejense apud eundem Martene, quod simul cum Romano habent totidem verbis ad *diem 21. Dec. in Edessa Mesopotamiae natalis, & translatio Corporis S. Thomæ Apostoli, qui translatus est ab India, cujus passio ibidem celebratur V. Nonas Julias.* Consonant Calendaria antiqua Corbejense ad *V. Non. Jul.* & eadem die Calendarium MS. Lyrense, denique Calendarium Hieronym. Lucense. At vero Martyrol. Florent. quod meminit translationis ad *3. Jul.* id repetit, ad *diem 18. Decemb.* in hac ergo translatione, ut ait idem Florentinus, ad *diem 3. Julii omnia Martyrologia conspirant*: qua in re sine dubio auctoritate nituntur Rufini *lib. 11. cap. 5.* cum quo Socrates, & Sozomenus; præter Chrysostom. in *Hebr. Hom. 26. & Hom. 32.* quæ ipsius nomine circumfertur *tom. 6.*

Quo autem tempore facta fuerit ea translatio ex India Edessam, non est adeo exploratum; profecto ex Hagiolog. MS. Florentini laudato, & ex Petro Equilino, seu de Natalib. in *Hist. SS. lib. 6. c. 43.* ad ævum Alexandri Imperatoris revocatur Edessena translatio, id est post *annum Christi 233.*, quo anno expeditio Orientalis Alexandrina instituta videtur; & quidem id non pauca suadent: nempe propensio Alexandri in Christum, quem inter sua Idola collocaverat; benevolentia, qua Christianos complectebatur; Edessenorum plurima in ipsum merita, quippe qui ad Alexandrum ingentem Sagittariorum numerum, ad Germanos debellandos miserant; quodque ipsi gratissimum accidit, miserunt tempore maxime opportuno, quo de Artaxerxe Persarum Rege victoriam reportaverat: si ergo Syri ab eo postulaverint, prout inquit Hagiolog. & Equilinus Præsul, ut Corpus Thomæ in ipsorum regionem ex India deferretur, pronum est, ipsos ab eo quod optaverant, exorasse.

Ba-

Baronius recensens istam translationem, ut factam anno 236. quod in ævum recidit Alexandri, ait id absque antiquorum testimonio asseri.

XLII. Quamobrem cum laudata Monumenta, sicuti ex iis deductæ rationes, ejusmodi non appareant, ut aliquid plus sint quam leves conjecturæ, dum alia probabiliora non producantur argumenta, revocandam potius putamus Edessenam Thomæ translationem ad (a) seculum posterius; nempe ad tempus Sanctæ Helenæ Augustæ, Constantii Chlōri Uxoris, & Constantini Magni Matris; tum quia eo jam temporis persecutiones Imperatorum desierant, quod de tempore Alexandri, quidquid sit de ipsius indole, atque ingenio in Christianos mitissimo, asseri non potest; tum etiam quia id maxime pietati, devotioni, atque peregrinationi ipsius Sanctæ Imperatricis ad loca Sancta, & alias Orientis regiones, studio demum speciali, quo in ejusmodi sacris perquirendis Reliquiis, ab omnibus Historiographis celebratur, illi præ omnibus congruere videtur. Cujus rei suffulciendæ antiqua nobis suffragantur Monumenta; etenim cum ad diem 8. *Februarii* habeatur in MS. Martyrol. Monast. S. Cyriaci Romæ, ut notant Bollandistæ pag. 252. *ad hunc diem, Sancti Thomæ depositio*, quin exprimatur de quo Thoma sermo sit, in eam eunt sententiam, nempe quod ibi mentio fiat de Thoma Apostolo, ea potissimum de causa, quia ut habent ad 9. *Februarii* in quibusdam Martyrologiis memoretur hac ipsa die: *Repositio S. Thomæ Apostoli facta per S. Helenam Augustam*. Quæ etiam ad 10. *Februarii* asserunt p. 379. attribui huic eidem diei in M.S. Florario: *S. Thomæ Apostoli repositio, nem per Sanctam (b) Helenam Reginam*. Quia tamen verbum illud *repositio* signare potest collocationem ejusdem Corporis in decentiori theca, aut Sacello; sicuti & translationem illius ex alio loco; idcirco validius prædicta non urgemus, id, quibus per otium liceat, relinquentes. Neque clariorem affert lucem Martyrol. Hieron. Florent. quod ad illam 9. *Februarii* diem ita habet: *Depositio Sancti Thomæ Apostoli*; etenim æquali laborat ambiguitate, *depositio*, ac *repositio*.

XLIII. Id unum certum est, quod etiam adnotavit Honorat. à Sancta

(a) In Chronico Edesseno apud Assemân. tom. I. Bibl. Orient. pag. 399. & 403. refertur ea translatio ad annum Græcorum 705. qui est annus Christi 394. die 22. Mensis *Ab* seu Augusti, sedente Cyro Episcopo, Quodque anno Christi 442. Græcorum 753. Anatholius Miltinæ Præfectus fecerit arcam argenteam in honorem ossum S. Thomæ Apostoli. In illo igitur Chronico legitur num. 38. Anno 705. Græcorum (qui est Christi 394.) *Mense Augusto die 22. advexerunt arcam Mar Thomæ Apostoli in templum magnum eidem dicatum, diebus Mar Cyri Episcopi*. Inde videtur istic memorari translationem, ex alio templo parvo, in quo primum (alteri dicato) arca fuerit collocata.

(b) Fuit etiam alia Helena Regina Adjabenica ex Orosio apud Baron. anno 44. n. 66. quæ ante annum Christi 47. conversa fuit, in Adjabena, aut Assyria. Quæ tamen, ut recte probat Basnagius tom. I. Annal. pag. 553. ex Josepho, tam ipsa, quam ipsius filii Izates, & Monobazus religionem potius Judaicam, non vero Christianam profitebatur; neque de ista dicere quis posset, nisi per turcissimum anachronismum, nostra loqui Martyrologia; etenim anno 47. adhuc in vivis agebat Apostolus Thomas; nec verisimile est, illam tandiu fuisse Apostolo superstitem, ut post mortem ipsius anno 73. ejusdem corporis depositionem curavet: titulus etiam *Augustæ* nostram Helenam designat, non illam,

Sta Maria Animad. in *Reg. Critic. lib. 5. Dissert. 6. art. 6. Constantium* (legi mallemus Constantinum) & plerosque successores ejus, transferre fecisse pretiosiora Sanctorum Monumenta, quæ per Orientem universam dispersa erant, ut nova Roma (id est Constantinopolis) Ecclesiis locupletarent: atque ob eandem sollicitudinem laudat Reginas in primis Helenam, Pulcheriam Augustam, & Galliarum Radegundem, Silviam, & Buffulam ejus Sororem, de qua meminit S. Paulinus, *Epist. II. ad Severum*. Et quidem ipsius Thomæ caput tempore Leonis Sapientis translatum fuisse Constantinopolim, antiqua Græcorum ferebat traditio, ut ex Combesio habet Tillem. *ad S. Thomam*. Nec assentiendum esse putamus falso Abdiæ scribenti, raptum fuisse Corpus Thomæ à quibusdam de fratribus sub ipso Martyrii tempore, ut illud in Syriæ, seu Mesopotamiæ Urbem Edessam transferrent, constat enim ex Greg. Turon. *lib. de Glor. M. M. cap. 32.* hanc translationem ex India Edessam, non statim factam fuisse, sed diu in India asservatum esse Corpus. Istam Edessenam translationem celebrant Græci *die 3. Julii*, ut habet Ughelli loco laudato.

XLIV. Cum per tot secula Reliquiæ Apostoli Thomæ Edessæ requieissent, vastata per Saracenos ea Urbe, eas translatas ferunt in Insulam fuisse Chio, & inde Ortonam citerioris Aprutii Civitatem; quarum translationum meminit Martyrologium Romanum, & habetur apud Ughellum in *Ital. Sac. tom. 6. col. 967. & seqq.* De ista translatione Ortonensi, ait Baron. in *Martyrol. ad 21. Decemb.* nihil se accepisse; Ughellus autem laudat *lib. 7. cap. 4. Revelat. S. Birgittæ, & Diploma Bonifacii Papæ IX. de Canonizatione ejusdem Birgittæ.* Ortonenses etiam producunt monumentum, quod exscribit ibidem Ughellus de *anno 1. Manfredi Principis Tarentini*, quod fuit *Christi 1258.* ubi dicitur, à Leone quodam ex Edessa diruta, atque direpta deductum Thomæ Corpus, atque (a) Galeæ impositum, transvectum fuisse Ortonam, 6. die Sept. ejusdem anni memorati; indicatum etiam ajunt ipsi Leoni, ejusque Sociis, à quodam Monacho Edessano, Corpus Apostoli in Templo Edessæ, cujus Sarcophagum imagine Thomæ insignitum erat, in cujus etiam superiori parte legebantur hæc verba: *Αγιος Θωμης*. Hujus Ortonensis translationis historiam una cum Miraculis Ortonæ patratis scripsit Joannes Baptista de Lectis Canonicus. Leo autem ille Ortonensis, Manfredi Classis Triremium Præfectus, honorifico & Sepulcro, & inscriptione, in memoriam illius translationis honestatus fuit post aliquot secula ab ipsis Ortonensibus, quam integram habet Ughellus, De translationibus ex India in alias diffitas Regiones hætenus.

XLV. Jam de aliis translationibus, quæ apud Scriptores Ecclesiasticos, Corporis Thomæ, ex una ad aliam ejusdem Indiæ Regionem memorantur, agendum nobis est. Id vero principio statuer e oportet,

A a a

omnes

(a) Isto donatur nomine apud Ughellum, pe sinuosum: quomodo etiam a Nonio, & recenset in loco, vas nauticum; dictum Varrone, ita vocatur Vas in quo vinum etiam Galeola, a galeæ similitudine, quippe mensis adponebatur.

omnes pene rerum Indiæ Scriptores, meminisse Corporis D. Thomæ, ut apud Christianos illos extantis, ab anno 1259. & deinceps (etenim à primis seculis, usque ad ista tempora sola traditione, atque annalibus Indorum Christianorum superius laudatis id constare potuit) Meliaporem etiam, aut quocumque alio tandem insigniretur nomine apud antiquiores ea Urbs, Sacra Thomæ Lipsana, tanquam invidendum thesaurum occultasse. Deinde non minus constanter ab iisdem asseritur Scriptoribus, etiam supposita translatione Corporis Thomæ Edeffam, in India ipsius partem, ac Reliquias asservatas esse; unde fit, omnes in eam conspirasse sententiam (si demas Gasparem illum supra citatum) ut non fuerit integri Corporis translatio, sed partis ipsius tantum, cum Florentinio pag. 148. dicente: *Quocumque modo Edeffam ex Indis S. Thomæ Corpus translatum fuerit ipsius tantum portionem fuisse*; Cui adstipulantur Maffeus, Olorius, Gouvea, Stapletonus, Ughellus loco mox laudato, Carmelitanus Gardebois tom. 1. *Hist. Eccles. in D. Thomæ, & Eminentiss. Gotti*; ejusdem etiam sententiæ assertorem habemus Baronium ad annum 1236. dicentem: *Ceterum haud ipsum (Thomæ Corpus) integrum transferri permissum, certum est.*

XLVI. Cum ergo S. Thomæ Reliquiæ inventæ fuerint anno 1521. procurante, ut superius diximus, Emmanuele Friae Coromandelici tractus Præposito ex jussione Joannis III. expositæ permanerunt venerationi eo ipso in loco, ubi repertæ; biennio autem exacto, ut habet Maffeus lib. 8. pag. 135. eadem Ossa intra ipsam Arcam occulto loco, duobus tantum conficiis Lusitanis, translata sunt atque abdita: quæ demum post duo devigesimum circiter annum translata sunt Goam, à quodam Religioso Ordinis Minorum S. Francisci, ut etiam habet Lucas Vvadingus *Epitom. annal. ad ann. 1523.* & nomen illius apud laudatum habetur Vvadingum, dum ad annum 1540. ait num. 4. quod Fr. Antonius Patronus ad Meliaporem cum uno Socio profectus, illis Christianis Ecclesiæ Romanæ reconciliatis, Cœnobium Fratrum sui Ordinis erexit, qui *Sancti Apostoli (Thomæ) Reliquias, & Sanctuaria passim detexerunt*; Cum vero ipse ad annum 1523. num. 9. scripserit, (quod illo eodem anno quod etiam computationi Maffei respondet) inter ruinas Urbis Meliapolos, id est Meliaporis S. Thomæ Apostoli, & cujusdam ipsius discipuli, ut etiam in laudato mox loco narravit Maffeus, repertas esse Reliquias, quodque eas postea quidam Minorita, non sine peculiari industria transtulerit Goam; dicendum profecto est, inventionem istam anni 1540. eatenus accidisse, quatenus locus ubi anno 1523. abdita fuerit Thomæ Ossa, oblivioni etiam, non magno temporis intervallo, fuerit obnoxius; post septemdecim autem annos inventas fuisse rursus easdem Reliquias; atque tunc à laudato Fr. Patrono Goam deportatas.

XLVII. Neque confundi debet hæc duplex Reliquiarum inventio cum nova detectione aliarum anno 1547. cum esset Indiæ Præfectus D. Joannes de Castro, quam refert noster Antonius Gouvea in *Itin. Meness. lib. 2. cap. 2.* & Olorius sub *suæ lib. 3. de Reb. Emman.* ex testimonio, quod anno 1562. Pontifex Cochimensis misit ad Henricum Cardinalem:

immo

immo ex iis conjectare licet, quod ubi pars Corporis Thomæ, delata fuit Edessam, alia pars fuerit ad Meliaporem è Monte, in quo cruciatus; mortemque sustinuit, translata. Non, inquam, confundenda sunt hæc; propterea quod illa prima, & secunda, inventio fuit Reliquiarum Corporis; Ossium nempe; præ aliis ibidem repertis; pulcherrime candicantium; ista vera posterior, eo tantum nomine celebratur, quod in Colle, prope Civitatem Meliapor, loco, ubi ferebat traditio passum Thomam, & in quo Sacellum erat antiquum; in nova Ecclesiæ molitione effodientes terram, rudera, atque fundamenta vetusta offendentes; lapidem invenerunt, seu tabulam Marmoream, in qua erat miraculosa Crux D. Thomæ, ipsi tabulæ insculpta, atque maculis, veluti sanguinei coloris, inspersa, cum litteris, notisque incisis, uti superius diximus; inventa etiam est terra sub lapide, recenti, quasi sanguine imbuta, adeo ut ipsi lapidi etiam abducto, adhæresceret: Ossia vero reperta sunt nulla; nullum item Corporis vestigium; sed neque explicati ægre Characteres illi, aliud significabant, nisi, quod Thomas, divinus Vir, à filio Dei eas in Oras missus, tempore Segami Regis, plurimis patratæ miraculis cum genibus flexis, ante Crucem illam oraret, à quodam Brachmane, hasta fuerit transfixus. Hæc autem est illa Crux, quæ hodie dum ab eo tempore, mirabili sudore quandoque madescit; præcipue ad diem 18. Decemb. B. Virgini, ob partus expectationem, sacrum. Unde patet, eum fuisse locum, in quo primo D. Thomas fuit sepultus; portione autem Corporis Edessam translata, pronum fuit reliquum Corpus, ad Urbis vicinæ Templum deportare; ibidem remanente interea eo in loco, ipso lapide, quo ejus corpus primo fuerat contextum; ex quibus conficitur; quod secundo loco dicebamus; nimirum, hanc Crucis lapideæ inventionem, vehementer probare translationem aliam, nobis incomptam, ex eo loco Collis Suburbani ad eum, in quo jacuit, atque latuit thesaurus iste, usque ad annum 1521. in quo facta fuit Ossium prima detectio.

XLVIII. Id etiam animadversione dignum est, nempe etiam illa diuturna temporis intercapedine, quæ inter translationem Edessanæ, & novam Reliquiarum partis detectionem, anno 1521. decurrit; plurimas corporis Thomæ particulas apud eos Christianos, venerationis gratia, conservatas fuisse; at cum profecto incredibile prorsus videatur, eas minutas particulas ex Edessa ad Indos illos asportatas esse; evidens id nobis suppeditat argumentum ad asserendum, remoto omni dubio, partem Corporis Thomæ, perpetuo in India jacuisse. Quod autem ita sit; præterquam quod pluries diximus; satis constare poterat ex Haythono, & Marco Paulo Veneto retro elapsis seculis ante annum 1269. Corpus Thomæ ibidem gentium venerationi fuisse habitum; quod insuper evincitur ex Epist. scripta ad Remp. Venet. à Cretico, ipsius Reip. ad Regem Lusitanæ Legato, qui recensendo Lusitanorum appulsum ad Regnum Malabar, ait, quod ubi venerunt ad locum, quo Corpus Divi Thomæ quiescebat, loci Dominus; *Sancti Corporis Reliquias in specimen amicitia, nostris (Lusitanis) dedit*; habetur autem hæc Ep. in Editione

A a a a

Her-

hic vagli pag. 130. loquitur vero ille de tempore, præcedenti ann. 1501. quo ipse scribebat.

XLIX. At vero quamquam hæc omnia momenta certissime perlegerint multæ eruditionis CL. Viri, Tillemontius, atque Combefissius; quibus optime consultum videbatur traditioni, quoad speciem secum pugnant; nempe quod Corpus Thomæ, Edessam a tot seculis translatum, idem in India latens proximis detectum fuerit annis; ea nimirum ratione, quod (ut placuit probatissimis Scriptoribus, prout supra ostendimus) non integrum in Edessa Corpus, ut ferebatur, esset repositum, sed pars tantum ejus; alia parte in India remanente; nihilominus inquam, hæc opponit adversus institutam rationem Tillemontius tom. I. *Hist. Eccl. pag. 158. Sed ut ut res fuerit (ait) satis difficile est, istiusmodi divisionis (Reliquiarum aut Corporum SS.) exempla primis seculis reperire. Neque P. Combefissius huic rei acquiescit; immo Indorum traditionem impugnatur, & ex veneratione Corporis in Edessa; & ex Græcorum persuasionem, contendentium, sub Leone Sapiente ipsas caput Constantinopolim allatum fuisse. Homilia etiam 32. de D. Thoma, quæ inter alias Chrysostomi habetur, satis dilucide indicat, corpus Apostoli integrum quidem ibi esse, ubi sermo ille habebatur. Alia insuper addit de difficultate itineris, de causa translationis, quæ nulla apparet; tandem de illa Calamina incognita prisca; quia tamen ista, ut superius ostendimus, evanida sunt, ea consulto prætermittimus.*

L. Quæ argumenta facili negotio dissipantur, si animadvertamus cum Honorato à S. Maria lib. 5. *Dissert. 6. art. 5.* consuetudinem dividendi Ossa Sanctorum coram esse fidelium pietati, erga eorum Reliquias: viguit ergo a primis seculis, sicuti pietas erga Sanctos, ita & Reliquiarum divisio. Testes producimus Greg. Nazianzenum *Orat. in Julian.* dicentem: *Sectis Corporibus (Sanctorum) integram tamen vim, & gratiam perseverare; tennesque, ac tantillas (a) Reliquias, parum habere, multasque in partes, dissecto Martyre, virtutem: Gaudentium Brixien. in Dedcat. Basil. 40. MM. Ipsa pars (Corporum) quam meruimus, plenitudo est. Ambros. Ser. in Fasto SS. Nazarii, & Celsi MM. specialiter ii: (Martyres) venerandi sunt a nobis, quorum Reliquias (non quorum integra tantum Corpora) possidemas. Chrysost. Hom. 65. de SS. MM.*

ait

(a) Nos non latet aliquando dedicata esse templa, adhibitis non particulis Corporum Sanctorum, sed aliis, quæ etiam dicebantur reliquæ, nimirum *Brandeis*; nempe rebus ad Sanctos spectantibus, aut ad eorum Corpora, vel sepulcra applicatis: modo quo S. Gregor. Turon. lib. 1. de *Glor. Martyr. cap. 47.* lintheamina seu pallulas sanguine SS. Gervasii & Protasii imbutas, vocat *Reliquias* eorum: & similiter lib. 2. cap. 14. vocat *Reliquias* S. Juliani, *Fimbrias pallæ, quæ Sanctum tetigit tumulum*: & cap. 44. parum sera a sepul-

chro sublatum ipsius; & ampullam olei sepulchri S. Martini adhibitam, appellat lib. 9. *Glor. Confess. cap. 9. reliquias ipsius Martini*: quæ quidem optime notavit Mabilion. *Præfat. ad Sec. 2. Benedicti Observat. 7.* Ea propter consulto prætermittimus testimonia, quæ de *Brandeis* Sanctorum sepulchro admotis, explicari possent; talia enim protulimus, quæ divisionem Reliquiarum, quam intendimus, ita evincunt, ut eludi non possint; cum de Corporum reliquiis aperte loquantur.

ait: *Sanctorum exuvias thesauris etiam longe pretiosiores existere talis quippe est Spiritualium natura; distributione crescit, & divisione multiplicatur.* August. pluribus in locis, sed præsertim *lib. 32. de Civit. Dei cap. 8.* de miraculis ad præsentiam *Reliquarum S. Stephani*, Sermonem instituit. S. Paulinus *Poemate 29 editionis Muratorii*, loquendo de illis, qui corpora Andreæ Apostoli, atque Timothei Discipuli D. Pauli, Constantinopolim adduxerunt, ait eos donatos fuisse particulis Corporis, & quasi pretium laboris, illis permissum fuisse, ut eas auferrent.

Offibus e Sanctis

Præsidia ad privata, domum sibi quisque referret.

Ex illo, Sacri Cineres, quasi semina vite

Diversis sunt sparsa locis: quaque offe minato &c.

Idem Natali 9. *Poem. 26.* ait: plurimas SS. Reliquas in Basilica S. Felicis Nolani asservari, nimirum Andreæ, Joan. Baptistæ, Thomæ, Luca, &c. tandem *Vers. 443.* ita Canit.

Neque tantum qua jacet Ora

Totum Corpus, ibi positum gratia, vivit;

Sed quacumque pii est pars Corporis &c.

LI. Ne autem multis in coacervandis hujus divisionis testimoniis, adducimus tandem Theodoretum qui *lib. 8. de Curand. Græc. affecti:* ait, *Civitates, & Oppida hac inter se (Corpora Sanctorum) sortita partiti sunt:* dixerat autem, non singula integra Corpora, in singulis monumentis recondi. Ex quibus apparet divisionem istam Corporum Sanctorum, a primis Ecclesiæ seculis fuisse in usu; nec enim laudati Patres de suo ævo loquuntur, sed res ab antiquis seculis petitas, in medium proferunt.

LII. Quia vero Tillemontius inculcat, difficilimum esse invenire exempla divisionis Corporum, petita a primis seculis; nos contra, difficillimum putamus, ipsum ignorasse, hæc, quæ pluribus omisissis subiungimus. In primis ergo Joannes Launojus, aliique, ut impugnent adventum Magdalenæ, & Sociorum in Gallias, contigisse ante annum 62. Christi, asserunt apud Eminentiss. Gotti *tom. 1. de Veris. Relig. cap. 10. §. 2. pag. 530.* quod non potuerant venire nisi post annum 62. cum ex monumentis Ecclesiæ S. Mariæ de Mari, & Regii archivii Aquarum sextiarum constet, tunc allatum esse Caput S. Jacobi minoris, ab utraque Maria, Jacobi, & Salome: quod fortasse anno 70. afferri tantum potuit; cum juxta Eusebium *lib. 2. Hist. cap. 23.* S. Jacobi Sepulchrum, intactum manserit, usque ad everisionem Hierosolymæ; quæ eo contigit anno. Unde habemus exemplum divisionis Capitis, a reliquo Corpore, seculo primo. Cornelius etiam Papa, qui floruit anno 254. ut scribit Anast. *Bibliot. in ejus vita*, rogante Lucina, Corpora SS. Petri, & Pauli in opportuniorem locum, e Catacumbis traxit; quo fideles, qui ex Oriente venerant, ut eorum Corpora, tanquam Civium suorum repperent, ab incepto revocaret, dum nescirent, quo in loco collocata fuissent: ut narrat S. Gregor. *lib. 3. Registr. Epist. 30.* Deinde Sylvester Papa, id attestante eodem Anastasio, reliquias eorum divisit (& quidem non sine

sine majorum exemplo) & in Vaticano posuit (etiam adhibita statera) medietatem; reliqua autem medietas, reposita est in S. Paulo; Capita vero in S. Joanne Laterano. In quibus perspicue habemus; & divisionis Reliquiarum exemplum, & translationis Corporis; rationem etiam ea transferendi; nimirum fidelium pietatem ipsa suffragantium; & quamquam S. Gregorius, scribat Constantinæ Augustæ (a), Reliquias exponenti: In Romanis namque, vel totius Occidentis partibus, omnino intolerabile est, atque Sacrilegium... Pro quare de Græcorum consuetudine, qui ossa levare Sanctorum, se.asserunt, miramur; forte vel ad ævum suum, vel ad suam Romanam Ecclesiam respiciebat; nam alias ex Paulino, Augustino & aliis perspicue constat, etiam ante tempora Gregorii in Occidentalibus Ecclesiis, divisionem Reliquiarum viguisse: immo & in ipsa Ecclesia Romana; ut patet ex divisione Reliquiarum Sanctorum Apostolorum Petri, & Pauli, mox adducta. Cum ergo nos de Orientis partibus agamus, minus insolita videri debuit Tillemontio, vel translatio, vel divisio Reliquiarum Thomæ. Atque eidem subjacet censura, quod Ruinartius ait *De act. SS. in S. Theodoro pag. 424. Alia erat Ecclesia Romana disciplina, ubi Sacra Corpora, nequidem a loco sepulture movebantur*; etsi in Ecclesia Orientali frequentius esset, ea transferre, & dividere, quam in Occidentali.

Quinimmo de Reliquiarum divisione, alia plura etiam primis Seculis nobis suppetunt exempla, quæ contra Tillemontium proferamus etenim ex actis Martyrum probatissimis constat, quod S. Saturninus Episcopus, qui passus est anno 250. ut passionis acta habent, apud Ruinart pag. 111. Exuperio ejus successor, volenti reliquias ejus in nova Basilica reponere, verenti tamen, ne reliquæ dividerentur, & diminuerentur; in somnis hæc loquutus est S. Saturninus; nempe pro certo habendum, nullam fieri, vel diminutione Cinerum, vel commotione membrorum, spiritibus injuriam. Hac etiam proculdubio animati fiducia, discipuli insignis Hispani, Martyris Fructuosi, Tarraconensis Episcopi, Martyrio laureati anno 259. statim inter se, ejus & Sociorum Reliquias diviserunt; quæ postea, iisdem monentibus, in eundem locum sunt restitutæ, ut canit Prudentius *Peristeph. Hym. X. v. 136.*

Sed ne Reliquias resuscitandas

Discretis loca dividant Sepulchris,

Mandant restitui.

LIII. Tandem Tillemontium Tillemontio opponimus; primo cum ait, pag. 339. *De S. Thoma*; quod prope finem Seculi IV. habebantur reliquæ Thomæ in Basilica Nolana; quod verum non esset, nisi pridem divisæ fuissent. Secundo, quia ipse Tillem. in *Theodosio 1. artic. 27. agens* de

(a) De tempore, quo in Ecclesia Romana viguit disciplina, qua nefas ducebatur Sanctorum Reliquias dividere, videri possunt Christianus Lupus tom. 3. edit. Venet. pag. 191. & 192. totum etiam cap. 3. *Dissert. in Septimam Synod.* & eruditissimam

Dissert. Justi Fontanini De Identitate Corporis S. P. Augustini, a cap. 34. & deinceps; extat hæc Dissertatio, in *Collection. Actor. edit. Venet. anno 1729. pag. 273.* studio Fulgentii Bellelli adornata totius Augustini. Ord. tunc temporis Generalis.

de lege ab iplo lata (a), ne Corpora defunctorum loco moverentur; sub die. 26. Febrarii, anni 386. ea etiam ait, comprehensa fuisse Corpora Sanctorum; ut obviam iret rapacitati aliquorum, qui undecumque *Membra Martyrum* suffurabantur, ut venderent fidelibus; & facultatem fecisse extruendi Ecclesias, aut Martyria, super immota Martyrium sepulcra, ne Reliquiæ dividerentur, ut fiebat; neve pia furta ulterius serperent: de quo laudat August. *De Opere Monac. cap. 28.* Unde etiam Reliquiarum divisio perspicue comprobatur. Tertio dum scribens ipse Tillemontius de inventione Corporis S. Stephani Protomartyris, revelante Gamaliele, Luciano Presbytero, anno 415. ut habet tom. 2. *Hist. Eccles. art. 5. de S. Stephano pag. 11.* On en mit quelques os a part pour les laisser dans le lieu. Et in indice *V. Reliquies: Le Corps de S. Etienne est divise . . . & transporte en beaucoup d'endroits*: unde divisa, atque dispersa variis in locis Ossa S. Stephani, ipse Tillemontius fatetur; & in Africa loco superius laudato, & pluribus aliis idem fieri consuevisse fidem facit Augustinus; sicuti & de Reliquiis S. Vincentii Martyris Aragonensis *Ser. 277.* asseruit.

LIV. Atque jam assatim ex præactis constare videtur, & testimoniis, & exemplis; etiam ex Tillemontio ipso petitis; quod vel primis Ecclesiarum seculis, quandoque Sanctorum Corpora fuerint divisa, atque in varias regiones deportata, quo saltem jam fiat, ut non inter impossibilia, Reliquiarum Thomæ divisio, inter Edessam, & Indiam deinceps numeretur, sed inter res factis comprobata; contra quod innuebat (juxta phrasim Tillemontii) familiaris ea callida, & officiosa vox *satis difficile*, ut etiam objectis exemplaribus contrariis, revinci falsitatis ipse non posset; cum aperte *impossibile esse* non scriperit, sed *difficile* (etiam si revera idem, hic sonare videatur) quod an æquo, an iniquo id animo asseruari potuerit, ab eo qui divisionem Reliquiarum S. Stephani memorat, immo & ipsius Thomæ, ex S. Paulino; alii Judices erunt; maxime cum eam non asseramus sub ipsius Ecclesiarum primordiis factam, sed seculo tertio, aut quarto; tempore etiam Helenæ, & Constantini Magni, pietissimorum Principum; quique non tantum auro, verum etiam pretiosioribus Reliquiarum Sanctorum Theauris, Ecclesias quascumque honestaverint, atque munificentissime ditaverint. Validum etiam desumitur argumentum, ut notat Gouvea *Itin. Meness. fol. 60.* ex eo quod eadem die & apud Indos, ante adventum Lusitanorum; & apud Occidentales; nempe 2. Julii; translatio Corporis Divi Thomæ celebretur: porro si totum Corpus Edessam fuisset translatum, nullis Reliquiis in India remanentibus, lucu non gaudio & solennitate, Indis celebranda illa fuisset;

Edess-

(a) Theodosiana lex ita se habet: *Humatum corpus, nemo ad alterum locum transferat: nemo Martyrem distrahat; nemo mercetur. C. L. ult. de Sepul. viol.* Ubi cum verbum *distrabat* significet utrumque; nempe *vendere*, & *in frusta discerpere*, aut *dividere*: potius in ista quam in

illa significatione, his poni dicendum est; propterea quia, alio sequenti verbo *mercetur* venditio prohibetur, mercatu interdicto: unde conficitur, quod, sive jure sive injuria, Martyrum corpora, antequam Theodosii divisa fuerint.

Edessanā enim sortem, ipsīs præreptā, non est cur commemorare debuerint; nec enim tantum Barbari, sed honesti etiam quique, alienæ felicitati ægerrime plaudunt.

LV. Quod autem ex Combessio opponeretur, destrui nempe Indorum traditionem de Corpore D. Thomæ (a) inibi extante, ex eo quod Edessæ veneraretur; deinde, quia tempore Leonis Sapientis ipsius Caput Constantinopolim translatum fuerit; & tandem propterea, quod *Homilia 32.* Chrysostomus satis dilucide indicat, integrum Corpus Apostoli eo loco requiescere: hæc, inquam omnia, nihil roboris habent; non quidem primum, quia in India, & Edessæ etiam in veneratione erat Corpus Apostoli; non quidem integrum, sed divisum. Non secundum; etenim, quod Caput inde translatum fuerit, probat quidem ibi præextitisse Caput, non vero totum Corpus; nisi supponatur; quod nemo hæcenus vidit, Gaspare illo dempto, de quo supra, alicubi integrum, atque; incorruptum repertum esse. Non denique tertium; tum quia, eā Chrysostomi Homilia, quamvis a Conciliis; præcipue Sexta Synodo Œcumenica sub ejus nomine laudetur; tamen ejusmodi est styli, atque elocutionis, ut Chrysostomo minime aptari possit; de quo judices appello lecturos quosque; quid enim est illud nescire se, an Thomas sit mortuus, an vivus? *Et mortuus est (ait) ut homo, & Mundum percurrit ut Angelus? Quomodo Novit Thomas Arium? Quo pacto totum Mundum implevit (Thomas) & in singulis locis integer manet?* Profecto hæc, natatorem Delium exigunt; quapropter cum Savilio, ipse Tillemontius, eam Homiliam Chrysostomo abjudicat, *Not. 26. in Arcadio, tom. 5. Hist. Imperat.* Deinde etiam hoc prætermisso, non apparet ex ea Oratione, quod Corpus ibi Thomæ extaret; nisi id gratis inferatur, ex eo quod prope finem habet: *Virgines, & adolescentes tuum Corpus amplectimur;* quod tamen vere dici potest, non extante integro ibi Corpore; eo modo dicimus, in Basilica Vaticana esse Corpora Petri, & Pauli, quin ex eo intendamus, ibi integra ipsorum extare Corpora; immo & veneratione *amplectimur* absentes; & est formula usitata loquendi: unde ibi *Corpus* ponitur pro Reliquiis: si vero bene perpendatur illa Oratio, potius videbitur innuere, tantum Reliquias ibi quiescere Thomæ, sicuti & plurimis aliis in locis; etenim sub initium ait auctor: *Vicerunt Justi (Thomæ) Reliquia per universum Mundum gratia ipsum disperfit. Omnis angulus partem aliquam habet Thomæ:* at adeo insolitis allegoriis atque figuris utitur, ut quo sensu id intelligi debeat, quamquam impense nobis faveat; prorsus nescimus; cum ænigmata pene mera loquatur. Id unum reponimus (ut loqui potius de Reliquiis plene comprobetur) quod ad finem habet contraria objectis a Tille-

(a) Præfidenter Pagius anno 327. n. 10. posita ait, Edessana translatione, *Indiarum Nestoriani, qui Sancti hujus Apostoli Corpus, usque ad seculum elapsum se conservasse effuere valde confutatur:* nam probanda prius illi erat integritas Cor-

poris in Edessa, quæ ægre probari potest. Nec auctores, antiqui Syri, Græci, & Latini, quos ait Assemanus, traditioni Lusitanorum refragari in *Bibl. Orient. p. 34.* aliquid ostendunt, cum tantum loquantur de reliquiis non de integro Thomæ Corpore.

Tillemontio verba; cum ait: *Suscipe Orbem cineri tuo supplicanti*: Corpus enim integrum & Cinis compati non posse videtur; nisi *Corpus* hic, cineres aut Reliquias Apostoli, ut arbitramur, omnino denotet.

LVI. Pauca tamen adhuc supersunt diluenda, quæ adversari nostræ sententiæ videntur, de divisione Corporis Thomæ, inter Indiam, & Mesopotamiam. Primo quod petitur ex Epistola Oddonis Abbatis Sancti Remigii, scripta anno 1135. *ad Thomam de Marla Comitem*, quam exscribit Mabillonius in *Veter. Analect.* pag. 464. in qua quidem Indiæ Archiepiscopus, qui præsidebat Ecclesiæ, ubi Corpus S. Thomæ Apostoli requiescebat, narravit Romæ, quod quotannis ejus Corpus levatur e feretro ab Archiepiscopo, & in Cathedra Pontificali decenter collocatur; inde Archiepiscopus, & post eum suo Ordine cuncti, muneribus illum humiliter honorant; ipse autem Apostolus brachium erigit, manum aperit, & quidquid a fidelibus offertur gratanter accipit; si quis vero hæreticus Populo admixtus, oblatrus accesserit, manum contrahit, & nefanda munera accipere denegat. Secundo, quod ex Helinando, Bellovacensi, Gesnero, Sermonibus Discipuli, Dionysio Carthusiano, & Naclero, scribit Stapletonius *de tribus Thomis*: locis apud ipsum videndis pag. 942. tom. 4. nimirum Joannem Indorum Patriarcham, quæ anno Christi 1120. Romam peregrinationis causa venit, Calixto Secundo, Cardinalibus, aliisque Præsulibus præsentibus in Consistorio publice declaravit, S. Thomam Apostolum, omni anno communicare Populum suum, manu propria porrecta dignis, & retracta ab indignis. Tertio tandem ex eo quod Petrus de Natalibus habet in suo *Catalog. Sanctorum lib. 6. cap. 43.* quod scilicet in Vigilia Sancti Thomæ quotannis referato ejus tumulo, vel loculo argenteo, quod penderet ex argenteis catenis, per Archiepiscopum Edessenum, dum inchoat Antiphonam ad Magnificat: *O Thoma Didyme &c.* palmitem aridum vitis ponit in manu Apostoli, quem sequenti die viridem, ac recenti onustum vix racemo mirantur omnes. Igitur Thomæ Corpus non divisum, sed integrum perseverat, & quidem Edessæ, & non in India.


LVII. Ad ista autem respondemus, Divinam laudantes potentiam, apud quam non est impossibile omne verbum; credimus insuper, hæc, & multo majora fieri posse juxta Christi promissionem, a suis Servis; quæmobrem nihil ambigentes de Divina omnipotentia & efficacia intercessionis Sanctorum, jure dubitamus de portentis, supra enarratis; quousque majores omni exceptione testes non producantur, quales profecto non sunt, testes supra allati. Ratio dubitandi nobis est (omissis nunc aliis, ne ad nauseam usque responsum protrahamus) quod cum hæc omnia scribantur a laudatis auctoribus, postquam ex traditione Ecclesiæ Orientalis, & monumentis antiquioribus, ex Martyrologiis, & Sanctis Patribus probatum est, Reliquias Thomæ hinc & inde dispersas esse; partem Corporis Edessæ positam, partem in India remansisse; Caput Constantinopolim translatum; alias ejusdem Reliquias Nolæ, aliisque in Locis superius recensitis extare; evincitur eos

B b b

qui

quæ talia dixerunt, rem falsam narrasse; fieri enim non potest, ut Corpus ita divulsus, integrum ostendatur; quæ tamen dicimus aliter respondere parati, si hæc Miracula a seculis Ecclesiæ primis propalata fuissent, modo quo ab eo tempore de Reliquiarum distributione constitit. Quinimmo crederemus, ea, quæ de Corpore Thomæ dicuntur, alicui Sancti Apostoli statui (id enim etiam possibile fatemur) tribuenda esse, potius quam asserere, pauca Ossæ, & Cineres Apostoli, ea recensita munera Edesse, aut alio præstitisse unquam.

Placet tandem finem disserendi facere, venerationem, & cultum excitando, erga Divi Thomæ ceterorumque Sanctorum sacras exuvias, ex Canone qui Concilio Nicæno tribuitur, & exhibetur ab Ebed Jesu Sobensî in *Epist. Can. Par. 5. cap. 12. Placuit Ecumenica Synodo, ossa eorum, qui pro Christo, Orthodoxæ fidei martyrio coronati sunt, in Ecclesiis & Monasteriis collocari, ut egenis opem ferant. Insuper singulis annis eorum memoria ab universis, Sacrorum recolatur..... quia per hoc ab Ethnicis, & reliquis sectariis differimus; qui Sanctorum Ossæ, in quibus Deus vivus habitat, pro rebus sædissimis habent; & quidam illorum, etiam Corporum resurrectionem negant. Quicumque enim Sanctorum sepulchrum honorat, una cum Sanctis Christum honorat.*



DISSERTATIO III.

De Religione, Moribus, & ritibus Christianorum S. Thomæ.

Christiana religio apud Indos per quatuor priora secula illibatissima
 LVIII. De moribus & ritibus Indorum Christianorum D. Thomæ post exortum Nestorii Schisma LIX. Primus juxtaque accuratissimus earum rerum Scriptor, Cosmas Indico-pleusta LX. Ab Ecclesia Persidis, cui subjecta erat, hausit Indica Nestorianum virus: & de Sede Patriarchæ Nestorianorum LXI: LXII. De Christianis Indis sub annum Christi 1203. Num. LXIII. De religione ipsorum, anno 1300. Num. LXIV. De ipsorum disciplina anno 1493. sub Lusitanorum in eas oras appulsum LXV. De religione & ritibus illorum ab anno 1500. ad annum usque 1588. Num. LXVI: LXVII: LXVIII: LXIX: & LXX. De eorundem ritibus ab anno 1588. usque ad annum 1599. Num. LXXI: LXXII: LXXIII. Anno Domini 1599. Christianos illos D. Thomæ lustrat atque illustrat insignis Augustinensis alumnus Alexius de Menezes, eorumque reformationem aggreditur, quam coacta Diamperitana Synodo plenissime perficit; atque ipsorum eo tempore religio atque errores accurate describuntur LXXIV: LXXV: LXXVI: LXXVII: LXXVIII: LXXIX: LXXX. Synodi irrisor Croæus, eorum Christianorum erroribus, Romanis pares ineptissime appingit LXXXI.

LVIII.



Uam a S. Thomæ acceperunt fidem, atque religionem Indi; (quod tanquam verissimilimum, cum melioris notæ Scriptoribus a nobis est assertum) ipsam illibatam, ac integram, usque ad ævum Nestorii eisdem conservasse, omnino compertum arbitramur; præsertim rejecta fabula illa, de conversione earum gentium, facta a Thomæ Manetis Discipulo; etenim neque leve vestigium Manichæismi inter illos usquam potuit reperiri; quod impossibile fere esset, si semel ipsi Manetis erroribus quoquomodo fuissent imbuti; quod etiam adnotavit eruditissimus le Brun in *Exposit. Mis. rom. 3. Edit. Veroneu. ad Liturg. Nestorian. art. 4. pag. 183.* Cumque neque hujus Thomæ Martyrium (quod nullum fuit) apud eas gentes unquam in veneratione, aut in memoria habitum fuerit; reliquum est, quod solius Thomæ Apostoli fide, atque nomenclatura illæ præfulserint.

Enim vero ante medium sæculi IV. habentur Monumenta Christiana-

B b b a

na

nae Religionis Indorum, iisdem in locis, in quibus postea meminit ejusdem florentis seculo VI. Cosmas Indicopleustes. Auctor etenim, qui acta Concilii Nicæni ordinavit, inter Episcoporum subscriptiones, oblationem etiam affert Joannis Episcopi Persidis, & Magnæ Indiæ: *Ἰνδία: Ἀπὸ τοῦ Νικαίου. Πρωτ. 2. C. 28.* Nec id accipi valet de India impropria, aut in significatione latissima; quandoquidem Theophilus Indus, missus à Constantio ad Homeritas, aut Arabiam felicem; ad propria dicitur remeasse, videlicet ad *Divu* Insulam, (a) ut habet Philostorgius; quam arbitrantur eruditi, fuisse Insulam Ceylan; & ex qua deinde ad continentem Indiam appulit, quo earum Ecclesiarum ritus observaret. Accedit, quod ex his, quæ Cl. Gottifredus *ad tit. 4. Codicis Theodos.* super hoc adnotavit, videtur omnino confici, Christianam religionem; jam diu ante Nestorium apud eos Indos floruisse; ut breviter animadvertit le Brun *pag. 185.* loco mox laudato. Unde ad ea usque tempora credendum est, eos Christianos, sicuti in fide, ita & in religione, moribus, atque ritibus communia ceteris Christiæ Ecclesiæ dogmata, atque cultus & vitæ consuetudinem retinuisse.

LIX. Superest igitur, ut de moribus ac ritibus Christianorum Sancti Thomæ, qui inter eos posterioribus ad Nestorium seculis vigeant, sermonem instituamus; & quamquam id animo infederat, nempe mores profanos a sacris sejungendo, agere de istis singillatim, servata tantum rerum serie, nec habito respectu ad ordinem temporum, aut chronologiam; quasi non admodum utile futurum videretur scire, quid quo tempore, vel observatum, vel desuetum esset; quia tamen agendum nobis est cum la Crozeo religionis reformatæ non inerudito homine, qui libello de *Christian. Indiarum*, mole quidem exigua, invidentia autem ingenti, nescimus quo stimulatus œstro; tum omnia à Menessio, & Christianis S. Thomæ in Synodo Diamperitana acta, tumultuose impetit; tum etiam ex non ulu aliquorum Sacramentorum, & rituum apud eas gentes, sicuti & ex ignoratione multorum dogmatum veræ fidei, perfricta prius fronte, & dogmata, & Sacramenta nostra de novitate insimulare audet; quasi in Ecclesia Indica, adeo antiqua, nullo unquam ævo nota fuerint, eo quod tempore Menessii, ipso fatente, ea prorsus non erant in usu; omnino, inquam, necessarium duximus, mores eorum, atque ritus, servato exactè ordine temporis, prout nobis Scriptores Indicarum rerum suppeditaverint, describere; immo & pluraciter exscribere: utroque enim fiet (quod maxime adversus illum intendimus) nimirum, quod dilucide constet omnibus, & dogmatis, & disciplinæ Ecclesiasticæ doctrina de quacunque re, quo tempore defuerit apud eos; quo etiam errores adversi inciperint; ne ut ille conatur, aut novitas erroris, antiquitas dicatur; aut antiquitas veri dogmatis, novitas vocetur.

Co-

(a) Aut fortasse cum teste Gemelli in *Itiner. tom. 3.* reperiretur in India, altera *Divu* potius ad istam rediit Theophilus per-
scrutaturus Indorum mores, quam ad Insu-

lam Ceylan: quod enim *Divu* aut *Dive* significet Insulam, infirmum videtur fundamentum ad asserendum, illum appulisse Ceylan.

Cosmas igitur (a) Aegyptius, dictus Indico-pleustes, qui floruit seculo posteriori ad Nestorianum Schisma, quique primus omnium, quos novimus, de Christianis Indis sermonem texuit; diserte scribit in *Topog. Christian. lib. 3. pag. 178.* quod in Taprobana Insula ad interiorem Indiam, ubi Indicum Pelagus extat, erat Ecclesia Christianorum, ubi clerici, & fideles reperiiebantur; an vero essent ulterius (forte loquebatur de Sinarum regione) se prorsus ignorare: ceterum in Male, ubi gignitur Piper, plane reperiri; in Calliana vero Episcopum esse, qui in Perside ordinari solebat. Idem ait contingere in Insula Dioscoridis (nunc Zocotora) in eodem Mari Indico sita, ac in ea clericos reperiri, ex Perside, ubi ordinantur, eo transmissos, ibi etiam Christianorum multitudinem versari; itemque apud Bactros, Hunnos, Persas, & reliquos Indos Ecclesias infinitas esse; Episcopos item, atque Christianorum Populos, magno numero; multos etiam Martyres, Monachos, & Hesychastas; sunt autem *Hesychasta* Religiosi Silentarii, qui a reliquis Monachis semoti, quieti, atque otio devoto indulgent.

LX. Plane laudatus scriptor omni exceptione major habetur; etenim, ut ait P. Montfauconius in *præfat. ad ipsius Topograph.* Aethiopicas maxime, Arabicas, & Indicas Regiones, nec Strabo, nec Ptolemæus, nec veterum quispiam tam accurate nosse potuit, quam Cosmas, qui multis annis præsens locis fuerat, & mira sagacitate Nationum consuetudines observabat. Ex ipsius ergo relatis verbis constat: primo antævum Cosmæ extitisse in Regionibus Indiæ propriæ, Ecclesias Christianorum, & Clericos: secundo in Calliana fuisse Episcopum, qui ab Antistite Persidis ordinabatur: tertio Monachorum extitisse Collegia, in quibus congregati degebant; sicuti & Bremitas, aut Hesychastas, qui soli vitæ contemplativæ vacabant: quarto denique Diaconos fuisse in illis Ecclesiis, ut ipse ait *pag. 337.* cum Presbyteris, & aliis Ministris, qui omnes e Perside mittebantur: *Extat etiam Ecclesia Christi adæoniam ex Perside, ac Presbyter in Perside ordinatus, Diaconus item cum reliquo Ministerio.* Quæ meminisse juvabit, ut sequenti Dissertatione, la Crozei machinationes omnino corruant.

LXI. Notat autem, & quidem optime Montfauconius in *Præfat. ad Cosmam §. 3.*, & cum eo le Brun in *liturg. Nestor. art. 2.*, quod omnes Indorum Ecclesiæ, ab Ecclesia Persidis dirigebantur, cujus Archiepiscopus Nestorianus erat, ut alii omnes Episcopi, & Presbyteri eidem subditi: unde inferri videtur, eo jam tempore Christianos Indos lue Nestoriana infectos fuisse; etenim Nestorii errores in Concilio Generali Ephesino confixi, anno 431. protervos defensores nacti sunt; maxime Alexandrum Episcopum Jerapolitanum, atque Metropolitanum Germaniciæ, quæ Patria erat Nestorii; immo & Ibas aliquando Nestorianis adhærens, non parum ipsorum doctrinam promovit, factus Edessæ Episcopus.

(a) Cosmam istum Nestorianis adjudicat Grozeus in sua *Hist. Ind.* a *pag. 27.* mirum autem videri posset, quod sagacissimum, atque natis emunctæ Viro Montfauconio,

operum Cosmæ editori atque illustratori hæc lues non suboluerit, illius sententias expendendo, atque pertractando; verum canis sagacius canes odoratur.

Episcopus anno 435. in cujus schola publice doctrina illa, quæ *Persica* vocabatur, valide propugnata est. Ceterum vita functo Iba, Imperatores (destructa schola Edessena) Nestorianos omnes illinc excedere iusserunt. At cum Nestoriani, scripta Theodori Mopsuesteni, Syriace, Persice, & Armeniace transtulerint; illico ipsorum errores, Provincias Imperii Persici pervaserunt; & præsertim Mosopotamiam, Seleuciam item, & Ctesiphontem, Assyriorum Urbes. Cum autem Seleucia ad Tigrim sita, quæ eadem est cum (a) Babylone, de qua loquimur, & in qua Patriarcha, seu Catholicus Nestorianorum suum erexit Thronum, diversa sit ab alia Babylone, ad Euphratem posita, quæ multis antea seculis solo erat æquata; ab illa quidem Episcopi mittebantur, ad Indiam nostram. Erat autem tunc ista Babylon caput Regni Persarum, quam Arabes *Madajeno Cosra* id est *Urbem Chosroes* vocant: ubi obiter castiganda est Epistola Longhervæ ad eruditissimum P. Pagi, apud le Brun *ubi supra* art. 3. qui dictam fuisse vult *Madayeno Castra*.

LXII. Babylon vero ista, Seleucia, & Ctesiphon unum idemque significabant; id est Urbem Cosroæ, seu Urbem Regum Persiarum, qui nomine *Cosroæ* apud Arabes appellantur. De isto Catholico intelligendi sunt Canones Arabici supposititii 38. & 39. quanquam hic, Seleucia appelletur *Almodajon*: quæ lectio retinenda videtur, atque præferenda Labbæi lectioni, qui posuit *Almodaion*; immo & Montfauconii, qui Labbæum castigat, substituendo vocem: *Almadaion*; at non bene uterque; tum quia conformior est vox *Almodajen* modo proferendi Arabice litteræ *i* per *j*, ut ab Hispanis pronunciatur, sicut *ad* Hebraicum cum aspiratione, & sine Dagesch; tum etiam, quia ita scriptum reperitur ab eruditissimo Abraham Ecchellenfi (b); ut videre est tom. 1. *Concil. Gener. Cl.* Viri Josephi Catalani, nec sine laude recensendi, quippe, qui in Canonum, & Sacrorum rituum disciplina, sagacissimus habetur veritatis indagator, atque ejusdem ingenuus, apertusque cultor. Dirutis autem postea in Sarracenorum irruptione Urbibus Cosroes, Catholicus Seleuciensis, aut Patriarcha Babylonicus, sedem transtulit in Urbem Mausel (c), non

(a) Babylone solo æquata, Seleucia intra nonagelimum ab ea lapidem surrexit, ut ait Plin. *lib. 6. cap. 26.* auctore Seleuco Nicatore; nomine tamen Babylonis, Bagdadensem Urbem recentiores appellant. Patriarcha Nestorianorum Titulum Babylonis gerit; quique olim Seleuciæ & Ctesiphontis erat Metropolitanus. Et quidem Seleucus ille, teste Appiano *pag. 261. novem Urbes, de suo nomine Seleucias appellatas, condidit*, quarum 1. est nostra Seleucia Babylonis, ad Tigrim; quæ olim *Cocbe* dicebatur; a Syris *Selik* & Arabibus *Selikia*.

(b) Consonat Afteman. *Dissert. de Syr. Nestor. pag. 777.* qui ait, istam Seleuciam

vocari Arabice non tantum *Selikia*, verum etiam *Madajen*; etsi hæc vox proprie utramque Urbem, Seleuciam nempe & Ctesiphontem significet. Quod autem præponitur *ly Al* significat magnitudinem rei, cui illa adjungitur præpositio: & etiam *Urbem*: & *Madajen* aut *Maddina*, & *Medinata* idem est ac *bina Urbes* scilicet Seleucia, & Ctesiphon. In ordinatione Patriarchæ Nestorianorum, hæc dicunt Episcopi ordinantes eum ordinatum dare: *Huic sancta Sedi, in ista magna Cochensî Ecclesia, quæ est in Seleucia & Ctesiphonte Arfacidarum Urbibus &c.* In Cod. Syr. *Vatican. 14. fol. 129.*

(a), non procul a veteri Ninive. Ex Castello in *Thesauro Heptaglotto* Mausel sita est, in occidentali ripa Tigris, cui in Orientali opponitur Ninive. Hæc aliquanto fusius adnotavimus, tum ne legenti, ex Urbium omonymia aliqua æquivocatio subrepat; tum & potissimum, ut ea luce facilius intrusi apud Indos Nestorianismi Epochæ, indagari valeat.

LXIII. Ab ævo Cosmæ, deveniendum est ad annum 1203. in quo cælo à Tartaris proprio Rege, nostram ipsi invadentes Indiam, ut scribit Vincent. Bellovacen. in *Fragment. apud Reinec. pag. 135.* ea potiti sunt; atque interfecto Indiæ Rege David Presbyteri Joannis Imperatoris Indiæ (Tartariæ finitimæ) filio, constituerunt Regem Chingiscam; qui filiam David uxorem accepit: hujus Consiliarius ac Pœnitentiarius factus fuit Rabbanata, Monachus Nestorianus; qui tamen a Patribus Dominicis, detectus fuit postea insignis impostor, & Hæreticus; ex quibus apparet Christianismum tunc temporis apud eas floruisse gentes. Deinde ad annum usque 1259. aut circiter; quo potissimum tempore scripsit suam Historiam Marcus Paulus Venetus; nullam habemus notitiam Christianismi Indorum; quam autem ex hujus scriptis haurire potuimus hæc est; ut ipse habet *lib. 3. cap. 23. & 24.* nimirum quod in Provincia *Mabar*; quæ & India Major appellabatur; quinque extabant Reges; in primo autem Regno, nomine *Var* erat tunc Rex *Sanderba*: in qua Provincia ferebatur fuisse occisum Divum Thomam Apostolum, Corpusque illius adhuc in quadam conservari Ecclesia. Apim præterea (ait) Indos adorare, seu Bovem, atque ut rem Sanctam Boves habere, neque ullum occidere; immo eorum adipe suas linire domos; cujus adhuc rei vestigia permanent hodie, dum stercore vaccæ etiam ad ora decoranda utuntur Christiani illi; ut in relationibus de rebus Madure legi potest: illud addit, multos ibi esse Magos, & incantatores, *complura etiam Monasteria, in quibus Idola coluntur.* Capite autem 27. cum retulisset ibi quiescere Corpus Divi Thomæ, ait ibi esse multos Christianos, debito honore Sancti Apostoli venerantes Corpus; quod etiam a Saracenis ejusdem Indiæ fieri testatur; addit insuper, apud eos illum vigere morem, *ut Christiani a longe venientes, & Sancti Corpus visitantes, asportent secum de terra illa, in qua Vir Sanctus occisus dicitur, & de ea in potum missa faciant bibere infirmos; & credant, illos hinc melius habere, atque a diversis liberari infirmitatibus.* Et continuo subjungit miraculum, quod posteriori tempore accidit, anno videlicet 1287. ad ejus tumulum, cum occupata a Rege illo Ecclesia S. Thomæ pro recondenda oryza, aut riso, terribili visione ipsi Sanctus apparens minatus fuit supremum exitium, nisi cito citius Ecclesiam evacuasset; quod fecit, *de qua (ait) visionem Christiani latificati, Deo, & Sancto suo gratias egerunt.* Meminit etiam

(c) *Mausel* Arabice alias, *Mosul* *Musal*, & *Mozal*; est Urbs ad Tigrim in Mesopotamia, e regione antiquæ Ninivæ sita. Ecclesia fuit Episcopalis deinde Metropoli-

tana; quæ aliquando Adiabenicæ, seu Arbelensis Ecclesiæ reperitur unita, & rursus ab ea separata.

etiam Insulam Indiæ, quam Scoïram (a) vocat; cuius incolæ Christiani sunt, & habent Archiepiscopum. Huic etiam Archiepiscopo subiectus erat Episcopus quidam Insulæ, quam vocabant (b) Masculinam, quia ibi Viri per novem menses separati a feminis degebant, quæ seorsum etiam a Viris, proximam illi incolebant Insulam; atque omnes erant Christiani, & proprium habebant Episcopum, qui etiam ipsis erat loco Regis *Viri* (inquit cap. 37.) *Regem non habent, sed Episcopum, suum Dominum agnoscunt*: cui rei consonat, quod Massæus; alique Scriptores asserunt, nempe Episcopos Angamalenses plenam, & supremam habuisse auctoritatem in Christianos Sancti Thomæ, ut diximus *Cap. 1. Hist. Syn. Diamperis*. & infra recolendum est.

LXIV. Anno deinde 1300. quo floruit Haythonus, Monachus Præmonstratensis, atque Regis Armeniæ consanguineus, quique Historiam de rebus Orientalibus scripsit, in illarum regionum cognitione versatissimus, *Cap. 6.* ubi agit de Regno Indiæ, scribit, quod *in eo Regno prædicavit B. Thomas Apostolus fidem Christi, ac multas ibi convertit gentes, & Provincias, sed quia distant multum ab illis terris, in quibus fides colitur Christiana, ibi fides nostra est multum diminuta, nec est ibi nisi quædam Civitas, in qua habitant Christiani, omnes vero alii fidem Christi totaliter reliquerunt*. Unde videtur loqui de Civitate *Mappur*, aut *Melapor*, ut hodie vocatur; atque perspicue inferri, quod priori seculo plures ibi religionem Christianam colebant, quam postea omnino abjecerint. Quod autem animadversione dignum putamus, illud est, nihil de Nestoriana lue eodem tempore apud Indos memorari; forte ex hoc fieri videbitur, contra quod communiter creditur, serius quam putamus, eos in Nestorianos incidisse errores; eo quod, sicut hic scriptor loquendo *cap. 11.* de Regno Chaldeorum, ait de indigenis: *Illi qui in Chaldaea habitant Nestoriani vocantur, quia sunt in errore Nestorii, & literas habent Chaldaicas*; profecto illud dicere non omisisset, si Indi eodem errore jam essent infecti; at hoc aliis dijudicandum relinquimus: maxime si sequentia perpendantur; etenim Anno 1330. quo floruit B. Odoricus Ord. Minor. in *Hist. Itineris sui apud Bolland. die 14. Jan. de Malabar*, quod *Mobar* vocat, scribit: *In hoc Regno positum fuit Corpus B. Thomæ Apostoli, Ecclesia vero ejus nunc Idolis plena est; juxta quam quindecim domus Nestorianorum sunt, qui sunt Christiani, sed pessimi Hæresici*. Obiit autem B. Odoricus vel Ordericus anno 1331.

LXV. Ab

(a) Non recte ab hoc auctore appellatur illa Insula *Scoïra*; nec rectius ab aliis *Scoïra*; quæ *Socotora* aut *Zocotora* nobis est; præcis *Dioscoridis Insula* in Oceano Aethiopico, ad ostium sita sinus Arabici. Quod autem ait Paulus, in ea Insula extare Archiepiscopum, id porro ad posteriora pertinet sæcula; nam ævo Indico-pleustes scilicet anno 535. aut circiter, Clerici tantum ibi memorabantur, qui illuc mittebantur, cum prius in Perside ordinati essent,

nisi dicatur cum P. le Quen *tom. 2. col. 1257.* Clericos apud Indico-pleusten, Episcopos designari a Perside illuc missos. Deinde illi Insulæ Episcopus datus fuit, Persarum Metropolitano subiectus, juxta Tabulam Eliæ Damasceni apud *Assem. tom. 2. pag. 460.*

(b) Insulas istas *Masculinam* & *Feminam* in plures fabularum deponimus, quousque id nobis meliores attestentur auctores.

LXV. Ab anno 1331. usque ad annum 1498. quo Lusitani oras Indicastenuerunt, nullam eorum Christianorum notitiam habemus; qualis autem esset Religionis ipsorum status ævo illo, perspicue cognosci valet ex scriptoribus, qui eas regiones postea viderunt, qui plures sunt, atque locupletissimi testes. Et primo Aloysius Cadamustus Venetus, (qui anno 1493. Hispania solvit) scribit in *Navig. Cap. 52. & 53.* tandem se pervenisse ad Urbem Christianorum pergrandem, quæ magnitudine superabat Ulyssiponem, quam Calechut appellabant: hanc colli ab Indis Christianis; ibi templa complura esse, & tintinabula; verum Sacerdotibus, & cultu Divino carere, inque iis delubris dumtaxat inveniri vasa quædam, aqua cum balsamo plena; singulisque trienniis gentes illas baptizari flumine quodam, quod Urbem præterfluit, ubi templa ex latere coctili, & calce, more Maurico conspiciuntur extructa. Et *Cap. 58.* ait, Christianos illos equitare in Elephantibus, & credere Christum natum ex Virgine Maria, neque peccasse unquam, & à Judæis Crucifixum, atque mortuum, & Hierosolymis sepultum. Papam vero sciunt Romæ degere; nec aliam sanctæ Romanæ Ecclesiæ notitiam habere.

LXVI. Petrus Aliares, qui anno 1560. a Rege Portugalliæ trophæum accepit, ut ad Indos peteret Orientales; ut habet Cadamustus *cap. 63. Navigat. sua* nonnulla scripsit, quibus non absimilia habentur in *Epistolis*, quæ *cap. 125. & sequentibus* leguntur in *Navig. Alberici Vespulii Editionis Basile. Hervagii*; nimirum ex Calechuto devenisse ad proximam Insulam, ubi Divi Thomæ Corpus quiescebat, Insulæ Dominum, (a) Christianos advenas honorificentissime excepisse, & Sancti Corporis Reliquias in specimen amicitiae illis dedisse.

Anno deinde 1561. Joseph quidam Indus, e Cranganore cum aliis Lusitanis Ulyssiponem applicuit, e cujus relatu habetur, *eodem libro cap. 130.* duplex hominum genus tunc Cranganorem incoluisse; alterum Christianorum, Gentilium alterum; Urbem istam trifariam dividi; Primores, id est Patritios, ac primæ classis Viros, sua lingua *Naires* dici. Secundo loco homines esse nullius fere census, atque proletarios, quos *Canes* suo Idiomate appellant. Postremum locum tenere abjectissimos homines, qui *Nuiram* eorum lingua vocantur. Atque istos adeo Nobilibus invisos esse, ut si forte eos obvios habuerint, nisi fuga sibi consulant, pessime habeant. Privas tribus, priva (ait) habere delubra; Mulieres etiam alia habere Templa, quæ viri non adeunt. Loco primitiarum, fruges varii generis Deo offerre. Illos Deum Cæli adorare, eumque Trinum (b) credere, atque propterea trifontem eum sculpere, quem *Tambram* nuncupant. Plura deinde addit de ritu sacrificandi ipsorum.

C c c Gen-

(a) Frequentes adsunt Urbes & vici in oris Coromandelicis, & Malabaricis, quæ vocantur Insulæ; quin propterea intelligendum sit, longo eas a terra intervallo contra pelagus esse; etenim tantum ita dicuntur, quia fluminis alicujus intercape-

dine, a continenti disjunguntur; cuiusmodi est *Goa* &c.

(b) Trinam adorare divinitatem, vel tres Deos Indorum gentes, compertissimum est. Horum primum appellant *Brama*, aut *Biruma*, & Malabares *Birouma*, atque

Gentilium, quæ onittimus. Deinde de Christianis scribitur, ab Ormutio ad Cranganorem usque nullos esse. In India vero plures esse Reges, qui Christum norunt; Christianos etiam Cranganoris, qui in magno sunt numero, vectigal pendere Regi Gentilium, tum pro Aedibus, tum pro rebus aliis tributum illi solvere. Christianos habere delubra nostris non absimilia; ceterum solas Cruces inibi conspici; Sanctorum Imagines haberi nullas; Tempia concamerata esse, sicut nostra, atque in ipsorum crepidine Crucem prægrandem collocare consuevisse, sicut nos. Et quia nulla habent tintinnabula, Populum ad Divina vocare, Græcorum more. Christianorum Populos habere magnum Antistitem, ipsique adstare Cardinales duodecim, Patriarchas duos, Archiepiscopos vero, & Episcopos complures. Referebat præterea ipse Joseph se cum quodam Episcopo a Cranganore solvisse, atque in Armeniam majorem contendisse, ad suum Magnum Pontificem, a quo illum Episcopatu, ipsum Presbyteratu, decoratos fuisse asserbat.

LXVII. Addit præterea, Christianos illos, tam Indos, quam Catayos illum Pontificem appellare *Catholica*, ipsumque tonsuram Capitis in modum Crucis efformatam gestare; ab ipso etiam duos præfici Patriarchas; alterum pro India, pro Catayo alterum; Episcopos item prout opus fuerit, in Provincias mitti. Quia tamen ambigi posset jure merito, qua auctoritate ea munera præstet *Catholicus* ille, adjungit scriptor rerum Josephi Indi, laudatum Josephum de jure interrogatum Romæ ab Alexandro VI. his verbis respondisse: *Olim Petrum Apostolum Antiochia Prefectum fuisse, & cum Sancta Romana Ecclesia Schismate laboraret atroci, duce Simone Mago, Sanctus Petrus accersitus est Romam, ut Simonem confunderet, & laborantibus Christianis non deesset. Hic itaque, Petrus non prius solvit Antiochia, concessurus Romam, quam Vicarium Antiochia præficeret; & is est, qui Orientalem plagam moderatur, & dicitur Catholica, geritque Petri vices; hunc vero Catholicam præficiunt Cardinales duodecim in Armenia, & id jactant auctoritate Romani Pontificis facere.*

LXVIII. Quoad ipsorum ritus agebat, apud eos esse Sacerdotes levitas, & Hypodiaconos; Sacerdotes non ferre tonsuram, sed nonnihil capillorum in summa parte Capitis habere; Infantes non baptizari ante quadragesimum diem sui ortus, nisi morte ingruente; Sacramentum Pœnitentiæ, & Confessionem sicut nos habere; Eucharistiam sacram sumere; Extremam Unctionem non habere; ejus tamen loco Corpora benedicere. In Templorum ingressu aqua benedicta sicut nos aspergi; Corpus Christi, & Sanguinem consecrare in azymis more nostro; si pa-

nis.

Bramam istum, Mundi creatorem venerantur, & ab ipso Sacerdotalis Tribus *Brachmanum* vel *Braminum* vocatur. Secundus est *Isuren*; ejus familia vaccino stercore decoratur. Tertius *Vishnou* ejus cultores signis totæ pubæ, aut candentis ferri, insigniuntur. Atque tamen sub Judice his

est, de superioritate istorum trium; dum alii stant pro Brama, isti pro Isuren; pro Vishnou, illi; sunt etiam qui in tribus simul sanctis Supremum esse agnoscat. Videtur; eorum figuras horribiles, apud Cæzæ; à pag. 4. 9.

nis adfit non fermentatus: ubi vero regio non fert vinum, uvas passas immergere aqua, quarum expresso succo, ad Consecrationem utuntur: funera prout nos curare, atque humare vita functos; immo pro sepultura officio, multos convenire, atque per octiduum simul commessari; peractis vero epulis preces effundere supremas. Testamenta etiam torquere: Ubi vero aliquis intestatus decesserit, gradu proximiorē defuncto hæredem esse: eorum conjuges viris vita functis, cum dote abire in paternas ædes; ita tamen ut intra luctus annum non nubant. Præterea ut ibi additur, quatuor Evangelistas agnoscunt, totidemque Evangelia colunt; observant Quadragesimam, & Adventum jejuniis, & Orationibus per quam diligenter: atque a die Parasceves usque ad diem Paschæ, omni cibo abstinent; in Hebdomada Sancta nocte Feriæ sextæ Orationibus, & concionibus sacris jugiter insistant. Hæc etiam per annum festa servant (a); nimirum diem Resurrectionis cum duobus sequentibus; Octavam etiam Diem Paschæ, qui supra modum ipsis solennis est, quippe qui affirmant, ea die Divum Thomam in latus Christi manum intulisse, diem deinde Ascensionis eximie colunt; Festum etiam Trinitatis, Assumptionis B. Virginis, Nativitatis, & Purificationis ejusdem: Nativitatem Christi, diem Epiphaniæ, & omnium Apostolorum; dies etiam observant Dominicos. Primam vero Julii, mirum in modum colunt, in memoriam D. Thomæ non tantum Christiani, verum etiam Gentiles. Habent Cœnobias, ubi continentissime vivunt Monachi nigri; habent etiam Sanctimonialia quamplures; Sacerdotes vivunt castissime, & si qui comperti fuerint incontinentes, mox a celebratione Missarum interdicuntur. Divortii minime utuntur; morigerati maxime; sed usque ad ultimam diem vitæ, cujuscumque conditionis fuerit Matrimonium, perseverat: ter in Anno Populus Sanctissimam accipit Eucharistiam. Doctores habent egregios, eosque eruditissimos; literarum enim studia ibi plurimum vigent; Prophetarum lectione utuntur; immo (ut habetur ex eodem Josepho) ibidem plures floruerunt Sancti Doctores, qui vetus, & novum Testamentum cordatissime explanarunt: utuntur præterea lineis tunicis; annum, ut nos in Menses duodecim dividunt, & habent intercalarem diem; verum dies partiti sunt in horas Sexaginta; quas interdum aspectu solis; noctu vero Stellarum

C c c 2

rum

(a) Observantiores esse fertur Orientales Nestorianos, circa jejuniis; etenim præter ferias IV., & sextas totius anni, ista septem colunt jejunia. I. Quadragesimale jejunium; a Dominica Ingressus jejuniis quam nos Quinquagesimam vocamus per septem integras hebdomadas. II. Apostolorum per totidem septimanas a feriâ 2. post Pentecosten. III. Jejunium Migrationis B. Virginis a Kalendis Aug. usque ad 15. aut Assumptionem. IV. Jejunium Eliæ seu Crucis per septem hebdomadas a Dom. 5. æstatis. V. Jejunium Nativitatis seu Annuncia-

tionis per quatuor hebdomadas a Dom. proximiori Kalendis Decembris. VI. Jejunium Niviti. seu Rogationis per tres dies a feriâ 2. ante 18. dies quadragesimæ, usque ad matutinum feriæ. Tandem VII. Jejunium Virginum tribus post festum Epiphaniæ diebus. Hæc tamen disciplina hodie paululum immutata est; & jejunia Eliæ & Virginum omnino tablatæ sunt.

(b) Ordinem festorum & Dominicarum Nestorianorum jussu Jesu ibi Adjabeni depositum lege apud Asseman. tom. 4. p. 380.

rum intuitu discernunt. Denique *cap. 139.* ait, quod in Regia Calechuti quæ est instar Theatri, sunt aulæ quatuor prototidem Nationibus; nempe Indis, Mauris, Judæis, atque Christianis, in quibus uniuscujusque harum Nationum causæ cognoscuntur; præterea etiam ait, quod, in *Milapar* est Corpus Divi Thomæ, cujus Ecclesia similis est Templo Sanctorum Joannis, & Pauli Venetiarum. Hæc ex illo Josepho Indo Cranganorensi, cujus meminimus in Hist. Synodi Diamperitanæ, accepimus; an vero studio Patriæ abreptus, nonnulla e penu propria gratis depromserit, eruditione valentes judicabunt.

LXX. Anno 1500. aut circiter (quo tempore floruisse videtur) Ludovicus Vartomanus Bononiensis, dictus etiam Romanus Patritius, quique nostram Indiam diligentissime observavit; asserit *lib. 6. Sux Navigat. cap. 2. apud Collectionem Hervagii*, se vidisse in Calecut nonnullos Christianos, qui memorabant, Corpus D. Thomæ non longe ab ea Urbe, id est ad duodecim millia passuum extare; atque Sancti Corporis custodiam, quibusdam Christianis delegatam esse; eo autem tempore male ibi accipi Christianos, postquam Rex Lusitanus arma iis gentibus intulit; quamquam Regi Narsingæ cari semper existerent, eo præsertim, quod ante quadraginta quinque annos, cum consensissent manus Christiani cum Mahumetanis, Christianus quidam, sauciato lacerto, ad Divi Thomæ Sepulchrum contendit, qui eo tacto statim convaleuit, a quo maxime tempore, Rex ille Christianos impense favere cœpit. De statu autem illorum Christianorum clariores firmioresque notitias habuimus postquam ab anno 1500. frequentiora itinera institui cœperunt a Lusitanis ad Orientalem Indiam: illorum igitur Religionem, & mores, prout ipsis Lusitanis comperti eo tempore fuerunt, describendos suscipimus, servato Scriptorum Ordine, qui de illis pertractarunt; ab eo inquam ævo, usque ad tempus, quo studio Menessii ad Catholicæ Ecclesiæ finem redacti sunt.

LXX. Igitur Petrus Mafeus e Societate Jesu, qui suam historiam, edidit anno 1588. quam maxime consonat cum iis, quæ Olorius Episcopus Silvensis, paucis antea annis ediderat, in *Hist. de rebus Emanuelis*; atque ab istius notitiis exordium ducentes, legimus *lib. 3. fol. 83. editionis apud Brickmannum 1586.* Regionem Narsingæ a Christianis illis etiam coli, qui Thomæ, fidei disciplinam acceptam referunt, & quam in tanta temporum varietate, Regnorum commutatione, & in adversis rerum vicibus, invicta semper fide, & constantia retinuerunt; in ora etiam Regni Narsingensis, Thomam sepultum fuisse; cujus etiam Templum, non a Christianis tantum, verum etiam a Saracenis, ac reliquis Ethnicis habetur Sanctissimum. Illorum autem disciplinam persequitur, *ubi fol. 107.* de Cranganorensibus agit; asserit autem, quod Christiani habent Tempia, at non satis eleganter extructa, eo quod tenues sunt illis opes. Diebus Dominicis in Templum conveniunt, ut Sacris interfint, & Conciones audiant. Summus eorum Antistes in Montibus, qui ad septentrionem spectant, a Mari disjunctissimis, in Chaldææ Regione Sedem habet. Is cum duodecim Cardinalibus, & duobus Patriarchis,

mult.

multisque Episcopjs, qui in consilium similiter adhibentur, omnia, quæ ad religionem faciendam pertinent, decernit. Huic omnes Christiani Orientales obtemperant. Sacerdotes in capite ita sunt attonsi, ut Crucis (a) imaginem in vertice Summo contineant; Vino etiam utuntur in Sacrificio Missæ; ex uvis passis expresso.

LXXII. Omnibus sine discrimine Eucharistia sub utraque specie porrigitur; nemo tamen ad eam sumendam accedit, nisi, præmissa Confessione, animæ sordes eluerit. Infantes ante quadragesimum diem non baptizant, nisi vitæ discrimen adsit. Dum quis periculoso premittitur morbo, invisitur a Sacerdote, cujus deprecatione, alleviari confidunt ægrotum. Ad ingressum Templi lustrali aqua, ut nos, asperguntur; eodem etiam ritu mortuos sepeliunt, quo tempore cognati, & affines per Octo dies convivia celebrant, deinde pro sempiterna eorum salute, Christum deprecantur. Viduæ quæ ante luctus annum nupsierint, dotem amittunt. Sacra Biblia Syriaco idiomate, quod Chaldæum nominant, scripta habent, & colunt; loca etiam sunt publica, in quibus Interpretes Scripturæ, ipsorum intelligentiam, diligenter audientibus expediunt. Adventus, & Quadragesimæ jejunia exacte observant; festa etiam summa cum Religione, & solennitate celebrant. Eandem anni computationem, cum intercalari die quarto quoque anno, ut nos observamus, diligentissime retinent. Kalendas Julii non Christiani tantum, sed etiam Indigenæ Gentiles in D. Thomæ honorem, perquam festivas habent. Extant præterea apud illos, & Monachorum Sodalitia, & Virginum sacrarum cætus; ædibus tamen (b) semotis includuntur; atque ab illis, summo studio, pudicitia conservatur. Sacerdotes Uxores ducunt; prima tamen mortua Uxore, nuptiis interdicuntur. Ceterorum Matrimonia sola alterutrius conjugis morte dirimuntur. Hanc morum institutionem a tempore Apostoli Thomæ repetunt, non solum Cranganorenses, sed plurimi alii Christiani, qui sedes habent in India; illius autem Corpus in Malipur, Regni Narisingæ Urbe asservatur, atque plurimis Miraculis effulget. Quam bene ista omnia, quæ habet Oforius, cum iis, quæ ex aliis retulimus, & maxime ex Ludovico Vartomano, cohæreant, nemo non videt.

LXXIII. Maseus deinde *lib. 2. Histor. Indic. fol. 31.* appulsum describit Lusitanorum in Indiam Duce Gama, cui Cochimo existenti, legati affue-

(a) Joseph Judus in *Navigat. cap. 137* suo tempore testatur, Patriarcham Nestorianorum, similiter in formam Crucis attonsum esse. Hodie neque tonsura, nec veste a Laicis eorum Clerici discernuntur; in quo, testibus Barhebræo, Margensi, & Amro, ab antiqua disciplina discedunt. Cl. Thomasin. *tom. 1. De Disciplin. lib. 2. cap. 44* asserit, per priora octo secula, nec veste neque vestis colore in Oriente Clericos a Laicis potuisse distingui.

(b) In Monte Libano communibus con-

tinebantur ædibus Monachi & Moniales usque ad annum 1736 dum in Synodo ad Loaysam sub D. Assemanio Papæ A legato; id fuit vetitum; & contradictores repressi anno 1741: confirmato Canone a Bened. XIV. Ceterum id erat antiquissimi moris, in plurimis Orientis Regionibus; constat enim quod in ædibus Parentum S. Greg. Nysseni, viri incolebant anteriorem partem, & interiorem Sacra Virgines cum Sancta Macrina: Vide Bellan. 9. Martii pag. 6. num. 12.

attuere a Christianis Cranganorensibus, ex illis, quos Apostolus Thomas ad sanam Religionem, ac fidem, a Bracmanum fabulis, & impura superstitione traduxit. Refert etiam traditionem eorum, de prædicatione Indica, & Sinica D. Thomæ; de ejus Martyrio, & Sepulchro, prout in Dissertationibus scripsimus; quæ omnia ait, sciscitantibus Lusitanis, eos non e fama solum id se scire, sed etiam e veterum annalibus edidisse; quinimmo, pueros Malabaricos, & Thomæ laudes, & ipsius Martyrium patrio carmine, ex more decantasse. Addebant D. Thomam, cum tribus Magis, qui monitu Sybillæ Indicæ, & Stella duce Christum adorare natum, colloquutum esse; in iis autem ait cautissime Maseus, se suam interponere sententiam in rebus tanto locorum, & temporum intervallo distitis non audere; satis tamen constare, Thomam in Coromandele, ad Gangetici sinus tractum, martyrii palmam tulisse; atque ab ipso ingentem hominum multitudinem, variis Indiæ dispersam Regionibus; ad hæc usque tempora, Christi nomen, fidemque tenere; quanquam ex Armeni Patriarchæ Nestoriani doctrina, a quo Episcopus paulo ante tempora ista, accipere consueverant, multis erroribus inquinatam Religionem profiteantur. Apostolicas (prosequitur) ceremonias magna ex parte obeunt; Altaris mysteria religiose venerantur; eoque viatico decedentes e vita se muniunt. Adventus Domini, & quadraginta dierum jejunium diligenter observant; quotidianæ Psalmodiæ, & Sacris insistant: Christi Domini, Sanctorumque festa rite concelebrant; præcipue vero Octavam Paschæ diem, aut Dominicam in Albis, ut nos vocamus; quod eodem die incredulus antea Thomas, indito in Christi latus, ac vulnera digito, Dominum suum, ac Deum suum, præclara testificatione confessus est. Alia præterea multa ex majorum traditione observant; eo majori fide, & constantiæ laude, quod ob id ipsum, non modo a Mahometanis hominibus acerbe vexantur, sed etiam a Regulis Ethnicis in servitutem redacti, cum alias acerbitates, & contumelias perferunt, tum vero sedem, ac domicilia iniquis pensionibus redimere, subinde coguntur. Hæc quamquam præfisse, pro more a Maseo scripta sint, eundem Religionis, & morum tenorem, qui a præcedentibus Vartomano, & Osorio delineatus est, repræsentant; quique sub adventum Lusitanorum, inter illos Christianos obtinebat; quomodo autem res se haberet, post integrum seculum, sub Menessii visitationem *anno nimirum 1599*, jam damus,

LXXIV. Igitur quo tempore Menessius illorum Christianorum reformationem ex præscripto Clementis Papæ VIII. aggressus fuit, hæc erat Religionis ipsorum, atque morum status, prout noster Antonius de Gouvea, literis consignavit *Conimbria anno 1606*. & habetur *à fol. 58. itineris Menessiani*: nimirum vix aliud, quam Christianorum nomen retinebant, ut accidit iis, qui ab Ecclesia Catholica avertuntur: placitis inhærentes Nestorii, veritatem Dominicæ Incarnationis in unitatem suppositi, vel Personæ, denegabant; & ex consequenti injurios se SS. Dei genitrici Mariæ ostendebant; non tantum negando, ipsam fuisse *Dei Matrem*, verum plura inepta, adversus partus Mariæ mundiciem effu-

effutiendo. Imaginum cultum, præter unius Crucis, non agnoscebant, tamen in aliquibus Ecclesiis, exemplo Lusitanarum, quæ erant illis proximæ, aliquas Sanctorum depictas tabulas super Altaribus collocabant. Animas Sanctorum ante diem Iudicii Dei visione donari, negabant. Præter Baptismum (in cujus collatione fere singulæ Ecclesiæ, diversam formam applicabant) Ordinem, & Eucharistiam tantum agnoscebant; & Baptismum quidem, post mensem, annum, & decennium plerumque conferebant; integri etiam erant populi non baptizati, vel desidiæ causa, vel pretio deterriti, quod Simoniacæ a Cassanariis exigebatur pro Baptismate; qui Eucharistiæ nihilominus communioni accedebant; nec in Baptismate oleo consecrato utebantur; quia tamen in Ritualibus antiquis olei mentio fiebat, idcirco baptizatos simplici oleo nucis Indicæ (vulgo *Coco*) vel sesami, quo alias membra, sanitatis studio perfricabant, quasi rem sanctam facerent, inungebant. Confirmationis, & Extremæ Unionis nullam habebant notitiam: Sacramentum Pœnitentiæ extremo prosequiebantur odio, cujus loco diebus Dominicis, in Ecclesiæ medio, ignem apponentes, atque multo thure injecto, illius suffumigationem haurientes, peccata fugari credebant; quamquam id fere in desuetudinem abierat.

LXXV. Eucharistiæ Sacramentum colentes, ipsum omnes sumebant feria V. in Cœna Domini, aliisque diebus solennibus in anno; at nulla alia præparatione, quam naturali jejuniis; in libris tamen eorum plures circa hoc Sacramentum errores reperiebantur; sicuti & in liturgia, in qua plura additamenta Nestorius induxerat. Placentis (a) sale, oleoque conditis, ad Missæ Sacrificium utebantur, quæ eo tempore à Diaconis, aliisque conficiebantur, in loco super Altare constituto; quas deinde coctas, aut frixas, paulo ante consecrationem, intra fiscellam & Palmis textam, fune per foramen quoddam demittebant: vinum etiam, vel ex uvis passis, vel ex dactylis confectum in Sacra Mensa adhibebant. Qui Missæ ministrabat, etiam si esset laicus, stola, Diaconorum more, super vulgares vestes utebatur, incessanter thurificans; & quamplurimum cum Sacerdote, æternis cantans, potius quam recitans.

Ordinis Sacramentum, impensè expetebant; adeo ut fere nulla esset familia, quæ Clerico careret; præcipue cum ratione Ordinis, à communi secularium vivendi consuetudine, non recederent; immo & laicorum, & Clericorum commoditatibus gaudebant. Tunica talari coloris albi induebantur isti, pallio quandoque albo, aut nigro; tonsuram ad instar Religiosorum nostratium deferabant amplam. Suscipiebant Ordines, etiam Presbyteratus anno ætatis 17. atque 20. Omnes ducebant Uxores; & plurimi eorum etiam post susceptos Ordines, immo & cum

(a) Placentas istas, ex farina, oleo, & sale confectas, vocant Nestoriani *Malcha*. In *Cod. Syr. Va. i. an. 18.* habetur titulus ad ritum conficiendi panem pro Eucharistia: *Innovatio Malcha*; quasi diceretur, innovatio panis, aut rei regis, vel *Regalis*:

componitur etiam ex *fermento* quod vocant, & credunt ab Apostolis acceptum, adhuc durare. Josephus II. eos arguit, eo quia etiam offerunt placentam in honorem Virginis Mariæ, quam in ipsius corpus converti credunt.

cum Viduis, & ipsi Vidui; pluries etiam contrahebant, neque irregularitatem ex bigamia agnoscebant. Uxores ipsorum, quæ *Catatiaræ*, aut *Cassanariæ* vocabantur, honoratiori præ aliis loco, ubique sedebant; insigniebantur etiam aurea Cruce, vel alterius metalli, è collo pendente. Ceteri Ordinati, vocabantur *Chamæzes*, à prima tonsura, usque ad Sacerdotium; qui omnes ad Chorum accedebant, & horarias preces Chaldaice, altiori voce promebant; idque bis in die, nempe hora tertia post mediam noctem, & hora quinta pomeridiana; quod exactissime peragebant: nihil autem extra Chorum recitabant diurnarum precum, nec Breviaria habebant. Sacramenta Baptismi, & Eucharistiæ, non nisi pecuniam solventibus ministrabant. Matrimonium celebraturi, quandoque cum Cassanario id perficiebant; alii vero præcipue in silvis degentes, ducto tantum filo è Collo Sponsi, ad Sponsæ collum, illud celebrabant; sub quo etiam tempore ipsorum plures, intra circulum, superstitione delineatum stabant, quo obligationem totam Matrimonii contraxisse sibi videbantur.

LXXVI. Patriarcham Babylonicum Sectæ Nestorianæ caput, ut ipsorum proprium Præsulem venerabantur; Papam ex adverso, & Romanam Ecclesiam summo prosequabantur odio; atque solius Patriarchæ mentio fiebat in publicis precibus. Ecclesiarum Præsides, Curati, aut Vicarii, constituebantur nulli, sed Cassanarianorum senior, quicumque is tandem fuisset, ceteris præsidebat; nemo etiam ullus erat, qui fideles verbo, exemplo, monitu, vel animadversione dirigeret, præter Episcopum; qui etiam ex illis muneribus obibat fere nullum. Sacrum celebrabatur aliquibus in locis, semel tantum in anno; in aliis ne semel quidem intra septennium, vel decennium semel; ubi autem, singulis Dominicis habebatur, conveniebant utique Christiani illi; at putantes nulla se ad id obligatione teneri. Sacerdotes munia quæcumque secularium gerebant; Paganis (a) Regibus inservientes, ut ipsorum facultatum Collectores, Distributores, & Thesaurarii; omnia item negotiandi genera, negotiatorum more, nec habitu absumiles illis, exercebant. Episcopos natione Chaldaeos à Patriarcha Babylonico accipiebant, qui indigenas ordinabat; Episcopi etiam, Ecclesiarum, Altarium consecrationes, absolutionem à censuris, Ordines, alia demum ipsorum munera, non nisi pacta prius pecunia, peragebant; quorum exemplum duobus pedibus sequebantur Presbyteri, in Sacramentis ministrandis, aliisque muneribus exercendis. Sabbatum carnibus, feriam vero quartam, & sextam piscibus transigebant. In Quadragesima semel tantum, nec ante solis occasum reficiebantur: eam a Dominica Quinquagesimæ (b) inchoa-

(a) Ethnicos appellari *Paganos* notissimum est; at non ita ejus adpellationis ratio, quæ ut ex *Cod. Theod. l. 18.* apparet, ea fuit, quod pulsa ab Urbe Idololatria, non statim Idolorum cultus cessaverit, sed Ethnici hac illac dispersi, ad ignobiles *pagos* confugientes, Deos suos clam ceteros colebant, arque venerabantur: unde *Pagani*

audire coeperunt. Vide etiam *l. 46. Cod. Tb. de Hæret.*

(b) Jonæ jejuniū tanto observatum fuisse rigore ad annum 600. referunt, eo quia ab ejusmodi maceratione, ab ingruenti Persis peste servati fuerint; quod deinceps in gratiarum actionem observarunt; obsolescentem vero ejus observantiam, anno

inchoabant. Ritus Cineris ignorabant; toto autem eo tempore ab ovīs, lacte, vino, & Uxoribus, interposita excommunicatione temperabant; atque in iis summam putabant constitutam esse jejunii homines populares; fenes autem, quotiescumque ipsis libuisset, edebant. Ter in Ecclesiam quotidie tota Quadragesima conveniebant, nempe summo mane, sub noctem, & nocte media; duobus autem illis temporibus nemo non aderat; pari etiam disciplina adventum Domini colebant; id autem putabant, quod uno tantum die hujusmodi jejunii fracto, non amplius jejunare tenebantur; dies autem festos illis temporibus occurrentes, ritu Dominicarum, sine jejunio colebant. Jejunium non validum à vulgo habebatur, si quotidie mane corpus non lavissent, aut aliquem abjectæ stirpis hominem tetigissent, ut Malabarenses in usu habent.

LXXVII. In Deiparæ honorem jejunium servabant à prima Augusti, usque ad Assumptionem ipsius, & à prima Septembris ad Nativitatem usque ejusdem Virginis: jejunium item quod vocant Apostolorum per quinquaginta dies à Pentecoste, quod tamen citra obligationem, esse arbitrabantur. Octo etiam supra decem diebus, ante Quadragesimam servant jejunium trium dierum, quod idiomate proprio vocatur *Mononoibo*, quod etiam Jonæ jejunium dicebant; quibus diebus prandium cunctis in Ecclesia parabatur, in memoriam trium dierum, quibus Jonas in ventre Ceti jejunavit, & in honorem Christi, cujus ille fuit figura. Quotiescumque in Quadragesima, tempore Officii Ecclesiam ingrediebantur, palmas Sacerdotum elevatas, suis manibus accipientes osculabantur in signum pacis, atque obedientiæ, quod vocabant *Casturi*: à quo arcebantur ritu pœnitentes, & excommunicati; quorum post absolutionem, prima erat ceremonia, dare *Casturi* Sacerdotibus, & ab illis acceptari. Festa eorum à vespera (a) in sequentem vesperam computabantur, non à media in mediam noctem, ut inter nos; occidente enim Sole die Dominico, operari poterant, quippe feria secunda incepta erat.

LXXVIII. Puerperæ veterem ritum quoad accessum ad Templum servant, masculum post quadraginta dies, feminam post octoginta, Deo offerentes. Aquam benedictam habent, eo tantum ritu, quod Sacrista parum immittit è terra, à locis in quibus D. Thomas extitit, aut ipsius Sepulchro illata ab iis, qui illuc peregrinantes accesserunt; qua deficiente, grana thuris injiciunt, nec alia peracta benedictione, ea utuntur ingredientes Ecclesiam, facto Crucis signo, & quamdam Nestorio deprecationem mustitantes. Excommunicationem vehementer pertimescunt, habentque aliquos casus, quibus est annexa; à quorum aliquibus crudeliter, nec in mortis articulo solvebantur; nimirum homicidio voluntario, aliisque; nec aliam pene è censuris agnoscebant; qui tamen tanquam censuram habebant, quod Sacerdotes ab ipsorum domo-

D d d rum

circiter 780., Timotheus eorum Christianorum Catholicus, ipsius observantiam instauravit. Vid. *Assem. Tom. 2. Bibl. Orient. pag. 417.*

(a) Etiam in Ecclesia Occidentis, diu hæc viguit disciplina; cujus reperitur memoria anno 1201. Videtur Mabillon. *Præfat. ad 2. Sec. Bened. num. 39. observ. 4.*

rum ingressu arcerentur; & quam maxime verebantur. Templis nullus erat nitor, nulla ipsorum cura in paramentis, aut vestibus sacris; immo fere omnia Pagodum instar fabricata erant, quaquaversum tamen Crucibus erant ornata, ex iis quæ Sancti Thomæ vocantur; quæ ad instar erant Crucis Equitum Lusitanorum Ordinis de Avis; unde antiquissimus Crucis cultus haberi debet; quandoquidem Lusitani Indorum Ecclesias, & pictis, & sculptis Crucibus decoratas, ab antiquo invenerunt; immo ultra has & Crucem, quam in Altari ponunt; cum processiones fiunt, omnes Clerici Crucifixum manu gestant, quem aliis adorandum, osculandumque offerunt; nec tantum in locis Sacris habent Cruces, verum etiam in viis publicis, intra, & extra Urbes, accensa coram lychno cum lampade, ante ipsas pendente. Dies colunt Dominicos; festa item Apostolorum, & aliorum, qui a Nestorianis, ut Sancti coluntur; omnes sextas ferias à Nativitate Domini, usque ad Quadragesimam; diem insuper, qua Crux Divi Thomæ sudorem emittere consuevit, nempe 18. Decembris. Tertiam item Julii, qua, juxta aliquos ad Indos appulit; aut secundum alios, quia ista die translatus fuit ejus Corpus Edesam, & ad locum (a) ubi in India jacuit; utramque enim translationem eodem die celebrari apud Indos, & Romanos asserit Gouvea; ex quo validum desumit argumentum, probandi Reliquiarum Thomæ divisionem, ut suo loco diximus.

LXXIX. Præterea, quamquam Christiani illi subditi essent Regibus Ethnicis in cunctis, quæ ad temporalia spectabant, nihilominus ex conventionem, & consuetudine vetustissima, etiam in diversis Regnis sparsim degerent, regimen universale ipsorum, tam in spiritualibus, quam temporalibus in solum Episcopum devolutum erat, qui cum Adjunctis, universas lites, etiam remota appellatione, pro æquitate expediebat; partes item litigantes audiebant patentissime, quantumcumque loqui, allegareque vellent; adeo ut memoriæ proditum sit, Mulierem quandam per triduum, mane, & vespere, pro se fuisse loquutam. Filiabus ab hæreditate repulsis, soli Viri hæredes constituebantur, etiam si adoptati tantum essent. Nuptias contrahentes, decimam dotis partem Ecclesiæ solvebant, nec alterius rei decimam soliti erantolvere. Et licet eodem incederent habitu, quo Naires ceteri, & capillamentum protensum ducerent, ipsorum tamen plures, eo revincto ad summitatem capitis, Crucem in illo auream, vel argenteam superponebant. Senes autem, Vidui, & qui nuptui renuntiaverant; aut qui peregrinationem ad loca Divi Thomæ suscepissent, more nostrorum Religiosorum capillitium attondebant. Statis diebus ad Ecclesiæ porticum convenientes commune parant convivium, vel expensis fabricæ ipsius Ecclesiæ, vel divitum aliquorum, qui ad id voto tenentur; simul autem commessantur & divites, & pauperes; quam commensationem *Nercham* vocant; qua in re primæva Christianæ disciplinæ consuetudo adhuc apud eos vigere videbatur:

(a) *Ejus corpus*, idest pars corporis, ubi a Christianis illis venerabatur eodem translata fuit Edesam, parte alia ad locum tempore translata.

batur: simile instruebatur convivium in funere propinquorum, quem ritum appellabant *Chatam*.

LXXX. Ipsorum privilegia, illis religiose servant Reges; si vero aliquando, illis conculcatis, vel minimam quis inferat Christianis contumeliam, non prius placantur, quam vel ipse Rex in poenam admissi criminis, vel argenteum brachium, aut aliud pretiosum munus Ecclesie donaverit ipsorum. Ceterorum in hoc sequuntur Malabarensium morem, ut si quem abjectæ stirpis hominem tetigerint, lavacro è vestigio purgentur; non quod persuasum habeant, sicuti Ethnici, eo pollutos esse attactu, aut *empoleatos*, ut vocant; sed quia Naires cum illis communicare non valent in posterum; quibus ex doctrina Bracmanum prohibetur communicare cum hominibus abjectis, & cum quolibet alio ab illis contacto, nisi se purgaverint. Unde cum isti miseri de vita periclitentur, si Nairem tetigerint, summo ab ipsis studio recedunt inter eundem; Naires etiam, dum à longe eos vident, vociferant dicendo: *Poo*, idest, recedite. Femine Christiane honestæ sunt, decentissimeque incedunt, velis plerumque cæruleis usque ad talos contextæ; omnes etiam quotquot in Ecclesia existunt, adventante Episcopo, singillatim accedentes, ipsius manum genuflexæ deosculantur, & usque ad tertiam se inclinantes, benedictionem ab eo accipiunt; infantes deinde suos ad pedes Episcopi venerabundæ provolvunt. Femine suo quotumque Menstru muliebri profluvium patientes, nulli etiam gravissimo, assurgunt, sed more Rachelis sedent. Et hæc sunt præcipua capita rerum, quas Malabarenses observant, dum ab Alexio de Menelles anno 1399. unitati Ecclesie redintegrati sunt.

Horum nonnulla exscripserunt le Brun, & la Crozè; ille autem perperam, sin minus falso scribit, Archidiaconum Angamalensem Sacrum Oleum consecrassè feria V. in cœna Domini: putat autem vel errorem fuisse editoris, vel privilegium Archidiaconi, cum solius Episcopi ubique id fuerit; at neutrum ex iis re vera fuit; sed oscitantia, aut imperitia le Brunii in Lusitana lingua. Gouvea enim pag. 44. expresse ait, ea die, Olei consecrationem, ab Archiepiscopo factam fuisse; (a) de Archidiacono autem nec verbum habet.

LXXXI. La Crozeus initio lib. 3. *Hist. de Christian. Indiar.* de ritibus agit Malabarensium Christianorum. Omnia autem ista ex Gouvea exscribit, nisi quod plures errores nobis appingit, perperam, atque ineptissime; dum enim ait, placentis consecrandis, oleum ipsos admiscere, simile quid & longe pejus, calumniose asserit à nobis fieri, qui dum crustulas orbiculares vulgo hostias efformamus, cera illinimus formas ferreas; quod (infit) magis opponi videtur institutioni Sacramenti, quam admixtio olei. Deinde cum simoniarum arguuntur, quia Sacramenta, non nisi pacto, solutoque pretio administrabant Cassanarii; Theologi assumendo virgam, edicit: *Sanctius id factum fuisse ab illis, utpote alia non*

D d d 2 habent

(a) Ao outro dia, disse (o Arcebisbo) faze, e solenidade; e benze os Oleos Missa em Pontifical, con grande Magestade.

haventibus emolumenta, quam accipiantur pecunie à Romanis pro Mis-
sis, Sepulturis, & alicubi pro Confessionibus. ne quid memoret de Bul-
 lis, Dispensationibus, & aliis artibus corradendi auri, Romanæ Curia.
 At omnia ineptissime, atque extra Chorum profatur; quoad primum
 enim cera, nec inter esculenta censetur, ut oleum; neque miscetur, ut
 ex ea farinæ immixta, fiant hostiæ consecrandæ, immo rejiciatur illæ,
 quæ ceram sapiunt, reliquæ consecrantur; nec cera adhibetur ad alium
 finem, quam ut quæ seligi debent pro altaris usu, ferro non adhæreant.
 At non ultra agendum cum la Crozzo, de pane filiorum, qui non est
 pro canibus. Ad alterum, quod majoris esset indaginis, breviter dici-
 mus, tantum Theologum discernere debuisse inter eleemosynam, sub-
 sidiaque, (Christus enim loculos permisit, ut oblata à fidelibus pro suis
 indigentis conservarentur) & inter exactiones, pacta, & conventiones
 de pretio, sine quo sacræ res non darentur; sicut igitur oblata accipere,
 nulla lege cautum est, ita & pecunias extorquere, atque emungere,
 prohibitum est; illud fit in Ecclesia Romana, non istud; quod si quan-
 doque aliqua exiguntur, ideo fit, quia sunt alimenta, de quibus qui
 Altari servit, de Altare manducare debet: Cassanarii autem in eo pec-
 cabant, quod recondentes eleemosynas in capsis, etiam per 80. annos,
 nec illis utentes, aut iis contenti, ulterius aliam pecuniam exigebant
 pro Sacramentis; quod plane simoniacum est: unde omnino est extra
 rem, appicta la Crozzi calumnia; verum dolet Judas pecunias in obse-
 quium Christi impensas.

DISSER:

DISSERTATIO IV.

Vindiciæ Synodi Diamperitanæ.

Crozæ Regis Prussiæ Bibliothecarii petulantia adversus Synodi Diamperitanæ Patres LXXXII. Traducit Synodum, eo quod Diodorum anathematizet, & de S. Cyrillo optime sentiat LXXXIII. Crozæus non sibi constans Palinodiam canit, & Diodorum accusat LXXXIV. Menessum increpat, quia formam Baptismi, qua illi Christiani utebantur, castigavit LXXXV. Quia intra octiduum ab ortu Infantes baptizare iussit LXXXVI. Quia numerum septenarium Sacramentorum, quod apud eos Indos in usu non erat, invenit LXXXVII: LXXXVIII: LXXXIX. Quia festum Corporis Christi celebrare præcepit in Malabaria, apud Nestorianos, qui dogma transubstantiationis ignorabant; quod tamen falsitatis convincitur XC: XCI. Crozæi spes, erroribus Indorum suam religionem comprobandi, cassa atque irrita ostenditur XCII: XCIII, & XCIV. Vindicantur castigationes Liturgiæ Malabaricæ, à Synodo institutæ XCV: XCVI: XCVII. Dolet Crozæus, Nestorianorum libros flammis traditos XCVIII. At vero ita consultum iri rebus fidei, exemplis asseritur, atque eadem fortuna, libellis Crozæi apprecatur XCIX. Calibatus Ecclesiasticorum, adversus quam putat Crozæus, antiquissimus asseritur C: CI: CII: CIII. Characteris Sacramentalis indelebitas contra Crozæum propugnatur CIV: CV. Theologi scholastici à Crozæo conviciis, & scommatis immerito, & non nisi per summam injuriam prosciuntur CVI: CVII: CVIII. De celebratione jejuniorum, & festorum a vespera in vesperam, quid sentiendum? CIX: CX: CXI. An preces, & Catecheses, Symbolum, Orationem Dominicam &c. vernaculo sermone tradere, sit laudabilius? CXII: CXIII. Livor Crozæi in Monachos, qui tessera est tum cujusvis Acatbolici, tum etiam Catholici improbi, modeste retunditur CXIV: CXV: CXVI & CXVII. Leviora quadam non immerito carpit Crozæus CXVIII. Colophon imponitur, & veniales vindicias aequi bonique consulere rogatur Crozæus CXIX.

LXXXII. **M** V. la Croze Regis Prussiæ Bibliothecarius, libellum edidit Hagæ apud Vaillantium anno 1724. gallico suo Idiomate, cui Titulus: *Historia Christianismi Indiarum*: in quo toto, bilem acuit, effunditque adversus Alexium de Menesses, Augustinensius

nensis nostri Ordinis præstantissimum Virum, atque acta Synodi Diamperitanæ ab ipso ad exitum seculi XVI. celebratæ. Profecto omnes mirati sunt hominis petulantiam, & quidem exotici, ad quem etiam res Lusitanorum apud Indos Orientales, nec minimum attinebant. Ast reducto sipario (quod alioquin zelus Religionis reformatæ videri posset) nihil aliud esse manifeste apparet, quam sordidissimam cupiditatem augendi commercia Negotiatorum Anglorum, Batavorum, Danorumque, si per invidiam Catholicæ Religionis homines, Lusitani potissimum, Hispani, & Galli, ab Indorum oris, semel propellerentur. Hic scopus est; huc linea quæcumque tendit; Catholicos nimirum invisos reddere Indis, Religionis specioso obtentu, quo suas illi facultates in immensum adaugeant. Quacumque id via obtineri possit, ea illi incedendum est; eo enim est ingenio animatus homo, ut veram Religionem pessumdari, falsam obtrudi, pro nihilo habeat; per ipsum enim salva sunt omnia, si negotiatio est salva. Quamobrem Catholicorum Missiones, ac Missionarios illarum partium, cane pejus & angue insectatur; Ministros vero Danos, Tranquebaris, Religionis reformatæ (verius deformatæ) Ziegenbalg, & Plutschou, qui illuc apulere anno 1706. eorumque successores Grundlerium, Beuvingium, & Jordanum, summis laudibus effert *lib. 7.* Denique istorum epinicia, grandioribus tibiis modulatur; nostrorum vero labores, atque studia, infami sibilo excipit, atque contumeliose irridet: nimirum *oculis agris odiosa est lux, quæ puris est amabilis.*

Et quamquam istum Sycophantam, strenue perstrinxit Eruditissimus & Cl. Assémanus, Bibliothecæ Vaticanæ Præfectus, sub PP. Clemente XII., & Benedicto XIV. feliciter regnante *Tom. 3. part. 2. Biblioth. Oriental.* cum etiam nostræ partes sint, Synodum, quam edimus vindicare, id pro viribus conabimur; contractioribus tamen sententiis, atque stylo, tum quia ita ille agit, ut pungat potius, quam impugnet; tum potissimum, quia futes ineptias & sarcasmos quos effundit diutius & longioribus sermonibus refellere operæ pretium non ducimus.

LXXXIII. Exorditur ergo acta Synodi recensere, vel potius pro more irridere, a pag. 185. *lib. 3.* & totam Actionem primam inoffenso pede percurrit; ast in secunda, illico cespitat in professione fidei, non quidem in formula Piana, seu Tridentina, quam non mordet, verum in duplici articulo a Menessio e re nata expositio, ubi damnatur Hæresis Nestoriana, atque anathemate percellitur ejus Auctor Nestorius, cum falsis Doctoribus Theodoro, & Diodoro: hic statim dolet, quasi tacto petimine; *Inscitiam, atque audaciam Prælati* (ait) *miramur, qui memoriam, & Personam Diodori anathematizare non veretur; quarum neutram, nec Ecclesia antiqua, neque nova confixerunt.* Bone! Ecclesiam *unam* agnoscimus, & confitemur; alteram detestamur, & eo tantum titulo, quia *nova* dicitur exhorrescimus; neque curamus, quos ea damnet, vel absolvat; quæ solos damnat bonos, & absolvit pravos, cum la Crozæ; qui ut absolvat Diodorum, damnat Sanctum Cyrillum; ubi antithesi instituta inter utrumque, jus dicit in istum, ut dicta-

tor,

tor, per hæc verba: *De sanctitate, quæ Cyrillo tribuitur, nihil dicam; at non exigua res erit, si ille invenit misericordiam coram Deo*; nos haud ambigimus vel ipsum la Crozzum, veniam a Deo consequuturum, quoties eamejuratis erroribus vere sincereque petierit. Quatenus autem scribit, nec Ecclesiam antiquam, neque novam, aut recentem (quo loquutionis genere, non ipsam Ecclesiam, sed recentes Præsules Ecclesiæ antiquæ innuere voluisse, videri potest) memoriam aut personam Diodori (a) damnasse; ipsum mittimus ad Leontium *De Sect. Act. 4.* ad legem Theodosii, & Valentiniani: *Debitam a nobis*, quæ Diodorum alias damnatum supponens: *iterum* (legitur) *doctrina Diodori, & Nestorii impiorum, & pestiferorum visa est nobis abominanda esse*: & ad legem eorundem *Yamprius*, quas videre potuisset in *Concil. C. P. Collat. 5. collect.* Harduini, atque *ibidem col. 118.* legisset, quam blasphema, & ipsius & Theodori doctrina visa sit; in Personas autem non animadvertisse Patres, ex quadam œconomia, & dispensatione; & quia cum tunc jam essent illi vita functi, *insipientiam* (putavit Ecclesia) *omnino non viventibus, sed jam defunctis inimicaliter insultare.*

LXXXIV. Adire etiam (quod attinet ad Ecclesiam recentem) debuiſſet Bullas Pontificum, ac Epistolasyac in ea, quam dedit Paulus V. *ad Patriarcham Babylonis 8. Kal. Aprilis 1614.* contraria dictis suis didicisset: legere præterea potuisset *cap. 11. Dissert. de Syn. V.* Eximii Augustinensis Card. Norisii; at sibi oculos effodisset volutando, quæ ibi habentur, elogia Menessii, & amplissimam commendationem Synodi Diamperitanæ: si vero sub brevibus actus, & simulationem Diodori, & asseclarum, scire averet, saltem semel legere debuiſſet Natal. Alex. in *Hist. Eccles. ad sec. V. art. 12. §. 9. num. 6.* At neque his amplius est opus; enim vero homo non sibi constans, nec similis, post dicta, statim palinodiam canit, dicens: *Ceterum si absque studio partium res introspectantur; quodque ipse auctor fuerit, ut duplici Schismate scinderetur Ecclesia; nullus certe Ecclesiæ Doctorum, majora præ ipso intulit damna.* His auditis, quid contra eum agimus? Immo miseratione dignus ætlimabitur vir, ajens, simul & negans; sitamen Vir, qui, ut ex retractatione apparet, ad instar prioris feminæ videtur, ex illo Ambrosii, *quod mobilitate magis animi, quam pravitate peccaverit.* Cujus etiam retractatio gloriosam contruit pro Cyrilli sanctitate Apologiam.

Prope finem ejusdem commatis, fortunam desſet Patriarchæ Babylonis; cujus loco Papæ obedientia præstatur, quæ Nestoriano illi subtra-

(a) Neque Theodorus Mopsuest. damnatus fuit. An ideo fuit inſons? Plane non ita; id in causa erat quod S. Cyrillus Epistola ad Proclum ait: *Si adhuc in vivis esset: ipse anathema etiam in propria persona abiisset; quoniam vero ad Deum abiit: sufficit, ut ego puto quæ absurde ab ipso sunt dicta, rejici.* Etenim ex antiqua orientis disciplina, cautum erat, ne mor-

tui anathemate dehonestarentur; ita, in *Can. Synodal. Sobensis part. 2. cap. 6.* scriptum est: *Canon antiquorum: si auctor (non recte scribens) e vivis jam excessit, ejus quidem scripta damnationi subjaceant: ipse vero ad Christum Iudicem suum abiit.* Hec igitur & non alia fuit ratio, cur tunc non damnaretur Diodori persona.

trahitur, & ferme iisdem maledictionibus Papa impetitur ac Nestorius. O! quam dolent latera propter Nestorium optimo socio: jure autem eadem poena mulctatur ac alter, qui eadem culpa tenetur ac ille; & de Actione 2. haftenus.

LXXXV. Inde sequutus Ordinem dierum, transit ad Actionem 4. praetermissa 3. quam etiam praetermisit Menessius in celebratione Synodi, eam post quartam, quintam, & sextam differendo, ad preces Cassanariorum; quia cum in 3. ipsorum errores detegendi, corrigendique essent, & puderet illos, hæc coram Lusitanis pertractari, exorarunt, ut interpolatis tribus aliis, Actio 3. reservaretur in eam diem, in qua Lusitani ad celebrandum festum S. Joannis Baptistæ in proximum Pagum a Diamper erant digressuri,

Igitur in Actione 4. rursus insinuat Menessium, ut legitur p. 199. *inscitie, & temeritatis, eo quod nonnullas Nestorianorum baptizandi proscripserit formas, vel quia ex ritu græco, quod inepte putabat, vel quia ter dicebatur Amen, propter trinam immersionem*: At Menessius non ea de causa illas proscripsit formas, sed quia æquum non erat, quod in uno eodemque Episcopatu, uterentur Cassanarii diversis baptizandi formis; immo & in eadem Ecclesia: accedebat, quod plures illarum erant dubiæ significationis; denique, etsi non ignoraret aliquas ex ipsis, præcipue Græcorum, validas esse; ceterum qui a Pontifice jubebatur, eam Nestorianorum Diœcesim, per omnia, quantum res pateretur, ad Romanæ Ecclesiæ ritum reformare, atque informare, peropportune à Baptismi forma exordium sumit.

LXXXVI. Pag. 200. subannat Synodum, eo quod præcipiat Infantes octavo die ab ipsorum ortu baptizari, *pro more* (ait) *Judaico Lusitanorum*. Profecto nescimus, cur illi non bene olent Judæi: non alia ex causa putamus, nisi quia Faber Fabro invidet. Id tantum ait Synodus, morem esse Ecclesiæ octavo die baptizare Infantes; id est, non ultra octiduum differre Baptisma; non tamen vetat ipsos ante illud tempus baptizare; sicuti Hebræis ante illum diem prohibitum erat, circumcidere; uti ex (a) textu patet: mitto, quod etiam in Ecclesia latina quandoque, non nisi post octo dies collatum fuerit Baptisma, ut apparet ex Concilio Redingense §. IV. in Collect. Hard. tom. 7. col. 785. Maronitæ etiam, qui anno 1516. conferebant illud, die quadragesimo; nunc conferunt ipsum, die octavo, aut antea; si necessitas postulaverit: apud Harduin. tom. 9. col. 1804. adamussim omnino nostræ Synodi; ex quo parere debuit Diamperitanis, aut cum aliis etiam contendere.

LXXXVII. Pag. 202. lectis tribus prioribus decretis circa Sacramentum confirmationis; *ut canis in somnis leporis vestigia latrat*; ita sibi la Crozeus plaudit, eo quod fuerit infectatus, ac tandem tenuerit; aliquid edoceri contrarium dogmatibus Ecclesiæ Romanæ apud eos antiquissimos Christianos, nimirum; numerum Sacramentorum aut septenario minorem esse, eo quia in iis Decretis legitur, illis Christianis confir-

(a) Levit. 12. v. 3. octavo die circumcidetur infantulus.

VINDICIÆ SYN. ADVERSUS CROZÆUM. 401

firmationem, & extremam Unctionem notas illò usque non fuisse, vel etiam majorem, cum S. Bernardus lotionem pedum Sacramentis adjunxerit, & Petrus Damiani ad duodenarium numerum ampliaverit novæ Sacramenta legis, & alibi Pœnitentiam quoque à Sacramentorum albo expunxerit, quia ex ipsa Synodo Diamperitana Indis horrore erat: & hic etiam ex Doctore Armeno, quem jam Vardanem, jam Nardanem vocat, idem confirmat; eo quod licet ipse septenarium Sacramentorum numerum admittat, non tamen in hoc numero collocat Pœnitentiam, quæ venit nomine *Olei*, quo pœnitentes, & infirmi inunguntur. Tandem juxta Crozæum, numerum Sacramentorum intra septenarium concludere, merum est inventum Scholasticorum Latinorum; quod si ad Orientales transiit, ideo factum est, quia occasione expeditionum Cruce Signatorum, id a Latinis acceperunt. Hæc ille; ceterum à somno ludificatus est, & qui putabat rem comprehendisse, nubem amplexus est pro Junone, & vanissimum tantum spectrum, ex quo inaniter summum sibi met lucrum, suæque Religioni reformatæ captandum existimabat, quasi ex eo quod in Ecclesia adeo antiqua, ut est Indica, quod ipse fatetur, nullum repertum fuerit vestigium cognitionis, aut usus illorum Sacramentorum, inde, inquam, necessario fieret, Sacramenta Confirmationis, & Extremæ Unctionis, ac etiam Pœnitentiæ, novi esse instituti, neque ab Apostolicis temporibus descendere.

LXXXVIII. Ceterum omnia facillime ruunt; quippe falsissimo nituntur fundamento, atque hypothesi: nimirum quod ea Ecclesia, in ea puritate, ac sinceritate Religionis conservata fuerit usque ad tempus Synodi, qua primum instituta fuit; quod quam falsum sit, nescire non potuit Crozæus; immo in sua Historia memorat Nestorianorum errores, quibus Ecclesia Malabarica infecta fuit; unde miramur, qua consequentia inferre voluerit, sinceritatem Religionis in Doctrina Sacramentorum, assumendo per modum antecedentis ad id inferendum Religionem jam depravatam? Non alio plane consequutionis genere id præstari potest, nisi quia ex errore error consequitur, & sicuti ex depravato archetypo, deformis imago; ita ex Schismaticorum deliramentis, Religionis reformatæ delirium erupit; quam ob rem tota ratiocinii vis huc recidit; Sacramenta non sunt septem, quia Ecclesia Schismatica Indica, septem non agnovit. At neque hoc illi suffragari potest; tum quia non est verum; tum quia etiamsi ita esset, non inde fieret, Sacramenta Confirmationis, Unctionis extremæ, & Pœnitentiæ, e numero Sacramentorum eradenda fore. Non, inquam, est verum, quod Ecclesia Malabarica ea Sacramenta non admiserit, quia contrarium ex Ritualibus Malabaricis, quæ Assemanus protulit *tom. 3. part. 2. c. 7. Bibliot. Orient.* ad oculum evincitur; quandoquidem ipsorum ritus ibi describuntur. Et in libro *Margaritæ part. 4. cap. 1.* quem proscripsit inter alios libros Menessius, cujus Auctor fuit Ebedjesus Sobensis, enumeratur *tertium* (Sacramentum) *Oleum unctionis: quintam remissionem peccatorum &c.* & ex ipsa Synodo Diamp. deducitur apertissime, eos agnovisse alio tempore Sacramentum Pœnitentiæ: etenim *Decreto 15. de Pœnitentia*, ait

E e e.

Cassa.

Cathanarios loco precum super ægrotos verba absolutionis solitos fuisse proferre : eatenus autem illud non suscipiebant , quia credebant statim mori , quotquot illud reciperent , non vero quod illud Sacramentum nescirent ; eo modo , quo etiam hodie plures nostrorum , non secus ac illi a Sacramento Pœnitentiæ , mortis timore a Sacramento extremæ Unctionis absterrentur . Videri etiam potest , ea Sacramenta Indos agnovisse , ex Auctoribus productis in *Dissert. de Relig. Christi. Divi Thomæ.*

LXXXIX. Deinde , etiamsi verum esset , eos Christianos , tempore Synodi , illa Sacramenta non agnovisse , quid inde præsidii caperet Religio Crozæi ? Profecto nihil ; si etenim ex iis , quæ illi faciebant , Religionis regula desumenda esset , sequeretur , quod sicuti illi , ut ex *Art. 8. Dec. 1.* Synodi Diamp. constat , non habuerint Vicarios , aut Curatos , & ut ipse ait *pag. 266.* non erat illis in Ecclesia Pulpitum , neque campanæ , & *pag. 281.* constat , neque superpellicea , aut vestes habuisse *Chorales* : & ex *Dec. 6. ejusdem Art.* plures non baptizabant filios suos , & Idolis sacrificabant , & etiam , quod defectu Sacerdotum , Diaconum compulerunt Missas facere , denique quod Menessii tempore nulla fiebat apud eos Monachorum memoria : sequeretur , inquam , quod ut Ecclesia pura , & sincera dicatur , ablegandi sint Vicarii , & Baptisma , & quod permittendum sit Diaconis , ut Missas celebrent , &c. aut quod apud Christianos Sancti Thomæ illa omnia nunquam fuerint , quod etiam evincitur falsissimum , quia illi habuerunt Monachos a primis seculis , ut ex Cosma constat , Baptismum , Parochos , & alia uti nos , ut videre est in *Bibliot. Orient. loco citato* , & ut optime inquit ejus Auctor *Cap. 7. laudato §. 8.* ex Populorum ignorantia , & Præsulum negligentia (maxime circa ævum Menessii) aliter sentire cœperunt , quam in propriis ipsorum libris Ecclesiasticis diserte tradebatur , & maxime in *Cod. Syr. Vat. 14. & 16.* exarato in India , a Josepho circa annum 1557. immo non ita eos sensisse , sed omisisse ea solum in praxi : doctrina autem probanda est ; non ex eo , quod ab aliquibus sit , sed ab eo quod præscribit ipsa faciendum ; aliter etiam nostra dogmata in discrimine essent ; plures enim forte sunt inter nos , qui raro , aut nunquam continentur , aut confirmationem non receperunt ; nec enim vero opera adversus fidem præscribunt , sed fides adversus opera . Quod autem septenarius Sacramentorum numerus inventum sit , & commentum scholasticorum , quod *pedilavium* sit Sacramentum (a) ex Bernardo ; quod sint duodecim , ex Petro Damiani (addere debuit exequias pro defunctis , signum Crucis , Benedictionem Monachorum , & alia quæ a Schismaticis illis inter Sacramenta numerantur) cum sit crambes toties a sui similibus recocta , mittimus Crozæum ad libros dogmatistarum , qui usque ad ravim , rei veritatem ipsi inculcabunt , quamquam surdo canant .

XC. Pag. 107.

(a) Subobscura S. Bernardi loca , aliorumque circa Sacramentorum numerum , optima donatur luce , & maxime quod de lotionis pedum asseritur , a Boucato *De Sacram. art. ult. Sec. 1.* & Touruely

quest. 2. art. 4. solide autem unaque perpolire , a nostro Laurentio Berti , ea discutuntur atque elucidantur *lib. 30. de Theolog. Disc. cap. 6.* Vide etiam admonitionem nostram in *Liturg. Malab.*

XC. Pag. 107. ad 1. Dec. Act. 5. præcipitur, Festum Corporis Christi celebrari; quod nunquam factum fuerat (ait Synodus) At Crozæus solito lepore reponit: *Mirum esset tale festum celebrari à Populis, qui Dogma transubstantiationis ignorabant.* Ceterum falsum est, Nestorium aliter quam Nos sensisse de Eucharistia, nisi quod ex præconcepto errore de supposito Christi, tantum affective unito Divino Verbo, & non hypostatice, consequenter asseribat, ibi realiter esse præsens Corpus Christi, filii tantum hominis, & non Dei: verum præsentiam realem Christi docuisse clavis verbis, constat ex Concilio Ephesino apud Assemanum tom. 3. par. 2. pag. 291. Nestoriani etiam, Elias III. Patriarcha in expositione fidei apud Renaudot. tom. 2. Liturg. Orien. pag. 577. aperte testatur: *Mutari substantiam panis, & vini, in substantiam Corporis, & Sanguinis Christi.* Et Ebedjesus Sobensis in lib. Margaritæ part. 4. de Sacram. Eccl. cap. 5. scribit: *mutatur panis in Sanctum eius Corpus, & Vinum in pretiosum ejus Sanguinem.* Videri potest Bibl. Orien. tom. 3. part. 2. pag. 305. Quod vero à Leontio Byzantino dicatur in Libro de Nestorianorum impietate secreto tradita principio, ipsos dixisse cuidam, quod panis, qui in typum Corporis Christi proponitur, non plus benedictionis particeps, quam panis qui in foro venditur; id inquam fuit casus particularis, quo cum, qui ab eorum Orgiis abscedere volebat, conati sunt retinere.

XCI. Errore certum ipsis imputare posset; nimirum consecrationem non fieri per præcisa Christi Verba, quæ consecrativa vocamus, aut consecrationis formam, sed per preces, aut invocationem Spiritus Sancti, & quidem adæquate per istam, aut saltem partialiter cum verbis Christi; quem tamen errorem valide impugnatum invenies, & ab Assemano tom. 2. Bibl. Orient. à pag. 194. & à Cl. P. Benedicto Operum Divi Ephræmi novissimo editore, in speciali Dissertatione, quam adversus le Brunum, & Renaudotium *Antirrheticon secundum* inscripsit, ad calcem tom. 2. Oper. Syr. Lat. ipsius Ephræmi; aut adis P. Bugeantium ejusdem Societatis, qui prius luculente de hoc argumento pertractavit: Quem errorem etiam acu tetigit Menessius in admonitione, quam emendatæ Liturgiæ præfixit: Ceterum isti, similesque errores, sicuti & quod Patriarchatus Babylonici hæreditario jure conferretur consanguineis decessoris, ut ex celebri electione Sulakæ constitit; ii inquam, non totius Sectæ, nec totius temporis errores censendi sunt; aut exinde gratis Nestorianis illis Malabaricis appingendi, ut modo diximus, loquendo de Sacris Oleis, & Pœnitentia: immo neque ex illis inferre licet, antiquos Nestorianos, eadem sensisse; privatus enim recentiorum Indorum error, publicæ antiquorum auctoritati nihil officit, immo ex illa emendandus est. Et quamquam daremus Crozæo, Nestorianos Indos recentes, immo & antiquos, transubstantiationem ignorasse; adhuc prudentissime festum Corporis Christi decrevisset Synodus apud illos instituire; quippè qui ejuratis erroribus illam transubstantiationem cum reliquis Catholicis dogmatibus, recta jam fide tenebant. Id obiter adnotaverimus, frustra plurimos torqueri in adstruenda uniformitate, &

connexione Doctrinæ, aut in hoc, aut in aliis Dogmatibus, inter hæreticos; cum ipsi non minus pugnent interdum secum ipsis, quam cum Sociis, & cum Catholicis; systema enim quodlibet hæreticorum, sola variatione constare videtur.

XCII. Verum quia præcipuum, quem sibi fructum proposuit Crozzus, ex sua opella decerpendum, in duplici hac re situs esse videtur, nempe ut velut alter Aod, ambidextro pugnans ingenio, tum scommatis, quidquid Catholici Dogmatis inter eos Christianos florebat, proscindat; & altera manu quidquid erroneum, & suis affine Religionis reformatæ placitis, quacumque ex causa illi Christiani tenebant, tanquam cælo delapsum affatum, amplectatur; e duplici isto munimento deturbandus erat, si per tempus liceret. Cum vero id modo non detur, in eo tantum versabimur, ut hanc fuisse ejus mentem palam faciamus, & rursus incassum ipsum laborasse ostendamus. Et illud quidem perspicue ipse pluribus in locis fatetur, ab ipsa præfatione incipiens: *Nos hic (ait) Ecclesiam habemus, quæ spatio mille ducentorum, & amplius annorum, cum nullum haberet commercium cum Ecclesiis Romæ, Constantinopoleos, Alexandria, aut Antiochiæ, maximam servat Dogmatum partem, quæ Protestantæ propugnant, & ab illis Ecclesiis, sive ex parte, sive omnino rejiciuntur. Etenim exploratum est, Malabares, supremam Papæ non agnoscere potestatem, transubstantiationem negare; firmiter autem defendere, Eucharistiæ Sacramentum, nihil esse nisi figuram Corporis Christi. Quibus addito, Confirmationem, Extremam unctionem, & Matrimonium à Sacramentorum numero expuncta: Imaginum tandem cultum, tanquam Idolatriam, & Purgatorium, ut fabulam aestimata. Omnes ista facti veritates, ipsis Synodi Aëtis innotantur, & auctoritati Præsulis &c.* Et à pag. 341. eadem repetens, mentem suam, & scopum, in quem tendit, palam aperit: *Optima (inquit) ex iis Conclusio deducitur adversus præsentem illorum dogmatum antiquitatem, quorum maximam partem in Ecclesiam Romanam irrepsit, quæ tamen usque ad præsens in Græcorum communionem aditum non invenit.* Huc omnes Crozzus intendit nervos.

XCIII. Incassum tandem, & infelicitè; rectius enim deducas ex albo nigrum, & ex nocte diem, quam ex ea errorum, & veritatum confusione, fidei soliditatem intuleris. Principio enim, ut diximus, falsum est, ea negasse Dogmata Nestorianos, & omnes qui vere tales sunt: falsum pariter est ea admisisse, antiquiores Menessio Malabares; ut ex dictis Dissertatione antecedenti, & ex ipsis Menessio, & Gouvea constat; afferentibus, quod in Ritualibus Ecclesiæ Angamalensis, multiplicis Olei Sacri mentio fiebat; Unde non ex ignoratione ritus, sed modi, oleo nucis Indicæ, aut sesami utebantur; idque pariter dicendum de reliquis Sacramentis, & Dogmatibus. Id autem nobis non optima conclusio, sed penitus absorta, & monstruosa, jure videtur; quod ubi Nestorianorum Indorum dogmata, cum dogmatibus Protestantium conveniunt; illico recta inferatur consequutione; ea omnino tenenda esse; ubi vero disconveniunt à Protestantium placitis, & cum Catholi-

c.8

cis contentiunt, nulla consequentia teneat, nulla sit inferendi vis, nulla illi Ecclesiæ, quæ viguit à mille ducentis, & amplius annis, auctoritas? Quo etiam pacto, quum Gouvea, & Menessius, aut Synodus nostra (etiam refragante Richardo Simonio, in *Histor. Crit. Nationum Orient.* pag. 113.) recensent, eos Christianos cultum Imaginum averfari, sacrum ignorare oleum, & alia huiusmodi; illorum auctoritas est omni exceptione major, nec alteri creditur præter quam Menessio, qui diu (ait pag. 204.) inter illos Christianos versatus est, qui cum illis frequentissime colloquutus, quique veritatem facili negotio nosse poterat, nec facile decipi &c. & rursus, cum Goveam hæc eadem attestantem legit, ait pag. 87. *Auctores habeo impartiales, Gouveam, &c.* Quum vero isti iidem Auctores, dogmata Catholica, apud eos pleraque illibata reperisse fatentur; tunc quasi magico Carmine transformati, nullius jam sunt auctoritatis homines, nullius fidei; immo studio partium abrepti, allucinati, inepti prorsus, & temerarii?

XCIV. Noverit itaque homo sui impos, sibi que ab similibus; Religionem Nestorianorum, uti & Protestantium, Apostolicam non esse; Religionem deinde Malabarium ab antiquissimis dogmatibus descivisse; errores etiam illius Ecclesiæ, ex paucorum ingenio, non ex tota secta prodiiisse, & potissimum ex Præfulum inscitia, aut versutia; ceterum ipsorum antiquos Rituales, Constitutiones Patriarcharum, & eorum Doctores, omnia de Sacramentis, cultu Imaginum &c. Dogmata; ut Ecclesia Romana tenuisse; excepta Nestoriana hæresi, & quæ ad illam necessario consequuntur. Unde compertum est; Indorum Ecclesiam illo Menessii ævo, multoties, ac multis modis jam immutatam fuisse: alias singulare prorsus fuisset privilegium (cujus exemplar proferre deberet Crozæus) Religionis Nestorianæ, & Malabaricæ; quod ruentibus, Ecclesia Romana, & aliis, ea sola staret, & maperet, ut aliarum esset norma, & amussis. Desistat itaque Crozæus ab inutiliter perquirendis, propriæ suæ religionis dogmatibus in ea religione adumbratis, quam profitebantur Christiani illi Malabarenses eo tempore, quo recte sapuerunt; nisi forte velit, ad instar Saturni, dura saxa, pro filiis devorare.

XCV. Pag. 208. & sequenti, de correctione Liturgiæ Malabaricæ facta a Patribus Diamperitanis, agit, & ex Renaudotio tom. 2. *Collect. Liturg.* pag. 607. scandalosam novitatem appellat, mutationem factam in verbis, quibus Christus Sacramentum Eucharistiæ instituit, & quod abstulerit ea verba, quæ Sacerdotes Indi proferebant: *Hoc eris vobis pignus* &c. Verum futiliter, & inepte illud dicitur, cum Synodus ipsa Christi verba, in quibus juxta omnes, forma consecrationis consistit, illi restituerit Liturgiæ; falsum est etiam, quod illa alia laudata verba expunxerit; etenim ea tantum loco movit; quia vero asserbatur, quod Eucharistia esset pignus *in secula seculorum*, quod æternitatem sacrificii significat; opportune subrogata fuere verba: *usque ad consummationem seculi*, quia in Patria Sacramenta cessabunt, sicut & fides; & quia Christus hic non promissit suam præsentiam, nisi usque ad

ad finem Mundi : *Ecce vobiscum (a) sum usque ad consummationem seculi.*

XCVI. Pag. 212. & sequenti piget Crozzum, quod Synodus iusserit addi Symbolo Nicæno verba, quibus carebat : *Deum de Deo*, & quod nomina Regulorum Indorum, à liturgica recitatione expungerentur, eo quod pro Ethnicis, Excommunicatis &c. Ecclesia non orat; quorum illud, ait, non reperitur in Symbolo Æthiopico, neque in Exemplari Ægyptio, aut Copto; hoc autem est ordini charitatis adversum. Dicimus, illud esse traditionis Scripturæ, & Patrum contra Arianos; hoc autem, quod scilicet nomina recitentur Regum in liturgia; neque cum Catholicis fit, nisi ex privilegio in Ecclesia Occidentali; neque in Diptychis Excommunicati, aut alterius Religionis homines unquam recitati sunt, ut ex celebri Acacii historia, aliisque factis quamplurimis constat. Confundit itaque Auctor, orandi studio non admodum addictus, orare in liturgia pro Gentilibus, & Excommunicatis; & publice pro illis palam orare, eos nominatim tanquam eadem fide conjunctos recensendo; & illud quidem Menessius non prohibuit, qui pro ipsorum conversione semper orabat; hoc tantum vetuit, eo quia non erant nostræ Religionis membra, & quia sacris Diptychis, in quibus tantum memorantur ejusdem communionis homines, non licet inscribere Ethnicos, aut Heterodoxos, tanquam socios, & fideles; pudet autem Crozzum, quod Verbum dicatur *Dens de Deo* in Symbolo, immo & ex contagione hæreseos Socinianæ piget, quod pigendum non erat; quod vero fideles cum Catholicis inscribantur, & confundantur, id nec pudet, nec piget; abs dubio accensendus est Crozzus iis, de quibus dixit *Apocides in Epidic. Planti Act. 2 Scen. 1.*

Plerique homines, quos cum nihil refert pudet : ubi pudendum est, ibi eos deserit pudor.

XCVII. Ibidem insinuat Menessium, quod verba invocationis Spiritus Sancti mutaverit, ne, ut ait, potius Spiritui Sancto, quam Sacerdoti immutatio, & sanctificatio hostiæ tribueretur; & affert verba Renaudotii : *Sacerdos itaque est Minister, & Spiritus Sanctus, causa principalis; quod si aliter aliqui philosophati sunt, ut Censores Diamperitani, alique inepti liturgiarum castigatores, eorum auctoritas floccipendi debet* : Eum etiam increpat, quod prohibuerit findere hostiam ungue. Ast quamquam laudare non possumus Patres illos, quod invocationem Spiritus Sancti suspectam habuerint in liturgia, eamque immutaverint, quæ in liturgiis Orientalibus celebris est; tamen eadem ex causa, ob quam hic traducuntur, & ex illa ratione, quam habet Renaudotius, nempe ut recens conversis illis Christianis id innotesceret; propterea eam illi mutarunt invocationem, ut scilicet, ita noscerent, Sacerdotem esse Ministrum unice Sacrificii, non vero alium ex adstantibus, vel hominibus, vel spiritibus; causam etiam principalem solum Deum esse, quod etiam in liturgia Romana solenne est, dum etiam invocatur Sacerdos Spiritum

(a) Math. 28. v. 20.

VINDICIÆ SYN. ADVERSUS CROZÆUM. 407

tum Sanctum dicendo: *Veni Sanctificator &c.* Ideo etiam Menessius prohibuit, quod ungue, ut solebant, panem consecratum deinceps funderent (quod etiam carpit Crozæus pag. 115.) quia putabat eos Christianos illo errore teneri, quod ea fissura, Corpus & Sanguis Christi inter se penetrarentur, & cum speciebus; & quod verebatur ipse, illos credere sub specie panis esse tantum Corpus Christi: aliter quotidie Menessius hostiæ particulam cum sanguine miscendo proferebat: *Hæc commixtio, & consecratio Corporis &c.* quæ intelliguntur, & de consecratione panis jam peracta; tum etiam, quia in Ordinibus Romanis etiam dicebatur *Consecratio*, quando panis non consecratus, aut vinum miscbatur, aut tingebatur sanguine, quod etiam notavit eruditissimus Mabillonius in *Præfat. ad Ord. Rom.* Unde tantum argui posset Menessius, quod in re sibi, aliisque Occidentalibus obscurissima illo ævo, uti erat res liturgica, non admodum saperet; tamen id illi vitio non debet dari, cum etiam Auctores nuperrimi rituum Orientalium, inter quos Cl. Joannes Morinus, pluries etiam circa ritus, turpiter cespitaverit, uti notavit Assemanus *tom. 3. part. 2. Bibliot. Orient. pag. 790.*, & aliis in locis; quinimmo Renaudotius ipse, qui in rebus Syriacis habebatur *Magnus Apollo*, in plurima impegit sphalmata, ex quibus pauca in *Præfatione* digito monstravimus. Timuit etiam, verum est, ubi non erat timor; ceterum omnia tunc vereri, prudentiæ erat; accedebat, quod ex præscripto Romanæ Sedis, eos Christianos, sicuti in fide, ita in disciplina, & ritibus, quantum liceret, Ecclesiæ Romanæ uniformes reddere, vehementer optabat.

XCVIII. Pag. 221. mirum quantum excrucietur animi, Crozæus: *O! infandum Editum. O! jacturam:* (clamat) *Nestorianorum libri, flammis traditi sunt, & antiquitatum Ecclesiæ Orientalis Studiofi, curiositate sua frustrati sunt; at non hæc tantum, pessimorum Theologorum imperitia, & scholasticorum barbarie, monumenta perierant.* Hoc ille dolore se se imprudens, novæ Ecclesiæ sectarium prodit; & qui antiquam Ecclesiæ disciplinam vere apostolicam, in Romana Ecclesia defecisse pluribus asseverabat, saltem in comburendis iis libris, illibatam veterem disciplinam in ea perseverare fateri cogitur; hujusmodi enim libros, ipsorum lectione perniciem allaturos fidelibus, flammis absumere, antiquissima est nascentis Christi Ecclesiæ disciplina, ab Apostolo Paulo Ephesi comprobata, ut habet Lucas *Act. 19. v. 19.*: *Multi autem ex iis, qui fuerant curiosi sectati, contulerunt libros, & combusserunt coram omnibus:* at non erat exigui pretii jactura: quia *computatis pretiis illorum*

(a) P. Cajetanum Mariam Merati C.R. qui nuperrime Gavantum illustravit, opere Romæ edito, & deinde Venetis anno 1744. Malabarentium errori quodammodo colluisse, aliqui putare possent, eo quod *tom. 1. pag. 238. edit. Venet.* rubricam commixtionis exponens, scribit id fieri; *Ut corpus Christi sanguini suo immisceretur; quam-*

vis nec corpus sine sanguine sit in hostia consecrata &c. unde satius fuisset addere, *Visibiliter immisceretur*, quo *invisibilis* corporis, & sanguinis commixtio, ut intendit Ecclesiæ, ob oculos ponatur, & a fidelibus intelligatur, dum species cernit commisceri.

rum (librorum) *in* *exerunt* *pecuniam* *denariorum* *quingenta* *millia* *um* at nec utilitas eorum circa res naturales, nec pretium ingens, potuit eos ab igne subducere. Non aliter se gessit Synodus cum illis libris Malabaricis, qui veneficiis, ut forte illi, erroribusque erant pleni; nec exigua utilitas historiæ Orientalis, quæ amplior etiam ex aliis libris comparari valebat, præ perniciæ, quam afferre poterant illis Indis recens conversis, æstimari tanti debebat, ut à combustionē librorum temperandum Synodus putaret.

XCIX. Quæ ratio quanti fieri debuerit, ne ex librorum eorum lectione ad vomitum Nestorianum redirent, ipsa Ecclesia Nestoriana, duplex suppeditat experimentum; etenim cum hæc obedientiam præstiterit Gregorio XIII., & Paulo V., concordia etiam inita inter eos Pontifices, & Patriarchas Nestorianorum, Simeonem Denha sub Gregorio, & Eliam sub Paulo; nec successores Simeonis, neque Eliæ in præstita fide perseveraverunt; & quidem non alia ex causa, nisi quia eorum libros Ecclesiasticos, Euchologium, Rituale, aut Horologium, Pontificale, & Officium Divinum, & libros Syriacos, & Arabicos, in quibus Theologia, & Canonica scientia tradebatur, quique erant Nestoriano infecti veneno non expurgaverunt, proscrisperunt, aut igni tradiderunt: æquissime ergo, & cautissime Indorum libri combusti sunt; nec ideo dolendum magis esset, quam si libro Crozæ eadem fortuna contingeret: fieret enim inde putamus, quod de combustis curiosis illis Ephesiorum libris, Scriptura refert, tanquam confectarium: *Ita* (combustis libris) *fortiter crescebat verbum Dei, & confirmabatur: Act. 19. v. 20.* Unde quam opportunam rem decreverint Patres Diamperitani, illa scripta flammis devovendo, ne iterum Nestorianismus pullularet, si illis parcitum esset, ex duplici illo exemplo discerni potest; quod enim sub Gregorio recens acciderat, eos cautiores reddidit, quodque post paucos annos sub Paulo contigit, eorum cautionem prudentissimam fuisse, solide comprobavit. Vid. *Bibl. Orient. tom. 3. part. 2. pag. 412.*

C. Pag. 253. ad Decret. 16. *Actionis 7.* in quo asserunt Patres, Ecclesiasticorum continentiam ab Ecclesiæ viguisse primordiis, *ut ex antiquissimis Conciliis Orientalibus, & Occidentalibus constat*, hoc elogio honestat Menessium in *Annotationibus: En splendidum argumentum inscitia Antistitis, ut de ceteris taceam; ipse vero Concilium Gangrense non vidit, nec id quod ex Nicæno adducitur.* Esto: at quid si ea legisset? eandem rem utique decrevisset: lege Canonem Nicænum 3. *Interdixit Episcopo, Presbytero, Diacono, & cuilibet e Clero, habere secum Mulierem subintroductam, tantumque permisit Matrem, Sororem, Amitam; aut quæ omnem suspicionem effugerent; idque occasione Leonitii Presbyteri, qui ut ait Athanasius in Epist. ad solitar. vit. agent. Se ipsum abscidit, ut libere cum Eustolio (alias Eustolia) dormiret; re vera muliere, sed quam ille Virginem predicaret: Leges etiam Canonem Nicænum 4. inter Arabicos itatuentem ita: Ne habitent Episcopi cum Mulieribus, neque conversentur cum eis, vel frequentent, aut illarum utantur familiaritate, neque obsequantur, neque studiose aspiciant; pariter*

ser & Presbyteri calibes, atque Diaconi, non habentes Uxores. Et quamvis *Can. 26.* statuatur, quod nullus Presbyter, aut Laicus duas ducat Uxores simul: & *Can. 71.* prohibeatur Presbyteris, & Diaconis dimittere Uxores suas, non interveniente fornicationis offensa, aliave de causa prout ibi: tamen ex hoc minime inferre licet, approbasse Concilium Conjugii usum in Ecclesiasticis; sed tantum præcepisse, Uxores ante Ordinationem ductas, apud se caste retinere; alere etiam, nec sine causa dimittere; vel ad summum id mere (a) tolerasse; at vero magis consentaneum habetur menti Concilii, meram cohabitationem indicasse; quippe quod tantopere, duplici Canone Inpralaudato, Ecclesiasticorum continentiam commendavit; & cum *Can. 79. de Diaconissis* Viduas admitterit tantum, & à thori illecebris alienas; quanto magis dicendum est, hanc vivendi rationem postulasse in Presbyteris, iisque omnibus, qui sunt Sacris Ordinibus initiati? Ex hac etiam Orientalis Ecclesiæ disciplina circa Diaconissas, quarum munus erat fœminarum Baptismum curare, quod viguit eo tantum tempore, quo Baptismus non Infantibus, sed jam adultis conferebatur; quis non potiori jure inferat similem, immo arctiorem disciplinam, circa sacros Ecclesiæ Ministros? Quod vero ea fuerit disciplina circa Diaconissas, videre licet *Bibl. Orient. tom. 3. part. 2. cap. 13. §. 10. de Diaconissis*. Unde etiam lectis Nicænis Canonibus, non alium, nisi castitatis, atque continentię spiritum, haurire liceret Ecclesiasticis Viris: verum Scarabæus stercus è rosis elicit.

GI. Si vero illis verbis: & quod ex Nicæno adducitur, intenderit digitum Crozæus ad id quod refert Socrates *lib. 1. cap. 18.*, quodque totidem pene verbis narrat Sozomenus *lib. 1. cap. 22.*, & post eos Cassiodorus *Hist. Trip. lib. 2. cap. 14.*, Niceph. *lib. 8. cap. 19.*, Gratian. *in Decret. Can. 13. distinct. 31.*, & cum plausu excipitur à Natali Alexandro; nimirum quod cum Nicæna Synodus eo propenderet, ut legem ferret, qua Episcopi, Presbyteri, atque Diaconi, ab usu temperarent Matrimonii, etiam ante suam ordinationem contracti, Sanctissimus Episcopus Thebaidis superioris Paphnutius reſtiterit; tanta momentorum vi, atque rationum efficacitate, ut Synodus ab edicenda lege superfederit: id sane tanquam fabella, vel a Socrate primum conficta, vel ut consultius alii autumant, à Græcis post schisma; ne quas acceperant Uxores, dimitterent; Græca fide in vulgus sparsa, à cordatioribus Viris exploditur, atque exhibetur. Et quidem disciplinam Ecclesiæ, illius temporis, ignorasse SS. Epiphanium, & Hieronymum, non nisi despiendo dici valet: ille

F ff

igitur

(a) Prudentissime Ecclesiæ mentem circa hoc aperuit SS. D. N. Benedictus XIV. feliciter regnans in Constit. pro Italo Græcis; Et si Pastoralis edita 7. Kalend. Jun. an. 1742. §. 26. & seqq. Et si expetendum (ait) quam maxime esset, ut Græci, qui sunt in sacris ordinibus constituti, castitatem non secus, ac Latini servarent; nihilominus ut eorum Clerici, Subdiaconi, &

Presbyteri uxores, in eorum ministerio retineant (loquitur de ductis ante ordines, & Virginibus) Romana non prohibet Ecclesiæ qui autem uxore mortua, aliam duxerit, excommunicatur, deponitur, ac ab ea separatur; & addit: Matrimonium enim post recensitos ordines contractum, nullum irritumque declaramus.

igitur ad finem operis Cont. Hæres. ait: *Et si quis ab initio continens fuerit, aut Viduus, habere potest locum Episcopi, Presbyteri, aut Diaconi, aut Subdiaconi.* Hic vero advers. Vigilantium egregie refellit, contententes, rem uxoriæ Ecclesiasticorum, ex antiqua Ecclesiæ traditione descendere, dum exclamat: *Quid faciens Orientis Ecclesia? Quid Aegyptii, & Sedis Apostolicæ? Quæ aut Virgines Clericos accipiunt, aut continentes; aut si Uxores habuerint, Mariti esse desistant?* Ne autem aliquis cum Natali laudato, hos Patres traducat, ut distantes 80. circiter annos ab illa Synodo, damus Eusebium, qui Synodo ipsi interfuit, scribentem lib. de Demonst. Evang. cap. 9.: *Verumtamen eos, qui Sacriati sunt, atque in Dei cultu, ac ministerio occupati, continere se deinceps ab Uxoribus coniunctio decet.*

CII. Denique, & quod rem totam conficit, demus Socratem narrasse verissima; inde potius perspicere, noscereque licebit, spiritum Ecclesiæ prioris ævi ante Synodum, & Nicænorum Patrum apertissimam pro antiquæ continentis disciplinam mentem: cuius rei clarissimum argumentum est, ne ipsum quidem Thaumaturgum Paphnutium, ob insignem Sanctitatem toto Oriente celeberrimum, quique utpote continentissimus, non suam, sed aliorum causam agebat; Canonem de re uxoria Clericis indulgenda, quem orabat, suadebatque, nullo unquam pacto Concilii Patribus persuadere, & ab iis exorare potuisse. Nunc Crozæ, assumptisque tecum Calvino, Lutheroque tuis, cum Marco Antonio de Dominis, aliisque Ecclesiasticorum castitatis impugnatoribus, clypeum Nicænz Synodi, tuæ, tuorumque sociorum libidini obtende, vel potius aperte fatere, quod iniquissime sentis, Murcia (a) potius litandum esse quam Deo.

CIII. Nec magis favet istis Gangrensis Synodus, quæ coacta fuit anno circiter 330. (b) quinquennio post Nicænam (variis de causis, maxime autem contra (c) Eustathium) hujus 4. Canon fortassis à Crozæ indicatur, nempe: *Quicumque discernis à Presbytero, qui Uxorem habuit, quod non oporteat, eo ministrante, de oblatione percipere; anathema sit: vel sicut contractior in uno (d) MS. legitur: Si quis discernit de oblationibus, non communicans, quas Presbyter celebraverit conjugatus; anathema sit.* At ex hoc non videmus quid præsidii capere possit Crozæ, ut ostendat antiquam esse disciplinam, quod Presbyteri sint Uxorati: etenim si attendatur causa finalis condendi Canonem, ea profecto non fuit

(a) Dea Murcia pro Venere. Vide Dict. Fabri Sorani.

(b) Hæc Synodus habita fuisse videtur inter annum 325. & 341. a leat Socratem lib. 2. cap. 41. & Sozom. lib. 4. cap. 14.

(c) In Epist. præfixa isti Synodo, in Collect. Harduin. vocatur Eustathius, ejusque sequaces Eustathiani.

(d) In uno è sex MS. vetustissimis Colleg. Paris. Societ. Jesu ita habetur: & in cap. 4. e regione respondente Canon 4. hæc

habentur: *Si quis discernit Presbyterum conjugatum, tamquam occasione Nuptiarum, quod offerre non debet, & ab ejus oblatione ideo se abstinere: anathema sit.* In laudata autem Epistola qualis fuerit hic Eustathianorum error, clare detegitur dicendo: *Presbyteros vero qui Matrimonia contraxerunt, sperni debere dicunt, nec Sacramenta, quæ ab eis conficiuntur attingi.* Ita versio nova Epistolæ apud Harduin. tom. 1. col. 531.

VINDICIÆ SYN. ADVERSUS CROZÆUM. 411

fuit Presbyteris conjugium indulgere, aut alias indultum, restituere; ideo enim Canon fuit factus (ex adnotatione Isidoriana relata in Gratian. *Decret. II. Distinct. 16.*) quia cum Eustathius effutiret, nullam conjugatis æternæ vitæ spem esse, fideles sese retrahere poterant à sacrificio eorum Sacerdotum, qui etiam vivente Uxore, & si ab ea temperantes, celebrarent; aut forte putare, horum ordinationem nullam, ipsorumque Sacrificia nullius valoris in comparatione eorum Presbyterorum, qui Uxorati nunquam fuerunt; unde Synodus, ne larius huiusmodi serperet error, anathemate percussit discernentes inter Sacrificium Presbyteri conjugati, & non conjugati; asserendo nullum quoad oblationem Sacrificii esse inter eos discrimen. Id ne est, Presbyteris Matrimonium permittere? Afferere nempe, quod si Uxoratus ordinetur, ut à tempore Apostolico aliquoties eveniebat, ejus Sacrificium in nullo differt à Sacrificio non Uxorati? Si ita est, ut videtur velle Crozæus, æquo jure quis dicere poterit, quod ex Ecclesiæ disciplina, Monachis hodie permittitur Matrimonium; eo quia etiam Uxoratus, si mutuo consensu se ab Uxore separat, admittitur in Monasterio ad professionem, & Ordines; cujus rei notissima sunt exempla in Petro Corbario Minorita, & aliis quamplurimis. Qua in re quis non videat maximam, quæ intercedit distantiam, inter admittere conjugatos ad Monachismum, & indulgere Monachis, quod uxores ducant (a), aut antea ductis utantur? Pariter ergo de Presbyteris conjugatis discurrendum est. Fortius intorsisset Crozæus Concilium Ancyranum, & Canones Trullanos, nisi Ancyrana Synodus in casu particulari tantum, & per modum provisionis decrevisset, & nisi Patres Trullani speciosum incontinentiæ Clericorum velum obtendissent, ut luculentius, & fufius ostenderemus, si præberetur occasio: interim vide Synodum pag. 192. Hæc ut putamus, plusquam satis sunt, ut ostendatur, quam inaniter Crozæus, & imperitiæ insimulaverit Diamperitanos Patres, & Canones Nicænos, & Gangrēnses illis objecerit, quos ita leviter attigisse Crozæum apparet, sicut Fipula aquam.

CIV. Ibidem aliam cantilenam interferit in altera adnotatione, dicendo, quod *Presbyteri Græci & Moscovitæ, si secundo nubunt, inter Laicos communicant, nec inter Presbyteros amplius recensentur; unde indebilem characterem Sacerdotio non tribuunt, ut nec antiqua Ecclesia,*

F f f 2

quid-

(a) Nestoriani Matrimonium permittunt Monachis, Diaconis, & Presbyteris, etiam post Ordinationem, nec semel tantum; immo ex Josepho II. Patriarcha: possunt ducere septem Uxores cum dimidia; idest septem Virgines, & unam Viduam; id inter eos est discriminis, quod Monachus tunc definit esse Monachus; vota enim horum temporaria videntur: Vide Bibl. Orient. Assem. tom. 4. pag. 327. &c. Eo modo quo etiam apud nos plura Virginum Collegia extant; quæ huiusmodi vota emittentes, nuptias cum volunt, admittunt. At de hoc

clarum habemus testimonium Patriarchæ Joannis Bar Abgari lib. de Quæst. Eccles. Quæstio 18. quod est tale: *Accidit Puellam a Parentibus Monialem fieri. Quaritur, an eidem liceat a proposito monastico revolvitur? Respondetur: hoc (etiam nubere) ei esse permissum; at non decet obligatam Deo fidem frangere; cavet inde, ne Nuptiæ in publico fiant; & addit: Hoc vero quod de feminis dictum est, Viris etiam commune jus esto, simili modo inclusi, idest in Monastico statu existentibus.*

quidquid scholastici dicant: videatur super hac re P. Morinus de Sacris Ordinationibus. Verum esto Græci & Moscovitæ, ut ipse asserit, ita se gesserint: quid inde? Ergo ita fieri debet? Diserte negamus; aliter eadem consecutione fieret, licitum esse furari, & alia quamplurima licere, quæ etiam si sæpius ab hominibus scelestis fiant, non ideo ea fieri posse probatur. Deinde quamquam ita fecissent Moscovitæ, & alii; & Presbyteros iterum nubentes, in Presbyterorum numero non recenserent, & laicæ communioni addicerent; non videmus, quomodo ex hoc recte inferat Crozzus, quod illi indelebile signum characteris non agnoverint; etenim Ecclesia Romana eodem modo se gerit cum Presbyteris, & Dignitate dejectis, vulgo *degradatis*; quæ tamen ipsos indelebili characterē (a) manere signatos, constanter tenet: immo & ipsum Crozzum, qui à vera fide descivit, propter indelebilem Baptismi characterem Christianis (transfugis tamen) annumerat. Quod autem Ecclesia antiqua, characterem Sacramentalem non agnoverit, sub hoc nomine fortasse suffineri posset, nisi Augustinus *Epist. 98. antea 23. Dominicum characterem* memorasset, & in aliquibus Sacramentis, animæ imprimi diserte tradidisset variis in locis: adeas Cupetiolum *Theol. Mor. Aug. tom. 3. co. 778. & seq., & col. 796.*, & nostrum Berti *tom. 6. lib. 30. cap. 22.* sed damus ultro prædictum characteris vocabulum non adhibuisse; certe tamen rem per illud significatam agnovit, & constanter tenuit; sic in primitiva Ecclesia incognitæ erant voces istæ *Incarnatio, Eucharistia, materia, & forma* Sacramentorum, & aliz quamplures.

CV. Sub aliis tamen nominibus eandem rem, quam nos confitemur, confitebatur, & agnoscebat; & quantum ad characterem non parvi faciendum est scholasticorum suffragium, quibus facem præfert Albertus Magnus, qui in 4. *Dist. 6. art. 4.* ait: *De characterē in sensu quo Magistri disputant, de eo parum invenitur in dictis Sanctorum*; quia scilicet Sancti, aut *Sigilli*, aut *Signaculi* nominibus, ad designandam rem, quam nos cum posterioribus *characterem* dicimus, usi sunt; characteris autem vocem, aliis significandis rebus adhibuere: unde utcumque, rem si tenuerint, vocabulum novum non horremus, prælucente in illis casibus Ecclesia. Tandem (ut vult Crozzus) consulamus P. Morinum, qui de

Sac.

(a) Placulum duceremus præterire hoc loco Decretum recitatum in Concil. Carthag. anno 397. *Placuit etiam*, in quo ex antiqua disciplina statutum fuit: *Ne quis Donatistarum cum honore suo recipiatur a nobis, sed in numero Laicorum.* Quem locum ita commentatur Dupinius in *Opusculo Milevis. pag. 204.* *Ut communicarens tantum ut laici, & nullam ordinationis, & honoris prærogativam retinerent.* Viguit primum eadem lex in Ecclesia Romana, ut constat ex Innoc. I. *Ep. 22.*, & Conc. Eliberit. *Can. 51.* Rogamus nunc: Quid si mitius ageretur cum istis, inter Laicos com-

municantibus? Quid in locis, ubi *duo orant. Episcopi*, quos *discussio geminaverat*; ut ait Aug. *Ep. 43.*? Ordinabantur ne iterum isti Episcopi, aut Presbyteri? Certe non: sed ut Miltiades (teste Augustino disposuit) *confirmabatur, qui fores ordinatus prior, iterum illa prior ordinatio; igitur ille ordo, antea susceptus, indelebiter perseverabat ex mente Ecclesiæ; quod nunc nomine characteris significamus.* Aliter qui ter, quaterve lapsus, toties ad officium admittere-tur; ter, quaterve etiam ordinari debuisset, Quæ inaudita sunt.

VINDICLÆ SYN. ADVERSUS CROZÆUM. 413

Sac. Ordinat. part. 3. Exercit. 3. cap. 1. num. 1. respondit consultus; quod quamvis de natura, & effectibus characteris, varie admodum senserint Doctores scholastici, cum primum de illo in Scholis disputare cœptum fuit; tamen (ait *num. 5.*) esse characterem *qualitatem spirituales*, & *indelebilem*: cum Doctorem Ecclesiæ maxima pars in eam sententiam inclinare, & recumbere videatur (& tacite redarguens characterem negantes, quasi hoc nomine antiquis ignotum, subdit opportunissime) *Quidni Posteriores ex Priorum cognitione, & scientia profecerint? Plurimi pertransibunt* (inquit Daniel) *& multiplex erit scientia*. Certe aliqui ex antiquis Patribus usurpantes *substantiam*, *subsistentiam*, & *Hypostasim*, sicuti & *causam*, & *principium* in sensu alieno; à posterioribus (explicatis optimo in sensu illis vocibus) illustrati sunt; & sicuti virtute Dialecticæ, aut logicæ docentis, ut vocant, quæ nihil aliud est, nisi directio mentis, ne in suis actibus erret; inventa est distinctio inter id, quod est complementum naturæ in esse *naturæ*, & id, quod est complementum ipsius in esse *suppositi*, aut *Personæ*: discretio item illius, quod dat esse alteri *contingenter*, & *in tempore*, ab eo quod dat esse tamquam origo *necessaria*, & *coeterna*, indeque sublata fuit æquivocatio: ita pariter vocem *characteris* universalis Ecclesiæ consensione, usurpare cœperunt, recentiores Patres, & Theologi, ad designandam perpetuitatem aliquorum effectuum sacramentalium, qui, ea antiqua notione *signaculi*, & *sigilli* &c. non satis apte explicari, prout temporum ratio exigebat, arbitrati sunt.

CVI. Unde ut raptim saltem apologiam instituamus pro Dialecticæ, & Dialecticis, quos Crozæus hic, & pluribus in locis conviciis proscindit; quasi essent omnium malorum causa, quæ in Religionis negotio irrepunt (odit Noctua lucem) id solum quasi per transfennam dicimus, ne altius camarinam istam moveamus; nempe ignorari penitus, quæ ea causa, tor dira Dialecticæ, & Dialecticis imprecatur? Anne quia lites, & dubia cient? At plurima dilucidant, atque sedant. Fortasse quia pravi quidam homines Dialecticæ abutuntur, ut ceteris imponant, atque ludificent? Tamen hoc vitium est Dialectici, non Dialecticæ; deinde sunt quamplurimi, qui recte, & honeste ea utuntur. Quod si idcirco proscribenda esset Dialecticæ, & Dialectici propellendi, eadem de causa propelli deberent aurum, arma, & libri: Juris etiam scientia, Medicina, & aliæ Artes cum Professoribus ipsarum: aurum enim, quo non mortalia pectora cogit? Armis perimuntur homines; libris mores corumpuntur. Medici impune occidunt; Jurisperiti rapiunt; pauperes etiam opprimunt. Omnes ne, ac omnia ista, in Oasim deportanda? Id nullus sui compos dixerit; hoc unum tantummodo ex effato Pauli *Rom. 12.* Dialecticis inculcandum est: *Non plus sapere, quam oportet sapere, sed sapere ad sobrietatem*; & quod commune est, ceterarum Artium cultoribus: *Ne quid nimis*. Ceterum strenue Dialecticæ incumbendum esse, multis conficere possemus; sufficiat exemplum unum in medium asferre, quod ad rem nostram maxime facit, & ferme ob oculos ponit, quam perverse ex communione laica Presbyteris inferatur, aut

chara-

characterem in eo fuisse deletum, vel illum non esse Sacerdotem, aut ejus ordinationem invalidam eo ipso reputatum fuisse ab Ecclesia: quo insuper palam fit id, quod potissimum intendimus, scholasticos scilicet maximum esse, in re ancipiti, præsidium Ecclesiæ.

CVII. Diu olim, atque multum inter se commisit Episcopos Galliæ, tempore Ludovici Imperatoris controversia illa, de ordinationibus factis ab Archiepiscopo Rhemenfi Ebbone, gradu dejecto, atque deposito; a quo ordinatos, iterum Hincmarus ordinandos esse, mordicus asseribat; quippe ordinati ab eo, qui, ut multi opinabantur, nullam haberet ad id potestatem; eo quod legitime fuisset depositus, & laicæ communioni addictus: quamobrem hanc opinionem Hincmarus sequutus illos omnes exauctoravit. Ex quo quot Deus immortalis turbæ excitatæ sunt! Concilium Sueffionense iterationem approbat: Nicolaus I. improbat: Gallia vexatur hac quæstione, annis vicenis & septem. Porro Hincmarus, sicuti & adversarii, confundebat potestatem Jurisdictionis, cum potestate Ordinis. Existimabant omnes & quidem recte, ordinationem a Catholico Episcopo factam canonice, deleri non posse; at non recte putabant isti vim ordinandi, adeo in Episcopo deposito reprimi, ac hebetari, ut potestatem non haberet, ordinandi alios. Alii ex adverso dicebant, vim potestatis semel acceptæ deleri non posse. O felix Gallia: si eo seculo nono illuxissent ei Scholastici; Petrus Lombardus, ejus successor Petrus Pictaviensis; Albertus Magnus; & Scholasticorum lumen Divus Thomas; qui ipsam post quatuor sæcula tot nominibus illustrarunt! Plane *vel uno verbo* nodum illis viris adeo implexum dissolvissent. Sed ne id tanquam ex nostra sententia dictum, suspitione apud aliquos laboret, audiat Cl. Gallus Jo: Morinus (a); non admodum in Scholasticos propensus.

CVIII. *Part. 3. de Sac. Ordin. Exercit. 4. cap. 4.* ubi litem istam describit: *Profecto hoc tempore difficultas illa, quæ Galliam præcipue annis 27. vexavit, propter quam enodandam tot Concilia celebrata sunt, & iterata; nullo negotio ab annuo Theologia Tyrone dissolveretur: illicitè diceret, sunt Ordinati, non tamen invalide.* Videtis laudatum Morinum, qui totam illius facti seriem expendit. Excipiendi ergo sunt Scholastici; id quod nostris hisce temporibus fere in desuetudinem abiit, lubenti animo, atque liberali; illi vero qui Dogmatis, & Historiæ Ecclesiasticæ, Dialecticam jungant; ut qui omne tulerint punctum; summe allaudandi; vice versa inter homines parum S. Ecclesiæ utiles computandi sunt ii, qui sacræ Scripturæ, Patribus, Dogmatis, & Ecclesi-

(a) Inter auctores Scholasticis inensos, computatur Morinus a P. Natali Argone in *Miscellaneis*, quæ sub nomine *Vigncul de Marville* edidit; & *tom. 2. pag. 345.* Scholasticorum ocores recenset, Leonem Allatum, Joannem Morinum, Joannem Launoy & Lucam Holstenium: qui tamen Augustiniani carissimus maximam suæ Bibliothecæ partem Angelicæ Urbis Biblio-

thecæ legavit. Ceterum omnium validius Scholasticos exagitat Constantinus Grimaldus *variis voluminibus Luca editis anno 1725.* Ex laudatis autem auctoribus duo, nempe Holstenius, & Morinus, protestantium religione ejutata, Romanæ Ecclesiæ fidem amplexati sunt: teste eodem Argone *tom. 1. Miscell. pag. 215.* Natalis ille Argone, appellatur ab aliis, Bonaventura.

siatica historiarum dant operam, sola Dialectica naturali (quæ neminem viventibus destituit) suffulti; eo enim die ii erunt Theologi, quo qui congerendis lapidibus, & miscendis tantum coloribus intentus, posthabitis, immo spretis architectonica, & optica tanquam redundantibus, Architectus evadat, aut Pictor: eo tamen jam res deflectunt, ut verendum sit, ne accidat nobis, si ab heterodoxis laceſsemur; quod Israelitis, dum eos Philistæi adorti sunt in Galgala, 1. Reg. 13.: *Cumque venisset dies praelii non est inventus Eriſis, & lancea in manu totius Populi*; eo quod *Faber ferrarius non inveniebatur in omni terra Israel*, sed neque vomeres, ligones, aut præferrati conti; quos illi præ manibus habebant, usui esse potuerunt, quia cum non esset *Faber*, qui eos exaerueret ad cotim: *Refusa erant acies vomerum, & ligonum*.

CIX. A pag. 253. ad finem usque Synodi, æquiores se, pacatiorumque exhibet Crozæus: ast ut dixit Petrarcha, nescio quo in loco: *Non serenum omne, statim optimum*. Jure igitur arguere videtur Patres *Diamperenses pag. 261. & sequenti*; tum quia reprehendunt eos Christianos, quod sabbato carnibus vescuntur, tum quia obligatoriam non censabant abstinentiam feriæ quartæ; tum etiam quia consuetudinem appellant Judaicam dies festos & jejunia non a media nocte usque ad mediam noctem, sed a vespera in vesperam computare. Siquidem Orientales omnes pro Sabbato, in quo jejunium servat Ecclesia Romana, feriam illi quartam, non secus ac sextam ex obligatione colunt.

CX. Ad alterum de inchoatione festorum, & juniorum, licet recte appellari posset consuetudo Judaica, ea observare a vespera in vesperam: attamen non sola Synodus Diamperitana ita sensit, sed etiam Concilium Magfeld. anno 1362. *ab hora diei Sabbati vespertina inchoandum, non antea præveniendum, ne Judaica professionis participes videamur* (U scilicet maturius inciperent) Hebræis enim præceptum erat levit. 23. v. 32. *a vespera usque ad vesperam celebrabis sabbata vestra* (a) ipsi tamen ante vesperam incipiunt. Vide Maurocenum pag. 1330. ceterum non erat peculiaris ille ritus Judæorum; antiquissima enim ea fuit consuetudo in Mesopotamia, & Chaldæa; nimirum inchoare a Vespere dies; ut etiam nunc in Divino Officio Ecclesia Romana, a primis vespers ad secundas, solennitates suas ducit, atque celebrat. Extat in Bibliot. Orient. *Dissert. de Syris Nestorianis pag. 359. canon Joannis Isa de hac re: Placuit Spiritui Sancto, & præcepit per manus Patrum, in die feriæ sexta non licere Christiano comedere carnem omnino: antequam sol occidat, parsque nocturna Sabbati incipiat*. Dignum etiam est, quod adnotetur in Concil. Forojul. anno 791. cap. 13. *asserit Diem Dominicum inchoante noctis initio, id est vespere sabbati, quando signum insonabat, ad Vesperarum Officiū incipere festum*; at subjungit; *Judei celebrant Sabbatum, quod & nostri rustici observant*. In Concilio etiam Compendensi

in

(a) Idem cavetur in Capitular. Hadonis Episc. Basile. anno circiter 821. num. 8. *feriandum (ait) per omnem Dominicam a mane usque ad vesperam, ne Judæismo*

capiantur. Vide Conſtit. Abatis de Flay, de cautiore observatione Dominicæ, factam anno 1203. tom. 2. Concil. Angliæ: & Synod. Diamper. *Alie. 3. Decr. 16. p. 229.*

in Diœcesi Sveſſionenſi ſub Gregorio IV. anno 833. & habetur *cap. 1. de Feriis* ſtatutum fuit : omnes dies Dominicos a vefpera (a) in vefperam obſervari. Addimus Concilii *Aenamenſis* anno 1009. Sermon. Synodal. *diem Dominicum & alias feſtivities abſque opere ſervili a vefpera, uſque ad vefperam celebrari docere*. Synodus etiam *Helenenſis* anno 1027. *ab hora Sabbati nona, uſque in diem luna hora prima*, prohibet præliari. Tandem *Magfeldenſe* ſuperius laudatum in *Mandat. de Feſtis celebrand.*

CXI. At vellicandi non erant Diamperenſes, quod iis contraria ſtatuerent, ut ita conformior illa Eccleſia redderetur Romanæ ; cum etiam Barhebræus Jacobitarum (b) Maphrianus (Antiftites inter eos primas) nullo ad id juſſu Pontificis Romani ſtimulatus ; conatus fuerit Jacobitas ſuos, ut refert Aſſeman. *loco mox laudato* ad morem occidentalis Eccleſiæ reformare (quem etiam Græci tenebant) adeoque ille in hunc morem invehitur, ut aſſerat *lib. Candelab. Fundam. 2. cap. 3. ſect. 1. Scopo. 6.* quod jejunium ſolvere feria 4. & 6. in fine diei, id eſt, dum ſol occubuit, & ante mediam noctem : *Id ex relaxatione diſciplinæ, non alia de cauſa a Syris uſurpari*. Aliis deinde etiam ſeculis, non una fuit in hac re conſuetudo Regionum ; cum Alexander III. ut refertur *cap. 2. de Feriis*. unicuique Eccleſiæ ſervare ſuam conſuetudinem indulſerit, etiam ubi a media in mediam noctem feſta obſervabantur : *licet ſcriptum ſit ; de vefpera in Vefperam celebrabitis ſabbata veſtra ; Feſtorum tamen principium, & finis juxta eorum qualitatem, & diverſarum Regionum conſuetudinem, debet attendi*. In tota autem pene Europa, obtinuit deinceps conſuetudo celebrandi feſta, de media in mediam noctem. Addeas Thomasin. *de Feſt. lib. 3. c. 5.* Gonzal. *in cap. omnes lit. C. de Feriis*, & Oraculum conſulas ; & fidei, & eruditionis omnigenæ Benedi-
ctum XIV. *Notif. 12. num. 8.*

CXII. Pag. 263. quia *Decret. 18. 1778.* ubi ſtatutum fuit ; ut Orationem Dominicam, & alias ; cum Symbolo fidei, præceptis Decalogi, & Eccleſiæ ; ſicuti & Catechiſmum, non lingua Syriaca (quam non multi callebant) ſed vernacula Malabarica, traderent Parochi ; ait Crozzus, *id quantum ad preces, videri ſibi, conſuetudini Romanæ Eccleſiæ adverſari* : adponit inſuper textum (c) Luſitanum, ut unusquiſque *concluſionem, quæ ſibi placet, eliciat*. Pactum acceptamus, & iſtam inferimus concluſionem : ergo Crozzus ita hic agit, ut cum Biblia, & Liturgiam, lingua vernacula ſcribi ; in Eccleſia Romana obtinere non poſſit ; inſtituat paritatem a precibus ad conficiendum vel omnia lingua vernacula tradi debere ; aut neque orationes, & catecheſes ; cum pro
iis

(a) Qui plura velit hujus obſervantiæ exempla etiam in noſtra Eccleſia Occidentali adeat S. Greg. Turon. *lib. 3. de miracul. S. Martini, cap. 31. & 56.* & Cl. Mabillonii *acta Benediktina* Sec. 2.

(b) Vide Bibl. orient. tom. 2. pag. 215.

(c) Luſitanus textus, talis eſt : O Vi-
ſairo, ou outro Cazanar, ou Chaman,
de ſeu mandado enſinara a Doutrina a os

minimos : 5. o final da Cruz, Padre noſſo, Ave Maria, Creio em Deos Padre, os Mandamentos da Ley de Deos, e da Igreja, artigos da Fe, e mais couſas da doutrina Chriſtiana, em lingua natural Malabar, que todos entendão ; e nao na Suriana em que nao ſabem o que dizem &c.

VINDICIÆ SYN. ADVERSUS CROZÆUM. 417

his par omnino ratio militare videatur. Quia tamen, quod attinet ad Bibliâ Sacra, & Liturgiam; hæc est vetus hæreticorum cantiuncula & crambe ab illis centies recocta, remittimus Crozæum ad Auctores Dogmaticos, & præsertim ad *Epist. 3. P. Bachini adversus Piceninum a § 30. & deinceps*. Quantum vero ad preces, & orationes, distinguere debuisse orationes publicas a privatis; atque ita addisceret, proximæ Ecclesiæ fuisse, illas lingua latina fere semper fundere; istæ vero, permittere, ut vernacula lingua recitentur, & multo magis ut ita fiant Catecheses, cum multum intersit fidei doctrinam ab omnibus intelligi, & percipi; atque hunc fuisse Ecclesiæ morem comprobatur ex Concilio *Bituricen. anno 1584. tit. 1. can. 3. lingua vernacula publice psallere, aut orare nemini liceat, nisi concionatori. Et ibidem Can. 10. prohibet varios precum libellos, etiam lingua latina; & non tantum vernacula, ne specie recti vulgus seduceretur*. Et quia officium parvum, ut vocant, B. Mariæ, publice in choro ex præscripto Ecclesiæ aliquibus diebus recitari debet, illud *vernaculo idiomate editum vetuit haberi S. Pius V. anno 1590. & Conc. Tolosan. cap. 11. num. 6. etiam in Concil. Avenionen. tit. 7. anno 1594. prohibitum fuit, lingua (a) vernacula, & etiam Hispanice, vel Italice, vel Germanice*. E contra dicimus, de oratione Dominica potissimum, de qua in Concilio Bituricense *laudato; tit. 2. Can. 7. legitur eisdem pene verbis, quod in Synodo Diamperitana statuitur; quod nempe componatur Catechismus, cum illis orationibus &c., & quod Populo, & præsertim pueris, a Parocho explicetur: qui profecto vernacula lingua edendus erat*.

CXIII. Mos etiam priorum temporum, id innuere videtur; in Concilio enim Foro-Julienſi anno 757. initio statuitur, ut *Symbolum, & Orationem Dominicam omnis Christianus memoriter sciat: omnis ætas: omnis sexus*. Leges etiam Ecclesiasticæ *Edgari Regis Anglorum anno 967. in Canonibus Can. 17. præcipiunt, ut omnes, liberos suos doceant, Pater noster, & Credo. & Can. 22. qui illa non calluerit prius, interdicitur Cæmeterio, & Eucharistia; quæ quidem pro lingua vernacula stare videntur. In Concilio Mexican. anno 1585. lib. 1. tit. 1. §. 3. statuitur, quod servis Aethiopibus, & Chichimensis tradatur Doctrina Christiana (& Orationes) Hispana lingua, Indis vero ceteris, lingua Materna*. Ex quibus, id saltem certi elicimus; indifferenter vel latine, vel vernacule, sicut in præſenti observatur, eas orationes, privatim dictas fuisse; quodque eos, qui latine sciebant, eas vel latino, vel vernaculo sermone recitasse, ceteros vero omnes, quæ maxima pars esse deberet, lingua vernacula (b), illam orationem dicere consuevisse; ut constat ex Concil. Mogunt. ævo Caroli Magni, anno scilicet

G g g

cet

(a) Hæc verba desumpta videntur ex Concil. 3. Mediolan. an. 1573. §. 4. dicente. *Libri de officio & precibus horariis B. Mariæ V. vulgariter, vel Italice vel Hispanice, vel Gallice, vel Germanice: non vendantur &c.*

(b) In Capitular. Hartonis Episc. Basiliensis anno circiter 821. præscribitur n. 2. *Ut oratio Dominica & Symbolum ab omnibus aiscatur, tam latine, quam barbarice*. Et explicatur in margine *alias Germanice s. n. Francie*.

cet 813. *Can. 45.* ubi præcipit, Symbolum, & Orationem Dominicam discere: *Et qui aliter non potuerit, vel in sua lingua hoc discat.* Unde qui latine nesciebant, vernaculo sermone recitabant; optabat autem Ecclesia (ut etiam in præsentiarum) quod plures, latinitate valerent; nunquam autem vetitum fuit, ejusmodi orationes, precesque, patrio sermone privatim recitare.

CXIV. Tandem Crozzus percurrit totam Synodum, atque in ejus decursu, levi brachio punctim, cæsimque ferit, quidquid placitis Religionis Reformatæ non cohæret. Cumque terminus pene lectionis instaret, vehementer mirabamur; quod ille opiparam suis mensam sociis instruxisset, conviciis refertissimam adversus omnes, qui Catholicæ Romanæ Ecclesiæ Religione addicuntur; quodque eam, omnino absque consueto festivo sale, parasset. Nihil contra Monachos? Id erit, inqueiebamus, profecto insolentissimum ostentum, & præter gentis indolem. At dum versamus paginam 277. ecce hac aurea clave suum obferabat libellum in Synodum: *Hoc maxime animadvertendum, Monachismum inter Christianos Divi Thomæ, neque stabilitum, neque cognitum fuisse.* (a) *Hæc una fortassis est Ecclesia antiqua, quæ immunis ab illa superstitionum vena, conservata sit.* Papæ! quam bellum libelli umbilicum! Id jam dudum nobis præfagibat animus. Id prisco tempore in iis versatissimus Augustinus præsenlit; atque etiam quid agendum Monachis esset, cum ab heterodoxis ita adorirentur, sapientissime præscripsit in Psal. 132. *Quam bonum, & quam jucundum his verbis: Ex voce hujus Psalmi appellati sunt & Monachi, ne quis vobis de isto nomine insultet Catholicis.* Insultandi causam assignat *Quando vos recte hæreticis, de Circellionibus (de Ministris) insultare caperitis, ut erubescendo salventur, illi vobis insultant de Monachis.* Quid ergo agendum? respondendum ne? Non prorsus, ait: sed rogare eos, ut attendant nostrorum vitam, atque suorum; si enim opus est, ut nos verbis defendamus, signum est, quod non recte valemus: *Si verbis (inquit) vestris opus est, jam laboratis. Non opus est, nisi admoneatis unumquemque, ut attendat: solum attendat, & comparet. Quid opus est verbis vestris? comparentur ebriosi cum sobriis; præcipientes cum consideratis; furentes cum simplicibus; vagantes cum congregatis.* Dum ergo semetipsos attendunt, & sincere se Monachis nostris componunt, ad ea quæ de facto asserit Crozzus, aliquid reponendum est à nobis.

CXV. Duo autem dicit, & Monachismum incognitum fuisse illis Christianis, & illum esse superstitionum venam; horum autem primum

fal-

(a) Holophantæ isti (tali enim nomine dignus est, qui mercede conducitur, ut mentiatur, & convicietur) opportune reponit Alleman. *Tom. 4. pag. 471.* aliter tenuisse Patres, Doctoresque Ecclesiæ Catholicæ, æqui rerum æstimatores, qui vitam monasticam summis laudibus extollunt; atque per Sanctissimos Monachos profligatam superstitionem, debellatas

hæreses, atque veritatem orthodoxam, terris aut repositam aut illatam, ubique prædicant. Qui autem scire aveat, qua de causa Religiosi odio a plurimis habentur, adeat S. Paulin. *Nol. Ep. 12. & 23.* & Rupert. Ab. Tuitiensem in libris & *Vit. orre Apostol. præcipue; colum. 299.* apud Marten. *Collect. Vet. Scriptar. tom. 9.*

VINDICIÆ SYN. ADVĒRSUS CROZÆUM. 419

falsitatis (a) arguitur ex Colma Indico-pleuste *lib.3. pag.179.*, qui *an.10 circiter 530.* scribit esse apud Indos nostros *Monachos*, & *Hesyebastas*, idest silentarios; quo nomine veniunt solitarii, & Eremitæ: id præstatur etiam ab aliis, quos consulere poteris in Dissertatione *De Moribus Christianorum D. Thomæ*. Præterea paulo ante appulsum Lusitanorum in Malabaricam Regionem, Episcopi, qui eam regebant, Monachi erant; nimirum Thomas, Joannes, Jaballaha, Jacobus, & Denha; quorum postremi, ad Patriarcham suum Lusitanorum significarunt adventum. Et quod mireris, ipse Crozzus *pag.236. & 243.* meminit Rabban Hormisdæ Nestoriani, quem vocabant Indi, *Sanctum Hormurium*, cuique Templum erectum erat, & eum, non secus ac Malabares, & *Abbatem*, & *Monachum* appellat. Unde certum est, apud Christianos illos, Monachos extitisse; qui etiam usque ad *annum 1590.* in Malabare perseverabant; cum eo anno Monachi missi fuerint ab Indis in Mesopotamiam, ut Episcopos acciperent: ut habetur *Bibl. Orient. tom.2. p. 487.* Quod autem Synodi tempore jam prorsus defecerint, id et versutia gentis, & Judæorum, Saracenorum, atque Ethnicorum artibus adscribendum est; quod enim Nestoriani essent, non est ad rem; cum apud Nestorianos etiam, plurimum floruerit Monachismus; adeo ut Episcopatus frequentissime, vel Monachos inveniret, vel faceret tales, qui antea non erant, quod his verbis expressit Asseman. *tom. 2. Dissert. De Monophys: In Oriente usus (Monachismi) adeo invaluit, ut Monachatus ante Episcopatum tanquam Ordo Sacer, ante Superiorem Ordinem, necessario præmitti debeat.* De Occidente idem habet Thomasin. *tom.1. Discipl. Eccles.* adeas etiam ipsum Asseman. *Dissert. de Syris Nestorian. cap.14.* ipsorum enim videbis plurima Monasteria, in Mesopotamia, Assyria, Perside, aliisque Regionibus.

CXVI. Alterum quod effutiebat; nimirum, Monachismum esse radicem errorum, & superstitionum; quia per summam dicitur calumniam, patienter condonamus, ac taciti præterimus; neque enim opus est, pro illis apologiam texere, quos Ecclesia, Patres, & Doctores, sua tandem ipsorum merita, & virtus, in tuto collocant; ingentis tantum incogitantia arguere Crozzum intendimus; eructat enim, quod illi reforbendum est. Si enim Monachismus est origo superstitionum; cum ex ipso Crozzo tot, tantique apud eos Christianos vigerent errores, veneficia, auguria, & superstitiones, videtur ex hoc confici, apud eos aliquando Monachismum extitisse. Et à contrario: si apud

G g g 2

cos

(a) Falsissimum est, illis Christianis incognitum fuisse Monachismum; sive enim sermo sit de Chaldæis, ante Nestorii hæresim, sive post illam, etiam ad regiones Malabaricas propagatum esse, infinita suppetunt testimonia, quibus demonstratur, floruisse inter eos monasticam vitam non secus ac in aliis regionibus. Insigniorum Monachorum syllabum habes ap. Assem. *Tom.4. pag.403.* ubi conficitur Monachos

extitisse, cum ante; tum post Nestorianismum; non tantum in Mesopotamia, verum etiam in *Media, Hyrcania, Bactriana, Tartaria, India, & Sina*. Extra rem igitur est, quod Crozzus assumit, nempe quod in Malabarica, nulli tuuc extarent Monachi; hoc etenim quid probat? Aliud enim est alicubi Monachos desisse, aliud & longe diversum ibidem loci nunquam extitisse.

eos Monachi non erant, neque illis unquam, nec usquam cognitus fuit Monachismus, & nihilominus, erroribus, & superstitionibus scatebant. Ergo vena fecunda superstitionum, alia est à Monachismo. Quia igitur impotenter adeo Monachismum exsufflat, unum ex iis degulare debet, ac resorbere, ut evomuit; atque ita fiet, ut ipsi sit facillimum, quod nemini facile fuit; ut aiebat *in Mostellar. Plauti*, Theuropides *Act. 3. Scen. 2.*

Simul flare, sorbereque, hand facile Est.

Si tamen livorem, quem in Monachismum eructat inspiciamus; rogandus est ille de scopo, in quem tela mittit. Sunt ne Homines, an Status Monasticus? Si status (ut in persuasis habemus) perquam congrue, & apte semel tandem agit Crozzus; homo (non dicam hæreticus) sed acatholicus, & schismaticus, atque ab Ecclesiæ unitate divisus; cum enim dicente Augustino, Monachus dicatur à *Monos*, quod est unus; ideoque status Monasticus definiatur ex ipso Augustino: *Multa Corpora, sed non multa Corda*; vel *qui sic vivunt in unum, ut unum hominem faciant*. Hoc posito sequitur: *Merito insultant nomini unitatis, qui se ab unitate præciderunt. Merito illis displicet nomen Monachorum, quia illi nolunt habitare in unum*, Aug. in *Psal. 132*. Congruè, & aptissime, immo jure merito, ut cum Augustino loquamur, agit hic Crozzus; dum quæ congruunt suo divisionis, & schismatis statui; adversus contrarium unitatis statum, verba effundit.

CXVII. Si vero non cum statu, sed cum Monachis particularibus res illi est; inane prorsus in illos intorquet telum, quod in omnes homines esset intorquendum; quid enim arguere poterit? Esse ne, Monachos pravos, atque scelestos? Id in cujuslibet conditionis (immo & in Angelis) offendet; & consequenter in omnes illi debacchari licebit: audiat igitur Augustinum in *Psal. 132. sunt & qui Monachi falsi sunt, & nos novimus tales. Sed tam sunt Monachi falsi, quam & Clerici falsi, & fideles falsi: omnia ista genera habent bonos suos, habent malos suos*. Nihil ergo conficit Crozzus ex iis, quæ intendebat: nisi si id tantum sibi proposuit obliqui nempe contra Monachos; & ipsos utcumque conviciis, atque contumeliis afficere; quod si ita sit ut non abs re putamus, reponimus cum eodem Augustino *Epist. 125. Fratres in Monasterio constitutos participes fuisse contumeliarum tuarum, utrum probari possint, ignoro*: felices, qui à Crozzo male mulctantur; miserrimi tandem, cum ab eo, eique similibus laudabuntur; ab antiquo enim illo Dracone edocti, male feriati isti, ait P. Aug. *Epist. 78. alias 137. num. 6. Quid aliud captant, nisi ut quisquis Episcopus, vel Clericus, vel Monachus, vel Sanctimonialis cecideris, omnes tales esse credant, jactent, contendant*? Id tantum hodie novum est; quod cum illis duobus hominum statibus, mitius jam agitur; corio autem posteriorum, non sine ingenti applausu, semper luditur. Et hætenus vindiciæ contra Crozzum, Synodum nostram recta impetentem, ut oblique universam Ecclesiam Catholicam deveniunt; & qui finem Attellanæ suæ, isto per-

VINDICIÆ SYN. ADVERSUS CROZÆUM. 421

perridiculo in Monachos exodio adornavit; nos pariter exodium canimus illi, quod Plauti Asinaria non incongrue, ipsi aptandum, cecinit.

*Nunc si vultis deprecari hunc seni, ne vapulet,
Remur impetrari posse, si plausum sic clarum datis.*

CXVIII. Quum vero vindicem æquum, & honestum, ita deceat eandor, & integritas, ut nihil magis; ingenue fatemur, Patres Diamperitanos non pauca castigasse, quæ consultius intacta præterissent; sequentia igitur subiicimus, quæ obelis suis Crozæus, & quilibet jure (ut nobis videtur cum eruditissimo Assemano *Dissert. de Nestor. p. 345.*) transfixerit. Nimirum.

Quod Patres illi putaverint; ut etiam apud Possevinum habetur *tom. 2. Apparat.* Nestorianos plura loca Novi Testamenti perperam corrupisse; etenim si locum excipias Epist. ad Hebr. cap. 2. *ipse enim præter Deum &c.* reliqua habentur in vulgata Syrorum versione, quæ ante Nestorium legebatur: de quo vide adnotata ad *Ass. 3. Syn. Dec. 1. & 2.* Quod Libros Rituales proscripserint, eo tantum, quod cum ritu Latino non conveniebant. Quod sibi persuaserint, ea verba Baptismi: *Baptizatus est, & perfectus N. in nomine Patris Amen &c.* formam esse Baptismi apud Nestorianos; quæ tantum erat proclamatio Baptismi jam facti. Quod usum Sacrorum Oleorum incognitum dixerint in illa Regione, & consequenter quod Confirmationem, & extremam Unctionem ignoraverint; sicuti & existentiam Purgatorii. Quod usum vescendi carnibus die Sabbati, mortalis noxæ esse putaverint; cum is fuerit Orientalium usus, & inter Occidentales, in ultima Thule Hispania, hodieum in latiore ipsius parte vigeat. Inconsiderate etiam prorsus egerunt, dum tot emendationes in Liturgiam scrupulose nimis invexerunt: dum Ritus Syriacum quoad Missale, Altaria, vestes Sacerdotales, Eucharistiæ materiam, & formam mutaverunt: dum iusserunt trinam Missarum celebrationem, in Natali Domini; benedictionem Cinerum; & Signum Crucis a sinistra ad dexteram ducere: denique dum pronuntiarunt, solius esse Episcopi, legitime Confirmationem ministrare, cum is tantum sit Minister Ordinarius (a) non tamen privative unicus; ut patet ex non infrequenti praxi, delegandi Presbyteros tam in Oriente, quam in Occidente, ad Confirmationem ministrandam. In hæc igitur lapsi sunt; vel ex orientalium rerum ignoracione, quod illo ævo mirum videri non debet; vel nimio studio, Indos ad Romanos traducendi ritus, ut longius eos ab antiquis erroribus abducerent; eo ferme pacto quo Sancti Patres, præcipue juxta aliquorum

(a) Chrisma inter Nestorianos, non consecratur ab Episcopo, sed a Presbytero inter baptizandum; an id valeat fieri quoad Chrisma confirmatorium; vel sit solius Episcopi & jure divino? Disputant auctores. Inter Græcos, Presbyteri, omnia olea, uno dempto Chrysimate consecrant:

extat etiam Decret. Clem. VIII. quod *Non sunt cogendi Presbyteri Græci, olea sancta præter Chrisma, ab Episcopis latinis Diocesanis accipere: cum ejusmodi olea, ab eis, in ipsa oleorum, & Sacramento-rum exhibitione, ex vetere ritu consueverint, seu benedicantur.*

rum sententiam Augustinus, cum Heterodoxis egerunt, ut enim eos ad veritatis centrum ducerent, in partem ex diametro oppositam, aliquanto plus justo deflexisse videntur.

CXIX. Jam vero per supradicta omnia, conati sumus, Synodi nostræ Vindices agere; si ita loqui fas est, ex illo trito: *Nos quoque poema natamus*. Quod si hoc minus digne præstitimus, aut parum, urbano sale usi sumus, vel fortassis etiam desipuimus, satis nos tuctur scitissimum illud Pauli apophthegma: *Factus sum insipiens, vos me coegit*; quid quod id, nisi fallimur, suo loco & tempore præstitimus; ex Horatio autem *lib. 4. Od. tom. 2. v. ult.*

Dulce est desipere in loco

Et Callias, inter excerpta Grotiana: *Apud insanos, insanire decorum*: aberrandum enim est illi, qui hoscem extra viam errantem insequitur; sicuti etiam: *sapientia pars est* (Lips. Cent. 2. Misc. Ep. 7.) *leviter desipere, & paullum extra viam rectam ire ad vitandum violentum aliquem occursum*. Gratum quinimmo id futurum fore putavimus ipsi Crozzo; complanatis enim levigatisque iis paucis locis (quamplurima, & prope infinita superant) suæ Historiæ Indorum, minus salebrosa, strigosa minus habebitur, illa Opella; alias erudita; cultior deinde atque gratior; veniam ergo dabit si inter expoliendum, & pumicandum aliquid doloris ipsi attulimus. Animus nobis erat, non ipsum deglubere; immo ne vellicare quidem, sed ornatorem cultioremque reddere; sed ut ex Doussa habet præclarus Augustinenfis Albertus le Roy in *comment. ad Serm. . Petri Scholirii, lib. 3. Serm. 10. num. 6. pag. 316. Edit. Hermopolit.* difficillime hæc se junguntur:

Rador, subvellor, desquamor, pumicor, ORNOR.

Quod si ita expoliri, ornarique recusat Præstantissimus Vir, tandem infelicitè gesta, canet receptui, & sua re criminationum castra reducat, quæ adversus Religionem nostram, nec reformatam, nec reformabilem metabatur: ne tamen id ipsi dedecori detur, & omnino inglorius, stationem relinquat; egregiam illam opellam, *De Christianismo Indorum*, in perennaturum anathema, & *μνημόσυνο* Deo illi suspendat, cui Templum (a) erectum fuit in Urbe, extra portam Capenam; quum pari infortunio; at minori audacia, Annibal Castra movit, quæ imprudens, & jactabundus, (ut Crozzus adversus Sacram) ipse contra Romam profanam, collocaverat: nempe; DEO RIDICULO.

DIS-

(b) Paul. 2. ad Corint. cap. 12. v. 11.

(a) Ex Tit. Livio apud Ficonum: *Le Vestigia di Roma*: edit. Romæ apud Mai-

nardum anno 1744. & habetur lib. 1. cap. 24. pag. 162.

DISSERTATIO V.

De Indorum Orientalium Diœcesi.

Indorum Ecclesia priscis temporibus Ecclesiæ Persidis subiecta, ac proinde Patriarchæ Antiocheno CXX. Institutis Catholicis, seu Procuratoribus Generalibus Patriarcharum, atque Archiepiscopis, verisimile est Indiæ Sedem Archiepiscopalem fuisse CXXI. Etiam Metropolitanam CXXII: Archiepiscopalem rursus, & Episcopalem alternis temporibus CXXIII. Christianorum Indiæ numerus CXXIV: Pagorum ac nobiliorum Urbium notitia CXXV: De Missionibus apud Indos susceptis CXXVI: De politico eorum Christianorum regimine CXXVII: De Hierarchia Ecclesiastica illius Diœceseos CXXVIII: Series Episcoporum Indiæ CXXIX: Omnium prior nominatur seculi IV. initio CXXX: Episcopi Latini post Synodum Diamperitanam CXXXI: Novo exorto Schismate, scinditur series, in cujus altera parte Catholici, in alia Schismatici recensentur CXXXII. De alia S. Thomæ Diœcesi, in tractu Coromandelis, nonnulla annotantur CXXXIII.

CXX.



Anum e tabula pene subducebamus, cum is nobis ingessit scrupulus, fore nempe, ut ad plenam Christianorum S. Thomæ notitiam, Diœceseos illorum descriptio desiderari posset; quapropter ut omnibus fiat satis, postremam Dissertationem instituiamus de Diœcesi Indica, in qua elucidatur, quantum fas est, illius Diœceseos status, Dignitas Episcopalis, Archiepiscopalis & Metropolitana; illorum Christianorum, & Ecclesiarum numerus atque nomen; deinde de Missionibus, regimine, & Hierarchia Ecclesiastica nonnulla indicantur; series tandem Episcoporum cum Catholicorum, tum Schismaticorum accurate contextitur.

Et quidem ex eo quod Indico-pleustes habet, nempe in India, in Urbe aut Emporio Callianæ Episcopum extare, in Perside ordinari solitum, perspicuum fit, quod sicuti Ecclesiæ Antiochenæ obnoxia fuit a primis temporibus Ecclesiæ Chaldaeorum (ita dicta, quia in regione Chaldaeorum & Babylonia primaria ipsius sedes constituta fuerat, per Marim S. Addæi sive Thaddæi discipulum, cui Addæo Sanctus Thomas, Apostolus earum regionum curam commiserat) quæ etiam Babyloniæ & Persidem complectitur cum Seleucia atque Ctesiphonte, ubi S. Addæum constituisse asserit P. le Quien. *tom. 2. Orien. Christ. col. 1078.* ita, inquam, Ecclesiæ Indica obnoxia fuit a priscis temporibus Persidis

Ec-

Ecclesiæ; nec enim Cosmas ejus rei meminit tamquam suo seculo recentis.

CXXI. Tempore autem Ahad-Abowiz, qui Catholicus quintus post Marim numeratur, propter persecutionem Romani Syriæ Præfecti, indultum est ab Episcopis Antiochenæ Sedis, ut Seleuciensis Episcopus apud suos in posterum ordinaretur, atque remotiores Orientis Ecclesias (inter quas Indica jure recenseri debet) Antiocheni Pontificis vice curaret: obquam delegationem ex ipso le Quien *col. 1079. Catholicus* appellari cœpit, quasi *Procurator Generalis* alterius Antistitis. Quum vero Constantini Magni ævo subscripserit Concilio Nicæno quidam *Joannes Episcopus Persidis & magnarum Indiarum*, nec ita pridem a celebratione ipsius Concilii Nicæni S. Martyr Simeon juxta Sozomen. *lib. 2. cap. 9. Regiarum Persidis Urbium, Seleucia & Ctesiphontis Archiepiscopus* appelletur; cumque IV. & V. seculis, titulus Archiepiscopi illis tribueretur Prætulibus, quorum sollicitudini atque regimini plures commissæ erant Ecclesiæ, nullus dubitandi relinquitur locus, quin Episcopus etiam ille Callianæ, Archiepiscopi munere fungeretur in India; maxime cum in illis regionibus asserente Indico-pleusta, *Ecclesiæ extarent propemodum infinitæ*.

CXXII. Titulo etiam *Metropolitæ* honestatum fuisse Indiæ Antistitem, ex eo elucet, quod ante Timothei Patriarchæ Nestorianorum ætatem, nempe ante annum 768. asserat Sobensis in *Epitom. Can. Par. 8. cap. 15.* Episcopum Indiæ, dignitate *Metropolitæ* auctum fuisse. Quia tamen tempus certum non designatur a Sobensi, idcirco Assemanus, *tom. 4. Bib. Orient. pag. 337.* ad ævum id rejicit, Patriarcharum Seleuciensium, Salibazachæ nimirum anno 714. Silæ anno 503. aut forte, ad tempus Achæi, qui eam Sedem iniit anno 411. Paulo etiam post temporalaudati Timothei, habetur in Synodica Theodosii Patriarchæ, qui præfuit Nestorianis ab anno 852. usque ad 858. quod *Metropolita Indiæ*, & ii qui in regionibus longinquis degunt, non teneantur Patriarcham frequenter adire sicut alii, sed teneantur tantum quolibet sexennio, consensionis atque unionis literas omnino mittere. In tabula etiam Amri, quam affert Assem. *tom. 2. pag. 438.* terdecimo loco ponitur *Metropolita Indiarum*, post Sinensem. Et Josephus Indus qui regnante Alexandro VI. Romanam venit, in *Navigat. Nov. Orb. pag. 133.* testatur, Catholicum Nestorianorum, duos consuevisse inter alios creare *Metropolitæ*, unum in India, alterum in Cathaya. Episcopi denique Indiarum, Thomas, Jaballaha, Jacobus, & Denha in Epistola, quam dederunt anno 1504. ad Patriarcham, sicuti Joannem vocant Metropolitam Atelæ, hoc est Masinæ, sive Cathajæ, ita *Jaballaham Metropolitam Indiæ* appellant. Quod autem Abdjesus, qui anno 1562. Romæ inauguratus a Pio IV. Chaldæorum Patriarcha, in sua Fidei professione, apud Morin. *de Sacram. pag. 436.* plures Indiæ Metropolitæ designaverit, id verum non est, nisi abusive, ut optime animadvertit Assem. *tom. 4. pag. 439.* Metropolitæ nomen usurpaverit. Nec prætermitti debet quod in Angamale Sedem constituerint ab anno 1555. usque ad 1597. ut in *Hist. Synod. Diam-*

Diamp. videre licet, tres ultimi Nestorianorum Metropolitæ Josephus, Abraham, & Simeon. Cumque post seculum XII. Antiochenus Patriarcha, Ecclesiæ Catholicæ reliquias, per quindecim Provincias sparsas, per duos *Catholicos*, quos ad illas mittebat, procuraret, atque regeret, Bagdadensem nimirum, & Romagyriensem (cujus auctoritas à Byzantio usque ad Cathayam extendebatur) ab illo Bagdadense, instituebatur Antistes Indiarum, qui inter Metropolitæ post Sinensem numeratur primus; *Metropolita Indiarum*; quo titulo, ut optime notavit Le Quien *col.* 1089. adhuc insigniebantur Antistites Indiarum, post adventum Lusitanorum in Malabariam; cum ex horum scriptis constet, ut in *Hist. Syn. Diamp.* initio diximus, Babylonia sive Bagdadi Patriarcham consuevisse, demortui Metropolitæ successorem designare, ac ordinare, in Indiam ac Sedem Angamalensem mittendum; ut post Abrahami Angamalensis obitum contigisse, eo loci meminimus. Atque hic etiam adnotavimus, moris fuisse Patriarchæ Babylonici, nunquam instituere Metropolitæ Indiæ, ex ipsius Indigenis, sed externos e Perside aut aliunde; ne immerito Clemens VIII. & Menessius arguantur a Crozzo, quod Chaldæos Indos Episcopis Latinis commiserint instituendos.

CXXIII. Per plures deinde annos, sub clientela Regum Lusitanæ, *Archiepiscopi* appellati sunt Antistites Indiarum, translata Sede e Meliapore, primæ persecutionis tempore, ad Montes Malabaricos, in Angamalam, & Carturte, ut dictum est in *Hist. Syn. supra*, pag. 29. deum in Cranganoram, opera Alexii de Menesses jam celebrata Synodo Diamperitana, atque designato a Clemente VIII. Episcopo Angamalense, per Bullam, quæ accepta fuit anno 1601. & deinde per Paulum V. translata Sede illa Angamale Cranganoram anno 1605. cum antiquo *Archiepiscopi* titulo; (Miræus vero id asserit contigisse anno 1609.) atque deinde Cranganorensi Archiepiscopo primo (post ejusmodi Nestorii errores ab illis Christianis) P. Francisco Roz Soc. Jesu Hispano Gerundense. Anno tandem 1653. post mortem Francisci Garziæ, suscitato novo Schismate inter illos Christianos, novum sibi Præsulem a Nestorianorum Patriarcha præfici curarunt, atque interdum Thomam quemdam a Campo dictum, Indigenam, duodecim Cassanariis ipsi manus in Chirotoniæ Sacræ modum imponentibus, Archiepiscopum ordinare temerario ausu tentarunt; Alexander vero VII. nuncio accepto obitus Garziæ, P. Josephum a Sancta Maria Carmelitam Discalceatum in Malabariam delegavit; post tres autem annos sui accessus in Cranganoram, *anon nimirum* 1663. ea Urbe & Cochino Batavorum exercitu expugnatis, Alexandrum de Campo Indum, Episcopum illorum Christianorum inauguravit; quod munus adeo strenue gessit, ut Archidiaconum illum Thomam, sibi cognominem, qui se pro Episcopo venditabat, procul abegerit. Denique post expugnationem Batavicam, rursus Meliaporensis Civitas quasi postliminio, Antistitem revocatum accepit, qui *Episcopus de Sancto Thoma* appellatur. Atque hoc pacto ait Crozzus *Hist. Christ. Ind. pag.* 331. Dioecesis Angamalensis, *Prima-*

H h h

tialis

ialis Indorum Ecclesia esse desit; qua prerogativa a mille annis gavisa erat; ac tandem Archiepiscopi Goensis suffraganea effecta est.

CXXIV. De Ecclesiarum atque Christianorum Indiarum numero, nullam certiore notitiam nacti sumus, neque antiquiorem ea, quam habet Indico-pleusta, qui *Topograph. Christian. lib. 3. & 11.* scribit, non modo apud Baetros, Hunnos Perlas, Medos &c. sed etiam apud *reliquos Indos* (quo potissimum nomine nostram Indiam designasse videtur) *Ecclesias infinitas esse, Christianosque Populos magno numero*: & hoc quidem VI. Seculo, quo ille florebat: dixerat autem paulo ante unum Episcopum Callianæ extare, in Perside ordinari solitum, qui Christianis illis per totam Indiam dispersis præerat. Conjectare autem licet ingentem fuisse Ecclesiarum, atque Christianorum numerum in India, ex eo quod ait ipse auctor; nempe in Insula Taprobana, etiam *extare Ecclesiam cum Presbytero* (Episcopum intelligimus hoc nomine indicari; sicuti de Insula Socotræ aut Socotoræ intellexit le Quien, cum dicit illuc a Perside Clericos mitti) *Diacono, & reliquo Ecclesiastico ministerio*; qui tamen omnes, advenæ essent ex Perside; *Indigenas vero, & una Reges, alieni cultus esse*. Etenim ex iis videtur, eum indicare voluisse, Christianos Indos, non advenas, ut in Taprobana, sed Indigenas fuisse Indiarum; quasi in illis regionibus, altæ egisset radices Christiana Religio, atque per plurimos ipsius Christianos cultores, ingenti numero aucta fuisset. Plures propterea aliquando Episcopos, in India existisse incomperto est, ex iis quæ Abdjesus laudatus habet, in sua *Fidei professione*, in qua memorat Episcopos (imo vocat eos Metropolitas) Guschin (Cochim), Cananor, Goæ, & Calicuti *in India*, quam ipse appellat *Lusitanam*. Ceterum ante ea tempora, anno nimirum 1503. missus fuerat in Metropolitam Indiarum ab Elia Patriarcha, *Jaballaba*; Episcopi etiam Thomas, Denha, & Jacobus.

Indorum Christianorum numerum, valde imminutum esse anno 1300. asserit Haytonus *lib. de Tartar. cap. 6.*: *Ibi (ait) Fides nostra est multum diminuta, nec est ibi nisi quadam Civitas, in qua habitant Christiani, omnes vero alii, Fidem Christi totaliter reliquerunt*. Ex Epistola Episcoporum Indiarum, quæ extat apud *Assen. tom. 3. pag. 594.* scripta anno 1504. habemus fuisse tunc ibi, *triginta fere millia familiarum Christianarum*. Vincent. Maria *lib. 2. cap. 1. pag. 143.* agens de illorum Christianorum numero, ait Ecclesiam Angamalensem aut Cranganensem, adeo auctam esse fidelibus, ut suo ævo, numerus Communicantium esset, ultra bis centum millia, in octoginta sex Paræcias Diocesi distributa. Crozzus scribit *pag. 68.* illam Diocesim continere supra mille & quadringentas Ecclesias, tandemque Urbes aut Vicos. P. Tachard in *Epistola Bengala exarata anno 1711.* illorum Christianorum plusquam centum millia in Malabaria degere testatur, quorum (ait) nonnulli, adhuc Schismatici sunt, alii cum Ecclesia Romana conjuncti, opera Alexii Meneffii. Tempore autem quo celebrata fuit Synodus Diamperitana, ut in *Hist. Synod. pag. 46.* scripsimus, Cassanarii Synodo interfuerunt 153. & Electi, seu Procuratores 671. ex quo rudi

DE INDOR. ORIENTALIVM DIÖCESI. 427

rudi quadam inita ratione elici posse ibi dicebamus, 168. fuisse Pagos, qui ad Synodum Procuratores suos miserunt.

CXXV. Quantum verò attinet ad Urbium Pagorumque numerum, in quibus Christiani S. Thomæ florere, eminet inter omnes Urbes *Meliapor*, *Malabariensis* dicta *Majale*, & Latinis *Calamina*, in qua Martyrii Lauream S. Thomas promeruit; atque suppari resplendens honore *Cranganora* & *Calliana*, quo nomine *Calecutum* designari contendit P. Montfauconius in *Prefat. ad Topograph. Indico-pleustæ*; nec non illæ oræ maritimæ, quas ab Occidente veniens, ante omnia alia loca, idem Apostolus invisit ac illustravit. Urbes vero & Pagi, in quibus Christiani habebant Tempia, sunt sequentes, ut ex secunda Iustratione Menessii, post Synodum peracta erui potest: nimirum *Diamper*, *Cottette*, *Paraparra*, *Molandurte*, *Paru magna*, *Cochin*, *Angamalle*, quæ in duas Parœcias divisa fuit a Menessio, uti in ipsa duo sunt Reges, quorum alterum Regem Nigrum vocant, & alium Regem Album; *Agaparambim*, *Mangate*, *Paypicota*, *Mutano*, *Paliporano*, *Calucate*, *Cranganor*, *Nhagrica*, *Basquetta*, *Porca*, *Calecoulan*, *Coulan*, *Travancor*, *Tevalicare*, *Gundara*, *Calare*, *Caraminate*, *Catiapeli*, *Colicorangare*, *Podiagabo*, *Naranano*, *Changanor*, *Cbenganare*, *Polignude*, *Promto*, *Carturte*, *Corolengate*, *Ignapeli*. Ex prima etiam Ecclesiarum illarum inspectione, notæ fuerunt Ecclesiæ *Calecar*, *Vaipin*, *Turgull*, *Canar*, *Diamper* altera, *Tecancate*, *Mangalsu*, *Nagpili*, *Narame*, *Palurri*, *Caramalur*, *Paliporan*, *Batimma*, *Mavelicare*, *Caramate*, *Pallur*, & *Todamala*; quibus adde ex Vinc. Maria, *Matanger* & *Rapolin*. In supplici etiam libello, quem Christiani Catholici S. Thomæ, Clementi XI. anno 1704. Carturti congregati porrexerunt, cujus exemplar penes non est, recensentur centum decem & octo Ecclesiæ; quarum pars major, nempe 71. Ecclesiæ, Catholicæ Romanæ erant omnino addictæ; & reliquis, 18. erant, quarum dimidia Cassanariorum pars, Schismatica, & altera Catholica ferebatur; & 29. reliquæ erant omni ex parte Schismaticæ, & tantum Nestorianis constabant. Accuratiorem autem notitiam nacti sumus Romæ, e quadam Carta Chorographica MS. in qua loca Malabariæ potiora, in quibus Ecclesiæ Chaldæorum, aut Syrorum Christianorum D. Thomæ extant, adnotatis Ecclesiis Latini ritus, sicuti & Schismaticis, graphice adumbrantur; Ecclesiæ nonnullæ Regularium, Turcarum Moschæ, & Judæorum Synagogæ; quæ omnia insequentem formam digessimus.

NOTITIA TOPOGRAPHICA MALABARICA

Ecclesiarum Christianorum D. Thome.

- A** Mblacate. *Syri; Jesuita.*
 Corulligia prope Amblacate.
 Quejecca prope Amblacate.
 Mottone.
 Varapoli. *Latini. Carmelita.*
 Cottacolongate.
 Matratil.
 Cottapili.
 Parur.
 Blangati.
 Cittua. *Latini.*
 Enamaco: *Oratorium Jesuitarum.*
 Balianat. *Syri.*
 Calparombil. *Syri.*
 Cormor. *Syri.*
 Chalaury. *Syri.*
 Potincera. *Syri.*
 Muricolor. *Syri.*
 Cuttiotungel. *Syri.*
 Angamale. *Syri.*
 Vinecca Palli.
 Ceria Palli.
 Covere.
 Mangate. *Syri, Jesuita, Carmelita, Moschaa.*
 Manhapara.
 Meliatur.
 Ganchur.
 Vallet.
 Codangolt: *Schismatici.*
 Carpumpiali.
 Rapolin. *Syri: Moschaa.*
 Paru: *Syri Schism.; Moschaa.*
 Canotta. *Syri, Moschaa.*
 Tirtiport. *Latini.*
 Cranganor.
- Palliport: *Latini.*
 Gnarica.
 Vaipin. *Latini prope Crus dos Milagros.*
 Crus dos Milagros: *Latini.*
 Baleport: *Latini.*
 Cittiat: *Latini. Carmelita.*
 Trepuntare.
 Angicaimal. *Syri.*
 Bendiuti: *Latini.*
 Diamper: *Syri.*
 Cantanate: *Syri.*
 Palurti: *Syri: ibi Basar Jud. & Turc. & etiam Palatium Regis Cochim.*
 Matingeri: *Latini.*
 Dumida: *Latini.*
 Cochim.
 Nr. Seghora da Salude *Latini.*
 S. Luis: *Latini.*
 Castella: *Latini.*
 Palliport: *Syri.*
 Cantanasi: *Syri. Palatium Reg. Cochim.*
 Pallicare: *Schism. & etiam Cathol.*
 Paru: *Syri.*
 Palliport: *Syri.*
 Mutton. *Syri Oratorium.*
 S. Andre: *Latini Oratorium; & duo alia prope illud.*
 Cembil.
 Molandurti: *Schismatici.*
 Colonger: *Schismatici.*
 Bucin: *Schismatici.*
 Caromattan.
 Momuacheri. *Schismatici.*
 Canna Cuili: *Schismatici.*

Ra-

DE INDOR. ORIENTALIUM DIOECESI. 429

Racati : <i>Schismatici</i> .	Cerpungel .
Maila Cambil .	Cottete .
Negapare .	Cadagol : <i>Schismatici</i> .
Modelacort .	Cottete Ceria : <i>Schismatici</i> .
Giucocotti .	Pudupalli : <i>Schismatici</i> .
Coronatil .	Cauhara Palli .
Tracore .	Roipur .
Pugnatil .	Chonganari .
Romram .	Pulingune .
Anacalungel .	Calurceri : <i>Schismatici</i> .
Advombare .	Cengenur : <i>Schismatici</i> .
Codnelur .	Neonaor : <i>Schismatici</i> .
Corolengati .	Cottare : <i>Schismatici</i> .
Mulicolor .	Omolor : <i>Schismatici</i> .
Elognil .	Pudiacabo : <i>Schismatici</i> .
Mutieri : <i>Syri</i> .	Tembucur : <i>Schismatici</i> .
Farete .	Calur Para : <i>Schismatici</i> .
Carturti .	Calera : <i>Schismatici</i> .
Bariate : <i>Syri</i> , <i>Palatium Regis Ba-</i>	Tevalecare : <i>Schismatici</i> .
<i>ticanur</i> .	Curiem Colongare : <i>Schismatici</i> .
Bechur : <i>Syri</i> .	Gundare : <i>Schismatici</i> .
Tattompali : <i>Syri</i> .	Manirgat : <i>Schismatici</i> .
Porca : <i>Syri</i> .	Moramanor : <i>Schismatici</i> .
Calorati : <i>Syri</i> .	Bemmani : <i>Schismatici</i> .
Allapare : <i>Syri</i> .	Moramanu : <i>Schismatici</i> .
Codamalur .	Color Superior : <i>Schismatici</i> .
Minetre .	Coilor .
Calete .	Aramola .
Pulala .	Temburcu ; <i>Schismatici</i> .
Idatur .	Turguli .
Poreitanzte .	Candanate .

Si qui autem errores in iis recensendis , sive Personarum , sive locorum nominibus obrepperint , id liberaliter benigneque censores indulturos esse confidimus , si meminerint cum Severino Binio in *Notis ad subscript. PP. Nicenorum* , quod nimirum : *Nihil est in auctoribus temporum injuria , & librarierum erroribus magis expositum , quam propria locorum personarumque nomina* . Unde fit quod in *Epist. Indor. Episcop. anno 1503. ad Patriarc. Nestor. Urbes Indiæ Cranganora , Pallaurum, Coulanum & Cochinum* appellantur *Carangol. , Palor , Colom & Coce* . Cranganora aliquando vocatur etiam *Seigla , & Chrongalor* ; sicuti & Palor *Pharaor* ; eo quod familiare sit Syris de India loquentibus , literas *L & R* permutare . Memoratur etiam *Bafain* , a Josepho III. Indiæ Metropolitæ , quæ a Goa 60. leucis distat , in *Cod. Syria. Vatican. 14.* ubi ille exscripsit Epitomen Canonum Sobensis anno 1557. in Cœnobio ut apparet S. Francisci , quem ipse *Mar Franse* vocat . In illa autem Urbe,

be, septem recenset *Aedes* (Cœnobiaz) *magnifica & gloriosa, in quibus commorantur centum fere Cœnobitæ; est (ait) & alia Ecclesia, quæ S. Maria appellatur; & aliud Cœnobium, quod S. Pauli dicitur, aliud S. Sebastiani, & alia Ecclesia, quæ Misericordia & Gratia appellatur; habetque insuper hæc benedicta Regio Indiarum, altaria, sacras aedes, Ecclesias, & Cœnobiaz, quorum numerum nemo novit.*

CXXVI. De Missionibus etiam hoc loco agendum esset; nisi de hoc argumento omnium manibus tereretur libelli quamplures, immo & non pauca facta volumina quæ utinam in Christianæ Religionis bonum cederent, potius quam christianæ charitati non leve detrimentum inferrent. Id itaque unice adnotaverimus, quod quum *Dormirent homines, venit inimicus, & superfeminavit zizania: Math. 13. v. 25.* Angli etenim, Batavi, atque Dani, Pseudo-Apostolos suos miserunt in Indiam; e quibus celebriores habentur, inter Danos qui anno 1621. illam missionem instruxerunt, *Plutschow, & Ziegenbalg*, qui Poetam (affines sunt iis, Acatolici) convertit, ut scribit *Crozæus lib. 7.* qui tamen paulo post, ipso teste, fidei Danæ versum ille cecinit retrogradum. Inter Anglos vero memoratur *Stevenson*; qui ex India & Castro S. Georgii, Epistolam scripsit hortatoriam, anno 1716. Londinum, ad Newman Secretarium Collegii Londinensis *De propaganda fide* ita illud nominat *Crozæus Hist. pag. 556.* appellatur etiam *Societe qui travaille a l'avan- cement du Christianisme*, ut ait *De la Roche tom. 8. Memoires de la grande Bretagne*; in qua alios in arma ciens, media opportuna offert, quibus *probabiliter* (spe dejicitur ante pugnam) Indorum conversio ad religionem Protestantium poterit obtineri. Quid ad ista reponemus? Cum plura possemus, tria tantum: 1. ex quo Deus misit Prophetas suos, qui Populum electum docerent, Diabolus suos etiam legavit Pseudo Prophetas, de quibus conquerebatur Dominus, quod dicerent: *Hæc dicit Dominus (a), cum ego non sim loquutus*; cum loquatur per eos ille, qui Domino dixit *Et Ego (b) ero Spiritus mendax in ore ipsorum*; ab eodem autem Spiritu Missionarios istos missos esse, compertum est. 2. nihil timendum a religionibus, quæ Clericorum ordinata Hierarchia, & Monachorum carent Cœnobiis. 3. tandem, istos quicumque sint, vanas tantum esse umbras, & Missionariorum Empusas nullo pietatis spiritu animatas, uno etiam tantum pede (ut earum est) incedentes, nihil stabile, nihil constans asferre posse. Zelus etiam eorum jam dudum deferbuisset, ni opportunum reficiendis viribus solamen primus inter Pseudo-Apostolos Indiarum, suis successoribus præscripsisset; Rem *Crozæus* ipse non sine pudore narrat, *Hist. pag. 554.* cum ergo ille quadam die e suggestu declamaret, & vox faucibus hæsisset, præsto fuit qui prægrandem phialam, aut amplissimam lyæi pateram asferret, quam ille pene exhaustit; quam ob causam parum abfuit, quin Apostolum lapidibus impeteret Natio illa, super omnes alias abstemia: jure igitur atque merito dici posset, de Apostolis Protestantibus, quod non nisi per contumeliam dicebant de veris Christi Apo-

stolis,

(a) Ezechiel. cap. 15. v. 7.

(b) Lib. 3. Reg. cap. 22. v. 22.

DE INDOR. ORIENTALIU DIOECESI. 431

stolis, pervicaces Hierosolymitani : *Quia (a) multis pleni sunt isti*. Recensitos Missionarios, exceperunt initio istius seculi Joannes Ernestus Grundler, Joan: Georgius Beuvingi, & Polycarpus Jordan. Ex quibus emendari debet P. Kazenberg Minorita in *Colum. Veris. edit. August. Vindelic. anno 1738. pag. 244.* ubi ait, *Protestantes harent jam per 200. annos in una aut altera Provincia : siquidem Prædicantes libentius domi dormiunt cum suis . . . quam vadant ad Indias*; laborant enim, atque desudant plurimum infelices isti Sisyphi atque Ixiones, rotam volvendo errorum, & Catechismorum suorum sassa; adeo tamen adverso fato, ut cum Alepi, anteaclis annis, Catechismus quidam Protestantium, Arabite conversus recitaretur, exhorruerint & ineptias, & tantam a Romana fide discordiam, qui aderant Syri, Armeni, & Melchitæ; teste egregio V. Petro Benedicto Maronita, qui ibidem tunc aderat; in *Præfat. ad Tom. 2. Syro-Latinum oper. S. Ephrem.* Et quamvis præ Viris garrulos alios Apostolos, feminas nempe, ad munus prædicationis arcessiverint; quod ipsæ strenue nec inficete obeunt; parum incrementi, ipsorum Religioni accessurum arbitramur, e propudiosa ista feminarum prædicatione; quarum prior, paucis verbis, hominem innocentem, ejusque posteros, misere pervertit. Ceterum istis, qui se Evangelicos jactant novos, novum etiam Missionis genus hoc congruebat; in veteri enim veroque Evangelio legimus Christum misisse, *illos binos*; quod autem miserit *illas binas*, nusquam legimus. Suppetias insuper ferunt Missionariis Protestantibus, in India, e Mahometi cloaca Missionarii Arabes, atque Persæ; ut Alcoranum doceant Indos; quod asserit ipse Crozaus *lib. 7. pag. 522.* & comprobatur ex recensitis superius Moschæis, in Indice Chorographico Malabariæ; nec desunt ibidem Judæi, suas Talmudicas morologias, æque ac spem venturi liberatoris disseminantes; ut ex hoc aliquale capiat solamen Aaron Monceca, quem inducit querulum Marchio d' Argens in *Epiſtol. Judaic. Tom 4. Epiſt. 124.* eo quod adeo oscitanter egerint Hebræi præsci, ut Missionarios in Ethnicorum regiones non miserint. Et de iis Missionibus hætenus.

CXXVII. Quod vero ad regimen attinet Indorum illius Diœceseos, omnium causarum cognitio, tam in civilibus quam criminalibus, pœna capitis excepta, ad Episcopum spectat, ut præter ea, quæ scripsimus in *Hist. Syn. cap. 3. §. 1. num. 3.* & ad calcem Synodi, constat ex M. Paulo Veneto *op. le Quien tom. 2. Orien. Christ. vol. 1257.* qui loquendo de Insulis Socotora, & adjacentibus, & præcipue de Insula masculina ait: *Viri Regem non habent, sed Episcopum suum Dominum agnoscunt*; & hoc quidem, ex antiquo Ecclesiæ usu; ut cum Augustino, adversus Gianonium, non semel in notis, sustinimus.

CXXVIII. Quod autem spectat ad Hierarchiam Ecclesiasticam Diœcesis Angamalensis, eam valde confusam, atque imminutam extitisse Synodi nostri tempore, compertum est. Cum etenim Ecclesiæ omnes

Ne-

(a) *AA. cap. 2. v. 13.*

Nestorianorum, ultra Episcopos aut majores Antistites, consent *Leitoribus*, *Hypodiaconis*, *Diaconis*, *Archidiaconis*, *Presbyteris* (celebratur etiam *ordinatio Presbyteri cæci*, ad nonnulla dumtaxat Ecclesiastica munia) *Chorepiscopis Periodentis* (Visitatoribus) *Oeconomis*, & *Diaconissis*; tempore tamen Synodi, tantum recensentur *Archiepiscopus*, qui in more habet, se subscribere *Episcopus*, *Porta totius Indiæ*; ut infra ad annum 1701. dicetur. *Chamazii*, *Cassanarii*, *Archidiaconus*, & *Catatia* seu Presbyteræ: de iis vide *Assem. tom. 4. pag. 789. & seqq.*

Series Episcoporum Indiæ.

CXXIX. **I**ndiarum Provincia demum tertium locum obtinet in notitia Amri, atque Sinensi posterior est, Metropolitana India; non quia Fides Catholica prius Sinas, quam Indos Persis finitimos, Christo subjecerit atque consecraverit, sed fortasse, quia posterioribus temporibus, ut notat le Quien *Orient. Christi tom. 2. col. 1275.* cum a Patriarcha Chaldaeorum se subtraxerint Christiani Indi, atque alteri se submiserint, & postea rursus opera Mar Thoma (Hic est Thomas Cana, de quo inferius ad annum 800.) in illius gratiam redierint, id in causa fuit, cur Indiarum Metropolitana Sinensi postpositus sit, in Notitia Amri Matthæi, qui floruit anno Christi 1340. de quo vide *Asseman. tom. 3. Bibl. Orient. pag. 581.* Et quamquam prope modum impossibile sit, Metropolitaram Indiæ perpetuam & accuratam seriem contexere, conamur tamen quantum licet, meliori in luce, atque ordine collocare quæ de illis aëquuti sumus.

Anno 325. Joannes I.

CXXX. **I**stest omnium primus Indiarum Episcopus, de quo Scriptores, & Acta Ecclesiastica mentionem faciunt; hic enim celeberrimæ Synodo Nicænæ interfuit, atque Fidei Symbolum subscripsit, tamquam *Episcopus Indiæ Magnæ*, qui simul Persidis Episcopus erat; ut constat ex *Act. Synod. Nicæn. par. 2. c. 28.*

Anno 535. Anonymus.

Ejus enim nomen, Cosmas Indico-pleusta, a quo hanc qualemcumque de illo notitiam accepimus, omnino silet; idque unum profert, *lib. 3. Topog. pag. 178.* In Calliana, nobili Indiæ emporio, *Episcopum ævo suo fuisse, in Perside ordinari solitam.*

Anno 655. vacat Indiæ Sedes.

Hoc enim tempore, interrupta communione Episcoporum cum Sede Seleuciensi, regiones illi obnoxia, Episcopis & Sacerdotibus destitu-

stituta sunt, tantumque non ab antiqua sua fide defecere. De quo vehementer queritur Jesujabus Adjabenus, qui obiit anno 660. in Epistola 14. ad Simeonem Episcopum, Metropolitam Ravardsciri, qui Primas Persidis, in urbe Ravardsciro commorabatur. Asserebant Episcopi Persidis, se Patriarchæ Nestorianorum seu Catholico Seleuciensi, nequaquam esse subjectos, sed Catholico Persidis, contra quod contendebat Jesujabus, affirmans a Seleuciensi Throno, Ecclesiasticam omnem potestatem ad Persas Indosque profluxisse. Simeoni igitur in laudata Epistola ob oculos ponit, perversionem incolarum urbis *Maru*, sive *Merne* in Chorasana, qui excusso Seleuciensi jugo, fidem subinde abjecerant; eo quod ab ipsis Taii (id est Arabes) dimidium bonorum exigebant. Unde cum ipse Nestorianorum Patriarcha, non posset amplius in eas regiones Episcopos mittere, non enim (ut apparet) etiam missi reciperentur; neque ille Persidis Catholicus ordinationes eorum celebraret, Indiarum Populi Episcopis orbat remanserunt; quæ omnia ita exprestit. „ Cum per legitimos traductores, perque canonum semitas, donum Dei fluxerit fluatque, en plenus est terrarum orbis Episcopis: at in vestra regione, ex quo ab Ecclesiasticis Canonibus defecistis, interrupta est ab Indiæ Populis Sacerdotalis successio; nec India solum, quæ a maritimis Regni Persarum finibus, usque ad Colon (Insula est trans Malabariam, quæ nunc Chilao dicitur) sed & ipsa Persarum regio vestra, divinæ doctrinæ lumine, quod per Episcopos veritatis refulget, orбата; in tenebris jacet. De quibus consulæ Assleman. tom. 4. pag. 27. & tom. 3. pag. 131. Cosmæ autem Indico-pleuste tempore, Persarum Archiepiscopus, vel idem erat qui Seleuciensis, sive Patriarcha Nestorianorum, vel certe isti erat subiectus; ævo tamen hujus Jesujabi Adjabeni, ab illius obedientia Persidis Catholicus se subduxerat; quod circa annum 780. Timotheo Patriarchatum Nestorianorum gerente, adhuc durabat; asserentibus Persis & Indis (quod etiam Malabarenses Catholicis Romanis objiciebant, ne Romano Pontifici obedientiam præstare cogerentur) Nos Thomæ Apostoli Discipuli sumus, & nihil nobis cum Sede Maris (id est Seleuciensi a Mari fundata) commune est.

Ad hæc tempora; in quibus Persidis regiones atque Indiarum, & hæc potissimum destitutæ erant Episcopis, non incongrue, ut putamus, referenda sunt, quæ ex Itinere Meneffiano Gouvez excerptimus, in Hist. Synodi pag. 9. de illo Diacono, qui unus in sacris constitutus supererat, in Ecclesia Malabarensi, quemque illi Christiani coegerunt Missas celebrare, & reliqua Presbyterorum munia obire: ea præsertim de causa, quia ab hoc tempore usque ad annum circiter 800. nulla Episcoporum Indiæ mentio fit ab Scriptoribus; deinde quia post Seculum VIII. nulla præ ista major Episcoporum interruptio, aut Ministrorum penuria apud illas gentes apparet. Congruentius igitur huic tempori, factum illud historicum assignatur, nisi cum P. le Quien tom. 2. Orient. Christ. col. 1275. qui illud contigisse autumat, post mortem Mar Xabro labente seculo IX. aliis videatur, ad illud tempus revocandum esse.

Anno 800. Thomas Cana.

CL. Assemanus ex testimonio Thomæ Margensis *Hist. Monach. lib. 4. cap. 20.* istum Thomam, Episcopum Indiz fuisse asserit, circa annum 800. Christi; atque eundem esse cum illo Thoma Cana, qui, Xarano Perumalo Imperatore Malabariz, in eam regionem venit; de quo Gouvea & Crozzus, ut in *Hist. Synodi pag. 8.* diximus, Mercatorem Armenum fuisse affirmant; binas insuper Uxores habuisse, alteram Angamalæ, Cranganoræ alteram, quarum una, legitime illius fuit Sponsa, alia Concubina; ex utraque filios procreasse; ex legitima autem progenitos, utpote Nobiles, cum natis ex concubina, nullum voluisse commercium, aut communicationem inire, matrimonia ducere, nec Presbyteros ex iis accipere: ab illo demum Thoma genus omne Malabarensum Christianorum profluxisse. Sicut autem hoc postremum, falsum esse, evidenter ostendi posset, ita reliqua plurimum nobis suspecta ac incerta videntur. Itaque cum laudato Assemano *tom. 4. pag. 442. & seqq.* probamus, Thomam illum, non alium fuisse a Thoma Episcopo, qui circa annum 800. a Timotheo Patriarcha Nestorianorum missus fuit ad prædicandum Evangelium, cum sociis Jaballaha, Kardago, Davide aliisque; cumque Kardagus Ghelanitis, & Jaballaha Dilamitis, Metropolitæ ab ipso Timotheo designati fuerint, ex quindecim Monachis, quos ii secum assumerant, plures postea in Episcopos ab ipsis ordinatos (quos inter Thomas erat ille) in varias regiones miserant, Thomas vero in viciniam Indiam penetrasse dicitur. Nec is fuit Armenus, sed *Aramæus*, id est, Syrus, affinitate autem istarum vocum delusi Lusitani ipsum Armenum fecere; binæ autem uxores & filii; cum Indi illi, maximopere loquutionibus parabolicis delectentur, iisque frequenter utantur; ut ipse Gouvea, non semel nec uno in loco adnotavit; binas significant Ecclesias, ab illo Thoma simul gubernatas; Cranganorensis scilicet, & Angamalensem; & Christianos illarum, qui eum tamquam Patrem, non carnalem, sed spirituales venerabantur.

Anno circiter 850. Mar Xabro & Mar Prodh.

EX Malabarensum traditione scripsit Gouvea, hos duos Episcopos, ad eas Ecclesias missos fuisse, paulo post *foundationem* Urbis Coulan, in qua *annis* 733. ante annum, quo id scribebat Gouvea, *nimirum* 1609., Ecclesiam S. Thomæ condiderunt; unde eruitur id accidisse *anno Christi* 879. Quia tamen præ ceteris accuratiorem computandi rationem circa Epocham foundationis Coulan Vischerianam esse comperimus, ut videre est in *Hist. Syn. pag. 5.* & hæc annum 825. foundationi illius respondere demonstrat, idcirco ipsorum in Indiam appulsum, non ultra annum 850. protrahendum esse putavimus; ne majorem annorum intercedepedinem interponendo, non paucis, ut traditio est Indorum, sed multis post Coulanum fundatam annis, eorum adventus recensatur. Itaque

rece-

DE INDOR. ORIENTALIVM DIOECESI. 435

recedendum nobis est, quod alias ægre faceremus, à CL. viris & re-
 Orientalium eruditione plurimum valentibus, Assemano, & le Quien;
 quorum ille *Tom. 4. pag. 442. Bib. Orient.* horum Episcoporum adventum
 anno 922. affigit; iste vero *Tom. 2. Orient. Christ. col. 1275.* annum circi-
 ter *Christi 880.* assignat; etenim ut *pag. 5. Hist. Synod.* demonstravimus,
 ex nuperis Malabarensis Ecclesie testimoniis Civitas Coulan fundata
 fuit anno 825. ut omnium optime Vischerius asseruerat. Hos perpetuo
 vocat Gouvea, & Synodus Diamperitana *Mar Xabro & Mar Prodh,*
 qua de causa acriter adversus illum, ut adnotavimus, invehitur Cro-
 zzus, quos nominat *Mar Sapor & Mar Perozes.* Atqui P. le Quien lo-
 co mox laudato eos appellat simili pronuntiatione (a) *Mar Xabro, &*
Mar Proud; immo & *Xabra, Xabro Sibra & Sebra,* eo quod hæc no-
 mina non sunt aliena penitus (aliter discurrit de voce *Proud*) ab Idio-
 mate Chaldaico, quæ omnia *Spem* significant. In eo omnes conveniunt,
 ipsos multas Ecclesias extruxisse, ac præsertim in Urbe Coulan, Eccle-
 siam S. Thomæ ædificasse, plurimosque ad Fidem Christi adduxisse,
 atque per ipsos in Regno Diamperitano, Christianam religionem au-
 ctam esse. Anno circiter 890. Joannes II.

Anno circiter 1129. Joannes III.

Non sine falsi formidine, inter Episcopos Indiar, istum *Joannem*
 recenset le Quien ad annum 1129. (de quo silet Assemanus) &
 hoc quidem ex Chronico, quod vocant *Alberici,* in quo ad annum 1129
 refertur *Ex gestis Callixti Papæ II.* qui anno 1119. sedit; quod quidam
 Patriarcha Indorum Joannes nomine, anno 4. Pontificatus Callixti,
 C Polim accesserit, ad sumendum Pallium, quique inde cum Legatis
 Papæ Romam venerit, ubi coram Pontifice & Cardinalibus, inter alia
 narravit, se in Ecclesia Indiar residere, ubi corpus D. Thomæ illæsum
 conservabatur & stans, vestibus etiam illæsis; quodque quotannis in
 ipsius festivitate, Patriarcha cum Episcopis ante eum genuflexus ho-
 stias consecratas offert, quibus accedentes e Populo singulos, manu sua
 ipse D. Thomas communicat: si quis autem infidelis, vel peccato infe-
 ctus accesserit, manum retrahit & claudit. Hæc ejus Episcopi est narra-
 tio. Et quamquam non minus caute & religiose ac le Quien, ejusmodi
 narratiunculas excipiamus, tamen hoc ipsum paucis immutatis legimus
 comprobatum, non solum ab Helinando Monacho, S. Antonino, Bel-
 lovacense, Gesnero, & Naclero, quibus suum addit calculum Sta-
 pletonus *de S. Thoma Apostol. in tom. 4. pag. 942.*; verum etiam ex testi-
 monio Auctoris Synchroni, nempe Odonis Abbatis S. Remigii in *Epist.*

I i i 2

ad

(a) Vita sanctis Mar Xabro & Prodh
 miserunt Malabares in Babyloniani sive
 Bagdadum, ut ab ea Sede Episcopos acci-
 perent; Catholicus igitur ille, Archiepis-
 copum, sive Metropolitanam ordinavit *Joan-*
nem aut *Johannem*, qui sedem suam in In-

diæ, Cranganoræ constituit; atque duo
 alii Episcopi, ipsius suffraganei designati
 sunt, quorum unus *Mar dua* Insulæ So-
 cotoræ præfesset, alter *Mar Thomas* Masi-
 næ, aut Cathajæ. Ex Gouvea, & le Quien
tom. 2. Orient. Christ. col. 1275.

ad Thomam Comitem, inter *vetera Analecta* Mabillonii pag. 464. Edit. Parisina Montalantii anni 1723. in qua scribit ad Thomam, ea (ait) quæ in Curia Romana vidi & audiui, anno presenti (Mabillonius putat id scriptum esse anno circiter 1135.) feria scilicet sexta post Dominicæ Ascensionis sollemnitatem; recenset deinde adfuisse coram Papa cum Legatis, quemdam Indiarum Archiepiscopum (quod verius puto, quam quod ex Alberico dicitur, nempe fuisse Patriarcham Indiarum) qui postquam causam adventus sui aperuit, fere eadem, quæ excipimus superius enarravit, eo excepto quod de communione dicit Albericus, simile tamen protulit in Curia, asserens Archiepiscopum cum sociis sui Ordinis (Episcopis) accedere quotannis munera oblaturum Apostolo, qui manum aperit, & quæ a fidelibus offeruntur, gratanter accipit, ab hæreticorum vero muneribus abstinet, manumque retrahit atque claudit. Addit quod cum Papa id a domesticis audivisset: *Adesse iussit Episcopum, & ne amplius in Palatio falsa seminaret, sub anathemate prohibere voluit: Episcopus autem assensu Domini Papæ, Sacrosancti Evangelii juramento, ita esse comprobavit: credidit tandem Dominus Papa, credidit & omnis Curia*; at nos cum in Curia tunc temporis non fuimus, quæ circa hæc sit nostra fides, scripsimus supra, ubi hæc retulimus, in *Dissert. 2. ad calcem ipsius*. At vero ex iis omnibus utcumque liquido comprobari videtur, quod nostri erat instituti; ad illa tempora recenseri debere, in serie Episcoporum & Metropolitaram Indiarum, istum Joannem. Mitti aliis chronologicam curam, annum 4. Callixti II. anno 1135. conciliandi, quo post Honorium II. sedebat in Petri Cathedra Innocentius II.

Anno 1490. Joannes IV.

A B illo ævo mox recensito, usque ad annum 1490. nullius Indorum Episcopi nomen innotuit. Ex Epistola autem Episcoporum Indiarum, quæ habetur apud Asseman. tom. 4. a pag. 590. constat, quod anno *Græcorum* 1801. *Christi vero* 1490. quemdam Georgium miserint Malabarentes ad Simeonem Patriarcham Nestorianorum, cum itineris socio Josepho, ut ab eo acciperent Episcopos pro India. Simeon autem ambos Sacerdotio initiavit, & insuper binos selegit Monachos ex Cœnobio S. Eugenii, quibus Josephi nomen commune erat, ipsosque Episcopos inauguravit, & alteri quidem Thomæ, alteri vero Joannis nomen imposuit, qui omnes in Indiam profecti sunt, ubi plurimis consecratis aris, atque Sacerdotibus ordinatis, Joannes in India permansit; Thomas autem primitias, ac oblationes illorum Christianorum Patriarchæ allaturus, ad ipsum remeavit, atque apud illum remansit usque ad annum 1503. quo cum aliis Episcopis regressus est in Malabariam ut mox dicemus. Joannes etiam (alterum fuisse ab illo putamus) Malabar Episcopus eodem tempore designatus fuit a Simeone.

Anno 1503. Jaballaha.

EX præmemorata Indorum Episcoporum Epistola constat, quod *anno Christi 1502.* Græcorum vero 1813. obierit Simeon Patriarcha Nestorianorum, cui successit Elias. Hic *anno 1503.* Thoma illo Episcopo urgente, tres alios Monachos laudati Cœnobii S. Eugenii, Episcopos ordinavit, Davidem nimirum Metropolitam, Georgium, & Masudum Episcopos; quibus nova nomina imponens, primum appellavit *Jaballaha*, alterum Denham, tertium denique Jacobum, qui omnes cum Thoma Episcopo eodem anno in Indiam profecti, adhuc inter vivos agentem Joannem Atelæ, seu Masinæ Metropolitam viderunt. Et licet ex illius Epistolæ contextu non constet, quisnam horum Joanni IV. successerit, putat tamen Cl. le Quien id muneris *Jaballaha* collatum verisimiliter fuisse; missis in alias Indiæ Sedes reliquis duobus, Denha atque Jacobo.

Anno circiter 1540. Josephus I.

Josephum istum Malabarensium Metropolitam recenset le Quien: *tom. 2. col. 1278.* atque Cranganoræ Episcopum fuisse asserit, qui Cochini in Franciscanorum Cœnobio S. Antonio dicatò extremum diem clausit *anno 1544.*

Anno circiter 1550. Junabus & alii.

JUnabum hunc, aut *Junab*, ut vocat le Quien, ex ipsius tantum Catalogo agnoscimus, quem, ait, post Josephum Indiæ Metropolitam sedisse; nec non illi alios quosdam successisse, ad *annum usque 1555.*

Anno 1555. Mar Josephus II.

Ejusdem le Quien narratione, scimus, quod cum *anno 1555.* Paulus Papa IV. *Simeonem Sulakæus*, alias *Sind*, Chaldæorum Patriarcham aut Catholicum, qui Romam venerat, successionem hæreditariam Patriarchatus illius impugnaturus (quam nimis in Nepotes & consanguineos amor induxerat) in eo munere atque dignitate confirmasset, duos illi Episcopos, comites dedit itineris, *Mar Hermetem*, seu *Hormisdam Eliam*, & *Mar Josephum*; iste vero Mar Josephus, qui Ninives Episcopus audiebat, missus fuit in Indiam futurus Metropolita, ipsi etiam designato suffraganeo; quinimmo, si fatis concederet, successore, Ambrosio de Montecæli, Ordinis Prædicatorum alumno, qui cum aliquandiu Goæ apud suos Magistrum egisset, Cochinum profectus, ibidem obiit *anno 1557.*; Addit ipse de Mar Josepho, quod posthæbita fidei professione, quam Romæ emiserat; Nestoriana dogmata re assumerit.

Ab

Ab anno 1556. usque ad 1597. Josephus III.
Abraham & Simeon.

Catholicus Sulaka vita functo, qui illi in Patriarchatu successit Mar Abdichio seu Abdjesus, ordinavit *Josephum* alterum, Indiæ Metropolitam; quia vero Nestorianos errores, suorum more divulgabat, id non sustinentes Lusitani, eum ex India in Lusitaniam relegarunt; dum vero is abesset ab India, Malabarici Christiani S. Thomæ alterum Episcopum nomine *Abrahamum* a Nestorianorum Patriarcha Abdjesu impetrarunt. Cum autem Chaldaeorum Ecclesia in duas partes tunc temporis scissa esset, Catholicus alter, qui Mosuli in Assyria, adversus Sulakæ successorem sedebat, audita Josephi in Lusitaniam deportatione *Simeonem* quemdam in Indiam misit, qui Carturæ confedit. Hic ab Abrahamo æmulo male habitus, suggerentibus PP. Franciscanis Romam venit, ubi a Sixto Papa V. deprehensus fuit, atque ex suismetipsis, quas secum attulerat, Schedis, uti in *Hist. Synod. dictum est*, comprobatum est, nullo Ecclesiastico ordine insignitum unquam fuisse. Redux autem ex Europa Josephus, denuo hæresis reus factus, anno 1567. Cochino in Lusitaniam, inde Romam anno sequenti mittitur, ubi interit. Interim Mar Abraham Ecclesiam Malabaricam solus regebat; Simeon autem cum a Sixto V. in Lusitaniam, Roma pulsus fuisset, in Cœnobio Franciscanorum anno 1599. e vivis excessit. anno 1597. Mar Abraham interit, & moriens Ecclesiam Malabaricam sollicitudini Georgii Archidiaconi illius Ecclesiæ commisit. Quæ omnia latius persequi, importunum esse arbitramur, cum ea omnia penſiliculus in *Hist. Synod. cop. 1.* scripta legantur.

Anno 1599. Alexius Menessius Augustinensis.

CXXXI. **E** piscopis omnia Nestorianis vita sanctis, *Alexius Menessius* ut miseram illam gentem tot tantisque erroribus deturpatam sinceritati fidei restitueret, designatus fuit illius Ecclesiæ Inspector & Antistes, ex commissione Clementis Papæ VIII. ; Hic strenue constanterque commissam munus adimplens, Diamperitanam nostram Synodum coegit anno 1599. in qua, ejuratis antiquis Nestorianorum deliramentis, catholicam puram fidem susceperunt illi Christiani: utque rursus in eadem non prolaberentur, Ecclesiæ Romanæ, Babylonice ejurantes, obedientiam atque subjectionem in omnibus professi sunt. Consensione igitur illorum Christianorum, etiam Archidiaconi Georgii, Latini ritus deinceps Præsules acceperunt, qui de pristino more Angamalæ federent; inconsultis tamen, & perpetuo obſistentibus Patriarchis Nestorianis; Quibus tamen frustra obſistentibus, Latini continua, nec interturbata successione Ecclesiam illam moderati sunt, ab anno 1600. ad annum usque 1653.

An-

DE INDOR. ORIENTALIUŒ DIÖECESI . 439

Anno 1600. Franciscus Roz Soc. Jesu .

Munere suo egregie functus Menessius , suam Archiepiscopalem sedem revisit , atque sub id temporis , designatus est Episcopus Angamalenſis *P. Franciscus Roz* , a Clemente Papa VIII. Hispaniarum Rege Philippo III. postulante ; qui cum Angamalæ primum sedisset , postmodum Cranganoræ , Archiepiscopi titulo honestatus , sedem constituit : vitam autem finivit anno 1617.

Anno 1617. Hieronymus Xavierre Soc. Jesu .

Francisco Rozio successus est *Hieronymus Xavierre* , ex eadem Societate , Hispanus Navarrenſis ; qui tamen ubi Goam appulit , ibidem vivere desiit . eodem anno 1617. Hic (ait le Quien) est celebris ille *Vita Christi Domini* Persica lingua scriptor . Crozzus addit ipsum scripsisse etiam *Vitam S. Petri apostoli* , qui tamen , ut nulla in re insipientiam suam & animi perviciaciam dissimularet , de Vita Christi ait , *speciem quandam Alcorani præferre* ; Vitam vero S. Petri fabulis importunis atque ridiculis refertam esse : ita habet *Hist. Christ. Ind. pag. 335*. Horum librorum latinam versionem adornavit , testibus P. Alegambe , & ipso Crozzo , Ludovicus de Dieu , Linguarum Orientalium Magister , homo acatholicus , cui notationes apposuit , flammis non luce dignas , juxta Alegambe , quæ tamen , juxta delirium Ludovici , & Crozzi adversus sacri textus corruptores Jesuitas , vindicias continent ineluctabiles : at in iis talpæ de luce , ut vetus parœmia habet , & *Inimici nostri sunt judices* , ex Deuteron. 32. v. 31.

Anno 1618. Stephanus de Britto Soc. Jesu .

Xaverio successor datus est ex eadem Societate , *Stephanus de Britto* ; qui indivulsus ipsius comes fuerat , Missionum apud illas gentes , ut ex Francisco Barrero Lusitano Soc. Jesu habemus in *Relat. Status Christian. Malubaren. anno 1645. edita Roma* ; qui etiam refert , Stephanum XVII. annos illam rexisse Ecclesiam ; unde fato functus est , decimo septimo Episcopatus sui anno ; atque propterea assignandus est annus illius emortualis 1634. & emendandus typographorum error ; qui *pag. 168. tom. 4.* Affemani obrepſit , ubi *annus 1641.* assignatur , tanquam ipsius morti respondens .

Anno 1636. Franciscus Garcia Soc. Jesu .

Post obitum Stephani , ipſius Sedem obtinuit *Franciscus Garcia* ejusdem Societatis alumnus , qui antea ejus in Episcopali munere Coadjutor fuerat , juxta Affeman. *in loco mox laudato* ; atque anno 1634. Cranganorenſis Archiepiscopus renuntiatus fuit . Ex regeſtis autem

Ur-

Urnis constat, quod Franciscus Garzia Mendez Presbyter Soc. Jesu, Episcopus Afcalonensis, & futurus successor Archiepiscopi Cranganorensis, confirmatus fuit a Sede Apostolica die 23. Junii anni 1636. atque ex hac, aliorum Chronologiam emendandam esse, arbitramur. Undevigesimum Episcopatus annum, imperturbate egerat Garcia, cum vel instigante pacis inimico, vel quia Malabarenfes pertæsi tum Præfulum Latinorum, tum diuturni regiminis Garcia, ingratum sibi jugum excutere vellent, conspirantes in illum, Episcopum declararunt Archidiaconum ejusdem Ecclesiæ, nomine Thomam, atque illius Archidiaconi Georgii, qui Synodo Diamperitanæ interfuerat, affinem & successorem. Quæ contigerunt anno 1653.; & licet Garcia quantum valuit, obstiterit, tamen vi cedere coactus est, atque discedere, ac tandem Cochini decessit anno 1659. ut aliqui recensent.

Hæc Christianorum Malabarensum conspiratio atque scissura, nos etiam compellit, cæptam Antistitum seriem in duas scindere partes; quarum prima latini ritus Antistites, a vero Ecclesiæ universalis capite, Summo Pontifice Romano ad eam Syrorum Ecclesiæ regendam missos, continebit; altera vero Schismaticos Episcopos missos a Patriarchis Orientalibus quotquet nobis innotuerunt, ex adverso exhibebit.

EPIS.

EPISCOPI LATINI

Anno circiter 1655. Joseph a S. Maria Carmelita Discalceatus Gubernator.

CXXXII. **A**lexander VII. Pontificatus initio, novi Schismatis accepto nuntio, illi Ecclesiae opem ferre sedulo satagit; itaque post obitum Francisci Garcia, *Josephum a S. Maria Carmelitam Discalceatum*, Hierapolis Archiepiscopum anno 1660. ordinatum, in Indiam misit Episcopum Gubernatorem illius Dioecesis; hic cum socio ejusdem instituti Vincentio Maria a S. Catharina Senensi, Suratam, proximum Indiarum portum appulit, ac deinde Goam anno 1661. atque Cranganorae tres annos sedit, & Pseudo-Episcopum Thomam valide repressit, ac procul abegit. Cum autem ab anno 1661. usque ad 1663. Batavi Coulanum, Cranganoram, atque Cochimum expugnassent, pulsus inde Lusitanis, fugere coactus est Josephus; qui tamen ante quam inde discederet, Episcopum illorum Christianorum inauguravit Alexandrum, & Goam venit, & inde Romam 6. Maii anni 1665.

Anno 1663. Alexander de Campa Indus.

EX Commissione Apostolica, quaungebatur Josephus, Episcopum illis Christianis consecravit, Cassanarium illius Ecclesiae, Indigenam, nomine *Alexandrum de Campa*: non quidem titulo Archiepiscopatus Cranganorensis, cum hanc Urbs Lusitanis erepta esset, sed

Epif-

EPISCOPI SCHISMATICI

Anno circiter 1654. Abatalla.

QUam tot laboribus Menessius Indis illis restituerat veram fidem, atque subjectionem Pontifici Romano debitam, quamque vel ipsi Nestoriani cum Sobense, qui floruit anno 1318. agnovērunt, *Epist. Can. part. 9. cap. 1. ap. Assen. Tom. 3. pag. 348.* per haec verba, omnibus sinceræ Fidei addictis albo lapillo notanda: *Et quoniam predictis Civitatibus (agit de Sedibus Patriarcharum Babylone, Alexandria, Antiochia, Roma, & Byzantio) non ex Principatu, & antiquitate solummodo, Patriarchalis dignitas, & prerogativa accessit, sed etiam propter Apostolum, qui in ea locuit, & Regem, qui in ea regnavit, magnæ Roma data fuit (prærogativa) propter Petrum Apostolorum Principem, & Paulum Doctorem gentium; ipsaque est SEDES PRIMÆ & caput Patriarcharum: secunda Alexandrina &c.* quibus quid Crozeus cum acatholicis reponere valeat, omnino non videmus; istam inquam, veram Fidem abjecerunt anno circiter 1654. obtentu quidem difficilis ingenii Episcopi Garciae, re autem vera, amore Nestorianismi, quem ore tenus ejuraverant. Clam itaque Cassanarii vel a suo Patriarcha, vel, ut ait Vinc. Maria, a Patriarcha Coptorum, aut Jacobitarum, alium Episcopum expostularunt, atque ad eos misit ille Syrum Episcopum *Abatallam*, nomine Arabico, Græco autem *Theodorum*; qui Damascenis præfuerat. Homo hic sane discolus

K k k

cum

EPISCOPI LATINI

Episcopatus Megarenſis ; & ſacræ ceremoniæ in Eccleſia Carturtenſi peractæ ſunt. Et hic quidem primus fuit Episcopus Indus illorum Chriſtianorum , cum ante hac omnes fuerint vel Syri , a Patriarchis Bagdadensibus miſſi , aut Europei , a Pontifice Romano conſtituti , poſt Synodum Diamperitanam a Menefſio coactam . Obiit autem , *anno circiter 1676.* eodem tempore aut paulo poſt quam ejus æmulus , Thomas de Campo fato conceſſit .

Anno 1676. Raphael Figruedo Indus .

EX Epistoſa exarata Vaipim in Malabarîa 3. Dec. anno 1676. a P. Bartholomæo a Spiritu Sancto, Carmelita Diſcalceato , ac Præſeſto Miſſionibus Malabariis , cujus apographum , uti & aliarum de quibus infra , in Urbe nobis hoc *anno 1744.* liberaliſſime exhibuere viri , omni exceptione majores ; id inquam conſtat , Alexandrum de Campo , petiſſe a Sum. Pontifice , Episcopum ſibi Coadjutorem , & Succeſſorem deſignari ; cumque ipſius precibus Pontifex benigne annuiſſet , quatuor Carmelitas Diſcalceatos in Indiam miſit , ut quem aptiorem deprehenderent , Apoſtolica auctoritate , Episcopum & Succeſſorem Alexandri deſignarent . Quum vero Batavorum noviffima expugnatio , aditum non parum difficilem redderet , Cæſaris interpoſitione miſſi , commeatum obtinuerunt , a Collegio Amſtælodamensi . Ut autem in Indiam appellentes , ejuſmodi literas Bata-

VO

EPISCOPI SCHISMATICI

cum Meliaporem appuliſſet , mancipatus Luſitanorum ſtudio , literas dedit Archidiacono , quibus certiorẽ reddere illum de ſuo adventu , quodque illuc mitteretur Patriarcha a Pontifice Romano , aſtute aſſerebat . Malabarenſes conſpiratione facta , ut Episcopum Ahatallam libertate donarent , ingentes turbas ciere cœperunt , atque manu facta viginti quinque mille armatorum , Archidiacono ducente copias , Garciam in obſidem libertatis Ahatallæ , capere conabantur Cochimi . Indignatione vero penitus exarſerunt , cum illis nuntiatum eſt , Ahatallam Goam adductum fuiſſe , atque a Tribunali Inquiſitorum ſeculari brachio traditum eſſe , flammisq̃ abſumptum . Et quamquam per id temporis Monophyſitæ , ſeu Syri Jacobitæ Episcopî , in Indiam penetraverint , Ahatallam , non tamen Jacobitam , ſed Neſtorianum fuiſſe , tenet contra Crozzum Aſſeman. tom. 4. pag. 462.

Anno circiter 1654. Thomas de Campo Indus .

ACcepto nuntio de nece Hæretici ipſi jure ac merito illatæ (quid quid reclamet Crozzus) novo facto tumultu , Archidiaconum illius Eccleſiæ *Thomam de Campo* Indigenam , atque alterius Archidiaconi Georgii propinquum , Episcopum inaugurare , auſi ſunt , quem novo proriſus ritu , duodecim Caſſanariorum ſacrilega Chirotonia initiavere . Hic etiam potius Episcopî larva quam Episc-

EPISCOPI LATINI

EPISCOPI SCHISMATICI

vo Commendatori Van-Redo inspiciendas porrexerunt, constanter ipse asseverare cœpit, se nullam alterius electionem probaturum, quam *Matthæi de Campo*, Alexandri de Campo Nepotis. Quod ideo dicebat, quia verebatur, ne Commissarii eligerent, ut ferebatur, *D. Custodem* Episcopum Hierapolitanum, natione Indum, ac stirpe Bracmanem. Pollicebatur etiam, si Matthæum instituerent, expeditam adeundi Cochimum facultatem, tum Batavorum gratiam, quæcumque demum ad victum necessaria; quod si secus facerent, se Matthæum renuntiaturum Episcopum; Christianos S. Thomæ ad obedientiam illi præstandam coacturum; Commissarios tandem in Persidem deportandos fore minitabatur; cujus etiam horæ brevissimum tempus, ut decernerent quod factum opus esset, designavit. Igitur Carmelitæ, qui se eum in Episcopum tuto conscientia eligere non posse arbitrabantur, sub hac restrictione respondent; paratos nempe se esse, eum in Episcopum designare, dum ea observarentur, quæ Sacri Canones, & quæ ipsis, Sum. Pontifex præscripserat, atque in mandatis dederat. Quo accepto responso Van Redo, ut legitur in alia Epist. scripta *Verapoli* 26. *Aprilis* anni 1678. (a) Commissarios discedere iussit, ut fam

Episcopus cuncta Dignitatis munera expeditissime obire cœpit, atque Lussitanum transfugam nomine *Dicæ* Presbyterum irritu conatu inunxit. At vero Joseph a S. Maria, ut diximus, Apostolicus in Malabaria Vicarius, illius Ecclesiæ Episcopum ordinavit Alexandrum de Campo, nequidquam reluctantibus refractariis; Thomæ autem decedente anno circiter 1676. nullus Chaldaici ritus Præsul Malabarensibus præfuit, usque ad initium Seculi XVII. Ordinationem & Chirotoniam Thomæ, acriter juxta ac futiliter propugnat Crozzæus pag. 349. cujus tamen conatum invictè dejecit Asem. *Tom. 4. pag. 404.* P. le Quien ait, Thomam Alexandri Successorem, Metropolitanam fuisse Christianorum Australis Malabarici tractus, anno 1714. vehemens tamen falsi suspicio in ista narratione nobis subolet; quia sexaginta circiter annos Episcopum egisse, ab anno nempe 1654. usque ad 1714. verisimile non est: constat aliunde istum Thomam, fuisse Jacobitam & alium a Thomæ de Campo, ut mox dicemus. Joseph a S. Maria Carmelita *Itiner. 2. in Indi.* ait, quod post interitum Ahatallæ, in Malabariam venisse ferebatur, Stephanus quidam Armenus mercator, jactans se esse Nepotem cujusdam Syri Pontificis, qui in locum Defuncti Papæ Alexandri VII. electus fuerat, ab eoque in Malabariam missum se esse, assererebat, ut Thomæ Archidiaconi ordinationem legitimam declararet; & Breve quidem Apostolicum, quod ipse Stephanus cum Ibi Thomæ

(a) Hanc Epistolam subscribunt F. Bartholomæus ab Spiritu Sancto, Præfatus: F. Angelus Franciscus a S. Theresia, & Bartholomæus Anna, Clericus Syrus Patria Aleppensis, & Linguae Syriacæ in Provincia *Serræ* Malabaricæ Professor,

EPISCOPI LATINI

Stam a se electionem, Episcopo Alexandro, atque ipsi Matthæo ejus Nepoti annuntiaret: immo invaluit rumor, Commendatorem Van-Redo ex commissione Romanæ Curiz, atque clientela Societatis Batavicæ, Matthæum de Campo Episcopum constituisse. Commissarii vero Apostolici secedentes Mangatem, ex eo loco palam testati sunt, notumque cunctis fecerunt, rumorem illum falsissimum esse; utque Pontificis iussibus parerent, illico in Episcopum designarunt, *D. Raphaelem de Flgruedo*, Nobilem Indigenam, Canonicum olim, Visitatorem, & Vicarium Generalem Episcopatus Cochimensis Sede vacante. Hæc omnia ægre ferebat Van-Redo; quia ipse, & Alexander pacto convenerant, de faciendo Episcopo Matthæo ejus Nepote, & vicissim Alexander promiserat, Milites ex Christianis S. Thomæ conscribere, qui auxilio essent Batavis, Cochimi existentibus, adversus quoscumque Europæos; quam fraudem ut occultaret, causabatur se ferre æquo animo non posse, ut eligeretur Episcopus, quasi hæreditario jure, de stirpe Archidiaconorum de Campo, (a) ut fieri consueverat;

(a) Commendator Batavum Jacob Lober in Epist. scripta D. Thomæ de Castro Episcopo Fuldivilensi 26. April. 1677. conqueritur de Discalceatis Commissariis, quod recesserint in electione: *Da antiga linha dos Arcidiagos amigos, que de presente passaram em Bispos*, verum nec Alexander, nec ipsius Nepos Matthæus, ex illa antiqua Archidiaconorum stirpe erant progeniti, quamvis cognomen de Campo illis esset commune; illa enim linea Thomæ

EPISCOPI SCHISMATICI

Cassanario Schismatico confinxerat, lectum fuit in Ecclesia Tun- golina, quod non parum illius gentis pervicaciam auxit; quæ an vera sint, in suspenso manet.

Ab anno 1663. usque ad 1720. Gregorius, Andreas, Basilus, Joannes, & Thomas H. Jacobita.

Christiani S. Thomæ, anno 1663. in duas erant factiones divisi; quarum altera partes Thomæ de Campo sustinebat; altera Alexandro & Campo favebat, quem Hierapolitanus Episcopus Joseph S. Maria Carmelita, Antistitem illi Ecclesiæ Malabarensi præferebat, eodem anno. Patriarcha interea Jacobitarum, opportunam occasionem erroris sui in India disseminandi, sibi elabi non est passus; atque illo Episcopos mittere deinceps statuit, misitque 1. *Gregorium* Hierosolymitanum Syrorum Metropolitam, qui omnium primus, eos Indos de errore in errorem traduxit, nimirum e Nestorianis, Jacobitas fecit: *Gregorio* successus fuit *Andreas*; huic *Basilus* Maphrianus; *Basilium* excepit *Joannes*. Joanni tandem subrogatus est *Thomas* Jacobita, qui anno 1704. Malabarensibus Episcopus præerat; & quidem ante annum 1709. quo Epistolam scripsit ad Ignatium Jacobitarum Patriarcham, alteram etiam ad eundem dederat anno 1720. Alterius etiam Epistolæ ejusdem Thomæ ad Ignatium, meminit *Crozeus*, & cum illo *Assémanus* Tom. 4. pag. 300. scri-

EPISCOPI LATINI

rat; sed hac ipsa in re egregie deceptus est, cum Alexander fuerit primus, ex illa stirpe de Campo Episcopus; inter quam & aliam Thomæ de Campo, e qua nominabantur Archidiaconi, nulla intercedebat propinquitas. Alexander tamen rebus bene perpensis, electionem Raphaelis approbavit, immo ipsi expeditam viam ad Montanā Malabarica præbuit, atque omnes illi Christiani obedientiam ipsi præstiterunt.

Anno 1694. Didacus ab Annuntiatione, Cong. S. Joannis Evangelista.

Quo anno extremum diem obierit, Raphael Figruedo, incompertum est nobis. Comperimus autem ex Urbis Archivis, quod die 19. Aprilis anni 1694. inauguratus fuerit Archiepiscopus Cranganorensis Didacus ab Annuntiatione, e Congregatione Sancti Joannis Evangelistæ in Lusitania florescente; qui tamen post septem annos, nimirum anno circiter 1701. ea dignitate per liberam dimissionem, se abdicavit.

Anno 1701. Joannes Ribeiro Soc. Jesu.

Post abdicationem Didaci, ei successor datus fuit Joannes Ribeiro; cujus dignitatis expeditæ fuerunt ex Urbe literæ Apostolicæ

de Campo erat; ab istaque longe diversa: immo Alexander erat primus Episcopus ex illa familia electus.

EPISCOPI SCHISMATICI

scriptæ anno 1714. quam latinitate donavit Carolus Schaaf, Lugduni Batavorum linguarum Orientalium Professor, cui etiam Præfationem adornavit. Quam vero scripsit, anno 1720., ex Archivo Sac. Cong. de Propaganda Fide Syriace exscripsit ipse Assen. ac latine redditam publici juris fecit *Tom. 4. pag. 466.* de isto autem Thoma intelligendum est, quod P. le Quien asserit, Thomam nempe Malabarensium Episcopum fuisse anno 1714. non vero de illo alio Thoma Alexandri de Campo successore.

Anno circiter 1704. Gabriel.

EX Relationibus Actorum, a Missionariis Lutheranis Daniz editorum, asseruit le Quien ex Assyria venisse in Malabariam, *Mar Gabrielem, anno 1704.* ipsumque sedisse ad Borealem Malabariæ plagam; Assenianus vero loco supra memorato *pag. 447. anno 1709.* in regionem illam cum penetrasse scribit; licet verum sit, quod ipse, ineunte anno 1704. è Mesopotamia ad Sac. Congreg. de Propaganda Fide, formam suæ fidei professionis Romam transmiserit, ut ad communionem Romanæ Ecclesiæ admissus, expeditum in Indiam aditum sibi pararet; fore confidens, ut ita a Schismaticis admitteretur, quia Babyloniarum erat additus, & a Catholicis, eo quod ipsius fides Romæ probata erat. At vero eodem anno 1704. rescripsit Gabrieli Sacra Congregatio, commendans quidem ejus studium,

202

EPISCOPI LATINI

EPISCOPI SCHISMATICI

ex die 5. Decembris anni 1701. Hic ad Ecclesiam Malabarensis Sedem evectus est, atque assumptus, e Societate Jesu; cum antea per plures annos, Missionarii munus apud eas gentes sedulo obisset, ut habetur in Epistola scripta a P. Tachard in Bengala, anno 1714. in eunte. Cum autem ille tumultuantes adhuc animos, ex antiqua conspiratione invenisset, infensos sibi experiri coepit, cum Batavos, tum etiam Christianos D. Thomæ, tam Schismaticos, quam Catholicos.

Et Catholici quidem illi, qui regionem incolebant, a Puttotta versus meridiem; ea de causa Ribeiro adversabantur, quia e Carmelitarum tantum alumni Episcopum ipsis designari, uti non semel acciderat, peroptabant; ut constet ex Conventione inter eos facta, quam ex Urbis Archivis depromimus, quæ est hujusmodi.

Conventio & juramentum factum a Christianis S. Thomæ, ob adventum Archiepiscopi (Ribeiro).

non tamen fidei professionem, quam nec integram nec sinceram agnoscebat; proinde illi transmisit professionis formam, ab Urbano VIII. editam, quam propriæ manus subscriptione munire illum jubebat. Verum ille iis tantum literis Congregationis fretus, Indiæ iter arripuit, atque in Malabariam pervenit anno 1709. uti constat ex Epistola Thomæ Jacobitarum in Indiæ Episcopi, cujus supra meminimus: unde audiendus non est Crozzus, qui ejus appulsum ad annum 1708. consignat. At cum ille, nec in sua Diœcesi sederet, nec fidem orthodoxam sincere coleret, Angelus Episcopus Metropolitæ Vicarius Apostolicus, eum inde abigere conabatur, quod fecisset, nisi ille, novam fidei professionem (animo tamen simulato) emisisset, quam habet Asseman. 10.4. pag. 299. larvam tamen exuens anno 1715. se Nestorianum perpetuo fuisse, certis argumentis commonstravit. Fuerat is primum Adorbiganz Provinciæ, quæ 15. est in notitia Amri, Antistes; quæ quartum locum obtinet apud le Quien. Hujus Gabrielis neminit Crozzus pag. 421. atque illum in Indiam anno 1708. pervenisse affirmat, ac sese acriter opposuisse Thomæ Episcopo Jacobitæ, a Jacobitarum Patriarcha ad Malabarenses misso.

Anno a Nativitate Christi 1704. & anno Collam 879. die 20. Junii, Carturi in Ecclesia parva, nos omnes Deputati Ecclesiarum, quæ sitæ sunt, a Puttotta versus meridiem, in unum congregati, coram Domino Archidiacono, statuimus & scripsimus hoc negotium; nempe permanere ita quousque nostra querimonie rationem audiens Summus Pontifex, decernat ac indulgeat; quod sicuti antea ceteris temporibus usque in præsens, Episcopi

DE INDOR. ORIENTALIVM DIOECESI. 447

Episcopus ex Ordine Carmelitarum, ejusdemque Ordinis Patres, in nostris molestiis ac acerbitatibus consolati non sunt, & nostrum promoverunt profectum, ita deinceps facere pergant. Deinde refractarios conventionis hujus & juramenti excommunicando, ita clausulam extremam imponunt: In cuius rei testes advocamus D. N. Jesum Christum, Beatissimam Virginem, ac Apostolos duodecim: & subscribunt Abraham Sacerdos: Georgius Sac: Thomas Sac: Georgius alter, Sac: Alexander Sac: Jacobus Sac: Joseph Sacerdos. Quæ tandem acta attestatur Vespoli die 20. Novembris 1704. F. Angelus Franciscus a S. Theresia Episcopus Metellopolitanus.

Nec minus invisus erat Schismaticis Archiepiscopus Ribeiro, quam Castanariis Catholicis; immo ab illis illiberaliter plane habitus est; atque eodem anno nimirum 1704. una cum Episcopo Thoma, hæretico Jacobita, libellum supplicem scripserunt ii Schismatici Summo Pontifici, in Ecclesia S. Georgii Martyris, Rapolini congregati: in quo primum conqueruntur de Paulistis (hoc nomine appellabant Jesuitas, a Collegio D. Pauli) causantes quod propter vexationes sibi ab ipsis illatas jam pridem sub Archiepiscopo Garzia, ab Ecclesia Romana discesserint; deinde gratulabantur Papæ, de Missione Patrum Carmelitarum; postulabant exinde, quod ritus & consuetudines Syriacas, in tota Malabaria observari juberet; exponebant demum, fore ut Ecclesia illa, non aliter optime gubernaretur, quam si Angelus Episcopus, una cum Episcopo Thoma, regiminis habenas moderandas susciperet. Subscribit deinde libellum, *Thomas Episcopus pauper, & humilis: Portæ totius Indię*; ac infra subscriptionem, acinacem depingit recurvum, & cuspidem flammis coronatam. Quæ subscriptionis forma, in alia ejusdem Thomæ Epistola legitur, quam Assemanus ex Archivo Sacræ Congregationis de Propaganda Fide Syriacæ exarata & latine, exscripsit *Tom. 4. Bibliot. Orient. a pag. 464. usque ad 467.* scripta ab illo Pharahur Patona (Pharaor) anno 1720. Ignatio Patriarchæ Antiochiæ; quæ tamen hic paululum immutata, ita habetur: *Porta totius Indię*. Post Thomam igitur subscribunt supplicem libellum e præcipuis Sacerdotibus duodecim, & novem supra viginti Ecclesiæ. Libellum istum deinde misit Angelus Episcopus Metellopolitanus, Patri Augustino a S. Elzeario existenti Banderabasi die 19. Decembris anni 1704., ut eum Romam petens, Summo Pontifici offerret; simulque ei injungit, ut ab eodem literas Apostolicas postulet, ut Sacerdotibus Serræ Malabaricæ, liceat indiscriminatim celebrare, sive in azymo, sive in fermentato; ita sibi spondere, quod dissidia mitescerent, & Schismatici ad sinum Ecclesiæ Romanæ redirent; *illi saltem (ait) qui jam sunt, quamquam invalide, ordinati in fermentato.* Ubi notandum, illo adhuc tempore præjudicium de invaliditate ordinationis, exclusis azymis, apud Theologos illos obtinuisse. Rescripsit autem Episcopo P. Augustinus, literas se accepisse, at vero crure fracto, ac propemodum morti proximum detineri.

Alterum ejusdem fere argumenti libellum Summo etiam Pontifici obtu-

oculerunt Catholici laici ; id tantum adjungunt , ope Alexandri Episcopi , ac Patrum Carmelitarum , post exortum Schisma , unam supra septuaginta extare Ecclesias , omni ex parte Romanæ Ecclesiæ addictas ; ac præterea decem & octo , easque mediæ ex parte Catholicis , ex altera autem mediæ Schismaticis constare : reliquas esse octo supra viginti , omni ex parte Schismaticas ; *Istas tamen (ajunt) optimo Patrum Carmelitarum exemplo , facile adduci posse , ut Papa obediant , si ut P. Innocentio eorum Præsente , pro parte ipsarum significatum est , eandem in Episcopum illius Diæceseos Sum. Pontifex designaret ; & quia Ecclesia isthæc in duas partes divisa est (eos loqui putamus de parte Australi , & Boreali Malabariz , in quarum prima ut habetur ex quadam Epistola scripta anno 1714. a Missionariis hæreticis Danie Malabariz , sedem habebat Mar Thomas Jacobita , in altera vero Mar Gabriel Nestorianus) quasi duas Diæceses ; postulamus a Summo Pontifice , idem quod petunt Schismatici ; nimirum ut apparet , vel quod a duobus illis Episcopis , Angelo & Thoma gubernarentur ; aut ab Innocentio , & illorum altero .*

Id autem negotii plurimum facessabat Ribeiro , quod tumultuantibus adversus eum , cum Schismaticis , tum etiam Catholicis , & Ecclesiasticis & Secularibus , auxilium opemque illis omnem ferebant Batavi . Itaque Gubernator Batavus , coacto Ministrorum Batavorum Consilio , Cochimi die 9. Julii ; edictum conscripsit , quod post paucos dies nimirum die 17. ejusdem mensis anni 1704. promulgatum fuit , cum testificatione Danielis Giuntis , qui erat Consilio a Secretis , *Adversus quemdam (ita erat scriptum) Sacerdotem Romanum , in Lusitania natum Ordinis Paulistarum , Joannem Ribeiro nominatum ; eo quod Episcopi munera , & Dominium , super omnes Ecclesias Christianorum S. Thomæ , in oris Malabaricis usurpare pergit ; quippe hoc ex diametro opponitur , & menti Altissimorum Dominorum Batavorum , & patris conventis , qui ipsi cum diversis Regibus Malabaricis constituerant ; nempe quod nullus alius in Malabariz Episcopus admittendus esset , præter Angelum Franciscum Carmelitam Discalceatum , aut ex ipsius Sociis alterum ; quapropter interdicens dicto Ribeiro , aliquam auctoritatem , aut jurisdictionem exercere in Ecclesiis Romanis . in Cochimensi Regno existentibus , aut in terris quorumcumque aliorum Principum Malabarensum : præcipiunt tandem , quod nullus dictum Ribeiro Episcopum agnoscat , aut ipsi obedias sub penis &c. Constat autem posterioribus nuntiis , quod Joannes Ribeiro omnibus exantlatis molestiis illis , atque acerbitatibus , Ecclesiam Malabarensem usque ad annum 1720. moderatus fuerit ; sive id tribuendum videatur hujus Viri prudentissimo zelo , & in rebus gerendis solertiz , sive eximio Patrum Carmelitarum studio , in procuranda pace .*

Anno 1721. Antonius Pimentel Soc. Jesu.

Joanne Ribeiro vita functo, Sedis Cranganorensis Episcopus designatus fuit, P. Antonius Pimentel ejusdem Societatis Jesu Presbyter ac Alumnus; cujus Dignitatis, Apostolicæ literæ missæ sunt ex Urbe, die 20. Januarii anni 1721. ; Atque hæcenus quantum nobis licuit, de Episcopis Malabarensis Diocesis Divi Thomæ.

CXXXIII. Alia præterea in tractu Coromandelico extat, D. Thomæ (a) nuncupata, Ecclesia & Diocesis; cui præest Episcopus Meliaporensis, vulgo *De Sancto Thoma*, sub clientela Regis Lusitanæ, cujus etiam est, Antistitem illi Ecclesiæ præficere, a Summo Pontifice inaugurandum. Hujus Ecclesiæ Antistites nonnullos hic adjungere libet, ut ii saltem innotescant, nec memoria excidant.

Anno 1606. die 9. Januarii confirmata fuit a Sum. Pontifice electio P. Sebastiani a S. Petro, nostri Augustiniani Ordinis; Lusitani e Diocesi Conimbricensi: qui quo tempore Ecclesiæ Meliaporensi præerat, Castrum Paleacate, impensis propriis per obsidionem Batavis eripuit, ac Regi Lusitano restituit; Meliaporem item a Rege Bisnagano obsidione cinctam, strenue propugnavit; muris etiam atque propugnaculis, ære proprio eandem munivit atque exornavit: tandem ob ejus præclara merita, e Sede Meliaporensi, ad Archiepiscopalem Goensem Ecclesiam evectus est, ac totius Indiæ Primas creatus.

Post Sebastianum, ejusdem Augustinenſis instituti duos, Meliaporenses Episcopos legimus: nimirum Ludovicum de Britto, & Dominicum a Trinitate, antea Episcopum de Sale. Alium Episcopum ejusdem Ecclesiæ Salensis memorant Tabularia Urbis Augustiniana, nomine item *Dominicum*, cognominatum tamen a *Pietate*; & hic quidem recensetur inter primos ex ordine nostro Augustinense Missionarios, qui die 18. Martii anni 1572. in Indiam Orientalem provecti sunt, nempe Simon de Morales auctore Rege Sebastiano; Simon a Jesu; Anselmus de Paradiso; Emmanuel de los Reyes; Georgius a S. Maria, electus deinde Episcopus Fezzanus in Mauritania; Joannes de Gratia; *Dominicus a Pietate*, postea Episcopus de Sale; Petrus Scrupulosus; Joannes a S. Monica; Ludovicus Camelo; & F. Emmanuel Conversus; qui omnes strenuam navarunt operam (maxime autem post aliquos annos, in eas Regionem penetrante, præclarissimo Alexio de Menezes) in convertendis ad veram Fidem Indis, atque Persis. Quod propterea animadvertimus, ne alucinatio circa illos Episcopos suboriatur aliqua; ne etiam eximii nostri Ordinis Viri promerito elogio fraudentur.

Laudatis Episcopis, in Sede Meliaporensi successit F. Paulus de Stella.

L II

Vi-

(a) Antiquissima hæc Calamina aut Meliapor, Urbs D. Thomæ nuncupata, Lusitanis erepta est, atque Regi Mogolis Mahomedano subiecta; quam paucissimi Christiani Lusitani incolunt; in depressiori au-

tem monte S. Thomæ - Ecclesia extat Patrum Soc. Jesu; in eminentiori vero Ecclesia alia non inelegans, uno tantum ædituo.

450 DIS. V. DE INDOR. ORIENT. DIOEC.

Vita functo Paulo, designatus fuit pro illo Episcopatu D. Gaspar de Alfonso Soc. Jesu, cujus Episcopatus literæ Apostolicæ exaratae fuerunt in Urbe die 19. Novembris anni 1691.

Gaspari Successor datus est D. Franciscus Laines :

Post Franciscum obtinuit Ecclesiam Meliaporensē Emmanuel Sanchez Goulan Agitanienſis Diœceſis, cui ex Urbe, die 8. Junii anni 1718. expeditæ fuerunt Apostolicæ literæ.

Anno 1721 vacavit Sedes Meliaporensis, cujus Episcopatus designatus fuit Gubernator P. Antonius a Plagis, qui dementia captus obiit anno circiter 1721. Erat autem Ordinis Minorum observantium alumnus.

E vita sublati Emmanuele & Antonio, nominatus fuit in Præsulem Meliaporensē Iosephus Pinheiro, ejusdem Agitanienſis Diœceſis, atque ex Urbe collaræ literæ Apostolicæ die 21. Februarii anni 1725. qui obiit anno circiter 1744.

Anno circiter 1744. successus est è nostra Augustinenſi Familia Ludovicus a Conceptione Ulyſſiponenſis, ex Congregatione Excalceatorum Lusitana

EMME-

EMMEΛEIA

Et Consensio Diamperitanæ Synodi cum
posterioribus Apostolicis Constitutio-
nibus, circa Disciplinam, & Ritus
Malabarenfes.



Tñ Disciplina Ecclesiastica, pro multi-
plicitate varietateque Ecclesiarum, multi-
plex atque varia, immotis tamen Fidei do-
gmatibus, habita semper fuerit; veruntam-
men posteaquam Alexius Menessius, Ma-
labarenfes antiquos Christianos, eorum-
que Chaldaicam Schismaticam Ecclesiam,
coacta nostra Synodo, ad indivisam Fidei
unitatem, unionem præterea atque obe-
dientiam Ecclesiæ Romanæ adduxit, us-
que ad præsentia tempora; tanta tamque
mirabilis continnitas, & consensus; quam

jure *ἑνωμένη* nominamus; inter Decreta Diamperitanæ Synodi, &
nuperas posteriores sanctiones Apostolicas, observata est, in expe-
diendis complanandisque difficultatibus subortis circa ritus, & cere-
monias Malabarensum; ut Viri docti atque eruditi omnes in eam
sententiam concesserint; nostram nimirum Synodum (quo majori in
pretio habeatur) posterioribus Summorum Pontificum Decretis,
quodam illorum rudimentum delineasse, iisdemque mirum in modum
proluisse.

Enim vero cum Carolus Tournonius ex commissione Clemen-
tis XI., ut nihil dicamus de aliis Pontificibus, præsertim Alexan-
dro VII. quibus à tempore, quo celebrata fuit Synodus, usque ad ævum
laudati Clementis XI. maxime cordi fuit, Indorum ritus ab ethnica
superstitione perpurgare; die 23. Junii anni 1704. Sanctionem illam
celebratissimam Pondicherii ediderit, qua ritibus formam, modum,
limites etiam accurate præscribebat; variæ illico subortæ sunt, cir-
ca ipsius sensa dubietates; ex dubietatibus insuper, ut est frequentis-
simum, & disceptandi pruitus, æltus atque contentiones. Quibus
opportune ut principiis obstaret, neque mala invalescerent, die 7. Ja-
nuarii anni 1706. jussit ipse Clemens F. Joanni Damasceno Minorum
Conventualium S. Francisci alumno, ac in Urbe S. Officii Consulto-
ri, ut ea, quæ de ritibus Malabarensibus actitata fuerant, in unum per-
diligenter colligeret. Paulo etiam ante mortem, id muneris Eximio

LII

Vi-

Viro Prospero de Lambertinis, nunc Summo Pontifici fel. reg. comissit, ut omnia illa suis locis restitueret, ac pro ejusdem eruditione, atque clarissima scribendi methodo, in summam redigeret. Innocentius etiam XIII. qui Clementi suffectus est, inter lectissimos aliquos Viros, quos ad id negotium delegit, eundem Prosperum, speciali benevolentia adscivit. Quo item vita functo, Benedictus XIII. cujus memoria in benedictione est, finem rebus imposuit, atque suis Literis in forma Brevis; *Ad aures nostras*, anno 1727. emanatis, Turnonii decreta confirmavit. Novis autem post eam Constitutionem exortis, iterumque auditis dubitantium momentis, Clemens XII. die 24. Augusti anni 1734. Apostolicas eas literas *Compersum*, dedit; cumque iis omnes morem gessissent, editum Breve universi Missionarii Orientis subscripserunt; ceterum illud quod cuncti sua subscriptione signaverant, cum sincera observantia non omnes comprobassent, novam edixit Constitutionem, *Concredita nobis*, die 13. Maii anni 1739. qua cunctis strictissima injungitur obedientia, atque juramenti formula, cum pro Missionariis, tum pro Episcopis, conceptis verbis, quo amplius tergiversari non liceat, accuratissima exaratur; quæ omnia sub gravissimis pœnis atque censuris, contra oblucentes quoslibet muniebantur. Utque caverentur solennissime cuncta, Missionariorum Regularium Generales Præfectos, ut ejusmodi literas ad suos mittant, earum publicationem curent atque urgeant, juramenti etiam præstiti ad amissum illius formulæ exemplar exigant, tota animi contentione adstringit. Cum vero Clemens XII. fatis concessisset; atque laudatus Prosper de Lambertinis Cardinalis amplissimus, e Bononiensi, ad primam Ecclesiæ Universalis Sedem, ingenti Bonorum atque Literatorum omnium applausu evectus fuisset, sub nomine BENEDICTI XIV. novam ab eo, quippe illis rebus instructissimo, totius negotii & amplio-rem expositionem, Missionarii illi postulaverunt; atque tria in iis potissimum expetebant. Primum nempe, ut juramenti atque censurarum fulminatam vim averteret. Alterum prorogaretur dispensatio, super omissione Sacramentalium, insuflationibus nimirum, saliva aliisque in conferendo Baptismate. Tandem ut majorem lucem atque explicationem, circa modum erudiendi assistendique Parreis, ceterisque generis ignobilioris Indis admoveret, & adjiceret. Enim vero summus hic, prudentissimus atque piissimus Universalis Doctor atque Pastor, quæ tre res difficillime coeunt, rerum gerendarum peritiam, religionis sinceritatem, propositi etiam constantiam, felicissime adhibens, Sanctuarii Lance nunquam fallaci cuncta pensitans, appositissimam illam Constitutionem edidit; *Omniū sollicitudinam* die 12. Septembris anni 1744. sui que Pontificatus V. in qua, principio juramentum servari jubet, & censuras confirmat; concedit prorogationem circa omissionem Sacramentalium ad decennium; certis tamen incasibus, in quibus aliter fieri non possit; jubet præterea, ut eos Malabareses, qui in hac materia perperam opinentur, ad Baptismum suscipiendum non admittant, & quod interea eos instruant atque perdoceant.

ET CONSENSIO DIAMPER. SYNODI. 453

ceant: spem demum ulterioris prorogationis omnino tollit. Quoad ultimum punctum, deputari jubet certum Missionariorum numerum, qui Parreis in ipsorum etiam casis assistant. Et quidem præterea de istius implemento Decreti doceri vult intra quinquennium, quantum ad Parreas; quod vero attinet ad Sacramentalium adhibitionem, certum nuntium intra decennium, deferri præcipit; secus alios Missionarios se missurum in Indiam, refractarios illos in Europam evocaturum, omnibus facultatibus expoliatos præmonet atque minitatur. Conqueritur deinde, quod posthabitis antiquis Decretis, plura vigeant inter illos Christianos superstitiosa uti est, gestatio Taly aut monilis nuptialis; fractio Cocci atque exclusio aut non admissio feminarum intra Ecclesiam, cum mensium profluvio detinentur. Injungit denuo eorum Decretorum observantiam, hortatur ad id Episcopos & Missionarios; clausulas tandem efficacissimas nec eludendas apponens, finem laudatæ Constitutioni imponit. Et hæc totius rei summa; Constitutionem autem hanc infra apponimus quoq. omnia probe teneantur.

His in antecessum prælibatis, expeditior fiet via assequendi percipiendique dilucidius, consensionem Synodi cum posterioribus Constitutionibus, quam promissimus, quamque Patres Augustinenses Congregationis Persicæ, auctore P. Constantino ab Spiritu Sancto, singularis pietatis zeliq. Viro, nuper in Urbe defuncto, aliquomodo tentarunt.

Igitur quod primum in Decreto Tournonii præscribebatur, nimirum quod in baptizandis tam infantibus, quam adultis, nullo pacto Sacramentalia omitterentur; id quidem prohibuerat nostra Diamperitana Synodus *Act. 4. De Baptismo Decr. 14.* ubi præcepit in virtute Spiritus Sancti, ut omnes Cassanarii, & Vicarii aut Parochi, bujusmodi conficerent Sacramentum, cum ritibus, ceremoniis, exorcismis, & precibus, quæ in Rituali Romano continentur. Cui rei ante proluserat *Act. 3. Dec. 21.* exponens, Synodum omnino optare, quod auferantur omnes & quicumque abusus, & consuetudines, quæ Decretis Tridentinæ Synodi adversarentur; hæc tamen *Sess. 7. De Sacram. in genere Can. 13.* hæc habet: *Si quis dixerit receptos, & approbatos Ecclesie Catholica ritus, in solemnibus Sacramentorum administrationibus adhiberi consuetos, aut contemni, aut sine peccato, a Ministris pro libito omitti posse &c. anathemas sit.* Unde unum idemque stabilitum esse circa Sacramentalium omissionem utrobique, manifestissime apparet.

Secundo statuit Cardinalis Tournonius, ne baptizandis imponantur nomina alia, quam ea quæ in Romano Martyrologio recensentur, nec falsæ Religionis aut Idolorum nominibus utantur. Hoc vero caverat Diamperitana Synodus *Act. 4. De Baptismo Decr. 16. & 17.* ubi ait, quod cum in illa Diœcesi, imponerentur Baptizandis, non modo nomina Sanctorum Veteris Legis, verum etiam alia Indigenarum propria, nempe Ethnicorum, ita ut perpauci essent, qui nominibus Sanctorum novæ Christi Legis insignirentur; id circo præcipit, ut Cassanarii nomina in Baptismo imponant illis a Sanctis Legis gratiæ desumta,

ta,

ta, & potissimum Apostolorum eorumve, qui in Ecclesia celebr iores habentur.

Tertium Decretum, Evangelicos monet Operarios, ut tempus Parentibus præscribant, quo filios ad Ecclesiam deferant baptizandos; eo quod Parentum injuria, diu illis Baptismus protrahebatur. Synodus autem nostra idem præcepit; tempusque præsinivit *Act. 4. De Baptismo. Decr. 5.* cum enim, ait, maxima Christianorum Diœcesis incuria, non adducantur parvuli sacro fonte expiandi infra octo dies ab eorum nativitate, juxta consuetudinem Ecclesiæ, præsertim eorum, qui Colonias aut pagos vulgo *Bazares* incolunt, quorum plurimi post multos menses, immo & annos Sacramentum illud suscipiunt; propterea stricte præcipere, ut omnes parvulos, octavo die ab eorum nativitate, sacra unda abluantur, juxta morem Ecclesiæ universalis, si ante hoc tempus vitæ discrimen non immineat.

Decrevit 4. idem Cardinalis, quod infantes sex vel septem annorum aut etiam inferioris ætatis, indissolubile Matrimonium non contraherent per Taly impositionem. Id quod prohibuerat Diamperitana Synodus, quamquam suppresso nomine Taly; etenim ait *Act. 7. de Matrim. Decr. 1.* quod iustis de causis, & quo aptius Christianorum conscientias consuleret, utque longius propulsaretur nuptialium Ethnicorum rituum imitatio, qui matrimonium contrahere parvulis permittunt; propterea præcipere quod nullus Matrimonio jungatur Vir, qui ætatis annos quatuordecim; sin autem femina fuerit, annos duodecim ætatis, non exegerint. Decreto item 12. *ejusdem Actionis*, prohibet Synodus, Matrimonium contrahere, ducto filo seu funiculo quodam (qui eadem laborabat superstitione ac Taly, collo appenso) ab sponsæ jugulo. Declarat etiam Synodus matrimonia sic contracta, talia re vera non esse, sed merum concubinatum.

Jusserat 5. loco Cardinalis Tournon Missionariis, ut ceremonias qualescumque superstitionas, atque Ethnicorum ritus in Christianorum nuptiis, Gentilium more adhiberi solitos, perquam diligenter vitarent, cum ea omnia noxia gentilitatis labe tenerentur; præcipue fractio fructus, vulgo *Coco*, ex cujus fractione signum sibi prosperitatis vel infortunii contracti Matrimonii spondebant; circuli etiam super sponfos descripti & alia hujusmodi. Nostra vero Synodo *Act. 7. & Matrim. Decr. 14.* scripserat; quod cum Christianos non deceat, ceremoniis uti superstitionis, e quibus fortunatos sibi eventus incassum polliceantur; compertum etiam fuerit Synodo, alios pravos Christianos, Gentilium Sectatores, ipsos Gentiles aliosque superstitionos Cassanarios adire, ut sibi faustos nefastosque dies, & horas, pro contrahendis nuptiis, prænnunciarent; hæc omnia diris omnibus devovet atque prohibet.

Decrevit 6. idem Tournonius, ne feminis fluxu mestruo laborantibus, aditus Ecclesiæ intercluderetur, aut accessus ad Sacramentum Pœnitentiæ; quodque purificationis tempus, ad ea præstanda non opperiretur. Et hæc quidem implicite prohibuit Synodus, statuens,
ne

ET CONSENSIO DIAMPER. SYNODI. 455

ne mulieres ab Ecclesiâ ingressu a. cerentur per 40. aut 80. dies a puerperio; & *Actio 9. De Reformatione Decr. 5.* habet, quod Populus Christianus, non modo Ethnicas, verum etiam Judaicas ceremonias, ubique jam latissime Christi fide promulgata, cavere debet, atque reiicere; quamobrem, licet Synodus laudet, & summo opere commendet, laudabilem consuetudinem, qua Matres liberos suos in Templum asportant, offerendos Domino, 40. a puerperio diebus exactis, in honorem ac imitationem Sacratissimæ Deiparæ, quæ non aliter Filium suum hostiam Deo Patri, pro nobis in Templo obtulit; improbat tamen quam maxime, quod Mulieres, pro 40. dies si masculum, per 80. vero si feminam pepererint, remotæ ab aliis degant, aut veluti turpes reputentur, nec audeant in Ecclesiam convenire.

Septimum instituit Decretum laudatus Cardinalis, ne Missionarii Sacramenta denegarent ægrotis, abjectioris stirpis, aut *Casta*, quos Parreas nominant, nec ab ingressu casarum, in quibus habitant abisterent. Synodus autem id præscripserat *Act. 6. De Sacram. Pœnit. Decr. 4.* ubi habet, Parochis omnino id muneris impositum esse, nempe de suis ægrotantibus Paræcis diligenter inquirere, eorum Confessionem excipere, vel per semetipsos, vel per alios a se deputatos; idque quocumque ad hoc tempore vocentur, ut ita nullus absque Pœnitentiæ Sacramento e vita excedat. *Actio. item 3. De Reform. Decr. 2.* inter superstitiosa collocat, contactum abjectorum hominum vitare, aut cum illis non communicare; cui rei certos etiam limites constituebat *Actio 8. Decr. 36.* quo Lectores remittimus.

In 8. Tournonii Decreto prohibetur Christianis, qui rei musicæ vacant, in Idolorum superstitiosis solennitatibus, tibiis aliisque musicis instrumentis ludere, cum in hoc cultum & honorem Dæmoni exhibere videantur. Id quod Synodus Diamperitana *Actio. 9. Decr. 4.* generatim interdixerat, præcipiendo cunctis, ut non modo solennitati dictæ *Ora* nullatenus adessent, verum etiam quam longissime ab aliis Ethnicorum festis abisterent; nec eorum alicui celebritati applauderent; etiam si in illis nullus Idolis cultus adhibeatur aut Pagodis; cum omnes prædictæ solennitates in ipsorum Pagodum aut Idolorum cultum (etiam si earum superstitione *carere* videantur) plane ferantur.

Statuit 9. Tournonius atque declaravit, Constitutionem Apostolicam Gregorii XV. super lavacris apud eas gentes frequentibus, æque ac reliquos, Missionarios etiam Evangelicos afficere atque comprehendere; prohibuit etiam usum cineris, e vacino stercore confecti. Parochis deinde atque Missionariis præcepit, ut nullo obtentu, Sacræ vivificæ Crucis, rerumque sacrarum nomina, item Sanctorum, in aliud Idioma transferre, exceptis Latino aut etiam Indico. Prohibuit etiam, Virginis menstrui profluvii primordia celebrare, aut hujus signa propinquis & amicis nota facere. Et quamquam de iis Synodus Diamperitana nullum verbum habeat, eatenus id accidisse putandum est, vel quia tunc temporis apud Malabaricas gentes ea nota non essent superstitionis genera,

456 EMMEAEA ET CONS. DIAMPER. SYN.

nera, vel etiam fortasse quod in desuetudinem abierint, aut emendatione fuerint expulsa. Vix enim percipi potest, quod Synodus earum rerum correptionem prætermiserit, aut silentio involutas reliquerit, si eo tempore apud illos homines superstitiosos viguissent.

Ultimo tandem in loco, prohibet Tournonius sub pœna excommunicationis, legere vel retinere libros falsæ religionis, auguriorum, aut libidinis argumentum continentes. Synodus autem id multis egerat *Acti. 3. Decr. 14. & 15.* in quibus pensculatius ejusmodi libros recenset, eorumque retentionem, & lectionem prohibet.

Quod si animum oculosque vertimus ad nuperam SS. D. N. Constitutionem: *Omnium sollicitudinum*, ejusque Decreta circa Parreas, adamussim respondet Diamperitana Synodus; cum particulares Parochos atque Ecclesias deputando pro solis Parreis aut abjecti generis hominibus; tum etiam tolerando ejusmodi superstitiosam contactus fucigam, dum aptiora media non suppetant; quorum primum præstat *Acti. 8. Dec. 36.* Alterum *Acti. 9. Dec. 2.* Quodque magis est: hæc tolerantia permittitur, dummodo illi ea non laborent opinione, quod nempe res istæ ad religionem pertineant; quibus sub conceptis verbis BENEDICTUS XIV. omissionem rituum tolerat. Quia tamen ista, sat, ut putamus, erunt, ut ex iis mira, quam dicebamus, concianitas & consensus inter Synodum nostram Diamperitanam, & posteriores Apostolicæ Sedis Constitutiones, luculentissime appareat, ab iis amplius urgendis, calamus subducimus; novissimam autem Constitutionem Summi Pontificis fel. reg. oculis subiicimus.

„ BENEDICTUS Episcopus servus servorum Dei
 Procemium. „ ad perpetuam rei memoriam. Omnium sollicitudi-
 „ num, quæ demandatum Nobis, Divino prorsus consilio,
 Pontificis studium pro tuenda Fidei & disciplina punitate, & Ecclesiarum concordia. „ nulloque merito nostro, supremi, universalisque
 „ Pastoris munus gravissimum præter modum, formidandumque constituunt, potissima sane, quæque magis
 „ animum nostrum extimulat, Nosque perpetuo trepidantes, & anxios habet, ea est, ut concreditum
 „ Nobis Fidei depositum, integrum, illibatumque servemus; ideoque omne studium nostrum, operamque
 „ in id conferamus, ut late diffuentes super faciem Terræ Coelestis doctrinæ latices nullo aut corruptelæ luto,
 „ aut erroris inficiantur veneno, dumque Evangelicæ lux undequaque diffunditur, nulla forte Gentilitatis
 „ superstitione obumbretur; atque ut ii, quos e potestate tenebrarum erutos, confractis ferreis infidelitatis
 „ vestibus, in admirabile lumen suum vocavit misericors Deus, in spemque evexit æternæ salutis, & hæreditatis, corde credentes ad justitiam, operibusque
 „ „ quod

„ quod credunt comprobantes, & mystici Corporis Chri-
 „ sti, quod est Ecclesia, digna se membra exhibentes,
 „ id ipsum dicant, ut Apostolus exoptabat ardentem, &
 „ sint perfecti in eodem sensu, & in eadem sententia.
 „ Hinc cum primum Altissimo placuit humilitatem no-
 „ stram ad summi Apostolatus apicem evehere, nulli
 „ unquam labori parcere decrevimus, quem non solum
 „ ad propagandam in omnem Terram Fidei, & salutis
 „ scientiam, sed etiam ad unitatem spiritus, & doctrinæ
 „ inter Fideles ubique fovendam, & confirmandam,
 „ vel, sicubi opus esset, reconciliandam, & stabilien-
 „ dam, opitulante Deo, proficuum, & necessarium
 „ fore deprehenderemus.

„ Verum quum eam ob causam ad extremas usque
 „ Orbis Terræ Plagas mentis nostræ obtutus dirigere-
 „ mus, eosque peculiariter figeremus in novella illa ger-
 „ mina Christianitatis, quæ Divina irrorante gratia, in
 „ novis Ecclesiis Regnorum Madurensis, Mayssurensis,
 „ & Carnatensis dudum pullularunt, non parvam Nobis
 „ inde laborum, atque curarum materiam allatum iri
 „ verebatur, dum animo recenseremus quantum, &
 „ quamdiu Apostolica Prædecessorum Nostrum desudaf-
 „ set industria, ut ex recens coalescentibus prædicto-
 „ rum Regnorum Ecclesiis, vanarum observationum,
 „ rituumque a Christiana Religione abhorrentium ziza-
 „ nia radicitus evellerent, atque importunas controver-
 „ sias inter sacros ipsos Regionum illarum Operarios in
 „ re tam gravi exortas, & quod magis dolendum erat,
 „ inimici hominis opera, nostris adhuc temporibus per-
 „ stantes, componerent, atque eliminarent. Attamen
 „ fiduciam nostram collocantes in Domino, qui hu-
 „ manos animos, ubi vult, fortiter, suaviterque infle-
 „ cit; potissimum vero quum, delatis ad Nos argu-
 „ mentis filialis obedientiæ, qua plerique illarum Par-
 „ tium Missionarii suprema hujus Apostolicæ Sedis De-
 „ creta se excipere professi sunt, Nobis expositum fuit,
 „ ad omnes demum iis de rebus controversias sedandas,
 „ ac prædictarum Ecclesiarum statum componendum,
 „ atque firmandum, nil aliud jam reliquum esse, quam
 „ ut ad nonnulla postulata, quæ ex parte aliquorum
 „ Operariorum hujusmodi Nobis proponebantur, con-

Refert dissen-
siones super
observantiis
variorum Ri-
tuum in Mis-
sionibus In-
diarum obor-
tas.

Quas per præ-
sentium pu-
blicationem
extinguendas
esse non sine
causa confide-

M m m „ grue

„græ resolutiones, & responsiones Apostolica aucto-
 „ritate prodirent; magnam in spem erecti sumus, fore
 „ut, sublatis per opportuna rescripta propositis dubita-
 „tionibus, ac finitivis demum nostris, & hujus Apo-
 „stolicæ Sedis mandatis, atque præceptis editis, ac pro-
 „mulgatis, optatus aliquando finis imponeretur diu-
 „turnis, molestisque dissensionibus, quæ Prædicationis
 „Evangelicæ in prædictis Regnis olim disseminate fru-
 „ctum late inficientes, ipsæque novarum Ecclesiarum
 „soboles vehementi discordiarum turbine agitantur, eo
 „rem adduxerant, ut tot Verbi Dei præcones eximii si-
 „ne causa adhuc laborasse, largosque sudores, & sangui-
 „nem ipsum frustra effudisse viderentur.

Appellus bo-
 me. Card. de
 Tournon Cō-
 missar. Apo-
 stol. ad Indias
 Orientales.

„Ut enim multa prætereamus, quæ retroactis
 „temporibus hac in re acciderunt; graviores, quas in-
 „nuimus, controversiæ hoc ipso ineunte sæculo eru-
 „perunt, seu potius renovatæ fuerunt; quum a se-
 „lic. record. Prædecessore Nostro Clemente Papa XI.
 „missus, ad Oram Coromandeli appulit bon. mem.
 „Carolus Thomas, tunc Patriarcha Antiochenus cum
 „potestate Legati à Latere in Indiis Orientalibus Com-
 „missarius, & Visitator Apostolicus, deinde hujus
 „S. R. E. Cardinalis Tournonius nuncupatus. Is enim,
 „eo cum appulisset, ad trutinam vocatis nonnullis cæ-
 „remoniis, quæ ab aliquibus Missionariis observaban-
 „tur, vel pernitiabantur, ab aliis vero tamquam Chri-
 „stianæ pietatis spiritui minime conformes reiicieban-
 „tur, unde discordiarum, & funestissimarum disputa-
 „tionum semina, exploratis, ea, quæ par erat diligen-
 „tia, factis, & circumstantiis, e re Christiana esse,
 „suique Officii partes exigere judicavit, plures hujus-
 „modi ceremonias gravi interdicto proscribere, atque
 „damnare, latoque Edicto, seu Decreto certam Mis-
 „sionariis normam præscribere, quam in excolendo
 „Dominico illo Agro cuncti servarent, ut Divini Verbi
 „semen, præcisissimè folio, & vepribus, altas agere radi-
 „ces, & felicissime posset propagari. Quod quidem a
 „se editum Decretum à Missionum illarum Provinciali-
 „bus & Superioribus sub poena Excommunicationis latæ
 „sententiæ, a ceteris vero Subditis Missionariis, sub
 „poena suspensionis a Divinis ipso facto incurrendæ, in-

Ejusdem ju-
 dicii, & De-
 cretum super
 Ritibus Ma-
 labaricis.

„vio-

SUPER RITIBUS MALABARICIS. 459

„ violabiliter observari , & executioni mandari præce-
 „ pit , donec aliter Apostolica Sedes provideret . Exem-
 „ plum autem Decreti ejusmodi est , videlicet .

*Carolus Thomas Maillard de Tournon , Dei & Apo-
 stolica Sedis gratia Patriarcha Antiochenus , Sanctissi-
 mi D. N. Clementis Divina Providentia Papa XI. Prala-
 tus Domesticus , ejus Pontificio Solio Assistens , necnon
 Sanctæ Romanæ , & Universalis Inquisitionis contra hæ-
 reticam pravitatem Consultor , ac in Indiis Orientalibus ,
 & Sinarum Imperio , finitimisque Insulis Commissarius ,
 & Visitator Apostolicus cum facultate Legati de Latere &c.*

Tenor Decre-
 ti ab eo edi-
 ti Pudichari
 die 23. Jan-
 nui 1704.

Inter graviores , quibus premimur , curas pro Aposto-
 lici Visitatoris munere , nobis licet tanto oneri imparibus ,
 injuncto , ea sane est præcipua , cum nos huc missos esse
 consideramus ad expurgandum Dominicum agrum a zizaniis
 novella Christi germina suffocantibus , & de alienis pecca-
 tis rationem esse reddituros , qui æternam Dei ultionem pro
 nostris nunquam satis expiandis jure formidamus : Quamob-
 rem statim atque ad has Indiarum oras appulimus , men-
 tis nostræ oculos per vastissimas illas Orientales Regionem
 circumferentes , dum corpus pertinaci morbo jaceret deten-
 tum , Missionum necessitates undique inquirere curavimus .
 ut iisdem pro viribus de opportuno remedio prospiceremus .
 Et quidem merito inter primas nostræ sollicitudini occurre-
 runt nova Domini vinea in Regnis Madurensi , & Mayssur ,
 recentiusque Carnatensi iisdem fere legibus , parique
 labore ab Evangelicis Societatis Jesu Operariis Lusitanis , &
 Gallis plantata , ubi inter Ethnicorum , atque Gentilium
 persecutiones , ac inter tot vitæ asperitates virentes ger-
 minant Evangelii pulmites , assiduis Missionariorum sudo-
 ribus irrigati ; illuc sane fuisset , non minus laboris ,
 quam gaudii in Christo Jesu participes esse vehementer cu-
 pientes , nisi hoc nobis diuturna infirmitas prohibuisset .
 Quod autem per nos ipsos immediate obtinere non licuit ,
 exhibitum erga nos , & S. Sedem Apostolicam obsequium
 à Patribus Venantio Bouchet Carnatensis Missionis Supe-
 riore , & Carolo Michaele Bartoldo Madurense Missiona-
 rio , viris doctrina , & propaganda Fidei zelo præstantibus ,
 opportune suppeditavit . Enim vero cum ab illis in moribus ,
 lingua , & Religione istarum Regionum ex longa in his vi-
 ta consuetudine apprime versatis , plura certius cognoveri-

M i n m a mut,

Referuntur
causæ edendi
Decretum hu-
jusmodi, in
quo statuit,
ut infra.

mus, quæ eosdem palmites enerves reddant, & fructu va-
euos, utpote qui Gentilium vanitatibus magis inbareant,
quam viti, quæ est Christus; in multo experimento tribu-
lationis abundantia gaudii nostri fuit. Rebus itaque matu-
ro examini suppositis, dictisque Patribus ore tenus, ac in
scriptis fuscè auditis, atque Dei ope publicis precibus im-
plorata, ut Fidei puritati, spiritualique Christianorum
proventui salubriter in Domino consulamus, utque fiat ob-
latio Gentilium accepta, & sanctificata in Spiritu Sancto,
ad præsens Decretum auctoritate Apostolica, etiam cum fa-
cultate Legati de Latere, devenimus.

I. de Baptis-
mo. Quod in
eo admini-
strando non
omittantur
Sacramenta-
lia.

Et a Sacramentorum administratione exordium sumen-
tes, districtè prohibemus, ne in baptizandis tam pueris,
quam adultis cujuscumque sexus, & conditionis, omittan-
tur Sacramentalia, sed omnia palam adhibeantur, & si-
gnanter saliva, sal, & insufflatio, quæ ex Apostolica tra-
ditione Catholica Ecclesia recepit, ac ob recondita in his sa-
cris caeremoniis Divina erga nos bonitatis mysteria, san-
cte, & inviolabiliter custodivit; Decreta Sanctæ Univer-
salis Romanæ Inquisitionis de anno 1656. pro Sinis facta,
ob diversas rationes, & circumstantias, minime obstante.

Quod Bapti-
zato impona-
tur nomen
alicujus San-
cti.

Item præcipimus, ut juxta laudabilem Ecclesiæ con-
suetudinem semper imponatur Baptizando a Baptizante
nomen alicujus Sancti in Martyrologio Romano descripti,
omnino interdictis nominibus Idolorum, vel falsæ Religionis
Pœnitentium, quibus Gentiles utuntur, & Neophyti ba-
ptæni appellari consueverant; antequam essent per Baptis-
mum Divinæ Gratiæ renati. Nec Parochis, seu Missiona-
riis sub quovis prætextu liceat, Crucis, Sanctorum, &
rerum Sacrarum nomina per translata immutare, nec ea
alio idiomate explicare, nisi Latina, vel saltem Indica,
quatenus voces Indicæ Regionis latine significationi liqui-
do, & ad amissum respondeant.

Quod colla-
tio Baptismi
Infantibus nõ
protrahatur.

Et quia audivimus, Baptismum Infantium ex Chri-
stianis Parentibus ortorum, eorumdem incuria sæpe diu-
protrahi, non sine maxima dictorum Infantium salutis dis-
crimine, monemus Evangelicos Operarios, ut Sacrorum
Canonum memores, terminum breviorē, quam fieri pos-
sit, attentis circumstantiis, Genitoribus præfigant, gra-
viter conscientiam eorum onerantes, nisi filios intra præfi-
xum tempus ad Ecclesiam deferant sacro fonte ablucendos.

Præ-

SUPER RITIBUS MALABARICIS. 461

Præterea cum moris hujus regionis sit, ut Infantes sex, vel septem annorum, interdum etiam in teneriori ætate ex Genitorum consensu, matrimonium indissolubile de præsentī contrahant per impositionem Tally, seu aureæ tessera nuptialis, uxoris collo pensilis, Missionariis mandamus, ne hujusmodi irrita matrimonia inter Christianos fieri permittant, nec Sponsos sic conjunctos cohabitare sinant, donec completa legitima ætate, & explorato eorum consensu, in faciem Ecclesiæ, juxta formam a Sacro Concilio Tridentino præscriptam, verum, & Canonicum matrimonium contraxerint. Et quoniam apud peritiores impiæ illius Religionis Sæctatores Tally præferebat imaginem, licet informem Pulleyaris sive Pyllajaris Idoli nuptialibus ceremoniis præpositi: Cumque dedecet Christianas mulieres talem effigiem collo deferre in signum matrimonii, districte prohibemus, ne in posterum audeant Tally cum hac effigie collo appendere; & ne uxores innuptæ videantur, poterunt uti alio Tally, vel Sanctissimæ Crucis, vel Domini Nostri Jesu Christi, vel Beatissimæ Virginis, vel alia quavis religiosa Imagine ornato: Et cum superstitione non careat funiculus centum, & octo filiis compositus, & croceo succo delinitus, quo plerique dictum Tally appendunt; prohibemus etiam dictorum Filorum numerum, & unctionem.

II.
Matrimonia non contrahantur ante pubertatem

Prohibetur Mulieribus usus Tally ad instar Gentilium.

Et funiculi 108. filorum.

Cæremoniæ etiam nuptiales juxta harum regionum morem tot sunt, tantaque superstitione maculatæ, ut tutius remedium aptari non posset, quam eas omnino interdicens, cum undique noxia Gentilitatis labe scateant, & difficillimum sit eas a superstitionis expurgare. At vero ut faciliiori conversionum viæ & Neophytorum commodo, quantum fieri potest in Domino indulgeamus, Missionariis, & præcipue Missionum Superioribus injungimus, ut novis adhibitis diligentibus, severiorique calculo superstitionis omnia a dictis cæremoniis expungant, itaut nihil inultum relinquatur, quod Christianam pietatem offendat, & Gentilium superstitionem redoleat, & signanter præter eas, quas audivimus jam statutas in hac materia ab iisdem Missionariis reformationes, ramus arboris Aresciomara omnino auferatur, ferculorum numerus, non minus ac cibi præscripta qualitas, varietur: Circuli super caput sponsoꝝ ad tollenda maleficia, omittantur; Et quod de ferculis diximus, de lateis vasis ibidem adhiberi solitis a nobis dictum & prohibitum

Nuptiarum Ritus ab omni superstitione expurgentur.

462 CONSENS. SYN. ET CONST. AP.

Fructus, vulgo Cocco non frangatur ad capiendam auspiciam. bitum intelligatur; fructus etiam vulgo dictus Cocco, ex cuius fractione prosperitatis, vel infortunii auspicia Gentiles temere ducunt, vel omnino a Christianorum nuptiis reiiciatur, vel, saltem, si illum comedere velint, non publice, sed secreto, & extra solemnitatem aperiatur ab iis, qui Evangelica luce edocti, ab huiusmodi auspiciorum deliramento sunt alieni.

III.
Mulieres non arceantur a Sacramento penitentiae, ad peccatorum remissionem, tanquam instrumento divinae Misericordiae, a Christo Domino instituto, & signanter mulieres menstruali morbo laborantes; non attentis diebus purificationis iuxta morem Gentilium, cum hac Sacramentalis vera animae purificatio, & non alia, sit attendenda a Christi fidelibus, eorumque Pastoribus, quibus praeterea non liceat nec per se ipsos, nec per Catechistas, nec per alios quoscunque, dictis mulieribus prohibere accessum ad Ecclesiam, vel ad Confessarium, durante dicta infirmitate, & dicto purificationis tempore.

Damnatur festiva gratulatio super prima purificatione Puellarum contingente. Dedecet etiam Christiana Virginis honestatem prima vice dicto morbo laborantis, illum Cognatis, Vicinis, & Amicis notum facere, ac inverecunde publicare, iisque, Ethnicorum more, & ritu, in ejus domum collectis, super re tam sordida festum instituere; Quocirca huiusmodi celebritates, & ritus orthodoxis puellis penitus interdiciamus, & abolemus; Missionariisque injungimus, ut non solum eas, verum etiam Genitores moneant, quam dissona sit Virginei pudoris legibus huiusmodi obscena consuetudo, quae a Gentilium impudentia videtur inducitur; ut ita labefactata puellarum verecundia, eas effrenate ad libidinem provocare valeant.

IV.
Quod Pareis omne praestetur spirituale subsidium etiam in ipsorum domibus. Ferre pariter non possumus, quod a Medicis spiritualibus pro animarum salute ea charitatis officia denegentur; quae Medici Gentiles, nobilis etiam generis, seu Castae, pro corporis salute praestare non dedignantur Infirmis etiam abjectis, & infimae conditionis, vulgo dictis Pareas. Quapropter districte mandamus Missionariis, ut quantum in ipsis erit, nemini e Christianis aegrotis, quantumvis Pareas, & vilioris, si adessent, generis hominibus, desideranda relinquatur in infirmitate copia Confessarii; & ne ingravescant morbis, cum gravissimo vitae temporalis periculo, aeternae consulere cogantur, iisdem Missionariis precipimus,

SUPER RITIBUS MALABARICIS. 463

pimus, ne infirmos hujusmodi conditionis ad Ecclesiam deferendos expectent, sed consultius domos, ubi agrotant, pro viribus petant ad eos invisendos, ac piis sermonibus, & precibus, Sacramentorumque pabulo recreandos, atque demum eas in extremo vitæ discrimine constitutos Sancto Infirmorum Oleo deliniant, absque personarum, aut sexus acceptione, expresse damnantes quamcumque praxim huic Christianæ pietatis officio contrariam.

Non sine maximo animi nostri mœrore accepimus etiam, Christianos tympanorum pulsatores, Tibicines, aut alterius cujuscunque musici instrumenti sonatores ad Idolorum festivitates, & sacrificia accersiri, ad ludendum, & interdam etiam cogi, ob quamdam servitutis speciem erga publicum ab ipsis contractæ per hujusmodi artis exercitium, nec facile esse Missionariis eos ab hoc detestabili abusu avertere: quocirca considerantes, quam gravem rationem effemus Deo reddituri, si hujusmodi Christianifideles a Daemoniorum honore, & cultu pro viribus non revocaremus, illis prohibemus, ne impostera audeant, nec in Pagodis, nec extra, tum occasione Sacrificiorum, tum quarumcumque solemnitatum superstitioso cultu imbutarum, sonare, aut canere, sub pœna excommunicationis lata sententiæ, cum nullo modo liceat Christi famulis Belial inservire; Ideoque Missionarii non solum eos monere tenebuntur de præfata prohibitionem, verum etiam illam omnino executioni demandare, & contrascentes ab Ecclesia expellere, donec ex corde respiciant, & publicis pœnitentiæ signis patratum scandalum emendaverint.

V.
Christiani Tibicines, alii-
que artis Musice Professores operantur non præstant in Idolorum Pagodis, & festivitatibus.

Declaramus præterea Pontificiam Constitutionem Gregorii Papæ XV. incipientem -- Romana Sedis Antistes -- ad petitionem Patrum Societatis Jesu editam, qua indigenis Christianifidelibus lavacra non alia occasione, & sine, quam corporis reficiendi, & a naturalibus sordibus mundandi, ab Apostolica Sede permittuntur, interdictis tempore, & modo, quibus a Gentilibus adhiberi solent, æque afficere Evangelicos Operarios, quibus propterea non liceat sub quacunque alia causa, & sine, etiam ad effectum, ut existimentur Sanias, seu Brachmanes, præ cæteris dediti hujusmodi ablutionibus, illis uti, præsertim statutis eorum horis, & ante vel immediate post quamcumque sacram functionem.

VI.
Quod Constitutio Gregorii XV. circa lavacra, & ablutiones comprehendat etiam Missionarios.

Cine-

VII.
Prohibetur
usus Cine-
rum; præter
medium, &
tempus ab Ec-
clesia rece-
ptum, & om-
nia signa su-
perstitiosa
damnantur.

Cineres itidem ex *Vaccæ* stercore confectos, & *impiam Gentilium* pœnitentiam a *Rutren* institutam redolentes, benedicere, eosque fronti *Sacro Chrismate* delinita impingere, sive alia quacumque signa albi, vel rubei coloris, quibus *Indi* supersticiosissimi in fronte, vel in pectore, aut in alia quavis Corporis parte utuntur, deferre prohibemus; Mandantes, ut *Sancta Ecclesia* consuetudo, piique ritus Cineres benedicendi, illisque *Christianorum* caput *Cruce* signandi, ad humanam infirmitatis memoriam recolendam, religiose servantur tempore, ac modo ab Ecclesia præscripto, scilicet feria quarta Cinerum, & non alias.

VIII.
Quid servan-
dum sit circa
librorum Gen-
tilium usum.

Et demum quia ex librorum de falsa religione, & de rebus obscenis, supersticiosisque tractantium lectura venenum ut plurimum serpere solet ad cor *Fidelium*, quo non minus *Fidei* puritas offenditur, quam mores corrumpuntur, magnopere commendantes zelum, ac studium *Missionariorum*, qui libros sacram *Ecclesia Catholica* doctrinam, rerumque Sacrarum monumenta continentes, pro *Indorum* *Christifidelium* eruditione, in linguam *Malabaricam*, seu *Tamulicam* transtulere, vel novos pro illorum commodo, & institutione composuerunt; iisdem *Christifidelibus* expresse interdiciamus fabulosos *Gentilium* libros, eosque legere, & retinere prohibemus, sub pœna excommunicationis lata sententiæ, nisi prius habita licentia *Parochi*, seu *Missionarii* curam animarum exercentis, quorum prudentia committimus facultatem super hoc dispensandi, & libros (si qui forte sunt) noxia superstitione vacuos, & nihil contra bonos mores tractantes, pro *Christianorum* usu seligendi, eorumque lecturam permittendi.

Ea igitur universa, & singula auctoritate Apostolica, & tenore prædictis damnamus, ac districtiori, quo possumus, modo prohibemus, Mandantes *Patri Provinciali* *Provinciae Malabaricae*, cæterisque *Superioribus Societatibus* *Jesu in Indiis Orientalibus*, ut hoc nostrum *Decretum* notificent singulis *Missionariis*, sive aliis quibuscumque curam animarum exercentibus sibi subiectis, illudque perpetuo, & inviolabiliter exequi faciant, sub pœna excommunicationis lata sententiæ quoad *Provinciales*, & *Superiores*, & suspensionis a *Divinis* ipso facto incurrendæ quoad *Subditos* contrasacientes, seu aliter permittentes. Atque ita decernimus, & mandamus in omnibus, donec aliud

Mandat hoc
Decretum pu-
blicari & ob-
servari, donec
aliud fuerit a
S. Sede pro-
visum, sub
pœnis &c.

SUPER RITIBUS MALABARICIS. 465

aliud fuerit ab Apostolica Sede, vel a Nobis ejusdem auctoritate provisum, inviolabiliter servari, non obstantibus quibuscumque.

Et ne ex his, quæ expresse præcepta, vel prohibita a Nobis fuere, tacitum quis deducere valeat, in reliquis prædicari solitis in istis Missionibus, nostram assensum, seu approbationem; (cum plura forsitan reformatione digna nostram cognitionem effugerint, & alia maturius examen postulanti indecisa remanserint); hanc interpretationem omnino reiicimus, & menti nostræ esse contrariam declaramus. Volumus autem iustis de causis, ut hoc nostrum Decretum afficiat, & pro publicato habeatur post illius traditionem a nostro Cancellario faciendam Patri Guidoni Tachard Vice-Provinciali Patrum Gallorum Societatis Jesu in Indiis, cui propterea in virtute Sanctæ Obedientiæ onus injungimus, quatuor similia exemplaria transmittendi ad Patrem Provinciale Province Malabaricæ ac ad Patres Superiores Missionum Madurensis, & Mayssur, & Carnatensis, quibus post bimestre, & reliquis Missionariis post trimestre a die consignationis faciendæ dicto Patri Tachard, idem Decretum pro publicato, & notificato pariter habeatur. Datum Pudicherii in Sancta Visitatione Apostolica hac die 23. Junii 1704., & publicatum die 8. Julii ejusdem anni 1704. per traditionem factam coram Illustrissimo, & Reverendissimo Domino per me Cancellarium infrascriptum Rev. Patri Guidoni Tachard Patrum Gallorum Societatis Jesu in Indiis Orientalibus Superiori, presentibus RR. Patribus Francisco Laines, Superiore Missionis Madurensis, ac Venantio Bonchet Superiore Missionis Carnatensis.

Carolus Thomas Patriarcha Antiochenus Visitor Apostolicus.

Andreas Candela S. Visitationis Apostolicæ Cancellarius.

„Quoniam autem de re maxima, eaque gravissima agebatur, idem Antiochenus Patriarcha Literis suis totam rei gestæ seriem Apostolicæ Sedi exactissime renuntiavit, latumque ab se Decretum supremo illius judicio subjecit. Quibus ad Urbem allatis Literis, idem Prædecessor Noster Clemens Papa XI. supradictum Vicarii Apostolici Decretum rite perpensum, at-

Dedat: quod per Decretum hujusmodi non intendit approbare alia, si quæ sunt, reformatione digna.

Præscribit publicationis formam, ejusdemq; servatæ effectum

Dat. 23. Junii, & publicat. 8. Julii 1704.

Relatum Decretum confirmatur a Clemente XI. P.M. cū clausula donec &c.

N n n

,, que

466 CONSENS. SYN. ET CONST. AP.

„ que etiam in Congregatione S. Officii diligenti examini subiectum , in omnibus servandum , & exequendum esse statuit , ea tamen addita clausula „ *Donec aliter a Sede Apostolica provisum fuerit , postquam eos audierit , si qui erunt , qui aliquid adversus contenta in huiusmodi Decreto afferendum habuerint .* „ Ea Pontificis in Congregatione Sancti Officii resolutio sequentis est tenoris , videlicet :

Feria v. Die v. 11. Januarii 1706.

Tenor resolutionis ejusdem in Congregatione S. Officii die 7. Januarii 1706.

In Congregatione Generali Sancta Romana , & Universalis Inquisitionis habita in Palatio Apostolico Vaticano , coram Sanctissimo D. N. D. Clemente divina Providentia , Papa XI. , ac Eminentissimis , & Reverendissimis DD. S. R. E. Cardinalibus in tota Republica Christiana contra hereticam pravitatem Generalibus Inquisitoribus a S. Sede Apostolica specialiter deputatis .

Idem Sanctissimus Dominus Noster relato tenore Decreti , editi Pudicherii die 23. Junii 1704. a D. Carolo Thoma de Tournon Patriarcha Antiocheno Commissario , & Visitatore Apostolico in Imperio Sinarum , & aliis Indiarum Orientalium Regnis , necnon literarum inde scriptarum ab eodem D. Patriarcha , nempe die 9. Julii dicti anni 1704. ad praefatos Eminentissimos , & Reverendissimos DD. Cardinales , ac die 10. ejusdem mensis ad R. D. P. Assessorem , diserte super iisdem de more loquutus fuit . Auditis deinde votis praefatorum DD. Cardinalium dixit , rescribendum esse D. Patriarchae , commendando illius prudentiam , ac zelum , & quod exacte observari debeant ea omnia , quae in Decreto supradicto fuerunt ab ipso praescripta , donec aliter a Sede Apostolica provisum fuerit , postquam eos audierit , si qui erunt , qui aliquid adversus contenta in huiusmodi Decreto afferendum habuerint .

Commendat zelum & prudentiam Cardinalis de Tournon pro Decreto edito , quod ab omnibus observari debeat , donec aliter &c.

Mandat reasumunt omnia circa Ritus Malabaricos , etiam nondum expressè damnatos , ad Apostolicam Sedem delata.

Fussit quoque Sanctitas Sua , quod per Patrem Consultorem Joannem Damascenum Ordinis Fratrum Minorum S. Francisci Conventualium reassumantur ea omnia , quae circa nonnullos ritus , ut asseritur , superstitiosos Christianis Malabaris in Indiis Orientalibus a quibusdam Missionariis , ut praetenditur , permisos , jampridem ad eandem Apostolicam Sedem delata fuerunt a Fratre Francisco Maria Turonensi Ordinis Minorum ejusdem Sancti Francisci Cappuccinorum Missionario illarum partium , ad hoc , ut

idem

SUPER RITIBUS MALABARICIS. 467

idem P. Consultor de iis , quæ sive a fan. mem. Gregorio XV. in suis literis die xxxi. Januarii 1623. in forma Brevis de super expeditis , sive ab eodem Domino Patriarcha in suo Decreto prædicto expresse damnata , vel prohibita non fuerint , conficiat Summarium , super quo discuti , ac decerni valeat , quid sit agendum .

Quo vero ad questionem de quibusdam Ignobilium , ac infima sortis hominibus , qui in eisdem Regionibus vocantur Pareas , & a Nobilibus tamquam infames , & damnati videntur , Sanctitas Sua dixit , quod separatim examinari debeat .

Questionem de Pareis separatim examinari jubet.

„ Verum hanc providentiam , uberesque , quos inde
 „ spes erat proventuros , fructus frustratus est falsus ru-
 „ mor , qui paucos post annos per Indias increbuit , ip-
 „ sum nempe Clementem XI. Prædecessorem , & rela-
 „ tum Patriarchæ Decretum revocavisse , & nonnullas
 „ ex iis cæremoniis adprobasse , quas ille tamquam super-
 „ stitiosas , minimeque ferendas proscripserat . Cum fal-
 „ so rumori cursum intercepturus laudatus Pontifex Cle-
 „ mens XI. , utque omnibus manifesta redderet animi
 „ sui sensû , atque impugnatoribus Decretorum à Pa-
 „ triarcha prædicto editorum omne penitus effugium
 „ adimeret , quo a præstanda eisdem Decretis debita
 „ obedientia se subtrahere quoquo modo possent , die
 „ prima Septembris anni MDCCXII. extrahi ex Tabula-
 „ riis mandavit authenticum exemplum Decreti , quod
 „ prædicta die VII. Januarii anni MDCCVI. emanaverat ,
 „ & superius transcriptum est , illudque Episcopo Melia-
 „ purensi transmitti iussit , ut ex eo , & is probe nosce-
 „ ret , & aliis etiam Episcopis , & Missionariis earum
 „ Regionum palam faceret , quid eo usque de Patriarchæ
 „ Antiocheni Decreto Apostolica Sedes judicasset . Ac
 „ ne ullo modo Pontificiæ mentis Oraculum in dubium
 „ posset revocari , Decreti exemplo jungendas , alligan-
 „ dasque voluit Literas Apostolicas in forma Brevis , ut
 „ sequitur :

Falsus rumor per Indias spargitur de revocatione Decret. Card. de Tournon .

Cui se opponit Clemens XI. , & præmissæ resolutionis exemplum in Indias mittit .

Venerabilis Frater &c. Non sine gravi animi nostri molestia istis in partibus evulgatum fuisse audivimus , quod præscripta in quodam Decreto die 23. Junii 1704. Pud-cherii edito a bon. mem. Cardinali de Tournon , cum illuc ad Sinensis Imperii oras transmigraturus accessit , a Nobis re-

Epistola in forma Brevis ab eo scripta Episcopo Meliapuren. die 17. Septembris 1712.

N n n 2

scij-

468 CONSENS. SYN. ET CONST. AP.

scissa, & abrogata, ac simul caeremonia, & Ritus, qui eodem Decreto superstitionis labe infecti declarantur, vel omni, vel aliqua ex parte approbati, ac permitti fuerint.

Cum qua ei-
dem transmi-
tit exempla
authentica
confirmatio-
nis
Decreti Car-
dinalis prae-
dicti.

Cum autem maxime cupiamus, ut in re tanti momenti non modo Fraternitati tuae, verum etiam, te curante, cateris istarum Partium Antistitibus, ac Missionariis aperte veritas innotescat; tibi conjuncta folia a Notario Sanctae Romanae, & Universalis Inquisitionis subscripta, ac ejusdem Inquisitionis signo roborata, mittenda duximus, ex quibus abunde, ac luculenter intelliges, quam ejusmodi in rebus hactenus fuerit, & adhuc sit nostra mens, donec a Nobis, & Apostolica Sede aliter decernatur. Quod superest, Pastorum Principem enixe rogamus, ut in arduis Pastoralis Officii curis caelesti ope sua tibi jugiter adesse velit. Et Fraternitati tuae Apostolicam Benedictionem peramanter imperimur. Datum Romae apud S. Mariam Majorem sub annulo Piscatoris die 17. Septembris anni 1712. Pontificatus nostri anno duodecimo.

Congregatio
de Propagan-
da Fide ad
Episc. Claud.
similiter scri-
bit pro relati-
onis publi-
catione.

„ Quoniam autem unus, & alter annus elapsus jam erat, nec dum constiterat, S. Officii Decretum, Pontificiasque Literas Meliaporensi Episcopo redditas fuisse, idcirco Congregatio S. R. E. Cardinalium negotiis de Propaganda Fide praepositorum novum Decreti. Literarumque exemplum Episcopo Claudiopolitano in Cuiichensi Provincia Apostolico Vicario die xxiv. Julii anni MDCCXIV. transmitti curavit, ipsique Pontificio nomine mandavit, ut si forte priores Literae deperiissent, aliave de causa Decreti promulgatio secuta non esset, caveret ipse diligenter, ut posteriores, saltem Meliaporensi Episcopo juridice redderentur, eoque debitam Pontificiis mandatis obedientiam praestare, aut reluctantem, antedifferente, idem ipse Claudiopolitanus Episcopus Apostolicae Sedis judicium, nulla interposita mora, executioni mandaret.

„ Cum tamen Patriarchae Antiocheni Visitatoris, & Commissarii Decretum confirmatum quidem fuisset, sed ea addita reservatione „ - *Donec aliter a Sede Apostolica provisum fuerit, postquam eos audierit, si qui erunt, qui aliquid adversus contenta in hujusmodi Decreto afferendum habuerint* —, haud difficilem se praebuit Clemens XI.

Clemens XI.
ad instantiam
Missionariorum

„ audiendis Missionariis, qui post Decreti confirmatio-

„ nem,

SUPER RITIBUS MALABARICIS. 469

„ nem , aliisque temporibus , Romam venerant , eorum-
 „ que preces benigne excepit , quibus enixe petebant , ut
 „ censurarum , quæ in eo Decreto continebantur , sus-
 „ pensionem , unaque simul moderationem , aut ipsius-
 „ met Decreti interpretationem concederet : utque res
 „ maturius expediretur , auditis jam non semel Missio-
 „ nariis prædictis , Nobis in minoribus agentibus , San-
 „ ctæque Universalis Inquisitionis Consultoris munus
 „ obeuntibus mandavit , ut ab initio rem totam penitus
 „ cognosceremus , atque collectis , quæ ex utraque Par-
 „ te afferebantur , rationum momentis , de illa ad S. Of-
 „ ficii Congregationem plenissime referremus . Hinc
 „ productis , ex una Parte a Decreti impugnatoribus , fa-
 „ cti , jurisque non exiguæ molis voluminibus , prodi-
 „ tisque antiquis , & recentibus documentis , quibus ve-
 „ ritas Decreto observantias superstitione vacare , omni-
 „ que labe carere conabantur ostendere : exhibitisque ex
 „ alia , quæ Decreto favebant , rationibus multiplicibus ;
 „ plenam inde hausimus causæ totius cognitionem , eo-
 „ que res , quod ad Nos attinebat , adducta erat , ut
 „ possemus jam de ea exacte referre . Verum Clemen-
 „ te XI. vita functo , ejus Successor fel. pariter record.
 „ Innocentius Papa XIII. huic causæ cognoscendæ pecu-
 „ liarem Congregationem ex lectissimis conflatam Viris
 „ non minus integritate , quam prudentia , doctrinaque
 „ præstantibus (quos inter Nos etiam , etsi prædictis qua-
 „ litatibus minime præditi , adscripti fuimus) deputavit .
 „ Qui selecti Viri sæpius , per duos , & amplius annos ,
 „ inter se convenientes , communicatis consiliis , longa
 „ rerum indagine , & exquisita adhibita diligentia , arti-
 „ culatim rem totam discusserunt , tam voce , quam
 „ scripto iterum , ac sæpius auditis . Cum autem eo res
 „ pervenisset , Innocentio XIII. e vivis sublato , ad Petri
 „ Cathedram evehctus est san. mem. Benedictus Papa XIII. .
 „ qui eorum omnium , quæ in hac causâ gesta fuerant ,
 „ certior apprime factus , nec minori flagrans desiderio
 „ eam ad optatum finem perducendi , supradictam Con-
 „ gregationem pro ejusdem causæ recto , expeditoque cur-
 „ su ab Innocentio Decessore institutam confirmavit , at-
 „ que inceptum examen persequi jussit ; eaque non multo
 „ post examini finem imposuit .

totam Rituum
 causam reaf-
 sum .

Eiusque sum-
 mam , & re-
 lationem con-
 fici mandat a
 R. P. D. de
 Lambertinis ,
 nunc Summo
 Pontifice fel.
 regnante .

Innocentius
 XIII. deputat
 Congregatio-
 nem Particu-
 larem .

Cujus depu-
 tatio a Bene-
 dicto XIII.
 confirmatur .

Eaque exami-
 ni finem im-
 ponit .

His

470 CONSENS. SYN. ET CONST. AP.

Resolutio ca-
pta a Benedi-
cto XIII.

„ His ita peractis, idem prælaudatus Pontifex Benedi-
ctus XIII., causa ad se avocata, Apostolicas Literas in
„ forma Brevis anno MDCCXXVII. exeunte, ad univer-
„ sos Episcopos, & Missionarios Regnorum Madurensis,
„ Mayssurensis, & Carnatensis dedit, quibus prædicti
„ Caroli Thomæ Cardinalis Turnonii Decretum confir-
„ mavit, observandumque præcepit. Literæ sunt hujus-
„ modi, videlicet:

Ejus Epistola
in forma Bre-
vis ad Episco-
pos, & Mis-
sionarios di-
ctorum Re-
gnorum data
die 12. De-
cemb. 1727.

*Venerabilibus Fratribus, ac dilectis filiis, Episcopis,
& Apostolicis Missionariis in Regnis Indiarum Orientalium
Madurensi, Mayssurensi, & Carnatensi.*

B E N E D I C T U S P A P A X I I I .

*Venerabiles Fratres, ac dilecti Filii, salutem,
& Apostolicam Benedictionem.*

*Ad aures nostras pervenit, vocationem Gentium, Ec-
clesiaque incrementa, propter subortas inter Operarios
Evangelicæ Messis controversias, magnis isthic difficultati-
bus laborare. Quæ quidem eo graviores Nobis dolorem at-
tulerunt, quo remedia salubriter alias adhibita diutius à
nonnullis repudiari intelleximus. Jam enim per bon. mem.*

Refert De-
cretum Card.
de Tournon,
& Confirma-
tionem Cle-
mentis Papa
XI.

*Carolus Thomam Patriarcham tunc Antiochenum, cum
potestate Legati de latere Apostolicum Visitatorem, deinde
hujus S.R.E. Cardinalem, pleraque ad gliscentes lites com-
ponendas, explicandasque difficultates sapienter præscripta
fuerant, decreto condito Pudicherii in Sacra Visitatione
Apostolica die xxiii. mensis Junii anni MDCCIV. die vero
octava Julii ejusdem anni promulgato. Partibus autem
nondum acquiescentibus, de mente fel. record. Clementis XI.
Prædecessoris nostri diversa opinantibus, & evulgantibus,
idem Prædecessor noster, datis ad Ven. fratrem Episcopum
Meliapurensem literis die xvii mensis Sept. anni MDCCXII.
suam de servandis decretis mentem opportune declaravit.*

Etque de no-
vo confirmat.

*Ut igitur nostra quoque sollicitudinis partes ad controver-
sias avertendas, & salutem gentium concordibus studiis fa-
cilius à Vobis procurandam adhibeamus; præsertim ne quis
ex silentio nostro detractum aliquid esse suspicetur mandatis,
& declarationibus antedictis; laudati Antecessoris nostri
vesti-*

SUPER RITIBUS MALABARICIS. 471

vestigis inhærentes, decreta ejusdem Patriarchæ Antiocheni nostro etiam auctoritate confirmamus, eorumque obedientiam, & observantiam similiter mandamus & requirimus. Decretum quoque de Sacramentis administrandis moribus hominibus infima conditionis, quos Pareas appellant, ulteriori dilatione remota, pariter servari, & impleri præcipimus. Vestrum autem erit, ut mandata per Antecessorem nostrum, & per Nos ipsos Apostolica auctoritate, tenore præsentium, in omnibus confirmata, impigre, & obsequenter facientes opus Dei, quod tanta cum animi alacritate suscepistis, rite, unanimiter, studioseque perficiatis. Ac vobis, venerabiles Fratres, dilecti Filii, Apostolicam benedictionem peramanter impertimur.

Decretum quoque circa Pareas confirmat, & observari jubet.

Datum Romæ apud S. Petrum sub annulo Piscatoris die xii Decembris MDCCXXVII. Pont. nostri anno iv.

„Tantum vero abfuit, ut qui pro Ritibus eo Decreto
 „damnatis pugnabant, huic novæ ejusdem Decreti confir-
 „mationi acquiescerent, quin potius anno MDCCXXXII.
 „Prædecessori nostro Clementi Papæ XII. in Benedicti
 „locum subrogato declaraverint, se nihil de nova con-
 „firmatione audivisse, neque aliquid, quod ad eam
 „spectaret, Episcopis, & Missionariis Indiarum fuisse
 „legitime denuntiatum, ideoque enixis precibus ab eo
 „postulaverint, ut, non obstante Benedicti XIII. dispo-
 „sitione, dignaretur hanc eandem causam denuo S. Of-
 „ficii Congregationis examini, & cognitioni subiicere:
 „Et quamquam, aliis earum Partium Missionariis cau-
 „sam finitam esse, & in rem judicatam abiisse reputan-
 „tibus, seu excipientibus, non deessent, qui postulatis
 „hand annuendum esse crederent, iisque adversarentur;
 „attamen idem Pontifex Clemens XII., supremum tan-
 „dem acerrimis, perniciosisque dissidiis finem fieri per-
 „optans, supradictorum preces admittendas existima-
 „vit, declaravitque in causa posse procedi. Quare totius
 „materiæ instaurata disceptatione, & per duos fere annos
 „continuata, documentis certis, & necessariis ex utra-
 „que Parte productis, factaque præsertim Decreti im-
 „pugnatoribus amplissima facultate afferendi quidquid
 „in controversum quemque Articulum deducendum,
 „allegandumque è re sua judicarent; post plures Con-
 „gregationes habitas in Conventu Sanctæ Mariæ supra
 „Mi-

Supplicatur Clementi XII pro versione Cause in Congregatione S. Officii.

Eaque conceditur, & a prædicta Congregatione, Partibus auditis perficitur.

472 CONSENS. SYN. ET CONST. AP.

Clemens XII.
confirmat re-
solutiones a
Congregatio-
ne captas.

„ Minervam à S.R.E. Cardinalibus in negociis Fidei Ge-
„ neralibus Inquisitoribus per universam Christianam
„ Rempubicam deputatis, hi tandem quid ipsorum ju-
„ dicio in controversis Articulis aut confirmandum, aut
„ moderandum, declarandum denique, aut aliqua ex
„ parte remittendum esset, aperuerunt; eorumque
„ resolutiones probavit, confirmavitque prælaudatus
„ Clemens Papa XII., illasque inferendas decrevit Apo-
„ stolicis literis in forma Brevis, quibus Madurensibus,
„ Mayssurensibus, & Carnatensibus Episcopis, ac Missio-
„ nariis Apostolica auctoritate mandavit, injunxitque,
„ ut lata ab se decreta tum religiose ipsi observarent,
„ tum ab aliis omnibus summa fide ac diligentia observa-
„ ri curarent. Literæ in forma Brevis sunt sequentis
„ tenoris:

Tenor Lite-
rarum pro hu-
jusmodi Con-
firmatione e-
dicarum die
24. Augusti
1734.

*Venerabilibus Fratribus, ac dilectis Filiis, Episcopis,
& Apostolicis Missionariis in Regnis Indiarum Orientalium,
Madurensi, Mayssurensi, & Carnatensi.*

C L E M E N S P A P A X I I.

*Venerabiles Fratres, Dilecti Filii, salutem, &
Apostolicam benedictionem.*

Prolatio De-
creti a Cardi-
nali de Tournon
Pudiche-
rii facta, ejus-
demque Con-
firmationes re-
feruntur.

*Compertum, exploratumque Vobis esse non ambigimus,
Carolus Thomam bon. mem. tunc Patriarcham Antioche-
num cum potestate Legati à latere Apostolicum Commissa-
rium, & Visitatorem, deinde hujus S. R. E. Cardinalem de
Tournon à Prædecessore nostro fel. record. Clemente XI. ad
Sinam anno 1702. missum, ubi primum ad Arcem Pudiche-
rii appulit, ut gravibus, & urgentibus Missionum in Re-
gnis Madurensi, Mayssurensi, & Carnatensi saluberrime
dirigendarum necessitatibus opportune prospiceret, condidisse
die 23. mensis Junii anni 1704. Decreta nonnulla, quæ
die 8. mensis Julii ejusdem anni promulgavit. Cum autem
aliquot ex Venerabilibus Fratribus, & Dilectis Filiis,
Episcopis, & sacris Indiarum Orientalium Operariis, qui-
busdam in iisdem Decretis contentis minime acquiescentes,
reclamassent, laudatus Prædecessor noster Clemens XI. Li-
teris in forma Brevis ad Episcopum Meliapurensensem die 17.
men-*

SUPER RITIBUS MALABARICIS. 473

mensis Septembris anni 1712. datis, eorundem Decretorum obedientiam, & observantiam tamdiu requisivit, ac mandavit, donec Apostolica hac Sedes Causa momentis fideliter relatis, & accuratius inspectis, quas novisset Justitiæ magis consentaneas, & propaganda Christianæ Fidei magis idoneas providentiæ suæ vias, ac rationes iniret. Benedictus etiam XIII. fel. record. itidem Prædecessor noster provide Clementis XI. mandatis, declarationibus, atque vestigiis inbarens, Literis quoque in forma Brevis die 12. mensis Novembris anni 1727. datis memorata Cardinalis Tournonii Decreta confirmationis robore similiter munivit. Nos vero, qui plane immerentes ipsis Summis Pontificibus in Apostolica servitute successimus, nihil optamus impensius, quam ut Sacrosancta Jesu Christi Fides amplius in dies promoveatur, atque omni ope curemus, ut si qua forte magnis ejusdem incrementis, & propagationi occurrant impedimenta, (Deo votis nostris obsecundante) penitus auferantur. Itaque postquam necessaria, & certiora habuimus documenta, Theologorum, ac præsertim Venerabilium Fratrum nostrorum S.R.E. Cardinalium per universam Christianam Rempublicam Generalium Inquisitorum suffragia exquisivimus, quaque iidem Venerabiles Fratres nostri Cardinales confirmanda, aut moderanda, vel declaranda, atque in nonnullis remittenda Nobis consulere decreverunt, ex sequentibus Dubiis hic insertis plene vos dignoscetis.

Clemens XII. finalem Causæ resolutionem cum voto Congregationis S. Officii edere intendit.

Dubia pro Missionibus Madurensi, Mayssurensi, & Carnatensi, exorta occasione Decreti clar. mem. R.P.D. Caroli Thomæ Maillart de Tournon Patriarchæ Antiocheni, postea S.R.E. Cardinalis, editi Pudicæ die 23. Junii 1704. proposita in Congregationibus Generalibus S. Officii, habitis in Conventu Sanctæ Mariæ super Minervam coram Eminentissimis, & Reverendissimis DD. S. R. E. Cardinalibus Generalibus Inquisitoribus, præsentibus DD. Consultoribus infra scriptis diebus: Super quibus Dubiis iidem Eminentissimi suam protulerunt sententiam, prout infra, videlicet.

Dubia in Congregationibus proposita.

Feria 4. diē 21. Januarii 1733.

Primum Dubium: An, & quomodo Decretum clar. mem. Eminentissimi Cardinalis de Tournon sit exequendum in ea parte, quæ est tenoris sequentis: Districte prohibemus, ne in baptizandis, tam Pueris, quam Adultis cujus-

I. Dub. super præcepto adhibendi Sacramentalia in conferendo Baptismo.

O o o

cum-

cumque sexus, & conditionis, omittantur Sacramentalia, sed omnia palam adhibeantur, & signanter Saliva, Sal, & Insuflatio, quæ ex Apostolica Traditione Catholica Ecclesia recipit, & ob recondita in iis sacris Ceremoniis Divina erga nos bonitatis Mysteria sancte, & inviolabiliter custodivit, Decreto Sanctæ, & Universalis Inquisitionis de anno 1659. pro Sinis factæ, ob diversas rationes, & circumstantias, minime obstante.

Resolutio.

Eminentissimi dixerunt: *Confirmandum esse Decretum Eminentissimi Cardinalis de Tournon, sed consulendum Sanctissimo, quod Missionariis Regnorum Madurensis, Mayssurensis, & Carnatensis Dispensationem concedat ad Decennium duraturam, omittendi in collatione Baptismi Salivam, & occulte utendi insuflationibus, in casibus tamen particularibus, & in quibus gravis, & proportionata necessitas urgeat, super qua conscientia Missionariorum oneratur: dummodo non laborent errore habendi Salivam, & anhelitum, tamquam materiam ineptam, vel incapacem ad inserviendum pro Sacramentalibus Ceremoniis in Baptismo, utpote omnino incapaces Baptismi: Eique Missionariis injungendum, ut debitam instructionem, aliasque omnes possibiles diligentias adhibeant, ut aversio Populorum à Saliva, & insuflatione amoveatur, & de instructione, aliisque diligentibus adhibitis Sanctam Sedem intra tempus Decennii certiores.*

Monitum ad Missionarios.

Insuper monendos esse Missionarios super gravi negligentia non recurrendi ad S. Sedem pro obtinenda facultate dispensandi, & male se gessisse Episcopos concedendo hujusmodi Dispensationem, inconsulta Apostolica Sede.

II.

Dub. super impositione nominis alicujus Sancti in Baptismo.

Secundum Dubium -- *An, & quomodo dictum Decretum sit exequendum in ea parte, quæ est tenoris sequentis -- Item præcipimus, ut, juxta laudabilem Ecclesiæ consuetudinem, semper imponatur Baptizanda a Baptizante nomen alicujus Sancti in Martyrologio Romano descripti, omnia interdictis Nominibus Idolorum, vel falsæ Religionis Pœnitentium, quibus Gentiles utuntur, & Neophiti hactenus appellari consueverunt, antequam per Baptismum essent Divina Gratia renati.*

Resolutio.

Eminentissimi Dixerunt -- *Moderandum esse Decretum, deleta verbo: Præcipimus: Cum clausula: Curent quantum fieri potest; firma remanente Interdictione, quoad*

SUPER RITIBUS MALABARICIS. 475

ad nomina Idolorum, & falsa Religionis Penitentium.

Feria 4. die 22. Aprilis 1733.

Tertium Dubium -- An, & quomodo dictum Decretum sit exequendum in ea parte, quæ est tenoris sequentis -- *Nec Parochis, seu Missionariis sub quovis pretextu liceat Sanctissima Crucis, Sanctorum, & rerum sacrarum nomina per translata immutare, nec ea alio Idiomate explicare, nisi Latino, vel saltem Indico, quatenus voces Indica Regionis latina significationi liquido, & adamussim respondeant.*

III.
Dub. super translatione nominum rerum sacrarum in aliud idioma.

Eminentissimi dixerunt -- Quod servetur Decretum Eminentissimi de Tournon, & declaretur, non habere locum in vocibus, & nominibus jam ab Institutione Missionis communiter receptis, quæ tamen per hanc declarationem nec approbantur, neque reprobantur.

Resolutio.

Quartum Dubium -- An, & quomodo dictum Decretum sit exequendum in ea parte, quæ est tenoris sequentis -- *Et quia audivimus, Baptismum Infantium ex Christianis Parentibus ortorum, eorundem incuria, sæpe sapius diu protrahi, non sine maximo dictorum Infantium salutis discrimine, monemus Evangelicos Operarios, ut sacrarum Canonum memores, terminum breviorum, quam fieri possit, attentis circumstantiis, Genitoribus præfigant, graviter conscientiam eorum onerantes, nisi filios intra præfixum tempus ad Ecclesiam deferant Sacro Fonte abluendos.*

IV.
Dub. super Baptismo Infantium non protrahendo.

Eminentissimi dixerunt -- Servandum esse Decretum Eminentissimi Cardinalis de Tournon.

Resolutio.

Quintum Dubium -- An, & quomodo prædictum Decretum sit exequendum in ea parte, quæ est tenoris sequentis -- *Præterea cum moris hujusmodi Regionis sit, ut Infantes sex, vel septem annorum, interdum etiam in tenebriori ætate, ex Genitorum consensu, matrimonium indissolubile de præsentis contrahant per impositionem Taly, seu aureæ Tessera Nuptialis Uxoris collo pensilis, Missionariis mandamus, ne hujusmodi irrita matrimonia inter Christianos fieri permittant, nec Sponsos sic conjunctos cohabitare sinant, donec completa legitima ætate, & explorato eorum consensu, in faciem Ecclesiæ, juxta formam a Sac. Concilio Tridentino præscriptam, verum, & Canonicum Matrimonium contraxerint.*

V.
Dub. super Matrimoniis impuberum.

Eminentissimi dixerunt -- Exequendum esse Decretum Eminentissimi de Tournon; cum declaratione tamen, servan-

Resolutio.

476 CONSENS. SYN. ET CONST. AP.

dam esse formam pro Matrimonii a Sac. Concilio Tridentino præscriptam in locis, in quibus Decretum dicti Concilii in cap. primo sess. 24. de Reform. Matrim. publicatum est, & in posterum publicabitur, neque ejus observantia sit impossibilis; & Missionarii curent, quantum fieri potest, ut in omnibus locis Missionum illarum Partium dictum Decretum Concilii publicetur.

VI.

Dub. super prohibitione Mulieris facili deferendi Taly in signum Matrimonii contracti.

Sextum Dubium — *An, & quomodo dictum Decretum sit exequendum in ea parte, quæ est tenoris sequentis — Et quoniam apud Peritiores impia illius Religionis Sæctatores Taly præfert Imaginem, licet informem, Pulleyaris, seu Pyllajaris Idoli nuptialibus Ceremoniis præpositi; Cumque dedecet Christianas Mulieres talem effigiem collo deferre in signum Matrimonii; districte prohibemus, ne in posterum audeant Taly cum hac effigie collo appendere; & ne Uxores innupta videantur, poterunt uti alio Taly, vel Sanctissimæ Crucis, vel Sanctissimi Domini nostri Jesu Christi, vel Beata Virginis, vel alia quavis Religiosa Imagine ornato.*

Resolutio.

Eminentissimi dixerunt — *Servandam esse Decretum Eminentissimi de Tournon, quamvis Missionarii asserant, nunquam permisisse gestationem dicti Taly.*

VII.

Dub. super prohibitione delationis Funiculi 108. filiorum, cui dictum Taly appenditur.

Septimum Dubium — *An, & quomodo prædictum Decretum sit exequendum in ea parte, quæ est tenoris sequentis — Et cum superstitione non careat Funiculus centum, & octo filis compositus, & croceo succo delinitus, quo plerique dictum Taly appendunt, prohibemus etiam dictorum filorum numerum, & unctionem.*

Resolutio.

Eminentissimi dixerunt — *Servandum esse Decretum Eminentissimi de Tournon.*

VIII.

Dub. super superstitionis Nuptiarum Ritibus abolendis.

Octavum Dubium — *An, & quomodo dictum Decretum, sit exequendum in ea parte, quæ est tenoris sequentis — Ceremoniæ etiam Nuptiales juxta harum Regionum morem tot sunt, tantaque superstitione maculatæ, ut tutius, remedium aptari non possit, quam eas omnino interdicens, cum undique noxia Gentilitatis labe scateant, & difficillimum sit eas a superstitionis expurgare. At vero, ut faciliori conversionum viæ, & Neophitorum commodo, quantum fieri potest, in Domino indulgeamus, Missionariis, & præcipue Missionum Superioribus injungimus, ut novis adhibitis diligentis, severiorique calculo, superstitionis omnia a dictis Ceremoniis expungant, itaut nihil inultum relinquatur,*

SUPER RITIBUS MALABARICIS. 477

cur, quod Christianam pietatem offendat, & Gentilium superstitionem redoleat, & signanter, præter eas, quas audivimus jam statutas in hac materia ab iisdem Missionariis reformationes, ramus arboris Aresciomara omnino auferatur, ferculorum numerus non minus, ac cibi præscripta qualitas varietur; Circuli super caput Sponsorum ad tollenda maleficia omittantur; Et quod de ferculis diximus, de luteis Vasis ibidem adhiberi solitis a nobis dictum, & prohibitum intelligatur.

Eminentissimi dixerunt: *Servandum esse Decretum* Resolutio.

Eminentissimi Cardinalis de Tournon.

Feria 4. Die 23. Julii 1733.

Nonum Dubium: *An & quomodo dictum Decretum sit exequendum in ea parte, quæ est tenoris sequentis: Præteritus etiam, vulgo dictus Cocco, ex cujus fractione prosperitatis, vel infortunii auspicia Gentiles temere ducunt, vel omnino à Christianorum Nuptiis rejiciatur, vel saltem, si illum comedere velint, non publice, sed secreto, & extra solemnitatem aperiatur ab iis, qui Evangelica luce edocti, ab hujusmodi auspiciorum deliramento sunt immunes.*

IX.
Dub. super
fractione fru-
ctus vulgo
Cocco nuncu-
pat.

Eminentissimi dixerunt: *Dilata.*

Vide infr. post
Dub. XI.

Decimum Dubium: *An, & quomodo dictum Decretum sit exequendum in ea parte, quæ est tenoris sequentis: Nullus rite, & sufficienter dispositus arceatur à Sacramento Pœnitentiæ, & signanter Mulieres menstruali morbo laborantes, non attentis diebus purificationis juxta morem Gentilium; Cum hæc Sacramentalis vera Animæ purificatio, & non alia, sit attendenda à Christifidelibus eorumque Pastoribus, quibus præterea non liceat, nec per seipsos, nec per Catechistas, nec per alios quoscumque, dictis Mulieribus prohibere accessum ad Ecclesiam, vel ad Confessarium, durante dicta infirmitate, & dicto purificationis tempore.*

X.
Dub. super
admissione
Mulierum ad
Sacramento-
rum participa-
tionem tem-
pore purga-
tionis.

Eminentissimi dixerunt: *Servandum esse Decretum* Resolutio.
Eminentissimi Cardinalis de Tournon.

Undecimum Dubium: *An, & quomodo exequendum sit dictum Decretum in ea parte, quæ est tenoris sequentis: Dedecet etiam Christiana Virginis honestati primæ vice dicto morbo laborantis, illum Cognatis, Vicinis, & Amicis notum facere, & invereconde publicare, iisque Ethnicorum more, & ritu in ejus domum collectis, super*

XI.
Dub. super
festivis gratu-
lationibus pro
primæ Puella-
rum purga-
tionis abolen-
dis.

re tam sordida festum institueret; Quocirca hujusmodi solemnitates, & ritus Orthodoxis Puellis interdicimus, & abolemus, Missionariisque injungimus, ut non solum eas, verum etiam Genitores moneant, quam dissona sit virginei pudoris legibus ejusmodi obscena consuetudo, qua a Gentilium impudentia videtur inducta, ut ita, labefactata Puellarum verecundia, eas effrenate ad libidinem provocare valeant.

Resolutio.

Eminentissimi dixerunt: Quod carent Missionarii abolere festum sub titulo Menstrui, sed sub titulo Nuptiarum permittant.

Feria 4. die 9. Septembris 1733.

Dub. IX. dilati resolutio.

Nonum Dubium supradicta die 22. Julii propositum, sed non resolutum: An, & quomodo praedictum Decretum sit exequendum in ea parte, qua est tenoris sequentis: Fructus etiam vulgo dictus Cocco, ex cujus fractione prosperitatis, vel infortunii auspicia Gentiles temere ducunt, vel omnino a Christianorum nuptiis rejiciatur, vel saltem, si illum comedere velint, non publice, sed secreto, & extra solemnitatem aperiatur ab iis, qui Evangelica luce docti, ab hujusmodi auspiciis deliramento sunt immunes.

Eminentissimi dixerunt: Servandum esse Decretum praedicti Eminentissimi Cardinalis de Tournon.

XII.
Dub. super
spirituali as-
sistentia pa-
ris praestan-
da.

Decimum secundum Dubium: An, & quomodo Decretum praedicti Eminentissimi Cardinalis de Tournon sit exequendum in ea parte, qua est tenoris sequentis: Ferre pariter non possumus, quod a Medicis Spiritualibus pro Animarum salute ea charitatis Officia denegentur, qua Medici Gentiles Nobilis etiam generis, seu Casta, pro Corporis salute prestare non dedignantur Infirmis, licet abjecta, & infima conditionis, vulgo dictis Parreas. Quapropter districte mandamus Missionariis, ut, quantum in ipsis erit, nemini e Christianis agrotis, quantumvis Parreas, & vilioris, si adessent generis hominibus, deferenda relinquatur in Infirmis copia Confessarii; & ne ingravescantibus morbis, cum gravissimo vitae corporalis periculo, aeterna consulere cogantur; iisdem Missionariis precipimus, ne Infirmos hujusmodi conditionis ad Ecclesiam deferendos expectent, sed consultius Damos, ubi agrotant, pro viribus petant ad eos invisendos, ac piis sermonibus, & precibus, Sacramentorumque pabulo recreandos, at-

qua

SUPER RITIBUS MALABARICIS. 479

que demum eos in extrema vita discrimine constitutos Sancto Infirmorum Oleo delintant; absque Personarum aut sexus acceptione, expresse damnantes quamcumque praxim huic Christianæ pietatis officio contrariam.

Eminentissimi dixerunt: *Servandum esse Decretum* Resolutio.

Eminentissimi de Tournon: Præterea monendos Missionarios, quod neque ad Baptismum admittant Indos, qui in ea sunt opinione, Parreas a Deo esse reprobatos, & ideo nullam posse sperare salutem, nisi eam opinionem deposuerint.

Decimum tertium Dubium: *An & quomodo dictum Decretum exequendum sit in ea parte, quæ est tenoris sequentis: Non sine maximo animi nostri mœore accepimus etiam, Christianos Tympanorum pulsatores, Tibicines, vel alterius cujuscumque Musici Instrumenti Sonatores ad Adolorum Festivitates, & Sacrificia accersiri, ad ludendum, & interdum etiam cogi, ob quamdam servitutis speciem erga Publicum ab ipsis contracta per hujusmodi artis exercitium, nec facile esse Missionariis, eos ab hoc detestabili ausu avertere: Quocirca considerantes, quam gravem rationem essemus Deo reddituri, si hujusmodi Christianifideles a Damoniorum honore, & cultu pro viribus non revocaremus, illis prohibemus, ne in posterum audeant, nec in Pagodis, nec extra, tum occasione Sacrificiorum, tum quarumcumque Solemnitatum superstitioso cultu imbutarum, sonare, aut canere, sub pœna Excommunicationis lata Sententia, cum nullo modo liceat Christi famulis Belial inservire: ideoque Missionarii non solum eos monere tenebuntur de prædicta prohibitione, verum etiam illam omnino executioni demandare, & contrasacientes ab Ecclesia expellere, donec ex corde respiscant, & publicis pœnitentiæ singulis patratum scandalum emendaverint.*

XIII.
Dub. super prohibitione, ne Tibicines Christiani &c. inserviant in Sacrificiis, & Templis Gentilium.

Eminentissimi dixerunt: *Servandum esse Decretum* Resolutio.
Eminentissimi Cardinalis de Tournon.

Decimum quartum dubium: *An & quomodo dictum Decretum exequendum sit in ea parte, quæ est tenoris sequentis. Declaramus paterea Pontificiam Constitutionem Gregorij Papæ XV., incipien. Romanæ Sedis Antistes: Ad petitionem PP. Societatis Jesu editam, qua indigenis Christianifidelibus lavacra, non alia occasione, & fine, quam corporis reficiendi, & a naturalibus sordibus mundandi, ab Apostolica Sede permittuntur, interdictis tempore, & modo,*

XIV.
Dub. super lavacris, & ablutionibus, tant Christianifidelium, quam Missionarios.

modo, quibus a Gentilibus adhiberi solent, &que afficere Evangelicos Operarios, quibus propterea non liceat sub quacumque alia causa, & sine, etiam ad effectum, ut existimentur Sanias, seu Brachmanes, præ cæteris dediti hujusmodi ablutionibus, illis uti, præsertim statutis eorum horis, & ante vel immediate post quancumque Sacram functionem.

Resolutio.

Eminentissimi dixerunt: *Servandum esse Decretum Eminentissimi Cardinalis de Tournon.*

Feria 4. die 16. Septembris 1733.

XV.
Dub. super
prohibitione
delinendi frō.
tem cineribus
& aliis signis.

Decimum quintum Dubium: *An & quomodo Decretum Cardinalis de Tournon sit exequendum in ea parte, quæ est tenoris sequentis: Cineres itidem ex Vacca stercore confectos, & impiam Gentilium Pœnitentiam a Rutrem institutam redolentes, benedicere, eosque fronti Sacro Cbrismate delinita impingere, sive quacumque alia signa albi, vel rubei coloris, quibus Indi superstitiosissimi in fronte, vel in pectore, aut in alia quavis corporis parte utuntur, deferre prohibemus; mandantes, ut Sancta Ecclesia consuetudo, piique ritus Cineres benedicendi, illisque Cbristianorum caput Cruce signandi ad humanæ infirmitatis memoriam recolendam, religiose servantur, tempore, ac modo ab Ecclesia præscripto, scilicet Feria 4. Cinerum, & non alias.*

Resolutio.

Eminentissimi dixerunt: *Confirmandam esse Decretum Eminentissimi Cardinalis de Tournon, servata in omnibus Constitutione Gregorii XV. edita die 31. Januarii 1623., quæ incipit: Romanæ Sedis Antistes.*

Decretum
generale, ne
Gentilium Ri.
tus admittan-
tur, aut in
Christianos
usus vertran-
tur inconsulta
S. Sede.

Præterea Eminentissimi dixerunt: *Quod fiat Decretum, quo imponatur Missionariis, cujuscumque Ordinis, etiam Societatis Jesu, in Partibus Infidelium degentibus, ne audeant permittere Ritus, vel Consuetudines proprias Gentilium, nec illos, aut illas proprio arbitrio vertere in Ritus, vel Consuetudines Christianæ Religionis, inconsulta S. Sede; & Missionarii meminerint præceptionis Alexandri VII. in sua Constitutione incipien.: Sacrosanct. la 46. sequentibus verbis express.: Ne ob Instructionis defectum, qui Sacro Baptismate initiantur, immaculatam Christi legem profanis, ac gentilitiis Institutis ex ignorantia sædent, ac Idololatriam cum Orthodoxa Fide confundant, ut sæpe inibi evenire nunciatum est; Caveant ii, qui iisdem instruendis incumbunt, ne inpo-
se*

Et servetur
Cōstitutio 46
Alexan. VII.

SUPER RITIBUS MALABARICIS. 481

sterum ullus ad Baptismum admittatur, qui gentilitios mores prorsus non exuerit, & in Fide non sit sufficienter instructus.

XVI.
Dub. super
prohibitione
librorum Gen-
tilium.

Decimum sextum, & ultimum Dubium: An, & quomodo dictum Decretum exequendum sit in ea parte, quæ est tenoris sequentis: Et demum quia ex librorum de falsa Religione, & de rebus obscenis, & superstitiosis tractantium lectura, venenum, ut plurimum, serpere solet ad Cor Fidelium, quo non minus Fidei puritas offenditur, quam mores corrumpuntur, magnopere commendantes zelum, ac studium Missionariorum, qui libros Sacram Ecclesiæ Catholicæ doctrinam, rerumque Sacrarum monumenta continentes pro Indorum Christianidelium eruditione in linguam Malabaricam, seu Tamulicam transtulere, vel novos pro illorum commodo, & institutione composuerunt, iisdem Christianidelibus expresse interdiximus fabulosos Gentilium libros, eosque legere, & retinere prohibemus sub pœna Excommunicationis latae Sententiæ, nisi prius habita licentia Parochi, seu Missionarii curam Animarum exercentis, quorum prudentia committimus facultatem super hoc dispensandi, & libros (si qui forte sunt) noxia superstitione vacuos, & nihil contra bonos mores tractantes, pro Christianorum usu seligendi, eorumque lecturam permittendi.

Eminentissimi dixerunt: Servandum esse Decretum
Eminentissimi Cardinalis de Tournon. Resolutio.

Quibus dubiis, & eorum resolutionibus Nobis per Venerabilem Fratrem Archiepiscopum Damiatæ, Congregationis Sancti Officii Assessorem relatis, Resolutiones ipsas plene approbantes, cuncta ea, quæ juxta earum tenorem confirmanda, aut moderanda, vel declaranda, ac in nonnullis remittenda visa sunt, respectively confirmavimus, moderavimus, declaravimus, & in nonnullis remisimus: Quocirca; Venerabiles Fratres, dilecti Filii, Vobis injungimus, & mandamus, ut pro singulari vestra in Nos, atque hanc Sanctam Sedem reverentia, quaecumque per hæc nostras Literas de Apostolica auctoritatis plenitudine, vel confirmata, vel decreta, aut præscripta sunt, sanctissime custodiat, atque ab omnibus servanda studiosissime curetis: Obsecrantes vos in Domino per Viscera Misericordiæ Dei nostri, ut Controversiis jam remotis, & omnino evulsis, alacres, atque animi nostri sensibus concordēs, studia, & labores vestros in Animarum salutem, quæ præstantissimus vestra

Pontifex Clemens XII. resolutiones hujusmodi confirmat.

Earumque observantiam, & executionem injungit.

P p p voca-

vocationis est finis, pro viribus conferatis. Atque Vobis, Venerabiles Fratres, Dilecti Filii, Apostolicam benedictionem peramanter impertimur. Datum Roma apud Sanctam Mariam Majorem sub annulo Piscatoris die XXIV. Augusti MDCCXXXIV. Pontificatus nostri anno V.

Partes acquiescunt. Relatum Breve publicatur, & a Missionariis subscribitur.

„ Post diutinam, accuratamque factorum, atque
„ rationum in utramque Partem disceptationem, post
„ tam solemne denique causæ judicium, in magnam
„ spem venerat Apostolica Sedes, non secus ac Romæ
„ litigiis finis erat impositus, ita & in Indiis tandem ali-
„ quando a discordiis, abusibusque cessatum iri; cum
„ præsertim ii, qui Decretum impugnaverant, sive il-
„ lius æquitate cognita, seu moderationibus, declara-
„ tionibus, & relaxationibus jam impetratis satis sibi fa-
„ ctum existimantes, non solum æquo animo illud rece-
„ pissent, sed fidem quoque suam obligassent, se omni-
„ no operam daturus, ut quæcumque in Litteris Apo-
„ stolicis essent præscripta, integre executioni manda-
„ rentur. Huc accedebat, quod Apostolicæ Sedi non fa-
„ ma solum, sed certis, gravissimisque testimoniis alla-
„ tum erat, publicatas jam fuisse Pontificias Literas, &
„ subscriptas ab omnibus Missionariis, & mutuum inter
„ Partes perfectæ communionis, atque concordie vincu-
„ lum redintegratum, quod multis annis non sine ingenti
„ Missionum damno inter illas fuerat interruptum.

Sed non ab omnibus observatur.

„ At tam felicibus initiis conceptum gaudium sta-
„ tim evanuit; tristissimus siquidem nuntius quam ci-
„ tissime Sedi Apostolicæ allatus est, Missionarios, scili-
„ cet, qui Cardinalis Turnonii Decretum impugnav-
„ rant, non obstantibus Clementis XII. Litteris Aposto-
„ licis solemnibus formulæ ab iis acceptatis, publicatisque,
„ damuatos tamen ritus, ac ceremonias juxta earundem
„ Litterarum præscriptum minime aboleri posse causan-
„ tes, tantum sibi licentiæ sumere, ut eos, easque
„ adhuc usu permittere, & retinere non dubitarent.
„ Cumque de tam diu dilata ab iis obedientia in dies fa-
„ ma increbresceret, præfatus Clemens Papa XII., ut
„ debitum Pontificis mandatis obsequium, & observan-
„ tiam vindicaret, certamque redderet in posterum co-
„ rum, quæ in prædictis Pontificiis Litteris mandaban-
„ tur, executionem, alteris in simili forma Brevis da-
„ tis

Quid consilii cepit Clemens XII.

SUPER RITIBUS MALABARICIS. 483

„ tis die XIII. Maii anni MDCCXXXIX. Apostolicis
 „ Literis, earum Regionum Episcopis, & Missionariis
 „ præceptum iteravit, gravioribus etiam poenis imposi-
 „ tis, ut ne dum exactissime servarent, quæ in suis præmis-
 „ sis Literis mandabantur, sublata cuilibet secus inter-
 „ pretandi facultate, verum ad id illico se adstringerent
 „ solenni iurejurando interposito, juxta formulas res-
 „ pective eisdem præscriptas. Literæ in forma Brevis
 „ sequentis sunt tenoris.

*Venerabilibus Fratribus, ac Dilectis Filiis, Episcopis
 & Apostolicis Missionariis in Regnis Indiarum Orientalium
 Madurensi, Mayssarensi, & Carnatensi.*

C L E M E N S P P. XII.

*Venerabiles Fratres, Dilecti Filii, salutem, &
 Apostolicam benedictionem.*

*Concredita Nobis Dominici Gregis cura continuo Nos
 urget, in id præcipue, & tota sollicitudine incumbere, ut
 ab iis maxime, qui sortiti sunt partem Ministerii hujus, &
 in lucem Gentium sunt missi, erga S. Sedem, ac Apostolica
 mandata filiale obsequium exhibeatur, atque Fidei dogmata,
 sacrosque Ecclesie ritus & ipsi intemerate retineant, & alios
 edoceant, ut quos locorum immensa spatia a Petri Sede lon-
 ge disjungunt, eos tamen Fides eadem in unitate spiritus, &
 doctrina conglutinet. Alias itaque per similes Litteras no-
 stras sub datum 24. Augusti 1734. incipientes: Compertum
 exploratumque: Fraternitates vestras, omnesque Missiona-
 rios eo majori, quo potuimus, Paterno charitatis affectu
 requisivimus, & declaravimus, quam impense exoptare-
 mus, ut qui in Regnis istis Christi Fidei veritatem agnoscentes
 convertuntur, supersticiosos Gentilium ritus omnino
 abjicerent, atque averfarentur, ne habeantur, & ipsi ad
 instar eorum, qui: Cum Dominum colerent, Diis quo-
 que serviebant juxta consuetudines Gentium: utque in re
 tanti momenti nulla esset offendiculi occasio, auditis Theo-
 logorum, ac præsertim Venerabilium Fratrum Nostrorum
 S.R.E. Cardinalium per Universam Christianam Rempubli-
 cam Generalium Inquisitorum suffragiis, plura, juxta du-
 bia tunc proposita, provide statuimus, & a Missionariis ob-
 servanda præscripsimus; Quorum omnium in Nos observan-
 tia, ac studium amplificanda Fidei in certam spem Nos eri-
 gunt, ut pari contentione pro viribus obtemperare satagant,*

P p p 2 nec

*Altera ejus-
 dem Epistola
 in forma Bre-
 vis ad Episco-
 pos & Missio-
 narios data
 die 13. Maii .
 1739.*

*Exordium
 cum mentio-
 ne superioris
 Epistolæ ad
 eosdem con-
 scriptæ.*

nec ullus erit, qui detestabili indulgentia aliter fieri posse cogitet, & veluti infideles filii. Peccare eos faciant peccatum magnum: Sane etsi hisce mediis muneri Nostro satisfecisse, ac sine sollicitudine esse suaderent: attamen rei momentum, a qua Fidei puritas, atque integritas pender, nunquam hanc in nobis curam delebit, nisi ad magnitudinem

negotii opportuniore semper comparemus remedia. Quare Fraternitatibus Vestris, & Missionariis omnibus, quibus predictas Nostras Literas direximus, sive Saculares, sive Regulares cujuscunque Religionis, Congregationis, Instituti, Societatis etiam Jesu, fueritis, demandamus, & precipimus, ut omnia, & singula, quae in dictis nostris Literis continentur, integre, exacte, ac inviolabiliter observetis, atque ab eis, quorum cura ad vos spectat, remota penitus quavis aliter interpretandi potestate, adamussim observari faciatis, in virtute sanctae obedientiae, sub poena suspensionis ab exercitio Pontificalium, Interdicti ab ingressu Ecclesiae, & respectivo excommunicationis lata Sententia, a quo nemo Vestrum a quoquam, praeterquam a Nobis, seu Romano Pontifice pro tempore existente, excepto tantum mortis articulo, absolvi possitis; & quoad Regulares insuper privationis vocis activa, & passiva etiam ipso facto, & sine ulla alia declaratione incurrenda. Item sub iisdem poenis, & censuris pari auctoritate precipimus, & mandamus, ut omnes, & singuli, qui ab hac Sancta Sede, sive ab eorum respectivo Superioribus, ad ista Regna sacris obeundis Missionibus missi exitis, statim ac de hisce Literis nostris certiores facti fueritis, vel quavis alia denunciatione de illis notitiam habueritis, juramentum praestetis, integre, exacte, ac omnimode implere, quae provide a Nobis in iisdem Literis constituta fuerunt, neque illis ulla in parte quovis sub praetextu contraire. Illis etiam, qui quando cumque hoc munus suscepturi erunt, mandamus, ac precipimus sub iisdem omnibus censuris, & poenis, ut nullo pacto audeant vel minimum actum explere, nisi antea, & ipsi juramentum praedictum praestiterint, quin nec tanquam Presbyteri Saculares ab Ordinariis Locorum deputati, seu veluti simplices Religiosi, vel quovis alio titulo, & nomine, Christianifidelium Confessiones excipere, Conciones habere, aut Sacramenta ministrare, sed omni prorsus careant potestate, derogando quibusvis privilegiis, sibi ipsis, aut vestra respectiva

Illius observantia & executio ipsis demandatur sub censuris, & aliis poenis.

Sub quibus precipitur eisdem, ut iuramentum praestent de implendis omnibus in ea contentis.

Nullus in posterum quocunque titulo Missionis exercitio se immisceat, nisi iuramentum hujusmodi emiseric.

Nullus in posterum quocunque titulo Missionis exercitio se immisceat, nisi iuramentum hujusmodi emiseric.

SUPER RITIBUS MALABARICIS. 485.

Etive Religioni, Ordini, Congregationi & Societati, etiam Jesu, specialiter, aut generaliter a Nobis, & a Prædecessoribus nostris quacumque ex causa concessis. Juramenta prædicta seculares Missionarios coram Locorum Ordinariis, Regulares coram Superioribus, vel Apostolicis Vicariis præstare demandamus, Vicarios vero ipsos, & Superiores in manibus Episcoporum. Nec eadem tantum verbo proferre, sed scripto juxta formam per Nos præscriptam, & infra adnotandam, ac propria manu subsignare teneamini sub iisdem censuris, & pœnis. Hoc etiam juramentum præstandum fore mandamus, ac requirimus ab illis, qui ad Episcopale munus ab hac Sancta Sede promoveri meruerint, vel ipsomet die, quo in manibus Episcoporum solemnem emissuri erunt Fidei professionem, vel in actu eorum consecrationis. Quorum juramentorum subsignata exemplaria, relicta isthic in Archivis authentica copia, ad Congregationem de Propaganda Fide, per Episcopos, & Superiores Regulares respectively transmitti volumus, a qua ad illum S. Officii remittantur, ut sint obsequii erga Nos, nostrasque jussiones, puritatis, integritatisque Fidei vestra monumenta. Ne vero tam Literarum nostrarum sub prædicta die 24. Augusti 1734., quam præsentium, ullus ignorantiam allegare valeat, hortamur Fraternitates vestras, ac in Domino obtestamur, ut quo primum illas, atque præsentis receperitis, statim publicare faciatis, ac ad singulos Missionarios, sive Saculares, sive Regulares fuerint, sub vestra respectively Jurisdictione degentes, easdem transmittatis. Hoc ipsum præcipimus Apostolicis Vicariis, aliisque Regularium Superioribus. Contrafacientes, vel negligentes declaramus incurrere ipso facto pœnam suspensionis ab exercitio Pontificalium, & Interdicti ab ingressu Ecclesiæ; Regulares autem Excommunicationis latae sententiæ, privationis Officiorum, & vocis activæ, & passivæ.

Idem servetur ab Episcopis.

Cum onere remittendi ad Congregationem de Propaganda Fide exempla juramenti præstiti ab eisdem subscripta.

Injungitur Episcopis, & aliis tam præsentis, quam præcedentis Epistolæ publicationis, & transmissio.

Formula autem juramenti, sicut præmittitur, a Missionariis præstandi est, quæ sequitur, videlicet: Ego N. Ordinis N., seu Societatis Jesu Missionarius ad Regnum N., vel ad Provinciam N. in Indiis Orientalibus a Sede Apostolica, vel a meis Superioribus, juxta facultates eis a Sede Apostolica concessas missus, vel destinatus, parendo præcepto Sanctissimi Domini Nostri Papæ Clementis XII. per Literas Apostolicas in forma Brevis datas die 13. Maii an-

Formula Juramenti Missionariis præstandi.

486 CONSENS. SYN. ET CONST. AP.

no 1739. in juncto omnibus Missionariis in dictis Missionibus, præstandi juramentum fideliter servandi dispositionem Apostolicam circa ritus Malabaricos ad formam Literarum Apostolicarum in forma Brevis ejusdem Sanctissimi Domini Nostri die 24. Augusti 1734. incipien. : Compertum exploratumque : mihi per integram ejusdem Brevis lectionem optime noto promitto, me plene, & fideliter pariturum, illudque exacte integre, absolute, & inviolabiliter observaturum, & absque ulla tergiversatione adimpleturum, necnon ad formam dicti Brevis instructurum Christianos mihi commissos tam in Concionibus, quam in privatis instructionibus, ac præsertim Cathecumenos, antequam baptizentur, & nisi promittant observantiam dicti Brevis, ejusque dispositionum, & prohibitionum, me ipsos non baptizaturum, præ ut quoque curaturum omni studio, quo potero, ac omni diligentia, ut sublatis Gentium ceremoniis, illi a Christianis suscipiantur, & retineantur ritus, quos Catholica Ecclesia pie præscripsit. Si autem (quod Deus avertat) in parte contravenerim, toties panis a Sanctissimo Domino Nostro impositis in Decreto, seu Literis Apostolicis, ut supra, super præstatione hujus juramenti, mihi pariter per integram lectionem notis, me subiectum agnosco, & declaro. Ita tactis SS. Evangeliiis promitto, voveo, & juro. Sic me Deus adjuvet, & hæc SS. Dei Evangelia.

Ego N. manu propria.

Formula Juramenti ab Episcopis præstandi.

Formula vero juramenti, ut supra, præstandi ab Episcopis, est, quæ sequitur, videlicet : Ego N. Episcopus Civitatis N. memor juramenti a me præstiti in actum meam solemnis Consecrationis, quo Romano Pontifici fidem, subjectionem, & obedientiam promisi, tum insuper eorum, quæ provide sanxit Clemens XII. Pontifex Maximus circa ritus Malabaricos in Literis Apostolicis in forma Brevis, Episcopis, & Missionariis usque sub die 24. Augusti 1734. transmissis, parendo mandatis Sanctitatis Suae per alias similes Literas die 13. Maii anno 1739. injunctis, ut in argumentum meum erga Apostolicam Sedem obedientia non minus, quam filialis obsequii me jurisjurandi Religione obstringam, juro; & promitto, me plene, & fideliter easdem Literas Apostolicas sub dicta die 24. Augusti 1734. executurum, atque ea, quæ in illis præscripta sunt, exacte, integre, absolute, ac inviolabiliter observaturum, curaturum pariter,

SUPER RITIBUS MALABARICIS. 487

ter, quantum in me erit, ut ii omnes, qui mea in Diœcesi Missionarii, & Sacerdotes sunt, vel futuri erunt, illas eodem prorsus modo in omnibus servant, atque exequantur, & contra inobedientes, si qui fuerint, me processurum ad formam Brevis sub die 17. Maii anno 1739., ut tandem sublati Gentium caeremoniis, illi a Christianis recipiantur ritus, quos Catholica Ecclesia pie præscripsit, ac jugiter servat. Utque de hac mea voluntate, juramento, filiali-que obsequia erga Romanum Pontificem, ejusque mandata perenne existat monumentum, propria manu me subscribo.

Ego N. Episcopus N.

Ceterum etsi magna Nobis spes sit, Fraternitates Vestras, & Missionarios omnes nostras voces, & monita excipere diligenter, ac filiali obsequio exequi, curam insuper sollicitudinemque plurimam gerere, ut tam Orthodoxa Religionis puritati, integritati-que, quam Gentium saluti adjumento sitis, omnesque in hanc unicam rem, maximam utique, labores, sudoresque conferre, ut tandem, qui Christi amplectuntur Fidem, supersticiosos averseantur ritus, eosque tantum suscipiant, & retineant, quos Catholica Ecclesia pie præscripsit, ac jugiter servat; attamen pro Pastoralis Officii debito, ac Paternæ Charitatis stimulo, iterum, iterumque commonere non desistimus; ne a Pastorum Principe in custodia Gregis sui minus vigilasse dijudicemur; & Vobis interim in auspiciis bonorum omnium Apostolicam Benedictionem impertimur. Datum Romæ apud Sanctam Mariam Majorem sub Annulo Piscatoris die XIII Maii MDCCXXXIX, Pontificatus Nostri Anno Nono.

Adhortatio
pro omnium
executione.

„ Hasce Clementis XII. Literas aliæ subsequæ sunt prænominatis earum Regionum Episcopis peculiariter inscriptæ, quibus idem Pontifex & conceptum animo intimum dolorem, ob nondum sibi delatam certam, exoptatamque notitiam de præstita Apostolicis mandatis debita observantia, gravibus verbis patefecit, & eorundem Episcoporum zelum, ac religionem excitare curavit, ut ipsi exemplo ac diligentia sua præcuntes, ceterorum obedientiam sollicitè promoverent. Harum Literarum hujusmodi exemplum est;

Idem Clementis XII. ad Episcopos peculiariter scribit sub eadem data.

Vene-

Tenor Episto-
lae in simili
forma Brevis

Venerabilibus Fratribus Episcopis in Regnis Indiarum
Orientalium Madurensi, Mayssurensi, & Carnatensi.

CLEMENS P P. XII.

Venerabiles Fratres, salutem, & Apostolicam
Benedictionem.

Conqueritur
de incerto e-
xitu primae
Epistolae, &
debita res-
ponsa exqui-
rit.

Continere labia nostra non possumus, quin vos Venera-
biles Fratres Apostolica voce iterum alloquamur; Molestie
Nos, imo graviter ferre, usque adhuc certam denunciatio-
nem minime accepisse: qui tandem exitus contigerit Nostri
Literis, quas die 24. Augusti 1734. vobis, & Missionariis
isthic commorantibus dedimus. Sane taciturnitas hac cu-
rarum, & angustiae nostro paterno erga vos amoris causa est,
tum & maxime quia, incerta licet, sparsa hic sunt voces,
easdem Nostras Literas, & Decreta in publicum ab omnibus
minime posita fuisse, nec exacte, prout oportet, adimpleri,
quin non deesse aliquos, qui diversa opinantes, ac loquen-
tes, adducunt discipulos post se. Quare primum Fraternita-
tes Vestras ex animo requirimus, ut quomodo isthic res se
habeat, quamprimum renunciatis, ne longior tarditas
acerbiorum Nobis afferat molestiam; deinde firma spe duci-
mur, zelo Dei vos impellente, in doctrina sana nobiscum
exsurgere in eos, qui contradicunt, ut memores officii, cui
se addixerant, sedulo caveant, ac diligenter prospiciant,
ne culpa eorum: Gentes istae sint timentes Dominum, sed
nihilominus & Idolis suis servientes: Hac de causa alte-
ras misimus Literas Fraternitatibus Vestris, atque Missio-
nariis, quibus gravioribus sub paucis demandamus, ut no-
strae voluntatis sensibus, & Decretis obediant, & opere
compleant. Ne vero, ut hactenus, unus alterum incuset,
& Nos qui licet praesentes isthic spiritu, corpore tamen ab-
sentes, suspensos incerti nuncii diu retineant, Juramen-
tum ab unoquoque ex Missionariis propria manu subscriban-
dum, expetere duximus, quo quisque profiteatur Nostri ius-
sionibus promptam, atque exactam praestare obedientiam,
prout latius in iisdem Literis continetur. Hoc etsi tuto No-
bis polliceamur pro omnium pietate, & religione; attamen
plurimum collatura erit Fraternitatum Vestrarum exempli
autho-

Significat su-
perioris Epi-
stolae sensum,
& Episcopo-
rum zelum
excitat pro
omnium de-
mandarum
implemento.

SUPER RITIBUS MALABARICIS. 489

authoritas , quoties idem Jurisjurandi sacramentum , in certum erga S. Sedem , & in Nos obsequii vestri testimonium præstitisse , atque Nobis misisse , vos intelligant , prout in Domino etiam , atque etiam obtestamur . Porro hanc unam esse detegendæ veritatis viam , & unum præsidium ad obstruendum os loquentium iniqua , vosmet facile cognoscere non dubitamus : quare Pontificiam voluntatem , ceteroquin in vos propensam , magis , magisque Vobis devincietis , si industria , cogitationi , studio denique vestro vim addatis exemplo ; nec sane veremur , quin eam reverentiam , quam , suscipientes Episcopale munus , huic S. Sedi , & Apostolicis mandatis spondidistis , hac tam opportuna occasione explicaturi luculentius eritis , ut quos ad Juramentum proferendum vos adire obstringimus , ex factis etiam vestris obedire præceptis Nostris arctius impellantur ; ac Vobis Venerabiles Fratres in perpetuum amoris Nostris pignus Apostolicam benedictionem peramanter impertimus . Datum Romæ apud Sanctam Mariam Majorem sub annulo Piscatoris die xiiii. Maii MDCCXXXIX. Pontificatus Nostris anno Nono .

„ Neque vero his , quamvis adeo enucleate præscriptis , plane contentus idem Clemens Papa XII. , Superiores quoque Generales Missionariorum in Orientalibus Indiis degentium , eorum præsertim , qui , ut Apostolicæ Sedi relatum erat , detrectabant adhuc obsequentis animi erga ejusdem Sedis mandata , certa argumenta exhibere , adstrinxit , eosque sub poenis suspensionis a Divinis , privationis vocis activæ , & passivæ , aliisque gravioribus arbitrio suo reservatis , Apostolicæ etiam Sedis indignationis , formali præcepto , eoque juridice indicto , adegit ad transmittenda suis respective Religiosis exempla Apostolicarum Litterarum à se tunc editarum , atque ad earum publicationem , & exactam , integram , inviolabilemque observantiam pro viribus præcipiendam , ea lege addita , ut si aliquis esset e Missionariis , qui mandatis reluctaretur , aut contra facere auderet , solemniter statim præcepto per Superiorem Generalem cogeretur , relictis Missionibus , e Provincia decedere , atque in Europam reverti . Et ne in re adeo gravi intentatum aliquod remedium relinqueretur , terminum annorum trium constituit , intra quem Superiores Generales prædicti

Superiores Generales Missionariorum ornerat de præmissarum Litterarum transmissione ; publicatione ; & implemento .

Ac de juramenti præstiti exemplis infra triennium S. Sedi representandis .

Q q q

tene-

490 CONSENS. SYN. ET CONST. AP.

„ tenerentur certis, authenticisque documentis Sedi Apo-
 „ stolicæ plenam atque integram Decretorum Litera-
 „ rumque observantiam indubitate probare, atque præ-
 „ fertim exempla jurisjurandi, ut præfertur, præstandi,
 „ propria uniuscujusque Missionarii manu, cujuscumque
 „ fuerit Instituti, subscripta, exhibere.

Episcopi, & „ His ita constitutis, atque mandatis obtemperan-
 Missionarii ob „ tes omnes Episcopi, & Missionarii Apostolici Regno-
 temperant, & „ rum Madurensis, Mayssurensis, & Carnatensis, no-
 juramenta sub „ minatimque, qui pridem contra Cardinalis Turnonii
 scripta exhi- „ Decretum steterant, fide data, sacramentoque inter-
 bentur S. Do „ posito, exactam, integram, absolutam, inviolabi-
 mine Nostro „ lemque observantiam Literarum, quarum superius
 „ exemplum insertum est, quodque incipit *Compertum*
 „ *exploratumque*, promiserunt secundum formulas aliis
 „ in Literis Pontificiis expressas, quæ pariter enunciata
 „ jam sunt, quæque incipiunt *Concredita Nobis Domini-*
 „ *ci Gregis*. Utque suum Nobis ad Pontificatus apicem
 „ erectis, Sanctæque Sedi fidele obsequium, & submis-
 „ sionem certo probarent argumento, ad manus nostras
 „ exempla reddi curarunt solemnibus jurisjurandi, quod
 „ singuli præstiterunt.

Qui reliqua „ Hunc igitur fructum ex prudenti constantique,
 adhuc dubia „ quam hætenus recensuimus, Prædecessorum Nostro-
 rum consilio „ rum agendi ratione Nobis colligere datum est: neque
 Congregatio „ jam temere videmur hanc animo spei concepisse, ut
 nis S. Officii „ quæcumque dubia super executione eorum, quæ ab
 definire sta- „ iisdem Prædecessoribus præscripta memoravimus,
 tit. „ adhuc reliqua sunt, resolutis, ut infra, propositis
 „ quæstionibus, penitus submoveantur; omnesque de-
 „ mum inter sacros istarum Regionum Operarios dissen-
 „ siones, & controversiæ compositiæ conticescant; atque
 „ Apostolica mandata, & Decreta, quæ, gravi præ-
 „ missa ponderatione, ac de consilio Venerabilium Fra-
 „ trum Nostrorum in tota Republica Christiana in nego-
 „ ciis Fidei Generalium Inquisitorum specialiter deputa-
 „ torum, aliorumque Virorum pietate ac doctrina præ-
 „ stantium, harum serie edituri sumus, pari obedientiæ
 „ alacritate ab omnibus istarum Partium Missionariis ex-
 „ cipiantur, ac debitæ executioni demandentur.

Missionario- „ Nonnulli siquidem, postquam Literis suis professi
 rum postulata „ sunt

SUPER RITIBUS MALABARICIS. 491

„ sunt servatas a se fuisse Apostolicas Literas *Comperitum*
 „ *exploratumque*, seque accusatos idcirco perperam fuisse
 „ se tamquam refractarios; affirmantes nihilominus, in
 „ maximas, atque extremas animi angustias se esse co-
 „ njectos, ob jurisjurandi religionem, ob excommuni-
 „ cationis periculum, aliasque gravissimas poenas, qui-
 „ bus inobedientes, legive repugnantes inevitabili nexu
 „ obligati sunt, atque obnoxii; communi illorum om-
 „ nium nomine, qui in pari muneris & periculi societa-
 „ te versantur, ad sublevandas suas, ut ajunt, oneratas,
 „ trepidantesque conscientias, atque ad plurimorum
 „ Christianorum salutem, qui recentem conversi perse-
 „ cutionum procellis assidue conflantur, in tuto col-
 „ locandam, tria a Nobis flagitarunt.

„ Primum illud est; ut onere sublevantur (quod I. Super tol-
 „ quidem onus gravissimum, intolerandumque appel- lendis censu-
 „ lant) tot juramentorum, censurarumque, quibus inex- ris, & jura-
 „ tricabilibus veluti laqueis eorum conscientiae vinciun- mento.
 „ tur, quibusque fit, ut propriae amittendae salutis peri-
 „ culo expositi, de aliena procuranda cogitationem pro-
 „ pe omnem deponere cogantur.

„ Alterum, ut dispensatio alias concessa super in- II. Ut proto-
 „ sufflationum, atque salivæ ritu, in Sacramento Bapti- getur dispen-
 „ smatis ministrando, prorogetur, eo vel maxime, satio super
 „ quod non tali lege sit hujusmodi ritus inductus, in quo omissione Sa-
 „ dispensatio locum habere non possit; imo, ut ea con- cramentali-
 „ cedatur necessariū esse ajunt, ad conservandam pro in Baptismo
 „ rogandamque disseminatam jam, ac diffusam Fidem confargendo.
 „ in vastissimis illis Regionibus, quarum Incolæ ingeni-
 „ to veluti horrore, seu potius inveterato, & commu-
 „ ni præjudicio, ita salivam averfantur, ut de eo evel-
 „ lendo prope jam sit ab eis desperatum.

„ Tertium, ut aperta, atque plena tradatur inter- III. Ut detur
 „ pretatio præcepti a Cardinali Turnonio Missionariis explicatio Ar-
 „ gravissime injuncti, atque ab Apostolica Sede confir- ticuli de assi-
 „ mati, eisque inculcati, ut abjectissimum hominum stentia *Pareis*
 „ genus, vulgò *Pareas*, minime deserant, sed cum do præbenda.
 „ mi aliquo morbo laborantes detinentur, eos invisant,
 „ eisque, cum opus fuerit, Sacramenta ministrent, om-
 „ nibusque erga eos charitatis atque pietatis officiis de-
 „ fungantur. Nam, sine aliqua præfati Decreti decla-

Qq 2 ratio-

„ ratione , perniciem eis , qui Christianæ Religioni no-
 „ men dederunt , imminere prorsus arbitrantur , Gen-
 „ tiliumque ad Fidem conversionem impossibilem pe-
 „ nitus evasuram . Itaque eorundem Parearum saluti
 „ providendum esse rentur , non adigendo Sacros Ope-
 „ rarios ad ingrediendum eorum Domos , quod certe ,
 „ ut asserunt , exitio Missionibus foret , sed alia ratione ;
 „ atque ea potissimum , quam ipsi primo induxerunt ,
 „ quaque usi sunt post Apostolicas etiam Literas promul-
 „ gatas , quarum initium *Compertum exploratumque* , ob-
 „ tentu verbalis cujusdam declarationis , quam ipsis suis
 „ Missionum Procurator significaverat .

Juxta præ-
 sentum vivæ
 vocis Oracu-
 lum Clemen-
 tis XII.

Quod tamen
 Oraculū nun-
 quam emana-
 tum declara-
 tur .

Et Pontifex ,
 eo non atten-
 to , circa re-
 latis quæstio-
 nes statuit , ut
 infra .

„ Rumore itaque ad Nos allato de hujusmodi vocali
 „ declaratione , quæ Clementi Papæ XII. Prædecessori
 „ Nostro tribuebantur , cujus etiam exemplum monu-
 „ mentumque in Actis , & Tabulario Sanctæ Inquisitionis
 „ relatum fuisse atque reconditum ferebatur , exemplum
 „ monumentumve hujusmodi diligentissime exquiri
 „ mandavimus . Cumque illud nusquam inventum sit ,
 „ longa licet atque exactissima indagine investigatum ;
 „ cum etiam Administri , quorum custodiæ mandan-
 „ dum fuerat , ea de re per Nosmetipsos interrogati ,
 „ nihil hujusmodi a se visum , nihil auditum fuisse , &
 „ numquam ad se pervenisse prædictam declarationem ,
 „ proptereaque , & in Actis , & in Archivio desiderari
 „ constanter , & indubitate affirmaverint : cum denique
 „ ipsius Nostri Prædecessoris ea de re mentem , atque
 „ sententiam in Apostolicis ejus Literis supra relatis luce
 „ ipsa clarius expressam , exploratamque haberemus ;
 „ totum hoc gravissimum , & inveteratum negotium ,
 „ cum approbatione , & consilio Venerabilium Fratrum
 „ Nostrorum S. R. E. Cardinalium Generalium Inquisi-
 „ torum , ut supra , deputatorum , tandem dijudicare ,
 „ ac definire deliberavimus . Auditisque propterea tum
 „ eorundem Venerabilium Fratrum Nostrorum , tum
 „ etiam Consultorum sententiis , ac rursus ad truti-
 „ nam revocatis , & coram Nobis multum , diuque
 „ perpensis atque discussis moderationibus illis , quas
 „ postularunt a Nobis illi , qui duram atque difficilem
 „ Decretorum tories enunciatorum integram absolu-
 „ tamque observantiam existimarunt , in hunc , qui se-
 „ qui-

SUPER RITIBUS MALABARICIS. 493

quitur , modum , statuimus , atque decrevimus .
 „ Ac primo quidem , animadvertens impositam Ju-
 „ risjurandi legem esse vetuti saluberrimum antidotum
 „ extinguendo gliscentium litium , discordiarumque ve-
 „ neno , aptissimumque ad cohibendam licentiam , li-
 „ bertatemque opinandi , interpretandi , agendi denique
 „ pro libito in re tam gravi , & periculosa frænum existe-
 „ re ; Censuras quoque a prædicto Clemente XII. Præde-
 „ cessore Nostro in enunciatis Literis , incipientibus
 „ *Concredita Nobis* constitutas ad solos dumtaxat perti-
 „ nere Apostolicæ legis præceptorum violatores, easdem-
 „ que in hujusmodi tantum refractarios, quorum ani-
 „ mos neque Ecclesiasticæ mansuetudinis officia, neque
 „ paternæ admonitionis charitas vincere, aut inflectere
 „ ullo modo possent, justissimam poenam esse, & fore
 „ reputantes; non solum inopportunum censuimus Jus-
 „ jurandum aliqua in parte remittere, aut moderari
 „ Censuras; quod primo fuit ab illis propositum; verum
 „ etiam, de prædicto consilio, & assensu, ac de plenitu-
 „ dine Potestatis a Deo Nobis concreditæ, illud, illasque
 „ probamus, confirmamus, & innovamus, illudque,
 „ & illas omne robur, & firmamentum, omnemque
 „ vim, & efficaciam in posterum semper habere, suos-
 „ que plenarios, & integros effectus sortiri, & obtinere
 „ atque ab illis, ac quos spectat, & pro tempore quan-
 „ documque spectabit, inviolabiliter, & inconvulso ob-
 „ servari decernimus, & jubemus.

I. Juramen-
tum præstari,
& servari ju-
bet, & cen-
suras confir-
mar.

„ Quod autem attinet ad secundam postulationem
 „ de propaganda supradicta dispensatione, quum Præde-
 „ cessor Noster in decennium concessit, ut scilicet per
 „ id temporis, in Sacramento Baptismatis conferendo,
 „ salivæ usu abstinere, & sacras insufflationes in occulto
 „ adhibere liceret, non tamen hoc generatim, neque
 „ indistincte, sed ubi gravis aliqua, & certa necessitas
 „ postularet, ut luculentius in ejusdem Literis Apostoli-
 „ cis, quarum initium *Compertum exploratumque* expref-
 „ sum est; Nos declarare satis non possumus, quam ægre
 „ feramus, quod nullis adhuc certis indiciis, aut argu-
 „ mentis cognoscere potuerimus, utrum Missionariis
 „ per id decennii tempus, quod jam elapsum esse digno-
 „ scitur, ad Apostolicarum Literarum præscriptum, in

II. Queritur
doctum non
esse de obser-
vantia De-
creti Clemen-
tis XII. circa
Sacramenta-
lia in Baptis-
mo adhiben-
da.

494 CONSENS. SYN. ET CONST. AP.

Horum di-
gnitatem, &
relevantiam
commendat.

eo pro viribus elaboraverint, atque ea, qua par erat,
fide, ac diligentia, omne suum studium, operamque
adhibuerint, ut vanus ille horror, & parum æqua aver-
satio prædictorum Sacramentalium, quæ Gentium il-
larum animis insidere fertur, sensim emendata, de-
mum ab eisdem penitus deponeretur. Nemo quippe
ignorat, Sacramentalium, de quibus agitur, usum,
sive institutionis antiquitas, & ex qua Ritus illi in Ec-
clesiam derivati sunt, sive multiplex mysteriorum si-
gnificatio, quæ in illis continetur, sive demum Ro-
manæ Ecclesiæ omnium Magistræ spectetur auctoritas,
quæ eosdem in suis Ritualibus receptos inviolabiliter
observari præcipit, jure, ac merito venerandum esse,
præcipuoque semper in honore habendum, & conse-
quenter incapacem prorsus recipiendæ Baptismatis
Gratiæ cum esse, qui falso sibi persuaserit, insufflationes,
atque salivam aptam haud esse materiam Sacra-
mentalium caeremoniarum, gravillimique piaculi ex-
pertem non futurum, qui sic opinanti conferre illud
auderet.

Super quibus
nefas est Ca-
thecumenos
errare.

Et quamquam exploratum esset, Gentes illas hoc
pravo errore minime detineri, sed ob id tantum a
Sacramentalium prædictorum usu abhorrere, quod
ingenita quadam, ut ferunt, aversione salivam, an-
helitumque abominentur, non minori tamen industria
Sacris Ministris adnitendum est, ut earum animis per-
peram conceptum horrorem, ineptamque aversionem
eliminent, atque ablegent: aliter timendum merito
esset, ne illarum Regionum Neophiti, confirmata in
ipsorum mentibus hujusmodi abominatione, eo usque
desipiant, ut eandem etiam transferant ad miracula,
quæ per salivam Christus Redemptor Noster edidit,
ipsumque propterea miraculorum, & salutis nostræ
Auctorem, quo nihil profecto magis impium exco-
gitari potest, aversentur. Utque alia prætereamus,
illud tandem non diutius est differendum, ut in Regnis
Madurensi, Mayssurensi, & Carnatensi Baptismi Sa-
cramentum rite, sancteque ministretur, iisdem adhi-
bitis Sacramentalibus, & caeremoniis, quibus Roma-
na utitur Ecclesia, ex qua ad Gentes illas Fidei lux
propagata est, dediscantque tandem novelli Regionum
illa-

SUPER RITIBUS MALABARICIS. 495

„ illarum Fideles id horrere, quod Deus dignatus est
 „ facere.

„ Verumtamen, ut memorata Sacramentalium, Concedit pro-
 „ prædictorum abominatio suaviter, leviterque ex co- rogationem.
 „ rum animis divelli possit, neve hujusmodi lex, quæ dispensationis
 „ Sacramentalium usum præscribit, ad nimiam in spe- ad aliud de-
 „ cium severitatem exacta, eas adducere calamitates vi- cennium a die
 „ deatur, quæ ex illa, tamquam e fonte, in Ecclesias, datæ præsen-
 „ atque Missiones dimanaturæ denunciantur, Nos enar- tium.
 „ ratis de causis dispensationem, quam Prædecessor No-
 „ ster in Literis jam relatæ concessit, iterum conceden-
 „ dam, prorogandamque decrevimus in aliud decen-
 „ nium, quod a die datæ præsentis Nostræ Apostolicæ
 „ Constitutionis est inchoandum.

„ Ex quo fas est intelligere, non eam esse, aut fuisse Præscribit E-
 „ se nostram, & Apostolicæ Sedis sententiam, quod piscopis, &
 „ scilicet nullus dispensationi locus esse possit in hujus- Missionariis
 „ modi Sacrorum Rituum, & Sacramentalium materia, quomodo ea
 „ nec ulla dispensandi necessitas, aut sufficiens causa un- uti debeant.
 „ quam valeat allegari. Verum, quum ex rationibus
 „ superius allatis, nullo pacto permitti valeat, venera-
 „ biles adeo Ritus, ac traditum a Patribus, sancteque
 „ ab Ecclesia servatum hujusmodi Sacramentalium usum,
 „ penitus aboleri; vel eorum contemptui, aut errori-
 „ bus circa eadem inducendis, vel jam conceptis amplius
 „ confirmandis, occasionem præberi, idcirco omnibus
 „ dictorum Regnorum Missionariis districte præcipimus,
 „ ut hac dispensatione benigne a Nobis indulta, nonnisi
 „ certis in casibus, & cum gravis id necessitas postula-
 „ bit, de quo eorum conscientiam oneramus, utantur,
 „ nec nisi in prædictis casibus salivæ usum in administra- Et, ut Mala-
 „ tione Baptismatis possint, omittere, & occultas ad- bares in hac
 „ hibere insufflationes; modo ii, qui se baptizandos of- materia per-
 „ ferunt, in ea non sint opinione, ut credant salivam, peram opi-
 „ atque insufflationes hujusmodi ineptam esse, atque in- nantes ad Ba-
 „ decentem Sacramentalis Ritus materiam; qui enim ptismum non
 „ adeo falsa, atque distorta persuasionem imbuti essent, admittant.
 „ tamquam indigni, & incapaces Sacramenti Baptisma-
 „ tis licite suscipiendi, ab eo repellendi essent. Volu- Atque inte-
 „ mus, autem atque omnibus, & singulis prædictorum rim eos in-
 „ Regnorum Episcopis, & Missionariis in virtute sanctæ struere cu-
 „ rent.

obe-

„ obedientiæ præcipimus , & expresse jubemus , ut &
 „ communibus studiis , atque consiliis , & singuli pro
 „ virili parte , intra præfinitum decennii tempus , omni-
 „ bus viribus , nervisque contendant , & quemadmodum
 „ fuerat eisdem a san. mem. Prædecessore Nostro impe-
 „ ratum , non intermissis laboribus assidue curent , ut
 „ ex illarum Gentium animis errorum tenebræ , male-
 „ sanæque opiniones , quibus obcæcantur , & miserrime
 „ detinentur , penitus discussæ , ac radicitus evulsæ eli-
 „ minentur . Ut vero indultum , prorogatumque a No-
 „ bis tempus Sanctissimis Romanæ Ecclesiæ cæremoniis
 „ prædictis , quæ tamdiu a Sede Apostolica commenda-
 „ tæ , atque inculcatæ fuerunt , facilius apud Nationes
 „ illas insinuandis vere conducat ; utque ulterior hujus-
 „ modi Rituum prætermisio (quam tamen extra veræ
 „ necessitatis casus , ut supra , nullatenus concessam ,
 „ aut licitam esse , iterum declaramus) alendis Popu-
 „ lorum erroribus , atque difficultatibus augendis , con-
 „ firmandisque ansam non præbeat ; universis Gentium
 „ illarum Episcopis , & Missionariis prædictis notum esse
 „ volumus , hoc exacto decennio , nullis aut precibus ,
 „ aut rationibus , quæ porrigi , proferrique unquam pos-
 „ sent , aliam denuo prorogationem concessum iri .

Absque spe
 alterioris di-
 spensationis.

III. Decre-
 tum Cardina-
 lis Turnonii
 circa Pareas
 justum , &
 necessarium
 declarat .

„ Ad tertium denique quod pertinet postulatam .
 „ ut nempe apertius , atque distinctius declaretur Decre-
 „ ti articulus , quo laudatus bon. mem. Carolus Thomas
 „ Cardinalis Turnonius sancivit , ut Missionarii ad Pareas
 „ ægrotantes , accedant , ut Sacramenta desiderantibus
 „ etiam domi administrent , ut denique illis omnia præ-
 „ stent spiritualia subsidia , quæ Charitas , Religio , &
 „ Officii ratio Evangelicis Operariis nullo discrimine ,
 „ nulloque respectu , Fidelibus universis , adversa præ-
 „ sertim valetudine conflictatis , administranda præscri-
 „ bunt : nemo profecto non videt , quantumvis maximæ
 „ proponantur difficultates , in quas incurrere Missio-
 „ narii se posse dicunt , si huic præcepto tam justo ,
 „ tam sancto parere velint , ferendum tamen
 „ nullo modo esse , quod Casas humiliorum hujusmodi
 „ hominum ex morbo decumbentium subire recusent ,
 „ atque illos in summo etiam vitæ discrimine , aut Sacra-
 „ mentis omnino carere sinant , aut saltem eorundem
 „ per-

SUPER RITIBUS MALABARICIS . 497

„ percipiendorum maximam illis ingerant difficultatem
 „ Nulla etenim apud Deum est personarum acceptio ;
 „ nec ullum despiciere fas est eorum quos Unigenitus Dei
 „ Filius per novam generationem sibi conjunctos , non
 „ confunditur Fratres vocare ; quin immo *elegit Deus in*
 „ *hoc Mundo, divites in Fide, & haeredes Regni, quod*
 „ *repromisit diligentibus se* . Quæ qui contemnunt , exho-
 „ norantes pauperem , & Fratrem humilem confunden-
 „ tes in humilitate sua hi porro longe nimis discedunt a
 „ doctrina , & exemplo Christi Domini Salvatoris Nostri,
 „ qui Nos non Divina tantum voce , sed magnis etiam ,
 „ atque illustribus factis edocuit , quanti apud Nos esse
 „ debeant , qui pauperes , atque abjecti per Mundi insa-
 „ niam vocantur ; *Ecce enim* , ajebat S. Gregorius Pon-
 „ tifex Maximus , *ire non vult Filius Dei ad Filium Re-*
 „ *gali, & tamen venire paratus est ad salutem Servi.*
 „ *Certe si nos cujuscumque Servus rogaret, ut ad eum ire de-*
 „ *beremus, protinus nobis nostra superbia in cogitatione*
 „ *tacita responderet dicens: non eas, quia temetipsum*
 „ *degeneras, honor tuus despicitur, locus vilescit. Ecce*
 „ *de Cælo venit, qui Servo in terram occurrere non*
 „ *despicit.*

Idque confir-
mat ex Sacris
Scripturis, &
Patribus.

„ Quare ut gravissimo huic malo remedium affe-
 „ rent Prædecessores nostri Romani Pontifices Grego-
 „ rius XV. , Alexander VII. , & Clemens IX. in suis
 „ Apostolicis Literis die XXXI Januarii anni MDCXXIII,
 „ die XVIII. Januarii anni MDCLVIII. , & die XIII. Se-
 „ ptembris anni MDCLXIX. respective datis , omni ani-
 „ morum contentione , atque zelo obtinere curarunt
 „ (quod & Nos eorum vestigiis inhærentes summopere
 „ optamus , & quantum in Domino possumus , districte
 „ præcipimus , & mandamus) , ut Nobiles cum Plebeis
 „ in unam , eandemque Ecclesiam convenientes , una
 „ simul Divini verbi pabulo reficerentur , & Ecclesiæ
 „ Sacramenta reciperent , utque Missionarii Regnorum,
 „ Provinciarumque Orientalium Indiarum , sui officii
 „ memores , ita animo essent comparati , atque dispositi,
 „ ut non secus ac Nobilibus , abjectis quoque , & infi-
 „ mæ sortis hominibus , in iis , quæ ad spirituales eo-
 „ rum profectum pertinent , præsto essent , illisque in
 „ propriis etiam domibus , & si humillimis , ac Sordidis,

Prædecesso-
rum super eo
præcepta re-
novat, & non-
dum impleta
dolet.

R r r

Sa-

498 CONSENS. SYN. ET CONST. AP.

„ Sacrum Viaticum ministrare minime recusarent. At,
 „ quod maxime Nos angit, sive ob immodicum illum
 „ horrorem, quo claro genere nati infimæ Plebis ho-
 „ mines, ut fertur, ita averfantur, ut vel illorum con-
 „ tactu se-commaculati, nobilitateque, & gradu cade-
 „ re sibi persuadeant (qui tamen horror cum sit Christi
 „ lege damnatus, e Christianorum animis omnino est
 „ eliminandus); sive ob patrias leges, imperiaque Re-
 „ gum idololatrarum, quibus Christiani in iis Regioni-
 „ bus subiecti sunt, aliave tandem de causâ id evenerit;
 „ frustra certe fuerunt Prædecessorum nostrorum consi-
 „ lia, paternæ exhortationes, præcepta demum, quæ
 „ usi sunt, ut infimi hujus generis hominum conversio-
 „ ni, ac salutis procurandæ, quantum optaverant, ple-
 „ ne consulerent, atque providerent.

Missionarii
 Societatis Je-
 su proponunt
 Pontifici se
 aliquos depu-
 tatos ad
 præcipuam
 Parearum cu-
 ram.

„ Cum vero & Nos, Christi Domini *documentis*,
 „ Prædecessorumque Nostrorum exemplo *excitati*, an-
 „ xie cogitaremus, qua ratione illud tandem reipsa con-
 „ sequi possemus, quod eisdem Prædecessoribus nostris
 „ tantopere cordi fuit; opportune accidit, ut Societa-
 „ tis Jesu Missionarii, quorum villicationi Regnorum
 „ Madurensis, Mayssurensis, & Carnatensis Missiones
 „ potissimum concredita sunt, postquam declarari a
 „ Nobis articulum de Pareis postularunt, paratos se No-
 „ bis obtulerint, pollicitique sint, modo id Nos ipsi
 „ probaremus, certos aliquos delegare Missionarios,
 „ qui Pareis convertendis, dirigendisque præcipue dent
 „ operam. Quod quidem eorum consilium, quo Pa-
 „ rearum conversioni, & salutis satis bene consultum fo-
 „ re confidimus, paterno gaudio suscipientes, *pro tem-*
 „ *porum circumstantiis probandum, commendandum-*
 „ *que esse duximus, oblationisque Nobis factæ, ac reli-*
 „ *giosi promissi exemplum ab eorum Præposito Gene-*
 „ *rali subscriptum in hujus Romanæ, atque Universalis*
 „ *Inquisitionis Tabularium referri, perpetuoque asserva-*
 „ *ri mandamus.*

Pontifex id
 probat.

Et charitatem
 erga omnes
 inculcat ex
 doctrina A-
 postoli & ip-
 sius Christi.

„ Præmonemus itaque in primis Partium illarum
 „ Missionarios universos, ut quæ Apostolici eorum mi-
 „ nisterii erga Fideles omnes ex Divina institutione potis-
 „ simæ partes sunt, minime obliviscantur; ac serio per-
 „ pendent, quod inter eos, qui filii Dei sunt, per Fi-
 „ dem

SUPER RITIBUS MALABARICIS. 499

dem quæ est in Christo Jesu, juxta doctrinam Apostoli, li, jam non est servus neque liber, non est masculus, neque femina, sed omnes unum sunt in Christo Jesu, quod ipse quoque Salvator noster a Deo Patre suo postulaverat pro omnibus, qui credituri erant per verbum Discipulorum in ipsum, rogans nimirum: *Ut omnes unum sint, sicut tu, Pater, in me, & ego in te, ut & ipsi in Nobis unum sint, ut credat Mundus, quia tu me misisti*; novos credentes instruant, oportere illos eo mutæ charitas vinculo inter se se colligari ex qua veluti tessera, & Divini Filii ab æterno Patre missionem, & Christianæ Religionis veritatem facile Gentiles agnoscant.

Deinde vero tot statim pro Pareis Missionarios deputari volumus, & præcipimus, quot necessarii, & reipsa sufficientes reputabuntur, pro eorum debita cura singulis in locis exercenda, qui peculiari studio eorundem domos, ubi ægrotant, pro viribus petant, eos invisendos, ac piis sermonibus, ac precibus, Sacramentorumque pabulo recreandos, eosque demum in extremo vitæ discrimine constitutos sancto infirmorum Oleo deliniendos, absque Personarum, aut sexus exceptione. Ubi vero contigerit præfatos Missionarios ad Parearum curam præcipue deputatos, aut eorum aliquem, e vivis excedere, vel alio abire, alterum alterius loco continue subrogari mandamus, & intra spatium quinquennii a die datæ præsentium certissima, atque authentica documenta de mandatorum nostrorum executione Apostolicæ Sedi reddi debere præcipimus. Quod si intra quinquennii spatium hujusmodi documenta reddita minime fuerint, vel iis redditis minime constiterit alios Missionarios ad præcipuam illam Parearum curam exercendam subrogatos fuisse in eorum locum, quos vel obiisse, vel alia de causa officio deesse contigerit: tum etiam, si intra spatium annorum decem omnes non fuissent adhibitæ diligentia, quæ tam a Prædecessoribus nostris, quam a Nobis ipsis superius præscriptæ sunt, ad evincendum, expellendumque horrorem, quo Gentes earum Regionum insufflationes, atque Saliyam in Sacramenti Baptismatis administratione, & susceptione, averfari

R r 2

„dicun-

Juber deputari sufficientem numerum Missionariorum, qui Pareis assistant.

Et alios aliorum loco subrogari.

Et de hujus Decreti implimento doceri intra quinquennium, & de superiori intra decennium.

500 CONSENS. SYN. ET CONST. AP.

Alias novos
Missionarios
in ea Regna
mittendos sta-
tuit.

Et supradic-
tos in Euro-
pam reverti
jubet, sublata
eisdem facul-
tate exercen-
di Missiones.

„ dicuntur : de quo tamen minime dubitare Nos finit fi-
„ lialis obedientia , quam ii præ cæteris Missionarii in
„ Apostolicam Sedem se profiteri gloriantur ; aut deni-
„ que si omnes adhibitæ diligentia frustra cessissent :
„ quod secus fore confidimus , dum mentis nostræ ocu-
„ los ad Misericordiarum Patrem , totiusque consolatio-
„ nis Deum , cuius agitur causa , convertimus ; in quem-
„ cumque eventum , ne Missiones illas tot Virorum la-
„ boribus , ac sanguine fundatas deferamus , a quo sane
„ longissime absumus ; decernimus , & mandamus , ut
„ alii Missionarii sive sæculares , sive Regulares ex alio
„ coetu , vel instituto , in ea Regna mittantur , ut expe-
„ riamur num Deus , cuius incomprehensibilia sunt judi-
„ cia , in aliorum Operariorum villicationem divitias
„ misericordiae suæ effundere decreverit , eorumque la-
„ bore , atque industria illos fructus in præfatis Region-
„ bus , & Gentibus producere , quos Missionariorum nunc
„ ibi laborantium sudoribus , nulla licet ipsorum culpa ,
„ vel omissione , consequi non potuerimus .

„ Et quamquam confidimus prædictos Missionarios ,
„ nunc & pro tempore ibi existentes , pro suo erga Apo-
„ stolicam Sedem obsequio , ab excitandis turbis alienos
„ futuros , nec ullum iussionibus Nostris obstaculum ,
„ aut impedimentum allaturos , si dum ipsi in iis Regio-
„ nibus commorantur , eo novi Missionarii accederent ,
„ ibique versarentur ; tamen quoniam Apostolici mu-
„ neris id a Nobis ratio exigit , ut caveamus pericula ,
„ quæ Christianæ charitati offendiculo esse possent ; hinc
„ est , quod Societatis Jesu Missionariis , qui in Madu-
„ rensi , Mayssurensi , & Carnatensi Regnis tunc erunt ,
„ virtute sanctæ obedientia jubemus , atque præcipimus ,
„ ut quicumque casus ex supradictis evenerit , quo vel
„ omnia , vel aliqua ex his , quæ per præsentis Literas
„ Nostras circa præmissa decrevimus , & observari man-
„ davimus , intra præfinitum respective tempus , inte-
„ gre exacteque , ut par est , impleta non fuerint , sive
„ id ex eorum facto , sive ex omissione , sive ex prava ,
„ & contra literalem earumdem præsentium sensum di-
„ storta mentis , & voluntatis nostræ interpretatione ,
„ sive demum ex qualibet alia causa , etiam de necessitate
„ expri-

SUPER RITIBUS MALABARICIS. 501

„ exprimenda , id contigerit ; statim , relictis prædicta-
 „ rum Regionum Missionibus , quarum in iis Regnis
 „ exercendarum , & quocumque titulo , etiam deputa-
 „ torum ab Episcopis , seu Ordinariis Locorum , aut
 „ simplicium suæ Religionis Presbyterorum , seu quoli-
 „ bet alio colore prosequendarum , jure omni , officio ,
 „ & facultate ex eo tempore in posterum jam nunc eos a
 „ Nobis privatos , & imminutos declaramus , atque ex
 „ nunc prout ex tunc , & e contra , auctoritate Aposto-
 „ lica , & earumdem præsentium tenore privamus , &
 „ imminuimus , illico , non expectata aliâ nostra , & Se-
 „ dis Apostolicæ declaratione , jussione , aut sententia ,
 „ in Europam revertantur , uberiores , ut speramus , in
 „ hisce Partibus fructus relaturi .

„ Denum , etsi ii Missionarii , qui moderandas Recententur
alii abusus in
his Missioni-
bus , ut fer-
tur , perseve-
rantes .
 „ censuras , dispensandum super insufflationum , & Sa-
 „ livæ Ritu in Sacramento Baptismatis administrando ,
 „ atque articulum de Pareis declarandum postulaverunt ,
 „ nil difficultatis præstulerint circa alia capita Decreti
 „ prædicti Caroli Thomæ Cardinalis Tournonii , & Apo-
 „ stolicarum Literarum Clementis Papæ XII. , quarum
 „ initium *Compertum , exploratumque* ; ex aliorum nihilo-
 „ minus Literis ingenti Nostro dolore accepimus , ex
 „ Missionariis alios esse , qui nulla habita interdicti a
 „ præfato Cardinali Tournonio lati , amplissimeque a
 „ Prædecessore nostro confirmati ratione , eo usque pro-
 „ grediuntur , ut Christianis Mulieribus gestare permit-
 „ tant mouile collo suspensum , contracti tesseram Ma- Gestatio Taly
 „ trimonii , quod Regionis illius lingua *Taly* denomi-
 „ natum , effigiem quandam habet informem Idoli ,
 „ quod profanis earum Gentium nuptiis præsidere fer-
 „ tur ; ipsisque pariter Fidelibus , quo tempore ab illis
 „ nuptiæ celebrantur , permittant fructum , vulgo *Cocco* Fractio Cocco
 „ nuncupatum , frangere , ad hoc ut futurorum inde
 „ auspicia vel fausta , vel infausta desumant : Mulieribus
 „ demum , cum mensibus detinentur , Templi accessu ,
 „ & salutari Poenitentiae Sacramento interdican . Qua-
 „ mobrem Nos animo reputantes quam sit execrandum , Denegatio
ingressus Ec-
clesiæ Mulie-
ribus men-
struagis .
 „ Mulieres , illas , quæ sub Crucis vexillo militant , or-
 „ natas incedere hujusmodi insignibus , quæ aut idolo-
 „ latriam importent , aut de Gentilitatis superstitione

„ suspe-

„ *suspecta sint*, prout dubio procul est memoratum *Taly*,
 „ *neccessario proinde damnatum*: quamque Christifideles
 „ *dedecet*, ritus, cæremoniasque sequi, *vel imitari*,
 „ *ethnicam superstitionem redolentes*, qua certe non
 „ *vacat illa nuptiarum tempore in prædictis Regionibus*
 „ *usitata præfati Cocco diffractio*, quæ idcirco jure & me-
 „ *rito pariter reprobata dignoscitur*; quam denique ju-
 „ *stum sit mensium tempore minime arcere Templis*, &
 „ *salutari Pœnitentiæ Sacramento fideles Mulieres*, quas
 „ *laudabili praxi admittit Ecclesia*, Redemptoris vestigiis
 „ *insistens*, qui sanguinis fluxu loborantem non abiecit:
 „ *Si enim*, ut olim scripsit laudatus S. Gregorius Ma-
 „ *gnus*, *in sanguinis fluxu posita laudabiliter potuit Domi-*
 „ *ni vestimenta tangere*, *cur quæ menstruum sanguinis pa-*
 „ *titur*, *ei non liceat Domini Ecclesiam intrare?*

„ *Hæc inquam reputantes*, ac relatis & minime fe-
 „ *rendis abusibus pro Apostolici muneris ratione reme-*
 „ *dium adhibere quammaxime cupientes*, mandamus,
 „ & virtute sanctæ obedientiæ tenore præsentis nostræ
 „ *Constitutionis perpetuæ legis vim habituræ jubemus*,
 „ *atque districte præcipimus universis Episcopis*, atque
 „ *omnibus*, & *singulis*, tam *Sæcularibus*, quam *Regu-*
 „ *laribus ex quocumque sint Ordine*, *Congregatione*,
 „ *Instituto*, *nominatimque ex Societate etiam Jesu*, in
 „ *Orientalium Indiarum Regnis Madurensi*, *Mayssuren-*
 „ *si*, & *Carnatensi existentibus Apostolicis Missionariis*,
 „ *ut omnia*, & *singula*, quæ in supra insertis Clementis
 „ *Papæ XII. Litteris*, quarum initium *Compertum explo-*
 „ *ratumque*, quas etiam auctoritate nostra, quatenus
 „ *opus sit*, in omnibus & per omnia approbamus, con-
 „ *firmamus*, & *innovamus*, *contenta sunt*, tam quæ
 „ *supradicta capita respiciunt*, quam alia quæcumque
 „ *per easdem Literas præscripta*, & *definita*, ad eorum
 „ *normam*, quæ idem Prædecessor Noster alteris pari-
 „ *ter superius insertis Apostolicis Litteris*, incipientibus
 „ *Concredita nobis*, constituit, & sanxit, non solum ipsi
 „ *pro virili parte integre*, exacte, absolute, inviolabi-
 „ *liter*, perpetuoque observent, atque adimpleant, ve-
 „ *rum etiam*, quantum in ipsis est, ut ab universis Fide-
 „ *libus*, qui eorum curæ sunt *concrediti*, exacte ser-
 „ *ventur*, & *impleantur*, omni studio, ac viribus cu-
 „ *rent*, atque contendant.

„ Deni-

SUPER RITIBUS MALABARICIS. 503

„ Denique eosdem Episcopos , & Missionarios om-
 „ nes rogamus , & obsecramus per Dominum Jesum
 „ Christum , & per charitatem Sancti Spiritus , ut nihil
 „ aliud sapientes , præter id , quod a Nobis , & a Præ-
 „ decessoribus Nostreis constitutum fuit , salutare Dei ,
 „ quod per eorum ministerium Regionum istarum Gen-
 „ tibus missum est , pari zelo ac puritate propagare non
 „ intermittant ; omnique studio dent operam , ut ne-
 „ dum in novellis Christifidelibus veteris hominis vesti-
 „ gia penitus expungantur , deleanturque , verum etiam
 „ quæcumque vel symbola vel imagines , aut figuræ , at-
 „ que omnis demum species mala , ipsaque veluti um-
 „ bra , & odor ethnicæ superstitionis ab ipsis eliminan-
 „ tur ; illud cogitantes , ejusmodi cæremoniis , vanisque
 „ observationibus , quæ Idololatriæ reliquiæ sunt , ea-
 „ rum Gentium animos inextricabilibus , veluti laqueis
 „ irretiri , ac vetustos ali , confirmarique errores , qui-
 „ bus misere detinebantur . Quod si aliquos Regionum
 „ illarum Fideles , veluti parvulos adhuc fluctuantes ,
 „ Paganorum contemptus , contumelias , aut persecu-
 „ tiones , propter Ecclesiæ præceptorum , & Rituum ob-
 „ servantiam , formidare conspexerint ; illud ipsis illu-
 „ stre monitum , quod Sanctus Augustinus Ecclesiæ Do-
 „ ctor in pari argumento reliquit , commemorare , at-
 „ que inculcare non desinant : *Si queritis , unde vincan-*
 „ *tur Pagani , unde illuminentur ;* quodque ad ipsos
 „ Evangelii præcones præcipue dictum esse dignoscitur :
 „ *Si queritis unde ad vitam vocentur , deferite solemnita-*
 „ *tes eorum , deferite nugas ipsorum .*

Adhortatio
 Pontificis ad
 Episcopos , &
 Missionarios

„ Volumus autem atque decernimus , easdem præ-
 „ sentes Litteras , & in eis contenta quæcumque , etiam
 „ ex eo , quod prædicti Missionarii , eorumque Procurato-
 „ res , & alii quicumque in præmissis interesse habentes ,
 „ seu habere quomodolibet prætendentes , cujusvis status ,
 „ gradus , ordinis , præminentiae , & dignitatis existant ,
 „ seu alias specifica , & individua mentione , & expres-
 „ sione digni , illis non consenserint , nec ad ea vocati ,
 „ & auditi , causæque propter quas præsentibus emanave-
 „ rint , sufficienter adductæ , verificatæ , & justificatæ
 „ non fuerint , aut ex alia qualibet , etiam quantumvis
 „ juridica , & privilegiata causa , colore , prætextu , &
 „ capi-

Clausula ef-
 ficaces pro
 omnimoda
 presentium e-
 xecutione .

504 CONSENS. SYN. ET CONST. AP.

„ capite, etiam in corpore juris clauso, etiam enormis,
 „ enormissimæ, & totalis lésionis, nullo unquam tem-
 „ pore de subreptionis, vel obreptionis, aut nullitatis
 „ vitio, seu intentionis Nostræ, vel interesse habentium
 „ consensus, aliove quolibet, etiam quantumvis magno,
 „ & substantiali, ac inexcogitato, & inexcogitabili, in-
 „ dividuamque expressionem requirente defectu notari,
 „ impugnari, infringi, invalidari, retractari, in con-
 „ troversiam vocari, aut ad terminos juris reduci, seu
 „ adversus illas aperiitionis oris, restitutionis in inte-
 „ grum, aliudve quodcumque juris, facti, vel gratiæ
 „ remedium intentari, vel impetrari; sed ipsas præsen-
 „ tes Literas semper firmas, validas, & efficaces existe-
 „ re, & fore, quibuscumque juris, seu facti defectibus,
 „ qui adversus illas, etiam quorumvis a Sede præfata
 „ concessorum Privilegiorum prætextu, ad effectum
 „ impediendi, seu retardandi earum executionem, quo-
 „ vis modo, seu quavis ex causa opponi, seu objici pos-
 „ sent, minime refragantibus, suos plenarios, & inte-
 „ gros effectus fortiri, obtinere, easque propterea, om-
 „ nibus, & singulis quomodolibet allatis, seu afferen-
 „ dis impedimentis penitus, & omnino rejectis, ac ne-
 „ quaquam attentis, ab illis, ad quos spectat, & pro
 „ tempore quandocumque spectabit, inviolabiliter, &
 „ inconcussè observari; sicque, & non aliter in præmis-
 „ sis per quoscumque Judices Ordinarios, & Delegatos,
 „ etiam ejusdem S. R. F. Cardinales, etiam de Latere
 „ Legatos, & præfata Sedis Nuntios, aliosve quoslibet
 „ quacumque præminentia, & potestate fungentes, &
 „ fructuros, sublata eis, & eorum cuilibet quavis aliter
 „ judicandi, & interpretandi facultate, & auctoritate,
 „ judicari, & definiri debere; ac irritum, & inane si se-
 „ cus super his a quoquam quavis auctoritate scienter,
 „ vel ignoranter contigerit attentari.

„ Non obstantibus præmissis, & quatenus opus sit,
 „ nostra, & Cancellariæ Apostolicæ Regula de jure qua-
 „ sita non tollendo, aliisque Apostolicis, ac in Univer-
 „ salibus, Provincialibusque, & Synodalibus Conciliis
 „ editis generalibus, vel specialibus Constitutionibus, &
 „ Ordinationibus; nec non quorumcumque Ordinum,
 „ Congregationum, Institutorum, & Societatum, etiam
 „ Jesu,

Aliter judica-
 ri, & inter-
 pretari prohi-
 betur, cum
 Decreto irri-
 tant.

Ceteris qui
 buscumque
 derogatur.

SUPER RITIBUS MALABARICIS. 305

„ Jesu , & quarumvis Ecclesiarum , & aliis quibuscumque ,
 „ etiam juramento , confirmatione Apostolica , vel qua-
 „ vis firmitate alia roboratis statutis , & consuetudinibus ,
 „ ac præscriptionibus quantumcumque longissimis , &
 „ immemorabilibus , Privilegiis quoque , Indultis , & Li-
 „ teris Apostolicis , Ordinibus , Congregationibus , In-
 „ stitutis , & Societatibus , etiam Jesu , ac Ecclesiis præ-
 „ dictis , aliisque quibuscumque personis , etiam quantum-
 „ vis sublimibus & specialissima mentione dignis , a Sede
 „ prædicta ex quacumque causa , etiam per viam con-
 „ tractus , & remunerationis , sub quibuscumque verbo-
 „ rum tenoribus & formis , ac cum quibuscumque , etiam de-
 „ rogatoriis derogatoriis , aliisque efficacioribus , ef-
 „ ficacissimis , & insolitis clausulis , irritantibusque , &
 „ aliis Decretis , etiam Motu , scientia , & potestatis ple-
 „ nitudine similibus , seu ad quarumcumque Personarum
 „ etiam Imperiali , Regali , aliave qualibet mun-
 „ dana , vel Ecclesiastica dignitate fulgentium instan-
 „ tiam , aut earum contemplatione , seu alias quomo-
 „ dolibet in contrarium præmissorum concessis , editis ,
 „ factis , ac pluries iteratis , ac quantiscumque vicibus
 „ approbatis , confirmatis , & innovatis . Quibus omni-
 „ bus , & singulis , etiam si pro illorum sufficienti dero-
 „ gatione de illis , eorumque totis tenoribus specialis , spe-
 „ cifica , & expressa , & individua , ac de verbo ad verbum ,
 „ non autem per clausulas generales idem importantes ,
 „ mentio , seu quævis alia expressio habenda , aut alia ali-
 „ qua exquisita forma ad hoc servanda foret , tenores hu-
 „ jusmodi , ac si de verbo ad verbum , nihil penitus omis-
 „ so , & forma in illis tradita observata , exprimerentur ,
 „ & infererentur , præsentibus pro plene , & sufficienter
 „ expressis , & insertis habentes , illis alias in suo robore
 „ permansuris , ad præmissorum effectum hac vice dum-
 „ taxat specialiter , & expresse derogamus , & derogatum
 „ esse volumus , cæterisque contrariis quibuscumque .

„ Quia vero difficile foret , Literas hujusmodi ori-
 „ ginales ubique ostendi , & publicari , volumus pariter
 „ & decernimus , illarum transumptis seu exemplis ,
 „ etiam impressis , manu alicujus Notarii publici subscri-
 „ ptis , & sigillo Personæ in Ecclesiastica dignitate con-
 „ stitutæ munitis , eandem prorsus fidem , tam in judicio ,

Fides præ-
 standi tran-
 sumptis .

S s f

„ quam

106 CONSENS. SYN. ET CONST. AP.

„ quam extra illud, ubique locorum haberi, quæ habere-
 „ tur ipsis præsentibus, si forent exhibitæ, vel ostensæ.

Tenor præ-
 sentium inti-
 metur Superi-
 oribus Mis-
 sionariorum,
 qui earum
 executionem
 promittant
 & a Subditis
 exigant.

„ Insuper volumus, & expresse mandamus, ut ead-
 „ dem præsentibus Literæ, seu earum exempla, etiam
 „ impressa, notificentur, & intimentur omnibus, &
 „ singulis memoratorum Missionariorum, cujuscumque
 „ Ordinis, Congregationis, Instituti, & Societatis, etiam
 „ Jesu, Superioribus Generalibus, & Procuratoribus Ge-
 „ neralibus, ad hoc ut tam suo, quam prædictorum eis
 „ respective Subditorum, seu inferiorum nomine, ipsas
 „ Literas fideliter exequi, & observare sponsonis hujus-
 „ modi in scriptis reddant; earum vero exempla prædicta,
 „ præter ea, quæ a Congregatione Ven. Fratrum Nostro-
 „ rum S. R. E. Cardinalium negotiis Propagandæ Fidei
 „ præpositorum, ad Episcopos prædictorum Regnorum,
 „ legitime publicanda, de mandato pariter nostro, trans-
 „ mittentur, iidem Superiores, aut Procuratores Gene-
 „ rales pluribus viis, quanto citius fieri poterit, transmit-
 „ tant ad eosdem suos Subditos, seu Inferiores in Regnis
 „ supradictis degentes, cum arctissimis præceptis easdem
 „ Literas, & in eis contenta quæcumque plenarie, & in-
 „ tegre, ac vere, realiter, & cum effectu in omnibus &
 „ per omnia similiter exequendi, & observandi.

Earumque
 exempla ad
 illos trans-
 mittant cum
 opportunis
 præceptis.

Ipsæque præ-
 sentes semel
 publicatæ om-
 nes afficiant.

„ Et nihilominus, quocumque modo earundem
 „ præsentium exempla in prædictis Regnis legitime pu-
 „ blicata fuerint, & promulgata, volumus, ut statim
 „ post hujusmodi publicationem, omnes, & singulos.
 „ quos concernunt, seu concernent in futurum, pe-
 „ rinde afficiat, ac si unicuique illorum personaliter in-
 „ timatæ, & notificatæ fuissent.

Sanctio pec-
 nalis.

„ Nulli ergo omnino *Hominum* liceat paginam hanc
 „ nostrarum approbationis, confirmationis, innovationis,
 „ declarationum, decretorum, præceptorum, mandati,
 „ statuti, & voluntatis infringere, vel ei ausu temerario
 „ contraire. Si quis autem hoc attentare præsumpserit,
 „ indignationem Omnipotentis Dei, ac Beatorum Petri,
 „ & Pauli Apostolorum ejus se noverit incursum.

Dat. Pontifi-
 catus Ann. V.
 die 12. Se-
 ptembris. 1744.

„ Datum Romæ apud S. Mariam Majorem Anno
 „ Incarnationis Dominicæ Millesimo septingentesimo
 „ quadragesimo quarto, pridie Idus Septembris, Pon-
 „ tificatus Nostri Anno Quinto. D. Card. Passioneus.

At-

SUPER RITIBUS MALABARICIS. 507

Atque hæcenus SS. D. N. BENEDICTI PAPÆ XIV. Constitutio, super ritibus Malabaricis; qua quidem, optime consultum iri Ecclesiis illis, atque Missionibus, dum aliorum ipse Pontificum Sanctiones diligentissime introspiciendo meliora vidit, probavitque, nemo sane mentis inficias iverit. Nec ullus relinquitur dubitandi locus, quin cuncti, quibus illarum gentium instituendarum munus commissum est, suas partes sint adimpleturi; & quam maxime si, Serenissimorum Regum, quos Deus Custodes, atque Protectores constituit Ecclesiæ, officia, ac exhortationes acceperint; quod quidem serio & efficacissime præstitisse Lusitanum Regem compertum est.

Inde autem maxima spes affulget, fore ut omnes Orientalium regionum Missionarios huic Constitutioni prompte alacriterque morem gerant; quod nimirum ut in ipsa Constitutione exprimitur §. *His ita constitutis* omnes Missionarii etiam ii qui pridem Card. Tournonii Decreto parere detrectaverant, fide jam data, Sacramento etiam interposito, exactam integram absolutamque observantiam literarum quæ incipiunt; *Compertum exploratumque; & Concredita Nobis*, plenissime promiserint; permissiones etiam quas vocant Patriarcha Alexandrini, procul rejecerint. Et quantumvis aliorum religiosorum Coetuum Personæ, exempla a Sum. Pont. exacta, observantiæ Decretorum, ac propria manu subscripta, suis Superioribus Generalibus transmiserint, mihi tantum videre licuit, quæ a PP. Soc. Jesu transmissa sunt, & signanter ab existentibus Macai, Pekini, Su Cheu; ad oram Piscariæ in Malabarica, Meliaporis, in Madurey, in Regno Marravense in Cochinchina, in Regno Siamense & paucis aliis Malabaricæ & Sinarum partibus, una cum Epistola P. Cajetani Barreto Provincialis Malabaricæ, data Talæ 13 Augusti 1741. ad Reverendissimum P. Generalem cum qua transmittit illi, reliquas juramentorum formulas, quæ anno elapso ob locorum distantiam habere non potuerat, vel quia Missionariorum aliquos, Maratarum manus aufugientes, Silvæ tenebant.

Dum hæc ageremus atque ad finem properaret oratio, id certissimo testimonio comperimus, circumferri nempe inter Lemures, Onoscelios, aliosque malos genios, quos Orbis hujus literarii specus subterraneæ, identidem in lucem profuerunt, scriptamunculam obscuro atque anonymo auctore, Idiomate Gallico exaratam, quæ hunc præferebat titulum: *Lettre* Edita est hæc *sur la Bulle: Omnium sollicitudinum*: in qua casso labore evincere contendit auctor, Sum. Pontificem, in illa Constitutione, inter se pugnantiæ statuere. Primo quia, omnino præpostere decernit, ac temere, & nulla consequentia, quod Missionarii inobedientes, qui infra tempus præfinitum, jussa non impleverint, in Europam revertantur, ut uberiores fru-

S s f 2

ctus

Epistola 25.
Martii 1743.

108 CONSENS. SYN. ET CONST. A. P.

Atus Missionum reportent, uti Pontifex sperat: qui autem fieri potest, ut ab hominibus refractariis & cerebrosis, aliquid bonæ frugis, aliter quam imprudentissime sperari possit? Id enim sibi repugnat. Secundo, eo quod dum eradicare intendit ab earum gentium animis, stultam opinionem, quod nempe nobilitate cadant, ex Parrearum attactu, simul designat Parreis peculiare Missionarios. Quo tamen quid repugnantius excogitari potest? Ista enim sanctione potius ampliusque sibi persuadebunt Nobiles illi, se Biruma sotos Deo, dum eorum separationem, ab ignobilissimis Parreis, Missionarii approbant, atque fovent. Hæc summam.

Quoniam tamen nobis, nec otium nec opportunitas est, ista pro dignitate tractandi, hanc spatham aliis relinquimus; interim tamen, ne nihil reponamus, ejusmodi hominibus, quibus a Republica Literaria optime constituta, jure merito usus calami interdicens erat; ratiunculas illas, *strictim* tamen, expendimus. Nec memorandum a nobis est, eas præferre illam prærancidam cantionem de Bullomachia, inter morologos omnes solennissimam; nec enim novum hoc ingenii ostentum, aliquid novi affert.

Igitur Constitutio illa BENEDICTI XIV fel. reg. sibi per omnia constat, sibi in omnibus similis quaquaversum probatur: pugnantia nulla habet; variationes nullas sustinet, circa dogmata; sed depositum Fidei illibatum Sum. Pontifex custodit, ac profert: quoad Disciplinam vero, etsi variationem aliquam induceret, id vitio dari non posset, Dispensatori Economico, & prudenti Ecclesiæ; enim vero discrimen hoc, inter Dogmata & Disciplinam, Christus ipse, Ecclesiæ suæ Conditor atque Institutor, exacte observandum Petro, suo Vicario, & Successoribus proposuerat, vario illo sehemate, quo Ecclesiæ, ejusque regimen, adumbravit; Ecclesiæ enim fidem ejusque dogmata, in modum munitissimi & immobilis ædificii, fundata esse declaravit: *Super hanc petram ædificabo Ecclesiam meam*: id est nulli varietati, aut novæ alterius hominis legis mobilitati obnoxia; contra, cum Ecclesiæ ejusdem moderamina Petro commisit, paradigmata duplicis rei ob oculos posuit, quarum usus atque ministerium, sola mobilitate atque vertibilitate recte constare potest; commisit enim illi *Naviculam* quæ hac & illac, per diversa, immo & contraria itinera, eadem perseverans, modo remis, modo carbaso, it reditque, metitur etiam viam, quam postea, vi contrarii ventus forte remetitur; tradidit etiam illi *claves*, quæ nisi quaquaversum rotentur, atque circumagantur, claudendi, vel recludendi facultas, cui destinata sunt omnino torpet; obtulit ergo Summo Pastori, mobiles regiminis claves, non clavos, qui semel infixi, ægre admodum res-

refiguntur. Tamen nec in ea ipsa quam diximus disciplina, varium se se exhibuisse, Sum. Pontificem nisi per summam injuriam, asseverari valet.

Quod igitur in Europam revocet Missionarios rebelles & refractarios spe fructus uberioris, falsissimum est; id enim tantum agit piissimus Pontifex, Christi exemplo; relinquit nempe illas arbores, alio & alio anno *expectans fructum ex illis*; quia tamen spes illa frustrari posset, primo *quia adhibita non fuerunt omnes diligentia*; secundo, *vel quia adhibita, frustra cessissent*: vel tandem quacumque ex causis su-
 pradiotis mandata, *impleta non fuerint, sive id ex eorum facto, omissione, aut prava interpretatione evenierit*: tunc, Missionarios illos, in Europam revocat, uberiores fructus in ea relatu-
 ros. Cum ergo plures ibi Pontifex, causas memoret, ob quas Missionarii expectatum fructum fortasse non ferent; quarum aliqua, citra ipsorum culpam evenire possunt, de iis tantum accommodata distributione facta, intelligi debet Constitutio, ut expresse habetur *pag. 500. Nulla licet ipsorum culpa, vel omissione*: non vero de refractariis, qui data opera rebelles extiterint: in hoc autem nec levissima umbra incohærentiæ apparet, immo benignitas splendet Summi Pastoris, ac Patris, qui ut certum sibi persuadet, nullum ex evocandis, sua culpa, fructu vacuum redditurum esse. Quamquam ut verum fateamur, nescimus quare, vel a refractariis, aliquid divina inspirante gratia boni sperari non possit, cum etiam ipsi, mutabilitati, ac varietati obnoxii sint. Immo prudentissime Sum. Pontifex, ex ipsa loci mutatione, animorum quoque mutationem sibi pollicetur; in Europam enim revertentes, æmulationis æstus quo apud Indos, refractarii illi agitabantur, posito jam fomite, detumescet; regulari insuper disciplinæ, propriis etiam Moderatoribus subjacebunt, qui eosdem qua monitionibus, qua punctionibus, si opus erit, aut errantes corrident, aut cadentes erigent. In Europam tandem redeunt, Summi Pastoris & benignitatem, & æquitatem e proximo intuebuntur, cujus vel amore vel timore ducti, licentiosum illud agendi modum, sensim deponent. Neque gratis asserimus, ac speramus non modo Missionarios illos, sed etiam perfugas apud Batavos &c. in meliorem mentem reditros, si iis tribus gauderent; nimirum nativo Cælo, proprio Magistratu, & Summi Pontificis umbra.

Quod vero secundo loco intendebat auctor libelli circa Parreas, nullam item inconsequentiam involvit, cum separatio illa a Nobilibus, & deputatio particularis Ministri pro solis Parreis, ibi non præcipiatur, sed mere toleratur ad tempus præfinitum; immo ex hoc facile animadvertere poterunt Nobiles, ejusmodi separationem vanam esse; quam non

Vide §. Dein-
 de supra
 pag. 499.
 Vid. superius
 pag. 500. & 501.
 quamquam.

men-

§10 CONSENS. SYN. ET CONST. AP.

nisi molestissime, & omnino repugnantes vix autne vix quidem, etiam ad breve tempus tolerant, & permittunt, Papa & Missionarii. Ut autem penitus pateat, maxima cum circumspectione id disposuisse Pontificem, nec aliquo pacto a Missionariis circumventum (quod impudenter diceretur) satis erit ostendere, non aliud nec aliter in casu de quo agitur, rem componere tentasse, homines ab studio partium alienissimos; tum & precipue eo tempore, quo contentiones & controversæ de iis rebus, nondum emerferant. Hoc autem a seculo cum dimidio, Patres Concilii Diamperitani, jam statuerant, & quidem homines Syri, qui ea separatione nullum sibi lucrum temporale poterant polliceri; immo laxiori forma hæc omnia præscriperant: etenim *Act. 8. Decr. 36.* ut sup. pag. 245. hanc rem discutientes decreverunt, quod cum aliqui ex Parreis ad fidem accesserit: *ipsis separatam Ecclesiam & particularem Ministerium Sacramentorum, assignet.* (Præsul) & quod majus est: *Quamdiu vero* (ajunt) *pecaliare pro illis Templum non extruatur, Sacro e porticibus* (Ecclesiarum) *assistant.* Nec præfinitum ad id quinque vel decem annorum tempus præfiniunt ut Papa; sed longum, & indefinitum; *Quousque ab Etbuicis Regibus, movente Deo eorum corda non impetretur;* & *Lusitanum: Atque quo noster Senhor proveja con algum milhor tallo* id est: Quosque Deus aliter non disponat. Porro non adeo laxo modo se gerit Pontifex; tempus enim præfinit, terminum dispensationis, & tolerantie imponit, atque ulterioris tolerantie spem omnino tollit; quodque majus est: non deputat Papa, pro solis Parreis, Missionarios illos (ut decreverat Synodus) ita ut illos a Nobilibus abstrahat, sed mere commendat, ut supra pag. 498. & 499. quod, *pro temporum circumstantiis, pecaliariter, & precipue, Parreis convertendis dent operam.* Vox autem ea: *Præcipue;* Græce *μάλιστα*, quæ idem est ac; *Aut alia*, innuit; ipsis commendatos esse Parreas primum; secundo autem loco, Nobiles. Nihil ergo inconsequens, nihil absurdum, nihil inconcinnum, quoad illa duo, in laudata Constitutione, Summi Pontificis accuratissima sollicitudo disposuit. Nec aliam præposteræ interpretationis suæ auctor libelli excusationem, ejusve alucinationis rationem, obtendere poterit, quæ pugnantia tot atque repugnantia in laudata Constitutione reperit; præter hanc tripartitam; vel quod ipse re vera pugnantia, dum eam percurrebat intra cerebrum suum habuerit; vel quod dormitando & desultorie legerit; vel tandem quod cum de gentibus Orientalibus ageret Constitutio, ex præjudicata opinione putaverit, eam ut illis altius imprimeretur, exaratam esse Idiomate Tamulico, aut Pampamganico; aliter si latino scriptam esse novisset, a conscribendis hujusmodi ineptiis plane temperasset.

SYL-

SYLLABUS

Vocum exoticarum ex Hebraico, Syriaco, Græco, Arabico, Malabarico, & Lusitano.

Alfandega est vox Arabica, derivata a Græco *αλφάνδιον*, quod est diversorium sive taberna meritoria; Italice *Albergo*; Hispanice *Meson*. Lusitani vero Malabareses, pro Telonio vulgo *Dogana* eam usurpasse videtur.

Algorismus est vox ex Arabico derivata, & significat supputationis certam formam, ex Algebra regulis desumptam.

Amolcos, seu Amolci, & Amouchi vocantur Ethnici illi Malabareses, qui ex privilegio Imperatoris Xaran Perumal, in tutamen, & defensionem Christianorum S. Thomæ jurejurando interposito, sese adscribunt; quod officii genus plerumque a Patribus in filios derivatur; ita fit ut nulla Christianorum extet Ecclesia, pagus nullus, qui ejusmodi Amolcos non habeat, qui adversus quoscumque etiam Reges, Christianorum immunitates tectas factasque conservent ab omni injuria. Quam si illis irrogari aliquando contingat a Rege, autam ipsius primo adeunt Amolci, atque in detestationem illatæ injuriæ brachia, crura aliasque suorum corporum partes, propriis cultris scindunt, atque suum profundentes sanguinem, idem cum illis se facturos testantur, qui Christianis fuere injurii, nisi resipiscant & iis satisfactio exhi-

beatur condigna; quod si secus fiat regiam invadunt & quoscumque obvios etiam Regem trucidant. Vide plura apud Vinc. Mar. a S. Catharina *Lib. 2. cap. 5. pag. 154. & seq.*

Bazar vox est Arabica, quæ significat Forum: Italice *Fiera*, aut *Stercato* Malabareses vero pro pago, & oppidulo eam accipiunt.

Cassanar vox est Syro-Malabarica, ex *Cassa* Presbyter, & *Nar*, sive *Nair* nobilis, aut honestus Vir, quasi Nobilis Presbyter.

Culture vocatur a Christianis Sancti Thomæ genus quoddam pacificæ salutationis, quod est tanquam tessera Christianæ communionis; cujus ritus is est, ut sibi invicem pacem apprecantes in Ecclesia constituti, aut Choro, manus apprehendant, & vel indicem deosculent, aut ab exhibente *Culture* benedictionem accipiant. Vide hic *pag. 184.*

Chammaz aut Chammas est vox Syriaca, & sonat *Ministrum* sacrum, seu *Diaconum*, ex Syriaco enim Sciameso, fit *Sciamma-sein*, vel *Sciammaz* Diaconus. In Hebraico etiam ejusdem ferme est significationis *שׂוֹמֵר שְׁמוֹ* *Sciammase* enim significat Ministrum Scholæ, seu Sinagogæ qui varia ibi munera exercet, lecturo enim libros præparat, atque porrigit, lychnos accendit &c. Vid. *pag. 42.*
Cha-

Charinarias, vox infima Lusitana atque obsoleta, cuius certam significationem frustra quaesivimus; derivari tamen apparet a *Chatim*, quod Mercatorum genus, sordidorum tamen forte significat. Fortassis etiam radicem agnoscit Malabaricam: *Cetti* enim Mercatorem scruta resque viles vendentem significat; cui tamen desinentia in *las* ex Lusitano Idiomate accessit, quæ Malabarico Idiomatici non convenit.

Chatta quæ etiam dicitur *Ceruta* est vox Malabarica, qua significatur convivium quod sit pro Defunctis dum pro illis iusta fiunt; de quo vide Mar. a S. Cathar. lib. 2. cap. 6. & hic pag. 226. Vox autem *Chatta* Idiomate Malabarico, aliquid dulce, aut Sacharo conditum ad esum spectans denotat, unde translate de convivio pro mortuis usurpata esse videtur. Legimus etiam in Canonibus Joannis Patriarchæ Nestorianorum Can. 3. nominari *Xatham* farinam subactam in panis consecrandi usum: *Qui Xatham miscet Sacerdotes sint, aut Diaconi*, id est qui farinam aqua subigunt, oleum, ac salem pro Nestorianorum more immiscentes, ut ex ea fiat panis consecrandus.

Caliconu: vide *Taliconu* cuius significato hæc vox omnino convenit, præterquam quod *Cali* Malabarice significat Juveniculum, & *Kannu* quamdam formam gibbosam instar boleti; unde *Kalikunnu* idem est ac invenculus gibbosus, & curvus, cuius figura aliquod Idolum Malabarenfes designabant.

Caloete vox est Indico-Malabarica

& significat patibulum, palo terre infixio, quo a postica ad ventrem facinorosi transfiguntur.

Capiar significat infimos Templi Ministros sordibus everrendis aliisque huiusmodi muneribus addictos. Vide hic pag. 230.

Cruzados vox Lusitana qua significatur species monetæ, ponderans aut æquivalens quinque Paulis Romanis & sex bajocis, seu obolis. vide hic pag. 199.

Empolleare est ab aliquo Pollea, aut Parrea, attactu contaminari; ex adverso; *Desempolleare* est ab ejusmodi immunditia, sive lavacris, sive alio modo purgari.

Fanon est vox Malabarico-Lusitana; Idioma enim Malabaricum caret litera F. Unde derivari videtur a voce *Pannam*, qua significatur genus parvæ monetæ argenteæ; quarum septuaginta, plus minusve, æquivalent nummo aureo Veneto; aut juxta alios Regali Hispano. Vide hic p. 161.

Iti vox Malabarica quæ officii causa nomini proprio nobilium præponitur, & æquivalet Gallico *Monsieur*, & Hispano *Don*.

Juncon vestigal, aut multa genus, quo Reges Malabarici subditos aliquando gravant.

Lascars dicuntur Mercatores sive mercimonium exercentes.

Mapula est vox Malabarica, & valet idem, ac honestus; gravis aut nobilis. Vide Joseph a S. Maria *Isiner*. 2. in *Ind.* pag. 107.

Mar est vox Syriaca, quæ honoris gratia, proprio nomini præponi solet, & respondet Hispanorum *Don*, & Itatorum *Signore*; quo nomine præter cælitæ, donantur etiam Præsules, & Episcopi apud Syros.

Metec-

Meteran & Meteranes ab Indis Episcopi vocantur; quæ vox videtur, Lusitano-Malabarica, a voce Malabarica *Medran*, & in plurale *Medranmar*, qua designantur Episcopi. Etiam reperitur Malabaricum *Melitaran*, quod significat modum, rectitudinem, classim & ordinem superiorem, quod quidem Episcopis convenit. Potest etiam esse vox Arabica *Metran*, quam habent Arabes a Græca *Metropolita*.

Mononoibo idem est ac *Munnanonba*, vel *Munnanonna*, & significat *triduanum jejunium*, quod apud Malabaricos, alio nomine *Jone jejunium* appellatur; componitur enim ex *Munna*, qui est numerus ternarius & ex *Nojerva*, quod est jejunium; Lusitana autem corrupta voce dicebatur *Mononoibo*.

Nair est excellentior post Bracmanes conditio, ac status hominum, qua voce Nobiles significantur; quæ vox derivata videtur a radice Hebraica נזיר *Nazir* & *Nazar* unde ab aliis *separari*, *distingui speciali munere sive characterere*, *Dignitate*, *voto*, *ant Religione*. Plura de Nairibus habet *Vinea Mars* 28. *Cathar. lib. 3. cap. 10.* Vide *notæ Syn. Histor. pag. 51.*

Note est leguminis sicci genus apud Malabaricos usitatum.

Nercha vox Malabarica est, & significat sponsonem, seu votum parandi fidelibus in Ecclesia convivium, vel etiam convivium ipsum: quo pacto instruatur in solennitatibus Ecclesiæ & in Nuptiis vide hic *pag. 226.*

Olla est Diploma, seu scriptura, ubi loco cartæ in palmæ foliis

stylo, aut potius celte inscribuntur literæ, apud Malabareses, cujus specimen in Bibliotheca nostra Angelica Urbis asservatur. Vide hic *pag. 40.*

Ona est vox qua Ethnici Malabariæ quoddam festum in honorem Dei Visnu celebratum significant. Vide hic *pag. 251.*

Orraca liquor est inter poculenta celebris apud Malabares spiritui vini persimilis, qui non secus, ac istud temulentiam inducit. Dicitur etiam *Arrach*, atque medio stillatorio igne elicitur ex succo Nucis Indicæ aut *Cocco*. Vide hic *pag. 261.*

Pagode duplicem sortitur significationem; primo enim denotat Idolorum Templum, seu Fanum; deinde Idola ipsa.

Pardaos est vox Lusitana in Malabariam a Lusitanis primo appulsu inductam, qua vilissimum monetæ genus significatur. Vide hic *pag. 161.*

Panicales vocantur a Malabarënsibus Lanistæ, seu illi qui armorum tractandorum arti, aut studio præsumunt; etenim vox Malabarica *Pannikken* significat Magistrum, seu Instructorem luctæ, Militem etiam Regium, & Præfectum operis, seuInspectorem; cum vero luctæ Magistrum significat, potissimum scribitur *Pannikkara*, e qua voce deductum est *Panical*. Isti Panicales qui frequenter ultra novem milia Discipulorum enumerant, maximo in pretio habentur, adeo ut nobiles cuncti, suos Panicales, honore Regibus digno, prosequantur, atque ad eorum nutum arma capestant; qua de causa etiam ipsis Regibus, sunt

T t t

quan-

514 SYLLABUS VOCUM EXOTICARUM.

quandoque terrori. Vid. Gouv.
Itin. Menes. fol. 28. col. 2. & 3.

Parisman, ita appellatur atque inscribitur Liber, qui Nestorianis Malabarensibus erat in usu veneficii refertus; alias *Medicina Persica*. Et quamquam non sit vox Malabarica, ut videtur, analogicam tamen Malabaricam radicem fortiri potuisset, ex radicali *Pavvi* & *Man*; unde fit *Pavviman*, vel *Parriman*; quod idem valet, ac *Cervus vindicans mortem*; aut etiam *Parrizman*, quod *defensionem*, seu *Scutum* significat.

Polleas, Pulias, aut Parreas est ignobilium hominum genus, qua voce ceteræ abjectæ stirpes significantur; V. G. qui terram sarrunt, palmeta excolunt &c. De quo vide Vinc. Mar. a S. Cathar. *lib. 3. cap. 13.*

Sumbaya est obsequii forma qua Ethnici Malabareses Deos colunt, atque Præceptores, seu Magistros, præcipue juvenes ludum literarium ingredientes. Vide hic *pag. 92. & Vinc. Mar. a S. Cathar. lib. 3. cap. 20.*

Taliconu dupliciter scribitur Malabarice *Tallikkunnu* quod est *Verberandum tradere*; aut alio modo, *Ore aspergere*. Si vero non verbum, sed nomen substantivum sit (quod tamen in fine exi-

gebat literam, *M.*) *Taliconu* erit nomen compositum ex *Tali*, & *Kunnu*. *Tali* autem est genus quodam Idoli præsertim aurei, de quo jactant nuptiis præesse, atque amorem conciliare; ac propterea illud instar unionis e collo appensum gestant uxorate femine. *Kunnu* est figura, quædam, ad instar Boleti, seu fungi boletici; quæ exprimit & denominationem indit, ipsi figuræ supradicti Idoli; & hoc modo, *Talikkunnu*, est quodam Idolum veluti Boletus parvus, vel parva figura gibbosa, ad modum unionis e collo mulierum uxoratarum appensa.

Tarega vox Lusitana antiqua, cujus significatio obscura est; ea tamen exprimi videtur qui negotiationi, atque contractibus dat operam; aut qui vadimonium pro aliquo gerit.

Toliconum, Alliconum, Belliconum, & Conun; vide voces *Taliconu* & *Caliconu*; ex autem omnes, aliquam Idoli figuram gibberosam significare videntur.

Tones genus est Cymbæ a nostris prorsus absumile, remos quippe tantum habet binos, non ad latera sed unum in puppi in prora alterum, constat etiam carbaso ut ceteri Lembi; nec Malabarice invenitur nisi in numero plurali.

INDEX

INDEX

RERUM TOTIUS OPERIS

IN QVO

*Arabicus numerus Paginam , Romanus Paragraphum ,
Alphabeti vero literæ notas designant .*

A

A Bdia Babylonici Historia certaminis Apostolici . 346. XIII.
Ante ipsius ætatem falso plura de Apostolis circumferebantur . 347. XIV.

Abortus ejusque causa 227. a.

Abstinencia à carnibus die Sabbati . 229. CCXV. a.

Adam . Omnes ejus peccato nascimur iræ filii . 77. XXV. Baptismate deletur . *ibid.*

Addæus , sive Thaddæus S. Thomæ Discipulus . 423. CXX.

Adoptio ab iis , qui filios naturales habent , fieri prohibetur 263. CCLXII. Quibus conditionibus admittenda ab Episcopo . 264. CCLXIII.

Adulti . Quid in eos agendum cum ad Christianam Religionem accedunt . 125. LXXXV.

Ahatalla , sive Theodorus ad Christianos Indos missus a Patriarcha Coptorum . 441. & 442.

Alexander de Campo Indus Episcopus Megarensis . 443.

Alburquerque . Vide Joannes Aliares Petrus . 385. LXVI.

Ambrosius de Montecæli Ordinis Prædicatorum suffraganeus designatus Mar. Josephi II. 437.

America antiquis non ignota . 345. e.
Angli , & Batavi Missionarios suos in Indiam mittunt , sed parum feliciter . 430. CXXVI.

Anima hominis non ex traduce ; sed Deus eam creat , & homini infunditur . 77. XXV. Bonum Animæ , qui post Baptismum nullius Criminis rei , vel poenitentiam egerunt integra satisfactione , statim Deo fruuntur . *ibidem* . XXVI.

Animarum transmigrationem incepte putabant Malabarenses . 84. XXXVII.

Animarum cura etiam per Vicarios amobibiles exerceri potest . 218. CCII. a.

Antiochenus Patriarcha , Indiarum Christianis Episcopos designabat , eosque externos . 245.

Aqua vino mixta in Sacrificio Eucharistiæ , quid significet . 136. XCVII.

Aqua lustralis , sive benedicta , ejusque effectus . 230. CCXVIII. b.

Aras non rite consecrabant Episcopi Babyloniei Malabarenses , eas per Ecclesiam septies circumfrendo . 41. IV.

Aræ humo traditæ pro servanda , fidelium eleemosyna in qualibet Ecclesia . 57. III.

Archidiaconatus unica dignitas in
T t t 2 Ec-

516 INDEX RERUM.

Ecclesia Angamallensis, quam, qui suscipiebat, nonnisi Episcopi, Cleri, & Populi suffragiis eligebatur. 19. a.
 Asmedeus, sive Smidæus, sive Sagamus Rex Indorum. 361.
 Assemanus, Custos Vaticanæ Bibliothecæ. Vide notas, in quibus laudibus extollitur sapissime.
 Auspicia observari prohibetur. 188.
 CLXVII. a. & 214. CXCVII. a. b.
 Aures perforare nemo debet mulierum more.

B

Baptismatis Sacramentum. 115. LXXI. Eo renascimur filii gratiæ. 116. Ejus forma. Minister hujusque intentio. Baptismatis vis, & effectus. *ibid.* & 121. LXXVIII.
 Baptismatum genera. *ibid.* b.
 Baptismi tempus protrahabatur juxta Babyloniorum morem, non vero Nestorianorum. 120. b.
 Baptismi Minister apud Nestorianos solus Presbyter. 121.
 Baptismatis forma cum conditione proferenda. 122. LXXIX. a.
 Baptizandi omnes indiscriminatim. 130. XC.
 Baptismus prius masculino, postea feminae conferendas, nisi aliter necessitas moneat. 130. a.
 Baptismus quomodo in Belgio ab hæreticis confertur. 174. b.
 Baptizandis imponenda sunt Sanctorum nomina in Martyrologio Romano descripta. 460.
 Bartoldo P. Carolus Michal, Missionarius ad Sinas. 459. Vide Bouchet.
 Batavi Coulanum, Cranganorem, & Cochinum obsident. 441.

Beguardorum error. 86. a.
 Bohemenus-Justus Henningius, & Petrus Giamone perperam sæcularium litium cognitionem ab Episcopis auferre tentant. 62. a.
 Beliantes primus Christianorum. S. Thomæ Rex eligitur. 4. a.
 Benedictus P. Petrus laudatur. 137. a.
 Bohemerus-Justus Henningius reprehenditur. 62. a.
 Bouchet. P. Venantius Missionarius apud Sinas. 459. Eo audito cum P. Bartoldo oretenus & in scriptis, Emi Card. Tournonius Decretum edidit de Ritibus Sinesibus. 460.
 Britto Stephanus Soc. Jesu. 439.

C

C Adamustus Aloysius Venetus. 385. LXV.
 Cæremoniæ nuptiales apud Sinas superstitionibus refertæ omnino prohibentur. 461.
 Calices ex qua materia ad usum Sacrificii. 158. Ex qua materia apud veteres. *ibid.* a.
 Calliana Sedes Archiepiscopalis. 424. CXXI. Etiam Metropolitica ea fuit. *ibid.* CXXII.
 Caloete-Instrumentum ad reorum supplicium. 33. 9. V.
 Camballe, sive Cambalu Civitas. 343. & 344. X.
 Characteris in Sacramentis vocabulum prifeis Patribus incomperum. 412. CV.
 Cassanarii alique Christiani Indi erubescunt fidei professionem, emittere coram Lusitanis. 47. I.
 Cassanarius unus duabus Ecclesiis non præficiendus. 218. CCII. b. c.
 Castitas, & Continentia perpetuo fer-

- servanda ab iis, qui Sacros Ordines suscipiunt . 181. , & 192. CLXXIV. a.
- Catalani. Josephus Presbyter V.Cl. laudatur . 382. LXII.
- Catatiaræ quæ fuerint, & honos, quem Synodus ipsis decrevit . 195. CLXXVII. a.
- Causas Matrimoniales Ecclesia sola cognoscere potest . 212. CXCIV. a.
- Chaldæorum Baptisma . 118. a.
- Christiani Indi capta Meliapore, & sæviante in eos persecutione, plures petunt Regiones, ubi tutius vivant . III.
- Christiani Indi peculiaribus legibus a ceteris subditis suorum Regum vivebant . 41. III. Solis Episcopis subdebantur. *ibid.*
- Christianorum Malabarensium plurima privilegia . 3. III.
- Christianus omnis quæ scire debeat . 417. CXIII. b.
- Cinerum ex vaccæ ærecore usus prohibetur . 464.
- Cinere benedictio. 228. CCXIV. a.
- Circumstantiæ in confessione manifestandæ . 62. CXXX.
- Citei, sive Citizi, qui, & unde . 349. XVIII.
- Clerici Sæcularia negocia suscipere non debent, nec mercaturam exercere. 190. CLXXI. 191. Nec Principum stipendiis militare. *ibid.*
- Clericorum vestes, earumque usus. 190.
- Clericis in Sacris constitutis prohibetur uxorem ducere . 194. CLXXV.
- Cochimensis Regio duplex. a. I.
- Cochimensis Rex in partem bonorum Christianorum esse tentat tamquam unus ex defuncti filiis. 46. VIII. Ab hoc tributo libertatem habere curant Christiani clientela Regis Lusitani. *ibid.*
- Cognitionis impedimentum quoniam possint solvere . 209. CXCI.
- Quando id fiat ex Ecclesiæ benignitate . *ibid.* a.
- Christiana Religio apud Indos ante Nestorium 380.
- Colubri Cucullati præsentissimum virus. Ejus generis tres species . 20. 21. a.
- Confessionis præceptum subest quoties in vitæ discrimine quisquam est constitutus . 168. CXLI.
- Confessio non omittenda semel in anno absque peccato ab iis, qui rationis usu non carent . 164. CXXXVII. Præceptum Ecclesiæ est, quod innititur Divino mandato. 165. Ut præcepto huic satisfiat, quid præstare debeant Ecclesiarum Vicarii 166. CXXXVIII. Cetera vide Pœnitentiæ Sacramentum.
- Confirmationis Sacramentum a Christo D. institutum . Confert gratiam . 131. XCIII. Aliud a Baptismo *ibid.* a. Ejus materia. Forma. Minister. Sola manuum impositione ab Apostolis conferebatur . 132. Illud ignorabant Nestoriani . 133. a. Qua ætate suscipiendum . *ibid.* XCIV.
- Concubinam habentes a communicatione arcendi . 256. CCLII. a.
- Confessus in Synodo . 67. III.
- Continentia Ecclesiasticorum a primis Ecclesiæ seculis . 408. c.
- Contritio perfecta non est sine confessionis proposito. 162. CXXXV. Cetera vide Pœnitentiæ Sacramentum.
- Contactus ignobilium apud Malabares quomodo servandus . 249. CCXLII. Vide appositam notam *ibid.* a.

Con-

318 INDEX RERUM.

Conventio Christianorum S. Thomæ . 446.

Convocatio ad Synodum 40. II.

Conversio Infidelium ad fidem omnibus modis curari debet . 343. CCXXXV.

Casmas Indico-pleustes primus Christianorum Indorum meminit . 381.

Corporum resurrectio novissima, Judicii die : & quomodo . 78. XXVIII.

Coulam quo anno condita . 5. 4.

Coulam Civitas fundata anno 825. ex Vischerio . 435.

Cranganoris Rex cum Menessio alloquitur de intermisso bello . 38. VI.

Crozzus reprehenditur . 90. 4. 120. 4. Vide dissertationem IV.

Cruz marmorea S. Thomæ . 223. 4.

Custodia in homines Angelorum . 80. XXXII.

S. Cyrillus Alexandrinus perperam impetitus a Nestorianis , & a recenti scriptore . 106. 4.

D

Defunctorum cadavera quomodo telluri tradenda , & qua Christiana charitate . 242. CCXXXII. & seq.

Denunciationes Matrimonio præmittendæ in Ecclesia . 205. CLXXXVI.

Desipere , sed leviter , quando liceat . 422. CXIX.

Diaconissæ Orientalis Ecclesiæ , earumque munus . 409.

Dialecticæ utilitas , & usus opportunus . 413. CVI. Ejus Olores . 414. 4.

Didacus ab Annunciatione . Archiepiscopus Cranganorensis . 445.

Dimissoria . 155.

Doctrina Christiana omnes , & præsertim pueri instruendi . 23. CCXVIII.

Dotis decima assignatur Ecclesiæ a Malabaricis . 258. CCLV.

E

Ecclesiarum Christianorum, S. Thomæ Topographica notitia . 428.

Ecclesiarum nitor , mundities , ornamentum , cultus , & cura . 239. CCXXVIII. & seqq.

Ecclesiastici a primævis Ecclesiæ temporibus Judicium ferebant de negotiis sæcularium . 62. 4.

Electi quidam ex honestioribus , qui jus dicerent juxta patrias Indorum Malabarensium leges . 54. IV.

Episcopi apud Indos supremam tenent in Christianos auctoritatem , excepta pœna capitis . 431. CXXVII.

Episcopi judices Christianorum tam in rebus Ecclesiæ , quam sæculi . 258. CCLVI. 4.

Epistola Caii Sum. Pontif. supposititia . 26. II.

Epistola Dominica supposititia . 26. 4.

Epistola Episcopi de Cochim , ad Synodum . 276.

Epocha Malabarensium a fundatione Urbis Coulam . 4. IV.

Eucharistiæ Sacramentum . Dignitate primam inter cetera . Jesu Christi in eo præsentia . Ab eo fuit institutum . Memoria Passionis ejus . Materia . 136. XCVII. Ejus forma sunt verba Christi . Minister . Effectus . 137. Lenimentum , & ærumnarum solatium .

F

tium. Amoris pignus. 138. Semel in anno suscipiendum. 138. XCIX. Olim infantibus dabatur. Jejunium sumendum. *ibid.* b. & 140. Cl. a.

Eucharistiæ Sacramentum absque prævia confessione non suscipiendum. 139. c. Publicis peccatoribus non conferendum. *ib.* Sumendum quoties mortis periculum imminet, præsertim ab ægrotis. Ideo viaticum nuncupatur. 141. A mulieribus etiam proxime parituris. *ibid.* CIII. a. Examen tum scientiæ cum morum præmittendum eorum, qui Parochi electi fuerunt. 54. III.

Excommunicationis sententia facile ferenda non est. 172. CXLVIII.

In extremo vitæ articulo poenitentia ab ea debet absolvi. *ibid.*

Exorcistæ munus apud Malabares. 54. IV.

Exorcismus ad expellendos Demones.

Extremæ Unctionis Sacramentum.

Ejus materia. Ab Episcopo benedicitur. Cui conferri debeat.

Ejus Minister. Forma. 175. CLIII.

Est vere Sacramentum. *ibid.* a.

Ejus effectus. Gratiam confert.

Quo tempore suscipiendum, & a quo tantummodo. 176. Ejus institutio. *ibid.* a.

Quomodo conferri debeat. 177. CLIV.

Ejus dignitas & utilitas ægrotis explicanda est. 178. CLV.

Extremæ Unctionis Sacram. carebant Malabarici. 177. a.

Quid ejus loco in usu penes eos esset. *ibid.*

F Amulus nemo non Christianus apud Dominum fidelem. 123. LXXXI.

Feminas Malabarici excludebant a paterna hæreditate. 51. III.

Festi dies a qua præcedentis diei incipiant hora, & sequentis habeant terminum. 415. CX. & a.

Quid statuerit Synodus Diamperitana. 116. CXL.

Festorum Ordo, & Kalendarium. CCVIII.

Fides doctrina. XXI.

Fidei unica a Filio Dei data, & unum Baptisma. 88. XLII.

Fidei professio emittenda ab omnibus tam Synodo præsentibus, quam absentibus. 70.

Fidem quot professi fuerint in Synodo coram Menessio. 46. VIII.

Error enumerationis Gouvez. *ibid.* a.

Fidei professionem emittere debebant omnes qui Synodo interfuerant. 46. IX.

Filius Dei Patri Consubstantialis. 75. XXII.

Spiritus Sancti virtute homo factus in Virgine. *ibid.*

In uno Divino ejus supposito, sive Persona duplex perfecta natura. *ibidem.*

Vere fuit pro nobis passus. Resurrexit. Sedet ad dexteram Dei Patris. 76. XXIII.

Nemo unquam sine ejus fide salutem consequi potuisse. *ib.* XXIV.

Ejus Regnum in Cælis cum Sanctis. 79. XXX.

Ejus passio assidue meditanda. 86.

Filios vendere non licet. 257. CCLIV.

Florentinius laudatur, ejusque mens explicatur. 350. XIX.

For-

Forma . Vide Hostiz .

Frias . Emanuel jussu Joan. III. Lusitaniz Regis Corpus S. Thomæ inquiri . 363. XXXV. Illud invenit Meliapore . 364. Goam tandem transfertur . *ibid.*

G

G Allorum Episcoporum disfidium . 414. CVII.

Gama . Vascus-Dux Lusitanorum primus venit in ora Malabari-
ca . 4. IV. Spontaneam ei offerunt servitutem Malabareses , ut vexationibus Regum Ethnicorum carerent . *ibid.*

Garcia Franciscus Soc. Jesu . 439.

Georgius Archidiaconus a Menessio Vicarius Apostolicus instituitur . 19. I. Consilarii ejus fuere in regenda Diocesi P. Franciscus Roz , & Rector Collegii S. Jesu Vaipicotensis . 20. Eos recusat . *ibid.* II. Professionem Fidei facturum se spondet , sed latente vafritie . *ibid.* Cassanarios , aliosque coegit , a quibus fidelitatem postulat . *ibid.*

Georgius a Menessio anathemate damnatur , ejusque fautores . 35. VIII. Agnoscit Romanam Ecclesiam , & Menessium ut suum Præsulem . 36. II. Causas quarit , ut decadem articulorum a Menessio sibi missam non signet . 38. V.

Veretur animum Menessii . 39. I. Veniam a Menessio petit ad ejus pedes provolutus . 40. I. Ad eum Menessius mittit epistolam pro indictionem Synodi . 59.

Georgii cum Menessio congressus . 26. II. Synodi tempus constituunt , & jurisdictionis termi-

nos mutuo definiunt . 27. Adversatur Menessio , quod Ordinum collationem pro Diocesi , Montensi indixerit . 28. IV.

Georgius Menessii iter ad Malabarios impedire tentat . 21. IV. Apud PP. Minores fidei professionem emittit . *ibid.* A Menessio Cochimum accersitur . *ibidem.* Fidei professionem genibus flexis ante Menessium emittit in Synodo . 72. XXVIII.

Germani ex Aegypto qui Carmam . 237. IV.

Germanicia . 338.

Giannone Petri opinio de judiciis Episcoporum in causis secularium redarguitur . 62. 4. Vide Bohemerus .

Gradus Consanguinitatis , & Affinitatis , qui Matrimonii , aut impediunt contractum , aut nullum efficiunt . 207. CLXXXIX.

Gradus Cognationis Spiritualis , qui . 208. 4.

Gregorius XIII. injungit Mar-Abraham , ut accessum Missionariis Cath. præberet , & ad Synodum Goensem accederet . 15. II.

H

H Aythonus Monachus Brzmonstratensis . 374. LXIV.

Helena Constantini Imper. Mater fortasse Corpus S. Thomæ Edesiam transtulit . 368. XLII.

Helena Reg. Adiabena Judiæ Religionis Profelita . 368. 6.

Henricus Card. Infans Lusitaniz , hujus Regni regimen suscepit pro Rege Sebastiano . 14. V.

Hæreditas Patrum in Filios tam masculos , quam feminas æquis partibus dividenda . 262. CCLXI.

Hesy-

Hesychastæ qui . 381.
 Hieronymus Xavierre Soc. Jesu Indiae Episcopus. Vitam S. Petri, & D. N. Jesu Christi exaravit. 439.
 Hierarchia Ecclesiastica Nestorianorum. 432.
 Hormisdas Abbas. 91. XLV.
 Hostiæ sive formæ. 156. CXXVI. a.

I

I Aballaha Indorum Episcopus, 437. Tres Monachos Cœnobii Sancti Eugenii Episcopos ordinat. *ibid.*
 Jacobitz Episcopi Indorum, Gregorius, Andreas, Basilius, Joannes, & Thomas. 11. 444.
 Jesunii lex, & quomodo servari debeat. 226. CCXI. Quem non obliget. 227. CCXII.
 Jesunia quæ servari præcepto debeant, quæ non. 225. CCX.
 Jesunia penes Nestorianos. 388. a.
 Jejunium quo tempore, & quomodo servandum. 224. CCIX.
 Jesujabus Adiabenus. 433.
 Illegitimis Presbyterorum filiis ministrare permittitur a Synodo. 196. CLXXIII.
 Imagines Sacras venerabantur Nestoriani. 239. a.
 Impedimenta, quæ matrimonium aut dirimunt, aut impediunt, solvit Menessius tradita sibi potestate. 50. I.
 De Incarnatione Christi varis Nestorianorum sentiendi modi. 110. a.
 India divisio. 338. a.
 India priscis notissima 351. Ea triplex est juxta Du-Plessium. 352. XXI.
 Indi apud Romanos erant Populi, de quibus nullam notitiam haberent. 352. XXI. Propterea In-

dorum nomine non vocabantur Parthi Romanis notissimi. *ibid.*
 Indorum Christianorum mores atque disciplina. 393. & seq.
 Indorum ritus atque mores. 386. & seqq.
 Infantium Baptismus non protrahendum. 460.
 Infernus damnatorum locus. 78. XXVIII.
 Joannes Alburquerque Ordinis Scraphici designatus Episcopus Goæ. 11. I. Conciones, & Catecheses habuit, ut Indos ad Rom. Eccl. fidem revocaret. *Ibidem*. Collegium Cranganore erigit. *ibid.*
 Infantes expositi baptizandi. 125. LXXXV.
 Infantes inani natalis diei conjectura relictæ ad interitum. 124. LXXXIII. Mos iste sæculo quinto. *ibid.* a.
 Joannes III. Indiarum Episcopus. 435.
 Joannes IV. 436.
 Joseph a S. Maria Carmelita Disc. Hierapolis Archiep. 141. In Indiam mittitur cum Socio Vincentio Maria a S. Cath. Sedit Cranganore annos tres. Pseudo-Episcopum Thomam reprimat. *ibid.*
 P. Joseph a S. Maria designatus Episcopus Cranganorensis ab Alexandro VII. 425. CXXIII.
 Josephus I. Malabarensium Metropolitæ. 437.
 Italo-Græci Ecclesiastici matrimonium. 409. a.
 Judæorum ritus avertendi. 253. CCLVIII.
 Junabus Metropolitæ. 437.
 Juncon pœna vectigalis. 34. 6. VI.

L

- L** Ampas major, & minor Maronitarum. 221. b.
 Le Brun laudatur. 379. LVIII.
 Vide Renaudotii.
 Leprosi Sacrificium agere non debent. 183. CLXI.
 Liber Baptizatorum in qualibet retinendus Ecclesia. 130. XCII.
 Quomodo adnotandi. 131.
 Liber de Infantia Salvatoris. 108. LXIII.
 Liber, in quo describendi, qui matrimonium contraxerunt; & quomodo; in qualibet Parocchia esse debet. 205. CLXXXVII.
 Libros omnes Syriace scriptos tradi præcipitur ut expurgarentur. 107. LXII.
 Libri Canonici qui. 81. XXXIV.
 Librorum examen, & correctionem Menessius instituit. 36. I.
 Librorum improborum usus prohibetur. 464.
 Libra sive pondus pro mercibus æquale debet esse. 261. CCLX. a.
 Litaniarum usus 236. Earum auctor ante festum Ascensionis. *ibidem* a.
 Lites seculares priscis Ecclesiæ secularis cognoscebant Episcopi. 62. a.
 Liturgia Diodori, & Theodori Nestorianorum. 153. CXXI. a.
 Lusitani quo anno Malabarica ora tenuerint. 4. a.
 Lusitanorum commercium cum Indis primum Cranganore. 37. IV.

M

- M** Aanes Persa, sive Manacavasser Nestorianus, non vero Manichæus, ut Crozzus falso opinatur. 364. a.

Machietta Francisci error corrigitur. 18. a.

Tres Magi cum a S. Thoma baptizati fuerint. 337. III.

Malabarenses plurimis donantur beneficiis a Regibus Ethioopia. 3. III.
 Proceres, quos Naires dicunt, antecellunt. *ib.* Regem sibi constituent. 4. III. Vasco Gama Lusitanicæ Classis Præfecto insignia voluntariæ servitutis tradunt. *ib.* IV.
 Epocam exordiuntur ab Urbe Coulam. *ibid.* V. Ethnicorum Regum sævitie Sacerdotibus carent, unoque tantum Diacono utuntur, qui omnia Ecclesiastica munia obiret. 9. Episcopos petunt ab Ecclesiâ Babylonica. Quinque si fuerint. *ibid.* Nestorianam hæresim ab ea hauriunt. 10.

Malabarenses Christiani Regem sibi constituunt. 4. III. Ejus stirpe extincta jura Regni transiit in Regem de Cochim. *ibid.*

Malabaris descriptio. 2. I. & III. penes Haudrand. 3. a. Ejus nominis Etymon. 2. II.

Moladurti Menessio Ecclesiâ obsecrarunt. 33. §. VI.

Mar-Abraham. Roman venit. 13. IV. Pio IV. se sistit, eumque decipit plura spondens se facturum pro recta fide. Itarum Sacris initiatus, Sacris Insulis decoratur. *ibidem*.

In recessibus montium moratur, ne post fugam in custodiam iterum detrudatur. 15. II. Ne Lusitanorum amicitiam amitteret Spem sollicite petit, ut Synodo III. præfens esset. 35. III. Episcopus subscripsit 30. I. Synodo IV. Gens si ad se noluit. 27. V.

Mar-Gabriel Schismaticus Episcopus Sacra Congregationem de Pro-

- Propaganda Fide eludere tentat. 445.
- Mar-Joseph privata catechesi Lusitanos pueros Nestorianam hæresim docet. 12. III. Fallit probitatis specie Reg. anam Lusitaniæ. 13. In Indiam revertitur commendatitiis Reginæ literis. *ibid.*
- Mar-Josephus II. 437.
- Mar-Simeon, successor designatus
- Mar-Abraham a Patriarcha Babylonico. 16. IV. Schisma inter Malabaricos, quorum alii Simeonis, alii Abrahæ partes suscipiunt. *ibid.* Protectione Reginæ Piperis in Carturtem concedit. *ibid.* A cunctis Ecclesiis ditionis ejus Reginæ tumquam Episcopus agnoscitur. *ib.*
- Mar-Simeon adnitente Rege de Cochim in vincula conicitur. Urbem petere statuit suasionibus Fratrum Ord. S. Francisci. Romam venit sedente Sixto V. Summo Pontifice. Detegitur Nestorianus, & nulla ratione Episcopus. 16. IV. Sententiam in eum latam desert ipse ad Philippum II. Hispaniar. & Lusitaniæ Regem. 17.
- Mar-Audixio, sive Abd-Jesus Romæ Fidei professionem emit. 12. 6.
- Mar-Xabro, & Mar-Prodh. facultatem obtineant constituendi Ecclesias Coulani. 8. IV. 434. & 435.
- Maria Virgo Mater Dei, absque dolore Filium Dei peperit. 76. XXIII. Misericordix Mater, & Advocata nostra. 86. XLI. Semper Virgo, & in Cælum corpore assumpta. 87.
- Matrimonium a Christo D. Sacramentum effectum est. Confert gratiam. Duplex ejus finis.
- Triabona præsert. Licite contrahitur etiam ab infocundis ob ætatem. 201. & 202. Quid significet. Perficitur mutuo consensu. 200. CLXXXIII. 2.
- Matrimonium in faciem Ecclesiæ celebrandum. 202. CLXXXIV. Clandestinum semper abhorruit Ecclesia. *ibid.* 2. Sine Testium præsentia est nullum. Contrahi debet verbis mutuum consensum exprimentibus. 203. CLXXXV.
- Matrimonium digne suscipiendum: ideo Contrahentes prius Confessionem emittere debent, & Eucharistiam suscipere. 206. CLXXXVIII. 2.
- Matrimonium Christianos non licet contrahere Ethnicorum more. 212. CXCIV.
- Matrimonium contrahentes quibus de causis possunt separari, illius vinculo non soluti. 212 CXCIV. Dos non soluta an sit, justa causa separationis? *ibid.* 6.
- Menessius officiose erga Mar-Abraham, & ejus Archidiaconum se gerit. 18. Hortatur Jacobum, ut Archiepiscopo Angamallensi obedientiam præstet. *ibid.* A Porcano Rege invistitur. 27. III. Vaipicotam pervenit. Concionem habet ad Populum Pontificalibus indutus. 23. Humaniter Georgium excipit. Anathemate pereunt omnes, qui inter Divina officia Patriarcham Babylonicum nominaret. *ibid.* In Paru contendit. 24.
- Menessii constantia 28. V. Ejus humilitas. 29. Ordines confert Diampèr invito Oppidi Præfecto. 29. Pascha, & Majorem hebdomadam celebrat Carturte. *ibid.* VI.
- Menessius. Epistolam Clem. VIII. V u u a acce-

acceptit Diamper. 30. VI. Quo anno signata fuerit. *ibid.* a. Præcepto Regina Piperis ab sui Regni finibus discedere iussus. 31. I. Decretum illa revocat. 32. I. Menessius. Venit in Nagpili. 33. VI. Diamper recedit. 34. §. VII. Cochim temigrat. 37. Cranganorem contendit. *ibid.* IV. Synodi locum designat. 40. II. Dispositis rebus ad Synodum, Vaipicota, proficiscitur Cranganorem. 41. IV. Menessii literæ ad Georgium. 35. II. Ejus auctoritas apud Reges. 38. V. Cum Rege Cranganoris conqueritur, quod male apud ipsum Christianorum res agerentur. *ibid.* IV. In Parù com meat aras Ecclesiarum consecraturus. 41. IV. Quinquaginta ibi Sacris Mysteriis addicit post promissam Rom. Sedi obedientiam. *ib.* Sacerdotibus Malabaricis versionem eorum, quæ in Synodo statuerat aperienda committit. *ibidem* V. Diamper iterum venit, ut Porcani Regis Incolas venientes ad Synodum suscipiat. 44. V. Synodum coegit jussu Clementis VIII. 43. III. Primus omnium, qui aderant Synodo Fide professionem emittit. 44. IV. Gœam regreditur post visitationem Angamallensis Diœcesis. 58. V. Typographiam Chaldaice lingue illi mittit Clemens VIII. *ibid.* Menessius publica lætitia Populorum suscipitur in Ecclesiarum visitatione. 56. I. Manus imponebat super ægros & senes recitatis Evangelis. 57. IV. Cum P. Roz, & Georgio Archid. convenit quotidie pro revocandis hominibus a malis moribus. 57. III.

Menessius certos redditus dum vitam ageret pro Cassanariis, & novis Parochis instituendis designavit. 50. I. Pluribus donat Vicarios ad suas Parœcias proficiscentes. 55. V. Adloquitur in fine Synodi designatos Pastores. 267. Sacramenta ministrat. 56. II. Nairum, ac Bracmanum oblationem increpat. *ibid.* Merati. P. Cajetani M. Cleric Reg. lapsus detegitur, & corrigitur. 407. a. Metropoli Indix a quo designabatur. 424. CXXII. Angamale Sedem constituebat. *ibid.* Miraculum. 33. V. Miraculum Sancti Thomæ Apostoli. 383. LXIII. Missæ Sacrificium. Eo redditur Deus propitius, & peccatorum remissio consequitur. 145. CVII. Offeritur etiam pro defunctis. *ib.* Missæ varia nomina. 145. a. Soli offeritur Deo in memoriam Sanctorum. 144. In ea Sanctorum memoria commendatur ex Apostolica traditione. *ibid.* d. Missa quando audienda. 159. Defunctorum Animabus prædest quam maxime. Pro vivis, & Defunctis instituta. 160. CXXXIV. Admonetur Populus. ad banc operam cum illis, cum sibi, ferendam. 151. Summa pro celebratione Missarum ab asse hæredis desumenda antequam ad ejus manus perveniat. Missarum celebratio natali die Domini N. Jesu Christi, quo tempore, & quomodo. 334. CCXXI. a. Missam exotica lingua celebrari concessit Hadrianus II., Jo: VIII., & Innoc. IV. 154. b. Missæ Malabarensium plures errores corriguntur. 146. & seqq. Mira-

INDEX RERUM, 225

Miracula, quæ de S. Thoma nar-
rantur. 377.

Monachorum, & Monialium in
Oriente communes ædes. 389. b.

Monachismus defenditur adversus
Crozzum. 418. & seqq. Vide
etiam notas. In Oriente pluri-
mum floruit. *ibid.*

Montfauconius laudatur. 381. LXI.

Moretus Petrus. laudatur. 70. a.

Mulieres non arcendæ a Sacramen-
tis, & Ecclesiarum accessu ex
causa menstruæ purgationis. 462.

Musici Pagani ab Ecclesia remo-
movendi. 160. CXXXIII. Hi-
striones etiam, & Mimi. *ibid.* a.

N

N Aires tria hominum gene-
ra. 52. III. Naires tantum-
modo, militiæ student. *ibid.* Eo-
rum quindecim alia genera. *ib.* a.
Naires quomodo ad fidem allicien-
di; quid ne ob ignobilium conta-
ctu ab ea recederent decreverit
Synodus. 244. CCXXXVI. a.

Nercha quid. 226. b.

Nestorius Assecla Diodori, ac
Theodori Mopsuesteni. 36. b.

Nestorius in Sede Cpana succedit
S. Jo. Chrysostomo. 9. Ejus hæ-
resis capita. *ibid.*

Nomina alia non imponenda pue-
ris, nisi quæ Baptismate susce-
perunt. 129. LXXXIX. a.

Nomina Sanctorum veteris Testa-
menti non imponenda, sed no-
vi. 128. LXXXVIII.

Nestorianorum Liturgiæ. 286. &
sequent.

Nuptiæ quo tempore celebrari pos-
sint. 210. CXCII. a. Et a contra-
hentibus connubia qua ætate.
211. CXCIII. & 214. CXCVIII. a.

Secundæ Nuptiæ nulla lege prohi-

bentur. Ecclesia tamquam hære-
ticos eos habet, qui illas dam-
nant velut illicitas. 201.

Secundæ Nuptiæ incontinentiæ ar-
gumentum. 204. a.

De Noroña - Antonius Præf. Mili-
tiæ Cochimensis sub fide sua
Menessio accipit Christianos, Ma-
labarenfes. 46. IX.

O

O Bstetrices Christianæ. 122.
Examen subire debent pro
munere obeundo. 122. b.

B. Odoricus Ord. Min. 384. LXIV.

Œconomi Eccl. 227. CCXXVI. a.

Quatuor instituuntur in qualibet
Ecclesia, quibus ejus res com-
mendarentur. 51. II.

Œconomi Ecclesiarum latis suffra-
giis eliguntur. 57. III. Iis tradi-
tur numerata pecunia inventa in
arca cujuslibet Ecclesiæ. 77. III.

Officii Divini onus ad primævâ
Ecclesiæ tempora referendum.
185. a. Laici etiam illud absolve-
re debebant. *ibid.*

Officium Divinum integre persol-
vendum. Domi supplendum,
quod de illo prætermisum est in
Choro. 184. CLXIII. & 185.

Officium, siue preces horariæ B.V.
nulla vernacula lingua dici pos-
sunt, aut vendi. 417. & *ibid.* a.

S. Officii Inquisitionis origo, &
institutio. 112. a.

Oleum Sacrum infirmorum apud
Nestorianos Malabarenfes. 221. a.

Olei Sacri usus in Sacramentis.
126. LXXXVI. Crozzus male
Romanæ Ecclesiæ inventum esse
calumniatur. *ibid.* b.

Olea omnia, demto Chrismate con-
secrant Presbyteri Græci. 421. a.

Ollæ quid apud Indos. 4. a.

V u u 3

Ona

526 INDEX RERUM.

Ona festum Gentilium . 251.
CCXLIV.

Oratio fidelium quibus tantummodo neganda est . 246. CCXXXIX.

Orare pro Gentilibus & excommunicatis extra publicas preces debemus . 406. XCVI.

Orare non licet pro Excommunicatis . 89.

Orationes publicæ, & domesticæ qua lingua fieri debeant . 417.

Orbis divisio ex S. Epiphanio . 348. XVII.

Ordinis Sacramentum . A Christo Domino institutum . Ejus materia . Forma . Minister . Maxime necessarium Ecclesiæ . 179. CLVII. Ejus potestas duplex . 180. Per minores gradus ad illud accedere opus est . 180. CLVIII.

In Ordinationibus Sacris per plura secula instrumenta tradita non fuisse iis , qui sacros Ordines suscipiebant . 15. a.

Ordines nulli conferendi , quin prius de Viri honestate ; & doctrina constiterit . 181. CLIX. Quo ætatis anno suscipiendi . *ib.* & 182.

Originale peccatum negant Nestoriani in pueris præsertim Christianorum filiis . 119. a.

P

P Agani unde dicti . 393. a.

Paræciæ, sive Parochiæ unde nomen . 219. a.

Paræciarum distributio atque divisio . 216. CC. Quid præcis Ecclesiæ temporibus . *ibid.* a. Ad Episcopum pertinet . 217. CCI.

Parreis auxilium præstandum in infirmitate Sacramentorum pabulo . 463.

Patresfamilias curare debent suo-

rum salutem æternam . 256. CCLIII.

Patrinorum assistentia vetustissima . 127. LXXXVII. Eorum cognatio spiritualis inter se ; & cum suscipiente Sacramentum , ejusque Parentibus . *ibid.*

Patrinorum cognatio nulla apud Nestorianos . 127. b.

Personarum genera apud Indos . 385. LXVI.

Petavius Dionysius laudatur . 348. XVII.

Piper gignitur in Male . 381.

Pœnitentiæ Sacramentum . Ejus materia actus pœnitentis . Quinam , & quid contineant . 162. CXXXV. Quæ materia proxima , quæ remota . *ibid.* a. Peccata singillatim aperiri debent : & circumstantiæ aggravantes in Confessione . Ea Divino jure nobis injecta sunt . *ibid.*

Pœnitentiæ Minister . Forma , cujus prolatione peccata delentur . 163. & 164. Effectus . Unicum remedium lapsis post Baptismum . *ibidem* .

Pœnitentiæ Sacramentum , quod abhorrebant Indi , maxime fidelibus necessarium agnoscunt . 56. a.

Pœnitentiæ Sacramentum non agnoscebant Christiani Indi nec ad S. Synaxim cum accederent . 48. III.

Poligamia prohibetur . 213. CXCVI. Eam abhorrent Bracmanes . *ibidem* . b.

Pollutio Templorum quomodo contingat . 240. CCXXX. b.

Pœnæ genus circumpositis ramis . 29.

Porcanus Rex Idolorum cultum præ aliis affectat , quæ ad non-genta sunt usque . 27. a.

Presbyteris post Sacros Ordines numquam Ecclesia uxorem ducere

cere permittit . 193.
 Procuratores quatuor ab unoquo-
 que Oppido designantur ad Syn-
 nodum Diamperitanum . 41. III.
 Proventus congrui assignantur Vi-
 cario , & Cassanariis cujuslibet
 Ecclesiæ . 57. III.
 Publica supplicatio post Synodum .
 54. II.
 Purgatorii pœnæ ; quæ ad tempus .
 78. XXVII.
 Pueri quando baptizandi . 120.
 LXXVI. Per plures annos Ba-
 ptismate carebant ab excommu-
 nicatis orti parentibus . 121.
 LXXVII.
 Pulleyar , sive Pullejar Idolum .
 Vide Tally.

R

R Aphael de Figueudo Indus ,
 Episcopus Indorum Catho-
 licus . 444.
 Regina Piperis . 16. IV. Meneffium
 e suis finibus Regni discedere
 jubet . 31. I. Decretum revocat .
ibidem .
 Rei experimentum ad crimen di-
 luendum culpa non vacat . 259.
 CCLVII. a.
 Reliquiæ Sanctorum dicebantur
 Brandea , seu quæ Corpus San-
 ctorum tetigerant . 372. a. Mos
 erat antiquitus reliquias ab ipsis
 Corporibus sumere , & alibi
 transferre . 373. & seqq.
 Reliquiæ S. Thomæ Calaminæ in-
 ventæ . 342. IX. Edessam in in-
 sulam Chio translata , inde Or-
 tonam . 369. XLIV. Earum in-
 ventiones recensentur . 370.
 XLVII. Eas concedit Lusitanis
 Rex Cochimensis . 371. XLVIII.
 Renaudotii & Le Brun sententia
 quoad consecrationem . 137. a.

Reservatio peccatorum qua de cau-
 sa ab Ecclesia in usum recepta .
 170. CXLVI.
 Ribeiro. Joannes Soc. Jesu . Epis-
 copus Malabaren , male habetur
 ab Indis . 446. & 447. Supplicem
 libellum mittunt una cum Schif-
 maticis Summo Pontifici . *ibid* .
 Romana Ecclesia , Catholica , Ca-
 put , & Mater ceterarum . 80.
 XXXIII. a.
 Romanus Pontifex Ecclesiæ Caput,
 S. Petri Successor . 88. XLIII.
 Roz P. Franciscus Soc. Jesu a Me-
 nessio designatur Gubernator , &
 Vicarius Apostolicus Angama-
 lensis Ecclesiæ , cujus postea fuit
 Episcopus . 19. I. Linguam Ma-
 labaricam , ac Syriacam calle-
 bat . *ibid* . Concionem habet Ma-
 labarice initio Syn. Diamp. 43. II.

S

S Acramentorum numerus , &
 Sacramentaria . 402. LXXXIX.
 Sacramenta quo ritu , quibusve in-
 dumentis ministrari debeant .
 235. CCXXII.
 Sacramenta Confirmationis , Un-
 ctionis Extremæ , & Pœnitentiæ
 noverant olim Malabarici . 401.
 LXXXVIII.
 Sacramentorum numerus Septena-
 rius . 114. LXX. A Nestorianis
 agnoscitur . *ibid* .
 Sacramentalia in Baptismate non
 omittenda . 460.
 Sanctorum Regnum cum Christo .
 79. XXX. Eorum cultus . *ibid* .
 XXXI. a.
 Scholarum erectio ab Ecclesiæ pri-
 mordiiis . 10. a.
 Senibus pro labore impenso locus
 decentior sepulturæ a Meneff-
 sio attribuitur . 48. II.

Senes

Species Montenses Menessius consuliit in Synodo ad mores Regionum reformandos . 48. II.

Simonia damnatur a Synodo sicut a tota Catholica Ecclesia . 196. CLXXIX. & 197. 4. Ut ea omnino tolleretur Populum hortatur Synodus , & ut certam summam constitueret pro Ministrorum Ecclesiarum sustentatione . 198. CLXXX. & 199. CLXXXI.

Smidæus . Vide **Asmedeus** .

Socratis locus de Nicæno Concilio explicatur . 409. CI. & seq.

Spiritus Sanctus a Patre , & Filio tamquam ab uno principio unica spiratione procedit . 75. XXI.

Superstitiones vitæ de . 248. CCXLII & seqq.

Supplicationes publicæ quando fieri debeant . 336.

Synodus IV. Goensis . 17. V.

Synodus Goensis prohibuit subcommunicationis pena matrimonia ab illis iniri , qui in Sacris constituti fuerant . 50. I. Eidem **Mar-Abraham** subscripsit . *ibid.*

Synodus tertia Goensis a quo indicata . 15. III. Cavet , ne ullus ex Armenis , aut Chaldæis Episcopus accederet ad moderandam Ecclesiam Montensem . 17. 2. Ad Ormusium propterea exploratores mittuntur , ne clanculum aliquis eo veniret . VI.

Synodi Diamper. epistola ad Episcopos de Cochim . 281.

Synodi pars aliqua Dominicis , aliisque festis diebus Populo legenda . 266.

Synodus Diamper. obedientiam jurat Romano Pontif. 110. Concilia omnia recipit . *ibid.* LXVI. Sanctæ Inquisitionis Tribunal agnoscit . 12. LXVIII. Indicitur per

Epistolam missam a **Menessio** ad **Georgium Diaconum** . 59.

T

T Abernæ , in quibus venditur Orraca , prohibentur . 261. CCLIX. 4.

Tally aurea tessera nuptialis . 461. **Pulleyaris** , sive **Pyllejaris** Idoli nuptialis imaginem exhibet . *ib.*

Tartari Indiam inyadunt . 383. LXIII.

Temperantiam servare debent Sacerdotes . 189. CLXIX.

Testamentorum executio ad quem pertineat jure Canonico . 246. CCXXXVIII.

Theodorus Mopsuestenus plures canonicos libros utriusque Testamenti rejecit . 81. b. Cur a Patribus non fuerit damnatus . 399. 4.

Lex Theodosii de non distrabendis Martyrum Corporibus . 375. 4.

S. Thomas Apostolus quas regiones lustraverit . b. II. Indos ad fidem convertit . *ibid.* **Meliapore** Martyrium patitur fraude **Bracmanum** . 7. II. Quo anno id contigerit . *ibid.* c. Obiit Anno Christi 73. 7. 4. Ejus corpus **Meliapore** repperit . *ibid.* Defertur primo **Edeßam** , inde **Chium** , postremo **Oranam** in **Apulia** . *ib.*

S. Thomas quas Nationes , & Gentes lustraverit , vide **Dissertat. I.** an. I. ad III. Nihil certius apud Patres quam ejus Evangelica prædicatio apud Indos . 342. IX. **Sinenses** Evangelium docuit . 342. X. & XI. Etiam **Tartaros** . *ibid.* Fortasse & in **Americam Meridionalem** venit ad fidem promulgandam . 345. XII.

S. Thomæ Corpus quievit **Edeßæ** **Meso**

- Mesopotamiæ . 346. Non tamen integrum . *ibid.* & 360. XXXIX. Quo tempore translatus ex India in eam Urbem . 366. XL. 367. XLI. Hasta transfusus a quodam Bracmane, sive gladio ab Idolorum Pontifice . 361.
- S. Thomæ Corpus a quo fuerit inventum. Vide Frias. Emmanuel. De loco Martyrii, & Sepulchri S. Thomæ inter scriptores dissentio . 361. XXXII. Facile tamen difficultas dissolvitur . *ibid.* Calaminæ fuit . 362. XXXIII. Non Calamone in Arabia ut opinatur Tillemontius . 363. XXXIV. Ejus Sepulchri alia monumenta in suburbano colle Meliaporis . 364. XXXVI. Ubi miraculis claret . 365. XXXVIII. Reliquiæ quot in Locis venerationem habeant . 360. XL.
- S. Thomæ miraculum quotannis . A veritati innitatur . *ibid.* Et cit. loc.
- S. Thomæ Crux sudore manat . 364. XXXVI. Ejus Caput Cpolim translatus . 376. LV.
- Thomas Cana, sive Mar-Thomas, carus Regibus Ethnicis Christianos fugientes e Meliapore tueretur . 8. III. Num Armenus fuerit . *ibid.* a.
- Thomas a Campo Schismate Malabarensium Episcopus a Cassanariis ordinatur . 425. CXXIII.
- Thomas Cana Aramaeus idem qui Episcopus Indorum . 434.
- Thomas de Campo Pseudo-Episcopus Schismaticus . 442. Frustra ejus ordinationem defendere conatur Crozzus.
- Tibicines Christiani operam suam locare non debent in Pagodis, & Idolorum festivitibus . 463.
- Toscano P. Antonius Soc. Jesu . lingua Malabarica concionem habuit Carturte feria V. maj. hebdomadæ . 32.
- Tournon . Carolus Thomas S.R.E. Card. 458. Ejus decretum ad Missionarios de ritibus Sinensibus . 459.
- Travancoridis Rex arcem munitissimam construit Coulani adversus Lusitanos . 5. VI.
- Treptia, sive Tertia uxor Smidæi Regis Indorum, a S. Thoma ad fidem conversa . 361.

V

- V Artomanus . Ludovicus . 388. LXX.
- Vascus Gama . Vide Gama .
- Venefici fugiendi . 254. CCXLIX.
- Vendere juvenes, etiam non Christianos Infidelibus vetitum . 124. LXXXII.
- Vestes & earum color inter Clericos eadem, ac Sæcularium penes Orientales . 389. a.
- Vicario & Cassanariis cujuslibet Ecclesiæ census assignatur . 57. III.
- Unio naturarum in Christo . 105. c. 106. a.
- Usuræ accipi non debent ex mutuo . 254. CCL.

X

- X Aran Perumal Malabaris Imperator, superior aliis ejus Regionibus Principibus . 3. III.

F I N I S.

BIBLIOTECA DE MONTSERRAT



13020100003063



BIBLIOTECA
DE
MONTSERRAT

Armari *LXXXVIII*^B
Prestatge *4*^{*}
Número *71*



